



M

14-1, 9, 10

5 40

90

20


6.70

173



CAROLI
SCRIBANI
E SOCIETATE
IESV


POLITICO-CHRISTIANVS,
*recens in Galliis in lucem emissus,
cum Indice vberissimo.*



...LVGDVNI,
Sumptibus Michaelis Cheualieris

M. DC. XXV.
Superiorum permissu, & privilegio.







LECTORI MEO

BIBLIOTECA NAZ.
ROMA
VITTORIO EMANUELE



SCIO verum illud Velleij:
Familiale est hominibus omnia sibi ignoscere, nihil aliis remittere, & inuidiam rerum non ad causam, sed ad voluntatem personarumque dirigere. At ego cum nihil in hoc volumine mihi ignoscam, exorabilis omnibus, soli inexorabilis mihi, aliquid à te donari mihi velim, vt, cum re non probaueris, conatum nō damnes. Laudem nō exspecto. sed nec vlla me in omni scriptione, aut auaritia glorię, aut famę cupiditas tetigit: nec recte aut dicti, aut facti, mercedem in aliorum sermone aut fama, sed in animo hoc reposui. Non deerunt fors, qui ad libri huius nomen magna sperabunt. frustrabitur illos lectio: vt verum etiam hinc vetus illud, Audita visis laudamus lubentius: & lecta, non raro inuidiā; audita, maximē si peregrina, aut ab ignotis nata, veneratione prosequimur. illis, quasi à propinquis aut notis, instrui dolemus; his ignoscimus, & demittimus in pectus non

reluctantes. Ut proinde vota mea , Lector, expleueris , si aut ignoueris non vno loco labanti, aut manum porrexeris, & aberrantem à via, amico verbo aut manu reduxeris. Non mererer doceri, si venissem docere. veni discere. & , vt ille picturâ suâ tectus , tacitus monitores amabat, monita venerabatur : ita ego hoc libro. nisi quòd ille imperitorû tandem impatiens , exsurrexerit in indignationem futoris supra crepidam ; ego etiam admittâ omnes, vt ab omnibus apud more profutura legam, nocitura pellam ; aut non tangam. Neque quisquam adhuc eâ ingenij magnitudine fuit, qui nō aliquid etiam à rustica stitua discat ; nec erubuit à puero discere Philosophus. Tantum monitum te, Lector, volo, me hunc Politico-Christianum manumittere, non politicum tantum ; sed virum in omni hominum genere fide, pietate , moribus Christianum. Et nefas sanè à Religioso calamo alia quàm religiosa , & placitura Deo profluere. Animus sanè fuit ad virtutem ducere, à vitiis deducere : à noxiis dehortari , ad profutura impellere , & vbique felici aternitati præludere. an consecutus sim, nescio: voluntatis tamen fuit meæ. Hanc si rebus ascripseris , ad maiora animos addes. Quòd si monitione interim quidquã dignum deprehenderis, inter nō postrema beneficia adnumerabo. Moneo
tamen

tamē ne speciosa hīc dictū, sed v̄su necessaria
quæras. sed neque dictionis elegantia latè fu-
sam. pressius & adstrictius potius, quàm hila-
rius & exultatiùs scripsi: nec iubæ me aut cin-
cinni delectant, sed ossa & nerui. Ne exspecta
proinde venustatē, rosas, lilia, violas, & inter-
ludentes his gemmas & aurū: rudia magis, &
tanquā à laureato aratro, quæ virū suum lo-
quantur, & extritas manus, quæque plus lar-
giantur quàm promittant. nescit hic c. namus
feminā: nec alio odore quàm virili pascitur.
Ignosce. Nō ignoro tamē, in omni hoc opere
ambulare me per dolosos cineribus insēpul-
tos ignes. Nā præscribere qualis esse quisque
debeat, nescio periculi an audaciæ maioris. in
Principe verò, superbū etiā videtur: in militiæ
Duce, fatuū. Bonos tamē Principes, virósque
bello aut togâ claros, tanquā in speculo po-
steritati prospectandos proponere: vtilitatis
habet plurimū, arrogantia & audaciæ nihil.
Sed tamē cū scribā his moribus, quibus plura
longè dānanda, quàm laudanda veniūt, gra-
uiores merito offēsas, leuiiores gratias spero.
Quid faciā? laudabo dānanda? non didici. dā-
nabo? ^{scilicet}leuior audiā. quin adeò licet supra fidē
& merita laudauero, ac infra hæc dānauero:
nunquā vota & expectationem expleuero.
quanquā ad hæc maioraque ferēda, animorū
& ætatis sat afferam. Nec adeò recuso audire

malè, dum religioni & patriæ cōfūlo. Sed hīc
audio amicum infusurrantem, Ignoras altis
abrupta dependere? Scio & illud, Tutius per
plana iter esse. sed in his, non labentibus laus
nulla; in illis, nonnulla etiam lapsis. Nō quòd
hanc aut quæsierim, aut sperem: neque enim
vnquam famæ, aut gloriæ scripsi. prodesse
sempervolui. Verùm, cur in re tam ancipiti?
maior semper fructus è magnis & audaci-
bus. nam è multorum calamis iam tritis quid
sperem? Et non verum illud Plinij? *Nequa-*
quam par gubernatoris est virtus, cū placido, &
cū turbato mari vehitur. Tūc, admirante nullo,
illaudatus & inglorius subit portum. at cū stri-
dent funes, curuatur arbor, gubernacula gemunt,
tunc ille clarus, & diis maris simillimus. Nec
ego hīc me statuo inter fluctuum peritos:
delector tamen audentibus, & delectat sequi,
licet assequi desperē. Pergit amicus: Nō vere-
ris ne in te insurgāt, quotquot ex alieno lau-
dem quærunt? Vetera hæc sunt. & notū nimis
illud, Scripta doctè & prudenter, potentior
sæpè æmulatio, & arma discutiunt. & quia
successerunt hæc semel audentibus, nun-
quam qui imitentur decerunt: neque enim
audacia moderationem inuenit, non magis
quàm felix temeritas frænum. Quamuis &
hīc verum, quod de Antonio pro Cicerone
Velleius: *Famam gloriámque factorum, ac di-*
etorum

Elorum adeò non abstulisti, ut auxeris. omnis posteritas illius in te scripta mirabitur, tuum in eum factum execrabitur. Quare nihil est quòd admodum verear aut Antonij secures; aut Ciceronis exitum, si Deo, si salutì meæ, & patriæ. Nam ut scripta mea placeant omnibus, fatuus sum si sperem: ut verò quæ suggero consilia, omnibus probentur, par fatuitatis genus est. cum ferè ita comparatum sit, ut consilia, prout malè aut prosperè cadunt, sic vel probentur, vel reprehendantur: unde fit ut eadem modò prudentiæ, modò stultitiæ nomen accipiant. Quid agas in hac iudiciorum scabie? feret vir prudens, & scriptoris suæ fructum, conscientiam suam, non iudicantiũ prurigne metietur. Nam, quod in beneficiis usu venit, ut, nisi novis semper vetera cumules, licet plurimis obstrinxeris, si vnum negaveris, hoc solum meminerint quod negatum est: hoc in scriptionibus magis etiam elucet, ut, quamvis plurima probatissima dederis, in vno si displicueris, omnium patiaris ora & calamòs; atque exinde bene ac doctè scriptorum memoria nullas delicti vnius, æterna sit. Iam in tanta iudiciorum diuersitate; quis placeat omnibus? nec ipse magnus Deus. Et quis fuit Scriptorum vnquam, in quo non multi, ut parcissimè loquar, multa desiderarent? & in quo licet probarent plurima, non

damnarent aliqua? Æmulor veteres, non nego. magni mihi Tertullianus, Arnobius, Cyprianus, Augustinus, gente Afri, calamo Romani, magni Ambrosius, Leo, Minutius, verè Romani. nec Dalmata Hieronymus, Romanis minor. magni etiam olim Cicero, Sallustius, Tacitus, Plinius vterque, Liuius, Seneca. Hos æmulor, quantum ingeniorum diuersitas, maximorum & minimorum permittit. cum his damnari adeo non erubescā, vt in laude etiam ponam. sed & infra illos multis passuum millibus licet ferar, satis mihi ad laudem vel luminis horum vmbra fuisse. Iam cum illi magni calamos repere- rint morosiores, quid mihi promittam magna? Audio in illis: *Lapsus est. non vidit. aliquid hic desidero prudentia. plus moderationis & benignitatis: fellis parum, mellis plurimum. Quò tam densè res mutuo implexa, tanquam densi nemoris rami, copiā ipsā sibi graues? quò lenocinia verborum, & luxurians dictio? quò latè sparsa, quò retractior? O nimis torosa, grandis, adipata, ludibunda; imbellis, tenuis, macra, seria. nimis ardens, mordens, insurgens, cōquisita; frigida, languens, serpens, vulgaris. nimis Afrā, nimis Romana, & ad fastidium religiosa. nimis veteris æui, nimis recentioris! Quis prudens materiam hanc deligat? infelix in delectu. Quò viro Religioso res non sacra? quò res aliena toge, messis, arca? quò tanti*

*tanti in aduersarios aculei? quò verborũ fulmina
& tonitrua? quò perpetuis securibus accinctus ser-
mo? quò nihil aduersario ignoscens? Et his simi-
lia sexcenta. quis credat? Quo magis paran-
dus híc mihi animus ad superciliosarũ fron-
tium arbitria Catniana.& iam paraui,vt cum
Plinio, sinisteritatis aut malignitatis famam
perferam. Non quòd verear animum qui
mihi,vt in omni alia, sic in hac scripture bo-
nus;quo fit,vt nullam posteritatis memoriam
reformidem, qui culpæ mihi nullius conscius
sim. Sed cùm Lector multa desiderauerit,
meminerit non defuisse, qui etiam in magnis
vota sua spargerent.meminerit etiam,magna
me híc non dedisse, & quæ victura sponde-
rem; sed rudia & nascentibus similia, quæ
amicam obstetricantem manum deposce-
rent.quam ego si in Lectore meo consecutus
fuero,memoriâ beneficium colam æternâ.*

Approbatio Cenforis.

Libri hi duo, quibus titulus, Institutio Politico-Christiana, compositi à R. P. Carolo Scribani Societatis IESV Presbytero, quia omnium hominum regimen ac moderamen concernunt, quo tam iuxta Christiani hominis, quàm officij sui debitum quisque vivat, ad serviendum Deo in sanctitate & iustitia omnibus diebus vite sue iure merito, tanquam vite Politico-Christiane exemplar, lucem adspicient. Datum Bruxelle 11. May, anno 1623.

Henricus Smeyers S. Theolog. Licent. Scholasticus Bruxellensis, librorum Cenfor.

CONSENSVS.

CAROLI SCRIBANI è Societate IESV Politico-Christianum libris duobus comprehensum, vnâque Epistolam Lectori suo dicatam typis mandari, ac in lucem mitti à MICHAELE CHEVALIER Bibliopola Lugdunensi, ego Consiliarius & Procurator Regius consentio. Lugduni die 7. Ianuarij 1625.

P V G E T.

P E R M I S S I O.

CAROLI SCRIBANI Societatis IESV Religiosi Institutionem, Politico-Christianam typis mandari per MICHAELEM CHEVALIER Bibliopolam Lugdunensem, concedimus Procuratoris


toris Regij consensu inspecto ; & ne quis præter eundem CHEVALIER, editionem eiusdem operis faciat in Ciuitate Lugdunensi vetamus. Datum Lugduni die 8. Ianuarij. 1625.

D V SAVZEY.

*Facultas R. P. Prouincialis Societatis IESV, in
Prouincia Lugdunensi.*

EGO IOANNES FORERIVS, Societatis IESV in Prouincia Lugdunensi Præpositus Prouincialis: Opus quod inscribitur, *Institutio Politico-christiana*, Authore R. P. CAROLO SCRIBANI, iuxta Priuilegium eidem Societati à Regibus Christianissimis HENRICO III. 10. Maij, 1583. HENRICO IV. 20. Decembris, 1606. & LVDOVICO XIII. nunc regnante, 14. Februarij, 1611. concessum, quo Bibliopolis omnibus prohibetur, ne libros ab hominibus nostræ Societatis compositos absque Superiorum eius permissione imprimant, permitto MICHAELI CHEVALIER Lugdunensi Bibliopolæ, vt ad sex proximos annos imprimere, ac liberè diuendere possit. Datum Lugduni, die 25. Ianuarij 1625.

F O R E R I V S.



SERIES CAPITVM

LIBRI PRIMĪ.

Cap. I.	<i>Quæ vita ratio instituenda?</i>	pag. 1.
II.	<i>Quæ ratio seruanda in sociorum delectu & contubernio?</i>	2
III.	<i>Quo modo amici paradi, fouendi, noscendi?</i>	27
IV.	<i>Quæ ratio in matrimonio tenenda?</i>	55
V.	<i>Quæ in filiorum educatione ratio tenenda?</i>	70
VI.	<i>Quæ vitæ ratio instituenda Superiori?</i>	101
VII.	<i>Quæ ratio oenenda inferiori in Superiore?</i>	117
VIII.	<i>Quæ vitæ ratio tenenda in tractando conciliandoque populo?</i>	137
IX.	<i>Quomodo se habebit, qui in iudicem & consilium à Principibus adlectus est?</i>	143
X.	<i>Quæ vita instituenda viro nobili?</i>	154
XI.	<i>Quæ vitæ ratio in aula tenenda?</i>	163
XII.	<i>Quid faciendum iis qui adlecti sunt in Principum familiaritatem?</i>	182
XIII.	<i>An simulatione aliquando vtendum?</i>	193
XIV.	<i>De studijs, & scriptione.</i>	204
XV.	<i>De vestitu, qualis esse debeat.</i>	225
XVI.	<i>Quis modus in secundis, quis in aduersis tenendus?</i>	240
XVII.	<i>Quis modus tenendus in detractiōibus, & accepta iniuria?</i>	246
XVIII.	<i>Quid faciendum in adulationibus?</i>	254
	<i>Quis</i>	

INDEX CAPITVM.

XIX.	<i>Quis modus tenendus in opibus?</i>	263
XX.	<i>Quid faciendum in paupertate?</i>	268
XXI.	<i>Quis in honoribus consequendis ac tutandis modus tenendus?</i>	283
XXII.	<i>Quid faciendum in arduis, & rerum delibera- tionibus?</i>	299
XXIII.	<i>Qua vita ratio tenenda in militia?</i>	307
XXIV.	<i>Quid faciendum militia Duci?</i>	314
XXV.	<i>Quibus modis milites à Duce monendi, ani- mandi, terrendi?</i>	369
XXVI.	<i>Qua ratio tenenda in legationib. constituto?</i>	393
XXVII.	<i>Quibus modis vitari peccata possunt?</i>	472

SERIES CAPITVM LIBRI SECVNDI.

Cap. I.	<i>Quis in principatu parando, tuendo modus te- nendus?</i>	492
II.	<i>Qua in tuendo regno necessaria?</i>	503
III.	<i>Facilem aditum, & faciles benignasque aures Princeps præbeat.</i>	520
IV.	<i>Hilaritatem & latitiam vultu ostendet, ani- mumque gratum.</i>	525
V.	<i>Liberalitas in Principe laudata, publicè, priua- tim.</i>	531
VI.	<i>Iustitia clementia socianda.</i>	538
VII.	<i>Priuitas iniurias contemnere, & ignorare, Principis est.</i>	545
VIII.	<i>Crudelitas & scuitia fugienda Principi.</i>	547
		<i>Maie</i>

INDEX CAPITVM.

I X.	<i>Maieſtatem dum tuctur, ſaſtum deponat.</i>	554
X.	<i>In verbis ab acerbitate caueat, benignitatē ſe-</i> <i>etetur, parciōrque in iis ſit quā ſuſior.</i>	569
XI.	<i>Temperantia cibi & potus, & caſti mores in</i> <i>Principe laudata.</i>	565
XII.	<i>Amor timore potior.</i>	573
XIII.	<i>Amici regno vtilēs & neceſſarij.</i>	583
XIV.	<i>Pœna & præmia, regnorum firmamenta.</i>	589
XV.	<i>Fidem datam ſeruare, Principis eſt.</i>	591
XVI.	<i>Secretorum firmiſſimus cuſtos ſit Princeps.</i>	597
XVII.	<i>Detrahentiū & adulantium inimicus ſit Prin-</i> <i>ceps. neutros admittat, utroſque aulā pellat.</i>	602
XVIII.	<i>Fida Principis cuſtodia innocentia, quā teſtus</i> <i>curabit, ut quā optimis imperet.</i>	612
XIX.	<i>Religio, & pietas regnorum propugnacula.</i>	619
XX.	<i>Maiorum ſuorum vitam morēſque ſibi propo-</i> <i>nat.</i>	628
XXI.	<i>Memor ſit in imperio humana cōditionis.</i>	636
XXII.	<i>Iuuentutis inſtitutioni incumbat Princeps.</i>	638
XXIII.	<i>Concertatio cum inferioribus vitanda.</i>	643
XXIV.	<i>Mechanicarum artium magnam curam ha-</i> <i>beat.</i>	645
XXV.	<i>Leſtioni Princeps incumbat, maximè Hiſtori-</i> <i>corum.</i>	650
XXVI.	<i>Viros doctos præmio alliciat.</i>	654
XXVII.	<i>Quos in concilium adlegere Princeps debeat?</i>	656
XXVIII.	<i>Eccleſiis probatiſſimos præſiciat.</i>	670
		<i>Non</i>

INDEX CAPITVM.

XXIX. Non conferat in vnum prima aut plura regni munia.	680
XXX. Gubernationibus quo modo prospiciendū.	685
XXXI. Bella non suscipiat, nisi necessitas cogat.	690
XXXII. Quid faciet Rex moturus exteris bella?	694
XXXIII. In hostilem agrum militem ducat.	697
XXXIV. Admitendum Principi, ut hostilia & suorum consilia ac molitiones intelligat.	701
XXXV. Peritissimos deligat militia ductores.	703
XXXVI. Militarem disciplinam fortiter tueatur.	705
XXXVII. Pacis iuxta ac belli tempore exercitū alat.	714
XXXVIII. Maris imperium paret, qui latè & tutò imperare volet.	718
XXXIX. Veteranos milites foueat: benèque habeat militiā claros, ac eorum coniuges, filios, fratres, agrōsque & sancios.	726
XL. Veterem Nobilitatem commendatam habeat.	730
XLI. Duella penitus extirpanda, nec parcendum in hoc genere.	732
XLII. Magna cura habenda ararij.	736
XLIII. Nouè inuenta & proposita serio examini subiiciat.	765
XLIV. Quis modus Principi tenendus in querelis populi de Magistratu & Nobilitate?	768
XLV. Quid faciendum Principi, populo commoto & turbato?	772
XLVI. Quid faciendum Principi cum familiaribus, quos Priuatos vocant?	775



LIBER PRIMVS
DE
MORIBVS
SVBDITORVM
PRINCIPIS.

CAPVT I.

Qua vita instituenda, quæ optanda?



PRIMA, & quæ plus de cælo, quàm de sæculo referat; plus de Christi, quàm de mundi consiliis, quæque cultorem suum æterna felicitate, gloria, opibus beatura sit. Rogatus sententiam Stoicus, respondit: *Ita viue, vt nihil committas, nisi quod committere etiam inimico possis.* Quàm paucis multa addit: *Sic viuendum tanquam in conspectu viuamus: sic cogitandum tanquam aliquis in pectus intimum inspicere possit. & potest. quid enim prodest ab homine aliquid esse secretum? nihil Deo clausum est: interest animis nostris, & cogitationibus medijs interuenit.* Non videtur tibi hic ex altè cinctis, & cothurno Christiano magnus? quis peccabit, si in omni teste, & socio, & ami-

A co,

co, inimicum cogitauerit? quis in oculis magni Dei pœnitenda, & æternum luenda committet? mediis scelerum cogitationibus interuenire Deum, nec erubescere, aut perhorrescere hominem inspectorem Deum & iudicem? Quis in oculis Iudicis ac Regis sui, cruce & ferro pianda aggreditur? Et quid hæc tormenta ad æterna? quid ferum ad nullo æuo morituras flammæ; adeoque ad omni æuo, damnatorum corporibus nutriendas flammæ? Quid Iudex aut Rex, ad Iudicem & Regem Deum? huic viue, quisquis præmia speras, pœnas metuis. Breue est quod viuimus. fatui huic vitæ; prudentes æternitati viuunt. tu viue non peritura vitæ, sed æternum perennaturæ iustitiæ. Sed & hîc incipe beatus esse, & alterius vitæ felicitate frui. frueris, si perpetua tranquillitate fruaris. hanc tibi virtus spondet. fluctibus iactatur vitia. æterna in hoc oceano tempestas est. Sola virtus pacem nouit, ignorant vitia. Benè in rem nostram Philosophus: *Animus noster habebit quod gratuletur sibi, cum emissus his tenebris, in quibus volutatur, non tenui visu clara prospexerit, sed totum diem admiserit, & redditus celo suo fuerit. erit autem illic antequam hac custodia exsoluatur, cum vitia deiecerit, purusque ac leuis in cogitationes diuinas emicuerit. in hoc nos oportet ire impetu magno. celo frui animum posse, beatitate nimirum illius, excussis vitiis, Philosophus putauit. cum in altissima securitate viuat, cælestibus propè inuidenda, quisquis vitia posuit, tempestatum ventos. Mores ergo eodem monitore compesce, marcentia in te excita, soluta constringe, contumacia doma, cupiditates tuas vexa, & istis dicentibus, Quousque eadem? responde: Ego debeo dicere;*

*Vitiis manus
ad mouenda.*

re, Quousque eadem peccabitis? Remedia ante vultis quam vitia desinere? tunc incipit medicina proficere, ubi in corpore alienato dolorem tactus expressit. Benè, & Christianè. non arbitreris Petrum aut Paullum monere? numquam deponenda arma, nisi hoste superato. ac ne tunc quidem. nam & in alta pace arma paranda, monent prudentes. nemo metuit hostem paratus, imparatus metuit. improuidum obruunt arma, non obruunt expectantem, cum ferrum in manu est. Fortiter proinde domesticos hostes preme. ne parce. maxima hîc pietas est non parcere. seca, & vre; clemètia in ferro & ignibus est. Quòd si vniuersa excindere non potes, non ideo deiiciendus animus est. nec medicina morbos omnes vincit: adhibetur tamen hîc in remedium, ibi in leuamentum. Idem in vitiis cogita. vt cum radice & semine euellantur, per paucorum est. sed non ideo nihil reliqui proficiunt, quòd non omnia euellant: nec ideo nihil sanant, quia non totam valetudinem reddunt. Quis hanc prudens sperauit post primordiale primorum parentum delictum? nam licet iam à paradisiaco crimine noxia inspersa semina animis sint, omnium tamen etiam honestarum rerum semina circumferunt, quæ studio & fortu excitantur, non aliter quàm scintilla leui admoto flatu ignem suum explicat. Erigitur virtus impulsu. fecundiora vitia sunt, sponte proueniunt. non quod innascantur nobis, sed quòd zizaniorum more superueniant. Hinc illa eiusdem: *Nulli nos vitio natura conciliat: nos illa integros & liberos genuit: nihil quod auaritiam nostram irritaret, posuit in aperto: pedibus aurum & argentum subiecit, cal-*

candum & premendum dedit, quidquid est propter quod calcamur & premimur. Ex Theologorum schola prodire hunc credas. quod ipse de avaritia, de reliquis propè omnibus vitiis dici potest. pronitatem, & adnatam quamdam post paradisi delictum facilitatem non nego. at ea monitis, exercitationibus, laboribus, animique magnitudine subigenda. Monet idem: *Quid aliud agas, quam ut meliorem te quotidie facias, ut aliquid ex erroribus ponas, ut intelligas tua vitia esse, qua putas rerum? Sanè, si quando fatuo delectari volò, non est mihi longè quarendus, me video.* Non putes aliquem ex eremi cultoribus discipulis suis loqui? tibi ergo manum admoue, cuelle, seca, vre. imitare agrorum horarumque cultores. Et quo faciliùs feliciùsque progrediaris, audi eundem Philosophum: *Opus est aliquo, ad quem mores nostri se ipsi erigant: nisi ad regulam, prava non corriges. O felicem, qui sic aliquem vereri potest, ut ad memoriam quoque eius se componat! magna sanè pars peccatorum tollitur, si peccaturis testis assistat. aliquem habeat animus, quem vereatur, cuius auctoritate etiam secretum suum sanctius faciat.* Non Deum tantum, sed & Angelorum aliquem ac Sanctorum habeat, quem intueatur ut monitorem, cuiusque vitam sibi in regulam proponat, æmulus de probitate ac sanctitate. Rex est? magnos sibi proponat Reges, non rerum tantum gestarum gloriâ magnos, sed prudentiâ, vitæ integritate, reliquarumque regiarum virtutum studio magnos. Quod si in omnibus vnum non deprehenderit magnum, è singulis, in qua excelluerunt, magnitudinem deligat, sequaturque quod laudatissimū in

*Quotidie
aliquid è vi-
tijs ponendū.*

*Præsentia
viri magni
animus à
vitijs veno-
candus.*

*Proponenda
virtutes ma-
gnorum in
imitationē.*

in singulis deprehenderit. animos in Alexandro, modestiam in Augusto, clementiam in Cæsare, temperantiam in Traiano, facilitatem in Antonino, liberalitatem in Tito, comitatem in Theodosio, pietatem in Ludouico, reliquasque in aliis Imperatoribus Regibusque virtutes imitetur. Eadem dico in exercituum ductoribus. sequatur incorruptam in auro mentem Curij, Tuberonis, Fabricij, Paulli Æmilij; secreti tenacitatem in Pompeio, militarem disciplinam Metelli, continentiam Scipionis, vigilantiam Marij, audaciam Marcelli; Metelli Celtiberici, Africani posterioris, & L. Paulli humanitatem; solertiam Hannibalis; Cincinnati, Papirij, Nasice, Pisonis, Scævolæ constantiam; gratitudinem Metelli Pij, Mithridatis, Attali & Massaniæ Regum; fortitudinem Leonidæ, Epaminondæ; animi moderationem Valerij, Camilli, Fabij Maximi. Dici hoc in omni hominum genere potest, summorum, mediorum, infimorum. Episcopus es? habes quos imiteris in omni propè genere magnos; Ambrosium, Augustinum, Basilium, Nazianzenum, Chrysostomum; aliosque innumeros. Religiosus es? habes in singulis Ordinibus in exemplum datos. imitare; & in quemque magnum videris aut legeris, æmulate. Eadem dico in omni genere etuditionis, scientiarum, artium. in singulis enim magnos, & imitatione dignos reperies: etiam in infima plebe; quo magis in quacunque purpura, munere, nobilitate.

Cum verò imitanda propones, tum pari, aut maiori etiam conatu fugienda dispice, & quod in vnoquoque sua ætas improbavit, deuita. ebrie-

*Proponenda
vitia aliorum
in fugam,*

*Proponenda
in aliis for-
tuna mune-
ra, incerta,
fugientia.*

tatem in Alexandro, ambitionem in Cæsare; avaritiam in Galba, immodicam vindictam in Sylla, crudelitatem in Nerone, libidinem in Antonio & Caligula, intemperantiam in Claudio & Vitellio, superbiam in Domitiano; impietatem in Iuliano, Valente, Zenone. quorum ferè exitus, in terrorem & fugam animo propone. Incredibile, quantam ad sequelam & fugam vim exempla habeant. Imperia quis & regna cogitat? funestos ferè Regum proponat exitus, duobus euentus, breue imperium, in Ottone, Vitellio, Galba, Pisone, Balbino, Floriano, Basilisco, Siluano, Tacito, Quintillo, Maximo, Michaële Calaphate, anno non integro expleto. Regum cogitat amicitias? Parmenionem legat Alexandri, Tiberij Seianum, Commodi Cleandrum, Constantini Ablauium, Arcadij Eutropium, Frederici Vineam, Philippi Brocam, Petri Cabreram, Ludouici Comenum, similisque fortunæ pilas, quibus sæculo nostro ô nimium! tragicè lusum, in posteritatis documentum, præteritorum inuidiam. Exercitus cogitat & victorias? Crassum cogitet, Pompeium, Marium, Alcibiadem, Pausaniam, Themistoclem, Milriadem, Belisarium, Attilium, & tot propè funestos exitus, quot clara terris nomina. Nobilitatem amat? plures Romæ & in Oriente è plebe imperasse sciat. Diocletianus, Hercules, Carus, Aurelius, Philippus, Pupienus, Maximinus, Macrinus, Ælius, Pertinax, Valentinianus, Valens, Zeno, Anastasius, Iustinus, Iustinianus, Mauritius, Phocas, Theodosius tertius, Leo Isauricus, Michaël Traulus, Basilius Macedo, Michaël Calaphates; ex infima omnes plebe. Quod si ad Romana incuna

cunabula, calamum flectamus, quis ignorare Romulum & Remum potest? quis Tullum Hostilium, Tarquinium Priscum, Seruium Tullium? è plebe omnes. Et doctissimus quisque quos auos abauosque recenset? quos Plato, Aristoteles, Socrates, Lycurgus, Soló, Trismegistus, Demosthenes, Cicero, Virgilius, Ouidius, Martialis, Horatius, reliquique propè omnes Philosophi, Oratores, Poëtæ? ex vltima plurimum plebe reperies. Vt non immeritò cecinerit vnus:

— *Ima plebe Quiritum*

Facundum inuenies. solet hic defendere causas

Nobilis indocti.

Sepone ergo genus, auos proauosque; virtutem Contemnenda peritura: insudandum æternis. intuere, & imitandam etiam in Epicteto seruo, in Epicuro, adeoque & in mancipio, propone.

Quid in hoc intueris, non dicam amas, honores, opes in illo, voluptates in alio? circumspice iam inde ab ortu sui orbem totum. Vide quàm paucorum vota expleuerit fortuna, semper ferè pendula, dubia, fallax, fatua; quantis dulcia hæc amaris miscuerit, modicum saccarum ingenti felle temperans. vide an non maiori in mœrore, cùm destituerentur illis, fuerint, quàm hilaritudine cùm fuerentur. Intuere dehinc opum, honorum, voluptatum contemptores; vide quàm exiguo tempore, vltro se illis prudenter nudauerint, vt donarentur æternis; in quanta dein animorum tranquillitate vitam exegerint; & non plus solidi in his gaudijs, quàm in illis reperias? Confer vtrosque; Alexandrum, Pyrrhum, Hannibalem, Antiochum, Mithridatem, Assuerum, Sennacherib, Nabuchodonosoré, Græcos, Romanos cum Apostolis, & Apostolici seminis

viris, Augustino, Hieronymo, Basilio, Chry-
 stomo, Nazianzeno, Benedicto, Bernardo, Do-
 minico, Francisco, Ignatio, aliis. quorum exitum
 velles? imitare vitam. quorum in omne ævum
 conditionem? sequere mores. paribus donantur,
 qui vitâ pares. frustra laboris præmia ex otio
 speres. Vide quàm sine metu dies hi nostri trãse-
 gerint, quàm securas noctes; quàm sorte conten-
 ti sua, extra ambitum iactationum matrem;
 quàm nullis hîc timoribus natauerint, quàm al-
 ta nunc perpetuâque opum, honorum, volupta-
 tum pace fruantur. Vide prudentiam. paucorum
 annorum contemptus æterna peperit; paucorum
 neglectus non-morituris donauit, tam modica
 tam magnis. Et quis non infortunatum diem
 vnum deligat, vt fortunato solido fruatur anno?
 factum à nostris, qui non anno, sed felici donati
 æternitate, à qua nec si velint excidant, nec vel-
 le possunt. tam stabili beatitudo innixa. Iam quis
 non magnorum Regum, exitum voueat Fran-
 cisci? quis non primorum orbis Imperatorum,
 Antonij & Paulli æmuletur gloriam? horum fe-
 licitatem, Augusti præferat purpuræ? Non quòd
 omnes Antonios & Paullos velim: sed quòd vir-
 tutem tamen horum imitari omnes velim. Ni-
 hil dico de veste & cremo. etiam sub diademate
 sedem suam virtus reperit. Nimis orbi noti Lu-
 douici, Alfonsi, Ferdinandi, Eduardi, Theodosij.
 At securior extra sceptrâ semita est. non nego.
 sed non omnium solitudo, cœlibatus, cilicia, ca-
 tenæ, flagra, legumina, aqua. satis erit virtutem
 amasse, coluisse. vitam hæc pacatam dabit. Addo.
nec speres aliquid, nec extimescas, quàm vnū Deum
 virtutis præmiatorem, scelerum vindicem, &
 beatam

beatam vitam spondeo. Claudio Boëtiano versu:

O felix hominum genus,

Si vestros animos amor

Quo calum regitur, regat!

Diuinus hic amor est, cui pro fundamento virtus. hanc venerare, & diuinum amorem, quo vno beaberis, spera.

C A P V T II.

Quæ ratio seruanda in sociorum delectu & contubernio?

PRIMO, optimos delige, quorum consuetudine virtutis aliquid accedat, vitij decedat. nulla enim res magis animos in bonum prauumque impellit reuocatque, quam proborum improborumque conuersatio: paullatim enim mores descendunt, & vim præceptorum obtinent. frequenter enim audiri, videri, aliquid affricat. Quid? quodd in magna probitate ac improbitate aliquid sit, quod vel tacitus imbibas. nec quisquam facile dixerit, quantum hæc prosint, quantum obsint; obesse tamen ac prodesse videmus. vt dictum verè sit: *Minuta quadam animalia cum mordent, non sentiuntur. adeò tenuis illis & fallax in periculum vis est. tumor indicat morsum, & in ipso tumore nullum vulnus apparet.* Idem in proborum improborumque consuetudine reperies. non deprehendes quantum tibi prosit, quantum obsit; profuisse, ac obfuisse deprehendes. Probatissimorum ergo familiaritatem aucupabundus venerare, vt paullatim familiarem etiam tibi pro-

Proberti improborumque consuetudo plurimū potest.

bitatem facias ; vt locum in te habeat illud viri magni: *Mihi, qui omnem aetatem in optimis artibus egi, bene facere iam ex consuetudine in naturam vertitur.* plurimum enim assuetudo valet, quam à bonorum conuictu bonam senties. De vicinitate enim fluminis & nubis certiùs potentiùsque fœcundantur agri, cum longè posita, tardius tenuiùsque beneficia sentiant. propinqua nimirum, è locuplete ; remota, è paupere vena hauriunt.

Magno conatu opus ad bona.

Conatu interim omnino in bonis magno opus est, vt in agro etiam fertili, ligonibus, aratro, vigili cura. nam ad deteriora faciles sumus, in quibus nec dux, nec comes deesse potest, ac res etiam ipsa sine duce, sine comite procedit. Neque enim prouum iter tantum est ad vitia, sed præceps. voluimur enim ferè in illa, vt sphærica corpora minimo impulsu in præceps acta, & vt feracissimi campi, nullo iacto semine, nulla rustica manu, noxia protrudunt, & fœcundior semper ager in nocturna est. cultum profutura deposcunt: sponte sua obfutura nascuntur, & suffocant perimuntque quidquid seminis boni est, nisi assiduus improbùsque accedat labor. Eadem de animorum agro cogita. innascuntur sponte vitia; virtus culturâ indiget, nec nisi à denso laborum imbre probitatis stillicidia profluunt. & frequentatus labor congelidatarum instar nubium est, è quibus fœcundæ virtutum pluuiæ, tanquam è materno sinu cadunt.

Vitanda improborum consuetudo.

Potissima autem cura erit, vt improborum consuetudinem fugias. magna enim pars probitatis est, à noxio cœtu recessisse. non quòd virtutis magistra solitudo sit, sed quòd, vbi inhortator,

tator, ductor, comes, laudator abest, vitia subfidant, quorum probari fructus est. Quis enim aut gemma aut auro se vestiit incomitatus? quis, ut ille, *sub alicuius rustica arboris proiectus umbrâ, luxurie sue pompam solus explicauit? nemo oculis suis laus est, sed apparatus uiuorum suorum, pro modo turba spectantis expandit. Itaque irritamētum est omnium in qua insanimus, admirator & conscius. ne concupiscamus efficies, si ne ostendamus, effeceris. ambitio, & luxuria, & impotentia scenam desiderant. sanabis ista, si absconderis.* Multò sanabis magis, si ductore, inuitatore, laudatore, comite carueris. carebis, si improborum familiaritatem & contubernium vitaueris. vitasse, caruisse est. tantum ad malignitatem consuetudo valet, ut qui socios sustulerit, vitia sustulerit. nemo solus improbitatem explicat; nemo vitia parietibus effundit. Quis enim ambitionem, crudelitatem, iram profudit solus? accedant socij tanquam venti, & intumescent pacata antè maria, insurgentque in iras & nocituras minas. Quin adeò, pacatissima intueri flumina, quæ lentitudine sua cursum oculis eripiunt; incubant venti, exurgunt fluctus, & mansuetum illud elementum, quod ouium instar ignorare motus videbatur, in leoninas exasperatur iras. eadem de animo, ad innocentiam & virtutem nato, cogita. si prauo malignoque contubernio adiunxeris, imbibit malignitatem. Retrahet se ergo à tali quisquis præcipitia non amat; nec dabit se in illud. Quodd si imprudens in improbam societatem inciderit, modestè prudenterque pedem retrahet: nec secabit cum Alexandro vno impetu, tanquam ense aut nouacula, nisi alia negata

via

via sit. sed quæsitâ, quæ nunquam sapienti deerit, occasione exuet se hoc contubernio, & melioribus se dabit, ad quorum vitam, vitam effinget suam, memor veteris dicti: *Bonos corrumpunt mores congressus mali.* & Tertulliani de mulieribus: *Loquaces, otiosa, vinosa, curiosa, contubernales vel maximè castimonia proposito officiant. per loquacitatem irrepunt verba pudoris inimica; per otium se à veritate deducunt; per vinolentiam quidvis mali insinuant; per curiositatem, emulationum libidines conuehant. nulla eiusmodi feminarum de bono castitatis loquitur: Deus enim illis, ut ait Apostolus, venter est, ita & quæ ventri propinqua.* Dicam ego: *Malos corrumpunt mores congressus boni, & quod de mulieribus ille, ego de viris.*

*Vitanda
mulierum
familiaritas.
Eccli. 42.*

Quanquam non diffitear, mulierum consuetudinem virorum deteriorem esse: idque aded, ut, si Scripturæ credimus, *Melior sit iniquitas viri, quàm mulier benefaciens.* Hinc præmittit: *In medio mulierum noli commorari, quia à muliere iniquitas viri.* Melior omnino iniquitas viri, minùs nimirum perniciosa, minoribusque inuoluta periculis, aperta iniquitas viri, & resecta improbitas illius, in quam te ex aduerso armate possis; quàm beneficia mulieris, fraudem tegentis, & occultis insidiis dolisque sub honesti nomine & amica fronte, oculis, ore virum impetentis. Ut audeat idem Sapiens, *Breuis omnis malitia super malitiam mulieris. & Omnis malitia nequitia mulieris.* Hinc monet: *Non des mulieri potestatem anima tua, ne ingrediatur in virtutem tuam, & confundaris. ne respicias mulierem multiuolam, ne fortè incidas in laqueos illius: auerte faciem à muliere cōpta, & ne circumspicias speciem alienam.* Propter spe

*Eccli. 25.
Ibidem.
Eccli. 9.*

speciem mulieris multi perierunt: & ex hoc concupiscentia quasi ignis exardescit. Et alibi: Ne attendas fallacia mulieris. nitidius oleo guttur eius, nouissima autem illius amara quasi absinthium, & acuta quasi gladius biceps. pedes eius descendunt in mortem, & ad inferos gressus illius penetrant. Noxia omnino viro muliebris consuetudo, etiam bonæ. nam, vt improbitas desit, forma rapiet, oculique etiam castæ non castè ferient. inest nescio quæ illis illecebra etiam dum maturitatem & pietatem loquuntur. Frons deinde, verba, vultus, capillatura, manusque, corpusque totum, teneritudine sua, tanquam fulminibus virili pectus emedullant. Fuge: magis etiam, si improba est. de qua illud Sapientis: Commorari leoni & draconibus placebit, quam habitare cum muliere nequam. Nec nouum hoc; prima orbis lumina, pietate, sapientia, robore, Dauid, Salomon, Samson, infame funestumque muliebre iugum passa. taceo eruditione, ingenio, prudentia, dignitate, etiam castimonia primos, nil mirum. A muliere enim initium factum est peccati, & per illam omnes morimur. Longè proinde fac ab ea viam tuam, & ne appropinques foribus domus eius. Quid de contubernio diceret & familiaritate? quid de lasciuiore acu per crispatam comam luxuriante? quid de curiosa oculorum iactatione, dum in oculis ipsius captiua virorum mens, tanquam in triumphum ducitur? quid, dum omnium obrutibus vbera prostituuntur, vel velo non integente pudorem, sed decorem mentiente omnium ignibus obiiiciuntur; veriùs, omnium virorum glaciem & frigora soluunt, & in fornaces vertunt? Quis enim nesciat, inuitatoria illa esse libidinù,
&

Prou. 5.

Eccli. 25.

Ibidem.

Prou. 5.

& folles ignibus excitandis? Quid cùm cætera corporis, laciniosis pomparum & deliciarum ineptiis occupantur, quò de proximo curent luxuriæ negotium, obstrepântque pudicitix disciplinæ, vt quadam cultus tanquam ignium societate, validiores flammæ iaculentur? Quid, cùm calliblepharum, vellerúmque, herbarum florúmque tincturæ palpebris venustandis, genis fucandis admouentur? naufraga nimirum sine his forma esset, & frustra luderet. adminicula ab his sumpsit, vt virorum stuporem ædificaret, mutuóque lenocinio fortiùs illuderent virili robori Quid diceret, si non ludentes tantùm oculos, sed in vultu, tenera ceruice, vberibus, taceo reliqua, manus etiam videret? non exclamaret, Fuge quisquis salutem amas? Secedamus ab hoc noxio semineo contubernio non nisi funesto exitu claudendo. redeamus ad viros.

*Ira vitanda
in congressi-
bus.*

PROV. 22.

In quorum consuetudine ira in primis ponenda. è qua vna dissensiones, odia, cædes nascuntur. nec non à proborum quorumcunque contubernio excludendus est, quisquis frenare motus non potest, solitudini aptior quàm frequentix. neque quidquam est, quod validius pacata turbat, & tranquilla in tempestatem exasperat. nam quid speres à furore? exitus autem iræ furor est. Audi proinde non me, sed Sapientem: *Noli esse amicus homini iracundo, neque ambules cū viro furioso, ne fortè discas semitas eius, & sumas scandalum animæ tuæ.* Iracundorum ergo consuetudinem deuita, ne te impellant ad pœnitenda, & cogant ad ea, quæ nullam emendationem admittunt, nullisque lacrymis aut pœnitentia elui possunt. serus post sanguinem mœror est. quod si
improvi

improuidus in illos incideris, quanta celeritate potes, exime te his irarum compedibus.

Morosos etiam difficilésque fuge, & quibus ingenium Brontésque Steropésque in *Ætnæa* <sup>*Merofé* *vi-*
tandi.</sup> incude è chalybe mallearunt.

Tu etiam benignissimo vultu, oculis, fronte; ^{*Benignitas*} verbis, aut occurras venientibus, aut in aliorum ^{*induenda.*}

te consuetudinem immitte. obliuiscitur aliquis sui? tu tecum habita, & audisse aut vidisse simula, aut risu te vindica & contemptu, & in mitiorem partem interpretare. nam si silicem silici, ferrum ferro incusseris, quid expectes præter ignem? Obiice lapidi puluillum, etiam ignibus, & suffocabis. ita dura mollibus perimes, durioribus accendes. Sapientis verba sunt: *Responso* ^{*Prou. 15.*}

mollis frangit iram: sermo durus suscitatur furorem.

Inglorium socij dicent. eandem de Christo, Apostolis, Sanctorum reliquis sententiam ferent. Generositatem laudo, cui prudentia, non furor imperat. aut generosiores quis dicat Catilinam Christo, Petro, Paulo, Laurentio, Stephano? dæmone & inferno, non Deo & cælo magistris, generositas illa nata est, quæ contumeliam contumelia, sanguinem sanguine diluit. Aut errauit Deus, & peccauit in generositatem, cum

mala bonis vindicanda docuit? *Diligite inimicos* ^{*Matth. 5.*} *vestros, benefacite his qui oderunt vos, & orate pro* ^{*Benefacien-*} *persequentibus & calumniantibus vos; ut sitis filij* ^{*dum inimi-*} *patri vestri qui in calis est, qui solem suum oriri fa-* ^{*cū.*}

cit super bonos & malos, & pluit super iustos & iniustos. Aut inglorius Deus, qui in omnem peccatorem, iuratum suum hostem, non insurgit in vindictam? Indignus aula erat Christus; & ignauus

etiā, qui *tanquā quis ad occisionē ductus est, & sicut* ^{*Mansuetudo*} *Actor. 8.* ^{*laudata.*}

agnus

Matth. 5.

agnus coram tondente se. sine voce, sic non aperuit os suū. Aut imprudēter è sæculi prudentia monuit, nobilitatis ignarus? *Audistis, quia dictum est, Oculum pro oculo, & dentem pro dente.* Credas ex aula & purpura hæc prouenire, & media nobilitate: sequitur, *Ego autem dico vobis, Non resistere malo.* Ferendum fors viro forti, quamquam neget hoc omnis schola purpuratorum, & pro vno oculo, dente vno, duos deposcit; pro verbo asperiore alapam, pro hac baculum, atque hunc non nisi vltimo sanguine piandum: nec satis esse, si contumeliam contumelia plebeio more repercutias, ferro opus esse & sanguine, vt è nobilitate censearis, inclamat contra Christus: *Si quis te percusserit in dexteram maxillam tuam, præbe illi & alteram.* Non sapit nobilitatem. ignobilis nimirum Christus erat, nec intelligebat quid nobilitatem deceret fabri filius. Vos fors melius Herode nati, aut edocti à diuinitatis à primordio æmulatore, aut ab aliquo sæculi nostri Macchiauello, qui prudentiam Christum doceret, & aulæ mores. Audiamus Regem: *Si esurierit inimicus tuus, ciba illum; si sitierit, da ei aquam bibere, prunas enim congregabis super caput eius, & Dominus reddet tibi.* Illa erant illo sæculo. ita est, nunc, quid? venena & ferrum. vt sitis filij illius qui venena primus & ferrum temperauit in interitum. Benè hoc monitore ducimur ad inferorum præmia. & gloriosus ille, qui audaci saltu, per aduersarij latus, in nunquam moritura, fera pœnitudine, prosilit tormenta. sunt nimirum apud inferos tot milla formosarum, tot millia purpuratorum: sunt ferè quicunque sæculi prudentiâ magni, plus aulam quàm Christum

Ibidem.

Prou. 25.

in

in Euangelio docentem secuti, plus Macchia-
uellum quàm Deum.

Ab odio etiam, improbisque æmulationibus, *Odia, & æmulatione ponenda.*
quæ frequentata indignatio plurimùm sugge-
rit, animum remouet. cum enim in familiari con-
suetudine virtutes vitiisque, opes, honores, com-
moda, industriæ, artesque ferè notissimæ sint; na-
scitur æmulatio, quam æqualitas inæqualitasque
alit, exardescit inuidia, exsurgit ira, cuius exitus
odium est. & plerumque acerrima è domestica *Odia inter consanguineos plerumque acerbissima.*
consuetudine odia nascuntur. Quid? quoddè pro-
pinqvitate & sanguine omnium maxima ex-
surgant; vt eiusdem vteri vehementiora quàm
alieni sunt incendia, quæ nulla aut arte aut flu-
mine restinguas: nulla tamen grauiora, quàm
parentum in filios, filiorumque in parentes sunt.
Id aded ex eo prouenit, quoddè summus amor, si
exasperetur, in summum odium transeat, vt sum-
ma clementia & mititas, si efferentur, in extre-
mam crudelitatem & ferociam degenerant.
tardè hæc lentèque eueniunt, & siluarum mo-
re ignem concipiunt; quo nimirum tardius,
eo vehementiùs. Ita, quos lentos in iram vide-
mus, acerbissimos experimur: quos in libidinem
tardos, furibundis similes. ita & tenaciùs inhæ-
rent, altiusque imbibuntur, quæ sudoribus con-
stant; & quorum molestior inculcatio est, for-
tius imprimuntur. rupibus certè, & saxosæ aræ
inædificamus, sed laboriosius; & fecundissima
ferè terra grauioribus ligonibus & aratris in-
diget.

Cum verò plurima sint quæ æmulationes *Odiorum materia honores & opes.*
odiisque prouocent, tum nihil propè potentiùs,
quàm dignitates & opes, etiam in amicissimis.

B alte

alterum alteri prælatū, sat ampla materia odiorum est. Cogita fratres. magnam non rarò morum similitudinem videbis, mutuan benevolentiam. maior vni accedat honor, maximè iuniori, magis etiam si imperium; quæ non metuenda exsurgunt? fratres esse desierunt; ut mitiùs ferant in externos dignitates & sceptrà trāsire. Dura nimirum eiusdem vteri prærogatiua est, eoque grauior, quo discrimina nescit mater, ignorant vbera. Vterò & vberibus, non dignitatibus & opibus æquari, omni propè morte acerbius videtur. hinc illa exsurgunt odia, non nisi morte & internecione partis alterius, aut vtriusque ponenda. Neque in magnos tantùm animos, sed & in viles odià cadunt. intuerè sordidorum etiam operum artifices; vide in quantas exsurgant æmulationes, quantisque odiorum stimulis agantur, maximè si qua melior fortuna vicino acciderit, aut si qua spes illius, aut nuda etiam opinio; quæ ferè magnam siluam huic malo suggerit, ut verum sit illud,

Fertilior seges est alieno semper in aruo,

Vicinumque pecus grandius vber habet.

Ita nudis omninò persæpè opinionibus laboramus, idque eo magis, si, quem socium habuimus, superiorem habere incipiamus. naturale enim est odisse, quem times; &, quem metuis, infestare, si possis. & cùm multa in paritate eueniant, quæ dedeçant in subiectione, minor sæpè aut nascitur veneratio, aut metus oritur. Accedit intimorum frequenter recessuum in paritate cognitio, in quibus permista virtutibus vitia plerumque natant, virtutibus maiora: cùmque vnusquisque plus sibi, quàm locio

socio indulgeat, vitæ non videt sua, videt virtutes; ut hinc antelatum sibi socium virtutibus inferiorem, vitiis maiorem non ferat. insita mortalibus natura recentem aliorum felicitatem ægris oculis introspicere, modumque fortunæ à nullis magis exigere, quam quos in æquo vidēre. quos si cum fortuna mores mutasse viderint & amicitiam, exasperantur. hinc æmulatio & odia. Fateor non deesse qui odia hæc ament, & miserum illum putent qui nihil habeat invidendum. Hinc votum illud *Quorumdam opinio-
ne felices
sunt quibus
invidetur.* viri magni pro amico: *Deum rogo, ut quicumque non sustinent te. diligere prouectum; medullitus astuantes, à semetipsis liuoris proprii exigant pœnas; cùmque nullas in te habuerint causas misericordie, habeant inuidie.* Ut infelicitatis non ultimæ sit, miserationis causas habere; felicitatis, æmulos pati, & liuentium oculis, calamis, ore percuti: cùm ferè humanæ naturæ vitio probitas subiaceat liuori; ut inuidiam perpeti non rarò probitatis signum sit, aut magnæ cuiusdam felicitatis. Felicior ille tamen, qui dignitates opesque ita moderatur, temperatque fortunam, ut se indignum illa fateatur; paritatisque veteris memor; nihil de consueta beneuolentia dimittat, augeatque etiam illam, & officiosa benignitate præueniat, opem etiam suam operamque amico spondeat; ac vtrò etiam offerat, & beneficiis non cogitantem oneret, magnâ ubique humanitate, eoque maiore verborum submissione, quo dignitas maior est. Nemini vnquam quidquam dignitatis ademit verborum modestia, nullius honorè minuit officiosa morum ciuilitas. præuenisse honore,

amorem prouocasse, honorémque sibi auxisse est. sequitur fugientem, fugit ambientem honor. Quòd si singulorum cultum ames, prius ipse colas. ubi senserint, præuenient, & magno conatu præoccupabunt conatum tuum, gaudebuntque præuenire, præueniri dolebunt.

*Detractio
vitanda.*

Rom. 1.

Prou. 4.

Prou. 24.

Eccli. 28.

Ibidem.

Vitanda deinde in omni consuetudine detractio, & quidquid illam redolet; cùm Paullus moneat, *Detractores Deo odibiles esse*. Poterat aliquid grauius dici? hinc illud Sapientis: *Remoue à te os prauum, & detrahentia labia sint procul à te.* & Cum detractoribus non commiscearis, quoniam repente consurget perditio eorum. Et illud, *Linguam nequam noli audire, & ori tuo facito ostia & seras.* causam præmisit: *Ciuitates muratas diuinum destruxit, domos magnatorum effodit, virtutes populorum concidit, & gentes fortes dissoluit.* Hæc de detractorum lingua. tibi verò primus legem impone, ostia obducito, & seras ori, linguæ fræna immitte. laudabis, si potes, omnes. non potes? ne damna. virtutes nullæ sunt, vitia maxima? vtrumque preme. narrant alij: tu aliò sermonem verte. inurbanum fors erit maiorum sermonem tanquam iniectâ nouaculâ secare? tace. rogaris sententiam? minue, aut mollioribus aspera leni. nulli deesse lenitas conanti potest. visa referuntur? tu ad humanam deflecte imbecillitatem, & virtutes alias oppone, ac in maximis etiam viris semper fuisse quod ignoscendum esset. quòd si quis pergat damnare, tu vide, an non aliquid habeat laudandum qui damnatur; & pro damnandis laudanda suggere, etiam in inimico. Mirum quantum hæc laudes ad odia ponenda, amorem conciliandum valeant. Quid? quòd illi
ipsi

ipsi qui damnant, laudent taciti, secum & mirentur, & amare fortius incipiant, quem hostis sui laudatorem senserint.

Iam cum in aliorum laudibus fueris effusior, parcissimus sis in tuis, imò nullus in tuis. nam quid laudes? opes & dignitates? stultum est alieno laudari, aut quæ in alium momento transferri possunt. equum laudamus, qui robore & cursu reliquos anteit, non quem aurei vestiunt fræni. vitem laudamus, si fructu palmites oneret, si ad terram pondere eorum quæ tulit, adminicula deducat, non cui auro tincta folia luxuriantur. propria virtus in vite & arbore est fecunditas. In homine id quoque laudandum quod ipsius est, quod à nullius fortunæ manibus pendet. animi bona hæc sunt: quorum nemo in re sua iudex esse potest. ita cæcutimus in nostris. nam quæ virtutes nobis, reliquis vitia sunt. obtenebrat quemque amor suus, & densa tegit nube, spissaque inuoluit nebula. Alienum ergo te os calamusque laudet. nec sine rubore tamen illa admittas. plus laudis à verecundia accedet. Et sanè, aut vera tibi virtus insedit animo, aut umbra tantum illius, corpore suo vidua. si vera, luce suâ conspicua erit, auersabiturque auxilium commendationis alienæ, suo contenta: ac lucebit etiam magis, extolleturque in maius, quo texeris & deprefferis magis. nam & hoc virtutis est. & quia virtutis, lucis etiam aliquid addit. sin umbra est, nec aliud, magis se etiam prouocat ingenia, & inuestigandi propius stimulos addit. Scio mortalium plerosque falsis etiam laudibus delectari, non præsentibus tantum,

sed quæ in posteros eant. tu vera virtute delectare, & illa sola. humanas contemne laudes, maiores habiturus, quo magis contempseris. Sequitur contemptorem suum laus, eo magis. quo contemptus maior est.

*Bilingues
fugiendi.
Eccli. 5.
Eccli. 28.*

Bilingues verò fuge. Denotatio enim pessima super bilinguem: *susurratori autem odium, & inimicitia, & contumelia.* & fortius: *Susurro & bilinguis maledictus: multos enim turbat pacem habentes.* Et quid indignius, quàm aliud clausum pectore, aliud linguâ promptum habere? Et quibus simulatio profuit? perpaucis. neque diu fefellit, ut inducta stibio facies, & producti oculi. Tegi veritatem verborum purpurisso, ut cineribus ignem, concedo. verum crumpet eo potentiùs, quo densius tecta. Et sanè tenue omne mendacium est, si diligenter inspexeris; nihil enim solidi fraudes habent, quibus euenire mihi videtur, quod Sodomæ & Gomorrhæ; ubi pomum gignitur, quod licet speciem refecrat maturitatis, mandi tamen non potest. nam fuliginem intrinsecus fauillaceam ambitio tantum extimæ cutis cohibet, quæ vel leui pressa tactu fumum exhalat, & fatiscit in vagum puluerem. credas bilingui poma hæc nata, ita ad viuum illius exprimunt mores. extimis nimirum hic verbis amicum loquitur, probitatem imitatur: remoue hanc superficiem, hostilia omnia reperies. caue proinde quisquis saluti studes. nam, ut diu latere non possit, si propius inspexeris; primo tamen accursu improvidos ferit. ingeniosior enim ad excogitandum simulatio veritate, ut seruitus libertate est. Videbis enim non raro facies fingi, & ad austeram

*Simulatio
ingeniosior
veritate.*

ram

ram quamdam maturitatem compositas, intus libidine, crudelitate, invidia inæstuantes. deuita. nocent attactu. sub his coloribus suauè ridentibus venena latent: ne crede. non fallent, si fidem negaueris: minùs etiam, si contraria dictis cogitaueris. Nec magnà hæc habent opus atque. affirmant? negasse crede. negant? affirmasse. spondent? nihil spera. iusiurandum interponunt? minùs etiam assentire. quoque fortius & splendidiùs addixerint, hoc plus insidiarum metue. fuge Tiberios hosce. sanguine ferè finiunt & ferro. &, vt quidam: *Speciosa verbis, re inania ac subdola; quantòque maiore libertatis imagine tegebantur, tanto eruptura ad insensius seruitium.*

Benè & vetè Sapiens: *Verba susurronis quasi* Prou. 26.
simplicia, & ipsa perueniunt ad intima cordis; quando submiserit vocem suam, ne credideris ei, quoniam septem nequitiæ sunt in corde ipsius. Quis profundum hoc tanget? ò caue. & omniù hic simulantium mos est: & ferè in magnis verborum officii simulatio latet. time, quisquis præter morem speciosioribus verbis, tanquam floribus integeris. Memento aucupum; dum ludunt, fallunt; nec nisi ludant, fallunt. nil possunt sine cantu retia: cantata fallunt; non fallent muta. Idem in homine. nimia ciuilitas hostile sonat. simplex veritas est, & aliquid incompertum, & (vt ita dicam) rusticitatis permistum habet. Tu ante omnes candorem indue, nihil in verbis fucatum, ac quasi calamistris inustum. Neque humilis tantum & parui animi, sed seruire vitium mendacium est, indignissimum libero ingenio, & educatione liberali. Sed hæc ætas alios

mores deposcit. falleris. etiam illi ipsi fallendi artifices candorem in aliis amant & venerantur; ac, si qua dignitas speranda, in hos malunt, quàm sibi similes collatam. metus enim his à paribus: ab apertipectoris & oris metus nullus. amant ergo hos, licet non imitentur; oderunt, quos imitantur: è suo enim ingenio reliquos ruetiuntur, verenturque ne suis artibus cadant. & quod ille de Principe, *Nunquam deceptus est Princeps, nisi qui prius antè decepit*, de se rivalibusque cogitant; decipiendos se ab illis arbitrantur, fraudum suarum conscij. quas cum ab aliorum manu vereantur, oderunt in illis damnantque vitia sua, iudices facti delictorum suorum. colunt reliquos, à quorum moribus fraus & doli exulant, & delectantur etiam consuetudine talium. fugiunt fingendis virtutibus subdolos, quòd è suo ingenio sciant in scelera erupturos, postquam remoto pudore & metu, suo tandem ingenio uti liberè poterunt.

Infida amicitia pigriora, munera sunt.

Illorum autem amicitiam ne speres, quos sola munera iungunt. benè Isidorus: *Non sunt fideles, quos munus, non gratia copulat; nam citò deserunt, nisi semper accipiant*. Fortunas hi & opes tuas, non te amant. imò se in tuis omnibus amant, te non amant. nemo amat, qui, ut rebus suis studeat, nudatum suis amicum vellet. tales reperies munerum amicos: exuaris omnibus, modò illis omne accedat quod decedit tibi, benè est. nec tam quantum tu dones, sed quantum ipsi accipiant intuentur. Et ferendum fors esset, si qua apud tales acceptorum memoria resideret. erras, si hoc putas: perit cum munere, nec longior memoria munere est. Magnæ heredis è remoto veni

venientis lacrymæ sunt; intus natat gaudio, oculi mœrorem mentiuntur. idem in re dispari, in his munerum vulturibus reperies. accipiunt tanquam perpetuæ memoriæ recondituri, æternæ recondunt obliuioni. Quid? quodd in ipsa propè manu pereat memoria, & , vt lacrymas genæ siccant, sic auidæ manus hæ memoriā dertergunt. vt enim reposuerint munus, mortuo immersum mari arbirreris, tanquam si ipsum munus memoriæ inimicum memoriā perimat.

Vis deinde videre quantum illi ament? accedat iuratus tibi hostis, & maioribus, semper extensas, semper vigilantes has impleat manus, ex amicis hostes experieris. quodd si nouis exinde maioribusque beaueris, amicos rursus reperies. Fuge hos e mentiti amoris fluxus ac refluxus, Euripæa pectora: mergent, non seruabunt; non deuehent, depriment nauigantem. Nihil enim magis infidum hoc hominum genere. irrespirabile hoc profundum est, si semel te credideris.

Et tamen in humanis non omninò negligendi, qui multum accipiunt, cum multum possint; non tam vt prosint, quàm ne obsint, imò & vt in bona causâ prosint. nam licet amor tui ad iusta obsequia præstanda non impellat, impellunt non rarò munera. &, quod nec æquitas, nec ratio, nec insita tibi virtus, non vitæ morumque integritas, non montium instar tua maiorumque merita, munera poterunt. Nam vt à sola virtute omnia speres, falleris. aliud sæculum quære. virtuti meritisque si munera iunxeris, magna spera. ex hoc felici connubio, sæcundi

*Munera sepe
viam ster-
nunt virtu-
ti ad ma-
gnam.*

partus profiliunt patrem fortunaturi. Iterari tamen in his potiùs munera probo, quàm vno sinu profundi. recentior enim memoria ex repetitis exsurgit. Sed hæc tamen omnia in causâ bona, nec alia, & vbi virtus promeretur, sed incomitata destituitur. claudant illi munera latus, & spõte sua, nullo alio impellente, referabuntur clausa antè ostia. Nam & pannosa plerisque virtus solitaria est. & quis sæculi magnorum admittet? non intrat magna atria trita lacerna. adde ornatum, & comitantium turbam, nullo impulsu patebunt omnia, adeoque & domus intima. ô mores! & ferre tamen cogimur. & ni virtutem alienis vestiueris, nuda vapulabit, esuriet, concresecet frigore. Verùm indignum, virtutem ascititiis inducere, cum seipsâ splendidior, quàm alienis sit. Quid agas? & quos ad Rempublicam vis accedere? improbos largè profundentes? probos? nisi probitatem ampliter vestiuerint, nequidquam spera. Ergo, aut probitas muneribus vestienda, aut ferenda improbitas. quæ cum noxia in primis Reipublicæ sit, vestiamus probitatem non tam suo, quàm Reipublicæ bono: & feramus hanc sæculi nostri exasperatam scabiem non nisi fomentis mitigandam. ita tamen, ne amicos speremus, quos sola munera iungunt: nec vlla munera cant in causâ non iusta. Sed nec vllis muneribus Index parandus. ne si paratum quidè reperias, & se ipso ad illa currentem. nimis illa improbitati adnexa. & nescio quæ lex permittere Iudici munera possit. nulla hoc sæcula probarunt: damnarunt omnia. & prodigium sit æquitatem inter munera stare, etiam in probo. Nam
quod

quod de muneribus dixi, in gratuitis dixi, & ubi nulla partium apud Iudicem concertatio.

CAPVT III.

Quomodo amici parandi, fouendi, nascendi?

O, Quis integra rate magnū hoc enauiget æquor amorum? quā varius in his fluctibus ludit error, dum mentiuntur tranquillitatem, & momento in tempestates exsurgunt, cælo propè metuendas! ô, quis modum insidiiis ponet? quis monebit tempori? quis luctantes eruet? etiam rupes & montes deuerrunt dolosi fluctus, & excutiunt tanquam pilas, aut calcant tanquam herbam pedibus natam. ne fide, quisquis te, salutēque tuorum amas. nec te facile credas fraudulentō huic amorum Oceano. merget ubi lusit, & inter oscula venena iaculabitur, inter amica pocula toxica propinabit. ne fide. Secura bolide tentandum hoc humani pectoris profundum, hæc amicitia ostentatio. intus non rarè secures, ignes, ferrum, reliquæque nocitura latent; eo nocentiùs, quòd ridente vultu opprimant in cautos. Certè vt nihil amicitia, quæ secundas ferè res splendidiore facit, aduersas leuiore, nobilius, si vera est; ita nocentius nihil, si sub honesto nomine hostem tegat, & inimicum intus alat, qui amicū foris profitetur. Hinc illud verū nimis Magni Leonis: *Plus plerumque periculi est in insidiatore occulto, quā in hoste manifesto.*

Insidia

Rara in humanis amicitia.

Simulata amicitia noxia.

*Generosior
quisque mi-
nus cauteus
est.*

*Difficile est
cauere men-
titum amo-
rem.*

Insidiator est, qui sub amici fronte, inimicum intus alit; qui amorem oculis, fronte, verbis loquitur; odia pectore circumfert, quæ opportunitatem nactus, effundat in nimis credulam mentem. in hunc quæ robora sufficiant? Incauta ferè generositas est. & quo fortior quisque, quo animo celsiore, hoc plus insidiis pater. ex se enim cùm metiatur omnes, candorem suum legit in omnibus; nec dolos metuit, quibus caret; ignoratque insidias, quas nullas defert, nulli parat. indignas enim arbitratur viro forti fraudes, & dolis se tegere cùm viribus possit, ignauissimi pectoris esse putat. quo fit, ut facilius in insidiæ amici insidias prolabatur. nam & aperta nemo mouet vir fortis bella in illum qui apertè amicitiam testatur, & dolo circumuenire non est viri, vixque ad eò dolum dolo pellere. Hinc difficillima omnino ratio se suaque tuendi à dolo-
sa mente, amorem verbis mentiente. nam ab armato hoste & ferrum ostentante, armis tueri se quisque potest, & fortunam experiri; & ut infelicissimè omnia cadant, fortium, non pecorum more inglorius, cadere. At à simulato amico quæ vis se tuebitur? ut meritò moneat Cicero, nullam in amicitia pestem esse maiorem, quam adulationem, blanditias, assentationem. Delet enim veritatem, sine qua nomen amicitia valere non potest. nam cùm amicitia vis sit in eo, ut unus quasi animus fiat ex pluribus; qui id fieri poterit, si ne in uno quidem unus animus est, idemque semper, sed varius, commutabilis, multiplex? Quid enim potest esse tam flexibile, tam denium, quam animus eius qui ad alterius, non modo sensum ac voluntatem, sed etiam vultum atque nutum conuertitur? Adulationem

nem ergo, Cicerone teste, amicitia non admittit. & quis adulatorem amicum alteri credat, qui sibi soli amicus est, fortunis honoribusque suis, sibi amica depromit verba; mentitur sibi, commodis nimirum suis? Iam cum veritas amicitiae fundamentum sit, nemo non videat, adulationem, quæ è continuis propè dictorum factorumque mendaciis contexta est, amicitiae non sociari: pugnant enim mendacium, & veritas. pugnam verò amicitia non admittit, quæ animorum sincera mutuâque assensione continetur. Et certè pessimè de amicis merentur adulatores, quos doctis circumveniunt dolis. ut benè Cato, *multò melius de quibusdam acerbos inimicos mereri, quàm eos amicos qui dulces videantur: illos verum sæpè dicere, hos nunquam.* Ut, si alterutrum vouendū sit, inimicitiam palàm professi, potiùs quàm adulatores eligendi sint: illorū enim, ut dixi, hostilitatem, aliâ repercutere aut declinare difficile non est: hostiles insidias sub amico vultu effugere difficillimum.

Illud etiam non minùs arduum, amicum verum à fraudulentò dignoscere. utrimque ferè comitas, urbanitas, amica verba: in vero tamen seuerior quædam benignitas, & tanquam casta matronalis beneuolentia, maturiorque ac seria dictio; in falso, tanquam lupanaria, supra castimoniam blanda, & quæ fucum, & artis plurimum secum trahat. narium in illa decorem videbis, stabitque licèt integro Oceano laueris: in hac picturatum, cuius exiguo stillicidio decus omne eluces. eminus, fateor, intuentibus, par forma; propiùs, discrimen ingens est. Verba dein factis compone, & in

Adulatio & amicitia non coalescunt.

Discrimen inter amicum verum, & simulatum.

intelliges. in aduersis denique animum vtriusque cognosces. discernunt hæc amicum ab hoste. Sic incurstantes tempestates naucleri peritiam retegunt. at antè cognoscere oportuit: serò enim imprudentiam ingemiscimus, & de alio gubernatore cogitamus, cùm illisam scopulis nauem videmus. Quod in nauclero, fac in amico. experimentum ab alio sume, vt alieno exemplo edoctus, pericula deuites. vide quomodo se habuerit in aliorum amicitia. steterit? an dilapsus in aduersis fuerit? prolabant amico dexteram porrexerit? an magis etiam impulerit? causam ruinæ dederit, aut non dubitauerit periclitari cum amico? opes, famam, vitam in amici discrimine vltro, aut rogatus proiecerit? an destituerit labantem? & eadem expecta.

Vt verò in te ipso certius periculum facias, & ex te discas quid sperare, quid timere debeas, finge metum, denuncia aduersa, propone minitantiæ damna, ostenta pericula, pendula iam, & in caput tuum ruitura, in opes, in familiam, in vitam; & fidem discas. vultu, verbis, factis ostendet. per te ipsum hæc aliquando denuncia, per fidum aliquem nonnunquam; & non magno molimine animum suum prodet, maximè si consilium & opes deposcas.

Vide deinde, te, an fortunam tuam amet, qui amat. de quibus illud Aristotelis est: *Qui sunt ob utilitatem amici, simul cum utilitate dissoluntur: non enim hi sese mutuo, sed utilitatem amant.* & audeat Cicero, pestem maiorem esse nullam in amicitia, quàm in plerisque pecunie cupiditatem. & alibi; *Plerique in rebus humanis nihil quidquam bonum*

bonum norunt, nisi quod fructuosum sit; & amicos
 tanquam pecudes, eos potissimum diligunt, ex quibus
 sperant se magnum fructum esse capturos: itaque
 pulcerrimâ illâ, & maximè naturali carent ami-
 citiâ, per se, & propter se expetendâ. Carent omni-
 no hac verâque amicitia qui commodis, opibus,
 honoribus suis student. nil mirum, cum totus
 amor muneribus claudatur; si cessantibus mune-
 ribus, amare desinant. tolle fundamenta, quæ
 domus stabit? amicitia huius fundamentum
 munera sunt, quæ qui sustulerit, inædificatum
 illis amorem euertet. qui etiam, si maiora ab
 hoste tuo sperauerit, vertet amicitiam, &
 odium pro amore reponet. nil mirum, cum
 sola munerum magnitudine amorem metia-
 tur. vbicunque proinde donorum plus erit,
 plus amoris ostentabit. mensura nimirum amo-
 ris illius munera sunt, qui pro horum magni-
 tudine crescit decrescitque. Nulli horum fide,
 nullum lateri tuo adiunge; plumâ hos tene-
 bis, non corpore; ac ne plumâ quidem, si
 dona steterint. & non deferent tantum, nudum-
 que latus tuum feriendum præbebunt, sed ven-
 dent etiam hosti, si præmia accesserint. Non
 malè de his Seneca: *Parauit amicum aduersus*
vincula laturum opem: cum primùm crepuerit ca-
tina, discedet. Ha sunt amicitiae, quas temporarias po-
pulus appellat. Qui causâ utilitatis assumptus est,
tam diu placebit, quamdiu utilis erit. Hac re florē-
tes, amicorum turba circumfledet: circa euersos ingens
solitudo est. & inde amici fugiunt, ubi probantur. Ita
est, commodorū suorū amici, vt primū aduersa
insonuerint, amici esse desinunt. cum enim tota
amicitia suis contineatur cōmodis, spe utilitatis
 sub

sublatâ, alio amicitia transferuntur. Quid? quod odia pro amore insurgant.

Vera amicitia ignorat metum.

Metus deinde omnis abesse ab amicitia debet, si vera, perfecta, & non vulgaris est. *Quis enim diligit, quem metuit? aut eum, à quo se metui putat?* Ciceronis est. Vbi enim metus est, fiducia esse non potest. de qua illud eiusdem: *Firmamentum stabilitatis constantique eius quam in amicitia querimus, fides est: nihil enim stabile est, quod infidum est.* Sed neque committi quidquâ infido potest; in amicitia autem absoluta committi omnia possunt. colunt tamen tales externa quadam verborum pompa & simulatione amicitias; sed ad tempus duraturas. *Quod si fortè, ut fit plerumque, ceciderint, tum intelligitur quàm fuerint inopes amicorum.* Ciceronis verba sunt; & vera nimis. Et sanè, nemo se suaque tutò credidit, si intercurrat metus. vacuû à timore pectus sit, quod sua explicet. nam si præcordia obsedit metus, nihil sincerum spera: aliud promittent verba, frons, oculi; pectus loquetur aliud. quod cû amicitia validè pugnat. Hinc benè apud Ciceronem Lælius: *Duo tenenda in amicitia, ne quid fictum & simulatum sit, ne quid suspiciosum.* quæ metum comitantur. simulatio enim timoris comes est. idem de suspicione dico. vbi enim metus, ibi suspicio. Sed & qui timeri se putat, suspecta habet omnia: neque quisquâ prudenter sibi persuadeat, timeri se & amari. & quis in illius, quem timet, sinum sua deponat? metus fiduciam excludit. Vt verissimum illud: *Aliter cum tyranno, aliter cum amico vivitur.* in illo metus amorè simulare cogit: in hoc fiducia nihil clausum tenet; aperit animorû scrinia, & expandit quidquid

quid merus in illo clauserat, ac tanquam animo suo recondita referat, pari, qua secum confidentia.

In delectu verò amicorum, Cicerone monitore, cautio adhibenda, ne nimis citò diligere incipiamus, neue indignos. Digni sunt amicitia, quibus in ipsis inerit causa cur diligantur. Virtus hæc est, & ea sola, de qua illud eiusdè: Nihil amabilius virtute, nihil quod magis alliciat homines ad diligendum, quippe cum propter virtutem & probitatem, eos citius quos nunquam vidimus, quodammodo diligamus. Et illud: Hoc primum sentio, nisi in bonis amicitiam esse non posse, nec sine virtute amicitia esse vllò pacto potest. Deligendi ergo viri boni, & in quibus virtus sedem fixit. Addit: Sunt firmi, & stabiles, & constantes eligendi, cuius generis est magna penuria: & iudicare difficile sanè nisi expertum; experiendū autem est in ipsa amicitia: ita præcurrit amicitia iudicium, tollitque experiendi potestatem. Planè ita est: ingens constantium penuria est, & de quorum stabilitate & robore magna tibi promittas: Vbi enim eos inueniemus, qui honores, magistratus, imperia, potestates, opes amicitia non anteponant: ut cum ex altera parte proposita hæc sint, ex altera ius amicitia, non multò illa malint? atque hi stabiles esse non possunt, non in amicitia constantes, quos speratus honos & opes aliò vertunt: quare nec in eam admittèdi. Plato verò solos bonos diligendos vult; verba illius sunt: Solus bonus soli bonus amicus est; malus autem nec bono, nec malo umquam reuera amicus efficitur. Nō bono; neque enim bonum, & malum coalescunt: maior inter hæc pugna est, quàm ut in vna stabulare mente possint. at amicorū mens vna est, si amici sunt. Nō malos,

C neque

*Soli boni in
amicos dili-
gendi.*

neque enim improbitas vna, alterius contubernio gaudet, aut amica vna alteri est. Est hinc illud Sallustij: *Inter bonos amicitia, inter malos factio est.* amor rationi innititur, improbitas ab illa recedit. Soli ergo boni cum amici esse possint, soli in amicitiam sumendi. nam, ut verè Cicerò: *Disparēs mores disparia studia sequuntur: quorum dissimilitudo dissociat amicitias. nec ob aliam causam ullam, boni improbis, improbi bonis amici esse non possunt, nisi quod tanta est inter eos, quanta maxima potest esse, morum studiorumque distantia.* Cum ergo, eodem teste, nihil aliud sit amicitia, nisi omnium diuinarum humanarumque rerum, cum beneuolentia & caritate summa consensio; ubi morum dissensio est, amicitia esse non potest. Hinc Apostolus: *Que participatio iustitiæ cum iniquitate? aut que societas luci ad tenebras?* Si ergo iustum iniusto, probitas malitiæ non miscetur; nec iustus iniusto, nec bonus malo misceri poterit. infestius hæc dissident, quàm ut coadulescāt. Quod si bonus malo assuescat, periculum longè maius est, ut huic ille, quàm ut hic illi moribus assimiletur: plus enim malitia in imitationem & sequelam, quàm bonitas potest, seu naturæ vitio, seu educationis malignitate, seu quadā titillatione mali. ut benè ille:

Vitia malignitatem affricant.

Vidæque conspecta linorem ducit ab vna.

Magis etiam improbi mores affricant malignitatis suæ aliquid. ita zizania fecundius crescunt, adulescunt citius, & boni seminis naturam in seam vertunt. Et quantis medicamentis, quàm validis opus, ut modicum venenum vincant & subigant? quantâ aquâ, ut incendia paruo nata extinguant? cum veneno interim minimo, scintillâ

scintillâ minimâ, damna & incendia exsurgant maxima. Et non validissima, quæque, & sæculorum opera ab inualido cadunt: à lento stillicidio saxa & ferrum, à tinca & blattis prædura roborâ. Idem in moribus inuenies. est hinc illud Plutarchi: *Talis eris, qualis consuetudo qua vteris; cum literarum studiosis libros euolues, cum palestri-
tis colluctaberis, cum venandi cupidis feras persequeris, cum potatoribus inebriaberis, cum ambitiosis magistratum ambibis.* & illud Psalmi: *Cum sancto san-* Psalm. 17.
ctus eris, & cum viro innocente innocens eris; & cū electo electus eris, & cum peruerso peruerteris. Maxime, si qua amicitia intercedat, quæ morum similitudine gaudet. Ita Commodus Imperator, ut reliquos taceam, domesticorū improbitate periit; suorum consiliis Roboamus. Benè hîc more suo Seneca: *Amicos vacuos à cupiditatibus, quantum fieri potest, eligemus: serpunt enim vitia, & in proximum quemque transfiliunt, & contactu nocent.* Itaque, ut in pestilentia, cauendum est, ne corruptis iam corporibus, & morbo flagrantibus assideamus, quia pericula trahemus, afflatuque ipso laborabimus: ita in amicorum legendis ingeniis dabimus operam, ut quàm minimè inquinatos assumamus. inuium morbi est, agris sana miscere. Prudenter, & Christianè. Addit: *Præ-* Tristes ami-
cipue tamen videntur tristes, & omnia deplorantes, ci vitandi.
quibus nulla non causa in querelas placet; constet illi licet fides & beneuolentia, tranquillitati tamen inimicus est comes perturbatus, & omnia gemens. Hanc animi pacem qui adimit, qui interturbat; quod in amicitia maximè optandum est, euertit. non potest serenitas è nubilo sperari; pluuia, & nebulae timendæ sunt. Scio rarò amicitiam inter homines firmari. Hinc illud Senecæ: *Nescis quantum*

fit premium amicitia. si non intelligis multum te ei daturum. cui dederis amicum. rem non domibus tantum, sed & seculis raram. & Ciceronis: *Ex omnibus seculis vix tria aut quatuor numerantur amicorum*

Amicorū paria rara numerantur.

paria. Plutarchus Theseum & Pyriothū numerat, Achillem & Patroclum. Orestem & Pyladē, Damonem & Pythiam, Epaminondam & Pelopidam. omnibus retrò sæculis tam paucos. quo maior felicitas est inuenisse amicum. A raritate pretia veniunt. vt enim peregrinitas res auget, accendit vota, amorem prouocat; ita raritas in desiderium suum impellit.

Eccli. 6. Amicitia quæ bona progenat.

Amicus enim fidelis medicamentum vitæ, & æternitatis est. Dulcis vita amico sociata. morborum omnium, dolorum omnium leuamen vnicum amicus verus; quo vno amara dulcescunt, mollescunt aspera, leuigantur scabra, prosperantur aduersa, hilarescunt tristitia, siccantur lacrymæ, & mors ipsa in amati sinu, vita potius quàm mors est. Non moritur amans, qui æternum in amati pectore viuunt: vt amasse, vixisse; æternum amasse, vixisse æternum sit. sed & quicumque amat, amat æternum.

Qui amat vere, æternum amat.

nemo enim verum amorem posuit vnquam: nec quisquam veste se illius exuit, qui induit semel. Comitatur amor mortuum, cum enim in anima amor transigatur, & hæc viuat æternum; viuere etiam amorem dicam æternum, si verus est, ex virtute nimirum natus: quæ cum mortuo societur, sociatur & amor virtuti infertus, tanquam non morituræ arbori non moriturus furculus. Hinc illud Ciceronis: *Vera amicitia sempiterna sunt.* Neque enim moritur virtus, cui amicitia inædificatur. In quam rem illud eiusdem: *Virtus conciliat amicitias, & conseruat:*

conseruat:

seruat : in ea est enim conuenientia rerum, in ea stabilitas, in ea constantia. & alibi : Virtuti opera danda est, sine qua neque amicitiam, neque ullam rem expetendam consequi possumus : ea verò neglecta, qui se habere amicos arbitrat, tum se denique errasse sentiet, cum eos grauis aliquis casus experiri cogit. addit : Virtutum amicitia adiutrix à natura data est, non vitiorum comes. Sola igitur virtus amicitiam admittit, sola tuetur & fouet, extra quam vera amicitia nulla est.

Non ignoro, vix sperari amicitiam æternam posse, nisi in optimis viris. nam & verè Lælius monet: *Videre licet eos, qui antea commodis fuerunt moribus, imperio, potestate, prosperis rebus immutari, sperniquè ab iis veteres amicitias, & indulgeri nouis.* Putas hos fuisse amicos? Nemo amicus cum fortuna, amicitiam mutauit. si fecit, fortunæ amicus fuit, non hominis. Et Scipio, magnus amicitia cultor, audet dicere, *Honoris certamen & gloria ex amicis inimicos dedisse*; ex eo enim inimicitias maximas inter amicos extitisse narrat. Ego verò tales amicos fuisse nunquam dixerim: nunquam Cæsarem & Pompeium, matrimonia licet intercesserint, & connubialia mutui sanguinis vincula: nunquam Syllam & Marium, militiâ licet arctissimâ aliquando iunctos. diiunxit hos speratus honor, & simul Rempublicam secum traxit. Vt plures longè vera deposuerint odia, vel Reipublicæ, vel aliâ causâ, quàm propositis opibus & dignitatibus vulgarem etiâ amicitiam tenuerint. M. Æmilius Lepidus, & Fuluius Flaccus Censores renunciati, diuturnas inimicitias in campo deposuerunt; cum putarent, non oportere eos priuatis odiis dis-

Soli viri boni æternam amant.

Veri amici non sunt qui cum fortuna mutantur.

Exempla eorum qui reip. causa odia posuerunt.

fidere, quos publica potestas iunxisset. Liuius quoque Salinator cum Nerone Consul factus, difficillimo Reipublicæ tempore, iniuriarum vtrò citròque acceptarum immemores, mutuis consiliis ferroque Hannibalem vinci posse docuerunt, cum priùs odiorum obliuionem sibi imperassent. Clarum illud Africani cum Tib.

Val. l. 4. c. 2. Graccho: *non contentus enim Scipio, auctore Senatu, in Capitolio Iouis epulo cum Graccho concordiam communicasse, filiam quoque ei Corneliam protinus ibi despondit.* Cicero etiam repetundarum reum Gabinium, à quo vrbe pulsus fuerat, summo studio defendit: Vatinium etiam, infestissimum sibi hostem, publicis iudiciis duobus tutatus est. Factum idem à P. Pulcro, qui Lentulum, à quo accusatus fuerat, ambitus reum protexit. Caninius verò

Gallus C. Antonij, quem damnauerat, filiam in vxorem duxit, & M. Colonium, à quo damnatus fuerat, rerum suarum procuratorem statuit. Nescias, reus an iudex clarior. Illud M. Marcelli in vniuersam gentem illustre. accusatus à Siculis patientissimè tulit, supplices in clientelam recepit, sortitusque prouinciam collegæ cessit, pulcro in posteritatem clementiæ, bonitatis, amoris & integritatis exemplo. Nobilissimum verò hoc Macedonici Metelli est: ad graues testatúsque cum Scipione inimicitias virtutum æmulatione, progressus fuerat;

Val. l. 4. c. 1. ubi tamen interemptum domi accepit, *in publicum se proripuit mæstòque vultu, & voce confusa, Concurrite, concurrite, inquit, ciues, mœnia urbis vestrae euersa sunt: Scipioni enim Africano intra suos penates quiescenti nefaria vis illata est. filiosque suos monuit, vt funebri eius lecto humeros subicerent adiecitque*

adieciturque non fore, ut postea id officium ab illis viro
 maiori præstari posset. Hæc post æcerrimas inimi-
 citias, post inmutuera propè rogata prælia, tantâ
 nimirum vis virtutis est, rapit etiam nolentem in
 admirationem, venerationem, amorem sui. de qua
 illud Lælij: Vos horreo, ut in virtutem colaris sine
 qua amicitia esse nō potest, ut, eâ exceptâ, nihil ami-
 citiâ præstabilius esse putetis. quâ sublatâ, eodem
 teste, omnis à vita sublata incertum est. Nam quod
 solidum gaudium è dissidentibus animis nasci
 potest? nunquam verè exhilarescit animus in-
 tu; suspicionibus, sollicitudine circumseptus.
 Omne proinde verum animi gaudium ab amō-
 re est; cuius magnitudo & præstantia ex dissen-
 sionibus atque discordiis percipi potest. Quæ enim
 domus tam stabilis est, quæ tam firma ciuitas, quæ non
 odiis atque dissidiis funditus possit eueri? ex quo
 quantum bonum sit in amicitia, iudicari potest. Cice-
 ronis sunt; & vera nimis. Verissima etiam mo-
 rientis Micipsæ verba; Nō exercitus, neque thesau-
 ri præsidia regni sunt, verum amici, quos neque armis
 cogere, neque auro parare queas; officio & fide parantur.
 Equidem ego regnum vobis trado firmum, si boni
 eritis, sin mali, imbecillum. Nam concordia res parue
 crescunt, discordia maxime dilabuntur. Amicos, non
 priuatorum tantum, sed regnorum præsidia dixit.
 non aurum, non arma. Docemur hoc vernaculis
 omnium gentium historiis, quæ auro armisque
 perierunt. Regna, amore parata, amore steterunt:
 aurum & immodica auri litis pleraque perdidit.
 armis euerfa longè maxima: amor firmavit, &
 in posteros transmisit. Nec vltum vnquam mu-
 nimentum amore certius: Vicinorum Regum
 ac Principum amicitia pro vallo & ferro semper

Amici re-
 gnorum præ-
 sidia.

fuit: quæque aurum & arma perdididerant, restituit amor, omnibus validior armis. nam & ab armis arma cadunt, & inter militares armatas custodias nihil satis tutum est, metus ab ipsis est; cum quæ in tutelam delecta, in interitum non semel Regibus fuerint. ab amore timor nullus; & certius media inter arma inermis pectus amore cinctum stabit, quàm inter incertæ manus armata ferro dextera sæuire docta, timeri assueta.

*Quæ sit vera
amicitia.*

Vis autem scire, an verus sit amor, amicitia vera? audi Bernardum: *Illæ est vera amicitia, quæ nihil in rebus amici querit, nisi solam benevolentiam: scilicet, ut gratis amet amantem se.* Gratuitus amor est, si amor est; gratuita amicitia, si vera est. nam, si cogitata præmia, aut sperata intercurrent dona, fortunarum & honorum amor est, animorum non est; adeoque amantis amor est, nec aliud. sic enim amat, qui pecuniam amat, qui dignitates; & in has solas talis fertur amor & amicitia. at amicitia ad seipsum nulla est, aut non vera est; cum omnis amicitia mutua sit, & alium circumspiciat cui societur, & in quem se diffundat, non inferiore fiduciâ, quàm in pectus suum. neque enim animorum discrimina vera amicitia novit, non fortunatum, neque honorum. Est hinc illud Aristotelis apud Senecam: *Amicus est una anima in duobus corporibus habitans.* Se proinde quisquis amat, & amatum vnum cogitat, intuetur ut vnum, fertur ut in vnum. nescit amor plures. se in alio, alium in se cõtemplatur; seque ex alio, alium ex se metitur: *idem enim velle, idemque nolle, ea demum firma amicitia est.* Morbo detinetur vnus? detinentur duo. aduersa premunt

premunt vnum? sensus in vtroque est. mœror occupauit vnum? occupauit vtrumque: vtrumque risus, vtrumque lacrymæ. prospera, lætæque tenent vnum? tenent vtrumque. opes creuerunt vni? accreuerunt vtrique. honor delatus vni? delatus vtrique est: nam & gaudia & dolores, opes & paupertatem, prosperæque iuxta ac aduersa amici, sua credit amicus, habetque pro suis: neque minor illi doloris ac lætitiæ sensus in amici periculis, damnis, lætioribus progressibus, quàm in suis. communia namque, vt dici solet, inter amicos amicitia facit. Benè hoc parentum liberorumque similitudine expressit Seneca: *Sio amico communia sunt omnia, quomodo patri matrique communes liberi sunt; quibus cum duo sunt, non singuli singulos habent, sed singuli binos.* Benè & eleganter. & alibi: *Consortium rerum omnium inter nos facit amicitia; nec secundi quidquam singulis est, nec aduersi; in commune viuunt.* fit enim in his, quod Regum narrat historia: *Anima Ionathæ conglutinata est anima David, & dilexit eum Ionathas quasi animam suam.* Quid non potest amor? Postponit patrem Dauidi, illius honorem, opes, regnum, salutem, vitam Dauidi. Quid non audet amor? lætus hauriet venena & ferrum, vt amicum tueatur; lætusque profundet vitam, vita vt viuat amicus longiore. cum enim se in amico viuere arbitretur, & nobiliore in illo quàm in se vitâ, negligit suam, vt nobiliore in illo viuat. Opibus etiam exui gaudebit, dignitatibus spoliari, vt amico benè sit: cuius fortunâs dignitatésque suis cum præferat, gaudet fraudari suis, si per hoc amico consulat. Quin aded nihil sibi gloriosus arbitratur, quàm pro amici

Amicus amici bonis gaudet, malis deicitur.

1. Reg. 18.

Verus amicus postponit sua amici bonis.

incolumitate sanguinem fundere. Habes huius amoris non ignobile vestigium in milite à Seneca expressu: *Bonus miles feret vulnera, enumerabit cicatrices, & transuerberatus telis, moriens amabit eum, pro quo cadet, imperatorem.* non sola in illo fortitudo est, amor est; qui si abesset, fortiter cadere posset, sed non amaret eum pro quo cadit. dum cadit amore, amoris est; & in morte inter vulneta amare, amoris magni est. Ad quæ non impellit amor? hic ille est, qui tot Martyrû millia inuolare docuit in ferrum, ignes, forcipes, candentes laminas, clauos, ferras, yncos, securès, tanquam in rosas, lilia, violas. amari nimirum amor pectus obsederat. exolui illis poterant, & dignitatibus opibusque donari, si non profiteretur amatum. fateri voluerunt, & ardere, & secari: delegeruntque antè per omnia carnificum tormenta, & tyrannorum ingeniosam crudelitatem ire, quàm amorem suum non testari; imò quàm illum regere. Hinc illæ lætitiæ inter tormenta voces, cum suauiores rosas prunas amor faceret, mollius spongiâ ferrum, dulciorem saccharo liquatam pitem, gratiora melle fella. Quid non potest amor? foriaces ardentes, craticulas, accensas lampades, lentos ignes, picatas vestes, rugitus & ora leonum, rotas & cruces pro amato toleratas; delicias fuisse tot Martyrum testantur historiæ. hinc illi inter ignes cantus, & carnificum risus; & pro mœroribus gaudia. nimirum non sentit corpus in neruo, in eculeo, in stâna, cum anima amato suo adhæret; cum conglutinata Deo amori suo est. contempsit corpus, quisquis mentem per amorem confixit Deo. Idem propè in humanis est: tanta vis amoris est; ut totam

totam ubi semel possederit mentem, rapiat, & donet amato, ut dulce illi videatur pro amato procumbere. nescit amor metum; ignorat modum; omnibus se exuit, ut amatum induat; & incundius illi in causa amati omnia largiri, ne, si quid seruet sibi, prætulisse hoc, & amato magis amasse videatur. omnia ergo donat, ut omnibus cariorem sibi indicet amatum.

Verum ergo amicum si scire voles, obliice aduersa. prodet se amicus, prodet amor, quem non certius continebis, quam flammam. Factum à C. Blofio, Tib. Gracchi, dum viueret, amico; qui non veritus fuit pleno senatu, Lælio roganti fieri, *Quid si Gracchus templo Iouis faces subdere inuississet, obsecuturusne voluntati eius fuisset? Nunquam istud, inquit, Gracchus imperasset. perseveranti autem in interrogatione Lælio, in eodem constantie gradu stetit: seque etiam hoc, si modo Gracchus mandasset, facturum respondit. Audax dictum, sed magni amoris fulmen magnum in vniuersum senatum iaculatum. non probo; amicitie tamen magnæ testatio fuit magna. non dico veræ amicitie fuisse, quæ honesti regula continetur; fuit tamen affectus, ac necessitudinis maximæ signum maximum, constantie etiam ac fidei documentum nobile. Simile habes in eadem domo Poinponij & Lætorij in C. Gracchum, cui oppositu corporum suorum viam strauerunt. duo in tam multos; nec antè cesserunt, quàm & illi aditum præbuisent, & morte amicitiam signassent fortiter; licet in non bona causa. quàm verus amor fuisset, quàm laudata fides, si pro patria stetissent, cecidissent! Audax etiam factum in eadem Republica L. Rhegini, qui Cæpionem,*

post

Amicū aduersa probat.

Val. lib. 4.
cap. 7.

post fustum deletumque à Cimbris & Teutoni-
bus exercitum, è publica custodia eripuit, & fu-
gæ illius comes accessit. subdit Valerius: *Prò ma-
gnum & inexpugnabile tuum numen amicitia ! Cùm
ex altera parte Respublica manum injiceret , ex al-
tera tua illum dextera traheret; & illa ut sacrosan-
ctus esse vellet exigeret , tu exilium indiceres.* Non
dico fuisse verum amorem, qui Cæpionem vin-
culis eripuit , cuius ignavia tantum-non Roma
perierat : fuit tamen veteris arctæque familiari-
tatis , fideique & audacis animi signum maxi-
mum. Generosum etiam T. Volumnij , & con-
stantis in amicum animi factum , qui cùm ad
M. Antonium pertractus esset, quod M. Lucul-
lum, qui Bruti & Cassij partes secutus fuerat, fa-
miliariter coluisset : *Iube me , inquit , imperator,
ad Luculli corpus productum occidi. ductus quò vo-
luerat , Luculli dexteram avidè exosculatus , caput,
quod abscissum iacebat. subleuatū pectori suo applica-
vit, ac deinde demissam cervicem victoris gladio præ-
buit.* Fugere poterat ; noluit. siccare lacrymas po-
terat in amici morte ; prodidit se lacrymis. & ama-
uit lacrymas amoris proditricēs , mortisq; caus-
sam nimia pietas dedit. ô , si pro patria & Deo,
quàm nobilis amoris victima caderet ! Nescio,
an Ser. Terentius Volumnio minor , cùm suum
pro Bruto corpus trucidandum equitibus obiecit;
irrito licet conatu , cùm agnitus vivere coactus
fuerit. nec licuit fidei mendacio , obscuritate
non satis suffragante , sanguine amorem testari.
ô, si hunc virtus impulisset, & hæc sola ! Lælium
Scipionis amicitia , Agrippam Augusti, nobiles
& felices tacco: nulla enim tam ingrata posteri-
tas utriusque constantia, & pro amicorum salute
perpetuam

perpetuam in aduersis iuxta ac secundis excubationem ac beneuolentiam tacebit. Illud etiam Damonis & Pythiæ sub Dionysio Syracusarum Tyranno, memoriâ & calamis dignissimum, cum alter se pro altero capitis vadem dedisset, condictaque hora alter redisset, alterque paratas pro amico ceruices nudasset. addit Valerius: *Admiratus amborum animum Tyrannus, supplicium fidei remisit, insuperque eos rogauit, ut se in societatem amicitie, tertium sodalitij gradum intima culturum beneuolentia reciperent.* Vis magna, quæ etiâ Tyrannum rapiat in vota & sequelam; crudelitatem vertat in admirationem, odium in amorem, pœnam in amicitie beneficium, tormenta in venerationem. Nec in ingenuis tantum, sed & in seruis amor valuit, & supra seruorum fidem fides stetit. Maximis sanè viris comparandus M. Antonij clarissimi oratoris seruus, Val. lib. 6. qui in domini causa vtrò se iudicibus obtulit; cap. 9.

Plurimis laceratus verberibus, eculeoque impositus, candentibus etiam laminis vstus, omnem vim accusationis subuertit. argui fortuna merito potest, quod tam piũ, & tam fortem spiritum seruili nomini inclusit. Quanta in seruo fides, amor quantus! ne proderet dominum reum, sæuissima subire maluit, ignibus amorem & fidem probaturus. stetit fortior ignibus & verberibus fides, & amor. Pares animo C. Plotij Planci à triumuiris proscripti serui: cum diu multumque torquerentur, prodere dominum noluerunt. poterant viuere, & opibus etiam donari; mori maluerunt. *Verum non sustinuit Plancus, tam fideles, tamque boni exempli seruos ulterius cruciari: sed processit in medium, ingulsumque gladiis militum obiecit.* subdit Valerius:

Valerius: *Quod certamen mutue benevolentie arduū dignosci facit, utrum dignior dominus fuerit, qui tam constantem seruorum fidem experiretur; an serui, qui tam iustā domini misericordiā questionis scuitiā liberarentur.* Quos quibus præferam? dominū seruīs, an hos domino? par utrimque gloria in animo pari. Illud etiam omnium meritō calamis nobilitandum, cūm Vrbini Panopionis seruus, edoctus de militibus ad proscriptum dominum occidendū submissis, commutata cum eo veste annulōque, *clām postico illum emisit, se autē in cubiculum ac lectulum recepit, & ut Panopionem occidi passus est.* Breue factum, ingens materia calamorum & oris, dignissimūq; amplissimo monumento, quod Panopion posuit pietati, fidei, gratitudini. O magnum virum, si Senatore, aut equite Romano natus esset! imō maiore, cūm in seruili pectore consulares animos tulerit & Imperatore dignos, omnique adedō purpurā & sceptro digniores. Hoc est post mortem viuere, tam fortiter in aliena causā occūbere, suāque morte vitam domino parare. ō maior domino seruus!

Vera amicitia nulli rei honesta parcat in amici causa.

Perfecti verō amoris & amicitiae documenta sunt, ut nulli rei honestae amans parcat in amati causā, non laboribus, non opibus, non famae, nō sanguini. *At ubi illum inuenias, qui honorem amici anteponat suo? Quid? quā graues, quā difficiles plerisque videntur calamitatum societates?* Et tamē sine hac lege vera consistere amicitia non potest: simulata potest, quae minimo aduersarum rerum vento auolat & dilabitur; vera manet. Est tamen & alia, quae vim suam morte testatur. Tib. sanē Gracchus, cūm sibi aut coniugi moriendum augures dixissent, mori maluit, ut vxor viueret.

vt meritò Valerius inclamet : *Corneliam nescio
 utrùm feliciorẽ dixerim , quòd talem virum ha-
 buerit ; an miseriorem , quòd amiserit.* C. verò Plau-
 tius Numida , morte vxoris audita , ferro incu-
 buit , vxorem secutus. factum & à M. Plautio :
*Quem amici , sicut erat , togatum & calceatum cor-
 pori coniugis innoxerunt , ac utrũque unà cremârunt.*
 Morte iungi maluerunt , quàm vitâ distrahi. Nò
 probò ; sed amoris cuiusdam , licet imprudentis ,
 affectum designo. Illud in muliere portentosum ;
 cùm Porcia Catonis filia virum suum Brutum
 occubuisse intellexisset , ferrumque deesset , ardē-
 tibus ore carbonibus haustis , spiritum obfirma-
 to mori animo interclusit , & maritum sequi ius-
 sit. Vis quanta amoris ! nescio , an non fortiùs tu-
 lisset mariti casum. Magis sanè ex virtute , cui vni
 verus amor innititur. Quid ? quòd furoris ac de-
 sperationis aliquid in his mortibus , & vitæ tæ-
 dia , & immoderati cuiusdam animi impotentia ,
 & mens mœroris impatiens , dolorique succum-
 bens , & victa malis , quæ ferro finem quærit , aut
 alio mortis genere. Hypsiratea tonsis capillis ,
 equoque & armis assueta , Mithridatem coniugē
 per efferatas gentes fugientem , animo & corpo-
 re secuta. Hoc etiam in mulieribus generosum.
 Cùm Minyæ , ob affectatum Spartanum regnum ,
 publicæ custodiæ inclusi , capitali setuarentur
 supplicio , coniuges eorum illustris ibi sanguis , velut
 allocutura periuros viros , impetrato à custodibus
 adiut , carcerem intrauerunt , commutatæque veste , per
 simulationem doloris velatis capitibus , eos abire
 passi sunt. Addit : Hoc loco quid aliud adiecerim ,
 quàm dignas fuisse , quibus Minyæ nubereint ? So-
 ciorum Iasonis sanguis , coniugalis amoris
 exemplum

exemplum illustre. at ego nescio, an laudare viros possim, qui vinci se à coniugibus passi, vivere maluerunt, quàm sine coniugum periculo fortiter occumbere. vxores meritò laudem, quæ cum veste mulierem exuerunt, virum induerunt: non laudem viros, qui cum veste mulierem induerunt, exuerunt virum. & non fortiùs viri caderent, quàm deterioremententi sexum, viverent? non generosiùs vinculis, quàm feminea induerentur veste? Quid ignavius, quàm vitam, coniugum veste mercari, suâque libertate pericula coniugibus accersere? Vt meritò laudem mulieres viros factas, damnum viros in mulieres commigrantes. simul enim cum veste migravit animus, ut illi viri esse desinerent, illæ mulieres; illi feminæ esse inciperent, hæ viri, & viri fortes, etiam sub securi, & tortoris manu: latentibus interim profugis & ingloriis viris sub feminea veste. dignissimi hi omnino, qui feminæ essent, dignissimæ illæ, quæ viri nascerentur.

*Sola honesta
ab amicis pe
tenda.*

Sequitur, Cicerone teste, amicitia lex altera, ut ab amicis honesta petamus, nec alia: & amicorum causâ honesta faciamus: nec expectemus quidem dum rogemur, sed studium semper adsit. cunctatio absit. Inhonesti qui petit, amicitia limites, quæ soli rationi ac virtuti innititur, transgreditur. non amat, qui scelera ab amico sperat. odit quisquis criminum auctor est. neque enim hoc bene, sed malè velle est. at amicorum nemo malè amico volet, si amicus est. malè autem vult, qui scelera suadet. nam quod malum sceleribus grauius? aut quid funestius homini euenire potest, quàm domesticis intus fluctibus concuti, & perpetua mentis inquietudine iactari, omnique animorum

animorum tranquillitate ac pace nudari? à sceleribus hæc nasci scimus omnes. non est ergo amicus, qui in scelera impellit. omni hoste grauior est, qui sub amici persona, inimica consilia suggerit, qui causam præbet, qui impellit. Et sanè mitior est, qui in corpus ferrum stringit, quàm qui sceleribus animam inuoluit. benignior corporis, quàm animæ mors est; nulla autem mors deterior, quàm quæ à scelere venit. Nemo ergo in hoc amicum amicus incitabit, si saluum volet, si fortunatum, si in magnis animorum opibus, & alta pace, si beatum denique. Atque hinc illud Lælij apud Ciceronem: *Hæc prima lex in amicitia sancitur, ut neque rogemus res turpes, neque faciamus rogati.* Benè, & Christianè. æterna hæc lex veræ amicitiae sit, & nulla sanè est excusatio peccati, si amici causa peccaueris. Audiant Christiani, & iurentur: nec patiantur se à profunda gentilitate vinci, nec agnoscant amicum nisi iusta petentem; adde nisi casta. Audi eundem: *Ab iis, qui pecudum ritu, ad voluptatem omnia referunt, longè dissentimus. nec mirum: nihil enim altum, nihil magnificum ac diuinum suscipere possunt, qui suas omnes cogitationes abiecerunt ad rem tam humilem, tamque contemptam.* Quid ergo, qui in mutuas voluptates exardescunt? non se mutuò amant; cum non rarò vitam in hoc æstu prodigant, & læti amicitiae causa sanguinem fundant: non magis, quàm bruta animantia, quæ paribus non rarò libidinum furiis aguntur. furunt illi, non amant; & ferarum more, ut optatis fruuntur, irruunt in ferrum & venabula. Disces, si tales videris, opum, honorum, parentum, coniugum, filiorum, adeoque & animarum salute postposita,

D

non

non ire, sed fatuo ausu, cæcòque impetu ruere, ut nocitura, & vnius momenti hilarem insaniam expleant. & ferè dum ardor his in summo est, peregrinari tales à mente sua videas, omni prudètia exutos, nec antè pericula nosse, quàm obruti illis & insepulti iacuerint; neque damna videre, nisi postquam acceperint; serà pœnitentiâ, serà sapientiâ; neque antè ad se hominèmque suum redire, quàm vel brutis simillimas voluptates expleuerint; vel magno nimis exsoluerint. quo ferè tempore & seipsos damnant, & facta nollent, & mœroribus obuoluuntur, & temeritatem admirantur, & erubescunt ad præterita.

Amico committenda, quæ prodita ruborem non incutiant, è non infimorum sententia.

Quia verò humana incerta, dubij euentus, nec quidquam loco suo firmum ac stabile, ne montes quidem, rupes ac maria, quò minùs mens humana, fluctibus perpetuò labentibus quàm rupibus similior; suadent prudentes, ne quis effundat in amici sinum quod cum rubore obici ab hoste possit. Hinc illud Senecæ: *Ita viue, ut nihil committas, nisi quod committere etiam inimico possis.* Et vetus illud: *Ita amicum habeas, posse ut fieri inimicum putes.* Hoc qui cogitat, non facilè pœnitenda amico committet. Et magnum omninò est, nihil vllò tempore pœnitendum alienis auribus & oculis committere. nam & qui hodie amicus est, inimicam cras induere mentem potest. commisisti dum staret amicitia, aliquid erubescendum? prodet, ut ex amico inimicum pudore suffundat. Cauebit ergo vir prudens, nec credet serà post pœnitundine luenda. faciet si in omni homine censorem & hostem cogitauerit. Sed & prudens hic metus magnæ comes prudentiæ est. neque enim quisquam famulante hoc metu,

metu, incidet in prodendi, aut proditi secreti præcipitia.

Quaquam non diffitear, non credere me sinceram certamque intercessisse amicitiam, quæ in odia exsurrexit. æternat enim amicitia, si talis est, etiam cum amico destituitur. stat enim illa in gradu, nec amorem ponit, altero licet ponente: in quo verus amor nunquam fuit, si aliquando excidit; magis, si in odia versus fuit. Familiaritas quædam & contubernatio fuit; amor non fuit. aut sanè amoris umbra quædam fuit, & tenuæ magni corporis vestigium; nec aliud. aut, ut multum largiar, imperfectus quidam amor fuit; verus non fuit. Graue dices, modum illum in amicitia tenere, & intentum in omnem partem animum, operamque dare, ut singula verba aures, oculosque ac monentem pædagogum habeant. cum amicitia expers curarum illarum merito esse debeat, ac pari quisque cum amico quæ secum libertate, seposita amici cura ac timore, versari in omnibus consueuerit. Ita est. sed, cum amicitiam in sola virtute positam esse censeam, ea omnino libertate cum amico erit, quæ secum in virtutum exercitationibus. quod qui fecerit, nec erubescet vnquam, nec poenitendum quidquam amico committer; nam in sceleribus, ac prauis actionibus, etiam dum solus est, erubescet, & conscientiam domesticum improbitatis testem verebitur. Securissimos ergo & liberrimos in amicitia volo. fiet hoc, si sola virtute amicitiam metiamur, illiusque terminis hanc concludamus. Quare venio omnino in eam sententiam, ut veras amicitias sempiternas cum Cicerone dicam: nihil proinde metuendum

Vero amico
omnia com-
mitti posse,
censent viri
magni.

à vero amico esse, omniâque turò illi credi posse, cum nihil extra virtutem credatur, aut non ab illa profectum : quod quacunque via proditum ruborem incutere non potest. vt verum sit illud Scipionis, qui Lælio referente, *negabas ullam vocem inimiciorum amicis potuisse reperiri, quam eius, qui dixisset, ita amare oportere, vt aliquando esset osurus; quòd hoc preceptum ad tollendam amicitiam valeret.* Perpetuum enim metum hæc cogitatio animis ingenerat, & mentem ad omnia dubiam & attonitam, sibi que aliis que diffidentem statuit, omni fiduciâ ac tranquillitate procul pulsâ; quo fit, vt non postremus ille amicitie fructus percat à Seneca recensitus: *Quantum bonum est vbi sunt preparata pectora, in quæ turò secretum omne descendat, quorum conscientiam minus quam tuam timeas. quorum sermo sollicitudinem leniat, sententia consilium expediat, hilaritas tristitiam dissipet, aspectus ipse deleat.* & alibi: *Si aliquem amicum credas, cui non tantundem credas quantum tibi, vehementer erras, & non satis nosti vim verae amicitie.* Tu verò omnia cum amico delibera, sed de ipso prius. post amicitiam credendum est, ante amicitiam indicandum. diu cogita an tibi in amicitiam aliquis recipiendus sit: cum placuerit fieri, toto illum pectore admitte. iam audacter cum eo loquere, quam tecum. Hinc Cicero: *Quid dulcius, quam habere, quo cum omnia audeas sic loqui, vt tecum?* Si enim, vt cum futuro hoste loquendū, vt tecum loqui non poteris: neque enim periculum, vt quis hostis aliquando sit sui, & commissa animo suo prodar, factus accusator sui. Vtramque tamen sententiam non difficile concilies; nam cum, Cicerone teste, inter solos bonos vera amicitia reperiat, nil periculi

periculi est, ne quid verbo factoque committant mutuò boni pœnitendum si prodatur. tutò proinde vir bonus committere omnia amico potest, nihil commissurus nisi bonum, si bonus & amicus amico esse velit. Cômisset ergo omnia amicus amico, sequeturque Senecam : *Quia interueniunt quedam, quæ cõsuetudo fecit arcana, cum amico omnes curas, omnes cogitationes tuas misce ; fidelem si putaueris, facies : nam multi fallere docuerunt, dum timent falli, & aliis ius peccandi sufficando fecerunt.* Dignum Philosopho documentum. fiducia vna aliam excitat, vt amor vnus alium. Hinc benè dictum ab eodem : *Si vis amari, ama :* prouocat amor amorem, vt venerationis vna alterâ : cumq; facile sit amare, erit etiam facile amari. mutuò se hæc incendunt, & ignem igni sufficiunt.

Non dico nõ solere aliquãdo bonos à probitate degenerare, & vtrumq; etiam amicum virtuti renunciare. nimis hoc funesta orbe toto nos exempla docent : quidque sperare, quidque timere debeamus, aperiunt. quod vbi accidit, veri amici esse desinunt, cum nulla improbitas alteri nubat. *nam cum conciliatrix amicitia virtutis opinio fuerit, difficile est amicitiam manere, si à virtute defeceris :* imò, eodem Cicerone teste, impossibile. Sed neque deposita probitate periculum creari mutuò potest ; cum enim bonorum virorum cõfilia, mutuòque in amicitia concredita non nisi è virtutibus nata sint, nulla in illorum publicatione damna timenda sunt. neque idè falsus Cicerone est, qui amicitias æternas esse dixit, cum perraro admodum semel altè defossa animo virtus, annorum exercitatione roborata, hominem suum destituat. Accedit, nec cum morte quidem

*Nunquam
vera amici-
tia deponi-
tur.*

54

Car. Scribani institutio

amicitiam deponi. nam & qui superest, amati memoriam colit, eo validius, quo negata fortius amamus, & defuncti animo innixus virtuti amor adhæret. fit hoc in scientia, quæ cum morte non moritur. quo minus amor virtuti insertus? Sequitur enim æternam virtutem amor æternus, pari æternitate donandus, pari remunerandus. Sed neque amare se desinent post mortem. qui amarunt in vita. non solet mors animum frustrari virtute, nec probitate sua mentem exuere: quare nec amorem virtute natum. non quod boni omnes non amaturi sint omnes, sed inerit amicorum animis, præter vulgatum illum omnium bonorum amorem, amor alius cælestibus non indignus. Voluisse hoc videtur Cicero, & veterum schola Philosophorum, cum sempiternas voluerunt esse amicitias. Quàm non immeritò propè dicam Christianos, cum tam altè videam succinctos? quàm non longè abeunt ab Euangelio, qui de virtutibus tam euangelicè sentiunt? quàm castos, qui tam castè de amore loquuntur? non videantur hi nutriti in magni Ioannis disciplinatu, qui de vero amore, de vera amicitia, adedè piè & mellitè ad Ioannis calamum scribunt? Iam quàm non longè abeant à primorum in Ecclesia Patrum placitis, ac cælestis amoris delineatione, cum tam nobili, generoso & docto penicillo peritissimi artifices virtutum ac amicitiae augusta depingunt, quis non videat? ut hoc nomine admirandi, laudandi, imitandi veniant etiam Christianis. Et quem pudeat, è gentilitia licèt schola, discere cælo coronanda, remuneranda cælo? imitemur. nemo præmiandus erubescit.

CAPVT

CAPVT IV.

Quæ ratio in matrimonio tenenda?

MVLTA hîc dici possent. breuis ero. nihil dicam de cælibatu, ne incurrant in hanc chartam agmina coniugatorum. Illud tamen Apostoli non transeo: *Volo omnes vos esse sicut meipsum. Dico autem non nuptis, & viduis; bonû est illis si sic permaneant, sicut & ego. Addit: Solutus es ab uxore, noli querere uxore. claudit denique: Qui matrimonio iungit virginem suam, benè facit; & qui non iungit, melius facit. Mulier alligata est legi quato tempore vir eius vivit. quòd si dormierit vir eius, liberata est: cui vult nubat; tantum in Domino. Beatior autem erit, si sic permanserit, secundum meum consilium: puo autem quòd & ego spiritum Dei habeam.* Hæc Apostolus; non ego. neque iam hîc ago, vt plurimos videam Paulli imitatores. plus enim de veteri Euangelio redolemus quàm de nouo: *Crescite, & multiplicamini, & replete terram.* Non improbo: Apostolum tamen magis probo. Et audio de virginitatis prærogatiua Dominum: *In resurrectione neque nubent, neque nubentur; sed erunt sicut Angeli Dei in celo. & explicariùs: Filij huius sæculi nubunt, & traduntur ad nuptias; illi verò qui digni habebuntur sæculo illo, & resurrectione ex mortuis, neque nubent, neque ducēt uxores: neque enim ultra mori poterunt: æquales enim Angelis sunt, & filij sunt Dei, cum sint filij resurrectionis. Assimilātur virgines Angelis, adeoq; & æquātur. Et excluduntur nuptiæ cælo. terra has nouit,*

1. Cor. 7.

Genes. 9.

Matth. 22.

Luc. 10.

ignorat cælum: non ignoraret, si aliquid de perfectione mutuarentur. nunc cum exulent cælo, necessum aliquid illis imperfectionis adhærescere: non exularent, si non adhæresceret. non quodd nuptias damnem, sed quodd excludi illas cælo videam.

*Paritas in cō-
iuge quæren-
da.*

Verum omitto nunc hanc disputationem inuidia & æmulatione grauidam. transeo ad matrimonium. Vxorem amas? ama parem. non reicio inferiorem opibus, genere, quæ obsequi didicit & seruire. Quid? quod magis hanc probem quàm superiorem, ne dominam patiaris, nō vxorem. imperare enim illæ sciunt, obsequi nesciunt: cumque animos ab opibus & genere mutuuntur, ignobilis egentisque mariti contemptum induunt, & seruum intuentur, non coniugem: opum enim generisque disparitas animorum disparitatem prouocat, vt, quæ diuitiis generæque superiores sunt, imperio etiam esse velint. Hinc infelix illa seruitus, qua melior deteriori sexui parere cogitur, & famulari discit qui imperare debebat. Turpe stolam togæ imperare, turpe colum gladio. hinc illa domestica verborum, vnguium, capillaturæ, pugnorum, tanquam cæstum bella. hinc femineæ, Oceani tempestatibus maiores, fluctusque decumanis sæuiiores:

*Cauendum
ab iracunda.*

Sexusque oblita minoris

Spumat, & ingentes imitatur femina tauros.

Et verum nimium illud Poëtæ:

Non sic incerto mutantur flumine Syrtis,

Nec folia hiberno tam tremefacta Noto,

Quàm citò feminea non constat fœdus in ira,

Sive ea caussa levis, sive ea caussa grauis.

Sed neque tot vomunt serpentes venena, quot
indigna

indignabunda effundit mulier. hinc illud Sapientis: *Non est caput nequius super caput colubri; & non est ira super iram mulieris.* Et, *Brenis omnis malitia super malitiam mulieris.* vt proinde exclamet: *Melius est habitare in terra deserta. quàm cum muliere rixosa & iracunda.* adeoque *Commorari leoni & draconi placebit, quàm habitare cum muliere nequam.* &, *Sicut boum iugum, quod mouetur, ita & mulier nequam: qui tenet illam, quasi qui comprehendit scorpionem.* Vt benè Chrysologus: *Lacrymis arma vincunt, regna fletibus inclinant, lamentis totam fortitudinem virorum frangunt.* Addit Cyprianus: *Quantos leones domuit una infirmitas delicata, qua cum sit vilis & misera, de magnis efficit pradam!* Hercules, Samson, Adam, Salomon nos docent. Herculeas flammæ Poëtæ loquuntur. de Samfone illud Ambrosij est: *Samson validus & fortis leonem suffocauit; sed amorem suum suffocare non potuit: vincula soluit hostium, sed suarum non soluit nexus cupiditatum. messes incendit alienas; sed vnius mulieris accensus igniculo, messes sue virtutis amisit.* De Adamo nihil dico. Euam qui dixit, omnia dixit. ô nimium nos ipsi testes mulieris vnius! Quis nesciat primordiale delictum? quis traducem, & in semine venenum? O quàm sæuis æternum mulier, etiam in illos qui Paradisi nullum cespitem norunt! quàm validè in omnem posteritatem iacularis venena! testes inferorum flammæ. & aperte Sapiens: *A muliere initium factum est peccati, & per illam omnes morimur.* De Salomone Scriptura inclamat: *Auerterunt mulieres cor eius.* De quibus audet Chrysostomus: *Quid est mulier, nisi amicitia inimica, ineffabilis pœna, necessariū malum,*

Eccli. 25.

Ibidem.

Prou. 21.

Eccli. 25.

Eccli. 26.

Serm. 79.

Eccli. 25.

3. Reg. 11.

Hom. 11.

Serm. 39.

naturalis tentatio, desiderabilis calamitas, domesticum periculum, delectabile detrimentum. mali natura. boni decore depicta? Audet Maximus: Mulier est viri naufragium, quietis impedimentum, vitæ captivitas, quotidianum damnum, & voluntaria pugna. sumptuosum bellum, bellua conuina, sollicitudo confidens, leona complectens, exornata Scylla, animal malitiosum, malum necessarium. Fortiter Tacitus: Feminarum sexus, si licentia adsit, saevus, ambitiosus, potestatisque avidus. Vnde monet Sapiens: Non des mulieri potestatem animæ tuæ, ne ingreditur in virtutem tuam, & confundaris. Causam addit: Mulier si primatum habeat, contraria est viro suo. Sequitur: Cor humile, & facies tristis, & plaga mortis, mulier nequam. Et in eandem sententiam Ephrem: Quid inter quadrupedia leone terribilius, aut inter reptilia dracone crudelius? verum nihil ad malam mulierem. Cõfirmat Sapiens: Omnis plaga, tristitia mortis est; & omnis malitia, nequitia mulieris. & Græcus Poëta: Cum multa in terra marique fera sint, omnium maxima mulier fera est. Beatus, qui se eximere huic potuit, potuitque qui voluit.

1. Cor. 7.

Mulier qualis deligenda.
Eccli. 26.

Prou. 31.

Quodd si carere hoc malo graue sit, cum melius sit nubere quam vri; minus nimirum malum matrimonio iungi, quàm ignibus amburi; uxorem deligat, mitius flammis malum. In cuius delectu sequatur Chrysostomum: Quere pudicam & religiosam puellam, ut implearis benedictionibus Sapientis: Gratia super gratiam, mulier sancta & pudorata. De forma, vltima cura sit. ferè enim pulcritudini sollicitudo adiuncta, & comes formæ metus est. totque propè anxietatibus maritus inuoluitur, quot elegantias in uxore legit. Et non verum illud: Fallax gratia, & vana est pulchritudo;

pulchritudo ; mulier timens Dominum ipsa laudabitur ? ô nimis verum !

Sed neque nimis comem, blandam, & excultam nimium moribus volo, ne alienum calorem prouocer. Nolo rusticam. sed neque nimis aulicam verbis, moribus, blandimentis probo. rara verecundiæ cum nimia elegantiâ mistura est. & non curiosior vna ciuilitas aliam prouocat, & dum singuli coinitate certant, aliquid refundunt complacentiæ & affectus?

*Non nimis
blanda.
Nec rustica.*

Nolo in exteriore membrorum cõpositione mollé & teneram. quis enim ignoret, nimiam morum teneritudinem libidinis prouocatoriũ esse?

*Nec tenera
nimis.*

Nolo eloquentẽ, ne tot iaculetur ignes, quot verba. elinguem tamen nolo, & barbarũ sonantem. Verũ elegantiâ verborum, elocutionis venustate adiuta, omni viro gladius est. Addit Ecclesiasticus : *Colloquium illius quasi ignis exardescit. Halitus eius prunas ardere facit, & flamma de ore eius egreditur. Nuidius oleo guttur eius : nonnissima autem illius amara quasi absinthium, & acuta quasi gladius biceps.*

*Nec eloquẽs
nimis.*

*Eccli. 9.
Iob 41.
Prou. 5.*

Nolo cultam nimis & ornatam, memor Hieronymi : *Vir aut mulier suo ornatu oculos hominum ad se trahens, et si nullum inde sequatur damnum. supplicium tamen aeternum meretur; qui venenum attulit, si fuisset qui biberet.* Nitorem & mundiciem probo, ne fastidium sordes & neglectior forma pariant, & in alienas virum compellant. nimium tamen ornatum damno. nam cui hunc viro? Domi placere discat, quæ casta est, vt maritali cubiculo & toro complacentia claudatur. Et quod ornatus aliorum oculis? vt placeas? marito pudica placebit. & non illi soli? Quid aliorum oculis

*Non culta
nimis.
Ad Demetriadem.*

Eccli. 9.

Ibidem.

Eccli. 42.

oculis prostituis formam? marito illa debetur, nec alteri. An in pulchritudinis admirationem prouocare vis viros? nescis admirationi amorem coniunctum? & castam ego dicam, quæ ab alio quàm à marito amari desiderat? Audi Sapientem: *Auerte faciem tuam à muliere compta, & ne circumspicias speciem alienam: speciem mulieris aliena multi admirati, reprobifacti sunt.* Hinc illa monita: *Cum aliena muliere ne sed eas omnino, nec accumbas cum ea; ne fortè declinet cor tuum in illam, & sanguine tuo labaris in perditionem.* & illud: *In medio mulierum noli commorari: de vestimentis enim procedit tinea, & à muliere iniquitas viri.* Vis videri? & vis omnium oculis vulnerari, omnes tuis? aut quid aliud quærit mulier ornata? naufragam nimirum venustatem ornare. Si marito, benè: sin aliis, quid dicam? ego vni marito vnam castam natam arbitrabar, & vni tantum. Certè quod Cyprianus de virginibus, *Dum ornari cultius, dum liberiùs vagari virgines volunt, esse virgines desinunt, vidua antè quàm nupta;* ego de nuptis dicam, *Dum aliorum oculis ornari volunt, castæ esse desierunt, dubij patres non dubiæ matres.* Iam, cum non teneram ceruicem tantum, sed & pectus totum omnium prostituunt oculis, ego castas dicam? tot oculorum lenas dicam castas? & cui pectus recluditur? non soli marito debuit? aut, cum omnium oculis retegitur, non omnium animis vna mulier vxor facta est? humeros, pectus, vbera palàm detegi, non prostitutâ palàm castitate, quis credat? aut ego illam credam castam, quæ quod in muliere validissimè viriles prouocat ignes, omnium ingerit oculis? Nec ignorare mulier potest vbera, libidinum

libidinum folles. teget quæcūque casta est, quin & erubescet non raro ad mariti oculos, reliquos exhorrescet & excludet, & vallum pectori obducet. nimis prærupta præcipitia in vultu & manibus ludunt: non necessum noua à pectore accersere, quò maiore impulsu corruant viri. Non pœnitebit sanctioris seueriorisque castimonix exempla à Romanis mutuari. audiamus Valerium: C. Sulpicius Gallus *uxorem dimisit, quòd eam capite aperto foris versatam cognouerat. lex enim, inquit, tibi meos tantum præfinit oculos, quibus formam tuam approbes. his decoris instrumenta comproba, his esto speciosa, horum te certiori crede notitia.* *Uterior tui conspectus supernacua irritatione accersitus, in suspitione & crimine subhareat necesse est.* Quàm grauitè, verè, Christianè, adeoque & religiosè! vt non mizeris scribere Tertulianum: *Necesse est publicatione sui periclitetur dum percutitur oculis incertis & multis. & alibi: Omnes in te atates periclitantur. indue armaturam pudoris, circunda vallum verecundie, murum sexui tuo strue, qui nec tuos emittat oculos, nec admittat alienos. & de Arabiæ mulieribus, quæ non caput, sed faciem quoque ita totam tegunt, vt vno oculo liberato, contenta sint dimidiam frui lucem quàm totam faciem prostinuere.* Quid faciet Christiana muliebris verecundia in hoc Ethnico pudore? Redeamus ad Romanos. *Q. Antistius Vetus repudiavit uxorem, quòd illam in publico cum quadam libertina vulgari secretò loquentem viderat. Iungendus est his P. Sempronius Sophus, qui coniugem repudij nota affectit, nihil aliud quàm se ignorante ludos ausam spectare.* addit: *Ergo dum sic olim feminis occurritur, mens illarum à delictis aberrat.*

Val. lib. 6.
cap. 3.

Hæc

Hæc Gentiles. ô quoties nostræ longos sermones cum alieno sexu ! quoties ludos non spectant, sed in domos suas vocant, & pars magna inuerecundæ scenæ sunt ; & tota capillatura, oculis, vultu, pectore flammæ iaculantur nocituras, factæ viris fulmina & gladius !

Pigmenta verò quis ferat? quò mentitus decor candoris & purpuræ, aut cui? marito? nulla hunc vxor mendacio hoc fefellit. alieno? quò hi doli? si non in laudem & amorem? & amari ab alio, quàm à marito casta vult? aut cui alteri rei mentita forma & ætas? fallere hæc maritum non possunt. aliis ergo ludunt hæc mendacia, struuntur doli. cui, nisi amor? nam quid iuuat ætatem & formam mentiri, nisi vt in sene & deformi iuuenis & formosa ametur? & quò aliò pigmenta & fucus? in fraudem hæc inuenit amor, & libidini pedissequam purpuram dedit, quæ ancillari amoris docta incautos rapit.

*Non nimis
musica.*

Nolo deinde nimis musicam. ferè enim hæc venena fundit: nec parciùs illa viri bibût, qui audiunt, quàm mulier quæ fundit; & audiùs etiam auditores hauriût, quàm quæ propinât; altiùsque in pectus vox dimittitur, quàm extollitur. Plus nimirum musica, plus decipula. ita fraus & doli modulationibus innectuntur. Iam, vbi vocem deprefferit, vbi extulerit, vbi ridentibus labris & oculis, aut in commiserationem flentibus ac dolentibus, melleos modulos exornauerit, cuius viri pectus stabit? cuius lusciniarum harum cantus non flectet in stuporem? & castam credam, quæ tot mentes in se vocat, quot aures? Quòd si eandem saltatricem dederis, quid dicam? audio Sapientem: *Cum saltatrice ne assiduus*

Eccli. 9.

assiduus sis ; nec audias illam , ne fortè pereas in efficacia eius. Video saltantem Herodiadis filiam , regiasque exinde sponsiones , discum , & caput Ioannis psaltricæ puellæ lucar ; & timeo.

Nolo nimis doctam , ne supra sexum sapiat. *Non nimis docta.* discere mulieris , docere viri est. turpe viro ab ignobiliore sexu discere. nam , quæ docere mulier didicit , imperare didicit. parère nescit docta. & quia supra sexum eruditio est , supra sexum animus est.

Nolo multarum linguarum peritam , ne multis linguis cadat quæ vnâ steterat ; néue multarum linguarum delinimenta discat , quæ vnus cadere poterat. nulla admittit peregrinos amores , quæ non admittit linguas. tot linguarum laqueis vnam ceruicem innecti , periculo proximum est. Quòd si extra periculum mulier est , quis extra illud virum statuet , cùm in vna muliere linguarum suarum delicias amabunt plures , fors & in vna amores legent , & gentis suæ inuerecundos ignes ? nam , vbi cum linguis peregrinas imbibere flammas , quid nisi vicissim iaculetur , eo certius , quo mollius , quo in fraudem promptius ?

Nolo totum illi recludi virile pectus. aliquid maritus habeat quod ignoret vxor , cùm secretum res postulat. nam silentium qui ab vxore sperauit , sexum exuere voluit. & nescio , an non grauitè in omnem prudentiam peccet , qui tacenda illi sexui commisit. neque enim secreti legibus teneri mulier videtur ; adeoque legibus omnibus exoluta cēseri debet. Largiendum hoc sexui , vt peccet in illum qui silentia spōdet. quæ quo secretiora fuerint , plus proditrix mulier erit.

Nō omne secretum committendum vxori.

*Mulier com-
missi tenax,
rariissima.*

erit. Vulgari rem vis? committe. vis properari,
& effundi tamquam imbrem? sanctè committe.
quo sanctius, eo citatius profundet. nec famæ
suæ, & communis tori parcat. Quare & à Re-
gnorum & Rerumpubl. negotiis plurimum fe-
minam excludo. secretum illa postulant: quod
nemo prudens à muliere sperabit. Non quòd
omnes vno calamo, tanquam vnâ spongiâ à gu-
bernaculis expungam, aut omnibus omnia ef-
fluere arbitrer; sed quòd, nubium more, rariissi-
mæ sint, quæ pluuiam suam teneant; vt non
aberrauerit, qui femineum os & pectus cribro
assimilauerit, aut exterebratæ naui, & dolio. In-
uenies tamen alias aliis commissorum tenacio-
res. Beatus, cui obtigerit hæc è millibus vna.
Sed neque damna vxorem, si credita prodidit;
te damna, qui credidisti. Scire debebas sexui illi
dicenda committi debere, nec alia; & ferè pru-
dentiam illi omnem in lingua esse, elegantiam
in ore; illamque inter mulieres plus mulierem
esse, quæ minus contineat, plus effundat. vt non
desint, qui arbitrentur elegantia aliquod genus
in hoc sexu esse, plurimum effundere, minimum
continere, vt in camelo gibbum, in elephante
promuscidem; in boue cornua, in Alpibus stru-
mam, in Meroë natis maiorem infante mamillam,
in Æthiope pendentia labra.

*Domus cura
vixeri cre-
denda.*

Committi tamen vxori domestica velim,
quidquid nimirum ancillarum ac filiarum est,
etiam filios in octauum ac nonum annum; inde
in ius abeant patris, & virum discant induere,
feminam exuere. Scio pro regnorum varietate
variè vxores haberi. non improbo. omnia com-
mitti non probo: sed nec omnibus excludi.

sunt

sunt enim, quæ tutò committi possunt. & plurima inuenies muliebri magis quàm virili ingenio manibusque nata. & ferè frugalior vxor viro est, & minutarum domesticarum rerum intelligentior: minoribus enim nata mulier, maioribus vir est. prudentis proinde est tribuere cuique id cui naturâ factus est. Sed neque domesticas res opesque vxorem ignorare consultum puto, ne peregrinam rerumque ignarâ mariti mors, filiorum & suo damno non vulgari reperiatur; & dubiæ alterius fidei fortunas suas suorumque credere cogatur, antè fraudanda quàm docenda. Et errant meo iudicio, vehementer, qui in otio vxorem habent. audiant Sapientem: *Multam malitiam docuit otiositas*, magis in femina, quàm in viro. Hinc doli & fraudes, & plures iam mariti, & aliena vestigia, & torus non vnus, & patres multi, & dubius partus. Neque enim aut ignota Antoninî Faustina, Pompeja Cæsaris, Tiberij Messallina, Agrippina Neronis mater, Zoë Imperatrix, aut Augusti Iulia. paternâ proscriptione nobilis. omnes Imperio illustres. Quid de priuatis cogitemus? & otia ferè tales orbi pepererunt. Nam, quibus in otio mulier tempus fallat? eruditorum lectionibus? non sunt hæc fercula muliebris palati & ingenij. alia desunt? non deerunt amores, quos curarum vacuæ, liberis cogitationibus, cum meditatæ fuerint, furtiuis noctibus diebusque inuenient. nec quidquam otiosis magis obuium, amoribus. Nihil cogitare, non est hominis. doctis sermocinationibus, lectionibus, scriptionibus diem noctibus iungere; gubernacula, rempublicam, imperia, bella, exercitus, & triumphos meditari, militem scribere, hostem

Otiū in muliere improbandum.

Eccli. 33.

Otiū mala in muliere.

hostem ferire, sanguinem dare & haurire, propugnacula erigere, hostilia euertere, classem parare, insidias inimicò agmini struere, virorum est. Quid agat ergo mulier otiosa? Deo se totam & pietati dabit? paucarum est. & dies totos, annos totos quis diuinorum cogitationibus impendet? aliquid intercurrat necessum, quod lassam mentem reparet, & quasi sibi restituat. ambit alternis occupari mens humana; nec semper cœlestibus, nec semper perituris distineri. Destituitur domesticis occupationibus mulier? amabit. nam quid voluat aliud, aut quibus otiosam mentem, sollicitudinum vacuam, pascet? Quare si vxorem vni sibi maritus volet, domesticis potiùs negotiis obruat, quàm occupet. nescit obruta rebus amare, nescit erubescenda meditari. Quid? quoddam crescat amor fidelsque in maritum, cuius fiduciam in concreditis sibi experitur. prouocare fides fidem, vt diffidentiam diffidentia solet: magis verò cùm sortitus vxorem maritus fuerit moribus commodam. de qua illud Sapientis: *Mulier si est tibi secundum animam tuam, non proijcias illam.* & , *Noli discedere à muliere sensata & bona: quam sortitus es in timore Domini: gratia enim verecundie illius super aurum.* & alibi: *Mulieris bona beatus vir: numerus enim annorum illius duplex.* & , *Pars bona mulier bona, in parte timentium Deum dabitur viro pro factis bonis.* gratia enim mulieris sedula delectabit virũ suũ, & ossa illius impinguabit. & , *Mulier fortis oblectat virum suum, & annos vite illius in pace implebit.* ac verò mulierem fortem quis inueniet? procul, & de ultimis finibus pretium eius, confidit in ea cor viri sui, & spolijs non indigebit: reddet ei bonũ, & nõ malum.

omnibus

Eccli. 7.

Beatus vir

cui obtigit

uxor morata

& sedula.

Ibidem.

Eccli. 26.

Ibidem.

Ibidem.

Proq. 3 r.

omnibus diebus vite sue. fortitudo & decor indumentum eius. considerauit semitas domus sue, & paucē otiosa non comedit: surrexerunt filij eius, & beatissimam predicauerunt eam; vir eius, & laudauit eam. Quo verò rarior hæc mulier, cuius pretiū à terrarum vltimis, eo meritò pretiosior viro suo & carior; vt verum sit illud: *Columnæ aureæ super bases argenteas, & pedes firmi super plantas stabilis mulieris*; & *Fundamenta æterna supra petra solidam, & mandata Dei in corde mulieris sanctæ*. Auro, argento, & solidæ petræ constantiam & sanctitatem mulieris assimilat. scio à raritate crescere huic pretiū, vt proinde *beatus qui habuit cum muliere sensata*, & cui benedixit Dominus rara hac sæculorum benedictione. quo plus fidei meretur & prærogatiuæ: ita tamen vt domestici semper imperij fræna maritus teneat. Nec magni moliminis hoc videtur. Si namque primis in matrimonij mensibus, dum adhuc verecundia & modestia amoris miscentur, ad viri mores vxor componatur, & obsequi assuescat & ediscat obsequiis nata; reliqui sequentur anni: vt talem sperare vxorem maritus debeat, qualem sibi primis matrimonij mensibus finxerit. obsequetur, si virum nacta fuerit. Quid? dum amoris & benignitati multa concedet, nihil tamen de imperio remittet, vt amare vxor sciat & reuereri. & dum maritus amorem effundit; auctoritatem tueatur; ne remissione & indulgentia vilescat, & contemptum pro veneratione referat. A principijs hæc pendent. facilis venerationis tutatio est. qualem enim primis diebus virum vxor senserit, talem habebit. si remissum & indulgentem; contemnet. semel si contempserit, perget.

Eccli 26.

*Maritus
quomodo imperium sibi
perpetuum in
uxorem sit
paraturus.*

Vxor nō habēda ut ancilla, nec ut domina.

nec ad cultum sine ingenti conatu reuocabis. Vbi enim semel excusserit mulier iugum, impatiens frēni erit, nec calcaribus quidem & ferro domanda. Nolo, vt antē dixi, haberi vt ancillam, sed neque vt dominā. vtrūque à non paucis peccatur; minus tamen peccatum pro ancilla habere, quā dominam pati. neutrum prōbo: mitius tamen malum prius est. Vtrumque vitabit vir prudens, & indulgentior etiam erit in coniugem, quā in proles; & dum agnoscit sobolis suæ matrem, se patrem meminerit, & imperio natum. Et verò inter minas Israëlī in delictum intentatas, mulierum imperia Propheta numerat: *Populum meum exactores sui spoliauerunt, & mulieres dominatæ sunt eis.* Nec minor pœna, si marito vxor dominetur. & portentum sit, si pedes manūsve capiti imperent. Mulieris verò caput virum esse, ab Apostolo docemur: *Mulieres vris suis subditæ sint sicut Domino. quoniam vir caput est mulieris:* non figuratione tantum cum dormientis Adami tulit vnā de costis, & repleuit carnem pro ea; & edificauit Dominus Deus costam, quam tulerat de Adam, in mulierem. sed & in delictū. hinc post vetitæ arboris delibationem minæ & pœnæ: *Sub viri potestate eris, & ipse dominabitur tui:* ita tamen, vt ancilla non sit, sed vxor. quam obrem relinquet homo patrem suum & matrem, & adhaerebit ei. memineritque partem sui vxorem esse: adcoque duas in vnā coaluisse animas, indissociabili mutuo vinculo innexas. Quod si quando monenda aut erudienda vxor, non audiant monentem patrem liberi, non serui domini; ne contemnere incipiant illi matrem, serui dominæ, & imitari etiam discant. omnino enim

Itaia. 3.

Ephes. 5.

Genes. 1.

Gen. 3.

Gen. 2.

enim danda opera marito, vt quàm maxima veneratio fit liberorum in matrem, seruorum in dominam.

Inuigilandum etiam marito, vt quàm optimis vxor affueſcat. memor vèteris dicti, *Corrum-* Optimis
uxor affue-
punt bonos mores congressus mali: perpaucas nouerit, ac non niſi probatiſſimarum conſuetudine vtatur. domi proinde habeat quæ rotam occupent, ne ſocias quærat quibus tempus fallat. eo magis, quodd muliebria ferè colloquia, aut in liberiores ſexus illius & alterius narrationes capr, aut in alieno ludant nomine. Proſiliunt exindè non caſtæ narrationes, & docet mulier maritis ignorata. hinc ignes, & flammæ, & in viro aliqui maritus nouus. Vt auſim profiteri, plures matronas virgineſque mutuis inuerecundis narrationibus, quàm virorum conſuetudine periſſe. dum enim minore metu in eodem ſexu verſantur, incautiùs nocitura bibunt. quòque liberiùs, eo altiùs venena dimittunt. ſuſpecta virorù colloquia; mutua mulierum, ſuſpicionem carent: quo faciliùs incautas occupant. Nec pudet in hoc ſexu videre, & diſcere, quod in viro pudet audire. ita improuidæ cadunt. auertit periculum timor: ſecuritas parit. Paucarum ergo familiaritatem permittet: & eatum tantùm, quarù nota integritas, modeſtia, verecundia, prudentia, & in maritos cultus & obſeruatio. reliquarum arcebit. Naſcetur indignatio; malo hanc, quàm pœnitenda & dediſcenda audiri: & diſcere. & indignentur; dummodò pudica & obſequens domi ſit vxor, benè eſt. deſtituent ſolam reliquæ; nulla ſola eſt, quæ marito, liberis, domeſticis ſociatur. Non felix ſolitudo eſt, quæ

E ; caſtam

castam vni marito vxorem seruat; non amabunt;
nec perdent. non laudabunt; nec damnare meri-
tò poterunt. contemnent; dummodò dissimilem
sibi, bene est. contemni enim à non laudatis,
laudari est. Nemo facìle vitia sua in alio damnat:
& virtutis signum sit ab improbis damnari.

CAPVT V.

Qua in filiorum educatione ratio tenenda?

Eccli. 7.

Eccli. 30.

Non parcen-
dum erranti
filio.

Prou. 13.

Eccli. 30.

Filiarũ ma-
ximè cura
habenda.

Eccli. 7.

DOCEMVR à Sapiente : *Filij tibi sunt? erudi illos. & curua illos à pueritia sua. addit duriora: Qui diligit filium suum. assiduè illi flagella. Curua ceruicem eius in iuuentute, & tunde latera eius dum infans est. Caussam addit: Ne fortè induret, & non credat tibi, & erit tibi dolor anima.* Hinc illud Salòmonis: *Qui parcit virga, odit filium suum; qui autem diligit illum. instanter erudit. Similitudine rem aperit. Equus indomitus euadit durus: filius remissus euadit praeceps. Læta filium tuum, & pauentem te faciet; lude cum eo, & contristabit te. non corrideas illi, ne doleas, & in nouissimo obstupescant dentes tui. non des illi potestatem in iuuentute, & ne despicias cogitatus illius. Lulum vetat in filio, risum in filia: Filia tibi sunt? serua corpus illarum, & non ostendas hilarem faciem tuam ad illas. Nihil ignoscendum in illa ætate, cum à minimis iniitiis procursus sit ad montes. Ita Hieronymo monente, scintilla res parua est, & penè dum cernitur, non videtur; sed, si fomitem comprehenderit & nutrimenta sui, quantumuis paruum ignis, mania, vrbes, latissimos saltus*

Saltus regionēſque consumit. Vt non tantum verum sit: *Neglecta ſolent incendia ſumere vires*, ſed & neglectæ ſcintillæ. Hinc inter vrbes maximas, & nullas, vix nox vna, ex ſcintillæ contēptu vnus, intercurrit. animis etiam ſuæ vitiorum ſcintillæ ſunt: quas niſi in ortu pereimeris, flammæ exſurgent, nullo flumine, vbi adoluerint, extinguentur. Et quid ſcintilla tenerius? vno ſtatu diſpelles. quid validius flamma ſcintillâ nata? arſerunt hac integræ vrbes, tanta celeritate, vt inter maximas & cinerem vix hora media foret. Quid quod ingentia nemora, & latè terram occupantia, paucarum non ſemel horarum decinerauerit flamma; vt cinis iam eſſent ſaltus, & arboſ nulla, & retrò nemus. Eadem in animatum nemore reperies, denſo quamuis virtutum atboribus conſito. accedant è neglectu ſcintillæ, vitij alicuius magni ignis & flamma; corrui momento decor, nec viror ullus, & fruſtra vñuſtas, & è fræcundo ſterilis area. tanta noxiorū vis eſt. quo fortiùs venientibus occurrendum; nec deſperandum, etiam cùm adoleuerint. nil enim, quod non expugnet peruicax opera, & intenta ac diligens cura. Robora ſanè in rectum quamuis flexa reuocabis: curuatas trabes calor explicat, & aliter natæ in id ſinguntur, quod vſus noſter exigit. quanto faciliùs animus excipit formam, flexilis, & omni humore obſequentior? verum ſit illud Poëtæ:

Nemo adeò ferus eſt, vt non miteſcere poſſit,

Si modo cultura patientem accommodet aurem.

Scio obdureſcere non rarè mentem, & è carneâ rupeam & chalybeam exſurgere: ſed & hoc ſcio, molliſſimi elemēti deciduis guttis, & lentè labē-

E 4 tibus;

*Nihil quatuor
tūis parui
contemnenda
dum.*

*Aſſidua eū
catoris cura
praua corripi
git.*

tibus, saxa mollescere, & eneruari ferrum. tantum assiduitas potest, ut tenerrimi etiam roris illapsu fecundentur montes retrò steriles. Iam marmora quod ferrum secet? arena, & aquâ asperge, secabis; tam mollibus tam dura. Eadem in animo consequeris; saxescat licet & rupefcatur, frequentatis medicantibus, dulcibus licet, & mella sua loquentibus, mitescet. Eadem in serpente & leone reperies. mitescit toruitas, lentescit feritas, & Reginæ suæ genas cinaculat, & colli nuda inambulatur. ut verum sit illud Apo-

Iacob. 3.

*Nunquam
spes ponenda
emendatio-
nis.*

stoli: *Omnis natura bestiarum, & volucrum, & serpentium domantur, & domia sunt a natura humana.* Quo magis sperandum de homine? Neque spes vnquam ponenda. imbellis animi est, profutura proiicere, aut difficultatibus terreri; stolidi, desperare, si primis conatibus non respondeat euentus. Magnos sanè viros re perditam, ac prodacta infantia & adolescentia enatos accepimus. M. Torquatum ingenij tarditas in agrum, tanquam in exilium, ablegauerat. desperauerat de moribus pater: hic tamen delassatam ac fatiscentē Latino tumultu patriam speciosissimo triumpho restituit ac recreauit. L. Valerium Flaccum, quem Roma iuuentuti suæ, omnium propè libidinū, omnis postea modestiæ ac sanctimonix, ducem vidit. Iam quid Q. Fabij Maximi Allobrogici adolescentiâ infamius? quid verò illo sehe ornatius & speciosius Roma tulit? Q. autem Catuli iuuentutem deliciis perditam, quis crederet in patriæ Principem exsurrecturam? Duos in vno Sylla homines, fuisse arbitreris, turpem adolescentem, & virum fortem; duos etiam in Iulio Cæsare, in Ottone, in Vespasiano Impera

peratoribus. Themistoclis verò adolescentiâ quid fœdus? is exindè Græcorum clarissimus exitit, mediûmque Asiæ & Europæ, vel spei, vel desperationis, pignus fuit: hæc enim salutis illû suæ patronum habuit, illa victoriæ vadè assumpsit. Plurima generis huius exempla omnis retrò ætas tulit, vt non sit desperandum instructori. Quot ab improba iuuentute legimus magnos? Paullum quis nescit Matthæum, Zachæum Publicanû, Magdalenâ, & magnâ cæli partè? quot enim in eo Sauli, Pauli, quot aliquando Publicani & Magdalenæ? Etiam latroni referari in cruce paradisum videbimus, & ab vngulis, prunis ardentibus, liquata pice, ferro fornacibus iudices, carnifices, tyrannos ad martyrij coronam vocari. Exempla hæc sunt non desperandæ salutis, nescit erudire desperatio, non magis quàm fouere, & animos addere: spes vna difficultum

victrix est. hac triumphi steterunt, & imperia, & quidquid bello magnum. animos ergo instructor induit, ac primorum Imperatorum exemplo, ab ipsa difficultate alacritatem sumat, à vulneribus & sanguine. Quid? quòd ab ipsa desperatione, tanquam à felici vtero & matrice, non rarò spes enata dominum beauit? è desperatione nimirum salus. Imitabitur iuuentutis instructor, & medicorum more generosiorum, nunquam spem omnem proiciet, cùm sciat etiam à polinctorum manibus, & à fatali indice speculo, ad se suosque rediisse non paucos. prouocabit se ergo in spem magnam, & nusquam nunquam manum deponet, certus neminè adedè efferum & barbarum, qui non medicam aliquândo admittat manum, vt benè Cicero: *Sunt in*

*Spes vitiorm
victrix.*

Tusc. 3.

geniis nostris semina innata virtutum, quæ si adolescere liceret, ipsa nos ad beatam vitam natura perduceret: nunc autem simulatque editi in lucē, & suscepti sumus, in omni continuo prauitate, & in summa opinionum peruersitate versamur, ut penè cum lacte nutricis errorem suxisse videamur. Planè ita est. nō emoriuntur tamen illa probitatis semina, non magis quàm densato gelu & frigore concreuit terræ semina: vbi enim se ver apernerit, explicuerit æstas, informe ac propè exanime semen, in quem non ornatum tanquam animam, rediuium resurgit? credas tot emortuum mensibus iacuisse, ut fœcundiùs resurgeret, fœnerario interitu. Idem animis euenire videmus. densatur prauitas, ac tanquam in rupem improbitas coalescit; ferrum arbitreris & chalybem. nec probitatis tamen semen omne sub hac improba mole suffocatur. nam si ver meliôrque æstas doctæ manus accesserit, exsurgit oppressum semen; nec infrequenter altiùs, quàm si in virginē innocentia stetisset. Nimirum, *vbi abundauit delictum, superabundauit gratia.* & qui priùs blasphemus, & persecutor, & contumeliosus, vas electionis fiat, ut portet nomen Domini coram gentibus, & Regibus, & filiis Israël.

Rom 5.
1. Tim. 1.
Act. 9.

Plurimū natura ad virtutem valet.
Sap. 8.

Fateor naturam plurimum posse, & inter prima felicitatis illud Sapientis: *Sortitus sum animā bonā: & cum essem magis bonus, veni ad corpus incoinquinatum.* Quis enim non dicat illum feliciorem, qui nihil negotij secum habeat? Illum tamen meliùs de se meruisse dicam, qui malignitatem naturæ suæ vicit, & ad virtutem se non produxit, sed generoso conatu per obstantia extulit. Aristoteles sanè magnus morum magister dicere

dicere solitus, malle se adolescentiam tristem, quàm hilarem, & amabilem turbæ: vinum enim fieri bonum, quod recens durum & asperum; non pati ætatem, quod in torculari placet.

Scio quæri solere, & à primis viris dubitari, utrùm ad rectè viuendum efficacius sit, benè institui, an benè nasci? valida in vtramque partem argumenta sunt. nec satis me euoluo. video ta-

*Plus educa-
tio ad virtu-
tem, quàm
natura po-
test.*

men, plures naturæ malignitatem prouida ac prudenti institutione vicisse, quàm naturæ probitatem in maligna institutione retinuisse. video plures ab ingenita probitate, improborum consuetudine degenerasse, quàm adnatam malignitatem inter proborum contubernia seruasse. Et vt fatear magnam felicitatem esse naturæ bonæ, institutionem tamen, si valido annorum exercitio frequentata & roborata fuerit, firmiorem esse iudico; faciliusque nos à fortunata illa naturæ bonitate, quàm à confirmatæ bonæ institutionis semita deflectere: vt institutio vbi coaluit, ac callum quemdam probitati induxit, potentior naturæ bonitate videatur. Ambrosij verba sunt: *Tantum valet institutio, vt vincat naturam.* non vinceret, nisi valentior esset. & Ciceronis: *In arte & doctrina plus est praesidij, quàm in natura.* Censent alij ingenitam prauitatem exui non posse. errant; audiant Plutarchum: *Si existimas minus feliciter natos; institutionem tamen & exercitationem sortitos, ad virtutem rectam non posse vitium natura corrigere, scito magnoperè te, vel*

*Nulla tanta
ingenij prauitas, qua
vinci nō pos-
sit.*

potius omnino falli. Siquidem natura dotem labefactat socordia, prauitatem doctrina emendat. Vt nulla malignitas tanta sit, quam non assidua virtutis exercitatio corrigat. aut minus labor

in inge

in ingeniis, quàm in reliquis poterit incoluntur vastæ solitudines, & vbi ferarum stabula, Regum domicilia sunt; feruntur arenæ, & steriles retrò terræ centupla scæneratione beantur. Quid? quod & saxa cliquentur, & in rupibus flores legantur, & nemora inerrent, & dadalæ ludat manus, & piscium innatent agmina. tantum ars potest. & minora illi largiemur in animorum cultura? Hortescunt & siluescunt piscosæ rupes, & tota illis odorata inædificatur nemora; & torrentes, cælo aut alibi natos, rupium mentiuntur vertices. & quis neget in pari mentium conatu, successum parem? aut molliora saxa animis sunt? & dum mitescunt rupes, flecti nescia humana stabunt pectora? quis credat? Iam, quæ non robora cedunt ignibus? fluit diuite vena ferrum, tanquam fontis sui riuus. & ignauior ignibus assidua optimarum rerum institutio erit? Lentescit chalybs malleis. & non sequentur animi doctam instructoris sui manum, omni malleo validiorem, omni incude firmiorem? Quid? quod lenta mollissimi elementi stillicidia ingentia contrebrent marmora. quo magis vigilans erudientis cura animorum flectet robora, & ad virtutem trahet? Bene Seneca: *Certi sunt domitores ferarum. qui sanissima animalia, & ad occursum ex terrentia hominem, docent pari iugum: nec asperitatem excussisse contenti, usque in contubernium mitigant. Leonibus magister manum insertat, osculatur tigrim suis custos, elephantem minimus Æthiops iubet subsidere in genua, & ambulare per funem. sic sapiens est artifex domandi mala. quo magis in homine, magis etiam in puero?*

Intima ad-

Qua in re omni serio instructori curandum,

VI

ut intima concediti sibi adolescentis perferu-
retur, quòd nihil illum fugiat, nescit mederi mor-
borum ignarus. obseruet verba: *cum ea, que in voce
versantur, signa sint affectuum qui in animo sunt*, si

Aristoteli credimus. Hinc illud sapientis ma-
gnique Regis: *Sapiens in verbis producit seipsum.* & Eccli. 10.

Quintiliani: *Profert mores plerumque oratio, &
animi secreta detegit*: nec res alia magis prænuntia
inhalentium affectuum est. Alia enim ferè oratio
candidi pectoris, alia simulati & fraudulentum est.
effusior illa; retractior hæc est. illa fiducia sui,
tanquam nihil timentis, latè se spargit, & quasi
per plana decurrit offensione nulla; hæc sistit
sæpè cursum, & dū prodi metuit, variè interse-
ditur; cumque insidias, quas struit, metuit, omnia
tuta timet, nusquam proinde certò pedem figit,
sed tanquam per subiectas prunas spinasque gra-
ditur, nulli fidens, quia nulli fidei.

Alia etiam tristioris ingenij est, lætioris alia.
tardior illa, ac quasi torcularibus expressa; volu-
bilior hæc est, illa infausa. ferè ac infortunata
denunciat; hæc secunda & prospera. lenè illa
procedit, aut tanquam è profundo educta; hæc è
superficie nata videtur. verborum illa parcissima
est, hæc liberalior. plus deinde illa premit, quàm
eloquatur; hæc totum animum prospiciendum
desert. illa magna silentia narrationibus miscet;
hæc vna serie iudicanda denunciat. plena illa
suspicionibus & diffidentia est, & auditoris sui
vultum, totamque corporis compositionem cu-
riosius perscrutatur; hæc fiducia plena tanquam
per plana labitur, nusquàm sistit, nusquàm cespitat.

Alia deinde hominis iracundi, alia sedati ora-
tio est, illa torrentibus per cōfragosa labentibus
si

*oleſcētis edu-
catori nota
esse debent.*

*Discrimen
orationis vi-
ri candidi &
fraudulenti.*

*Discrimen
tristioris, &
læti.*

*Discrimen
iracundi, &
sedati.*

similior est, impetu rapitur, & dum præpropere fertur cursu, tanquam si fluctibus fluctus incumbant, præcipiti lapsu conuoluitur, ac præsentium aures fugit, dum posteriora priora propè verba interimunt; hæc moderata lentitudine progreditur, & fluminibus per plana labentibus similior est; conferrique potest homini præcipitia conscendenti, illa è præcipitio labenti.

*Discrimen
morosi, &
facilis.*

Alia etiam hominis morosi, & facilis. illa aspera ferè & horrida est, ac tanquam per saxa gradientis aut aceto potati; hæc comis, & benigna. multum illa fellis & absynthij; multum hæc mellis & sacchari habet. oculis illa & fronte horrorem verbis addit; hæc comitatem, mansuetudinem.

*Discrimen
levis, & se-
rij.*

Alia levis, & serij. illa in perpetua musica est, saltat, non ambulat, nunquam sui similis, dissimilis semper, picarum & volucrum inambulationem imitatur, seu arborum ramos, seu arundinum vertices, seu maturas falcibus aristas transiliant; hæc modesta quadam grauitate, nec procurrat, nec lentescit nimium, semper sibi similis, nunquam dissimilis, æquis nimirum passibus viam inambulat.

*Discrimen
ambitiosi, &
modesti.*

Alia ambitiosi, & modesti. viuida illa, audax, & inuerecunda est. & metitur sua verba ambitiosus, factus auditor sui. ad numerum nimirum oratio illi tota componitur, seque circumspicit & auditorem, si fors admirandum sentiat, & laudem aliquam referat; verecunda hæc & timida est, & tanquam rubore perfusa. elata illa, & ne quid effugiat tarda; nimium nimirum effluant gemmea verba annulis digna. imitari credas eos, qui non siti propulsandæ, sed solius dele

delectationis pruritu, vina bibunt; plus nimirum oblectationis, quo tardiùs bibitur: moderata hæc est, submissa, & instar camomillæ, aut violæ terram legentis. contemptum ferè illa aliorum spirat, laudésque suas; hæc omnium laudes, contemptum sui.

Est alia ferocis animi, mitis alia. illa barbarum aliquid sonat. intueri vultum: eadem in oculis & fronte leges, quæ in verbis. aspectus toruus, deiectæ genæ, os præfractum ac tumidû, frons depressior, totus denique vultus minitabundus; hæc lenis ac mollis, & tanquam pulvinaribus instrata. decumanos illa imitatur fluctus à rupibus reperlucos, & tempestates Aquilonibus excitatas, fluminâque è faxeis montibus præcipiti cursu saltûque delabentia; hæc maria in summa malacia supina, præatque latè ridentia, placidôque æquore spectatorem hilarantia.

*Discrimen
ferocis, &
mitis.*

Inconstantis quædam, quædam verò constantis animi est. illa nusquam certò figit pedem, semper varia, dubia, hæsitabunda, ignara quò se vertat; vult, non vult; probat, mox eadem improbat; aggreditur multa, sed in medio ferè cursu refert pedem, & destituit inchoata, immemor ubique sui; hæc meditabunda est, & matura, & fortior insistit inceptis. illa, tanquam à torcularibus, calet musto plena; hæc temperata ubique est, nec frigoris, nec caloris habet nimium; improvidorum nescia saltuum, quibus ferè ruina adiacet; ambulat proinde, non currit, quò certiùs feratur, periculorum secura. illam plerumque pœnitentia non sequitur, sed comitatur; hanc rarò pœnitudo sequitur, nulla comitatur.

*Discrimen
inconstantis,
& constantis.*

*Discrimen
vani, & cō-
positi.*

Est præterea quædam vanæ mentis, quædam compositæ. illa vtrium instar inflatur, solis promissionibus diues, rerū egena, vmbraque veriùs quàm corpus; dicta illi factaque, nec dicta, nec facta vnquam; omnia sibi arrogat, omniū indiga; verborum audacissima, cætera pauida & imbellis; meretriciæ cuiusdam frontis, nescit erubescere, ne inter mendacij quidem montes, & falsitatum maria; proiicere & euomere, non eloqui mendacia didicit, tanto sibi elegantior, quanto illis cumulator. hæc pudore plena, & castarum similis, quæ alienos oculos fugiunt, ne aut capiantur, aut capiant; sponsonibus pauper, rebus diues; nihil in hac tumidum & inane, plena sunt omnia; nihil insolens, & nouitate sua discrimina generans; ferre hæc didicit, non inferre iniuriam; vbique lenis & suavis, nusquam aspera & varicosa.

Tusc. 5.

Videbit proinde qualis oratio concreditæ sibi iuuentutis sit. nam, si Cicéronem audimus: *Qualis cuique animi affectus est, talis est homo, qualis autem homo est, talis eius oratio: orationi autem facta similia sunt, & factis vita.* Facta deinde discutiet, *Ex studiis enim suis intelligitur puer, si munda & recta sint opera eius.*

Prou. 20.

Videat, laxatis quasi habenis, cum sibi aliquando relinquitur, in quæ effundatur. mentiri hæc ætas non potest, non consuevit; impetum ferè propulsantis naturæ sequitur, nec tam delectu quàm impulsu agitur. Videat, an arma iâ puer amet, an equis delectetur & canibus, an effusior in cibum & potum, in lectionē, historiarū cognitionem, in fabulas, in lulum, in iracundiam, in lacrymas; ludicris capiatur, an seriis; iniurias ferat, an inferat; imperare velit, aut impe

*Puerorum
propensiones
serio obser-
uanda,*

imperium ferre ; mendacium oderit , an amet ; præferri sibi alios patiat , an secus ; honestate & gloriâ capiat , an vtilibus , & corporis commodis ; audeat , & impavidus maiora viribus aggrediatur , aut ignauo delectetur otio ; vindictæ auidus , an ignoscere facilis , iniuriarum & offensionum retinens , an remittens ; obseruans maiorum , an negligens ; ferox , an benignus ; asper , an comis ; morosus , an lætus ; durus , an flexi facilis ; crudelis , an mansuetus . quod è blanda aut feroci bestiarum tractatione , ac muscarum etiam carnificina intelliget . obseruatum hoc olim in Imperatore postea crudeli . Verecundus , an effrons . Semina hæc ferè sunt excrescentium cum ætate herbarum arborumque . Ita de verecundia Seneca censet : *Bonum in adolescente signum est , cum illi ex alto rubor suffunditur .* Et de Spartanis Xenophon : *Pudorem quasi naturalem Spartani pueri concilient , in viis manum intra pallium habeant , silentiòque intendant , nusquam circumspiciant , sed humi oculos defixos teneant .* Hæc in altissima gentilitate monita . Quæ præcepta Christianus dabit ? Et Plato : *Duo sunt , quæ per omnem vitam ducere debent adolescentem , in rebus turpibus verecundia , in honestis studium .* Bernardus verò : *Quid amabilius verecundo adolescente ? quàm pulchra , & quàm splendida gemma est morum verecundia in vita & vultu adolescentis ! quàm vera , & minimè dubia bona spei nuntia !* & Tertullianus , *mentis statum in fronte consistere* , non veritus fuit asserere . & alius : *Cognatus virtuti pudor .*

Verecundia in adolescentem laudata .

Nec defunt , qui hominem à vultu metiantur , *Index animi ac totius corporis habitudine .* nō quòd hæc signa

F non

Eccleſ. 8.

non fallant, ſed quod nec inania, nec vacua momenta ſint. Certè vt oratio, ita & vultus inſentientium teſtis & index eſt. vt non immeritò Eumenius in Conſtantino: *Non fruſtra doctiſſimi viri dicunt, naturam ipſam magnis mentibus domicilia corporum digna metari, & ex vultu hominis, ac decore membrorum colligi poſſe, quantus illos celeſtis ſpiritus intravit habitator.* Et ex arteriarum citato, lento, interciſo, aſpero, molli, fugiente pulſu, in quas non fortunatas coniecturas proſiliunt medici? Quid? quod è ſola extima manuù cute, tenſa, aſpera; ſucculenta, exſuccida; duriore, molliore; non vana valetudinis, vitæ ac mortis ſigna deſumantur; quo magis à vultu, potentiffimo interiorum indice? Vnde illud: *Sapientia hominis lucet in vultu eius.* In beſtiis ſarè certiſſima è vultu cōiectura eſt. non vana etiā in homine. Hic canino vultu eſt, & domino ſuo fidus. ille vulpino, & aſtu valet dolòque; ne fide. iſte lupino; nō induet manſuetudinem, crudelem expecta, & ſanguinis avidum. alius aſinino; & pingui gaudet otio, & ſtolida ferè mente eſt. leonino alius, & explicato pectore, & generoſa mēte eſt: nulla hūc humilia & ſordida, delectant ardua & magna. præfert alter mulum, & recto vultu, immota ceruice, in vtrumque latus oculos circumfert; aſtum, malignitatem, & calcēs verere, vbi tutiſſimum te arbitratus fueris. taurum alter; & dura ceruice eſt, & ſecti neſcia. ceruum alter; fallit decor, nihil in hoc excelsi animi, timoribus natat, & fugæ aptior quàm bello. leporem nonnulli; ſolis hi pedibus ſe tuentur, ſemper pauidi. aprum non nemo; ferociam & ſordes reperies. quid? quòd & vrfum; deturpant hunc pili, & libido. etiam
quein;

ouem; simplicitas hunc vestit, & stupor. equum referunt non pauci; quorum generositatem, ambitionem, ignauiam, è varia vultus formatione discas. alij simiam; dolos in his reperies, & adulationes. quidam auium quarundam lineamenta ostendunt: etiam mores metu, suspicionibus, inconstantia plenos. sed & aliquid è serpente in nonnullis inuenies, venena etiam & insidias, infidam ac intutam mentem, nullis beneficiis vincendam. nec pauca in quibusdam è felibus; vngues caue, nec fortunas crede: sunt qui vultu mulierem mentiuntur; nihil in his virum sapit, ingenium vultui respondet, narrandis quam gerendis rebus aptiores.

Iam quanta discrimina frontis! intuere in his paruum, depressam, angustam, rotundam, & quasi circularem, asperam, caperatam, tetricam, obductam, mæstam, nebulosam; in aliis amplam, latam, quadratam, longam, lenem, splendidam ac quasi ridentem. *Frons index animæ est.*

Quanta vocis! in his blanda, placida, mollis, acuta, tarda, flebilis, tremula, obscura, perplexa; remissa, difficilis; in aliis clara, aspera, vehemens, contenta, clara, constans, grauis, brevis, velox. *A voce indicium intimo-rû sumitur.*

Quanta coloris! In his color niger, fuscus, liuidus, pallidus, squallidus; in aliis candidus, flauescens, flammeus, rubicundus. *A colore.*

Quanta oculorum! In his ampli, protuberantes, tumidi, blandientes, lucidi, albicantes, læti, ac quasi gaudio loti, dolisque circumsepti: in aliis parui, concaui, subnigri, maculosi, cæsi, sanguinei, truces, ignei, flauescences, tenebricosi. *Ab oculis.*

A naso.

Quanta nasi ! huic modicè insurgit, immensum illi ; deprimitur ac quasi medio subsidit alteri ; illi breuior, longior alteri ; deductior vni, ac latè spargitur, pressior alteri ; acuitur vni, obtunditur alteri. & , quod mireris, in tot millibus vix vnus nasus. tot discrimina in tam exili corpore.

A capillis.

Quanta capillorum ! In his albi, pallentes, subliuidi, rufi, flauescetes, molles, rari, latè fluentes, proiecti : in aliis nigri, subnigri, castanei coloris, asperi, duri, accisi, à radice aut vltima sui parte crispantes, fronti imminentes, reiecti in verticem.

*Ab ungui-
bus.*

Quid ? quòd etiam in vnguibus, non digitis tantum & manibus, sua discrimina sint. In his reperies rotundos, breues, pallentes, albicantes, molles, tenues ; in illis latos, oblongos, asperos, planos, pellucidos, subrubentes. In reliquis membris non inferiora reperies. Quæ discrimina ex internâ humanæ conditionis varietate nasci necessum est : cùm ab interna alia atque alia conditione, alia atque alia exterior proueniat constitutio. à varia nimirum internorum temperie exterior nascitur, tanquam à dissimili materno utero dissimili soboles.

*Exteriora
corporis non
sunt indu-
bitata bona
malæque mē-
tis signa.
Eccli. 11.*

Non quòd indubitata hæc signa sint mentis bonæ, malæque. scio enim à Sapiente dictum : *Non laudes virum in specie, neque spernas hominem in visu suo.* sed quòd pronitatem quandam naturæ corporisque designēt. Assimilantur enim exteriora internis, vt hederam illa credas postibus defixam, vino vendendo cellisque recondito. Ita ferè in vultu mētem corpore reconditam clausamque, tanquam in speculo legas, vt totum hominem,

hominem, animamque totam in vultu posuisse natura videatur. Intuere. videbis ferè animi motus, vultus, maximèque oculorum, deiectione, erectione, hilaritudine, mœrore, toruitate, lenitudine, tumoribus, inflammationibus exprimi; vt propè cogitata videas, sanè non obscuris indiciis colligas. Res factas pictura loquitur, animorum res vultus, in quo tanquam tabula inlatentia pinxisse natura videtur. ita proditor cogitationum propensionumque vultus est. Scio non ab vno dictum: *Fronti nulla fides*; &, *Spem vultu simulat, premit altum corde dolorem.* vt mentiri frons videatur, & insidias inspectori struere. In adultioribus non negem: quanquam nec semper mentiri vultus possit, nec soleat. in pueris nec potest quidem; necdum enim ea ætas edocta dolos struere, necdum fraudes fronte & oculis spargere. Ignorat illud, *Mentem iniuram gero*, si frons & os mentitur. nec magis vultu fallere, quàm fidas vibrare, vel venena propinare didicit. Maturioris ætatis hæc sunt.

Vincit tamen naturæ corporisque propensionem educatio, & virtus. non quòd naturam in aliam vertat, tanquam ceruum in leonem: sed quòd frequenti contrariorum exercitatione, quasi in aliam naturam, felici morum metamorphosi natura transeat, & gaudeat etiam affuetis, plùsque ad hæc consuetudine frequentata, quàm ad matrum vtero vberibusque propinata & hausta feratur. ita educatio, altera & potentior natura est. cui si è cælo accedant auxiliares virtutum copiae, calcarâ naturâ, victrix triumphum agit educatio. & mentiri docet vultum, à quo quidquid ferinum & belluinum est, deuerrit tanquàm men-

*Educatione-
tura promi-
tatem vin-
cit.*

farum analec̃ta scopis: vt quem vultus crudelent,
 ignauum, præferoem, durum, asperum, infidum,
 fallacem; hunc educatio, virtute sociâ, mitem, vi-
 gilantem, benignum, facilem, lenem, fidum, frau-
 dum inimicum, & rectâ gradientem tradat. Et in
 hoc ars omnis educatoris est, vt, vbi suorum in
 vtramque partem propensionem cognouit, ob-
 futura amoueatur, profutura admoueatur; auertat
 mala, accersat bona. Benè Cicero: *Quæ bona sunt,*
meliora fieri possunt arte, & quæ non optima, acui
tamen & corrigi possunt. Imitetur monentem in-
 structor, malâque quâ monendo, quâ terrendo,
 quâ minitendo & puniendo euincat, horrorem
 metûmque incutiat, narret damna discriminâ-
 que, reique fœditatem ob oculos ponat, omnia
 in maius extollendo. Socioz deinde deligat &
 admoueatur, à vitiis, quibus suum premi videt,
 alienissimos; vt contrariis assuescat. ferociorem
 nactus est? adhibeat blandos & mites; superbo,
 humiles; præfracto, faciles; iracuundo, mansuetos;
 agresti, comes; tenaci, liberales; prodigo, parcos;
 effuso, in verbis concisos; tristi, lætos; leui, ma-
 turos; vano, serios; ignauo, excitatos; somnolen-
 to, vigiles; abiecto, generosos; timido, audaces;
 temerario, prouidos; moroso benignos.

1. de Orato-
 1c.

Socij quales
 puero dandi.

Hier. ad Lc-
 tam.
 Instit. lib. 1.
 ap. 2.

Habeat deinde puer in omni omnino re pro-
 posita socios in discendo, quibus inuideat, quorum
 laudibus mordeatur. Et è Quintiliani monitu: *Au-*
diat multa quotidie probari, multa corrigi. proderit
alicuius obiurgata desidia, proderit laudata indi-
stria. excitabitur laude emulatio. turpe ducet cedere
patri; pulcrum superasse maiores. Accendunt omnia
hæc animos, & licet ipsa vitium sit ambitio, frequen-
ter tamen caussa virtutum est. Gloriam ignominie
 sociaria

sociam adiungat. si illâ moueatur, hanc omittat. non accenditur illâ? addat secundam. neutram mouetur? minas addat; inde pœnam, & in pari delicto acriter seruum puniat, ut terrorem pœnarum magnitudo incutiat. primum tamen in omnibus locum honor teneat, accedant pro ætate præmia, & ante omnia, quibus ætas illa maximè capitur; nec ad alia decurrat, nisi honore excusso.

Adiungo his quædam Senecæ documenta Philosopho dignissima. *Plurimum proderit pueros statim salubriter institui: difficile autem regimen est, quia dare debemus operam, ne aut iram in illis nutriamus, aut indolem retundamus. Diligenti observatione res indiget. utrumque enim, & quod extollendū, & quod deprimendum est, similibus alitur. facile autem etiam attendentem similia decipiunt. crescit licentiâ spiritus, seruitute comminuitur, assurgit si laudatur, & in spem sui bonam adducitur. sed eadem ista insolentiam & iracundiâ generant. Sic itaque inter utrumque regendus est, ut modo franis utatur, modo stimulis: nihil humile, nihil seruire patiatur. nunquam illi necesse sit rogare suppliciter: nec prosiit rogasse; potius causse sue, & prioribus factis, & bonis in futurum promissis donetur. In certaminibus equalium, nec vinci illum patiamur, nec irasci. Demus operam, ut familiaris sit his, cum quibus contendere solet; ut in certamine assuescat non nocere velle, sed vincere. quoties superauerit, & dignum aliquid laude fecerit, attolli, non gestire patiamur. gaudium enim exultatio, exultationem tumor, & nimia aestimatio sui sequitur. Dabimus aliquod laxamentum: in desidiâ verò otium, que non dissoluemur, & procul à contactu deliciarum retinebimus. nihil enim magis facit iracundos, quam*

Seneca de
educatione
opinio.
Lib. 2. de
Ira.

educatio mollis & blanda. idè unicis quo plus indulgetur. pupillisque quo plus licet. corruptior animus est. non resistet offensis, cui nihil unquam negatum est, cui lacrymas sollicita semper mater absterfit, cui de pedagogo satisfactum est. Longè itaque ab assentatione pueritia remouenda est. audiat verū, & timeat: interim vereatur. semper maioribus assurgat. nihil per iracundiam exoret. quod senti negatum fuerat. quieto offeratur. & diuitias parentum in conspectu habeat, non in usu. exprobrentur illi perperâ facta. Pertinebit ad rem præceptores pedagogosque pueris placidos dari. proximis applicatur omne quod tenerum est. & in eorum similitudinem crescit. Nutricum & pedagogorum retulere mox in adolescentiam mores. Apud Platonem educatus puer, cum ad parètes relatus, vociferantem videret patrē, Nūquam, inquit, hoc modo Platonem vidi. non dubito, quin cuius parentē imitatus sit, quàm Platonem. Tenuis ante omnia sit victus, & non pretiosa vestis, & similis cultus cū equalibus. non irascetur aliquem sibi comparari, quem ab initio multis parem feceris. Quod Philosophus de ira, de omni dici vitio potest. Addit: Vinum pueris Plato negandū putat, & igne vetat ignem incūari. nec cibis quidem implendi sunt: distendentur enim corpora, & animi cum corpore tumescent. Labor illos cura lassitudinem exerceat: ut minuatur, non ut consumatur calor, nimiusque ille feruor despumet. Lusus quoque proderunt: modica enim voluptas laxat animos, & temperat.

Addo Ciceronis præcepta: Est igitur adolescentis maiores natu vereri, ex hisce diligere optimos & probatissimos, quorū cōsilio atque auctoritate niatur: ineuntis enim ætatis inscitia. senum constituenda atque regenda prudentiā est. maximè autem hac ætas
à libi

à libidinibus arcenda est, exercendâque in labore patientiâque & animi & corporis, ut eorum & in bellicis, & in ciuilibus officiis vigeat industria: atque etiam cum relaxare animos, & dare se incunditati volent, caueant intemperantiam, & meminerint verecundie. quod erit facilius, si eiusmodi quoque rebus maiores natu interesse velint. Adiungatur usus frequens, qui omnium magistrorum præcepta superat. abit enim in naturam frequentata consuetudo, & delectat quod asperum antè videbatur. Cic. 1. de Orat.

Hinc illud Philonis: Inueterata consuetudo plerumque tantum potest, quantum natura, ita ut grauissima quæque reddat toleratu facilia. Ut bene & verè Plutarchus: Vitam optimam elige, hanc tibi non insuauem consuetudo faciet; quin & dulcem.

Ipse verò ante omnia instructor præeat virtutum exemplis. monet Seneca, & prudenter in hac re, & verè: Longum iter est per præcepta, breue & efficax per exempla. Zenonem Cleanthes non expressisset, si eum tantummodo audiuisset: vitæ eius interfuit, secreta perspexit, obseruauit illum an ex formula sua viueret. Plato & Aristoteles plus ex moribus, quàm ex verbis Socratis traxerunt. Metrodorum, & Hermachium, & Polyanum, magnos viros, non schola Epicuri, sed contubernium fecit. Et nescio, an non hinc illud: Cæpit I. s. v. s. facere, & docere. facta nimirum dictis potentiora sunt, & facilius eunt in exemplum, in imitationem; influunt potentiùs, hauriuntur altiùs, inhærent tenaciùs, & calcar quoddam addunt etiam reluctanti. verecundiam sanè incutiunt & ruborem, & vel hoc solo frequenter nomine trahunt in sequelam. Pudet nimirum non subsequi præeuntem, tantumque exempla valent, ut corporis

Cic. 1. de Orat.

Instructoris mores plurimum possunt.

Act. 1.

etiam & linguæ vitia in magistro imitetur discipuli. cum enim per ætatem rerum discrimina ignorent, probumque ab improbo discernere non valeant, quidquid in magistro vident, imitandum sibi proponunt. ut verum illud sit:

Velocius, & citius nos

*Corrumpunt vitiorum exempla domestica, magnis
Cum subeunt animos auctoribus.*

Viuimus nimirum ad exemplum, ut merito Stoicus: *Nullos penitus mereri de omnibus mortalibus iudico, quam qui aliter viuunt quam viuendum esse præcipiunt: nec magis talis potest prodesse præceptor, quam gubernator in tempestate naufragus.* Potissima ergo cura in instructoris delectu ponenda. factum hoc olim in viris magnis felici euentu. Alcinoum Ulyssis, Chironem Achillis, Nestorem Agamemnonis, Telemachum Menelai, Polydamantem Hectoris, Simonidem Hieronis, Alexandri Aristotelem, Alcibiadis Socratem, Cyri Xenophontem, magistros fuisse accepimus; magnos omnes, magnorum. In instructore proinde serio adlaborandum, ut à quo ferè vitæ reliqua pèdant. Nam ut parentibus magna in hoc genere largiamur, plus tamè ab instructoris vigili cura, quam à materno utero vberèque puer hauriet; certiora etiam, & quæ ætatè ferant, aliùsque imbibantur, & in pectus demittantur. Huius verò summum studiū in concreditorū sibi cognitione versari debet. Nusquam verò se in latentia bonorū maiorumque semina magis produūt, quam in æqualium lusu, & liberiore contubernio, cum sibi naturæque suæ puer relinquitur. tunc enim se excunt vitia, & subcineratam metu extollunt ceruicem, & prono cursu, excussis habenis, in
amica

*In instructo-
ris delectu
magna cura
adhibenda.*

amica naturæ suæ feruntur. Nec premere hæc puer potest, qui simulare non didicit, sed pecorum more, in optata proruit. Verè Lyricus:

Reddere qui voces iam scit puer, & pede certo

Signat humum, gessit paribus colludere, & iram

Colligit & ponit temerè, & mutatur in horas.

Monet verò de lusu Plato, ut statim à teneris annis pueri honestis iocis assuescant, ne, si ludis minùs decentibus assuescant, nunquam in viros probos euadant. In omni verò genere periculum instructor capiat. inde ad remedia manum admoueat, ubi mala morbosque didicerit: aut validiora ad virtutem calcaria addat, si quæ huius femina senserit.

Cauebit verò ab improborum consuetudine. *Arcenda im-*
 Vnum enim vitij grauioris exemplum, in om- *proborū con-*
 nem ætatem nocitura infundit: nec memoria *suetudo à*
 illius nisi cum morte ponitur. ut semel vidisse, *puero.*
 audisse, æternum sit. quemadmodum semel hau-
 sisse venena, semper est, Quid? quodd vna non ra-
 rò indecora lectio etiam canos comitetur, vnus-
 que inuerecundior prospectus Dauides in Ber-
 sabea dare consueuerit. ac licèt in ea ætate igno-
 rata plurimum scelera, ubi ad alteram accellerit
 sceleribus maturam, obuersatur innoxia olim,
 nunc nocitura species animo, & quæ aliquan-
 do ignara, conscia fit criminum, solâ præterito-
 rum memoriâ recrudescente. Admittet ergo me-
 liores, aut non inferiores probitate, aut sanè qui
 admittent emendationem, ex Stoici sententia:
Cum his versare, qui te meliorem facturi sunt, illos-
que admitte. quos tu potes facere meliores. mutuo isti a
fiunt: homines dum docent discunt. Prudèter, sequa-
 tur tantum monentem Philosophum magister:
 optimis

*Seniorum &
iuniorū ora-
tio quā dif-
ferat.*

optimis adiungat, aut quos natura ad probitatem finxit, siue infundendam, siue hauriendam. Nec illa tamen illi ætati imperet, quæ maturiores annos desiderant. grauis hic error sit; nec minor, quàm si quis eandem dictionem prima & vltima ætate deponat: *Vt enim inueniunt in- explicata quedam, ac quasi turbata non dedecent, ita senes placida ac pacata decent: compta illos, & ornata, & meditata, & impetu quodam protrusa; senes simplex, brevis, clara, inornata dictio decet, quæque plus sententiarum quàm verborum habeat, pressior, circumscriptior, adductior oratio. illam tori, ac quasi iuba decent, & verrens lacinia, ac stola; hanc ossa, muscoli, nervi.* Idem in reliquis iudicium. oblectamenta, lusus, exercitationes, studia, munia ætas discriminat; etiam vestes, & cibum.

*Pro conditio-
num varie-
tate institu-
tio esse debet.*

Alia deinde pro natalium conditione studia sunt, exercitatio alia: neque omnium venatio, saltus, equitationes, arma, colluctationes, natationes sunt. Alia etiam studia illorum sunt qui parantur armis, qui regno, qui Principum aulis, qui togæ, qui Reipublicæ administrandæ, qui agris colendis, qui mercaturæ, qui liberalibus artibus, qui mechanicis. omnibus tamen suæ virtutes sunt, vitiaque; illæ in sequelam, hæc in fugam. In omnibus interim magistro opus, qui quemque pro naturæ pronitate ad optima quæque impellat. neque deesse res dignissimæ ingeniis possunt, accedat tantum labor, magistri in erudiendo, discipuli in sequendo. Vt meritò admirabundus historicus inclamet: *Quo magis prauitas eorum admiranda, qui dediti corporis gaudiis, per luxum & ignauiam aetatem agunt, ceterum ingenium, quo neque melius, neque amplius aliud in*

natura

natura mortalium est, incultum atque socordia tor-
 pescere sinunt: cum præsertim tam multe varisque
 artes sint animi, quibus summa claritudo paratur.
 Planè ita est. Verùm ab educatorum ferè supina
 ignauia hic error nascitur; parentes illi, aut ma-
 gistri sint, graue in vtrisque delictum est. *Errone* Arist. lib. 5.
 verò in principio commisso, non euenire ad extre- Polit.
 mum aliquid mali impossibile est. In quam senten-
 tiam illud etiam Leonis est: *Difficile est, ut bono*
peragantur exitu, quæ malo sunt inchoata principio.
 Inuigilandum proinde initis, à quibus, tãquam Inuigilandum
 à fundamentis, vniuersa educationis fabrica pen- initis.
 det. Monemur à Magno Basilio: *Animus dum ad-*
huc tener est, & ritu cera, quæ ipsas impressus in se
formas quascunque facillimè recipit, confestim ab
initio, omni rerum bonarum imbui exercitatione de-
bet: quò videlicet, ubi postea rationis vsus accesserit,
& habitum rerum indicandarum atas attulerit, pie-
tati iam ab ineunte assuetus, nullo impedimento, cur-
su utatur facili, cum & ratio quid expediat admo-
neat, & ad id assequendum facilitatem præbeat con-
suetudo. Est in hanc sententiam illud Poëtæ:

Vt laus est cera, mollis cedensque sequatur

Si doctos digitos, iussuque fingat opus;

Sic hominum ingenia flecti ducique per artes

Non rigidas docta mobilitate decet.

Nec tanti moliminis res est, si Senecæ credimus.
 Facillimè enim tenera conciliantur ingenia ad
 honesti rectique amorem: ac licet bonæ non ra-
 rò educationi, tanquam bonæ terræ, maligna in-
 spergantur, improborum consuetudine, zizania,
 & adolescant etiam, & in ingentes succrescant
 arbores; perrarò tamen prima semina ita inter-
 moriuntur, ut non aliquando rediuiua resurgant;

nec

nec infrequenter validiùs, quo diutiùs vitiorum frigori insepulta iacuerunt: maximè, si quis proborum conatus, monitorve, aut miserantis Domini manus accesserit. Est in hanc sententiam illud Hieronymi: *Difficulter eraditur, quod rudes animi perbiberunt: & lanarum conchyliis quis in pristinum candorem reuocet?* Et Philonis: *Sicut vasa odorem, quo primum fuerint imbuta, referunt; sic iuuenum animi, quas primum formas imaginatione concipiunt, nunquam aboleri sinunt.* nimitum veteri & vero dicto:

Manet in omni ætate, quod haustum est in pueritia.

Quo semel est imbuta recens, seruabit odorem Testa diu. usque adeo. enim à teneris assuescere multum est.

Magnis ingeniis maximè inuigilandum.

Quo magis inuigilandum huic ætati, maximè in iis qui spondere videntur magna, siue adnata ingenij altitudine, siue generis claritate, seu togæ, seu armis, regnòque parentur. ad plures enim horum educatio transit. ynde illud Claudiani verum nimis:

Componitur orbis

Regis ad exemplum. nec sic inflectere sensus

Humanos, edicta valent, quàm viua regentis.

Quare qui Regem erudit, eum & subditos quosque instruere certum est. nam cuiusmodi fuerit dux, tales & subditos ut plurimum fieri, necessum est. ut hoc nomine, non paucis in his, sed multis insudandum sit; cum ex praua probaque eorum institutione, plurimorum damna, commoda, interitus, salusque pendeat. quod eo, magis in Principum filiis locum habet, quo latius eorum mores diffunduntur. In quibus si quid vota possunt, optè semoueri quidquid animum enervat, delicias, comestationes, otium, ignauas artes.

Necessaria bona Principum educationi.

I.

Lusum

Lusum omnem, in quo sine honore pericula, ut chartarum, alearum, similiúmque, aut in quo pudor naufragatur, & pœnitenda maturioribus annis, tenerior discit ætas.

I I.

Vicinorum populorum, & quorum maximus usus, linguas ediscat, Cyri, Mithridatis, Catonis, aliorúmque exemplo.

I I I.

Salu, cursu, natatu, equitatu, venationibus, sudoribus corpus induret. frigoraque æstúmque iuxta pati discat, famem etiam ac sitim, fessúmque laboribus corpus tabula, aut nuda humus, aut lapis excipiat.

I V.

Armis assuescat; lorica pectus, galea caput, scuto corpus, dextram muniat ferro; decurrat campum, ac nunc tanquam inter velites, nunc tanquam grauioris armaturæ versetur; hîc pediri, alibi equiti permistus. metiri castra, vallum iacere, propugnacula erigere & euertere, ordines sequi & ducere, pedem retrahere, insequi fugientes discat; è mensa ad tubam, è somno in hostem, nunc armis tectus, nunc solis animis procurrat.

V.

Litterarum studia reliquis exercitationibus permisceat. nulla illi dies, Cæsaris, Augusti, Antonini, Traiani, Adriani exemplo, sine lectione, scriptione abeat. etiam inter arma historiarum meminerit; quarum cognitio imperatori nō minùs quam armorū necessaria. Validissimi hi magistri sunt, & muti loquentibus potentiores. ex his die sæpè vna, adeoque hora discet vna, quæ maximi fortunatissimique exercituū ductores, per sudores, vulnera, sanguinē, damnāque, ætate tota, pace belloque consecuti sunt. Hic varios rerum inopinatos, præuisosque euentus; variam fortunam,

V I.

fortunam,

fortunam, aduersam, secundam, subitos & inexpectatos casus, hostiles insidias, robora, & ex desperatione virtutem, socordiam, vigilantiam, ac vtriusque commoda, celeritatem, lentitudinem, audaciam, temeritatem, trepidationem, varios rumores, hostilem contemptum, remedia, consilia, animosque in arduis leget; quidque in singulis amplectendum, quid fugiendum, nullo suo damno, emolumento inaximo, labore nullo hauriet; rationemque è difficultatibus se explicandi fortunatis infortunatisque aliorum exemplis intelliget. prudentiamque aliorum periculo, damno suo nullo, non magnâ lectione colliget.

VII.

Philosophiæ Moralis, & in ea virtutis studiū amplectetur. Hinc discet in aduersis, cum Miltiade, constantiam; in secundis, cum Dione, modestiam; in tristibus, cum Æmilio, læritiam; in lætis, cum Valerio, moderationem; in paupertate, cum Curio & Fabricio, gaudium; in diuitiis, cum Galieno & Adriano, munificentiam; in tormentis, cum Scæuola & Regulo, patientiam; in alienæ mulieris forma, cum Alexandro, Cyro & Scipione, castimoniam; in verecundia, cum Gordiano & Maximiliano Imperatoribus, frontis teneritudinem; in cibo & potu, cum Traiano, Antonino, Stephano Sclauoniæ Rege, parsimoniam; in vestitu, cum Augusto, Lacedæmoniorum Lyfandro, Epaminonda Thebano, modestiam; in morte, cum Socrate & Seneca, alicritatem; in exilio, cum Thrasea & Camillo, tolerantiam, in voluntaria secessione, cum Africano Maiore & Minore, promptitudinem; in pietate in parentes, cum Cimone, Metello Pio, Manlij & Cræsi filiis, teneritudinem; in congressibus,

gressibus, cum Vespasiano & Tito, facilitatem & comitatem; in iudicio ferendo, cum Cambyse & Daniele, fortitudinem; in pietate colenda, cum Ludouico Gallia, Stephano Hungariae, assiduitatem. in reliquis denique virtutibus progressus felices, animumque ad omnia paratum. In quam rem post Christianorum libros, Historicosque veteres, Senecam legat & Epictetum.

Odisse discat iam inde ab infantia, cum Alexandro Seuero, adultores & detractores, pœnis etiam cum Septimio Seuero prosequi, dolos fraudesque detestari, mendacium odisse.

A mulierum familiari consuetudine excludatur. mollescit mollioribus tenerior ætas, & sexus illius affectum induit: inde mores imbibit vitiaque, & in feminam iam migrat vir stola dignior, quam imperio. Durioribus proinde assuescat qui imperare debet. nemo indurefcit mollibus. arcendus proinde ab omni familiaritate illarum, ne à meliori sexu in deteriorem degeneret, oblitus sui, discatque quæ mulierem decent, dediscat quæ virum, quæ Principem.

Probatissimis societur, vt nihil videat, nihil audiat nõ dignum sceptro & purpurâ. viris cingatur bello clavis, deinde in varia scientia magnis; in Historia in primis, Mathesi, Philosophia, maxime Morali: videat facta suorum fortia in cursu, saltu, luctationibus, equitatu, venationibus, aliisque, vt exemplo in paria excitetur: doctis etiã intersit disputationibus. Arceantur verò magno conatu quicunque vitiis obnoxij, cætera licet magni: nec tam ætatis ratio habeatur, quam probitatis. satis senex est, quem probitas & cani mores vestiunt. nõ amo senes pueros, quos cano

G

vertice,

VIII.

IX.

X.

vertice, viridis crudâque vitiorum iuuentus circumstat. Aliquid hîc legimus in nostram sententiam à Platone: *Sapiens legumlator senibus præcipiat, ut sint circa iuniores verecundi, ac summo opere caueant, ne quis iuuenum eos videat aut audiat agentes turpe aliquid vel loquentes. nam ubi senes minùs pudici sunt, necesse est ibi iuvenes impudentissimos esse.* Quod in senibus de verbis factisque minùs castis Plato, ego de vitiis omnibus, omnique ætate dixerim. eliminanda nocitura exempla sunt, à quocunque profecta; magis tamen, nō nego, si à senibus, quorum, ob ætatem, & prudentiæ opinionem, fortiùs illabuntur, & imbibuntur aliùs exempla. & imitari cani capitis vitia delectat, cùm virtutū nomen induunt. Quid? quòd ipsa canities virtutis opinionem ingeneret, maximè apud inexpertos rerum, & talium inassuetos. Pulcrum nimirum & decorum iuuenibus, insequi præeuntes senes. ita pro medicamenti venena bibuntur, mors pro vita. nec quidquam facilius, quàm improuidæ iuuentuti, & per ætatem credulæ & incautæ, perimentia profanantibus propinare.

Aliquid dandum propensione in educatione.

In omni autem educatione aliquid propensione dandum, nisi illa degenerauerit à virtute, aut maiorum probata conditione. Nolo Regem citharædum, nolo comædum, licet eò natura trahat; nolo cælatorē, pictorem, medicū, quamuis forti ad illa naturæ impulsu rapiatur; nolo peritum Grammaticum, litterarum criticum, aut veteris Poëtæ commentatorem, naturæ licet manibus ad hæc ducatur. quin ad eò abduci ab his velim, constanter huic naturæ propensione obuiam cundo. Ad magna, & imperio digna erigendus

gendus animus qui imperio nascitur, aut paratur. Amare Regium iuuenem artes non liberales modò, sed & honestas omnes volo, sequi nolo: colere in aliis & præmiare etiam, in se nūquam admittere. pudeat ad diademate indigna descendere. In vnoquoque proinde magna semper ratio habenda generis, & maiorum. quòd si quem tamen infima etiam plebe natum ad magna videat properantem, ne retrahat; impellat potiùs, & cum natura manum admoueat, ducatque quò duci videt. In reliquis magna propendentis naturæ ratio habenda. graue enim, hac reluctante, aliquid moliri. & perrarò magna dabit, quem educatoris violenta manus aliorum à natura rapit, cuius conatus validissimi sunt, & cum qua, teste Philone, *pugnare difficillimum est*. vt audeat Quintilianus: *Illud in primis tenendum, nihil præcepta & artes valere, nisi adiuvante naturâ*. non desperandum tamen, si non omnino præfractè reluctetur. nam si tota, toto natali impetu in opposita rapit, potenti ac præualido opus robore, vt ab ingenito cursu retrahas. Et paucorum omnino est; abducere ab hoc saxeo naturæ torrente, & è præcipiti prolabente. Quare nisi vitiis trahatur, nollè nimio conatu ad naturæ aliena propelli; cui nō aliquid tantum, sed & multū largiendū, quamdiu à bono non abducit. nam si reluctanti obnitaris, tenuia omnino, & humi voluntariâ quadam iniuriâ serpentiâ, speranda sunt; sin assentiaris, magna. Idémque hîc vsu venit quod nauiganti. quem cursum nauclerus speret oblectantibus validè ventis? quem non, secūdis? nam, vt alia desint, ipsa oblectatio, quæ naturæ pronitatem comitatur, animos addit, laborem

minuit, accendit ad magna, & audere docet ad quod natura protrudit: qua duce ardua leuia, aspera mollia, inaccessa peruia: in præcipiti posita plana, lubrica firma arbitratur; ipsaque adeo maria fluctus minasque vomentia, armasque telasque, quanquam Hercule iaculata, ridet; magna denique omnia infra se posita putat, si natura ad illa ducat. Ad quam si auxiliaris, accesserit, instructoris dextera, sperari in vnoquoque genere magna possunt.

*Ingratitudo
educatorem
terrere non
debet.*

*Ingrati in
institutores.*

*Grati in edu-
cadores.*

Neque terrere parentes aut instructores debet filiorum discipulorumque animus ingratus, impia manus. Scio non defuisse qui pro benefactis malefacta reponerent. memini filiorum in patres crudeles manus. Tulliae in Seruium, Aristobuli in Hyrcanum, Selymi in Baiazetem, Sanchij in Iaynem, & illius, qui post Clotharium patrem viuis cum vxore prolibusque & domo exurit. Memini discipulorum, Herculis in Linum, Anyti in Socratem, Angeli Constantinopolitani in Basilium, Neronis in Senecam, Iuliani in Pigmium. Crudeles in his impiasque in magistros manus lego, nec terreor. Nec terrere hi instructorem debent. magis verò animare Magni Alexandri in Aristotelem, Catonis in Sarpedonem, Antonini in Frontonem, Proculum, Rusticum, (quos Roma Consules vidit) Theodosij in filiorum magistrum, Arcadij in Arsenium, cultus & veneratio; & tot omni retro ætate millium, quos discipulorum amor supra fortunam, in qua nati, sustulit. Testis mihi Hispania & Italia. nec longè querendi. viuit etiamnū grata multorum in vtraque purpura memoria, viuētque æternumque vlla tam ingrata posteritas silentio premet.

CAPVT

CAPVT VI.

Quæ vitæ ratio instituenda Superiori?

QVAM omnes imitentur, pauci assequantur; omnes voueant, pauci attingant. aded supra vulgus Superiorem & Principem esse volo, ut virtute magis, quàm dignitate & purpurâ suis antestet. Est enim Superiorum vita perpetua quædam censura ac linea, ad quam dirigimur; speculum, ad quod conuertimur. neq; enim tam imperio opus, quàm exemplo, cùm infidelis recti magister sit metus. Amari velit, qui præest. amorem virtus dabit. hæc illum supra reliquos vehet, non equi & currus. Sanè nihil maiorem faciet, quàm subditorum pietas & amor. Vtrumque probitas dabit, & recti studium. Et quid pulcrius Superiore ac Principe, inter cuius priuatam fortunam & publicam nihil interest, nisi quodd in publica plus ametur, cùm plures ipse amet? Amari vincere est. vincit enim, qui amandi causam dedit, animorum victor. amatur, qui amat. mutud enim amores illigantur. nullus verò potentior amor, quàm qui virtuti innectitur. Superioris maximè: cuius cùm vita, Solis instar, omnium obtutibus obiiciatur, etiam virtutes, quarum radij omnium quaqua oculos reperiunt. Et frustra se tegit Sol. intercurrent ac subterlabantur licèt nubes, manet illi sua lux, & pulsas nubibus, etiam nobis serenitas redit. Nequidquam se etiam resque suas Superior tegit. immergitur fors ac integitur aliqua simulatione, tanquam nube; at manet illi dignitatis suæ

*Superiorum
vita regula
subditorum.*

lux sua, reiectâque simulationis nebulâ, totum diffunditur lumen prospectandum omnibus. Est in hanc sententiam illud Claudiani:

*Superiorum
bona malâq;
tegi non pos-
sunt.*

*Hoc te præterea crebro sermone monebo,
Ut te totius medio telluris in orbe
Vivere cognoscas, cunctis tua gentibus esse
Facta palam, nec posse dari regalibus usquam
Secretum vitiis, nam lux altissima fati
Occultum nihil esse finit, latebrâsque per omnes
Intrat, & abstrusos implorat fama recessus.*

*Plin. in
Traiano.*

*Habet enim hoc magna fortuna, quod nihil tectum,
nihil occultum esse patiatur: Principum verò non
modo domus, sed cubilia ipsa, intimâsque recessus re-
cludit, omniâque arcana noscenda proponit fama. Ut
non immeritò rideat Poëta.*

*O Corydon, Corydon, secretum diuitis ullum
Esse putas? serui ut taceant iumenta loquentur,
Et canis, & postes, & marmora.*

*Cur Superio-
ri & Princi-
pi, virtutibus
incumbendū.*

*Quo maiori cura incumbendum Principibus
& Superioribus virtuti est, cum omnium oculis,
linguis calamisque etiam cubiculorum abdita
proponantur. credas è specula latè in subiectos
campos lumen diffundi, magis etiam quod dicta
factâque illorum cant in exemplum, ac propè
legis vicem subeant. Hinc illud Sapientis: Qua-
lis rector est ciuitatis, tales & inhabitantes in ea. &
illud Basilij: Ut plurimum subiectus populus se solet
conformare eorum moribus qui potentiâ prævalent,
ita ut quales aliquando fuerint qui præstant vitæ
ducatum, talis sit necesse sit qui in viam ducitur. il-
lud etiam Iosephi: Cum moribus Principum cor-
rumpitur conuersatio subiectorum, & cum viderint
illorum luxurias, sua castitatis merita respicientes,
eorum imitari nituntur ihecebras; non enim opera
Principum*

Ecclesi. 10.

Principum approbare videntur, nisi etiam similia hæc agantur. Inuitant enim Principum vitia ad paria. & cum amari à Superiore subditi velint, amorque morum vitæ similitudine crescat, imitari lubet vitia, per quæ crescat amor, cuius exinde manibus, dignitatibus & opibus crescant. amore enim munificentiam Principes meritiuntur, ut pro amoris magnitudine munera largiantur. Iam cum similitudo ferè amorem prouocet, quo quis Principi vitiis similior, plus de honoribus & muneribus, quia plus de amore & affectu, sperare inferior potest. Hinc effuso in vitia Principe, populus ferè in eadem effunditur, maximèque omnium quos aula nutrit: qui quo consuetudine & contubernio Principi viciniore sunt, hoc etiam moribus esse conantur. certè quorum vnum studium est placere, quâ viâ id assequantur iuxta habent. Virtute non possunt vitia amplectentur, etiam scelera, si per placitura Principi scelera via honoribus sternenda est. quo etiam nomine grauiora Principum ac Superiorum delicta sunt. ut audeat Poëta:

Omne animi vitium tanto conspectius in se

Crimen habet, quanto maior qui peccat habetur.

Atque hinc illud Nili Abbatis: *Neminè manent certiora supplicia, quàm illū qui multos vitiorū suorū discipulos facit: imitantiū enim interitus, pœnarū cummulū facit preceptorī.* & illud Anselmi: *Dū prauitatis exēpla de se ostēdunt, blasphematur plerumque Deus ab imperitis & secularibus.* Atq; hinc interminationes & pœnæ: *Præbete aures vos, qui cōtinentis multitudines, & placetis vobis in turbis nationū; quoniā data est à Domino potestas vobis, & virtus ab Altissimo, qui interrogabit opera vestra & cogitationes*

*Superioris
vitia trans-
eunt in infe-
riores.*

Sap. 6.

nes scrutabimur : quoniā cū essetis ministri regni illius, nō rectē indicastis, nec custodistis legem iustitiæ, neque secūdm̄ volūtatē Dei ambulastis. Horrendē & citō apparebit vobis, quoniam iudiciū durissimū his qui præsunt fiet. Exiguo enim cōceditur misericordia: potentes autē potenter tormenta patientur. Non enim subtrahet personā cuiusquā Deus, nec verebitur magnitudinē cuiusquam; quoniam pusillum & magnū ipse fecit, & equaliter illi cura de omnibus : fortiori-

Potentes si
nequam sint,
gravius pu-
nietur quā
pusilli.

bus autem fortior instat cruciatio. Quomodo fortior in paritate criminis cruciatio, & exiguo misericordia, potentioribus verō tormenta? crescit nimirum in paritate criminis pusilli & magni, magnitudo huius, quōd pusillorū privatis claudantur parietibus scelera, nec extra domum scelera; magnorum verō eant ad plures, adeoque ad omnes, ac in imitationem ducant, & ad paria, & audere doceant exemplo, & præmia etiam sperare: assimilatio enim Superioris ac Principis, cū à pœna excludat, ad præmium inuitat. Et quis in subdito Superiorum facta damnet? quis in inferiore Principem? damnat Principem, qui in inferiore facta illius damnat: cuius cū sacrosancta maiestas sit, etiam facta videntur. quæ nec in alio quidem iudex damnabit, ne Principem damnasse videatur. ut iam non vnum in Principe ac Superiore scelus, sed tot videri possint, quot in vno exempla statuuntur. tubæ enim & tympana quædā Superiorum facta sunt in sque-lam. Quid? quōd securitatis cuiusdam in crimine edicta sint, & diuites præmiationum sponsiones. Iam quid non audeant inferiores, & ad quæ non tantis ducibus scelera prosiliant? impunitas ad quæ non impellit? præmia si accedant, quid inausum

inauſum & intactum erit? quæ ſacra? quis Deus? Teſtes Romano Imperio & orbi, Vitellius, Caligula, Nero, Heliogabalus, & tot vbique portenta Regum, Principum, Superiorum, quorum ſuis ſæculis exempla improbitati pro legibus fuerunt. Bonum nimirum factum quidquid à Principe natum. Quo maiore ſtudio probitas virtusque colenda Principi & Superiori; à quibus tanquam à fontibus virtutum torrentes fluminaque in reliquos defluant, rigâdis nimirum longè latèque, fecundandiſque ſterilibus popularium animis. Nam vt in corporibus, ſic in imperio grauiffimus eſt morbus, qui à capite diffunditur. ita optatiſſima valetudo, quæ à capite defluit: ab hoc enim neruorum robor, & quidquid corpore circumfertur magnum.

Optandum deinde in Superiore illud Sapientis: *Reſtorem te poſuerum? eſto in illis quaſi vnus ex iſſis. curam illorum habe, & ſic conſide, & omni cura tua explicita recumbe, vt lateris propter illos.* Talem fuiſſe Traianum narrat Plinius, nec aliam in illo Imperatoriâ, quàm priuatam vitam, mores, comitatem, veſtes, menſam. non abſimilia habes in Antonino, Hadriano, Seuero, Tito, Auguſto. Incredibile dictu, quàm valida benignitas comitasque ſint ad animos parandos. Hinc illud: *Ne eleuetur cor eius in ſuperbiam ſuper fratres ſuos, neque declinet in partem dexteram, vel ſiniſtram, vt longo tempore regnet ipſe & filij eius.* Nolo nimiam in Superiore demiffionem; moderatam volo, quæ contemptum & neglectum excludat. In qua re maxima perſonarum ratio habenda. Sunt quos comitate vincas, & per medios ignes & tormenta ad optata impellas. nulla viſ amore maior.

Eccli. 32.

Laudata in Superioribus comitas & benignitas.

Deut. 17.

Pro varietate perſonarum diuerſimodè ſe gerat Princeps.

Sunt, qui grauitatem deposcant, & aliquid è numine augustum. seueritatem alij, minas & pœnas nonnulli. Hoc certum, ingenuos beneuolentiâ, præmiis, laudibus, amore duci; seruos ac mancipia seueritate, minis, pœnis. Quo fit, vt quo quisque plus ingenuitatis habet, plus amore prouocetur, duritiâ auertatur: quò verò plus seruilis habet animi, hoc plùs terroribus minisque quàm amore impellatur. nescit redamare seruale peccus timere seruus didicit, non amare: cuius omne obsequium à metu & pretio est. Et ferè ita comparatum, vt comitas ingenuos obsequentiores reddat. plus nimirum beneuolentiæ ostende, plus sequentur. quo verò benigniorem te seruo præbueris, plus contemnet. ignorat seruus beneuolentiæ imperia. parère minis didicit, amorum ignarus. seruum cogita, non filium. frustra proinde filij affectum spera. nescit amare qui seruire didicit. nec cadunt in vnum pectus amor & seruitus. filius sit, aut affectu filius, qui amet, quémque maiore comitate ad maiora obsequia & venerationem impellas. Circa quos audeo illud Panegyrici: *Non ciuium amplexus ad pedes tuos deprimas, nec osculum manu reddas, ore reddas.* Magni hoc Superioris & Principis magni est, quique filiorum loco suos habet. Nemo pater ad pedum oscula filium admittit. nam & de illo, qui dissipauerat *substantiam suam viuendo luxuriosè,* habes: *Cum autem adhuc longè esset, vidit illum pater ipse, & misericordiâ motus est. & accurrens cecidit super colum eius, & osculatus est eum, & profecti stolam primam iussit, & dari annulum in manum eius, & calceamenta in pedes, & vitulum saginatum occidi.* Et hæc de illo, qui deuorauerat *substantiam*

Luc. 15.

stantiam suā cum meretricibus. Sed & osculo proditorei dignatus est Dominus. Non damno tamen pedum oscula, cum legam, *Stans retrò secus* Luc. 7. *pedes eius lacrymis cepit rigare pedes eius, & capillis capitis sui tergebat, & osculabatur pedes eius, & unguento ungebat.* à peccatrice hæc facta, & illi, qui post tā prodigas lacrymas & oscula posset dicere, *Remittuntur tibi peccata tua.* Nec quisquam negauerit, pedum oscula ferè seruorum, oris filiorum esse. manus ferè aut sceptrā victis osculanda præbere, solenne fuit. nec damnem semper in ingenuis, & qui ciuium loco: varia enim in hoc genere populorum consuetudo. quam quis damnet, & gentium in se inuidiam trahat? Laudatissimi tamē Imperatores Traianus, Titus, Augustus, qui non dicam pedum, sed nec manuum in ciuibus oscula adiniserunt, nec Domini nomen: patres esse & haberi maluerunt, cum domini essent. Hæc in altissima gentilitate: quo magis in Christi imitatoribus?

Aliud etiam in Principe à Plinio laudatur: *In suorum animis sempiterna Principis gloria: in quo nihil flammis. nihil senectuti. nihil successoribus licet.* *Arcus, statuas, aras obscurat ætas & obliuio; carpit posteritas. ambitionis & infinitæ potestatis domitor ac frenator animus, ipsa vetustate florescit, nec ab vllis magis laudatur, quàm quibus minimè necesse est.* & illud: *Non imaginibus & statuis, sed virtute ac meritis propagatur fama, quā meritò Principi optandam puto & solam.* Ego Superioribus omnibus maximā gloriam in pectoribus suorum statuo; nobilissimas statuas, quas nulla inimica manus, ætas nulla decoquat, in affectu suorum; augustissimos arcus omni triumpho illustriores, in amore

Prima Principis gloria in suorum animis.

amore suorum. Hunc comitas, benignitas, munificentia, pacatus animus, miseteri, ignoscere, & præmiare facilis abundè dabit.

Veri Superioris cum plurimum possit, minimum velle.

Illud etiam optandum, ut meminerit Superior prudentiæ magnæ esse, nō omnia velle quæ possit. Hæc illa laudata ab omnibus moderatio est, plurima nolle quæ possis, ac in hoc magnitudinis suæ partem ponere; & prudentiæ, cum plurima possis, nolle plurima. Et sanè satis ad magnitudinis ostentationem est, potuisse: noluisse verò, modestiæ & sapientiæ est. illud admirationem & venerationem prouocat, hoc amorem; maximè cum clementia ac modestia potentiæ imperant, & tanquam generosiori equo, aut indomito leoni fræna iniiciunt, & mitescere potèriam docent, & submittere erectas iubas. barbara potentia, quæ impetu fertur, & quantum potest tantum sæuit: illa laudanda, quæ plus mansuetudinis habet, quàm virium & potentiæ; plus prudentiæ, quàm potestatis.

Facilitas in Principe laudata.

Accedit illud Plinij: *Nulla in audiendo difficultas, nulla in respondendo mora*; & à Cicerone dictū, *Facillimos aditus esse ad te*, nulliusque inopiam *ne domo quidem tua & cubiculo* excludi. ab Aufonio verò: *Faciles præbere aditus, nec de occupationibus causari*, laudatissimum in Superiore est. Magni in hoc genere Augustus, Vespasianus, Titus, Traianus, Gratianus, Hadrianus, Antoninus Pius, Constantinus, Rudolphus Imperatores. Imitemur: hoc enim demum ingenuis imperare est, eam in adeundo subditis facilitatem præbere, quam filiis parentes consueuerunt. Addit Plinius: *Finem sermonis suus cuique pudor, non fastus tuus facit*. Alienum à fastu Principem vult. nec mirum.

mirum. vult amari, & parentis loco haberi. nemo arrogantem aut amavit, aut pro patre habuit: exosus fastus est, etiam iis, qui hoc malo tenentur, imò nullis magis quàm illis. ita arrogantem arrogans odit, vitiumque suum in alio damnat, ac per alium latus suum petit.

Ab eodem Plinij calamo illud venit: *Magna Principis gloria est, si sæpè vincatur fiscus; cuius mala, causa nunquam est, nisi sub bono Principe.* Audiant monentem. Principes, & vinci gaudeant. gloriæ in hac arena pars magna est, vinci. O sæpè vincantur in fisco suo Principes, vt nobilem iustitia triumphum agat! Quis mihi iudices largiatur, qui causæ æquitatem, non purpuram intueantur? magnos omnino viros, qui innocentia contra vim & potentiam tueantur? Beatum regnum, cum metus iudiciis abest, cum nihil timere grauius, nihil sperare minus debet iudex qui abiudicauit, quàm qui adiudicauit causam Principi. Quod de Principe, de omni Superiore dico. Magna Superiorum gloria est si sæpè puniatur detractores: quorum mala causa nunquam est, nisi sub bono Superiore. Discutiet hic singula, nec intetatum quidquam relinquet, & poriorum semper partem reo tribuet. vtriusque personam intuebitur, vitam, mores. numquid æmulationis, odij, aut inuidentię intercedat; num quæ spes præmij; num quæ damna data aut accepta. visa an audita narrentur. num ad suspiciones facilis delator, ad accusationes celer.

Gloria Principis est, sæpè fiscum vinci.

Hoc etiam ab eodem: *Cum mendaces homines aut inopia, aut timor faciat, magnitudinem fortune sua Imperator ignorat qui mentitur.* De omni Superiore hæc dicta arbitrare. Et planè ignauæ mentis

Mendacium Principē dedecet.

mentis est mentiri: cum mori sciat, mentiri nesciat generosus animus. quid? quodd pulchrū illi per vulnera & sanguinem ad ardua tendere; mendacio verò cominaculārī, omni morte deterius. Vt non aberrauerit qui dixerit, vilis & muliebris pectoris esse, mentiri. Scio familiare Principum aulis mendacium esse. diuites in illis sponſiones. & verba propè singula, tanquam vtero grauida, mentiuntur partum, ne fide. vento, non prole distendantur. credas Sodomæ poma, quæ attractu in cinerem fatiscunt. ita venustatem, honores, opes, amorem, beneuolentiam purpuratorum verba loquuntur: res odia, liuores, æmulationes, fraudes. extollunt verbis, factis præcipites agūt: ore locupletes, reliqua inopes. vt iam fortiter venustèque mentiri, aulā dignum censeatur; vera dicere, indignum. ita vt, nisi sine rubore mentiri scias, parum ciuilis habearis: & ille commissimus censeatur, qui pluribus benè consultis mendaciis dictionem vestit; ille rusticus, qui nullo exornare verba mendacio didicit. Quod rapimur? quasi nobilis nō sit, qui mentiri nesciat. Procul hæc à Christiano Superiore, cuius omnis sermo sacrosanctus esse debet, vt tanquam iurato omnes in omnibus credant. Laudem hanc Plinius Traiano tribuit, vt quæ vellet, velle; quæ nollit, nolle scirent omnes. magnum hoc est, & extra metum positi. Ita generosus animus mendacium pro perinurio habet, dolum pro cæde, insidias pro ignominia, vt carere etiam imperio malit, quàm fraudem parare. Et sanè graues in omnem mentientem cælestes minæ sunt: *Perdes omnes, qui loquuntur mendacium.* grauis etiam censura Sapientis: *Potior fur, quàm assiduus viri mendacis.*

Psalm. 5.
Eccli. 20.

dacis. Quo magis indignum Superiore vitium? quis Superiorum, fur audire sustineat? mitior fur mendace est. Iam quot orbe toto cædes vnum *Mentiris* dedit? Et cum mendaciis plena sint omnia, audire nolumus, quod facimus; erubescimus, cum simus, mendaces dici; & nomen ferro vindicamus, rebus innatantes. facere non pudet, dici pudet. & cum gloriemur, si cuius candori & simplicitati mendaciis illusimus, ad vindictam decurrimus, si quis, quo gloriamur, *Mentiri* nos dicat. laus nimirum à mendacio, vindicta à verbo est. ita verba ferro vindicamus, quorum rebus gloriamur. bis stolidi, factis, & vindicta. laudem è rebus captamus, ferrum è verbo.

*Indignum mentiri vel-
le, & men-
dace[m] dici
nolle.*

Imperabit deinde Superior omnis, tanquam imperia laturus. certissima hæc, & quæ falli nefciat, regula est. Impera, ut imperari tibi voles. ferre qui imperium potuit, dabit; dare qui potuit, feret. se proinde votæque sua in omni imperio circumspiciat Superior. præsit, ut subesse volet. Ille prudenter imperat, qui, quæ amat imperata, nec alia, imperat. & æternum infixum animo habet, Rege ut regi voles. illud etiam in omni imperio proponat: Imperari hæc velles tibi? his verbis, auditoribus, testibus, modo, loco, tempore velles? Regula hæc omnis prudentis imperij est. non aberrabit, qui ex alieno votiui imperio suum statuet, qui suum alieno metietur. videat quid in alio displiceat, quid damnet. fugiat damnanda: nec admittat in se, quod in alio accusat, ne tales patiatur dictorum factorumque iudices, qualem se in aliena causa præbuit.

*Imperandum
ut imperari
tibi vis.*

Quodd si peccandum est (quanquā peccari nolim) clementiā magis, quam severitate peccabit. indul

*Clementior
audiri malit
Superior quā
severior.*

indulgentiorque in suorum delictis, quàm rigidior erit; facilis ad ignoscendum, tardus ad pœnam; lentus in iram, in mansuetudinem pronus, à verborum acerbitate alienus. nunquam bis delictum vnum puniat. si castigat verbis, intra verba pœna maneat: si rebus, parcius sit in verbis. quin ad eò pœnæ magnitudinem verborum lenitate temperet, vt à patre magis, quàm à iudice pœna proueniat; à paterna nimirum magis, quàm à iudicis manu & ore: vt sentiat inferior delictum puniri, non personam; & coactum magis, quàm voluntate sua, ad pœnam Superiorem descendere. leuior sit verborum benignitate pœna; & non inuiti promerita subimus, si verborum mansuetudine vestiuntur. Ita æger etiam de ignibus, ferro, veneno, medicamenta admittit, certus propinari in medelâ, & mites deprædicat ignes, & tolle ferrum, & grata venena quæ in salutem porrecta.

Aliorum virtutis irascendū vt nostris.

Meminerit etiam moniti viri magni: *Ceteris ita ignosce tanquam ipse quotidie pecces; ita peccatis abstine, tanquam nemini ignoscas. tibi domi forisque inexorabilis, exorabilis alijs, etiam illis, qui dare veniam nisi sibi nesciunt. in alijs temperatus, in te seuerus; sine contemptu facilis, sine terrore reuerendus.* O quis hæc monentem sequatur! quis non sibi indulgens, inexorabilis alijs est? Ignosci volumus nobis, nos nulli; laudari ab omnibus volumus, damnamus omnes: & vt ille: *Sic aliorū virtutis irascimur, quasi inuideamus, grauissimèque punimus, quos maximè imitamur & præcurrimus.* ita dū exemplo prouocamus, pœnâ terremus. Non quòd impunita velim scelera: sed quòd nolim ad hæc prouocari Superiorum exemplo. Et turpe, adeoque

que & crudele, sua in aliis scelera punire : barbarum, in alio castigare, quod tibi indulgendum putas. Non quod in omnes eadem iri pœna velim. audio enim & sequor monentem : *Imitare medicos ; quanquam in aduersa valetudine nil serui à liberis differant, mollius tamen liberos clementiusque habent* : mollius etiam parentes in pari delicto filios, quàm seruos.

Meminerint etiam Superiores patrum ac filiorum ; & imitari non pudeat ; maximè cum è Xenophontis sententia, *bonus Princeps nihil differat à bono patre* : qui quantum à patre differt, tantum à bono Principe differt. Optanda familia, respublica, regnum, in quibus subditi filij, Principes ac Superiores patres sunt. Consideret proinde bonus Superior bonorum parentum in filios imperium ; nec erubescat ad hanc regulam se componere. videat grauitati, maiestati, venerationi mistum amorem , ac tanquam per fauos mella, sic amorem per illa decurrere ; & sequatur præeuntes patres, vt suos sentiat filios. Consequetur hunc suorum affectum , si paternum ipse prior in suos effuderit. imperabit pater ? filios habebit. imperabit dominus ? seruos patietur. imperabit tyrannus ? ferrum metuat , & suorum odia, & alterius aut vtriusque partis interitum. Vix enim alià viâ, quàm partium intereptione tyrannis clauditur.

Vnum hîc à Principum ferè moribus Superiorumque habemus. *Quod semel sine ratione fecistis , ne videamini aliquando nescisse , defenditis, meliusque putatis non vinci , quàm confessa cedere aut annuere veritati.* Grande malum , & ô nimis familiare magnis , nolle doceri, nolle videri

Bonus Superior patris personam induat.

Magnum in Principe malum, nolle moneri.

H extrasse,

errasse, aut falli posse! arrogantis iuxta ac imprudentis ingenij malum. prudens gaudebit emendari, moneri, doceri; at, cum Principes nescio quid diuinum spirent, turpe putant esse & Principe indignum, errare, quia turpe Deo. Ingens factus: quare cum monentes non audiant, errorem errore vestiunt, vnumque alteri inædificant. Non quod sperem Superiorem aut Principem tam candidi pectoris, ut errorem cum Dauide & Theodosio palam agnoscat. Quis enim nunc doceat purpuram flere? quis respergi cinere, sacco vestiri? quis réplis excludi? vbi nunc Nathan Propheta, Ambrosius, Chrysostomus, Basilus, Remigius? quam multi Ionæ sceptrum fugiunt! quam pauci Helix, Michæ pauci, qui nec Achab vereantur, nec Iezabel! quam pauci Ieremiæ, qui non erubescant vultum Sedeciæ, Ioakim, Iechoniæ! quam multi Hananiæ, & filij Chanaana, qui purpuratis Sedeciis & Achabis, pro veris falsa denunciant! quā multi è quadringentis Prophetis prospera spondēt, infelici exitu lucenda! Hinc illæ in veridicos indignabundæ purpuræ voces: *Non prophetat mihi bonū, sed semper malum. &: Mittite virum istum in carcerem, & sustentate eum pane tribulationis, & aqua angustia.* & illæ: *Nolite videre, nolite aspicere nobis ea que recta sunt: loquimini nobis placentia, & audiemus.* Misera omnino conditio, cum perpetuare errorem, nouoque priorē firmare Superiores Principesque volunt, ne agnoscere illum cogantur. quanquam non desint modi, quibus & mederi errori, & auctoritatem tueri possint; maximè in magna fortuna, cui nunquā medendi ratio deest. Passus aliquis damnum est? resarcire Superior potest.

3. Reg. 22.
Ibidem.
Isaia 30.

potest. exilio dānatus? reuocari potest. acerbè habitus, rerūq; honorisq; iacturam fecit? maioribus donari potest. mors etiā immeritò illata? reddi vita cū non possit, honor liberis posterisq; potest, vt meliore in suis vitā digniorēque viuat mortuus, maximè si falsus delator impunitus nō transeat. Remedia hæc malorum, & solatia sunt.

Magnam deinde indigentia suorum Superior curam habebit, magnam valetudinis bonæ. factum à Tito, Traiano, Hadriano Imperatoribus, quos tradunt solitos ægros visitare, solatiis fouere, consiliis adesse, ære subleuare. Senes etiam, maximè quorum in Rempublicam domi forisq; merita, quique vel toga, vel militia aliquando clari, veneretur, priuatōque publicōque æratio, siqua fuerit, egestatem leuet. Incredibile, quantos hæc res reliquis animos ad ardua accendat. leuia enim vulnera, ac mors ipsa, si præmia adsint, & speratus honos & veneratio sanguini.

*Pauperatis
& valetudi-
nis suorum
curam Prin-
ceps habeat.*

Fidem etiam semel datam, intactam & sacrosanctam seruet. Turpissimum Superiori promissa rescindere, fidem fallere. & indignus munere est, magis sceptro, qui sponsiones vtilitate sua metitur, nec diutius illis inhæret, quàm priuata emolumenta deposcunt. Certè, si omnium gentium sententiā, ignaui & muliebris ingenij est promissa infringere; quid de Superiore ac Principe censendum, qui quo dignitate ac potentia Deo propinquior, hoc etiam promissionum constantiā esse debet? De bonis mihi verba; aut quibus nulla improbitas permista. nam in impiis & sceleratis rescindenda, nō implenda fides est, ne quis duplici se crimine maculet, sceleratam sponsionem sceleratiore opere signans. Hinc

*Fidem datā
Princeps ser-
uet.*

damnatus meritò Herodes, qui stolidam inter menfas & pocula promissionem, fatuo iuramento firmatam, nouo in innocentis sanguine scelere funestauit, cùm impuris oculorum scintillis Prophetæ caput, salticæ puellæ merces & ferculum conflabellatur.

*Commissorū
sibi fidissimū
sūt custos Su-
perior.*

Commissorum deinde sibi firmissimus sit custos, vt dici de illo possit, *Seruata centum clauibus*: & antè extrema perferat, quàm proditor secretorum sit. Habet hoc omnis generosus animus purpurâ dignus & scepro, vt in altissimo cordis abdat commissa, non nisi cum corde ipso prodenda. eruendum proinde illi cor altè pectori defossum, si eruenda commissa sunt, vni concredita cordi, non labris, non linguæ, non fronti, non oculis. & quo generosior quisque, hoc alitè recondita iacent: & partem primam prudentis imperij arbitratur, concredita tacendâque premere; partem primam prodendi perdendâque imperij, concredita tacendâque prodere.

*Laxamenta
non nisi ho-
nesta permit-
tat.*

Denique cùm non pauci Superiorum Principumque, seriarum laxamenta curarum, vitiorum contentione suppleant; nulla nisi honesta admittat prudens laxamenta, & ad inhonesti nomen cum Gordiano & Maximiliano Imperatoribus erubescat, & indignum viro Principe arbitretur quidquid meritum ruborem iniiciat. Neque inter laxamenta adnumerari scelera debent, cùm grauissimè hæc animum fatigent, & mille modis crucient, nec liberas concedant noctes, nec placidos dies; vt in ipso etiam somno mentem delassent, & in varias curarum partes incertam dubiâque trahant, semper anxiam,
nuf

nusquam securam. Honestis ergo oblectationibus, pro dignitatis quam obtinet, varietate, seria temperabit, inambulatione, iucunda doctaque fermocinatione, cursu, saltu, venatione, aliisque, quæ & corpus roborant, & seria interrumpunt.

Historiarum etiam lectionibus cuiuscunque æui, è quibus gentium mores, dicta, facta fortiter, clementer, iuste, prudenter, moderatè, magnificè, constanter, munificè, piè, colligat & imitetur: vitia detestetur, damna fugiat, periculis se suosque subducatur.

*Historiarum
lectioni Prin-
ceps incum-
bat.*

C A P V T VII.

Quæ ratio tenenda inferiori in Superiorem?

Parendum. audi Apostolum: *Subiecti estote* 1. Petri 2. *Omni humana creatura propter Deum: siue Regi, quasi præcellenti: siue ducibus tanquam ab eo missis ad vindictam malefactorum, laudem verò bonorum: quia sic est voluntas Dei.* Subdit: *Deum time- te, Regem honorificate; serui subditi estote in omni timore dominis non tantum bonis & modestis, sed etiam dyscolis. hæc est enim gratia, si propter Dei conscientiam sustinet quis tristitia patiens iniuste. Quæ enim est gloria, si peccantes, & colaphizari suffertis? sed si benefacientes patienter sustinetis, hæc est gratia apud Deum.* Maxime si à Superioribus, Principibus, Regibus, etiam à dyscolis. Audi alterum: *Obedite Præpositis vestris, & subiace- te eis.* & Ad- Heb. 3.
Tit. 3.
Ephes. 6.

dicto obedire. & , Serui obedite dominis carnalibus cum timore & tremore , in simplicitate cordis vestri. sicut Christo: non ad oculum seruientes. quasi hominibus placentes, sed ut serui Christi, facientes voluntatem Dei ex animo, cum bona voluntate seruientes sicut Domino, & non hominibus. & alibi: Seruos dominis suis subditos esse, in omnibus placentes, non contradicentes, non fraudantes, sed in omnibus fidem bonam ostendentes, ut doctrinam Saluatoris nostri Dei ornent in omnibus. Nihil hinc opus à meo calamo.

Tit. 1.

Ferendi Superiorum etiam impiorum, morbi.
Rom. 13.

Verum, quid si impium nactus Principem fueris? *Vis non timere potestatem? bonum fac, & habebis laudem ex illo. Dei enim minister est tibi in bonum.* Et si impia imperauerit? nemo dixit sequendam impietatem. tot Martyrum millia sanguinem læti fuderunt, ne impia sequerentur imperia. Verum, quis vetet armatâ manu impia imperia pellere? non docemur arma à Martyribus. nec euocauit cælestes legiones Christus noster, cum posset, in Herodem, Pilatum, Iudæos. pati Christianum est. Nunquàmne arma? pro principe arma; contra illum nulla. Moysen qui legit, Iosue, Dauidem, arma legit. imitari hæc arma potes. nulla hinc subditi in Principem sunt. Quid si ducat in communem patriæ hostem Princeps? armatum sequere. Quid si quis in Principem? quære an etiam in Deum. Audisti Apostolum: *Obedite sicut Christo. & illud: Qui resistit potestati, Dei ordinationi resistit. qui autem resistunt, ipsi sibi damnationem acquirunt.* potuit fortius telum intentari? At improbum si quis nactus fuerit? respondet Apostolus: *Non tantum bonis, sed etiam dyscolis obsequendum.* Quid si vim admoveat? admo

Ephes. 6.
Rom. 13.

1. Petri 2.
O bsequendū Superioribus etiam dyscolis.

admouit Nero, Domitianus, Diocletianus, Decius, Iulianus, reliquique Neronis de impietate successores. nec Christianorum quisquam ferum ferro repulit. Et monet Apostolus: *Nilli malum pro malo reddentes*; maxime Principi. addit: *Noli vinci à malo. sed vince in bono malum*; maxime in Principe. Et quid vis vindictam? Audi Dominum: *Mihi vindicta, ego retribuam*. Quid facilius Deo Principum Principi? tu innoxium ferrum serua, & virgines in Principe manus, Deo verò causam committe.

Rom. 12.

Ibidem.

Deut. 32.

Quid si vim pudicitiae minetur, & inferat? factum in Agnete, Lucia, Agarha, Christina, Sufanna, Domitilla, nec vllæ virginitatem suam armis; ignibus, & carnificis manututatae sunt.

*Pudicitia
mori propo-
nenda.*

Quid si in legiones integras sæuiat? factum sub Gereone, Mauritio, Agathio, aliisque. nec arma tamen armati ostentarunt: posuerunt ad minas.

*Mors à Prin-
cipe illata fa-
renda.*

Quid si imperet Princeps inimica Deo? quid magnum mori est? mori potes. At durū in causa bona mori velles, in mala? Durum, innocentem velles, nocens? quin aded iucundum mori in causa bona. Intuere reposita cælo præmia, & dulce erit mori. At ignauum mori sine ferro, cum possis; & quis ignauia immortalitatem consecutus est? generosum est, fortiter mori posse, & ferrum contemnere, ac non nisi viri magni est in bona causa mori velle, & posse, cum vincere possis. Et non maiori animo credis fuisse Martyres tot millibus gladiatorum, in quorum vili sanguine natæ amphitheatra potuerunt? non credis fortius illos inuolasse in craticulas, picatos ignes, fornaces, ardentes laminas, clauos,

crucem, & quidquid ingeniosa tyrannis inuenit in tormentum, quàm milites in hostile ferrum?

*Quocunque modo sciat Princeps, se-
vendum.*

- Quid si pergat tamen Princeps barbaro sœuire ferro? Saûlem cogita & Dauidem. imitaci hunc potes in Rege, in hoste. Audi milites: *Ecce dies de qua locutus est Dominus ad te: Ego tradam tibi inimicum tuum, ut facias ei sicut placuerit in oculis tuis.* Audi Dauidem: *Propitius sit mihi Dominus, ne faciam hanc rem domino meo, christo Domini, ut mittam manum meam in eum, quia christus Domini est. Et confregit Dauid viros suos sermonibus, & non permisit eos ut consurgerent in Saûl.* Audi Amalecitem præmia sperantem, qui non hostili animo, sed miserantis dominum, post eadem fugamque suorum, Saûlem occiderat: Tuli diadema quod erat in capite eius, & armillam de brachio illius, & attuli ad te dominum meum. Andi Dauidem præmiantem: *Quare non timuisti mutere manum tuam, ut occideres christum Domini? vocansque Dauid vnum de pueris suis, ait, Accedens irruere in eum, qui percussit illū, & mortuus est. Et ait ad eum Dauid: Sanguis tuus super caput tuum, os enim tuū locutum est aduersum te, dicens: Ego interfeci christū Domini. Quid peccauerat adolescens, ad quem illud Saûlis: Sta super me, & interfice me: quoniam tenent me angustie, & adhuc tota anima mea in me est? Imperium secutus est, & clementiæ videtur fuisse, ne ludibrio hostibus esset.* hinc illa verba: *Percute me, ne fortè veniant incircumcisi isti, & interficiant me, illudentes mihi.* Et tamen magni Dauidis imperio cæsus est, quod misisset manum in christum Domini. Quid fecisset Dauid, si non imperio Saûlis, sed sola voluntate sua,

sua, aut vindictæ studio, aut tuitionis etiam sui, ferrum strinxisset *in christum Domini*? Non recedamus à Dauide. Audiamus Rechab & Baana fratres: *Ecce caput Isboeth filij Saül inimici tui*, 2. Reg. 4. *qui querebat animam tuam; & dedit Dominus domino meo Regi ultionem hodie de Saül, & de semine eius.* Quanta arbitraris sperasse præmia? audiamus Dauidem: *Vixit Dominus, qui eruit animam meam de omni angustia, quoniam eum, qui annunciauerau mihi, & dixerat, Mortuus est Saül: qui putabat se prospera nunciare, tenui, & occidi eum in Siceleg, cui oportebat mercedem dare pro nuncio.* quanto magis nunc, cum homines impij interfecerunt virum innoxium, in domo sua, super lectum suum, non quaram sanguinem eius de manu uestra, & auferam vos de terra? Præcepit itaque Dauid pueris suis, & interfecerunt eos; pracidentesque manus & pedes eorum, suspenderunt eos super piscinam in Hebron. Hostis erat Isboeth Dauid: facta enim 2. Reg. 3. erat concertatio inter domum Saül, & inter domum Dauid. quid peccauerant fratres hoste cæso? Non damno, si in hostem eat hostis. in dominum, mecum damnat Dauid. nec potuit à iustiore ore sententia ferri. quare nec impunitum proditoris scelus tulerunt. sperauerant præmia; sceleris in dominum præmia tulerunt, ferrum & crucem. Exemplum huius habes in Alexandro Magno, qui Bessum Darij interfectorem, Oxoatri Darij fratri tradidit, *ut cruci affixum, mutilatis auribus naribusque sagittis configerent barbari.* In Romanis alterum, cum medicum venale Regis Pyrrhi caput offerentem, Curius siue Fabricius remisit. displicuit Senatui proditor domini seruus, & damnauit in hoste domini

Curtius
lib. 7.

venale caput; dubioque armorum euectu fortunam tentare maluit, & Reipublicæ salutem in discrimen conicere virtutis & fortunæ, quàm alieni medici perfidiâ, vltro operam spondentis, in certam salutem vti.

*Ferendus
Princeps li-
cet in Rem-
pub. sauiat.*

Rom 12.

Exod. 22.

Quid si in Rempub. vniuersam barbarus sæniat Princeps? Precibus placandum Numen, patientiâ vincenda barbaries, mansuetudine feritas. ita lapidis duritiem facilius puluillo, quàm ferro retuderis. Addo illud Apostoli: *In tribulatione patientes; benedicite persequentibus vos: benedicite, & nolite maledicere*, maximè Principi. Vnde illud: *Principi populi tui non maledices*. Fuga etiam cum Dauide, si nouus ferociat Saül, vitæ consulendum.

*Mors pro
Principe obita
gloriosissima.*

Quid si clausa via omnis? nunquam clausa est generosæ morti, & cadet fortius quisquis innocens ceciderit, quàm armabit dexteram. quam nemo pius in principem armabit; nudabit & exarmabit, quoties de Principe agitur. Et verò ignorare debet ciuis arma, nisi in Principis sui salutem. Hinc ingens in omni gente gloria, pro incolumitate Principis sanguinem fuisse; dignissimâque omnium calamis mors, quâ stetit vita Principi. Non cecidit, quisquis vitæ Principis vitam largitus est suam. quære à posteritate; dicet stetisse. Et sanè securus æternitatis est, qui lætus hostile excepit ferrum, ne exciperet Princeps. Verè magnus est, & nescio, an nō ipso Principe maior, quisquis mori potuit, ne in impium insurgeret Principē. nam in pium nō surrexisse, non magnum. quæ bellua exsurgat in pium? addo: Impium etiam, in impium Principem insurrexisse. Et quis pius in parentem insurgat, etiam impium?

*Generosus
antè mortem
deliget, quâ
in impiū in-
surgat Prin-
cipem.*

impium? quin adde, quis non impium dicat filium, qui in impium patrem armauit dexteram? ferenda in patre etiam impietas est: cum satis ad ferendum sit, patrem esse. Eadem de Principe cogita, qui alter pater, & patre maior pater est. quo magis ferenda illius, si qua est, improbitas, sæuitia, crudelitas? Et, ut impium omne ferrum, quacunque ex causa est, quod in patrem acuitur; ita impium omne quod in Principem strigitur. Ferre, liberorum est. benignum, facilémque tulisse patrem, non magnum: magnum, tulisse ferum, improbum, barbarum, immitem, & in verbera pronum. Idem de Principe dico. fereamus ut patrem, tuebimur ut patrem; & hilares ante illius genua occumbemus, reddituri quod accepimus, maiori etiam lubentia quam accepimus.

Iam vide quâ apud omnem retrò posteritatē famâ fuerint, qui ausi aliquid in Principes. intueri exitum. nimis orbi noti Brutus, Cassius, Chærea, Euocatus, Latamius, Camurius, Sulpicius, Florus, Stadius, Phocas, Bessus, Arbogastes, Murzypphilus, Arrius, Andragathius, Zimisces, Odoacer. & de Iulij percussoribus illud Suetonij habemus: *Percussorum autem ferè, neque triennio quisquâ amplius superuixit, neque sua morte defunctus est. damnati omnes alius alio casu perijt: pars naufragio, pars pralio, nonnulli semet eodem pugione, quo Casarem violauerant, interemerunt. Hoc Taciti de Galbæ & Pisonis percussoribus: Plures quàm cxx. libellos premia exposcentium, ob aliquam notabilem eo die operam Vitellius postea inuenit: omnesque conquiri & interfici iussit, non honore Galbæ, sed tradito Principibus more, munimentum ad præsens, in posterum*

Infelix exitus illorū qui in Principes insurrexerunt.

Tacit. hist. 1.

posterum ultionem. A Phoca Mauritius, ab Heraclio Phocas manibus pedibusque truncatis cadit. Leontius Iustinianum disiectis naribus exilio damnat; nec multò, Iustinianis calcatus pedibus minutatim conciditur. Et non Maximum, cuius operâ Aëtius & Valentinianus cæli, membratim concisum Tiberis deuexit? Murzophilus fœda in frusta dilaceratione Imperatoris Alexij Comneni iunioris cædi parentauit. Nicephoro Constantini V. filio, à Leonis filio Constantino erutos oculos, linguam exsectam accepimus: eadêmque hunc anno diêque vertente passum. Domitiani, Pertinacis, Antonij Bassiani, Heliogabali, Didij Iuliani, Opilij Macrini, Maximini, Maximi, Balbini, Philippi, Æmilian, Valeriani, Galieni, Regilliani, Trebelliani, Taciti, Floriani, Probi, Numeriani, Carini, Siluani, Gratiani, Valentiniani, Nicephori, Orestis, Imperatorum Romanorum perculsores non diu impunitam cædem tulerunt, neque horum quisquam sicca morte viuere desit. Ita ferro cadunt quotquot in Principem etiam impium sæuiunt.

*Impietas in
Principe ferenda.*

Iob. 34.

At graue est, impium ferre Principem; & morte grauius est, seruitutem pati. mitius etiam in illam cadere, quàm ire. & non viri est, tenere libertatem, aut mori ante seruitutem? Tene libertatem à Christo edoctam, etiam in compede liber eris. nemo Principum claudere tibi cælum potest. Et quid hunc accusas tanquam creptorem libertatis? te accusa; peccata tua. Hinc enim illud: *Qui regnare facit hominem hypocritam propter peccata populi.* Tolle peccata, non deerit populo suo Deus. At peccatum meum nullum est in

in Principem; nullum etiam in Deum? Quid, si per impium barbarumque Principem peccata tua punire velit Deus? accusabis iudicem? Et quod discrimen, si vario te morborum genere, aut per Principem excruciat Deus? non validius sæpè sæviunt morbi, quàm Principes? Equis Christianorum Deum accusavit aut damnauit morborum? Idem de Principe dico. Et, ut peccata tua nulla sint in Deum, audes te componere Tobia, Iobo, Christo? & non quem diligit Dominus corripit, & quasi pater in filio com- placet sibi? Et qui nos, qui præscribamus Domino, quo correctionis genere corripiri velimus? Per morbos, hostes, domesticos, Principes id fiat, quid interest? Addam è consilio magni Philosophi. Vis sub improbo Principe vitam securam? periculosa te Regum familiaritati celer exime, quorum consuetudinem spectatissimus quisque flammæ naturæ benè comparat; quæ sicut paulatim à se remota illuminat, ita satis admoda sibi comburit. Quid te admoues huic igni? secede. propius accedis, & ambureris? quid ignem damnas? te damna. Si te remoueris, nihil est quod metuas flammæ: sin propius accesseris, temeritatem tuam accusa. Addo ex eodem: Amicitias nimio splendore nitentes, & quidquid colitur perspicuum, fugito. non fugis? tibi imputa, si quæ damna acceperis. Addo tertium: Sapiens nunquam potentiorum iras prouocabit, imò declinabit, non aliter, quàm in nauigando procellam. temerarius gubernator contemnit Austri minas: ille est, qui Siculum pelagus exasperat, & in vortices agit. at cauior peritos locorum rogat, quis astus sit, quæ signa dent nubes. Idem facit sapiens, nocitram

Prou. 3.

Improborum
Principum
familiaritas
fugienda.

poten

*Aula nemo
se credat, &
Principi fa-
nori.*

*potentiam vitat. hoc primum cautus, ne vitare vi-
deatur.* pars enim securitatis in hoc est, non ex
professo eam fugere; quia quisquis fugit, dam-
nat. Quid te Principum familiaritati, & aulicæ
tempestati obiicis? vitare potes. quis cogit Ocea-
num hunc navigare? quòd si te tuâque fluctibus
credas, ne damna vêtos; domestici Oceano sunt.
te damna. qui tam infido elemento, eadêmque
horâ ridenti, eadê sorbenti te tuâque credidi-
sti. At nesciebas, ventorum fluctuûmque igna-
rus. credere te mari non debuisti. & quæ fatui-
tas ignoto se credere? credes fortunas ignoto,
aut consilium ab ignoto capies, hostémne &
amicum, fatuum ac prudentem pro eodem ha-
bebis? sanè aut non tentanda maria, aut nò dam-
nanda. Idem dico de Principe. tenta antè hoc
profundum, prudentiæ bolide; breuiâque hæc
deuita, arenas, scopulos: & sequere, quos nò for-
tuitò vides tenuisse portum. Quamquam quos
tales mihi dabis? nã vt non diffitear etiã Oceano
scientiam suam esse, & magnã; multa tamen hîc
ludit felicitas, & omnem sæpè peritiam subitæ
ludunt tempestates. nil securius, quàm non tan-
gere fluctus. quibus cùm vltro te dederis, ne ac-
cusa fortuita, te accusa. Eadem reperies in Prin-
cipe. Quid de illo dicas, qui cùm tutò terrestri
itinere peruenire possit in optatam sibi prouin-
ciam, delegit maria, & maufragium passus vix ta-
bulâ portum tenuit? quem damnabis, maria an
vectorem? Quid de illo, qui cùm per plana, &
viarum amœna inambulare securus posset, ma-
luit per aspera & pendula præcipitia, incerta &
dubia? damnabis laxa? Addo quartû: *Intuere nau-
fragia multorum, quos insidiosa tranquillitate prone-*
ctos

Etos impronissus turbo perculit. quod enim tam infidū mare, quā blanditiæ Principum. quibus non raro, in summa etiam lenitate, fraus maxima? ut facilius sepe sit iratos illos, quā propitios habere, intueri. Quod quidam de balenis Indicis: *Nimbosa alluvie depressunt plerumque alveos nauigantium*; idem de Principe dictum cogita. Docemur à Parmenione, Philota, Clito, Cleádro, Eutropio, Stilicone, Ablauio, Flauio, Cominæo. Ut taceā orbe propè toto, sæculi nostri, posteritati in documentum, præsentibus in terrorem, funesta exempla. Sisto hīc calamum. nolo hunc purpurare sanguine: certius mœrorem atramento exprimet. & non dolori amicæ tenebræ sunt? Sed neque prudentis est, ætatis suæ scabiem perfricare. veniet posteritas, & liberiore vngue, audentiore nouacula secabit hæc vlcera matura terris cæloque. ego manum retraho ab hac tragica scena; & obseratâ cortinâ, auditorem diinitto.

Redeo ad ciuem meum; quem non omnem Principem fugere velim, ut destituat illum sibi. sed, si Neronēs, Caligulas Heliogabalos, Domitianos, Vitellios, Phylscones, Busrīdes nactus fuerit, aut tales, de quibus, quod de damnata terræ portione Historicus, *Sola terrarum non nouit vices temporum, nec de calo aliquid accipit, quā hyemem sempiternam*; dici potest: cū nil aliud ab his speretur, quā gelu perpetuum, aut nullo flumine mitigandæ flammæ. Nemo proinde prudens nimium se huic frigori aut ignibus credet. Quod si non tam sæuitiam imbiberit, omni exutâ humanitate, iuuari Principem velim: consilia etiam, si admittat, profutura suggeri, maxime si deponat. Sed ita, ne docere videaris, ne

Quid faciet
in contubernium
Principis admis-
sus.

monere,

monere, ne supra Principem sapere, neque ut à te inuenta, sed ab aliorum calamo, aut ore accepta. Et sanè verum hîc illud Philosophi: *Summis imperij moderatoribus pia aut decora suadentes, instrumenta sunt boni sæculi.* nam & optimos gubernatores mediocriter etiam remigum manus iuuât: quin & puerorum & imbellium impulsus protrudendis molibus prodest. Multorum nimirum manus leue onus reddunt. quod in omni re, hoc in Imperio. Magna tamen vbique veneratione manus adinouendæ, tanquam si quis sacrapetractet; magna cautione, tanquam si igne; magna industria, tanquam si ingentia saxa aut trabes.

Cultus in Principem nunquã obliuiscatur inferior, esto ei per familiariu sit.

Nec obliuisci vnquam inferior debet dignationis & cultus, licet ad omnia Superior admittat, & consiliis assuescat, maximæque quæque ingenti fiduciâ committat, seque regnumque vni credat, plurimumque vnus se virtuti debere palam testetur. beneuolentiæ id esse inferior sibi persuaदेat, non prudentiæ suæ: resque has inuidiâ grauidas à se amoueat; timidæque ad suadenda, timidiùs ad commissã accedat. Feliciter res eueniunt? Principis prudentiæ tribuat. infeliciter? infelicitati suæ. nec solus ipse omnia, sed lubens socios, maximè in laudem, admittat: aut vbi spes quæstus & boni. Quod de Principe dixi, de omni Superiore dictum velim; etiam de ætate grandioribus, licet extra imperium. Est in hac re illud Platonis: *Quilibet seniore re & verbo colat: ac si viginti annis maior est, quasi patrem. si vir fuerit; aut matrem, si mulier, reueretur.* Et illud Scripturæ: *Coram cano capite consurge, & honora personam senis.* Quo nomine à veteri

Senectus veneranda.

Leuit. 19.

veteribus dictum in laudem: *In sola Sparta expedit senescere*, ob prærogatiuam ætatis. Et sanè omnium propè gentium moribus, senectus venerationem promerita. Cecinit in hanc rem Poëta:

*Credebant hoc grande nefas, & morte pium,
Si iuuenis vetulo non assurrexerat, & si
Barbato cuicumque puer, licet ipse videret
Plura domi farra, & maiores glandis acervos.
Tam venerabile erat præcedere quattuor annis,
Primæque par adeò sacra lanugo senectæ.*

Confirmat Apostolus: *Adolescentes subditi estote senioribus.* Veneratio ergo debita ætati: maximè Superioribus & parentibus: de quibus illud Sapientis, *Qui honorat patrem suum, incundabitur in filiis, & in die orationis exaudietur.* & illud: *Audi, fili mi, disciplinam patris tui, & ne dimittas legem matris tue; ut addatur gratia capiti tuo, & torques collo tuo.* illud etiam: *In opere, & sermone, & omni patientia honora patrē tuum, ut superveniat tibi benedictio à Deo, & benedictio illius in novissimo maneat.* & Apostolus: *Honora patrem tuum, & matrē tuam: quod est mandatum primum in promissione, ut benè sis tibi, & sis longævus super terram.* Venerantibus parentes vitam longævam, diuinam benedictionem, hilaritudinem, gratiam, opes, honores spondet. Audi quid sentiat de inhonorantibus. *Maledictus, qui non honorat patrem suum, & matrē; & dicet omnis populus, Amen.* & alibi: *Qui affligit patrem, & fugat matrem, ignominiosus est & infelix.* alibi etiā: *Ne glories in contumelia patris tui: non enim est tibi gloria, eius confusio: gloria enim hominis ex honore patris sui, & dedecus filij pater sine honore.* fortiùs deinde: *Qui maledicū patri suo & ma-*

1. Pet. 5.

Parentes colendi.

Eccli. 3.

Prou. 1.

Eccli. 3.

Ephes. 6.

Deut. 27.

Prou. 19.

Eccli. 3.

Prou. 20.

Prou. 18.

Prou. 30.

Leuit. 20.

Matth. 15.

Eccli. 3.

Ibidem.

Eccli. 7.

Pij in paren-
tes laudat.

1733 extinguetur lucerna eius in medijs tenebris: clari-
tius: *Qui subtrahit aliquid à patre suo & à matre, &*
dicit hoc non esse peccatū, *particeps homicidæ est. &*
fortius: *Oculum, qui subsannat patrem, & qui despicit*
patrem matris sue, effodiant eum corui de torrentibus, &
comedant eum filij aquila. Denique: *Qui maledixerit*
patri, vel matri, morte moriatur. Non veneratibus
parentes maledictum imprecatur, ignominiâ, in-
felicitatem, confusionem, dedecus, tenebras, ho-
miciidij crimen, crucem, mortem. & addit: *Ma-*
ledictus à Deo, qui exasperat matrem. *Maledictio*
matris eradicat fundamenta. Potuit aliquid gra-
uius? nec fundamenta quidem relinquit intacta,
ita non solâ ruinâ superstantiâ ædificiorū con-
tenta Scriptura est. Et verò, quid non mereatur
filiorum in parentes improbitas? Prudenter Sa-
piens: *Memeto quoniam nisi per eos natus non fuif-*
ses. Quid verò maius? quid ergo sceleratius, quàm
in vitæ auctores insurgere? quid enim non de-
bet, qui vitam debet? aut quid componi vitæ po-
test? ut crimē nullum grauius fingi possit, quàm
quod committitur in vitæ auctorem. Hinc om-
nium & ☉ & calamis damnati quotquot olim
ausi aliquid in parentes. Tullia, Nero, Aristobu-
lus Hyrcani, Selymus Baiazeris, Sanctius Iayini,
& Clotharij filius. taceo in Israëlè Absalonem.
nota historia est, notissimus exitus.

Pios contrà accepimus omnium ore lauda-
tos. Cimonem, qui Miltiadis patris sepulturam
voluntariis vinculis emere non dubitauit, piete-
te quàm gestorū gloriâ maior, quanquam &
hanc omnino meruerat pietas. Amphinomum
& Anapum: qui per medios Ætnæ ignes, patrem
matremque humeris sublato portarunt. cessit
pietati

pietati ignis, & incolumes transmisit, quasi religio esset vel extrema tantum pietatis lambere. Coriolanum : quem non arma, non hostis, sed vnus matris aspectus retroire coëgit, cum infesta perituræ patriæ inferret signa. & fors Romam nulla staret, nisi armis fortior mater, filij fregisset minas. Quid non potuit pietas, quid non mater ? cum vnus matris aspectus bellum atrox salubri pace murauit ; & cadere inglorius inter Volscos Coriolanus maluit, quàm maternas preces negligere. quo solo nomine primis ducibus componendus. Africanum Superiorem : cuius adhuc pueri manibus, grauitè apud Ticinum saucijs parens, non minus fortiter quàm feliciter seruatus. inde via illi ad Africanos triumphos ; vt eadem pietas quæ Hânibali patrem eripuit, Hannibalem filio subdiderit, vt remuneratio sub eodem staret. vt nesciam, an quisquam Scipione, quia nec pietate in patrem, maior. Manlium, L. Manlij Imperiosi filium : qui stricto minitabundo ense Pomponium plebis Tribunum iurare coëgit, vt à patris accusatione desisteret. audax factum, sacrosanctam tribunitiam potestatem, & in illam diem intactam, etiam Dictatoribus timendam, priuato ferro sistere. è quo exinde, cum rustico antè opere teneretur, inter Romanorum primos numerari meruit. C. Flaminiū nec Senatus auctoritas, nec Romani populi maiestas, nec minitabundus exercitus, ab incepto reuocare potuit ; reuocauit pater. cuius priuati imperio, quæ conscenderat, rostra deseruit. Metellum Pium pertinax erga exulem patrem amor magnum fecit ; cognomenq; à lacrymis illustrius, quàm aliis à victorijs dedit. Cræsi

filium mutum, pietas in periclitantem sub hostili ferro patrem, vocalem reddidit. ita non patitur indonatos suos pietas; patrem ferro exemit, filio vocem dedit. Non transeo hîc feminas; laudanda Claudia Vestalis virgo, quæ inter triumphantem patrem, & Tribunum plebis mediam se coniecit, fortior Tribuno, clarior triumphante patre, & in omnem posteritatem laudata. Magnum, tribunicia potestati virginem, in conspectu populi Romani, ausam resistere, nec inuenisse qui damnaret, aut potestatem vindicaret à virgine, inuenisse qui laudarent. Quid faceret Tribunus in virgine? nec arma inferre ausus, nec manum Vestali; cessit, & à patre abstinuit, cum nihil posset in patrem, nisi mediam repelleret virginem Vestalem, dignissimam triumphatoris patris filiam. felicior tali filiâ, quàm triumpho suo pater. Laudatissima, quæ in vinculis, fame patrem mori iussum vberibus fouit, facta mater patri. quàm pulcro iussit iudicem pietas dolo! sed & flexit, & filia iam matri factæ pietas patrem reddidit. Imitabitur hos quisquis victura sperat. & parentes, senes, Principes, Superioresque omnes venerabitur & colet, honorémque pro dignitatum magnitudine deferet. In quo genere magis probo in honorum exhibitione prodigos inferiores, quàm parcos. nam & parsimonie maius delictum, & arrogantia cuiusdam ac fastidientis animi signum est. profusorem esse, inter leuiora delicta numerem; quanquam nec inter delicta, si non ab adulantis, sed venerantis obsequio proficiscatur. Parandis sanè pacandisque Superiorum animis, plurimum momenti

Honor Superiori tribuendus.

menti officiosa veneratio adfert. quòd si in paribus beneuolentiâ, comitate, humanitate certasse, in laude semper fuerit; quanto magis omni cultus genere Superiorem venerari, quem Christi loco iubemur habere? Iam, si honor omnium sententiâ exhibentem sequitur, perfacile videbimus, Superiori exhibitam venerationem fœneraria redhibitione in inferiorem redire: tanquam, si quis dicat, quem defert honorem, solum esse agro suo fœcundando, aquam horto irrigando, rorem pratis impinguandis, pluuiam segetibus maturandis, nemoribus densandis.

Magna deinde verborum modestia, ac submissione etiam vtatur. absit quidquid ostentationem sapit, quidquid fastum; quin & scientiam suam deprimat verbis, & ingenij altitudinem tegat potius quàm extrudat; maxime, si quæ cum Superiore concertatio inciderit, nolit videri vicisse. durum enim Principi, Superiori, parenti, ab inferiore vinci. Quin aded patiatur non raro se superari. ac licet improbanda quædam occurrant, non damnet; probet potius in iis quædam, sed ita vt saniora exinde proponat, non monendo, sed tanquam in deliberationem adducendo, & vt olim audita, lecta, aut à maioribus tradita, & tanquam ab ea re quam suggerit, aut Principis auctoritas pendeat, aut maiestas crescat, aut reipublicæ, regni, aut familiæ bona sperari maiora possint. vt sentiat Princeps amoris & obseruantix consilia esse, non laudis aut vtilitatis propriæ. si enim viderit, nullis priuatis emolumentis, aut prudentiæ opinionibus, sed solis regni commodis studere

Modestia, & submissio in inferiore lau- data.

consulentem ; non magno negotio ad meliora descendet, feretque modestam libertatem studio sui natam Princeps. sin senserit ; commodis honoribusque propriis. impelli consulentem , aut aliorum contemptu, laude sua; aut modestiæ oblitum ad liberiora prosilire; repellat consilia etiam regno utilia , ne quid fastui alterius concessisse videatur. Vt taceam meritò suspecta consilia omnia esse, quæ cum consulentis commodo coniuncta sunt. tegat proinde, si valere consilia sua volet, quidquid utilitatis propriæ suspicionem creare possit, magis etiam quidquid fastum redolet , quidquid iudiciorum consiliorumque Principis contemptum, ne & se , & rempublicam perdat. Sed neque sibi , virtuti , prudentiæ suæ fortunatos euentus ascribat; ascribat Principi aut Superiori, ingestasque ab aliis laudes à se repellat, in Principem conferat; illius prudentiæ felicitatiq; cuncta tribuat.

Magna cautio in monendo Principe adhibenda.

Temporis verò, locique aliarumque circumstantiarum maximam rationem habeat : neque enim promiscuè omnia omni tempore locoque pertractanda. Multa priuatim suaderi possint, quæ tutò publicè non possunt. neque aut valetudo, aut Principum affectus eadem semper admittunt. Et certè, alia consilia pacato, alia turbido suggerenda; alia sedato & composito, alia indignabundo, furenti, mœrenti, gaudenti, sæuiet; alia in alta pace, inter arma alia. Et verò plurimum interest scire quò propendeat is cui consiliū datur; maxime si Princeps sit, quò commodius à nocituris deduci, adduci ad profutura possit. Vniuersum prudentiā hīc magis opus est quā robore , modestiā quā constantiā. Suadentem

tem plerique Principes audiunt, cogentem repellunt. orari, non cogi volunt; suaderi, non vinci. & turpe vinci Principi. quare nec cōsultor se committet huic aleæ, nec inferior præ se vnquam victoriā feret, neq; irrumperet in has inuidentiæ voces; Non dixeram? monueram? suale ram? secutus fuisset consilia, res starent; nunc, iacēt, quia neglecta. Ferè enim hæc, pericula damnaque auctori suo creant: & hostibus, qui nunquam deesse solent, magnam conciliandæ inuidiæ materiam præbent. Deuitabit hos scopulos quisquis sapit, nec allidet fortunæ suæ nauem ad hæc saxa. declinabit potius, &, si quid infelicitatis acciderit, tempori tribuet, nunquam Principi. Infortunatiora maximis viris euenisse. neque in vllius vnquam manu dubia incertaque fortunæ fuisse. plurima intercurrere, quæ nullâ humanâ prudentiâ præcaueri possunt. In Dei deinde voluntatem multa coniicienda, & infortunata quæque populi peccatis tribuēda, aut profundiori diuinæ dispositioni. In spē deinde meliorum prouocandi omnes. Consilia etiam Principis laudanda, sed euentum non respōdisse. nec nouum hoc. nulli vnquam maximo viro omnia è voto cessisse. stultorum esse rem prudentiamque ab euentu metiri. Hæc similiæque dici possunt, quibus & Superiorum auctoritas firmetur, & damnantium iudicia frangantur. Quæ res magnam conciliare beneuolentiam solet, & fiduciā in Superiore prouocat, & mentem ad saniora consilia audienda parat, & animos addit.

Prudēter deinde & cautè, quisquis honoribus, opibus, nobilitate polles, cum Principe versare. Suspecta enim omnis magnitudo Principi

*Causæ cum
Principe
versandum.*

est, & non semel ruinæ causam dedit. Senecam ingentes opes mori coëgerunt, Thraseam nimia virtus, & verborum robur, Ostorium Scapulam peritia militaris magna; plures alios sola magnitudo, odiūque è magnitudine natum perdidit, maximè sub malis Principibus.

*Beneficia in
Principē col-
lata ne di-
mulga.*

Beneficia etiam in Principem collata ne publica. & certiores semper opes, honorēque gratuiti solo Principis affectu in immerentem collati, quàm virtuti debiti. graue sceptro obstringi, ac quasi inferiorem inferiori esse.

*Ne vince
Principē or-
natu.*

Caue ne ornatu Principem vincas, ne clientium turbā. in caput enim hæc ferè domini recidunt, & ex æmulatione in ferrum protrudunt, inuidentium maximè linguis, qui nunquam deesse in magna fortuna possunt.

*Secreta Prin-
cipis ne scri-
bare.*

Secretas verò Principum molitiones ne curiosius disquire. gaudent ignorari, quæ tegi volunt, & indignantur sciri. è qua re non leuia sæpè damna nata. fuge noxiam curiositatem, nocituramque cognitionem deuita.

*Ne metu
Principis con-
time.*

Nemo autem prudens continebit Principem aut rempublicam metu. ferè enim Principum ac rerum publicarum timor in furorem abit & ferrum. O non sensissent hæc vicina nobis regna, fors nec Regio funestata sanguine iacerent!

*Cum Princi-
pe inconstan-
te, obliuiofo,
& tyranno
scriptis agē-
dum.*

Si in inconstantem Principem incideris, verbo rariùs, scripto ferè memèto agere; ne concessa verbo concessisse neget, & periculum incurras. Idem dico, si labili sit memoriā; idemque de tyranno; ne dicta pro non dictis habeat, & decurrat ad ferrum.

CAPVT VIII.

Qua vita ratio tenenda in tractando conciliandóque populo?

NON minor in populari consuetudine prudentia, quàm in Superiorum ac Regum necessaria. nam quò te veritas, in tam dubio ac inconstanti populari Oceano? Vide acclamationes factas Galbæ magno Imperatori. nec multò iacet inhumatum cadauer, inglorium, calorum pedibus calcatum. Quàm fœda primò de Ottonne sparsa! itum deinde in Ottonem vna voce, omnium laude; inde in Vitellium, exinde in Vespasianum contra Vitellium. Manlium intueri, cuius vnus dexterâ Capitolium stetit. non staret Roma, ni Manlium populo Rom. dedisset Deus. & illius non multò pòst sanguine Capitolina funestata mœnia. Disce ingratham populi mentem, semper aliam, nunquam diu eandem. O quis post Scipiones, Lentulum, Metellum, Ahalam, Camillum, & tot magna nomina, fidat populo? quis post Aristidem, Themistoclem, Alcibiadem, Pausaniam, Miltiadem, Cimonem, Periclem, Solonem, Phocionem, Socratem, Lycurgum, Theseum? ne fide quisquis salutem amas, quisquis posteritatem. nam quantos, si vetera recenscas, sterisse in populo arbitraris? omnium gentium ætarúmque historias volue, si è centum, quinque sua morte, aut inter caros suorum amplexus vitam finierint, errare me

*Inconstans
populi fauor
exemplis cõ-
probatns.*

credas; exilio, ferro, veneno, aut inter tela & se-
cures ingloriam vitam posuerunt.

*Pronior in
turbas popu-
lus.*

Nouorum deinde cùm auidissimus sit popu-
lus, vetera semper, præsentium desiderio fastidit:
oditque adedò vetera, nouorum cupidissimus. ad
hæc seu dolo, seu sanguine, seu benignitate
perueniat iuxta habere consuevit. Scio facilem
aliquando in clementiam & humanitatem fuisse;
sed in sæuitiam ferè pronior, & propugnato-
rum etiam suorum exilium, carceres. Ne mirare.
impetu fertur, fluminum more, quæ perruptis
aggeribus, cæco lapsu, nullo boni maliucè dis-
crimine, in obuia sæuiunt. similis mari, quod mo-
dò in se tràquillum, modò leui ventorum appul-
su, minas cælo iaculatur; residetque iterum, ite-
rùmque in minas exsurgit; semper infidum, nec
vnquam minùs tranquillum, quàm cùm tran-
quillitatem spondet, mentitur. nam quo mo-
mento, blandè nauigia suscepit, mergit. Eadem, si
vetera nouaque serius inuestigator percurras, in
populo reperies, qui audacissimi cuiusque vo-
cem, inuerecundè ac proteruè inclamantis, vt
oraculum cælo datum, sequitur. ita, cùm audacis-
simus prudentissimus populo habeatur, audacis-
simi impudentiæ subiaces. Iam verò, vt ad au-
denda se proiicit, ita seipso inchoata plurimùm
deserit & destituit, & quem secutus antè ducem
fuerat, negligit; accusatque non rarò, ac temerita-
ris damnat, cuius non multò antè vocem nutum-
que venerabatur.

*Credulum
vulgus, & in
mendacia
prænotum.*

Sed neque vera à falsis distinguit populus. ra-
pitur ad proposita, non ducitur. & dictum verè,
Vulgus credulum nimis est, & ad nocitura pronū.
Hinc fatua illi cōsilia, & sine delectu in res pro-
perat

perat ferò pœnitendas, nec futura prospiciens, nec præteritorum memor. Et ferè mendaciis pascitur. vnde vñtatum populi incentioribus, variis hunc libellis è meris mendaciis confutis detinere. Vident nimirum quid populus velit, quid amet; calamòsque votis illius attemperant. Vera an. falsa pro eodem habent. satis nimirum ipsis, placitura dedisse, quorum licet falsitates fraudèsque tempus aperiat, damna antè dederunt: quàm detegi veritas potuit. Accedit, prima quæque firmiùs plebeis animis inhærere, quàm vt secutura euertere veritas possit. &, cum ferè placitura faciliùs credantur, sæcundiùsque serpent, fit vt vera, tanquam semina bona, tunc demùm primùm inferantur, cum animorum ager totus zizaniis occupatus tenetur, ferà nimis prudentiâ. Prima sunt, quæ fortiùs illabuntur & mouent. quicunque proinde primus occupauit, possedit primus, nec ab hac possessione, falsissimarum licet rerum, quisquam illũ repellet. tãtum valet, vacuos & ad amica sibi pronos, plebeios animos occupasse. Remedium in manu est, vt dolosos scriptores hosce veris scriptis præuenias, aut pro falsis vera reponas: tã calido veritatis, quàm calido illi falsitatis calamo. optimum, si pro libello vno plures reponatur, vt multitudine quadam ponderèque verorũ obruantur.

Nihil verò medium in populo: aut enim abiectione seruit, aut superbè imperat. vt verè Tacitus: *Nihil in vulgo modicum terrere, nisi paucant: ubi tũ in populo.* *Nihil mediũ aut modera-*
 pertimuerint, impune cõtemni. Femeinũ in populo pectus, aut ignauescit, aut sæuit. suspicionibus verò, muliebri more, tanquã fluminibus innatat.
 -minimæ

minimæ illi res maximæ , & tanquam læsæ maiestatis crimina sunt. tam calidus in ferrû, quàm in minas & suspiciones.

*Nunquam
fidendi po-
puli favori-
bus.*

Ne fide ingenio, ne eruditioni, opibus, nobilitati, benefactis, non sanguini fuso, non liberati armis & sudoribus partæ: iisdem artibus, quibus fauorem populique gratiam parasti, eripietur gratia, & pro benefactis malefacta reponet. Fecit hoc omni sæculo, omni gente. perget facere. ne fide. super fugitiua arena arcem struit, quisquis populari favori innititur. Quid? quòd plerumque etiam odio prosequatur libertatis suæ auctores. non vult debere; & quidquid magnum, & supra fortunam suam est, auersatur & odit. pares vult. maiores deprimat, & perditum it quidquid supra togam suam est. Iam si quod fortuitum, vt in humanis assolet, malum euenerit, rectoribus imputat; si quid prosperum, fortunæ suæ. etiam dum imperauerit, si votis imperata non responderint, imprudentiæ eorum quos delegit, ascribit: si responderint, prudentiæ suæ; nihil verò alterius aut felicitati, aut sapientiæ. Ita ingratitudine & inuidencia grauidum circumfert pectus. punire in alio imprudentiam suam vult, præmiare alterius felicitatem non vult.

*Modus popu-
lo placendi.*

I.

Vis verò placere populo? cùm populare ciuitate imperium non possis, caue ne aliud spondere te sentiat, sentire aliud.

II.

Commodis fortunisque illorum stude. plus enim his quàm honestate, aut gloriâ mouebis.

III.

Beneuolum te præbe, benignum, comem, facilem; læto vultu venientes excipe, læto dimitte;

venit

venerabundos perhumaniter venerare, nec cibum porúmque, nec mensam illorum fuge, tuæ etiam adhibe; ciuilitate vince omnes, vincaris à nemine; etiam infra genus tuum te abiice, & fortunam tuam. gaudet comitate, ac quasi paritate ac veneratione populus, fastum detestatur, & quidquid magnitudinem, eruditionem & prudentiam sapit.

Liberalem te munificumq; præbe. profunde etiam nonnunquam. Non potes rebus? neis verbis pauper est; profunde verba humanitatis plena. fortiter verò auaritiæ à te suspicionem amolire, ne nimium commodorum tuorum te studiosum videant: magis etiam, ne quid detractum populo, arrogatum tibi.

Aduersis compatere, mœrorem deterge, laborantibus opem sponde; consilio iuua, blandisque vltro verbis amicè compella.

Audacissimum quemque beneficiis vince, profusioréque beneuolentia excipias; ubi senseris quibus capiatur, ne parce. sæpius tamen memento dare, quàm prodigè semel. rara enim apud inuerecundos beneficiorum memoria est, apud quos vltra beneficium memoria non est. quare repetenda beneficia sunt, ne intercidat memoria.

Ab asperioribus verbis caue, à contumelia, à contemptu. ostende magis magno apud te loco esse, opinione magna. Laudari vult, & quo vilior est, eo magis laudibus gaudet & capitur.

Si aduersandum; ne primo congressu damna, ne reiice tãquam imprudentem, ineruditum, humanarum rerum inexpertum, improuidum. doce potiùs. incommodorum multitudine, sumptuum magni

I V.

V.

V I.

VII.

VIII.

magnitudine; imminentiumque damnorum grauitate; à re proposita auerte: laudatâ interrim tamen voluntate, studio, prudentiâ ac in Rempubl. animo.

IX. Priuilegiorum ac immunitatum veterum popularium, fortem te fortibus verbis propugnatorem ostende: quod si quid remittendum ex illis Reipublicæ bono putabis, damna accumulâ, periculorumque pondere preme; commodorumque varietate ab illorum ardore deducit: mutari posse in melius plurima; factumque hæc omni gente & sæculo, doce. prudentis esse vtilioribus propositis postrema diligere. Neque tamen hæc tanquã ex te nata propone, sed vt ab alio accepta, boni communis causâ, publico amore.

X. A feritate ad mansuetudinem populum deducere si velis, dà operam, vt virtutem & pietatem amet, sequatur. in quam rem viros, variâ virtute, eruditione, pietate magnos delige, quorum monitis ac exemplo patillatim à ferocia deducatur; ad benignitatem componatur. Habebis obsequentes, faciles, ductiles, si virtutis ac pietatis amatores nactus fueris. quin & sola pietas ad omnem vitiõ modestiam ducet, clementiam, mansuetudinem, humanitatem.

XI. Quod si pergat populus, quorundam (vt fit) improborum impulsu, insollescere, in innocentem sanguinem & fortunas rueret, delige ex omni numero non inferioris audacie, quos tibi concilies: doce, primos illos incitatores, commodis suis, non populi studere, imperare velle; regnum cogitare, priuatis affectibus & odio duci, vt horum operâ priorum auctoritatem minuas, studia euertas, in imperij denique suspensionem vaces;

CAPVT

CAPVT IX.

Quomodo se habebit, qui in Iudicem, & consilium à Principibus adlectus est?

MONET Sapiens: *Noli querere fieri Iudex, nisi valeas virtute irrumpere iniquitates. & Dominus: Quod iustum est iudicate: sine cuius ille sit, siue peregrinus, nulla erit distantia personarum. ita paruum audietis ut magnum: nec accipietis cuiusquæ personam, quia Dei iudicium est, apud quem nulla personarum aut dignitatum disparitas, sola virtutis & vitiorum est. Confirmat Sapiens: Exis sine confusione, & inuenies gratiam in conspectu omnium hominum. ne accipias personam: ut delinquas. De lege Altissimi, & testamento, & de iudicio iustificare impium, de verbo sociorum & viatorum, & de datione hereditatis amicorum, de aequalitate statera & ponderum, de acquisitione multorum & paucorum, de corruptione emptionis, & negotiatorum. & alibi: Cognoscere personam in iudicio, non est bonum. hinc illud: Non consideres personam pauperis, nec honores viri potentis, iuste iudica proximo tuo. Et alibi: Statera dolosa abominatio est apud Dominum: & pondus aquam voluntas eius. In quem locum illud Bedæ: Qui enim aliter causam potentis, aliter causam pauperis, aliter sodalis, aliter audit ignoti, statera utique laborat iniqua. Adde graue illud in primis monitum: Videte quid faciatis: non enim hominis exercetis iudicium, sed Domini: & quodcunque iudicaueritis, in vobis redandabit, sit timor Domini vobiscum, & cum diligentia cuncta facite, non est enim apud Dominum Deus nostrum*

Eccli. 7.

Deut. 1.

Vitanda Iudici acceptio personarum.

Eccli. 41.

Prou. 24.

Leuit. 19.

Prou. 11.

2. Par. 19.

nostrum iniquitas, nec personarum acceptio, nec cupido munerum. Grauis interminatio: nec solet intranudas minas stare Deus. fortior in vindictam est. Explicatè Iacobus: Si introierit in conuentum vestrum vir aureum annulum habens in veste candida, introierit autem & pauper in sordido habitu, & intendatis in eum qui indutus est veste præclara, & dixeritis ei: Tu sede hic bene; pauperi autem dicatis: Tu sta illic, aut sede sub scabello pedum meorum; nonne iudicatis apud vos metipsos, & facti estis iudices cogitationum iniquarum?

Ab omni affectu remotus Iudex esse debet.

Ab omni ergo affectu remotissimus Iudex erit, ac si quem senserit, exuet se illo, seponetq; personam amici, etiam cum de Republica agitur; cum Iunio Bruto, Cassio, M. Scauro, A. Fulvio, patris & filij. Est in hac re Catholico Rege dignissima vox Ferdinandi V: In ancipiti iure Regi rem abiudicandam, adiudicandam subdito. Fuit hoc etiam Imperatore Traiano, Plinioq; laudatore dignissimum: *Quæ præcipua gloria tua est, sapius vincitur fiscus, cuius mala causa nunquam est, nisi sub bono Principe.* Idem habes sub M. Antonino, Philosopho dicto, quem narrat Capitolinus nunquam in re pecuniaria fauisse fisco. Reo potius aliquid largietur ac indulgebit Iudex, cuius semper partes potiores accusatoris esse debent; cum accusator ferè in sequitiam, in clementiam reus trahat: huic deinde pœna incubat, illi præmium magis quàm pœna.

Odia, & amulatio ponenda in Iudice.

Seponet deinde Iudex, M. Æmilium Lepidum, & Fulvium Flaccum, Liuium Salinatorem, & Neronem secutus, quidquid fors animo æmulationum, quidquid odiorum latet, quidquid etiam perturbationum è quacunque causa natu.

indui

induct verò libertatem æquitate & viro dignâ; quam consequetur, si integritas illi & innocentia steterit, quæ securitatis mater esse solet, timorisque expultrix. Fuit hoc posteritate dignissimum, cum Ægyptius Senatus, ex Regis sui præscripto, solenni se iuramento obstringeret, se illorum mandatis, si quid cum æquitate pugnaret, non parituros. Est in hanc sententiam laudatissimum illud Antigoni tertij, quem iustitiæ ad ministros monuisse ferunt, si quid scripsisset, signoque firmasset, quod cum legibus pugnaret, ne obsequerentur. Eadem habes in Alfonso Neapolitano magno Rege. Imitentur Principes. Audcant Iudices etiam, non imperantibus Principibus, sed Regum Principumque Rege ac Principe Deo, cuius illud: *Ego iustitias indicabo; & secundum viam eorum faciam eis, & secundum iudicia eorum indicabo eos.* Audiant Iudices, è iudiciis suis Dei iudicia expectanda, quâ nimirum mensurâ mensi fuerint, remetiatur illis. addit Dominus: *Non transeam, nec parcam, nec placabor; iuxta vias tuas, & iuxta adinventiones tuas iudicabo te.*

Psalm. 74.

Ezech. 7.

Ezech. 24.

Quanta exsurgunt Iudicum commenta! Ingeniosus amor & avaritia est: hic affinitate aut sanguine iunctus, ille veteri aut noua amicitia; ille magnis sponsonibus, magis etiam, si donis; illi sæcularibus aut Ecclesiasticis dignitatibus fulgent, quorum manibus quacunque purpura nitentia sperari filio munia possunt, aut maritus filia; ille magnorum suffultus litteris venit, armatis etiam non raro, nescio an nō & cataphraetis: quæ non minorem metum, quàm spem faciant. Quid? quod muliebres, nō dico formæ, sed accedant preces, & doctæ mētiri lacrymæ, doctæ

Varij modi,
quibus Iudices à vero &
iusto abducuntur.

K fal

fallere, etiam coniugis nocturnæ: quæ donis quàm virtute maior, quibus non blanditiis dubium aut amantem maritum flectit? potentiores feminæ vèti maribus sunt, validiùsque nocturni Fauonij maritalia carbasa omni Euro Notòque impellunt. etiam ab ancilla & filia itur in dominam & matrem, inde in maritum; &, quod grauius est, coniugi non paruiffe, non amasse est.

Nec defunt ex in Iudici rationes, cum non desint auctores. quas tam facile est amanti inuenire, quàm amare. Iam, si affectus, & pronior à quacunque caussa animus, pondere suo, vnam potiùs quàm alteram partem premat, deesse rationes non possunt. nam, vt cætera desint, amor inueniet. Vnde illud vetus, & nouum, *Casus pro amico*; semper erit, si semper volet Iudex: cum nulla res suo propugnatore & auctore destituatur. & in tanta Iurisconsultorum, quanta propè capitum, varietate quis deesse cuiquam scriptor potest? maximè, cum benignissimus æquitatis interpret affectus accedat. Prodeunt noui indies Iurisconsulti, sententiàsque suas vt communes tot auctoribus astruunt, vt numero lectorem terreant; credas Syllanam tabulam. insurgunt alij, & contrarias integro nominum, tãquam Teutonum & Cimbrorum, exercitu firmant, alij etiam, non illepidò in stuporem & risum dicto, communes se dicunt adferre contra communes; & prioribus derogatis, suas esse volunt communes. & tot hîc scriptores, vt credas nouum Xerxem incubare Græciæ. Illud quocunque censore dignum Thessalico, eisdem pro se singuli, in tam pugnantibus, mutuòque se interimentibus adducunt. O quid dicam? deesse in hac

hac mutuo aduersantium turba *casus* potest pro amico? Illud mirum, depelli aliquem non rarò à re fide optima possessa, quia *casus* pro amico est. Et non vetus dictum, & verum, *In dubio melior est conditio possidentis*: aut exui rebus potest, quæ manifesta ratio exuendum non euincit? quid enim deturbas in re dubia possessione, & alteri adiudicas, quem nulla maior æquitas firmat? aut enim æquitatis nomen tollendum est, aut possessori abiudicanda res non est. Mirum etiam illud, in re dubia vniuersam rem vni parti ascribi. an non quam ratio partitur, partiẽdam æquitas suadet? cur enim vni rem totam, quam totam illi ratio non tribuit? imò quam ratio dimidiat, cur non dimidias? quid recedis à ratione? nisi Iudicis voluntatem pro ratione velis, illiusque in hanc potius quàm in illam sententiam, personam, scriptores, affectus rationis vicem subeat. Hoc si verum est, sepone æquitatem, & æquitatis animam rationem. Iudex pro ratione erit: quã illi, siue amor, siue munera, siue spes, metusue, non dico pocula & mēsa, & melior vxoria forma, iniecerit, pro eodem erit. satis nimirum placuisse Iudici, vt *casum* pro amico habeat, & sententiam exinde pro amico dicat. Nihil damno, ne tota in hunc scriptorem exsurgant tribunalia, & *casum* pro amico, vel inimico reperiant. Quàm vereor, ne Iudices illi in vltimo tribunali, elemētorū collisionibus prænotato, nō sortiantur *casum* pro amico. fallar. ita ex animo voueo omnibus qui à consiliis Regum & Principum sunt.

Sui deinde & cōditionis humanæ meminerit Iudex, sequeturque illud M. Tullij: *Sapiētis Iudicis est, meminisse se hominē: cogitare sibi tantum à populo*

Memor esse
sui, & hu-
mana condi-
tionis debes
esse Iudex.

esse permissum quantum commissum & creditum sit: & non solum sibi potestatem datam, verum etiam fidem habitam esse, meminisse posse, quem oderit, absoluerit, quem non oderit, condemnare: & semper, non quid ipse velit, sed quid lex & religio cogat, cogitare: animaduvertere qua lege reus citetur, de quo reo cognoscat, qua res in questione versetur. Cum hac sunt videnda, tum verò illud est hominis magni & sapientis, cum illam iudicandi causa tabellam sumpserit, non se putare esse solum, neque sibi quodcumque cupierit licere: sed habere in consilio legem, religionem, aequitatem; libidinem autem, odium, inuidiam, metum, cupiditatesque omnes amouere. maximèque existimare conscientiam mentis suae, quam à Deo accepimus, quae à nobis duelli non potest; quae si optimorum consiliorum atque factorum testis in omni vita nobis erit, sine ullo metu, summa etiam cum honestate viuemus. Christianè per omnia. Mansuetudinem commendat, legem, religionem, æquitatem, conscientiam Iudicis, Deum.

In benignitate sit promior.

Eccli. 4.

In benignitatem verò promior semper sit Iudex; erit, si meminerit se hominem, errare posse, labi posse; cecidisse maiores, & carnificum cruciataste manum, & securim, & funes & vncos funestasse; quin non noxias modò, sed innoxias etiam ceruices ferro & tortoris dexteræ submisisse. In clementiam proinde ibit, in sæuitiam nunquam. non quòd velim negligi iustitiam; sed quòd hanc benignitate velim comitatam. nolo illam ire incomitatam; sociam volo clementiam, & dextrum hanc iustitiæ latus claudere. hinc illa Sapientis monita: *In iudicando esto pupillis misericors ut pater, & pro viro matri illorum; & eris tu velut filius Altissimi obediens, & misere*

miseretur tui magis quàm mater. de pupillis illi verba, quæ in omnes meritò extendo. quid enim reus sub Iudice, nisi ut pupillus patre & protectore destitutus?

Meminerit etiam illius: *Non accipies personam, nec munera; quia munera excæcant oculos sapientum, & mutant verba iustorum.* De iustorum verba sunt. Deut. 16.
Munera fugiēda Iudici.

Quid cæcitate miseriùs? à muneribus cæcitas nata. fuge munera quisquis oculos amat, cæcitatē auerſaris. Nec plebeios tantùm oculos, sed sapientium, excæcant munera. quid faciēt in aliis? non exoculabunt tantùm, sed periment. ea vis munerum est. nihil his inexpugnatum; nulla robora, propugnacula, arma nulla. iacētque horum dexterâ, quæcumque propè omni sæculo magna & valida, integri exercitus, regna tota, orbisque quâ patet magni imperia. Babylonem cogita, & æquatas nubibus arces, aut superstantes etiam, & superbo vertice quidquid infra cælum est vincentes, aut è solida rupe excisas, aut toto Oceano natantes; si qua via auro est, vicisti. infra etiam terram conde, & totis montibus tege, totòque aded aquarū elemento; si impluere aurum potest, si irrepere, iterum dico, vicisti. tâta vis auri est. quid? quodd nihil illi inaccessum, nihil illæsum; non frater, soror, pater, mater. Ludit in cognato sanguine, in vnius vteri: ita nihil illi intactum, nihil sacrum: non thalamus, non vterus, non vbera, non sacra, non profana, non Deus ipse in sanctorum fœderum testem vocatus. quid non potest aurum? Non venalem habebit vocē & calamum, quisquis muneribus viam dederit; sed patrem, matrem, coniugem, filios, animam denique ipsam. Cùm enim,

Via muneril.

Mala munerum.

Scripturâ teste , sapientem vincat & iustum, quæ vis non ceder? Nam quid potentius, quàm iustos in fraudem & iniustitiam impellere? exoculare sapientes? Illabuntur suauiter munera, non nego. at quis nesciat dulcibus ferè aconita misceri? nemo absynthio miscuit: electibilibus venena temperantur, & saporatis plurimum & dulcibus id malum iniicitur. Ita diabolus lethale, quo conficit animam, rebus Deo gratissimis & acceptissimis imbuat. At tu fuge stillicidia hæc mellis de poculo venenato, nec tanti munera facias, quanti periculum nominis & animæ. Nam munera admittere, nec in munerum partem flecti, cogitari & dici potest, credi non potest. Et non hunc qui hæc faciat, bis iniustum dixeris, bis impudentē, bis ingratum? pretium accipere, rem non exhibere, datamque fidem fallere; priuatim verbis adiudicare, in ferenda sententia abiudicare; ibi laudare, hîc damnare, quid est, si non bis circumuenire, bis ludere, bis iniustum esse? fuge quisquis salutem tuam amas. Nesciat non tantum munera manus tua, sed coniugis, aut cuiuscunque domestici tui dextera. nam, siue in manum tuam, siue in alterius, à quacunque nube aurum tibi impluitur, vis eadem est. Quid? quòd leuius malum, quia vnum tantum, cum in manum tuam aureus hic imber cadit; cum in vxoris, duplex est. nam & auri robur idem est, & vxoris nocturnæ maximè preces auro grauidæ quid non possunt? quâto verò potentius aurum sit, blandientis coniugis adiutum precibus, magis etiam si fallacibus lotum lacrymis, quis ignorare potest? & cum sine alieno admuniculo plurimum aurum possit, quid non poterit

poterit tam potentibus auxiliaribus muliebribus copiis, quæ vel solæ ferrea virorum emollire pectora consueverunt? Docet Adam, David, Salomon, Samson, virorum miracula. Et certè crimen idem est, nisi, quòd crescant crimina, cum per noxiam coniugis manum infunduntur: nam & maritus & vxor in pari scelere sunt, cum vnum tantum crimen sit, si solus maritus nullâ vxore administrâ, nullâ iniquitate famulante, admittat dona. Et qua fronte negabit pro donatore ferre sententiam, qui admisit dona? aureis cum teneatur compedibus, quomodo se in libertatem vindicabit? Aut leuiora aurea ferreis vincula sunt? fortiora sunt. fortissimum namque metallorum aurum est, vix ignibus lentandum; minùs sanè ferro, quod fornacibus fluit, cum aurum medios stet inter ignes, iam ne ingratus audiat, ire cogitur in sententiam donatoris, ne inuerecundus & impudens, damnare non potest. quid ergo faciet, cum hinc iustitia inuitet, inde aurum? ibi irroganda iniustitia terreat, hinc iniustæ rei pretium prouocet? Nollet iniquus audire, sed neque dona negligere. Pulsat animum iustitia, & fortiter monet. fortiùs etiam aurum ad se trahit. Allicit æquitatis decor, nec minùs auri fulgor. Vtrunque premit sitis, iustitiæ & auri. nisi quòd huius plerumque altius feriat pectus, & profundius in animû demittatur. ita ferè noxia in suadelam potentiora sunt: optima quæque magnis rationibus egent, vt exorent: pessima nullis calcaribus egent, ornatu nullo; vltro admittuntur. Pulsare mentē virtus ferè solet, & admitti postulat: vitio referatur vltro foies, & totis ostiis excipitur. magno proinde robore

*Iudicis auro
corrupti an-
ceps nutatio.*

opus est auro repellendo, cum vltro inuolat; magna constantia, cum sponte sua venit. Et per pauci sanè victoriam ex hac aurea lucta retulerunt: iugum passi plerique, & duram seruitutem, & ingloriū terris cæloque nomen. Quid? quod sola munerum spes à recto bonoque auertat, & nebula ac nube quadam inuoluat animos, ne videre magnum iustitiæ solem possint, aut non nisi quasi per obscurum noctis non, quod totum eripiat solem; splendorem tamen minuit, & obtenebrat luminis illius partem maximam. Variæ deinde nascuntur coniecturæ, acumine magis coacto quàm veritate grauidæ, & iustitiæ in omnem partem flexus. quam hic per pedes, ille per capillum, omnes viâ non suâ, cogunt in domum suam. Munera quid nō possunt? improba, impia, iniusta; proba, pia, iusta sunt. venena etiam & ferrum, licet in patriam & parentes, mitescit, & clementiæ nomen sortitur, si nouus Iupiter nouo ludat & pluat auro. Sepone hanc munerum spem, omnis æquitatis amans, & cui virtus altè sedet animo. nam illud vnū audeo, & finio: Accepisti? peristi. sperasti? pro magnitudine spei iustitiam exuisti. Murant iustorum verba, mores, animum accepta & sperata etiam munera. Non ego hoc, Scriptura monet: mentiri hæc nescit, nescit fallere. crede, & digna terris cæloque dabis. Audi ipsam: *Qui querit locupletari, auertit oculum suum; qui odit munera, viuet; & qui excutit manus suas ab omni munere, iste in excelsis habitabit, & Regem in decore suo videbit.* Minæ in his, & præmia. Amplectere hæc Iudex.

Eccli. 27.
Prou. 15.
Isaia 53.

Mors ante
oppretenda
Iudici, quàm

Verum, si maior vis accesserit, si Principis imperia in rem iniustā, in innocētis oppressionem,
in

in Nabutæ sanguinem? Achab cogita, & Iezabel, & canes. Sed imperat Princeps. memento Mathathiæ. Addit ille minas, flammæ, ferrum. intueri Babyloniâ fornacē, lacum leonum, Machabæos, Eleazarum. At quis tormenta ferat? tulerunt pro veritate tot millia Martyrū, tot virginum. & quid sunt sæculi huius ad tormenta æterna? Durum est spoliari honoribus, ni parueris imperanti Regi. durius æternis, ni parueris Deo. Sed pergat in fortunas vitæ. neque sæuire Princeps, ni obsecutus fueris. quid sunt sæculi huius opes, ad non morituras? quid vita hæc, ad æternā? Verūm, quis feret iratū Principis vultū? quis iudicantis Dei, tot elementorum collisionibus prænotandū? At graue est excidere Principis gratiâ. non grauius magni Dei, à cuius nutu regna & imperia pendent? Non accrescent tibi dignitates à Principe. accrescent à Deo in æternato regno. Excluderis illius colloquio & familiaritate. donaberis Dei. Ferenda interim multa. leuia hæc, ad alterius vitæ. Epulonem intueri, & audi. Iacebis contemptus? mitius est ab homine, quàm à Deo contemni. & non diuite præmio remuneratur sæculi contemptū Deus, cum remuneratur æterno? Antonium, Paullum, Alexium, Franciscum, & tot millia Religiosorum intueri, voluntario cōtemptu diuites. Inglorius interim viues. in magna gloria est, qui Deo placet. & quæ volatica hæc gloria, ad cælorum æternam? Ludibrium eris omnium, & ingens populi fabula. ne time ludibria hominum, time Dei. illa cum vita finiuntur, hæc æterna sunt. & sis sanè humanæ fabulæ pars non postrema, vt expleas huius comœdiæ scenam aliquam; modò

cælorum regni pars sis non vltima, & felix portio non morituræ vitæ. Parabis inimicos. non metues homines, si Deum habeas amicum. illorum hostilitas cum vita ponitur; Dei æternitati commensuratur, finem ignorat. Patieris in omnibus Principem aduersum. meliùs hunc, quàm Deum pati. Negliget familiam tuam, liberos, coniugem, domesticos, & irremuneratos transibit. prudentis est humanum neglectum pati, vt Deum sentias laudatorem; humanaque præmia contemnere, vt Deum habeas præmiatorem, remuneratorem. Ac rem tuam tuorumque oppugnatorem experieris Principem. securus viuit, qui Deum habet propugnatorem. & quid hominum possunt consilia si contràstat Deus? benè tegitur, qui præpotentis Dei dexterâ tegitur. Sæuum ac crudelem fors etiam Principem patieris. benignum contrà & clementem Deum, facilè in preces, fortem in tutelam. Nunc vide cuius potiores partes sint, cuius præmia magis vouenda, cuius minæ & indignationes magis extimescendæ, Principis an Dei.

CAPVT X.

Quæ vita instituenda viro Nobili?

DIGNA Christiano, nobilissimo Christi sanguine redempto, nobilissimo Deo patre progenito. Nam si ad primam originem prouocemus, à Deo sumus: si ad primum hominem, à lignibus, aratro & colo sumus. ex splendidis deinde sordidisque alterna ferè serie profluximus.

*Nobilitas
omnis à mi-
nimis incipit
etia.*

mus. Hinc audet Plato, neminem Regum non aliquando è seruis, seruorum neminem non aliquando è Regibus prognatum asserere. omnia nimirum longa ætatum varietas miscuit, & in omnem partem fortuna versauit. Benè Stoicus: *Si ad vetera reuocaris, nemo non inde est, ante quod nihil.* Et sanè nimiam in maiorum seriè disquisitionem non suaserò. fors, vbi curiosius scrutatus omnia fueris, aliquem in cruce, vel securi reperies. Et quid refert, quibus maioribus progenitus sis, si aut virtutibus illorum destituaris, aut dedecora fortibus factis lustraueris? Non pares nascimur, pares morimur? licet dum viuimus, impares dignitatibus & opibus simus, impares post mortem præmiis & pœnis. Et quid deligas, si delectus in manu tua sit; diuitiis & honoribus, an virtute vincere? priora etià in fatuū & improbū cadūt, virtus in solū prudentem & probū. Et non ferè sceleratissimos quosque beare fortuna solet? gaudet paribus. ornamenta sua denegat bonis, odit dissimiles sibi. Vincere virtute vis? rara virtutis & opum societas est, vt perrara eruditionis ac diuitiarū. Quid? quoddam potentissima ferè regna prudentiâ laborent. ignorant hanc felicitatē humanā. hinc cū potentissima quæque regna rupiū instar, mole sua stent, parua plerumque prudentiâ firmantur, vt quod negatū potentiæ, prudentiæ concessum sit. Et magnitudo plerumque securitatem quandā ingenerat, securitas neglectū parit, metū ignorat, aliorumque contemptū inducit, nec in longū consilia mittit, secūra sui paruitas imbecillitatis suæ conscia, dum potentiæ viribusque diffidit, industriam, labores, vigilantiam, consilia pro potentia & robore habet.

Idem

*Perrara con-
iunctio pru-
dētia & po-
tentia.*

*Nobilitas nō
à parentum;
sed à propria
cuiusq; vir-
tute metien-
da.*

*Virtus & do-
ctrina paren-
tū non tran-
sit in filios.*

Idem dicam in nobilitate. rara cum virtute nobilitati sociatio est, vt rara cum eruditione; cū ferè natura ita dispertiuerit dona, vt nobilitatum vni, virtutem & eruditionem alteri largiatur. supra humanam felicitatē esset, vtraque beari. vni proinde nobilitatem, ingenium & sapientiam alteri mutuatur. Iam vide quid voles. nobilitatem? parentes nimirum viros magnos, factisque ac virtute claros desideras. Verū quò tibi fortia maiorum facta? illorum hæc fuerunt, tua non sunt. neque virtutem cum semine parentes transfundunt. Benè ille: *Nemo in gloriam nostrā vixit, neque quod ante nos fuit, nostrum est.* Parentum sanè virtus nostra esse non potest, non magis quàm promerita illorum. saluari aliqui parentum virtute filius posset. Et quò mihi robur parentis, si imbellis ego? quò prudentia, si fatuus ego? Idem de virtute cogita. non transit in filios & nepotes, non magis quàm scelera & ignavia: Et quis vniquā eruditionem ire in filios arbitratus est? atqui eadem huius, quæ virtutum fortiumque factorum ratio. Sanè vt perpauci docti doctos, ita perpauci nobiles nobilem progenerant. fiunt docti, non nascuntur. Eadem dico de nobilitate. de vera loquor, non de aliena. nam vt fatuus sit, qui filium doctum patris eruditione dicat; qui fortem patris robore, industrium, acutum, prouidū, patris industriā, acumine, prouidentiā, ita qui nobilem patris nobilitate. Videamus vnde nobilitas parenti. de vera dico, quæ mendacio caret. A virtute, nobilitas. ab aliena, an propria? à propria. etiam ab aliena? non magis quàm ab alieno robore & eruditione fortis & doctus, aut ab alienis opibus diues, ab
aliena

aliena mensa & vestibus splendidus. nescio, an non etiam ab aliena vita mortuus viuat, alienis oculis & pedibus, cæcus & claudus, videat, ambulet.

Et ut largiar, nominis aliquid venire à maioribus, non qui primus nomen familiæ suæ dedit, omnium sententiâ primus haberi debet? causam quæris? sua nimirum, non aliena virtute magnus fuit. Hunc magnum imitemur, & propria, non aliena magnitudine magnam magnitudinem amemus. nam quis pygmei filij magnitudinem, à gigantea patris magnitudine metiatur? aut pumilionem magnum dicat, quia magnus illi pater? non magis, quàm si quis magnum illum dicat, quòd in magno monte consiltat, aut in humeris magni gigantis. Propria ergo, non aliena nobis magnitudinē gratulemur. Benè Chrysostomus monet: *Melius est, ut in te glorientur parentes, quàm ut tu in parentibus glorieris.* Et in eandem sententiam alius: *Satius est me meis rebus gestis florere, quàm maiarum opinione niti.* & ita viuere, ut ego sim posteris meis nobilitatis initium, & virtutis exēplū. Hinc illa fortis & vera exprobratio: *Maiores suos extollūt, & fortia facta memorādo clariores se putant.* quod contrā est: nam quanto vita illorum præclarior, tanto horum socordia flagitiosior. Et profectò ita se res habet. maiorum gloria posteris quasi lūmē est, neque bona eorū, neque mala in occulto patiuntur. Itā planè est. Laus nulla esse potest, imbellem ex forti, pauperem è diuite, iguauum è strenuo, fatuum è prudente, indoctum è docto, deiectum è generoso, factis ignobilem è rerum gestarum: gloria clarum nasci. imò tantum plus dedecoris accedit, quantum à maiorum virtute dege

A propria, non ab aliena magnitudine quisque laudandus.

degenerat. Fuit aliquando tempus cū Historico teste, non diuitiis aut superbia, sed bona fama factisque fortibus nobilis ignobilem anteibat. apud illos una Respublica erat, ei consulebant factio contra hostes parabatur corpus atque ingenium patrie, non sue quisque potentia exercitabat. at hoc tempore homines nobiles, quorum animos socordia atque ignauia inuasit, ignari laboris, militie, hostium, domi factione instructi, per superbiam cunctis dominari volunt. Fuit hoc illa ætate: non sit nostrā. nam ego, si quid votis assequi possum, malim lectorem meum cū magno Mario nobilitatem peperisse, quā acceptam corrupisse. malim, si delectus detur, ab ouibus & funda, nullis maiorum imaginibus, cum Dauide in regnum vocari, & victorem omnium in circuitu gentium statui, quā post tot longa serie Reges, cum Manasse ab Assyriis victum catenis & compedibus duci, aut cum Ioachas victum in Ægyptum à Pharaone Nechao mitti, aut cum Ioakim & Sedecia captiuium, effossis oculis, in Babylonē à Nabuchodonosore trahi. Et quis non dicat Dauidem Manasse nobiliore? vera namque nobilitas, si rationem sequamur ducem, non hereditate, sed laboribus, periculis, virtute paratur. ad hæc omnibus via patet, omnesque sumus ad illa nobiles. &, vt Stoicus:

Vera nobilitas à cuiusque virtute.

Animus facit nobilem, cui ex quacunque conditione supra fortunam licet surgere. Patricius Socrates nō fuit, marmorario genitus; Cleanthes rigando hortulo locauit manū; Platonem nō accepit nobilem Philosophia, sed fecit; Euripidis & Demosthenis parentes ipsa illorum ætas ignorauit; incunabula Tulli Hostilij agreste tuguriū accepit; Tarquiniū Priscū mercator genuit; Seruius

Tul

Magnorum Regū & virorum ortus sapē ignobilis.

Tullius à seruo imperium tenuit, protulitque in imperio conditionis suæ nomen; ex taberna macellaria ad Consulatam Varro conscendit; Porcius-Cato, ignobile Tusculi nomen, nobilissimum Romæ dedit; plebeia fuerunt Deciorum animæ; septies Roma Cōsulem ab aratro Mariū vidit, Arpinatem Ciceronem. Excrescam in volumen, si omnes è plebe Consules enumerauero. pergo ad Imperatores. Augustus equestri se ortū familiā scribit, Antonius libertinum illi proauū exprobrat; Otto patre equite Romano, matre humili, incertum an ingenua natus; Vitellium plurimi prodiderunt libertinum genere, alij sutorio ac veteramentatio; Flauia gens obscura fuit, & sine vllis maiorum imaginibus; libertino patre natum Pertinacem, & Diocletianum accepimus; Macrini parentes Imperium ignorauit; ab ouibus & mercenaria manu ad Imperiū Maximinus, Maximianus & Iustinus venerunt, Philippus è latrocinio; Valentinianum & Valentem funarios, porcariū Iustinianum, Notariū Mauritium Imperium admisit. plerosque denique reliquos ex infima plebe Imperium habuit. Quod si reliquos Imperatores, Reges, Principes ad initia sua deduxero, & si quidquid sæculo magnum, quanti erubescant? verum contineo manum, & receptui cano. Otamen, si ad originem vocet Deus omnes, quàm multi magnis matribus nati quærant patrem? Taceo, ne fors etiam tandem à patribus deuoluatur in Muciam, Fuluiam, Orestillam, Semproniam, Augusti Iuliā filiam & neptem, Cæsoniam Caligulæ, Messallinam Claudij, sorores Caligulæ, Neronis matrem, Domitiani Domitiam.

Verum,

*Insignis? Miserum est aliorum incumbere fama,
Ne collapsa ruant subductis tecta columnis.*

Malo pater tibi sit Thersites, dummodo tu sis

Æacide similis, Vulcaniæque arma capeffas,

Quàm te Thersite similem producat Achilles.

Et tamen, ut longè repetas, longèque reuoluas

Nomen, ab infami gentem deducis asylo.

Maiorum primus, quisquis fuit ille, tuorum,

Aut pastor fuit, aut illud quod dicere nolo.

Eleganter, & verè. O si ad originem suam nobilitatem omnem ducat Deus, quanto rubore multorum tingat genas! Addit Satyricus:

Dic mihi Teucrorum proles, animalia muta

Quis generosa putet, nisi fortia? nempe volucrem

Sic laudamus equum, facili cui plurima palma

Feruet, & exultat rauco victoria circo.

Nobilis hic, quocunque venit de sanguine, cuius

Clara fuga ante alios, & primus in equore pulvis.

A robore vnicuique suo, virtute sua, factis nobilibus suis, non ab alienis vera laus venit, ut meritò maiorum virtutibus insolescentem rideat:

—Tumes alto Drusorum sanguine, tanquam

Feceris ipse aliquid, propter quod nobilis esses.

O fatui! quàm doleo stoliditatem hanc ferè nobilitati adnexam! credas adnatam, & ab vtero venisse. nollem. Sed quis medebitur malo huic Deus? olim semper nimirum hæc amentia mortales tenuit. vereor ne frustrà decantem, non ego, sed Deus ipse. ita altè insedit hæc fatuitas, ut antè animam ponant, quàm iactationem & amicum hunc factum rebus inanem. Et quis nō vacuum rebus dicat, cui tota gloria, laus tota ab alio est? ut vacuum eruditione, cuius omnis doctrina in alieno calamo sudat. quis non meritò

rideat illum, qui alieno tanquam suo se iactat, alienis fortibus dictis factisque ut à senatibus gloriatur? qui Benedicti continentia, Augustini doctrina, Ambrosij eloquentia, Laurentij robore, Styliæ ieiunio, Francisci paupertate, Antonij vigiliis, Paulli raptibus, diuinis Petri, & Ioannis amoribus, Stephani constantia, Salomonis prudentia, Moyſis mititate sese effert? Neque enim maiorum virtutes magis in nos migrât, aut cum semine & lacte tranſeunt, quàm peregrinæ, quas retuli, magnorum virtutes. Finio. ne in calamum hunc traham veterem nobilitatem, indignabundam doceri, impatientem moneri, inasuetam vera audire. addo hîc tamen illud Nazianzeni, & claudio docto illius versu caput:

Nobilis, at grauius vitiis adopertus, honesto

Non tamen illustri, commemorabat auos:

Risit ad hæc alter scitæque hoc rettulit: Ut mi

Dedecori genus est sic quoque tu generi.

Pulchra rudes modulos dedit uni barbytos; uni

Vilis, at egregios edidit ista sonas.

Dic mihi; Quis fidicen melior censendus eorum?

An non qui doctâ barbyton arte ferit?

Ergo animos tollis, quod (sis licet improbus) ipse

Diceris auratis patribus esse satius?

—— *Par omnibus ortus*

Argilla est. ———

Omnibus est eadem pellis. ———

Omnibus est idem pulvis, si tórque; tyrannis,

Non natura homines sparsit in illa duo.

Quod probum est mulis, asino fluxisse parente,

Quod mulos asinis est genuisse decus?

Esse probus malo, quamuis ignobilis ortu,

Quàm claros, vitiis plenus, habere patres.

CAPVT

CAPVT XI.

Quæ vitæ ratio in aula tenenda?

FVIT cùm sub non vno Principe dicere liceret: *Quisquis capere magistratum voles, auri & argenti negligens esto: nullas ostiatim potetium ades obito: nullius pedes, nullius genua complectitor. adhibeto tantum gratuitas, & facillimas paratu comites, iustitiam, fortitudinem, temperantiam, prudentiam. vtrò ad te dignitates accedent. Nunc vereor, ne verum illud nimis: Serviendi misera potentia, assentandi mira calliditas. ministrorum aule limina teruntur. ad fores eorum: qui regis cupiditatibus seruiunt, patricia gentis viros cerneret ab eiusmodi dedecore, non imbri, non gelu, non amaritudine ipsius iniurie deterri: demissi cadentesque, vix capita supra eorum, quos precantur, genua tollunt. Ita neque pudet, neque piget, non animæ tantum & corporis incommodis, sed & contumeliis omnibus eniti in causâ votorum suorum. Quæ non atria nocturnis & crudis salutationibus occupatur, idque ob paucorum sæpè annorum volaticum gaudium!*

Iam quid ego dicam de plerisque Principum aulis? intueri propius, castitatem ab impudicitia deiectam non vno loco videbis; fidem à perfidia exclusam; misericordiam à sæuitia pulsam; modestiam à petulantia calcatam; pudorem ab inuerecundia superatum, temperantiam ab intemperantia prostratam: vt fidem seruasse, simplicis sit esse ingenij; misericordiam & modestiam, nimiam religionem sapere; verecundiâ & tem-

*Aula mala
& vitia.*

perantiam, femineæ frontis & oris esse, nec virum suum redolere. Graues deinde vbique offensas, ac nulla plurimum ætate ponendas; leues verò gratias videbis. Lapsus verbo es? æterna memoria est. Beneficium contulisti? non vltra beneficij locum memoria est. Gratiâ apud Principem vales? exsurgent æmulationes, oblocutiones, doli, circumuentiones. sed & tot inuidiâ cõtabescunt, quot se munere & gratia exclusos arbitrantur. Quid? quoddam satis ad odium sit, esse magnum; satis ad subdolas prauasque molitiones, placuisse Principi; satis ad insidias struendas, competitoribus prælatum. ita semper inuidiæ magna patuerunt: humilia intacta iacent, calamorum & linguarum ignara. Datam verò fidem fallere, mille licet iuramentis firmatam, elegantix quoddam genus est. si quis veris assuetus, simplicioris ingenij est, quàm aulam aulicósque mores deceat. fallere, socium circumuenire, pecuniam malis artibus parare, sua prodigere, aliena rapere; falsis sociorũ delationibus, ad maiora conscendere, aliorũque euerfionibus sua stabilire, sacra in profanorum subsidia euocare, ea demum laus est. aliud verò mente condere, aliud ore promere, ita frequentatum, vt, si mens ori respondeat, inter viros numerari nõ mereatur. nec aliâ certiùs viâ, pectori concredita scies, quàm si tacitus tecum cogites quid aduersetur verbis. Vbi proinde videris prolixè omnia spõdentem, opulentisq; verbis promissa diuitantem, vltroq; operam suâ deferentē, alia omnia cogita. amicum ore referet, hostem circumferet animo. amicos etiam amplexus dabit, & decrefcet infragenua. fuge Iudæ & Ioabi oscula; factis ami

amicitiam metire, non verbis. nec illis crede qui è libro loquuntur. nam si propiùs intuearis, videbis hos aulæ sectatores certis designatísque ac fallentibus formulis singulos compellantes, vt veteres fœciales arbitreris, aut patres patratos, quibus certis præscriptísque verbis hostem compellare solenne erat. Aggredere tantùm singulos. vidè quid eloquantur. serui sunt omnes, manuum oscula loquuntur, etiam pedum: & mancipia habes in singulis, ad omnia etiam calceorum paratos obsequia. dolent indignos se haberi, qui opem studiùmque suum impendant, qui non adnumerentur primis amicis; dolent, nec eas facultates, nec gratiam, nec potentiam esse, vt merita debitâque obsequia præstent. omnia se debere, fortunas, vitam, sanguinem; nihil posse: magni scilicet mœroris causa. vt omnino meritò ignores, quid aut cui credas. tã varius pro temporum, locorum, personarum varietate sermo: tam incerta, pugnantia, mutuóque se interimentia reperias, vt certius nihil credas quàm aliquid; vt, quod magnus Afer de pauone, dicam de nobilitate hac aulica: *Omni conchylio depressior, quàm colla florent; omni petasio inauratior, quàm terga fulgent: omni syrmate solutior, quàm cauda iacent: multicolor, discolor; nūquam ipsa semper alia; et si semper ipsa, quādo alia; toties denique mutanda, quoties mouenda.* Intuere aulicorum mores, eadē reperiēs: quoties mouëtur, toties mutâtur. quid? quòd toties propè mutantur, quoties mouentur; semper alij, nunquam ipsi.

De aulicis plerisque mulieribus nihil dico. *Aulicarum mulierū mores & ingenium.*

interritas, ad quæcunque verba colorem tenere: nullum deinde amatorem fugere, nullâ in quocunque viro solitudinem vereri. Neque discrimen inter matronam inultarum prolium matrê, & virginem reperiatis: par verborum licêtia: nec, quæ virorû sunt, minùs virgo nouit, quàm quæ decem prolibus maritû beaui. pudor nimirû sit, ante matrimonia ignorare, quæ matrimonia & filij docuerûnt. Morborum verò verecundissima, matronarum illa an virorum sint, quæ medicorum auribus credere seuerior castitas verecundabatur, puellarum confabulationibus terêtur, vt arbitreris de rosis & violis agi; vt verecundior olim multorum filiorum mater in suo sexu foret, quàm virgo nunc in alieno.

*Præcepta
adolescenti
aulico.*

Quid faciet adolescens aulæ destinatus inter aulicos fluctus & tempestates? vitabit, si potest, infida hæc aulica maria tantorum naufragiis infamia; si non potest, timore & amore Domini pectus firmabit. beneuolum verò se in primis præbebit omnibus; damnabit neminem, mordebit neminem, ore, calamo, vultu; accusabit neminem, laudabit omnes. contumelias & illata damna feret, & pro malefactis benefacta rependet. Paritur aduersarios? non agnoscet; & pro amicis habebit, omnibûsque beneuolentiæ signis præoccupabit, & insidias muneribus antevertet.

*Plurimum
in aulis do-
na possunt
minuta &
frequentata.*

Si pecuniosus fuerit, petentibus mutuabitur. mutuatum, si carere potest, non repetet; accipiet, si ultro dederint, tanquam beneficium. minutioribus mensalibus donis, pro ratione temporum, potentiorum gratiâ parabit. Incredibile dictu, quid pecuniæ neglectus, quid munificus inter aulæ

aulæ sectatores animus possit : vt ausim dicere. Imperare potest , qui dare potest. etiam viria sua teget , qui profundit. Prudentia tamen hîc opus, vt non in omnes eâdem munificentia vtaris, sed in illos potissimum , qui aut obesse multum , aut prodesse possunt plurimum. non negligendi alij, sed magna personarum temporisque ratio habenda. in omnes prodigere , stolidum est: in quosdam, prudentis. à prudentia ergo discrimina mutuanda sunt ; & plus sæpè in delectu, quàm in munere difficultatis ac laudis est. Quòd si fortuna negauerit opes, verbis diues ac munificus quisque esse potest. nemo illis pauper fuit , nisi qui voluit ; obsequio etiam diues esse quilibet potest.

Postremas verò vbique partes occupabit, qui primas amat. etiam genere & dignitate inferioribus lubens cedit. de se autem suisque demissè sentiet, loquetur etiam demissius: magna de aliis. si quid laude , gloria præmioque dignum fecerit , submississimis verbis facti magnitudinem extenuabit, aliisque laudem , non sibi ascribet. potiora dein aliis, deteriora sibi tribuet. Nusquã generis sui maiorumque nobilitatem, licet possit , attinget. quòd si quæ mentio iniecta , aliò sermonem vertet ; si omnem auertere non potest, quàm modestissimè de ea loquetur : laudabitque illos, qui virtute sua viam sibi ad magna strauerunt. virtuti verò factisque fortibus modestiam miscebit. Nemo nisi experienciã doctus credat , quantum coniuncta virtuti modestia, liberalitasque beneuolentiæ permista, etiam apud improbos , possint. Demissio in magnitudine , comitas , morum facilitas , facilis

Virtuti coniuncta modestia plurimum potest.

aditus, beneuola & amica compellatio, frontis amœnitas, vltronea beneficia, hilarique animo, vultu, manu porrecta, tacita maxime & nullo teste porrecta, siqua potissimum necessitas premar, magno ad magna incitamento sunt. Obesse nemini, benefacere omnibus, liberalem è suo, parcum ex alieno esse, nullius vnquam æstimationi quidquam derogare, silentio damnanda premere, vulgare laudanda, etiam in hoste, magnam ad prima quæque ianuam aperit. Contumeliam deinde & hostem pati, & gratias pro iniuria tanquam pro beneficio agere, & æmulum laudare, & beneficiis onerare, via ad maxima est. hæc qui fecerit, magna sperare, & imperare magnis potest.

*Simulatio
aulico neces-
saria.*

Inter aulicæ deinde documenta, non postremas simulatio tenet. nolo hac quemquam circumueniri, volo tamen hac pericula à capite arceri. nimius sanè candor, & resectū pectus, & frõs animo respondens, non sapiunt aulam. sæpè enim ingens candor cõsiliis destituitur, nec habet quod reponat, quò pedem figat, quò retrahat, si qui doli aut necessitas occurrerit. Iam, quoties dissimulandus mœror, amor, spes, metus, ira, gaudium, vota, studia, dignitates, aut commoda ambienti! quoties audita, visa, non audisse, non vidisse, ad magna tendenti simulandum est! excidet enim non rarò spes manibus, si scire te, quæ ignorata putabantur, æmuli intellexerint: quamdiu: verò ignorari putant, nec in fraudes exsurgent, nec in insidias, nec in contraria studia & molitiones. Cogitationes ergo suas, consilia, amicos, facta etiam aulicus, si potest, teget, dictorum interim factorumque aliorum diligens obser

seruator. quidquid proinde obesse causæ suæ potest, quidquid amicis, quidquid sibi, arctissimâ tenebit custodiâ; quidquid prodesse, manumittet, libertate donabit. Hoc verò inter non vltima numerandum, vt, si quis aduersarum partiû, propiùs consiliorum nostrorum indagator accesserit, quocunque verborum etiam amicissimorum lenocinio ludat, ignarum dubiûmque rerum nostrarum dimittamus, vt nec apertè negemus, nec fateamur apertè.

Ante omnia interim Principem intueatur; mores illius discat, vitam, ingenium, animique illius in omnem partē propensiones. bella amet an pacem; in pietatem, modestiam, studia, lectionem, scientiarum artiûmque cognitionem, fastum, aliorum contemptum, sæuitiam, clementiam, humanitatem, liberalitatem, auaritiâ propensior; nouis an veteribus delectetur, labore an otio, seriis an ludicris, mensis, poculis; alieno insidietur toro, an suo contentus viuatur; noua regna cogitet, an suo se contineat.

Principis sui ingenium ac mores cognoscat aulicus.

Pronus in iram est? ne huic rupi illidat pedem. mollibus mitescunt dura, maximè in Principe. Ad contumelias, minas & damna descendit? ignoret se hæc passum qui patitur: & plus etiam obsequij ostendat iniuriâ acceptâ. nolunt videri offendisse Principes. quoddam si iniuriam te passum ostenderis, vertuntur in odia, inde in sanguinem. obsequia etiam tua, & in Principem merita silentio preme. nolunt videri debere Principes: debent tamen. at tutiùs hæc premuntur. rogari Principes volunt, & quidquid accipiunt, deberi putant; quidquid quacunque causa largiuntur, pro gratuito munere cognosci volût.

Acceptam à Principe iniuriam ignoret aulicus.

Dona Principis licet tenuia, pro magnis habeat.

Tenuia sunt, quæ donât? pro magnis habe. quid quid à magna manu venit, nomen volunt referre magnum. nec meretur magna quisquis à magna manu metiri nescit parua pro magnis. & ferè res parvæ aditum ad magnas faciunt. recusæ, aut negligis? indignus maioribus es. nec ferunt Principes neglectum, minùs contemptum. contempti verò se in parvis donis aut munieribus arbitrantur, si neglexeris. at nihil acerbius scepro contèptu, ut excidat spe omni, qui in tenui munus contempnit. Fertur in superbiam Princeps? demissè de te tuisque senti; præclarè de ipso; præclariùs etiam loquere. Non patiuntur mores? nemo tam improbus, quin aliquid laudandum habeat: hoc lauda. etià vxori, seruis ac domesticis fortiter impera, ne quid in Principem dicant non laudatum, domesticorum enim dicta, dominorum habentur. Quòd si quis in Principem liberiùs verbis exsurgat, tu Principem tueri. etiam manifesta scelera extenua; aut laudes alias reponere, memor damnatores hosce nò tam sensus suos aperire, quàm tuos scrutari. Ita T. Sabinus sub Tiberio, subdolis Latiaris in Imperatorem querimoniis, in pares inducitur, inde in mortem.

Præclarè de Principe sentiat & loquatur.

Quomodo cõsilia Principi danda.

Consilium Princeps petit? periculi res plena est, maximè si in sæuitiã pronus. ab euentu enim ferè tales res iudicant. ac licet, aut fortunæ inconstantia, aut aliorum improbitate, insidiis, fraudibus, aut imprudenti moderatione, aliter res ceciderit, in primi tamen cõsultoris caput damna cadunt. Quòd si pergat vrgeri Princeps, nec effugij locus, rationes in vtramque partem adferat qui consulitur; ea moderatione, ut non intel

intelligat Princeps in quam consultor partem propendeat, quo integra liberâq, electio Principi maneat. In omni denique re graui euētus dubij & incerti, & à qua Reipublicæ felicitas aut ruina pendet; cautè se consultor habeat. nam & in prospero successu laudis ac gratiæ parum est. & quis Principum debere se fateatur? In infelici verò, & è quo popularis aliquis tumultus time-ri potest, certum consultoris capiti periculum imminet. nam, vt se apud populū Princeps purget, in consultorem sæuit. & sub non vno Principe consultoris sanguine plebs composita. Ita Commodus Cleandri morte populi motus ponit: Eutropius ab Arcadio hostibus traditur.

Improba proponit Princeps & iniusta? ne obsequere. certissima te Principemque perdēdi via est prauis illius obsequi affectibus. trahe proinde rem, si potes: primos enim in Principe æstus, nullâ re certiùs, quàm morâ temperabis & franges. Non potes? inscitiam tuam rerumque imperitiam fatere; nascitura dein incommoda recense, aliorum maxime Principum exemplo. Magnâ tamen hæc modestiâ, vt non videaris docuisse velle. nolunt diademata doceri. turpe nimirum sceptro discere. proponi rationes possunt: sed eâ modestiâ, vt delectus apud Principem sit; nec tuo consilio, sed suo iudicio, optima delegisse videatur. Delegit Princeps, te consultore & auctore aliquid? nunquam euentuum prospera prudentiæ tuæ, sed Principis ascribas. factum ab Agrippa, Cratere, Ioabo, aliisque. facta etiam fortia, cæsos hostes, debellata regna, defensam rempublicam, Principis prudentiæ & felicitati tribue, etiam absentis: quidquid verò è manu tua
magnum,

magnum, extenua. non amant alienam magnitudinem Principes : sed & suspiciosa omnis illis magnitudo est, odii proxima. & ferè potuisse, apud illos manum imperio iniicere, fecisse est.

Quòd si nimia te felicitas ad summa omnia prouehat, retrahe pedem, & vltro seca felicitatem. Prudens nauclerus subducit nanem, & occurrenti se, dum potest, tempestati subtrahit, & portum legit: stolidus prouocat & exasperat audaciâ fluctus. Quòd si periculum fuerit, ne improbissimus quisque bonorum præsidio destitutum occupet Principem. perfer & obdura, ne improborum consuetudine in pœnitenda labatur, seque ac rempublicam perdat, dum praua suadentibus obsequitur.

*Tenax custos
commissoriâ
sibi à Princi-
pe.*

Commissorum sibi verò à Principe tenacissimus custos sit; vt antè vitam profundat quàm concredita prodât. multos improvida custodia perdidit. ac nec vxori, nec filio, non amicissimo sibi, non matri, nō parenti, commissâ sibi à Principe credat; in nullius denique etiam maximi viri sinum fidemque, quæ accepit, deponat, non consilij, non auxilij causa. nihil enim tam graue esse debet, quod credita cogat prodere. sacrosanctum enim cuique esse debet quidquid silèdum premendūque Princeps voluit.

*Principis cō-
silia nō ser-
uetur.*

Sed neque curiosior in Principum consiliis indagator sit: nec scire velit, quod ipsi sciri nō lunt. noxia non rarò curiositas hæc non vni fuit: & plurima Principum ignorasse melius sæpè quàm sciuisse fuit. Phylippides à Lyfimacho Rege rogatus; quarum rerum conscius esse veller; respondisse fertur, Omnium quæ tibi Rex placeant, præterquam secretorum tuorum. prudēter.

Fieri

Fieri enim consuevit, ut non vni tantum sua Principes committant: quæ si vulgata fuerint, in omnes suspicio cadit, ac in innocentissimum sæpè. nec vllâ plerumque hæc nota deleri spongiâ potest; nimis enim altè Principum pectoribus hæc seu facilitas, seu leuitas, seu infidelitas sedet.

Cauendum etiam, ne priuata Principum beneuolentia ac amicitia abutaris. Ita Philotas & Clitus, dum nimium de Alexandri amore præfidunt, pereunt. accidit idem Aluaro de Luna sub Ioanne Rege, & in Romano Imperio, Sciano sub Tiberio. Maternus Commodò in deliciis dum plusculum sibi arrogat, dolofo æmulo- rum ferro cadit. Factum multis. nec vlla ætas fuit, nullus propè Princeps, quem non perfa- miliaris alicuius domestici cædes funestaret. nū- quam steterunt omnes, nec quam consecuti fue- rant gratiam monumento intulerūt. Mare Prin- cipum aula est, alternis æstibus reciprocum, mul- torumque aut iactationibus aut naufragiis infame. nè fide. momento, qui stetit cecidit, & in al- titudinis suæ loco præcipitia tulit. Et ferè quo quisque securior, eo excidio propior est. Aman- nos docet, & omni æuo, & sub omni Principe plures. Ita nulla tempestas grauior est, quàm quæ summæ malaciæ incubuit. & prudentissimus quisque nauclerus tranquillo diffidit mari; pa- rârque in alta fluctuum pace, quæ tempestati opponat, quæ furentibus ventis, quæ læuienti- bus vndis, quæ infido nimium elemento, ac quasi per ludum classes sorbenti, vrbes, insulas, pro- uinciâs, regna.

Moderandæ etiam apud Principes pro aliis intercessionibus. intercessoribus enim beneficia

aenu

*Cauè uten-
dum Princi-
pis beneuo-
lentia.*

*Moderatus
sit in aliorū
commendâ-
tionibus.*

adnumerant, & quidquid precibus concedunt, precatori ascribunt; tanto maioribus hunc vinctulis obstrictum tenentes, quanto plus illius rogatu aliis concesserint. Integrum potius Principē seruet sibi, quisquis prudens est, nec benevolentiam illius in alios exhauriat.

*Parcus in
verbis apud
Principem.*

Verborum dein parcus apud Principem erit. Aristotelis consilium est Callistheni ad Alexandrum proficiscenti. timidè nimirum, perpauca, venerabundè. Malè libertas Platoni apud Syracusanum Dionysium cessit. Quare aut abstinendum aula, aut non nisi rarò ac paucis Princeps conueniendus, ne domesticam quasi quamdam familiaritatem induere velle videaris. Non amant congressus pares sceptrum: & venerationem ac cultum deposcit, in cuius manu mors vitæque sita sunt. Sed neque facilè in mediis lusibus interpellandus Princeps. ingrata diademati interpellatio est, quæ gaudia lecat. Monendus est? commodiora tempora spectata, deliciis vacua.

*Moderanda
Principis
sauietas.*

Incidisti in Principem crudelem, ne sæui. Vt plurimùm enim crudelitatis auctores, ferrum passi. accidit Aniceto sub Nerone, Ramiro sub Cæsare Borja, ænei tauri inuentori sub Phalaride, qui primus submissis ignibus, in boue suo mugit.

*Non foueat
Principis
auaritiam.*

Incidisti in auarum? noli caussam dare nouorum vectigalium populo imponendorum. Gallia in exemplum præit. Sub Philippo Pulchro Petrus de la Becche; sub Ludonico Philippi filio Enguerrannus de Marigni; sub Carolo VII. D. de Gyac, & Camus de Beau-lieu, regij ærarij primi quæstores, alieno ferro cadunt. miserum, quòd Regibus auctoribus. Paria propè passus
Petrus

Petrus des Elſarts , centum francorum millibus damnatus.

Incidisti in exasperatum in filios, in matrem, in agnatos? ne accende iram , ne foue , memor Othonis, qui cū in matrem Rheni Palatinum incendiſſet, digniſſima ſcleribus præmia retulit: cū pace inter matrem filiūque compoſitā, lingua & oculis exſectis , exemplo poſteritati fuit, quā malè tutò in propinquo ſanguine inimicitiae prouocentur. Idem accidit Gimoneræ, qui ſub Franciſco & Galeaceo Mediolanenſibus Ducibus fortiter feliciterque rem geſſerat, cū à Principis matre Galeacei fratribus inimiciſſimis ſibi traditur.

*Nunquā ex-
aſperandus
Princeps in
uxorem &
filios.*

Laborandū deinde ſeriò in cognoscendis au-
licorum ingeniis. Sunt iuuenes, quos ferè videas præſidentes, omnia ſibi ſpondentes, faſtu turgētes, faciles vt in fidem, ita & in iram; incautos in periculis, improuidos, futurorum ignaros, præteritorum immemores, præſentium amantes, liberales, varios, nuſquam certò ſigentes cogitationem, amicitiarum æquè ac inimicitiarum prodigos. aliquid in his largiendum ætati, aliquid indulgendum. contrariis interim ſtudiis, ſed magna moderatione à vitiis ad virtutem ducendi , vt nec abduci ſe ab illis ſentiāt, nec ad hanc adduci.

Aulicorū ingeniis ſe accommodet.

Sunt ſenes; quos plurimū deprehendas: cautos, ſubdolos, prouidos, incredulos, ſuſpicaces, diffidentes, timidos, auaros, moroſos, inamœnos, duros, nullis niſi ſibi ignoſcentes, niſi ſibi indulgentes, in reprehentionibus ſeueros, acres in monitis, immemores iuuentutis ſuæ. cautè cum his agendum, præmeditatè: ætati etiam veneratio ſua tribuenda.

Sunt

Sunt nobiles, quos maiorum nomina supra reliquos efferunt. hos reperias in perpetua auro-
rum atauorumque narratione, in sui laudatione,
reliquorum contemptu, ambitione tumidos, ac,
cùm non infrequenter ignauissimi. rerumq; pro-
pè omnium ignarissimi sint, omnibus se antepo-
nentes, sola interim maiorum, non sua virtute
aut gloria magnos. honores his impende, ma-
gnificè habe, lauda, venerare.

Sunt diuites; quos insolentia ferè comitatur
ac superbia, diuitiarum comites. omnia hi sibi
persuadent posse. tanta fiducia auri est. nihil ta-
men insolentius nouis opibus, nihil tenacius, in-
humanius nihil, arrogantius nihil. Declina quis-
quis sapias hos scopulos, familiaritatem & con-
gressus fuge. non potes? animum antè para & ar-
ma fortibus cogitationibus. multa hîc inciuiti-
tas intercurrent, fastus multus. perfer; & vicisti.

Sunt externi; cum quibus ferè retractiùs; ex-
porrectiùs cum eiusdem gentis agendum. & fe-
rè magis coalescunt animi eodem cælo nati,
educati similitudine quadam sui: disiunguntur,
quos regna & educatio disiunxit.

Sunt quibus imperat aurum. quales aulico-
rum plerique, qui plerumque tantum affectuum
deferunt, quantum tu donorum: amicitias enim
cùm pecuniâ metiantur, tantum amicitiarum,
quantum tu pecuniarum, afferunt. ne fide. fide
incorruptis, & quorum manus munera ignorât,
non vxoriæ, non domesticæ, non donorum di-
uites sponſiones, non præſentium fulgor, non
futurorum spes flectit, aut à recto bonoque de-
ducit.

Sunt inter hos omnes, qui plurimùm apud
Princi

Principem possunt. amicos hos para. per te non potes? per domesticos & familiares illorum para. etiam cime in causa bona. ita tamen te illis adiunge, ut non offendas æmulos. utrosque potius cole: clam hosce, illos apertè, si utrosque apertè sine alterius partis offensione non potes. Nec difficile aliquos sibi domesticorum parare. per hos aditus ad dominos patebit: à quibus plus plerumque, quàm ab ipso Principe sperare potes; maximè, cum de illo aginus qui regni gubernationem in suos coniicit, cum per horum ferè manus regia beneficia veniant. Quo maiori studio, quisquis sapit, cauebit ne quem domesticorum Principis offendat. nam licet prodesse non omnes possint, obesse tamen possunt, & solis criminationibus plus euertere, quàm reliquorum omnium studia promouere. Cauebit etiam, ne in dignitatum ambitu cum longè potentioribus in certamen descendat. ferè enim inferiores potentiorum inimicitiis impares sunt, ut plus meritò damni à potentiorum hostilitate metuere, quàm à dignitatibus emolumentis sperare debeamus.

Cum verò amicos sibi parauerit magnos, non negligat inferiores, etiam aulæ vilissimos: è quibus quosdam beneuolentia, alios comitate, hos humana ac vltronea compellatione, vultus serenitate, illos officio ac muneribus pareat. Ac licet aulica illa complacentia ferè in adulationem degeneret; vitari tamen vitium potest. & non omnibus omnia factus Apostolus? Aliorum ergo se ingeniis attemperabit aulæ sectator, tantum ne improborum. ita Alcibiades Athenis Oratoris ac Philosophi personam induit, seu-

Omnes beneuolentiā vincat, etiā au- la infimos.

M rioris

rioris viri apud Lacedæmonas, bellicosi apud Thraces, otio dediti apud Ionios, fastuosi apud Persas. Imitabitur aulicus, inter lætos hilaris, grauis inter maturos, inter doctos eruditus; inter indoctos eruditionem teget, inter mœrentes gaudia. læta tamen tristibus misceri, si mœror permittat, probem; magis etiam, si pellendo dolori opportuna.

*Improbiorum
consuetudinē
fugiet.*

Fugiet verò omni studio improborum consuetudinem, eorum maximè quos in pocula & libidinē effusos viderit, quos in aleam prodigos, in iracundiam celeres, in vindictam præcipientes, in contentionem & ferrum faciles, in detractiōnem pronos deprehēderit; ne iisdem inuoluatur malis, & discat, quod serâ postmodum pœnitundine ignorasse vellet. vitiorum enim familiaritas, periculorum familiaritatem adducit; & pares delictis socios arbitramur: nec eripere se facile crimine & periculo potest delinquentium socius. & nescio quis damnandus pudor in delicto pedem referre vetet. & improba aulæ regula est, generosi animi esse non destituere in quocunque conatu socium, & occumbere etiam in mala causa gloriosum. quod in contentionibus & ferro innocentissimis non rarò usu venire solet, ut sanguinis & mortis socij sint, qui delicti non fuerunt. Retrahet ergo pedem, dum licet, vir prudens, ne, dum velit, non possit; & tuta eliget, nec vltrò & grauitò se malis induet, nec tam caro amicitias emet, nec fortunas suas, honorē, vitam, alterius temeritati aut libidini cōmittet.

Neque aulæ tamen omnes tales: sunt minùs improbæ, sunt probæ. perraras has esse scio. sed & Orientis alitem esse memini, de singularitate famosum,

amosum, de posteritate monstruosum, & eo magis portentosum, quia vnum. Eadem de aulis cogita. Phœnicem fors reperias, dabit Belgium in ALBERTO & ISABELLA. Fortunatū regnū, beata aula, in qua casti Principes casta ducunt agmina, quæque plus de Regione redoleat, quàm de aula (vidimus Belgæ :) & in qua Principum vita morésque in omnem virtutem viam sternunt (factū à magnis ALBERTO & ISABELLA.) Incredibile enim est quid Principis exemplum in vtramque vitam efformandam possit. ferè enim ex illius moribus finguntur reliquorum. Vt, si Principem dederis virtutibus quaqua parte instructum ac munitum, nihil opus præceptis sit : vtrò ac cæco quodam impetu sequentur, vt filij patrem, referéntque mores illius. Probi huius sunt? probos dabunt. improbi! improbos. tantum in vtramque partem momentum Principis mores habent, vt corporis etiam bona malâque domestici imitentur, tanquam si vnus matricis arboris decidua semina cogites, quæ sub illius umbra latè sparsa arbusta protrudant noua. Et potentiora longè sunt in imitationem facta dictis. & elinguis illorum locutio plus potest in cohortationem.

*Principū ferè
mores imi-
tātur aulici.*

Quod si sua virtuti præmia steterint, suæ virtutis pœnæ, ad virtutem decurrent omnes. Vt dictum verè sit : *Quis enim virtutem amplectitur ipsam, præmia si tollas?* Adde: *Quis non amplectatur, præmia si dones?* Ingens incitamentum præmia & pœnæ sunt. neque quisquam facilè tam fatuè malus est, vt, si probitati iungantur præmia, non incumbat illi; si verò improbitati socientur pœnæ, non fugiat illam: vt, si non impellat amor,

*Magnū cal-
car ad vir-
tutē præmia
sunt.*

repellat timor, si non inuitent præmia, deterreant damna. ac licet natura illum ad vitia non ducat, sed rapiat; frænum tamen impotenti huic dominæ iniiciet, & magnis illius conatibus, maioribus occurrer. Quod si dominatum illius ex-
eunt nec serid velit, nec possit; continebit tamen vitia, ne erumpant, & tanquam compedibus stringet, & domestico includet carceri. aut, si domi improbus esse pergat, palàm probitatē amplectetur, fietque paullatim vt probitatis simulatione aliquid illius imbibat, & publica virtutis assuetudo ad priuatos mores transeat: aut sanè metu domesticæ retegendæ improbitatis, intra priuatos etiam parietes se contineat, & bonus esse assuescat, cum malus esse desierit.

Probitati studendum etiã sub improbo Principe.

Probitatem in suis Principes amant.

Quod si improbis moribus Principem natus fuerit, probitatem tamen colat eo seuerius, quo Principem plus in omnia effusum vitia senserit: nã & improbitati probitas admirationi est: & quo remotior ab hac est, eo plus miratur. admiratio verò laudem prouocat, vt amare incipiat, quo carere se videt. Et ferè ita comparatum est, vt, cum minùs fidas scelerum socio (vereri enim meritò potes, ne crimen in te vertat, quod consuevit in alios) plus certiùsque viris probis virtutumque cultoribus tribuas. facilis enim in probitatem fiducia est, & credere audemus, certi de fide. quæ fiducia eo maior est, quo maior probitas est: quæ dolos fraudesque cum ignoret, non facile diffidētiam in Principe prouocat. Ac licet improbus Princeps ad internam morum familiaritatem non admittat virtutum studiosos, quod testes tales delictorum suorum refugiat; arduis tamen ferè, & à quibus regnorum incolumitas pendet,

pendet, optimos committit, certus de fide & virtute: sceleribus verò eos adhibet, quorum oculos non erubescit. criminum paritas audaciam prouocat, nec veretur oculos pari scelere faucios, pari natantes. Quare si incorruptum, & iustitiæ amantem quemquam suorum Princeps deprehenderit, iuri dicendo præficit; si fortem, militiæ; si doctum, cathedræ aut togæ; si castum, vxoriæ aulæ; si sobrium, epulis & poculis; si parcum & vigilem, ærario; si industrium, vectigalibus; si prudentem, gubernaculis; si solertem, legationibus; si secretorum tenacem, consiliis; si pium, sacris; si constantem & intrepidum, periculis adeundis & repellendis; si candidi pectoris & oris, & concreditorum fidum custodem, epistolis & calamis; si generosi virum animi, arduis quibusque subitò irruentibus. in quacunque demum arte aut scientia magnum clarumque repererit, iisdem præficiet, non tam dissimilium amore, quàm vt regno rebusque suis consulat. quanquam inest quædam vt admiratio, ita & amor, & desiderium virtutum quibus caremus & destituimur; vt, licet in nobis non amemus, in aliis tamen probemus. Quin adèd cōsule vitiis vndique obsessum; quære, quid seposito affectu, ratione consultrice, concedi sibi à Deo optaret, vitia an virtutes: has amplectetur. ita etiā impurus continentes laudat, superbus humiles, intemperans sobrios, mites iracundus, veraces mendax, fortes imbellis, indoctus doctos. ac quāuis æmulatione quadam & inuidiā non rarò extimentur; hæc tamen magis inter pares exsurgit, quàm inter dissimilium morum & studiorum.

*Probiſſimos
quosque etiā
improbi Prin
cipes publicis
munis præſi
ciunt.*

CAPVT XII.

Quid faciendum iis, qui adlecti sunt in Principum familiaritatem?

Eccli. 13.

MEMOR ante omnia Sapientis, ditiori te ne socius fueris. quid communicabit cacabus ad ollam? quando enim se colliserint, confingetur. Nil promptius, quàm figlinas ollas, ferreis si illidantur, cominui. Quo magis inuigilandum iis est, qui necessitudine aliquâ ferreis Principum ollis affigulati sunt, ne è vicinitate & contubernio in illas incurrant. Quod ne fiat, documenta hæc in cautelam præscribo.

Non præ se ferant, se multâ gratiâ apud Principem valere.

Nunquam præ se ferant multum se gratiâ & auctoritate apud Reges valere. nimis magnæ inuidiæ ostentatio hæc patet. Et sanè nemo prudens nouæ æmulationi, cùm vitare possit, materiam vltro præbebit. quinimò extenuabit gratiam, potentiam deprimet, opes teget. adiacent nimirum his odia, & crescentibus illis, crescent, in domini caput ruitura.

A regio ornatu abstineant.

A regio vestium cultu cauebunt. Infra Reges sit, qui Regibus paret. Sanè vbi vestis Regem loquitur, animo circumferre Regem arbitramur. ab animo nimirum vestis, quæ si regia, regiam esse mentem necessum est. & non index animi vestis? totum pectus vestes pandunt, nec alia maior odiorum in plebe materia.

A regio apparatu in mensa abstineant.

Nec augustior mensa Regem testetur. nolo sordidam; sed neque cum regia de splendore certare velim. mediocritas hîc semper laudata. nemo primum

mo prudens profundit in mensa, inter æmulos promulganda. & crescunt ferè non iam inter manus epulæ, sed inter invidentium ora. obfuturæ sapiens vitabit, nec gratuito invidiam inagno emet. veniet inempta.

Si quid factum laude dignum, nihil prudentiæ aut ingenio suo ascribet: in Regem laudem omnem transferat. contentus ipse fecisse sit, tota dignatio in Regem eat. si quid verò aduersi euenierit, infelicitati suæ tribuat. Nunquam damnasse Regem tutum fuit; laudasse, semper, etiam in non laudandis. Invidiam proinde in se potius transferat, quàm in Regem. neque hanc vnquam excutiat à se, ut Regem oneret.

*Omne laudē
in Regem
transferant.*

Regis in primis regniq̃ue commodis studeat, profundatq̃ue adedò sua, ut publica tueatur. Crescant illa, his crescentibus, & sine invidia incrementa sument, ac vltro etiam se ingerent; dignissimūq̃ue opibus putabunt, quem profundere suas viderint publico bono. Ut ille dignissimis regio contubernio ac familiaritate sit, in quo nullus in Regem amor propriis implexus commodis est. ut verum sit illud Gregorij: *Nullus fidelior tibi ad consulendum esse potest, quàm qui non tua, sed te diligit; te, non fortunā tuam, non opes, honores, potentiam.* Discrimen inter duos regios ministros non indignum relatu refert Stapletonus. *Morus à prima etate usque ad annū vitæ quinquagesimum in Republica versatus, in tota vita sua nō auxit censum ultra sexaginta aureos annuos, aut paullo amplius.* subdit: *Et viuit iam in Anglia, qui talibus officiis, infra quinque annorum spatium, censum ad sexaginta millia aureorum acquisiuit.* Morus omne studium suum augendis regni

Regis cōmodis studeant.

regisq; opibus, honoribus, commodis sedulus impendit; alter exhauriendis regni & regis opibus, suis augendis.

Nullam Regi timendi materiam dent. Serio caueat, ne quam Regi timoris materiam præbeat. ferè enim in ferrum regius transfuolat timor, ac non nisi sanguine finitur. Et quis amet metum? aut quis se hoc nõ liberet, si possit?

& quid facilius Regi, quàm priuati sanguine metum discutere? laudabit etiam populus ferrum, quo se in libertatem Rex vindicauit, & per vnus latus excussit timorem. Nunquam turò sceptrum timent, nec sicca morte finiunt metum.

Caueant à elictum turba.

Nunquam magna clientum turba claudi sibi in publico latus permittet. in comitatus potius ibit, nec seruorum educet exercitum. sat magnam inuidentiam etiam in summa moderatione experietur. Quid? quòd illi ipsi qui longo agmine latus cingunt, & obsequia mentiuntur, primi odia foueant, primi spargant. & dum gratiam inuidi venantur, nocitura iaculantur. decrescere infra genua vides, animus odio natar. & quem ore, oculis, manibus, pedibus venerantur, totis animis auersantur, & ferrum pro cultu apprecantur.

Ostentationē vitent.

Fugiat verò cuiuscunque magnitudinis ostentationem, ne quacunque etiam in re æquari videatur velle Principi suo; cùm omnis magnitudo æqualitatis impatiens, nec superiorem ferat, nec parem, zeloque quodam impotenti in magnitudinem sui feratur. & licet ingenti in hos suos Reges amore rapiantur, maior tamè semper amor sui quàm alterius est. Seponit proinde amorem alterius, vt consulat suo. & si aliter non potest, ferro secabit amorē. Impellunt dein æmuli,
(qui

(qui nunquam deesse ad magna properantibus aut prouectis solent) Principem ex æmulæ magnitudinis metu, in secures & venena, ne vnius magnitudo viam reliquis præcludat, aut Regis minuat; quam cum lubentes ferant omnes, tanquam à Deo imperatam, tum ascititiam ac adoptiuam non ferunt. cogitât quales antè viderint, quales nunc pati cogantur. nec ferunt supra se tolli, quos natura pariauit, aut infrâ etiam posuit, solusque regius fauor supra reliquos extulit.

Ab omni deinde insolentia remotissimus sit, quisquis perpetuare exoptat. *Insolentiam fugiant.* Zelotypiâ plurimum Reges laborant. non ferunt æmulum sceptrâ; & cum timoribus ferè natent, eunt à suspicionibus & metu in sanguinem. Intactam proinde regiam auctoritatem transeat. tetigisse hâc, periculi semper plenum fuit. nemo inambustus tetigit. ignis est. ne fide ignibus, etiam de longinquo amburant. Fugiat ergo omnem vanam ostentationem, iactantiam omnem. quo modestior submissiorque quisque fuit, fuit tutior. securitas à modestia, periculum semper ab insolenti fastu fuit. De Hephæstione Alexâdri Magni Curtius: *Secretorum omnium arbiter, libertatis quoque in admonendo eo non alius ius habebat; quod tamen ita usurpabat, ut magis à Rege permissum, quàm vindictum ab eo videretur.* imitare modestiam.

Nunquam proinde se supra reliquos efferat, *Submissionē sequantur.* memor prioris fortunæ suæ, veterumque amicorum. Imitetur figulo natum patre Agathoclem, aurea hic & figlina pocula iuxtim ponere solitus, ut præteritorum memoriâ præsentium fortunam temperaret. Quid? quod ferè maiora quisque vouere soleat illi, quem in magnis modestū

senferit. tantum modestia comitâsque conciliâ-
dis animis valet, etiam hostes in admirationem
sui rapit, & odia ponere cogit, & imperia ferre
ab aratro nata, si aratrum suum redoleant, prioris
nimirû fortunæ memoriam, ac moderationem.

*Primas par-
tes alijs de-
ferant.*

Primas autē partes vltro aliis offerat. Nulli di-
gnitatem suam adimit comitas, nulli decus suum
humanitas. quin aded addidit semper aliquid
honoris spontanea honorum oblatio. sed & in-
uidiam modestia minuit, & odia comitas extin-
guit: nec prærogatiua grauis est, si sociata beni-
gnitati fuerit. Arrogantiam aspernamur in om-
nibus, etiam in Regibus: comitatem amamus, &
ferimus etiam ab inferiore huius manu doceri,
moneri. Nullum verò salutatus insalutatum
transcat; præueniat etiam plurimum. Incredi-
bile quantum hæc comitas vitiorum tegat,
quantum odiorum ponat, quantos laudatores
inueniat.

*Faciles adi-
tus alijs præ-
beant.*

Faciles etiam aditus accedentibus præbeat,
ex infima licet plebe sint: quorum ferè vt libe-
riores voces sunt, ita plus aut nocituræ, aut pro-
futuræ. soletur inærentes, erigat iacentes, placet
indignantibus, medicamque vbique malis manum
admoueant. nunquam hæc auctori suo mala pe-
pererunt, pepererunt profutura & bona. Nec
interim alat spe longâ, trahâtque in annos. di-
sertè potiùs rem omnem, spemque omnem ape-
riat; sed ea benignorum verborum comitate, vt
ab amico pectore nata videantur. inter beneficia
ponent negata, si negata citò. inanis spei lactatio
in odia vertitur.

*Caveant ne-
quid aduersi
in commissis
sibi guberna-
tione enu-
niant.*

Quòd si Principis sui beneuolentiâ, ad prouin-
ciarum aut locorum gubernacula prouecti fue-
rint,

rint, caueant studiosè, ne quid aduersi eueniat: siue enim culpâ aliquâ, siue nullâ suâ, inter tot æmulantium de potentia linguas, accusationem nunquam effugient, damnationem perrarò. & vt non omni Principis gratiâ excidant, sentient luxatam. cum ex euentu ferè res non vulgò tantum, sed & Principes metiantur. vt etiam si è temerario & fatuo consilio & ausu, res fortuito feliciter successerit, prudentiam admiremur, laudemus: sin prudenti consilio, & fortibus ausis euentus non respóderit; rem totam damnemus, non tam infelicitis euentus causam, quàm infortunatum successum considerantes, qui ex iis euenire plurimum solet, quæ nec humanâ auerti, nec præueniri prudentiâ aut arte possunt. Quo magis omni conatu incumbendum, ne displicitura Principi eueniant, cuius ferè vt ob fortunatissimas res leuis gratia, ita ob infelices grauis indignatio est: neque vllæ magis voluntates, in vtramque partem, quàm Principum, mobiles, vt quæ è summis fauoribus, ad summa odia, inde in ferrum transeant.

Liberalitatem ante omnia colat, quæ vna potenter inuidiam perimit, amorem prouocat. Nescit indignari beneficio obstrictus, aut sanè non audet: & vt animus adsit indignabundus, pudor retrahit, & vel hoc solo nomine ne ingratus audiat, premit nocitura. Valida sanè sponsa munificentia est; quâ solâ, quidquid propè damnandorum, aut deletur aut integitur: & nescio quo modo etiam hostem amemus munificum. Cum verò liberalitatem in omnes, tum in plebeios probem, qui & tueri audent, & palàm laudare etiam damnanda. audacissimus quisque egen-

*Liberalitas
ament.*

tissimus

tissimus est. nullus hunc pudor retrahit. accepta beneficia cogitat, non cogitat reliqua; tantumque virtutis habere arbitratur, quantum beneficiorum contulerit. Virtutum nimirum apud hos mensura beneficia sunt, ut ille optimus illis sit qui beneficentissimus est.

Amicos pararens.

Meminerit in secundo fortunæ suæ cursu amicos parare, in aduersis præsidium. prudentissimus sanè quisque in copia seponit, quo egestatem tueatur. futura sapiens prospicit: solis præsentibus temerarius insistit. laudatus à Domino villicus iniquitatis. imitetur quisquis omni sæculo fortunæ in magnis ludibria intuetur. Nec difficile amicos magnâ fortunâ parare, cum ferè amicitiam beneficii metiamur; benefacere autè in illa fortuna facillimum sit. certè si veri amici non fuerint (quales esse non possunt qui suis commodis amorem metiuntur) hostes non erunt. non laudabunt? non damnabunt. non propugnabunt? non depriment. nam vel sola eos verecundia continebit, & si amica non reddent, inimica non inferent. non dabunt oscula? sed nec venena propinabunt. non erigent labentes? sed nec altius depriment pudore reluctante.

Nunquam metum deponant.

Metum denique nunquam deponant. Securè vixit, qui timuit: securitatis enim magister timor est; periculorum, nimia fiducia sui. nam ut rarissimus in plano; frequens per præcipitia lapsus: ita timidè per abrupta gradienti securitas adiacet, temere procurrentibus pericula. Meminerit verò illud Scripturæ: *Rex Assuerus exaltauit Aman filium Amadathi, qui erat de stirpe Agag; & posuit solium eius super omnes Principes quos habebat. cunctique serui Regis, qui in foribus palatii versabantur,*

Esther. 3.

fabantur, flectebant genua, & adorabant Aman. nec multò, suspēsus est Aman in paribulo, quod parauerat Mardocheo, & decem filij Aman suspēsi sunt. Eadem reperies sub primis Imperatoribus, Regibus, Principibus. & nescio an vlla funesto hoc nostro sæcundiora malorum sæcula fuerint. nullum propè Europâ totâ regnum sine priuatorum horum sanguine. O nimis fertilis sanguinû ætas, quàm ludis in purpura!bis tinctam, cocco & sanguine, nec saturari tamen, nec expleri sitim, sed nouo sēper auctu crescere quis credat? imò quis non post Germaniam, Hispaniam, Galliam, Italiam, Angliâ, Belgium, retrò ferat pedem? O reprime audaces gressus quisquis cōiūctior Principibus es. time quisquis quacunque caussa adlectus, ne oriare posteritati in exemplum, tuis in mœrorem, inimicis in gaudium. alieno cautior sanguine fige pedem. ne fide purpurę bistingendæ. quid vltro ruis in secures? exempla te terreat Lyfimachi regis in Telefphoro Rhodio, quem ex amico, truncatis auribus, naribus, in cauea, bestiarum more paut; Claudij in Narcisso, Cōmodi in Perennio, Seueri in Plautiano, Constantini in Ablauio, Frederici II. in Vineæ, Ioannis II. Aragonum in Aluaro de Luna, Petri Aragonum in Cabrera, Philippi in Broca, Henrici VIII. in Thoma. Taceo Craterum, Stiliconē, Flauium, Eutropium, Belisarium, Petrum Laudois, Gauerstonum, Essexiæ Comitem, aliósque innumeros. & ô nimis orbi notus Tiberij Scianus!

— *Sed quo occidit crimine? quisnam Delator? quibus indicijs? quo teste probauit? Nil horum. verbosa & grandis epistola venit A Capreis. bene habet. nil amplius interrogo.*

Adfen

Adfentior Poëtræ. & quis damnet Reges, aut post
Seianum fidat? ô aulas sphæristeria! & ô quot-
quot in illis regiæ pilæ! Scribebam hæc, cùm ve-
nit in manus Seianus alter: nec totus venit, qui
nusquam erat. venerunt tamen hæc fragmēta ab
æmulo primorū orbe calamo. & nescio an quid-
quam debeat veteri Satyrico. sanè nec Romani
sermonis elegantia vincitur, nec acutè, pruden-
ter, fortiter dictis. ô quis invidit totum? nunc
defructati corporis frustra lego & trado.

Eheu rerum vices!

Gallicum Seianum

Regno propinquum, Regi proximum.

Pœnitens aut fatigata

Fortuna destituit.

Et ego destituor sequentibus. ô quis invidit
mihi & orbi corporis medium? Sequitur:

Tracto, discerpto, nullibi, aut ubique sepulto.

Eheu quàm dissimili

Exitu clauditur aulicorum fabula!

O rerum vices! ô fata!

Quid potuit doctius? & hîc iterum lacuna. accu-
sat dein fortunam si quid coniicio:

Crudelior in morte, quàm liberalis in vita,

Auro quem operuerat,

Humo negavit contegere.

Nec membra, viator,

Fas insepulta spectare.

Trucidati vastâ macellum ciuitas facta est.

Cruorem reperies,

Ossa si queris.

Iterum invidit chartæ meæ fortuna. defructata
hîc aliqua. nisi pœnituisse illam credam etiâ ho-
rum. Quò ruis doctę posteritatis æmula, quę no-
bili

bilitare hanc chartā noluiſti tam docto calamo? quid dicā?ô, veriùs, nimis ingenioſa! quæcunque enim dedit fortuna, imitari corpus voluit Seiani noui; miſerique adeò corporis, & ô infelicis! veſtigia ſequi. ô docta nimis vmbra, & infortunati corporis felix vmbra! qua vna poſt laniatus & cineres, coaleſcere in fortunatum corpus poſteſt, & viuere, meliore magni huius calami vitâ, quàm ſuâ. ſuâ infortunata, hac felix. ô multa ab hac manu, nulli veterū ceſſura! Redeo ad Tiberium. *E viginti, quos ſibi ſupra veteres amicos ac familiares depoposcerat, velut cōſiliarios in negotijs publicis, vix duos aut tres incolumes præſtitit. ceteros, aliū alia de cauſſa perculit, inter quos Eliū Seianū, quem ad ſummam potentiā prouexerat, collegamque ſibi in conſulatu aſſumpſerat, ſpēque aſſinūtatīs & tribunitiæ poteſtatīs deceptū, aſtu & dolo ſubuertit. Seiani dein notos & familiares perſecutus.* Hæc Suetonius. De Cleandro verò Commodi Herodianus: *Iuſſu Cōmodi occiditur, & quotquot illius amici erāt, ad vnum omnes contrucidati, tractaque per urbē cadauera, & in cloacas abiecta. Hic finis Cleādri factorū fuit: quaſi in vno illo velut ambitioſius oſtētaret natura (ut ſic dixerim) humana, poſſe ex infimo loco ad ſupremū faſtigiū euehi hominē, atq; eueclū dein rurſum deturbari, quālibet exiguo atq; inſperato fortuna momento.* De Magno Alexādro Curtius ſub nomine Hermolai: *Attalus, Philotas, Parmenio, Lynceſtes, Clitus, quantū ad hoſtes pertinet, viuūt: ſtāt in acie, te clypeis ſuis protegunt, & pro gloria tua, pro victoria vulnera excipiūt. alius menſā tuā ſanguine ſuo aſperſit. alius ne ſimplici quidē morte defunctus. Parmenio indicta cauſſa trucidatus eſt, per quem Attalum occideras. Caliſthenē verò optimis moribus artibꝫq;*

virum,

virum, à quo reuocatus ad vitam erat, non tantum occidit, sed etiam torsit. quam crudelitatem sera poenitentia consecuta est. Parmenio dum traditus à Polydamante regias litteras caput legere, lataturque de aduentu amici, uti imperatum erat, à Cleandro occiditur, ceteri exanimem quoque confodiunt. O quid fidis regnis, & ô nimis longam regiam manum, nimis propinquam ! pro accusatore, teste, iudice, ferro & flamma est. ô fuge hos ignes, fulmina, de longinquo nocitura. quid facient de vicino? ô nimis fugitiuam, similem nubibus! inter binas rosas mille spinas, bina inter oscula mille ficas, pro tenui mellis fauo plena fellis dolia, pro viola vna viticas mille, pro rore saxa pluunt. pro modico vino modica propinant toxica. ne fide, ut prudenter Sidonius Hecdicio viro magno: *Si quid nostratum precatibus acquiescis, actutum in patriam receptui canere festina, & assiduitatem tuam periculose Regum familiaritati celer exime: quorum consuetudinem spectatissimus quisque flammarum naturæ benè comparat, quæ sicut paullulum à se remota illuminant, ita satis admodum sibi comburunt.*

Sed vnus aut alter inter carorum amplexus deposuit animam. plures in inimico, aut carnificis ferro. Quid circumspicis paucos? plures time. ex illis esse potes? magis è pluribus. quid tam dubiæ rati salutem credis? tutiora prudens elige. Sed magna speras æterna cogita, & illi famulare, à cuius dextera nullum ferrum, nullæ Anglicanæ secures; nulli Gallici sclopi, crux & ignes; nulla Germanica vincula; nulli Iberici cultri, nulla exilia; nulla Hungarica venena; nullus carnifex Batauus; nulla Italica theatra sanguine purpu

purpurata. Et quid post hæc speras? è viginti vix vnus, omni sæculo, omni regno, integrum corpus monumento intulit. audeo, è triginta vix vnus liberam viâ suâ animam emisit. Quid ergo tot funestis diues omnium ætatum exemplis, fatuâ spe luderis? ô inanes cogitationes nostræ! effugia speramus inimico vndique ferro, & magnis cadaueribus cincti, & nudo iugulo noua culam excutere paramus; bis infelices, temeritate in præsentî, exemplo in posteros.

CAPVT XIII.

An simulatione aliquando utendum?

SIMVLATIONE non rarò opus; vt nec vident te, nec audire, quæ vides, quæque audis, sentiant. Factum à Senatoribus Romanis, ne profundas Tiberij simulationes, fraudes, insidias, scire viderentur, damno suo, emolumento nullo alieno, néue exasperarent commotos Imperatoris animos, & occasionem darent ad deteriora flectendi. Factum à Germanico, æmulatione metûque à Tiberio reuocato. crescere volebat, & in spem regni venire, quem fortia bello facta, clarique in manu triumphî, dignissimum sceptro pronunciabant. ergo reuocare placuit tanquam in honorem. venit Germanicus, causam simulauit. Factum etiam à Demetrio Philippi Regis filio; parère maluit, quàm paternas simulationes augere, aut retegere. Illud verò dignissimum Liviæ ingenio, cum rogata, quibus modis Augusti animos parasset, *Nec curiosius,*

*Simulatio
nonnunquam
adhibenda.*

N ait,

ait, *marium consilia resque perquirendo, cognitaque dissimulando.* Ab eadem prudentia vetus illud: *Principum secreta ne curiosius scrutare: si scias, nescire finge.* Fuit illud simulationis genus nobile, quo M. Claudius Marcellus nobilem Nolanum Bantium seditionem parantem, re simulata, laude retraxit, & fidum sibi populoque Rom. fecit. Nec illud minus laudatum; cum Datames Persarum Dux fugam parantes equites, simulata fuga, animas, laudatque, solaque verecundiam in hostem ducit, fortiterque pugnare docet, & vincere. Nunquam verò magis simulatione opus, quam cum apud illos agis, in quorum manibus vita salusque tua est; ut etiam iniuriam accepisse iniuriam esse neques, contumeliam non agnoscas, ignores dolos tanquam insidiarum nescius: nisi quòd clam mederi his malis prudentis sit. hoc qui potest, magna sperare à Principibus potest. qui cum nec redargui à subditis, nec doceri velint, nec fraudes suas retégi, Inbenes benefaciunt, si quos senserint magnam hanc moderationem tulisse, quòd obstrictos se talibus videant; ac licet palam non agnoscant, beneficiis tamen medentur, quæ Principibus semper ad manum sunt.

*Simulatio
prudentia
socianda.*

Magna tamen in omni hoc genere opus prudentia. neque enim semper simulatio probanda. Peccavit in hoc genere Vitellius, qui insigni ignavia Vespasianæ copias viresque dissimulavit, nec antè aperuit, quam oppressus ab iis iacuit. Sed neque semper crimina dissimulanda, ne audere detriora discant, cum impunita transire scelera viderint, quare non semper eundem in sanguinem, nec ignoscendum semper. Si peccatum

tum

tum vniuersim à populo , & dissimulari potest, dissimulatione pratercundum delictum. si transiri nō potest, in paucissimos eat pœna, terror in plures, nec tamē vltra metū quidquā in omnes.

Cū verò dissimulare virum prudentem putem aliquando posse, aliquando debere, cū aut priuatum , aut publicum bonum simulationem deposcit ; tum mentiri nunquam puto debere, nunquam posse. Et sanè mendacium omne libero ac ingenuo indignum Romani putabant, seruileque vitium esse , nec cadere in generosum pectus posse, non debere: quod antè vitam proiciet, quàm illam mendacio commaculet. O quis mihi Deus largiatur omnes tales! quàm vercor, ne de raritate sua audiant. procul , & de vltimis terrarum finibus pretium eorum. Illud verò quàm fatuum in hac mentiendi licentia , nolle videri mentiri cū palàm mentiaris? mentiri volumus, dici nolumus. erubescimus audire, facere pro decoro est. in opere gloria , in audito probum est. nam & gloriamur de subdolè, per mendacium , hoste , aut etiam eiusdem contubernij socio, circumuento ; & ridemus, quòd se passus sit circumueniri. & simplex deinde audit, qui mendacio lusus est : audire non vult mendax, qui dolo malo lusit. dicis? exurgit in ensen, vt mendacium suum sanguine tuo lauet. Quid orbe stolidius toto? gloriari de mēdacio, & laudari etiā velle de æmulo per mendaciū euerfo; nolle tamen audire magnū hoc verbum *Mendacium*, nolle audire , *Mentiris*. Olim crimen apud Iudæos capite luendum erat, sancta Sanctorum ingressum fuisse: nunc, cū laudi detur mēdacij adyta, non per superficiem, sed totā, vt dici solet,

*Mendacium
omne fugien-
dum.*

*Vita antè po-
nenda. quàm
mēdacio ma-
culanda.*

animâ ingressum; dixisse tamen perduellionis quoddam crimen est, solo ferro medicandum, solo sanguine. ô fatue! quid de mendacio complaces tibi, quod ferro vindicas? te damna, in te sæui, crimen tuum est. sceleratius enim factum verbo est. ut adulterium & furtum grauius est, si expleueris, quàm si dixeris. atque hinc etiam meditata scelera, factis minora sunt. ac licet quædam puniantur sicca licet & adhuc innocua & virgine manu; grauius tamen puniuntur, cum cruentæ manus animorum imperia expleuerunt. Et, quid commertus est, qui vera dixit? qui album album, amarum amarum esse? vis dicat album nigrum, amarum dulce? & ferro vis sæuire, ni mentitus fuerit? vllane fatuitas vlllo sæculo maior? Idem dico de mendacio. vis dicam verum falsum, aut mentientem vera dixisse? quid dicas de illo, qui ense vindicandum putet, si cum vera dixit, vera dixisse dicas? Eadem fatuitas illius, qui post mendacium, & sæpè quo gloriatur, verax audire vult: mendax non vult. vult nimirum te mentiri, ne mendaci socio destituatur, & tamen, si mentiris, contemnit te & damnat, nec se suâque mentienti credit. ita nec verum audire vult, nec falsum. verum ense vindicat, falsum diffidentiâ & probro. quid agas in hac sæculi nostri insolentia? simulatione hîc opus. taciturnitas pro clypeo sit. nam cum locutum esse pro ferro sit, siluisse pro propugnaculo erit.

Perpetua simulatione danda.

Quod de mendacio dixi, de simulatione dictum volo, cum simulationis quoddam genus mendacium sit. reperies verò non paucos, qui cum palàm mentiri nolunt, simulationibus tamen

men frequentibus vtuntur : vt nihil certi promittere tibi ab illorum candore possis, adeoque nescias sentiant quod dicunt, an secus. Virtutem hi palàm laudant, remotissimi ab illa. amorem loquuntur, odia intus non moritura fouent. spondent operam prodigè: ne fide; later plerumque in diuitem sponfione dolus. equum Troianum cogita, Deæ donum, sed vtero armatis grauidum. Ostentant dein se velle, quod nolunt; nolle, quod volunt; ambire, quod auersantur; auersari, quod ambiunt. damnant improbos, ipsi improbissimi: laudant probos, probitatis ignari: pietatem vultu præferunt, omnis impietatis serui. Videbis hos frequentes in templis, vt arbitreris vni Deo calidè supplices; at nunquam minùs in templis sunt, quàm cum ibi sunt. ita alia omnia, quàm sacra cogitant. senties dein venerabūdos, ore ridente, oculis ad hilaritatem compositis, ad genua etiam tua decrescences, & infra illa; corda felle & mœrore plena sunt. Si quid illis aduersi occurrerit, infra feminas sunt; si prospera, supra homines videas. ita nihil ipsis, si deprimas, submissius; nihil, si sustuleris, elatius. omnium amicitias ambiunt deiecti, omnium aspernantur erecti. Monstra narro. sed timenda, sed fugienda. probissimos omnino & oculatissimos in fraudem inducent. nulli verò fidos inuenies, cum nec cuiquam fidant, ac vix ipsi sibi. perpetuis autem innatant timoribus, cum omnium diffidentiâ laborent, omnium æmuli, inuidi. Nullus illis sanguis, vt fruantur optatis, non frater, soror, pater, mater; adeoque omnis illis pater, mater hostis est, siquæ audacibus aut improbis votis impedimenta obiecerint. nec vere-

*Simulacrum
mores.*

*Simulata
pietas impro-
ba & crude-
lis.*

buntur cum Tullia per paternum corpus carpen-
tum & refugos equos agere, si per illud ad im-
perium conscendat: nec cum Nerone ferro ma-
terna viscera secare, & verecunda vteri claustra
securibus scelerare, si per illa ad purpuram via
sit. Quodd si per templa & sacra, & quidquid ma-
gnis abditum Ecclesiæ Sacramentis est, aditus ad
magna pateat, sacratis perpetuò allisos limitibus
videbis. Sin per sacrorum contemptum via pa-
teat, conterent etiam quidquid vndique sanctum
pedibus, si per calcata sacra semita ad optata sit.
omnis enim his religio, sacra, pietas, Deus, ad-
ministrati votorum illorum sunt. Fuge quisquis
sapis horum cōsuetudinem. fallent, si admiseris.
nec anni toti viginti noscendos dabunt. ne cre-
de annis. nulli hæc pectora recludent seruata
centum clauibus. quos cū tenere te arbitrabe-
ris, elabentur; quóque strinxeris magis, elabētur
magis; & dum longo cōtubernio amicos parasse
arbitraberis, senties hostes; dum vicisse beneficiis
credes, falleris. nullis vincuntur. amicas pro be-
nefactis voces reddent: facta non reddent ami-
ca. deuota. Hyænas experieris, si propiūs accessse-
ris. venenæque iaculabūtur, vt primum cōmodi-
tatem nacti fuerint. ne fide mentitæ huic bene-
uolentiæ, nō verbis pietatem probitatēmq; spi-
rantibus. Et memēto veteris dicti: *Bonitatis ver-
ba imitari maior malitia est.* & illius: *Malus ubi se
bonum simulat, tunc est pessimus.* Nec certiūs virus
suum, quàm in incautos, mittunt hi scorpj,
quibus vnicum studium de cauda nocere, & de
postumo corporis improvidos verberare. caue.
quā vulnus figunt, virus ostendunt. In réme-
diis plurima. mihi diffidentia præsidium. vicit
qui

*Simulatori-
bus non fide-
dum.*

qui diffidit : qui nec se, nec sua credidit. qui soli Deo & virtuti innixus humanos ridet conatus, præmiûmque ab vna probitate expectat: nec dignitates alias, quàm à virtutis manu. veniunt ab illo? amplexabitur. non veniunt ab illa? repellet. eodémque vultu secunda aduersâque excipiet. eodem serenam fortunam nubilâmque : & post tempestates malaciam sperabit , post hanc illas expectabit. Ita fiet, vt nihil illum imparatum offendat , & verum in ipso sit : Præcogitari mali mollis ictus venit.

Politici fingendi.

Fugiendi dein seriò simulatores hi, quos vulgò Politicos vocamus , qui aliud ore produnt, aliud mente recondunt : ferè namque sæuiunt, & in crudelitatem abeunt , vbi imperium nacti fuerint. multa habes huius rei documenta apud Tacitum in Tiberio. agendi illius modum tradit. *Tiberio etiam in rebus quas non occuleret, seu natura. siue consuetudine, suspensa semper & obscuri verba. quantoque maiore libertatis imagine tegebantur, tanto eruptura ad insensius seruitium. & alibi: Occultum ac subdolum fingendis virtutibus, illi ingenium, instabilis senitia. postremò in scelera simul ac dedecora prorupit; postquam remoto pudore ac metu, suo tantum ingenio utebatur; motuis Augusto, Germanico, Druso. quanquam nec sic dissimulationes posuit; adeoque vix cum vita. hinc illa: iam Tiberium corpus & vires, necdum dissimulatio deserebat. Senitiam omnibus retrò sæculis inauditam agnosce. Feminae ob lacrymas incusabantur, necatâque est Fusij Gemini mater, quòd filij mortem fleuisset. nec maior illi voluptas, quàm vndantem per domos maximè clarorum sanguinem videre, & manû carnificis.*

satisque illi ad eandem erat, opibus, nobilitate,
 ingenio, rerum gestarum gloria, virtutibus ma-
 gnos esse. De Septimio Seucro Herodianus:
Quidam è maioribus natu prædicebant reliquis, ve-
sipellem hunc esse hominem, nihil non astu & arte
tractantem, simulatorem, dissimulatoremque ide-
neum. nihil pensi habuit, dum id efficeret quod usui
sibi aut emolumento crederet fore. quod seniorum iu-
dicium haud ita multo post euentus comprobavit. ad-
dit, immitem suapte natura & sanguinarium, perfidi-
osum, plenum fraudis & insidiarum. eximium
quemque è senatu. tum ut quisque in provinciis gene-
re aut opibus excelleret, omnes sine discrimine suppli-
cio afficiebat. De quo illud etià Spartianus: De su-
clementia differuit, cū crudelissimus fuerit. occidit au-
tē sine causse dictione hos nobiles. enumeratis qua-
tuor supra quadraginta. addit: Horū igitur tanto-
rū actā illustriū virorū (nam multi ex his cōsulare,
multi pratorij, omnes certè summi viri fuisse) inte-
fector. In quo hoc etiam perfidia plenum, cū
per filios quos captos Romæ detinebat, ducitus
Nigri Imperatoris persuasisset, ut Cæsaris sui
consilia proderent, postquam eorum opera abusus
est. suâque omnia ex sententia composuerat, ipsos li-
berosque necavit. Potuit aliquid sceleratius exco-
gitari? Hos verò similēsque perpetuis iactari ani-
morum tempestatibus reperies. vnde istud in
Tiberio Taciti: Si recludantur tyrannorum mētes,
posse aspici laniatus & ictus. quin ut corpora verbe-
ribus, ita sanities, libidine, malè consultis animus dila-
ceratur. quippe Tiberium non fortuna, non solitudi-
nes protegebant, quin tormenta pectoris. suâsque ipse
pænas fateretur. Nil mirum. nunquam doli secu-
ram mentem dederunt, nunquam crudelitas
 ani

animum pacatū, nunquam vtrumque sine metu & iactatione fuit. fraus & sæuitia ferocissimi ventorum sunt, quibus pacata animorum maria infano concutiuntur murmure, & modò cælo superba minantur, modò inferorum incutiunt horrorem; & tanquam pilas, sursum deorsum iaculātur, quidquid dorso suo fastidioso, infido, crudeli deuchunt. fuge quisquis securam vitam amas, & tanquam perimentia declina toxica. non potes? perfer, & animum obdura, & quidquid euenerit in colorem tuum muta, è malis bona eliciendo. non potes fortunis, honori, corpori mederi? potes animo. huius prima tibi cura sit. & cū nulla prudentia, probitate nulla, insidias effugere aut crudelitatem potes, maxime in Principe; potes fortiter occumbere. nulli doli & sæuitia imperare animo possunt. & plus laudis & gloriæ è forti morte, quàm ex ignaua vita, adulationibus emendicata. nam quod in Antonium de Cicerone Paterculus, *Famam gloriāque factorum, ac dictorum adeò non abstulisti, ut auxeris: omnis posteritas illius in te scripta mirabitur, tuum in eum factum execrabitur*; hoc de omnibus qui generosa mente fraudes crudelitatemque improborum tulerunt, dici potest. iacent inferentibus maiores, nullaque adeò re, quàm exilio aut morte pro veritate & virtute obita, nobiliores.

Neque interim rigorem illū probo Stoicū, qui nusquam, qui nunquā simulandum viro esse putat; nō si de fortunis, honore, vita agatur, priuata publicaque. Magnos certè viros prudēter simulatione vsos, omnis retrò docet Historia. simulasse Moysen in fratre & sorore; Abrahamū in

Interdum simulandum.

Luc. 24.

coniuge sororem; simulasse Dauidem stultitiam, necem Abner in Ioab, maledicta Semei; Saulé, neglectum suorum; Iacobum matris imperio, fratrem Esau, vetus tradit Historia. sed & Christus ipse *se finxit longius ire*. simulatione etiam Paullus & Petrus non semel vsi; feliciter etiam magnus Athanasius, aique sanctitate & rerum gestarum gloriâ magni.

Imprudencia est omnia effundere.

Et quis aut imperet prudenter, aut viuat hîc beatus, si quidquid occurrerit effundere cogatur, quacunque fortunatum, gloriæ aut sanguinis iacturâ? quis, cum de vniuersa republica agitur, cum de coniugum, liberorum, opum incolumitate, non putet nocitura regi posse? aut reipublicæ familiæque suæ proditor cogetur esse, si aut tyrannus, aut hostis scrutetur illa, à quibus salus illorum pendet? Iam, si quis ferrum in alium paret, prodere cogat rogatus latenté, aut extrahere è latebris iugulandum? quid, si quis patriæ hostis ea petat, à quibus regni vniuersi salus pendet, aperire sine scelere concedita mihi potero? & pius in patriam ero patriæ proditor? Idem de coniuge, liberis, parentibus, amicis dico.

Aliquando simulandum in vitiis.

Iam in emendandis suorum vitiis, quàm prudenter sæpè Superior dissimulat, & cognita pro ignoratis habet, vt mitius certiùsque medeatur, vtque beneuolentia potiùs, quàm terroribus in officio contineat? aliquando etiam commodius fructuosiusque monendi tempus expectat, vitæque non rarò exacerbatiores mentes, monitæque in pacatiores animos seruat.

Dissimulanda Superiorum vitia.

Multò etiam magis Superiorum suorum vitia errorésque inferior tanquam inobseruatos transit,

transit, & ad preces Deumque decurrit. Et, ut agrorum sterilitatem, aliâque terrarum incommoda ferimus, nec Deum aut naturam accusamus, nisi impij audire velimus; sic Superiorum ac Principum vitia toleramus. & ut in illis fecundiores annos, sic in his morum in melius mutationes vouemus & speramus.

In acceptis verò à paribus iniuriis, monent prudentes, nobilissimum victoriæ genus esse contemnere, aut tanquam non acceptas transire, aut ut indignas habere ob quas animorum pacem exuamus. Ita quo generosior equus est, hoc adlatrantium canum minas magis contemnit. feminarum, & vilissimarum è plebe animarum est, conuicia conuiciis repellere, & illum habere victorem, qui violentius conuicia iaculatus est. Ferro verò iniuriam vindicare, quid nisi belluarum est, quæ laniatu sæuiunt, cum ratione tueri se non possint? his enim pro ferro dentes, pro telo calces sunt. quanquam decentius hæ, quàm homines: domesticis enim illæ se tuentur armis, ascititiis, & extraneis, & aliunde mutatis, homines. Prudenter sanè ille, qui conuicium passus & sputa, non magis retulit, quàm si asini calces passus esset, aut præteruolantium auium sordes; laudèque retulit & admirationem, & conuiciator pro asino habitus: maiusque conuicium conuiciator è contemptu, quàm à ferro retulit. neque poterat grauius quidquam in hominem dici, quàm aut asino componi, aut infra asinum poni.

Iniurias contemnere nobilissimū victoriæ genus est.

CAPVT XIV.

De studijs & scriptione.

*Perpauci ad
scriptionem
idonei.*

*Imprudens
eloquentia
damnanda.*

*Rara mistu-
ra prudentia
& eloquen-
tia est.*

NON omnes voco. nihil stolidius. quis enim stitiam velit eruditam? quis eloquentē ful-
lonem? quis carminantem funarium? quis ver-
borum violis multicoloribus horrea lassantem?
quin adcò, perpaucos voco. brevis, qua fruimur,
ætas est, raræque studiis cognata ingenia. Iam
eloquentiæ in plerisque parum, sapientiæ minus
est. & quò mihi illa, si hac destituatur? naufraga
omnis dictio est prudentiæ velis remisque nu-
data: nec quidquam ab illa speres, quàm breuia
& scopulos. temeraria enim nuda eloquentia
est, & dum solâ audaciâ armatur, in pœnitenda
ferè ruit: seque oratorémque suum, ac non rarò
republicam, eadem ruinâ opprimit, iisdémque
fluctibus inuoluit. Sapientem ergo eloquentiam
velo. aut, si alterutra carendum, ineloquentem
prudentiam, quàm imprudentem eloquentiam
malo. Quid? quòd plurimùm, quæ virtuti ac ve-
ritati dat operam oratio, incomposita sit & sim-
plex: parcit enim verbis lenocinantibus, & fucò
oblitis, & ad gratiam compositis, & venustatem
mentientibus. cùm contrà popularis oratio nihil
propè habeat veri: mouere enim vult turbam, &
inconsultas aures impetu rapere: quare tractan-
dam non se præbet; aufert. plus proinde sonat,
quàm valeat: vt meritò omnem talem, bractea-
tam eloquentiam non vnus dixerit; quæ omne
suum studium in verborum luminibus ac stellis
ponit,

ponit, & in pompa quadam vernantium dictio-
num; tanquam siquæ mulier inuenustam se ar-
bitretur, nisi longo symmate terram verrat, plus
sordium collectura, quod se latius sparserit. at il-
la, quæ sanandis adhibetur mentibus, minus
ostentationis & tumoris, plus roboris habet:
descendere in animos vult, non velare, non fu-
care. Et quis medicinam laudet, quæ superficiem
radit? nemo peritus ægros in transitu curat: in-
cumbit malo, & radici manum admouet. Facit
idem vir prudens: qui non quâ amœnitate pro-
uocet aures, sed quæ emolumenta audientibus
adferat, tacitus secû cogitat. Atque hinc pleriq;
sapientiæ dediti, cultum omnem sermonis abie-
cerunt, & cû possent ornatius loqui, noluerûnt.
humilem proinde dictiõnem elegerunt, ne cor-
rumperent grauitatis rigorem. Et verò dissoluti
omnino pectoris est quærere in feriis volupta-
tem; & cû mederi vis animis, sonis tantûm au-
res perfundere mollioribus, non medicinâ vul-
neribus admouere. & quis prudens nõ præferat,
si potest, peritum medicum, eloquentiâ destitu-
tum, eloquenti imperito? capitur tamen mor-
talium pars maxima verborum pruritu; & dele-
ctatur etiam vinculis, non ignara vinculorum.
tantum insidiæ possunt, vt nec præmoniti qui-
dem vitemus. Quid? quodd vltro induamur illis.
tanquam si quis præscius venena bibat in volu-
ptatem, quæ scit ire in mortem. Et abducunt ferè
ludibunda verba à vero, & bono. Hinc fit, vt sine
delectu assentiamur omnibus, nec à certis falsa
discernamus; ignari iuesse incredibilibus verum,
& verisimilibus mendacium. quo fit, vt non
vni verum illud visum: *Quo imperitior sermo,*
hoc

hoc illustrior, quoniam non firmatur pompâ facundie & gratiæ, sed rectè regulâ sustinetur. Non quòd infantia semper illustris, aut vera sit imperitia: sed quòd ab inculta dictione absint plerumque doli & fraudes. Non didicit mentiri simplicitas, & sua candori veritas annexa est: credas hanc indissociabili nexu maritatam.

Neque interim damno eloquentiam. probo, & laudo. sed ex illius mente, beati, quibus concessum scribere legenda; magis, facere scribenda; beatissimi, quibus utrumque. & voto illius: ut tibi sermone pulcro vita sit pulchrior. Nam solam sermonum purpuram, quam improbi mores decolorant, quis paullo prudentior probet? Est tamè & sua dictioni laus magna, licet vita non respondeat. quam pro ingeniorum varietate variam videbis: non dico sæculi alterius, sed eiusdem ætatis. omnes verò suadeo ut legat litterarum amans. deligat deinde quem imitetur, cuius aut dictionem sequatur, aut mutuetur, ut ad unum proxime accedat: aut sanè pro ingenij sui magnitudine, propriam sibi è variis dictionem paret. nam ad unam omnes cogere, imprudentiæ maximæ est. & quis non fatuum dicat, qui omnium pedibus, capiti, corpori, calceos, pileos, vestes eadem aptet? Idem dico de ingeniis, quorum non minor, quàm corporum varietas.

*Impudentia
est omnes ad
idem dicendi
genus cogere.*

*Dictio ferè
ingenium se-
quitur.*

Iam pro ingeniorum varietate varia ferè exurgit dictio, cæsuratim succincta, profluens; substructa, laxa; tenera, fortis; mollis, seuera; brevis, ampla; flore suo delectans, plus docens quàm dicens; picta, neglecta; mellea & lepore suo recreans, aut piperatâ quadâ facundiâ mordicans; lasciuiens, mascula; musicos resonans sonos, inamœna;

inamœna; grandis, humilis; lacertosa & robore plena, elubata & eneruis; acuta, obtusior, erecta, serpens; urbana, incompta; ornata & ad speculū composita, inculta; nobis, rustica; millēque aliis modis varia. & inest tamē singulis sua venustas. Ita non tantū montes & horti delectant, sed nemora & valles, & suus etiam in neglecto ornatu decor est. & nō aliter vineta, aliter segetes, flores; & inter hos aliter lilia, rosæ, violæ delectant? aliter rosamarinus, laurus, thymus, quercus, tilia, fagus, pinus, platanus? aliter pirus, pomus, cerasus? & singulæ tamen delectant. Idem dico in dictione. & ut non omnis fert omnia tellus, ita nec omnia ingenia dictionem eandem. Cū verò multum in hac tribuam imitationi, tum naturæ plurimum. Magnus Cicero, Cæsar, Terentius. non minores Sallustius, Plautus, Plinius. Magnus Liuius. quis inferiores dicat Curtium, Tacitum? & cui ex omnibus cedat Tertullianus? elegans, grandis, acer Hieronymus: & Leoni tamen & Ambrosio laus sua est. Eadem in Græcis Oratoribus, Poëtis, Patribus reperies. Quis verò ad vnius dictionem omnium ingenia vocet? Nec minùs peccabit, qui Poëtis omnes in vnius cogat Virgilij iurare nomē. an minor in genere suo Seneca, Martialis, Horatius? Aut damnandæ Siluæ Statij, Persij & Iuuenalis Satyræ, quod à Virgilio recedant? Et quis neget in dictione soluta tantum esse varietatis, quantum in vineta? & non peccet, qui adolescentem Tragicum velit Comædum? qui in Satyram toto naturæ impetu raptatum, cogat in Elegiam? qui Lyricum vocet in Eclogas? Largiendum aliquid naturæ, quæ singulos manu sua ducit ad optata. Fatebor tamen

Natura plurimum tribuendum in dictione.

tamen teneriorem ætatem ad lenius molliusque dicendi genus ducendam. neque enim ætas illa robori adhuc nata. Ciceroni proinde assuescat, Cæsari, Terentio. inde ad grandiora iter ferit. Quid? quod ipsum Ciceronem alium videamus in Oratore,perfecto Oratore,aliū in Officiis,de Senectute & Amicitia aliū, alium in Paradoxis, in Epistolis ad familiares aliū,alium in Epistolis ad Atticum. Neque omnes naturâ Asiaticos reperiēs: Attici sunt plures, Lacones non pauci. Quod etiam in feminis & pueris, & in infima plebe reperiēs,& seruorum turba.

*Dictio rebus
accommodan-
da.*

Et certè pro rei conditione alia atque alia nõ raro dictione opus.grauia maturè, quædam seuerè,urbanè alia tractanda. in quibusdam mollibus & lenibus, saccaroque & melle conditis, lacertosus in aliis opus. nam & aliud sibi genus delectatio, aliud commiserationes & lacrymæ deposcunt,figuras alias,tropos alios,dictionemque totam aliam, non minùs quàm elocutionē, vultusque ac oculorum dispositionem. Magnus ille, qui in omnem partem vertere dictionem potest,nunc serpere,nunc montium vertices pedibus calcare:nunc per plana,nunc per præcipitia decurrere: spargere hîc rosas & violas, ibi saxa & rupes: lilia hîc legere,& camomillo inuolui aut gramine, ibi cedrorum ramis insidere, & nubes etiam vincere: suauiter alibi tanquam secundo flumine labi, decumanos alibi fluctus audaci carinâ scindere,& mare in rupes & vertices cõgere:mulcere nonnunquam, cæstibus & molaribus aliàs pugnare: amica dein basia infigere,& lacrymas osculis ficcare,eadēque manu ferire,& sanguinē haurire:molli hîc spongiâ tergere,

tergere, ibi ferro & securibus sæuire : dulcibus aliquando mederi, nouaculâ aliquando & ignibus. Paucorum hoc est, fateor. Quis enim in tam varias se vertat formas? quis in tam pugnancia cogat calamum? velle autem in omni genere eâdem dictione vti, error maximus est; nec minor, si quis, vt dixi, omnes ad eandem dictionem cogat. vt, si quis omnes pictores, aut textores esse velit; omnes eodem cibo delectari, eodem vitæ genere, exercitationibus iisdem. naturæ aliquid in singulis concedendum. quin aded, iuuanda naturæ pronitas, vt, ad quæ illa ducit, amico ad ea inuitatu protrudatur, propositis iis qui in hoc genere plurimum valuerunt.

Denique laxanda ingenijs fræna, nec vnus auctoris, licet doctissimi, angustissimo gyro naturæ impetus infringendus. Et quis prudens eundem in Sallustium, cogat in Ciceronem? eiusdem æui scriptores sunt, & discrimina tanta, quanta in nullis omnis ætatis scriptoribus. aut aded amens erit quisquam, qui Sallustium damnet? aut eâ fiduciâ sui, vt alterum alteri præferat? Quis verò currentem in Plinium seniore, in iuniorem pellat, & vim naturæ faciat? quis in Curtium, vel Tacitum properantem, in Cæsarem rapiat, & sapiens audiet? quis in Arnobium, Sidonium, Appuleium, Tertullianum proniorē, in Minutium, Gellium, Symmachum, Lactantium, reluctantem ducat: tanquam si quis in Martialē, Horatium, Iuvenalem, Persium, Senecam procliuiorem, in Ovidium, Catullum, Tibullum, Propertium, Gallum, Terentium propellat. Suade nimirum timido militiam, præfidenti metum, otium præferoci, studia ignauo, aurigæ maria,

Nō sunt ingenia vnus auctoris terminus arctanda.

O nobili

nobili stitiam, mulieri bella, mulieralia viro. & quam laudem speres, aut quid magnum ab hoc conatu, nisi ut utroque frustreris? nam & fructu illius cares, à quo abducis; & spe illius, ad quod ducis. frustra enim refugâ naturâ expectabis victura, moritura cogita & ingloria, & ante dominum sepelienda, aut cum illo. Ignorant æternitatem coacta. amica naturæ sint, quæ vitam sepulto domino spondeant, quæ largiantur, quæque aded nobiliore illum vita donent, & viuere cineres doceant.

Facta in milite dictione potiora.

In milite verò plus fortium factorum, quam eloquentiæ velim. facere militis, dicere oratoris est. Iam, si facta dictis in exemplum & imitationem potiora sunt, quis non videat facta in milite deligenda? & sanè rebus militia omnis constat, ferro, dextera, vigiliis, sudoribus, animis, sanguine dando & hauriendo, ferenda fame, siti, cōmeatum, locorum, necessariarumque rerum providentia: postrema verba sunt. nam ferè, quibus verborum plurimum, rei minimum est. fortis, parcus verborum, factorum diues: ignavus, ditissimus verborum, egentissimus rerum est. Non, quodd eloquentiam omnem abesse à duce velim. non amo in illo tamen ornatam nimis & cultam, & tanquam calamistris inustam, & crispam; quodd illa ferè virile pectus discingat, multumque secum trahat inanitatis, & vani. & muliebris ingenij: nec potest mollis dictio à virili mente & robore profluere. fontium naturam flumina testantur. sic, si quem videris oratione Mæcenatem, etiam animo cogita. inlatentium index oratio est. Fortem proinde in milite dictionem concedo, & saxa veriùs & rupes iaculantem,

lantem, quàm rosas aut violas; fulminantem tela, non spargentem lilia. veram deinde, & manu præeuntem & ferro, à qua fucus omnis absit & purpura, & quidquid vultum mentitur. Quòd si tamen robori adnexa eloquentia sit, non illa tenera, & virginem suam loquens, sed viro & prudenti digna, in qua tantum propè sententiarum, quantum verborum sit; non damno. probo. nec improbo tamè militem, qui illa destituitur, modò factorum opibus orationis pauperiem tegat.

De Poësi nihil dico. laudo, si adsit; magnum omnino eruditioni ornamentum. non damno tamen, si absit. & paucissimorum planè illa est. ad quam nos sola propè natura ducit. non quòd labor nihil possit: sed, si illa destituaris, nequidquam speres: illa si adsit, non magno molimine magna spera. Et certè vixerūt hac vna, viuētrq; æternū, non magnis voluminibus, sed verborū, rerūque ac sententiarum elegantia, pondere, acumine, Virgilius, Ovidius, Horatius, Martialis, Seneca, Iuuenalis, Persius, Catullus, Tibullus, Propertius, Gallus, Statius, Lucanus, aliisque: nec pauciores in Græcis. In qua re omni naturæ cuiusque, iam inde à prima iuventute, pronitas dispicienda: & concedenda puero libertas, ut, ubi per omnium libros inambulauerit, genus deligat in quo desudet. quinimò, ut primū naturæ illius pronitatem senserit magister, protrudendum in illud ingenium, ac propellendum etiam erit, animusque addendus laude, ignominia, præmio, æmulo sociorum cōnatu, pœna denique. Neque vllum propè litterarum genus est, quod certius cultorem suum ornet, materiāque copiosiore ad reliquarum scientiarum

Poësis laudanda.

*Dandū ali-
quid in Poësi
naturæ pro-
pensionis.*

ornatum, admirationem laudémque suggerat. Hinc enim in omni narratione, scriptione, illa mutuamur, quibus ut lucidissimis gemmis, singularum scientiarum vertices, tanquam cæli, inoculantur stellanturque. quibûsque si destituantur, mortuos, aut cæcos scientiarum orbes arbitreris, oculis nimirum suis animâque viduatos: aut, ut modestissimè dicam, cultu omni naufragos. Et ut singulis natiuum quemdam largiar decorem, Poësis tamen vna est, qua omniû gemmantur frontes. Et certè quidquid propè vbique historiarum, quidquid reconditæ eruditionis, acuminis, facetiarum & fabularum, quidquid eruditarum sententiarum, ad mores animûmque formandum, ab vnus Poësis locuplete penu hauriendum est.

*Historia cõ-
mendatio.*

De Historia dicam, an silebo? Paucissimi in hanc nati, quia pauci in prudentiam. & quia rara prudentiæ & elegantis dictionis mistio, perdifficilis Historiæ scriptio est, quæ prudentiæ plurimum deposcit; cum prima Historici virtus prudentia sit veritati innixa, altera constantia, tertia animus in neutram partem degenerans. eliminanda verò adulatio, indulgentior gentis suæ amor, odia, æmulationes, beneficiorum & iniuriarum memoria. Nescit calamus vera scribere, cuius animus mendaciis obuoluitur. & non mentiuntur amor, & odia. fuge quisquis Historiam cogitas, has omnes veri inimicas. Neque hîc simplex nudâque instituenda narratio: sed vestienda prudentibus sententiis. consilia, & consiliorum causæ, prudenter etiam iuxta ac imprudenter, temerèque ac prouidè dicta factâque aperienda. quæ dein imitanda, fugienda; quæ

*Qualis esse
debeat Histo-
ria.*

quæ laudanda, & damnanda. pericula etiam, fortuiti, fortunati, infelicis que euctus; remediaque in minùs prosperis consiliis & successibus apertenda. Dictio autem sit grauis, seria, matura, sententiis variegata prudentibus, quæ sequenda & fugienda doceant. Imitari verò, qui in Historicâ *Historica dictio qualis esse debeat.* descriptionem propendet, illud genus debebit, in quod magis natura fertur. vniuersum tamen Liuium sibi proponat, Curtium, Tacitum, Sallustium; & in his ferè vnum: aut ex omnibus nouam sibi dictionem naturæ suæ amicam fingat: decerpâtque placitum maximè à singulis, grauitatem à Liuiio, elegantiam à Curtio, prudentiam à Tacito, robur à Sallustio. nullam verò vim naturæ adhibeat, nec calamus cogat, nec refugientem aliorum imperu, ac tanquam iniectâ manu trahat. carent genio & decore suo coacta. & vbicunque vis est, venustas exulat, & quidquid lectorem delectat, animûmque illius allicit in amorem & sequelam. Sit denique dictio, quæ lectorem suspensum teneat, quæ cum placeat, non expleat, semperque nouæ aliquid expectationis ostendet; vt nusquam deposuisse calamus sentiat, nusquam finisse, nisi opere vniuerso expleto: & quod in mensis assolet magnorum, proramenta vbique interspargat nouæ famis & sitis, vt, quo altiùs lector fertur, hoc auidius ad reliqua suspiret.

O quis mihi Historiam pro dignitate, & ex vero scribar! Audita referet? quàm dubia ferè ex his narratio! quàm referta partium affectu! Visa? quàm multi cæcutiunt videntes, & vera putant, quæ amant! nam quàm pauci Principum norunt abditos recessus seruatos centum clauibus!

à quibus tamen non vltima Historiæ pars pendet. pauciores etiam vtrarumque partium consilia. Iam ipsi partium duces si scribant, quis credat illaudanda, damnanda scripturos? quis improbos animorum suorum affectus altum reconditos? quis fastum, odia, reliqua vitia? quis verò imprudentiam suam aperiat, consilia damnet? quis errores vana suspitione natos, & nimium credulos animos? Dices, fors eos, qui ab arcanis Principū sunt, multum hīc posse. fateor: sed neque hi Principum suorum omnia norunt. ab aduersarum verò partium consiliis, molitionibus, studiis absunt longissimè. Iam si gentis suæ facta scribant, quis credat non lusisse in his affectum, pessimum veri venenum? in gentis verò alienæ, quis non mille sæpè erroribus implexos arbitrabitur? paucissimi sua norunt. aliena velle nosse stoliditatis quoddam genus videtur. O qui temporis nostri legat Historicos, non rideat, & simul indignetur? vbi nunc veteres Satyri? vbi meriti calamorum dentes? & illorum quisquam Historici mereatur nomen? quantæ mixtæ veris fabulæ! nec sua sciuerē, nec aliena. quid? quoddam tam dense in suis, quàm mentiantur in alienis. quos non Historicos, sed perpetuos rerum suarum laudatores reperies, tam plenos adulationum quàm verborum, tam cōfertis mendaciis quàm sententiis: & cū aliena damnant omnia, sua probant omnia: & quocunque capillo trahunt in id, quod volunt, non quod fuit. Alij tam minutis dictis, factis, amoribus, odiis, adeoque & cogitatis, Historiam implent, vt nec Historicos, nec morum scriptores, nec laudatores, nec accusatores, sed mistum quoddam genus, Æsopi

gracu

graculum, enasci videas. & dici tamen, & haberi volunt Historici. Quid agas cum hac impudenti sæculi nostri scabie? in omnium oculis tam aperte mentiri quemquam? Ego sanè veriora mihi à Plauti, Terentij, Senecæ Tragici, quàm ab illorum calamis spondere possum. vt non semel in illis Appuleij Asinum legere me arbitrarer. Et nescio, qui propiores vero sint. Vbi ætatis nostræ verecundia? cænatum iuisse credo ad Æthiopas. & non semel cæpi dubitare, an non assiduâ mentiendi licentiâ eò venissent, vt nec si vellēt vera dicere possent; & fortuitò vera dicerent, si quando dicerent, præmeditatò falsas: eoque mentiendi consuetudine venisse, vt falsa pro veris haberēt, & haberi ab omnibus vellēt. Et omnium propè linguis lubuit scribere, vt omnium linguis liceret mentiri. O quis mihi Deus scriptores hos omnes, cum trabalibus voluminibus suis, immergat mari rubro Ægyptiaco sepulchro! Scio quædam in veteribus desiderata nimis orbi nori Historici Latini, Græci. verùm si hos cum nostris componas, etiam dum mentiuntur, laudes illos, damnes nostros. ita verecūdior illos affectus, & nescio quæ spes, aut metus quasi reluctantes aliorum traxit: nostri pro no calamo, cælo terrisque reluctantibus, in aperta continuo propè orationis filo, procurrunt mendacia: vt laudem ex his videantur venari. Sed & extra omnes omnino Historiæ leges vagantur; omnium aut ignari, aut insita animis improbitate, spontanei præuaricatores; bis scelsti, mente & calamo; bis naufragi, veritatis & probitatis; bis impij, in Deum & patriam; bis impudentes, ore & manu, idque tam coæuis,

quàm posteris. Verùm quid mireris nullis Histo-
riæ legibus teneri, cùm nullo pudore teneantur?
Sed difficilis omninò Historica scriptio est. non
nego: neque enim vllam puto maioribus vndi-
que difficultatibus, tanquam perpetuis spinis,
aut peracutis rupium crustis, implexam. & tamē
ad hanc etiam proxenetæ, vilissimum hominum
genus, illoto decurrunt ore, calamo, manibus.
Quid facient viri magni? scribent? & res sui tem-
poris scribent, viuentibus etiamnum Regibus,
aut Regum filiis? At cuius calamo hoc robur,
si vera scribenda sint, & exulare adulatio debeat?
Scribent in ipso regno, aut extra illud? in ipso?
Stephani expectent exitum, aut Paulli. extra il-
lud? miserum, vt vera scribas, exilium deligen-
dum esse. hoc nimirum, sudorum & prudentiæ
in magno viro præmium. Mediâ incedes viâ?
vtrunque damnaberis. Amplecteris alteram? gra-
uius incumbet aduersa, & vulnera sua sanguine
medebitur tuo. Vera narrabis in neutram par-
tem pronior? ô quis hunc virum dabit! quan-
quam & vera dixisse auctori non semel exitio
fuerit, falsa dixisse præmio. Nobilitatis ducum-
que errores deteges? ante Historiam moriēdum
tibi erit, ne quater cogaris mori, opibus, calum-
niis, ferro, calamo. Nemo ergo scribet? scribet.
sed quem ætas, & longa rerum experientia, &
pertractatæ res manibus, & oculis lustratæ do-
cuerunt, qui nec dāna timeat, nec honores, opes,
gratiam à calamo speret; & quem nullus affectus
in transuersum rapiat, nullæque secures à vero
deducant, cùm omnibus sit minis & ferro ma-
ior: vt cui cum Socrate, Thræsea, aliisque, pro ve-
ro mori etiam iucundum. Da mihi hunc virum
supra

supra speciem metumque positum, prudentem, fortem, doctum; & audebo in scriptione inhortari etiam in scriptorum vulgationem, cum capulo iam propior quam vitæ, non veritus fuerit in herede damnari, ut veritati sua stet integritas, sua laus, sua fortibus, piis, prudentibus in posteris præmia; sua imbellibus, impiis, imprudentibus damnatio.

De Mathesi, Philosophia, Medicina, Iurisprudentia, Theologia, reliquisque scientiis, taceo. sequatur quisque naturam ducem, vnam tamen deligat ex omnibus, in quam totus incumbat: nam ex omnibus præmia sperare frustra ad labores, neque enim aut vita hæc tam breuib. circumscripta, aut ingenij nostri arctitudo tam latè se spargit, ut ingentem singulorum latitudinem complectamur, tam angusto tam magna. Addo, sparsim per multa euntem, carpere aliquid ex singulis fors posse non pœnitendum; omnia vniuersim amplecti, non est humanarum virium. Quisquis proinde magna sperare debet, magnâque prudenter audet, vni alicui scientiarum se totum tradat, & quidquid vbique habet virium profundat vni, è qua non morituram gloriam in posteros transmittat. Et experienciâ rerum magistrâ docemur, in vno ferè tantum genere sudasse, quicunque æternâ natura dederunt. adeò ut Poëtarum vix vllus in vario carminum genere magna dederit. degenerarunt ab elegantia, qui aliud amplexi genus quàm ad quod nati. & verò non nisi in vno aliquo genere singuli laudem tulerunt. Sed neque magna à singulis volumina habemus; quasi in paruis plus luxurietur gloria, denseturque fortius in pusillo honor corpore, quàm in

Delectus in scientiis esse debet.

Laus ferè scriptoribus in vno genere stetit.

latè diffuso. Quanta gloria Iuuenalis & Persij
est! quanta Horatij, Martialis, Senecæ, reliquo-
rúmque veterum Poëtarum! mole tamen sua
nulla propè sunt; vt, quod olim Poëta,

Maior in exiguo regnabat corpore virtus,
in scriptione videamus. Et illi ipsi, qui latissimè
se profuderunt, in non magno ferè volumine
gloriam retulerunt. Magnus Augustinus; sed in
libellis de Ciuitate Dei se ipso maior. magnus
Tertullianus, & nescio an non vnus in omnibus
magnus; in Pallio tamen & Apologetico & se
vicit, & omnes. Origenes magnus; sed in paucis
quibusdam victor stetit. Idem de Hieronymo,
Ambrosio, Nazianzeno, Basilio, Chrysostomo
dico. quasi negatum esset in magnis magnū esse,
aut nefas in multis magnū esse. Eadem in omni
videbis rerum genere. In militia quanti duces?
& tamen ab vna ferè aut altera pugna honos
venit. Alexandro Darius Magni nomen dedit;
in reliquis plus ferè felicitati, quàm prudentiæ
debet. Scipionem Hannibal nobilitauit, Hanni-
balem Cannæ & Trasimenus lacus, Lucillum
& Pompeium Mithridates, Cimbri & Teuto-
nes Marium, Syllam Marius, Cæsarem Belgæ;
nam Pharsalici & Iberici campi fortunam ma-
gis Cæsaris loquuntur. Camillum Brennus,
Æmilium Paullum Perseus, Syracusæ Marcellū,
Themistoclem Salaminia naualis pugna, Leu-
ctrica victoria Pelopidam & Epaminondā, Per-
sicum nauale prælium Cimonem, Marathoniam
pugna Miltiadem. ita plerisque ab vna aut altera
victoria nomen magnum. Idem in artibus repe-
ries, in pictoribus, sculptoribus ære marmoreve
nobilitatis, ac in reliquis propè omnibus. in vno
singu

singuli genere illustres. plura qui attigerunt, tenebre ferè è singulis nomen retulere; nec aliud. Eadem in omnium sæculorum scriptoribus reperies. Vni proinde insudabit, quicumque victurum aliquando nomen sperabit.

Sed neque leuiter, quodcunque genus sibi *Incubendum serio uni rei, à qua laudē speres.* proposuerit, extremisq; aut digitis, aut calamis saltatim tanget. totum se dabit, si parandum nomen est. audiat Philosophum, & imitetur: *Nullus mihi per otium dies exit, partem noctium studiis vendico. non vaco somno, sed succumbo, & oculos vigiliâ fatigatos cadentesq; in opere detineo.* Dignus labor viro eruditionem, litterasq; & posteritatem amanti. Et certè nulla res alia longiorem vitam possessori suo dabit, non opes, non purpura, non sceptras, non bella. Nam quàm paucos opulentos, sæculum non alterum, sed suum nouit! & non cum vita purpura ponitur? quis hanc annalem faciat post mortem? aut quæ memoria huius, vbi posueris? Et non sceptras cum corpore integuntur terræ, vt fuisse nescias? quantorum Regum nec nota terris nomina? è millibus vix vnum alterumve ex historia cruas, vt dicere possimus fuisse, nec aliud: & de perpauis, imperasse. reliquorum non magis nota nomina, quàm vnæ quibus integuntur. & quod discrimen inter Regum cinerem, & vilissimæ plebis? De bello claris quid dicam? quàm paucos fama extulit, aut doctior calamus? & è tot bellatorum millibus quanti viuunt? intuerè quâ patet Oriēs, quâ Occidens, & bella iam inde à nato cælo. quis annus, & quæ regna, suorum exterorumque non natarunt sanguine? Ex his omnium sæculorum,

Longissima vita à scriptione venit.

*Æternitas
quandā scri-
ptio præbet.*

seculorum, ætatum, gentium victis victoribusque, quàm pauci viuunt ! imò, quàm pauci victores non funestarunt tandem triumphos infelici suo sanguine, exilio, vinculis, veneno, securibus, ferro suo ! Intuere primos orbe toto, Alexandrum Macedonem, Pyrrhum, Hannibalem, Pompeium, Cæsarem, Marium, Scipiones, Themistoclem, Epaminondam, Miltiadem, ut non tangam reliquos. & intuere exitum. non quantum gloriæ, infelicitatis tantum ? Et quis non eruditorum scriptorum memoriâ viuit æternâ ? non vnus in paucis pagellis Minutius Felix, vnus in paucis versibus Iuuenalis, in paucioribus etiam Persius, sapius in ore & doctorum calamis, quàm mille per regna sparsi exercituum ductores ? ut plus proinde meritò à litteris sperare quisque debeat & possit, quàm ex illustribus triumphis. Accedit, incruentam doctorum gloriam esse, & in alta pace, hilaritudine magna, omnium ore laudatam, omnium votis optatam : cum bellatorum cruenta ferè gloria, è turbido parta, mutuo sanguine empta, ingentibus curis circumfessa, æmulantium odiis grauida, inuidientium criminationibus insepulta, plus damnationis plurimùm referat quàm laudis, infortunato ferè fine signanda. Docemur hoc vernaculis omnium gentium historiis. Tranquillitas proinde è studiis, quàm ex vlla re alia certior, pax altior, pacatior animus, gloria maior. Videtur hoc sensisse Heluidius Priscus, de quo illud Stoici : *Ingenium illustre altioribus studiis dedit, non, ut plerique, ut nomine magnifico segne otium velaret, sed quò firmior aduersus fortuita rempublicam capefferet : doctores sapientiæ secutus, qui sola*
bona,

*Tranquillitas
è studiis spe-
randa.*

bona, quæ honesta; mala tantum, quæ turpia, potentiam, nobilitatem, ceteraque extra animum, neque bonis, neque malis adnumerant. factus hinc opum *Magnos animos studia peperere.* contemptor pernix, constans adversus metus, adeoque inter inter minas & tormēta infractus. Litte-

ræ hunc talem dederunt. Idē in Socrate, Solone, Lycurgo, Thrasea, Seneca reperies. cuius ad rem nostram illud: *Mihi certius videtur, ingenij quàm virium opibus gloriam querere. & , quoniam vita, quæ fruimur, brevis est, memoriam nostræ quàm maxime longam efficere.* Nulla res longiorem litteris dabit, ut etiam audeat illud: *Vnus dies hominis eruditi plus patet, quàm imperiti longissima ætas.*

cum litterarum vnius non rarò dici monumenta latius se in posteritatem diffundant, quàm multorum Regum purpurata canities. Iam, si variarum scientiarum auctores cultoresque intueamur, quanti post tot sæcula etiam nūc viuunt! cum, ut antè dixi, primorum orbe Imperatorum Regumque ignorata nunc nomina, & æterno obliuionis sepulcro recondita. Habes in Litteris Poësi, Historia, Philosophia, Medicina, Iuris-

prudencia, Theologia, ingentia nomina: Varro-
nem, Ciceronem, Plinium utrumque; Teretium,
Plautum, Senecam, Virgilium, Ovidium, Catul-
lum, Tibullum, Propertium, Statium, Lucanum,
Martialem, Horatium, Iuvenalem, Persium; Sal-
lustium, Tacitum, Curtium, Liuium; Socratem,
Senecam Stoicum, Platonem, Aristotelem; Hip-
pocratem, Galenum, Auicennam, Auerroëem; Iu-
stinianeos Codices; Patres Græcos & Latinos,
Tertullianum, Cyprianum, Arnobium, Augusti-
num, Clementem Alexandrinum, Origenem,
Nazianzenum, Chrysostomum, Basilium, Hila-

rium,

*Sola propè
littera poste-
ritatem no-
runt.*

rium, Hieronymum, Gregorium, Dionysium
 Areopagitam, Sidonium Apollinarem, Tho-
 mam, Scotum, Bonaventuram, alióſque omnium
 propè gentium ac ordinum innumeros, orbe
 toto clariffimos: vt taceam Oratores, Poëtas,
 Historicos Græcos, Latinis non inferiores. quo-
 rum nomina, omnium calamis oréque laudata,
 memoriâ viuent æternâ, denſiſſimo quaquà Re-
 gibus ſilentio obuolutis. è quibus nemo nunc
 viueret, niſi ſcientiarum lumen acceſſiſſet: iace-
 rent inſepulti cineribus, denſâ ſæculorum nocte
 oppreſſi. vitam litteræ dederunt, & ab altiſſima
 obliuionum morte vendicarunt.

*Scriptioni
 materia de-
 ligenda, ad
 quam natu-
 râ ducimur.*

*In aduerſa-
 ria referen-
 dum, quid-
 quid in quo-
 cunque ge-
 nero elegans
 in ſcriptori-
 bus.*

Quod verò ad ſcriptionis materiam attinet,
 hoc dico. ſinguli amicam naturæ ſuæ deligant, ſi
 victura cogitant. nam ſi vis adſit, & alienior ani-
 mus, nihil magni ſperes, amor magna dabit: qui
 & laborem mitigat, & aſpera leuigat, & dura
 mollit, & amara dulcorat, & ardua planat, &
 quidquid propè inacceſſum homini, & ingenti
 pendulóque præcipitio horridum, ad humilem
 deducit arenam, & calcandum præbet, manibúſ-
 que calamoque legendum. Proderit verò pluri-
 mum, quidquid quiſque à prima adoleſcentia
 ſcriptione & memoria dignum legerit, in ad-
 uerſaria vt redigat; eâque maximè, quæ genio
 ſuo, & cogitatæ aliquando ſcriptioni cōmodiſ-
 ſima. quidquid in primis virtutes vitiâque tan-
 git, quidquid nouum, reconditum, veteris erudi-
 tionis, hiftoriarum, quidquid admirationem lau-
 démque meretur; damnanda etiâ; denique quid-
 quid calamo in quacunque re dignum: vt ſingu-
 la ad ſua referat capita, è quibus pro meditata
 ſcriptione, nullo poſtea negotio profutura mu-
 tuetur.

tuetur. Facillima scriptio est, cui labor ille viam strauit. In quam rem necessum erit, quidquid vbique veteris monetæ doctum, seria lectione percurrere, Poëtas, Oratores, Historicos varios, Græcos iuxta ac Latinos; nec vllum indiscussum transire: nec res tantum in indicem referre, sed & sententias, & si quid in epithetis elegans & proprium, si quid in figuris vrbani & grande, si quod pondus in sensibus, si quæ metaphoræ nobiliores, verba denique singula illustriora. Ita cum maxima è magnis capita defrustrauerit, transerre in calamus chartamque, tanquam horrea sua, poterit, quidquid à varia eruditionum area collegerit, vt aliorum opibus, non magno molimine, domum suam locupletet, felix labore non suo, diuesque audiat ærario alieno, omniumque retrò sæculorum fortunis fortunas augeat suas.

De fructu, & sperata è scriptionibus opinione, quid dicam? incerta hæc. nec tamen idcirco animus deponendus; firmandus magis, & generoso ausu ad magna accendendus. nihil sperare potest ignauus calamus. audacia sæpè pro eruditione est; & voluisse etiam, in magnis magnum est. Respondet optatis euentus? benè est. Non responderet? conatus semper in laude fuit: neque tam tenuis scriptio, quæ non aliquam referat laudem. Non placet omnibus? ne Deus quidem. Displicet multis? factum maximis viris. Placet paucis? maximum laboris speique suæ fructum retulit, si vel vni prudenti doctoque placuit: satis enim magnum theatrum doctus docto, prudens prudenti est. Non placet patriæ? placebit exteris, & latius nomen diffundet.

Non

Animus scriptoribus additus.

Conatus in omni scriptore laudatus.

Non placet suis? placebit alienis: & mirari discent, quos domestici negligunt. Non placet ætati suæ? placebit secururæ. Patitur obrectatores? nullum magnum factum sine criminatione fuit: mutud innectuntur virtus & æmulatio, eruditio & obrectatio. ne metue. crescunt laudanda aduersis: & clarior scriptio est, quæ æmulum patitur. Inuidia virtutis sol est. iaceret hæc sine illa densâ obtenebrata nocte: in lucem illa æmulam protrudit. Non viuerent quorundam scripta, si inuida manus & lingua defuissent. vitam inuidia dedit. Aliorum etiam non viueret, si persecutor non fuisset. fuit, vixerunt. Quid? quod ab ignibus non vni vita, & à tortoris manu. nemo legisset, ni tortor accessisset. desiderium carnifex prouocauit: sitim etiam & famem. Iam, quoties persecutor gladius sæuiit, non vitâ vixerunt meliore? Non deponat ergo scriptor animum, neque abiiciat metu. Quid, si nulli placeat? placeat sibi. vel hoc solo beatus, quod horas bonas expleuerit benè. fors malè expleturus, si scriptio defuisset. Et sanè hac vnâ plurimorum scelerum occasionem præcisam negare nemo potest. hac enim vnâ, vitiis depulsis, virtutes succrescere sciunt omnes. Displiceat ergo licet liber, sat digna labori merces, vt virtus sibi, sic scriptio auctori suo est: vt vel solâ otij, quod criminum propè omnium mater esse conlueuit, fuga sat ampliter scriptorem suum remuneretur.

CAPVT XV.

De vestitu: qualis esse debeat?

RE s parua ; & tamen indicium de hac magna , vt index animi vestis sit. hinc illud Clementis : *Amictus indicat qualis sit morum nostrorum constitutio.* ita de moribus habitus pronuntiat , & dominum suum vestis prodit. De molli veste Chrysostomus more suo fortiter: *Mollis vestis dissoluit rigidam animam, & si frigidum corpus assumat & asperum facit per eiusmodi molliem , delicatum reddit & fragile.* Confirmat hoc Tertullianus in Magno Alexandro: *Vicerat Medicamentem, & victus est Medica veste.* triumphalem cataphractem amolius, in captiva sarabara decessit : pectus squamarum signaculis disculptum, textu pellucido tegendo nudavit , anhelum adhuc ab opere belli, & vt mollius ventilante serico extinxit. Generosè, & validè; Tertulliano nimirum calamo. Ridet idem Achillem, dum stolam fundere, comam struere, cutem fingere, speculum consulere, collum demulcere, aurem foratu effeminare, atque in his omnibus ancillare libidini discit: Herculem etiâ positâ leoninâ pelle, Omphalem in the ristro mentientem , post euigoratas, mollitas & exodoratas scapulas, & pectinem etiam in leonina ceruicè passum. Tantos viros, & humani nominis robora , molli & feminea ludi veste ! Nec multum ab his cadit magnus Samson orbis miraculum. Quò ruimus? à tam inualido primi cadūt. Non homo nudus & inuestis

P figulo

figulo suo stetit ? non à dilecto vestis folia , & exinde pellis ? quis nos docuit tunicas pangere , & ferere ? quis piscari vestitum ? quis conchas comere ? quis animatas stamine aluo bombyces necare ? quis herbarum succis & concharū alueis incoquere lanas ? exciderat nimirum Deo, purpureas & coccineas oues condere. quò non libido nos traxit ? etiā post scruposa auriū vulnera, caliblypharum vellerūque tincturas docet , patriamque capillo vertere , acum etiam crinibus distinguendis, puluerem dentibus eliminandis, & bisulcum aliquid ferri vel æris vnguibus repastinandis. Nescio dein quid ficti nitoris, coactique ruboris genis & labris admoveatur : & quidē in viris. quā vellē æterna lege mutare cogerentur sexum, quotquot placendi studium per vestium quarunt decorem, quotquot de gemmarum peregrinitate mulierum stuporem ædificare conātur ! inde ignes, & non casta fulmina. O nimis dignos feminā viros ! nec vno colore contenti, mille in vno corpore ludunt , toties mutandi quoties mouentur. Quem credas animum in tanta varietate ? vnum, an plures ? Sanè cū ab animorum imperio hæc proueniant , necessum illos non paucioribus votis, quā vestes variegatas coloribus. In tanta verò varietate quæ constantia ?

*Crinū vni-
vni ornatus.*

Intuere capillum. quis credat in vno capite tot manus inerrare, tot ludere ? quis ab vna tonsoris dextra tam variè effigiari ? hic in verticem capillum reiicit, ille in frontem ; iste in aures, in tempora alius ; circumtonsum ille ostentat caput , assurgit in cristam alius ; protenduntur in humeros, non vni crines, vnāque interdum auris vni

vni integitur, caluescit altera, vtraque nonnunquam obducitur; post aurem deinde coguntur capilli; & in non paucis ante aures ludunt ventorum materies. sed & nihil propè in quibusdam capillorum, ita ad cutem rasi, vt nouaculam passos arbitrere, nisi quòd in fronte cristatos videas, reliqua capitis detonsi.

Numidas hîc videbis, veteres Sicambros, Germanos, Gallos, Afros, Dacos, Scythas, Longobardos, Gothos, Wandalos, Alanos, Parthos, Persas barba. non & Macedonas, Maurusios, Thraces, Hunnos, Abaros, Arabes, & quidquid vllo sæculo è gente in barba lusit barbarum, quidquid vbiq; stetit cultum? nam & plus nunc in barba, quàm in capillis luditur, forcipe, nouacula, pectine, speculo, calamistris, manibus, balneis, odoratis vnguentis. Huic labrum superius siluescit, huic hortescit & colitur. illi sub naribus ludunt capilli, erecti, vtrisque protensi, remissi, crispî, neglecti, in se reflexi & retorti, substernunturque naribus tanquam prata rorem sitientia, inde os & labra integunt; quasi non satis sit semel bibisse, bibitur à barba. Prominet hæc aliis, vel in latum sparsa, vel in acumen coacta, vel in orbem tonsa; bifurcata aliis, aliis vt in ligonem acta. ad cutem non paucis derafa, vt radant etià quidquid vbiq; in vultu capillorum est. credas nolle videri viros; ita inueste illis mentû, inuestes genæ, & feminâ dignæ. Nónnullis in solo superiore labro, aliis in mento etià tenues rarique ludunt capilli, vt ætatem mentiantur. Prolixior aliis barba in pectus fluit. nescio an non rota in barbâ delapsa prudentia sit; adèd augustè spargitur. Et veneratione aliquam fatebor promittere

Barba cultura.

barbam, veterum Urbis Senatorum exemplo. luxuriantes has barbarum segetes, messibus maturas & nouaculis meritò dixeris, nisi falcibus magis egere putes aut securibus, in tam densa silua & segete. Nulla dein dies abit aliis sine forcipe, speculo, pectine. quem etiam circumferunt nonnulli, ut si quid minùs compositum, aut à via deflexerit, docto reducant pectine. Miramur mulieres in crinali acu; magis viros in barbali pectine. nam & frequentius hi inerrant barbæ, quàm illæ vertici. adeò ut vix momentū quibusdam liberum à barba; defatigatur hæc manibus, delassatque manus. O nimis eruditos digitos! quot modis ludunt in re modica! mille si videas barbas, mille videas formas. ô nimium doctos figuli-barbos! & plura iam discrimina barbarum à forcipe, nouacula, manibus, quàm frontis & oris sunt. Vide dein impexos & intonsos, & veterem Chironem fingentes, aut illutibarbum Marfyam. quibus omne propè cum Samfone robur in crine & barba, terror omnis, minæ omnes, veneratio omnis, prudentia denique omnis. nam mente omnes hi plerumque destituuntur. Nec contenti gentem suam imitari, per omnium eunt gentium barbas, ut in vna nunc gentes videas omnes. Barbatum ô nimis sæculum! quàm vereor, ne tota sæculi nostri sapientia defluat in barbas, ingenium omne, mens tota. Neque ego desiderari hinc quidquā posse video, quàm ut crinali muliebri puluere, virorum niuescant aut cinerescant barbæ, aut à veteri Roma vossellam mutuemur: quanquam nec ille, nec hæc desit in non paucis. Felices barbas tot modis studiis que cultas! beati, si tantum veneratio

tionis, temporis, sudorúmque in Deum conferramus, quantum in has barbas. O vbi in Christiano nomine Christiana facta? qui tot frictiones, pectiones, protrusiones, crispationes, flexiones, figurationes videat, non arbitretur totam horum Christianorú salutem in barba esse? Misera salus, quæ non vltra barbam protenditur! infortunata fatuáque prudentia, quam sola barba nutrit, sola nouit, vt meritò è Satyra aliquis exclamet: O nimis barbata prudentiam, nimis prudentem barbationem! nimis tenuibus circumscriptam terminis prudentiam, vnâ barbâ arctatam! quàm metuo, ne, si quis pectinem & forcipes admoueat, prudentes capras videat, prudentes inueniat.

Intuere dein capitis integumentum. quàm colore varium & formâ largum, repandum; acutum, retusum; villosum, scabrum; leue, densum; tenue, molle, rigidum; limbis latè se spargentibus, recisis, mediis. inde quàm neglecto fune, quàm nullo, quàm diuite stringitur! integræ vrbes rarò ab vno fune pendent.

Capitis integumentum varium.

Iam quibus colla cinguntur laciniis! quàm variè ars in vna ceruice ludit! ô nimis doctæ acus libidini ancillantes! quantum vna circumfert ceruix! tegendo non rarò puero satis reperies, si explices. nunc arctantur, ac tanquam in contemptum artis implicantur, ac quasi nautæ opes inspeliantur. quàm variè dein exsurgunt, quàm variè iacent, quàm flectuntur in orbem scitè, quàm neglectim aliquando deuoluuntur, & in pectus cadunt, aut in humeros, aut magnam capitis partem tegunt, & subtrahunt oculis! nunc colli nuda protrudunt; nunc integram cerui-

cem nudant, humeros etiam & pectus prospiciendum tradunt. quasi non sat ignium frons, oculi, vultus iaculetur; petenda noua à ceruice, humeris, pectore fulmina & flammæ.

Vestis varia.

Vestes verò reliquæ nescio an tegant, sæpè ne pudorem quidem. discingunt thoracem, validè firmant; vbera ostentant, ventrem deprimunt, protrudunt, demittunt infra vmbilicum; vix pectus claudunt, ac nunc in orbem, nunc in acutum finiunt. claudunt vndique, secant vndique, quo validiùs ventum excludant, hauriant, & emittant; frigus arceant, admittant; calorem emittant, hauriant. quanta manicarum deinde discrimina! laxæ, strictæ, arcuatæ, in manum proiectæ, in brachium, tot nodis sæpè fulgentibus, vt mutuo se fatigent; tot etiam liciis astrictæ, tot reflexis retortisque, & in se recurrentibus superstructis, vt quasi ad indignationem inuicem incumbentia videas, credas quærere quî prodigant.

*Caligarium
Varietas.*

Iam caligas si intuearis, videbis nunc infra genua pendulas, nunc supra astrictas; nunc vix coxendicè regentes, nunc implentes; non rarè autè fluidas, & ad inuidiâ materiæ contuberatas, quæ corpori vniuerso tegendo sufficiant, vt totam braccatam Galliam in vnas migrasse caligas Iuuenalis aliquis dicere non vereatur. nunc adedò tenaciter affixas, vt pudorem omnem prostituant, nunc verò in summo protuberantes, nunc pari vtriusque laxitate, nunc etiam in innumera propè segmina dissectas, diuite vbique substratâ materiâ tanquam per fenestras spectatorem sui in admirationem prouocante. in orbem deinde actas videbis, tot vndique in circuitum
limbis

limbis pendulis varia arte intextis, vt dubitare possis perdere opes artifices voluerint, an contemptum illarum ostentare, an onerare. tot verò etiam nodatas non infrequenter nodis, vt nodum vnum caligas credas, mutuò se interimentibus, totque gyronum flexibus reflexibúsque; inuicem se secãribus, ac quasi fugientibus, vt horum labyrinthos migrasse in caligas credas; quin & mutuis superstructuris, tanquam si gemma gemmæ incumbat, se tam densè prementes, vt in mutuum interitum inædificatas arbitreris. Taceo aurum, quo tam fatuè sæpè onerantur ac integuntur, vt insepultas auro meritò dixeris. Querimus nimirum, non quo inuoluamur, sed quo opes proiciamus. vsque deò fortunâs perdere magnum est.

Substruuntur deinde tibialia tam variè, vt nullus calamus sufficiat. Videbis ad tibiae coacta, alibi neglectim pendula, tanquam in contemptum decoris; laxique adedò ambitus, vt non tibiam vnam, sed totum Caligulam induant; bina, ternaque etiam mutuò integencia, colorumque varietate de venustate pugnantia. Substringuntur denique illa tam variè, tam nouè, vt quæ dixi nulla sint ad hæc discrimina, tot ludentibus inter se nodis; nunc prementibus, nunc ultra etiam medias tibiae pendulis, vt alas credas in volatû pedibus adnexas, aut admota molliora calcaria, aut amica ventis vela longè latèque sparsa; idque tam densè sæpè, vt non vnam, sed vtramque tibiam vincant; nec rarò tanto studio neglecta, vt aut incurios arbitreris, aut fatuos, aut in risum & cachinnum facta.

Tibialia varia.

Quid dicam de calceis? ô quales! corhurnos

Calceorum varietas.

vincunt scenicos. eriguntur in posteriore parte, & tenui orbiculo terram calcant. ita pudet pigetque integro calcare pede. vngue vix toto nõ raro calcant: & assurgit cuique calcaneus pro voto mentiendæ staturæ. ita se lubet & alios fallere. Variè deinde secantur, quo faciliùs aquã hauriant, effundant haustam. displicent nimirum integri, & quo citiùs terantur, secare placet. fastidio integritas est, & ad novos parantur. Mirum si non gemmas cum Poppæa calcamus: nam argentum vile nunc feminarum calceis est, aurum expectamus. Auritos deinde vbi calceos videris, nihil vides, nisi innectantur aures mendaci rosa, quæ quo latiùs se diffundit, hoc gratior est.

*Crepida,
ocrea, calca-
ria in orna-
tum.*

Accedunt crepidæ medios nunc pedes tegentes, calceos medios. nefas sit toros integere. iuuat à maioribus discedere, qui integros tegebant. Quid? quòd ocreatos habeas, & calcaribus armatos etiam in curribus & nauibus, & dum plateatim inambulant; nec equos cogitant, nisi lapides illis maria, & rhedæ pro equis sint, vt calcaribus agantur. Iam etiam crepidas suas ocreæ repperunt, sed & caligulas in nitorem & ostentationem.

*Vestis peccati
pœna.*

O viueret Persius, quàm luderet in hos trosculos! ô vani! quousque teneris miseras mentes? quamdiu hæc fatua? tegendo vestis est, frigori pellendo. nos gloriæ & libidini vestimur. inuestes Paradiso viximus. vestiuit peccatum: quid extollitur pœnâ laut quousque in honorem pœna? Induendi ramen sumus, sed castè, sed iniuriis pellendis. At quò mihi vestis nihil celatura? quæ non dico vllum corpori auxilium, sed nullum pudori

pudori est? quò depexa arboribus vellera, mundatis aquarum aspergine foliis, in publicū vsum seueritatis damno admissum, ex quo ostentantur potius corpora, quàm vestiantur? quæ primò feminis, nunc etiam viris, persuasit luxuriæ libido? quò tenera lanugo liquoris adminiculo depexa, iniuriis propullandis? quò tot modis variegata, vt nulla auis tot ludat coloribus, quot vnus corporis vestis vna? quò tot in vno corpore spoliolum, quæ & æmulationem & odia prouocet? aut quæ gloria est plus de peccati pœna circumferre? Benè D. Thomas: *Qui gloriatur de veste, similis est glorianti de cauteriis: quia per peccatum Adæ vsus vestium introductus est.* Cauteria pellēdis morbis, vestis pudori tegendo. ignorabat hanc innocentia, docuit peccatum. nam & nuditatem illa nesciebat, & vestem illi tegendæ repertam. Monet verò Sapiens: *In vestitu ne gloriaris vnquam, nec in die honoris tui extollaris, quoniam mirabilia opera Altissimi.* Et quid magis factuum, quàm in veste gloriari? quis laudandū putet equum à diuite sella? quis asinū à frænis aureis? quis vitē à purpureis vinculis? Idem in homine cogita: nam quid corpori, quid animo largiatur vestes? vires, decore, mvaletudinē bonam? acuiuntne ingenium? maturant iudiciū? firman memoriam? inserunt virtutes, eruditionem, industriam, prudentiam? aut qui demum donant animo? minor sub paupere quàm sub diuite veste est, sanctior, benignior, fortior? aut maior animus in gemma, auro, purpura, quàm in sago & tenui lacerna est? Aut sapientiam largiuntur vestes, mentem castam, piā in Deum, in patriam, parentes; infractam in aduersis, moderatam in

*Fatua vestium
gloriatio.*

Eccli. 11.

prosperis; in tristibus lætam, in lætis temperatam; in iniuriis patientem, remissam in vindicta, in beneficiis gratam? Quod si nec corpori quidquā, nec animo vestis donet, quid stultius, quā illa gloriari, qua plures fatui, imbelles, timidi, ignavi, & sceleribus omnibus immerſi, quā prudentes, validi, generosi ac probi induuntur? ornatus ille extra hominē suum est; non tangit mentem, non ornat: sed & extra corpus suum est. Quod si decus omne suum à veste mutuetur, nullo domestico diues; miserum & infortunatū est, alieno non suo laudandum, tanquam si quis alienis se iactet opibus, viribus, eruditione.

*Vana vestium
gloriatio de-
lictō non ca-
ret.*

Quid? quod vana hæc vestium cultura non absit à delicto. Gregorij verba sunt: *Nemo exstimet in luxu atque studio pretiosarum vestium peccatum non esse. quia si hoc culpa non esset, nullo modo Ioannem Dominus de vestimenti sui asperitate laudasset.* multò verò minùs de vestium splendore diuitem damnasset. non sequitur innocentiam damnatio. aliquid necessum mali sit, quod à Domino damnatur; cuius iudicia falli non possunt, non magis quā fallere & mentiri. & depurpura tamen, & bysso, & de splendoribus epulis diues damnatur. Ego si damna-rem, quanti in hunc calamum insurgerent purpurati! damnat Dominus, non ego. & tamen, nisi nos purpura vestiatur, aut pretiosior purpurā vestis, negligi nos arbitramur; & inglorios vivere. Quā pugnant inter se humana & diuina iudicia! &, cū de æternitate agitur, quem sequemur præeuntem, monentem, minitantem; præmiantem? aut mendaciora diuina sunt iudicia, sponſiones, præmia? ditiora & certiora humana?

mana? Audiamus in te tota Cyprianum: Ornamentorum & vestium insigna, & lenocinia fucorum, non nisi prostitutis & impudicis feminis congruunt. Quod ille de feminis, ego magis etiam de viris, quibus minus in his omnibus licentiæ, periculum non minus, non inferiora damna.

Et ut æterna seponam, quid sperat ille omnium propè gentium veste ornatus? aut quid præter earum vitia, sibi ab illa promittit? Prudentiæ opinionem? moderata vestis prudentiam spondet: illa mille modis variegata, variegatum ingenium & varium, nec ulli certò affixum. Sperat constantiæ famam? non in tanto colorum rerumque lusu, ludibundum denunciat ingenium? & quid solidi firmique speres ab hac mente, quæ stare nescit in vna veste? mutabit nimirum cum veste mentem, ut quot vestium genera, tot illi animorum sint: nec magis in reliquis illa stabit, quàm in veste. Sperat fortitudinis nomen? imbellis & mollis animi signum mollior vestis est. non solent mollibus vestiri fortes, ne lenibus delectantur. fortia sint necessum, quæ delectent fortes. in arduis, difficilibus, duris, asperis, aduersis sedem sibi fortitudo, per quæ cresceret, posuit. Nemo roboratur mollibus. nec miles è puluillo & lecto generosior surrexit. ex arboris truncò, ex suffossa rupe, è saxo puluinari, è spissatis pro tecto ramalibus, è frondibus pro cælatis laquearibus, è nuda deniq; humo validior exsurgit miles, qui victorias promittat & regna. Sperat fors è vestiù elegantia & nitore, còpositæ & magnæ mètis opinionem? fallitur. nemo è capsula & speculo prodeuntibus, nemo nitidis & lucetibus, quibus omnis festuca & puluis grauis est & molestus,

Agentiū variarū veste, serè vitia sumuntur.

Mollis vestis nō dabit fortes viros.

Maxima ingenia ferè vestē negligūt.

molestus, ingenij magni laudem adscribet. aliquid semper in veste neglectus ingenia magna ostendunt, tenuia tenuibus occupantur, magna magnis. Et feminam suam nimius nitor redolet, nimiaque illa in veste religiositas ingenij quamdam maciem arguit. neq; enim descendunt ad tā leuia, magna delectatio à paribus venit. magnæ magnorum cogitationes sunt, exiguæ paruorū. Sed & vilis cuiusdam animi est, multas horas vilibus his dare, & magnam mentem, vno minorē Deo, tam leuib; detinere. Nihil de viro occupationes illæ habent, de femina plurimum, cuius ferè prudentia omnis in veste est. Vbi ergo videris in nitore supra mediocritatem curiosum, & quasi ad fastidium elegantem, totum ingenium in veste cogita. habitat illud in curioso illo nitore totum, minimum in capite est. effudit nimirum omnem sapientiā in vestem. alibi ne quære.

Vestium sordes damnanda, nisi in poenam ultro sumpta à virgine.

Non quòd sordes amem. ignauorum hæ sunt. & ferè ab animorum sordibus, nimia hæ vestium sordes. non sunt ingenuæ mentis, seruilis animi sunt. nec sunt erecti pectoris, sunt abiecti. nisi fors qui se ad has abiiciat, vt offenso Numini faciat satis; vt prodaetæ per scelera saluti reformetur inlotus, sordulentus, in asperitudine facicum Ezechia, in cineris horrore cum Dauide, in castigatione victus cum Daniele. Nam quis in coccino & Tyrio pro delictis supplices tendat manus? in sacco & cinere incubare, corpus sordibus obscurare, animum mœroribus deiicere, magnorum exemplis docemur; vt quæ peccauit anima, ieiuniis, lacrymis, suspiriis poenas eluat sæculi alterius. ita Niniue peccatū inedia diluit, & exitium auertit: Ahab etiam post necem

Nabu

Nabuthæ, in ieiunio & sacco minas & læsuram abduxit à diebus suis : & magnus ille Rex, dum potum fletu, panē cinere miscet, post ieiunia & humicubationes, audiri meruit. At nulla mihi mentio de voluntariis his corporis castigationibus, & spontaneis in delictorū expiationem sordibus, quibus nobilissimos Eremitas cultores ad summa conscendisse sanctitatis fastigia accepimus. de veste mihi sermo, qua singuli vulgò utimur: in qua moderatio semper & modestia laudata, ac infra etiam genus aut maiorum nomina, vestiū pompa. moderati enim animi, serij, sedati, compositi, prouidi signa è modesto ac modico cultu elicimus. solet enim ille hominem suum loqui. ita ferè, quo quisque maior, prudentior, maturior, hoc in veste modestior est. Laudatus in hac re Augustus, de quo illud Suetonij: *Nunquā thoro cubuisse. nisi humili, & modicè strato: veste non alia, quàm domestica usus est, ab uxore sorore, filia, neptibusque confecta.* De Epaminonda illud proditum: *Vnica veste contentus. si quando vetustate collapsam resarcire opus foret, domi clausum se tenebat.* De Lyfandro verò, submissam sibi à Dionysio Siculo pretiosam vestem, non admisisse. De Seuero Spartianus: *Tam exiguis vestibus usus est, ut vix tunica eius aliquid purpure haberet, cum hirta chlamyde humeros velaret.* De Taciro Vopiscus, *Togis & tunicis iisdem est usus quibus priuatus.* & quod magis mireris in Imperatore, uxorem gemmis uti non est passus. Magnum, sustulisse in uxore muliebris gloriæ instrumenta, quæ feminarū stuporem inædificare consueuerunt. viderat in non vnius Imperatricis vertice saltus & insulas ludētes, ab alterius auribus integrū imperatoriū kalen

kalendarium dependisse, in digitis etiam & pedibus prouincias & regna integra inerrasse. damnauit in vxore hæc prodiga regnorum dispendia, libidinumque incitamenta, quæ de propinquo luxuriæ curant negotium, obstrepunt pudicitia disciplinis, castimoniam prostituunt. nam dum tenera ceruix, frons, capilli, aures per gemmas ignes iaculantur, incalescunt animi, mutuisque concidunt vulneribus. Et quæ non mulier mutuo hoc formæ & gemmarum lenocinio periclitari doceat viros? quæ verò non periclitetur, cum tot fulminibus, quot virorum percutitur oculis? Sustulit pericula, & vxoria hæc naufragia Imperator, cum gemmarum omnem ornatum vetuit. magis etiam sibi inornatam placituram, quia soli, quam ornatam, quia multis. putabatque non esse prudentis viri, ea vxori concedere quæ alienos prouocarēt oculos. sat ignium inornatam circumferre. Stultum esse ab aliis nouos mutuari, ni prostituere vltro cum geminis vxorem voles, aut tanquam suspensam hederam venalitiam castimoniam proderet. Addit ad superiora Vopiscus: *Holofericam vestem viris omnibus interdixit.* idemque de Aureliano: *Vestem holofericam neque ipse in vestiario suo habuit, neque alteri utendam dedit.*

*A vestibus
venerationem
venatur, qui
à virtute non
possunt.*

Scio non defuisse Principes Regesque, qui regna propè vestibus circumferrent. Deerat illis, quo suorum in se venerationem excitarent; deerant virtutes, quæ admirationem elicerent; deerant facta fortia, quæ laudem prouocarent; deerat prudentia, qua in amore raperent; deerat potentia, qua timerentur. à vestium magnifico splendore, ab auro & geminis mutare hæc
volue

voluerunt, & illarum luce ac opibus, suorum aliorumque animos admirabundos & venerabundos tenere. ita ferè imbellia fortiùs armamus, inuenusta augustiùs ornamus, insipida densiùs dulcoramus. at quæ decorem ex se habent, frustra ab aliis mutuuntur, nequidquam sapida dulcorem ab aliis, fortia vires ab aliis, domestico decore, dulcore, viribus contenta. Signum proinde pusilli est, & internis ornamentis destituti, è vestium vario ornatu cultum & obsequia sperare. & nescio quid barbarum sonet. Romani sanè veteres, & à quibus omnis illi vrbi gloria, modestissimè induebantur. tenuit hic modus in Augustum vsque. inde vestium luxus, & in illo Reipublicæ illius magnæ ruina. Nazianzenus in hac re benè: *Nos molibus & circumfluentibus vestibus, pannisque ex tenuissimo lino & serico contextis deliciamur, in quibus ineptimus potiùs, quàm splendorem nobis conciliamus.* In omnem ætatem & sæculum dixit. propiùs etiam in nostram, in qua nullus opulentiae modus, nulla dignitatum à veste discrimina, nulla annorum.

Nec contenti quidam vestium apparatus, *Vestiu odoramenta addunt, ab vltimis terrarum delata.* de quibus illud Chrysostomi: *Corporis fragrantia arguit intus latere animum graueolentem & immundum.* & illud Hieronymi: *Odoris suauitas, & diuersa thymiamata, & amomum, & muscus, & peregrini muris pellicula, quòd dissolutis & amatoribus conueniant, nemo nisi dissolutus negat.* Ego sanè peregrinorum horum odoramentorum causam nullam reperio, nisi pædorum & sordiù. Hinc, quibus anima grauis, aut purulentum corpus, aut feminea contagio, pro medicamento odor est,

*ramēta mol-
lis animi
gna.*

est, & eo potentior, quo malum grauius, quò maiore mendacio ægritudinem tegant. ne fide, quin magis suspectas has habe odoratas alieni corporis exuias. meture etiam, ne quid allabatur malignitatis. Vt enim ferè venena sub electibilibus propinantur, ita sub odoratis noxia afflantur. Nec in solis minis stat hoc malum, effunditur in aliù, & de vicinitate pericula creat & damna, nulla sæpè arte reparanda.

CAPVT XVI.

Quis modus in secundis: quis in aduersis tenendus?

SECVNDÆ res atrocioribus longè stimulis, quàm aduersæ explorant: miseras enim toleramus, felicitate corrumpimur. quot enim magnos cetera exercituum ductores, cùm victoriis orbem lustrassent, secunda insolescere docuerunt! Vt non vereatur prorumpere in hæc Stoicus: *Magnum exemplum Mæcenæ Romanæ eloquentiæ daturus, nisi eum enervasset felicitas, imò castrasset.* Vt ausim dicere, illum, qui prosperis fractus non est, non frangendum aduersis. ita facilius indurescimus in arduis: secunda rectum auferunt. licaues & pisces spe aliqua oblectante decipimus, mentimur pabulum & fraudem. Facit idem fortuna: mûnera ostentat, insidiæ sunt. vt benè monuerit, qui dixit: *Quisquis nostrum tutam agere vitam volet, quàm plurimum potest viscata fortunæ beneficia deuictet. in quibus*
hoc

Non est fidendum secundis.

hoc miserrimum fallimur: habere putamus, habemus. & in præcipitia deducimur, imò per illa. Ne fide, adeoque suspecta habe hæc. nouacula sub hac spongia latet, vincula sub hoc reti. Quanti è summa felicitate, è purpura & sceptro, ad vltima miseriarum deuenerint, ignorare non possumus. Vbi proinde videris votà fortunā superare, aduersa cogita; cùm indiuiduo ferè hæc nexu iuncta sunt; animùmque secundis obsessum, aduersantibus para. Neque longa plurimùm mora, cū felicitatis ferè vestigiis hostilia insistant: vt in perpetuo esse metu debeat nimia felicitas. Non securus ergo hac fruetur, cui obuenerit: sed timide pertractabit; nec aliter, quàm electibiles cibos veneno temperatos. occurret vetus illud: *Timeo Danaos, & dona ferentes*: magis etiam fortunæ vicissitudines & ludos in opibus, vita, sanguine. Fontem narrant, qui ter in die statis auctibus diminutionibùsque magno fidentium damno mutatur. ac minùs fidendū fortunæ, quæ non certis dimensisque momentis deprimitur, & extollitur; subtrahitur, & ostentatur; sed nullo propè momento pedem stabili loco figit. Hic spargit honores, opes, gratiam; ibi excutit. è quibus quædam inter diripientium manus pereunt, quædā infida societate diuiduntur, alia non sine sanguine parantur, quædam etiam possessore carent. Hinc illud Stoici: *Prudentissimus quisque cùm primum induci videt munuscula, à theatro fugit: scit magno parua constare*. Quid aliud hic mūdus, quàm magnū quoddam theatrum, in cuius proscenio fortuna actores inducit; Reges, Principes, diuites, nobiles, seruos, ignobiles, pauperes, & genus omne hominum: reducit eadē, quæ

*Timide per
prospera cū-
dum.*

Q de

deduxit cortinam fortuna, & ad primam conditionem redeunt omnes, ad primum parentem Deum, nulla prærogatiua theatralis diadematis & purpuræ, nullo præiudicio sagi & pastoralis peræ. Lulit in hanc rem Petronius:

Grex agit in scena mimum, Pater ille vocatur,

Filius hic, nomen diuitis ille tenet.

Max ubi ridendas inclusit pagina partes,

Vera redit facies, dissimulata perit.

Quid faciet ergo vir fortis in tam dubiis? initia eorum omnium, non exitum spectabit. illa in potestate nostra sunt: de euentu ferè fortuna iudicat, in illis prudentia & cautione opus, & consilio maturo: euentus non raro à fortuitis pendet, quæ nullâ prudentiâ præcaueri possunt: ut non nisi stolidum sit, de prudentia ab euentu iudicium ferre. neque ideo minùs sapiens est, quod euentus initiis minùs respondeant; minùs felix esse potest, cum felicitas plus ferè imprudentiæ, quàm prudentiæ famuletur.

Neutri fortuna se credit vir fortis.

Neutri verò fortunæ se submittet vir fortis, utrâque maior, utrâque valentior; ut utramque in partem suam deducat, in colorem suum vertat, cum beatæ ac miseræ vitæ vnusquisque sibi causa sit. Intrepidus proinde ac imperturbatus inter utrâque stabit, nec attolli se ab illis permittet, nec deprimi, asperis blandisque iuxta inuictus. Si arriserit illa, memor erit minarum, & sollicitus missilia expectabit: si in sinum quasi dormienti dona effuderit, excipiet cum tremore, & discet pari facilitate sinum effundere, qua expandere. scit enim solutam legibus fortunam, humanis imperare. Arbusta frugifera, seges cana, temulenta vindemia, fortuito imbri cæduntur,

gran

grandine corrumpuntur. Et non in tempestates, hibernis maiores, agitur æstiva tranquillitas? & non sine hoste sæpè patimur hostilia, & cladis causas, si aliæ deficiant, nimia sibi felicitas inuenit? Iam, quoties nox vna, hora vna interfuit inter urbem maximam, & nullam; audeo dicere, inter validissimum regnum, & nullum? ut longam moram dederit, qui diem dedit medium inter sceptrum & aliena gēna, purpuram & securim. hora vna mutationi huic suffecit. inter Seianum & vncum quantum interfuit? Eisset fors aliquid solatij in tanta fortunæ volubilitate, si ea celeritate repararentur perdita, qua perduntur: nunc incrementa lentè exeunt, properatur in damnum. & fors ferenda lentitudo, si sperari meliora possent; nunc ferè damna æterna sunt: quæ si præuideas, consiliis auertas. at tam volubili orbe circumagimur, ut deliberationi plerumque locus nullus sit.

Firmabis verò inter hæc animum, si in plenum fortunam cogitaueris, si quidquid villo sæculo aliis, euenire posse tibi cogitaueris: si ad omnem illius ictum pectus armaueris: si nautarum more, quo maior malacia, hoc te maior veturæ tempestatis cura tenuerit: si quo plus illa te extulerit, hoc te depresseris magis: quòque ad maiora & supra reliquos euexerit, hoc te infra reliquos demiseris. Venerantur alij in te magnitudinem, & clarum terris nomen? tu tanto submissius te habe, quanto illi te efferunt magis. Laudant? damnare crede. nemo prudēs in os laudat. Dānant? tu etiā magis. Quòque plus tibi blādata fortuna fuerit, hoc plus aliis indulge. amicitias ac beneuolentias illorum vltro venare, ac

*In prosperis
aduersa co-
gitanda.*

*Quomodo se
habere de-
beat in secū-
dis vir pru-
dens.*

vbicunque potes beneficiis tibi obstrictos tene: & cum maximè deuinxeris, non agnosce. Mentionem illi iniiciunt? tu surda aure transi, aut magnitudinem deprime, maioraque beneficiis merita illorum extolle; maiora etiam sponde, si qua maior fortuna accesserit. His qui te generis claritate superant, dignitatibus tamen & opibus inferiores, dignius latus tribue. non permittent? conare. conatus in laude erit. & plus verborum factorumque oblatâ prærogatiuâ, quàm cuiuscunque magnitudinis ostentatione consequeris. Quod si eò honores creuerint & opes, vt cum primis certare possis, primorum, qui latè genus spargunt, te tuosque affinitatibus robora, nec opes illorum metire, sed genus.

*Beneuolus
sit in omni-
bus.*

In omnes deinde, etiam ex infima plebe, beneuolentiam effunde, vt & domus & aures tuæ pateant omnibus. quod si auxilia deposcant, largire, si potes, si merita respondeant; sin minùs, benignè dimitte. doce, quid sperare debeant, quid possint. operamque in primis dabis, vt, si qua tibi vxor, si qua soboles, veteris fortunæ memores, nullis se genere maioribus anteferant: oblatumque dignius latus excutiant: etiam inferioribus potiora largiantur: beneuolentiâ verò nulli concedant, vincant omnes: varios etiam è plebe obstrictos teneant; eos in primis, quos lingua & manu promptosprehenderint. parandi nimirum in omnem fortunam amici, qui & plus audeant, & possint, & quos nullus metus aut verecundia terreat.

*Neminem
offendas.
Offensam
dissimulet.*

Omne deinde studium in eo sit, ne quem offendas. Offendit te aliquis? ne fatere, & beneficium etiam, si potes, repende: si non potes, vulnus

nus tege. intercurrent commiseratores, qui aut conditionem, aut innocentiam tuam defleant, hostium conatus damnent; tu innocentiam tuam testare, neminem damna. reice, si qua iniuria accepta, in iudiciorum diuersitatem, rerumq; ignorantie. Prolixè deinde ostende, non credere te, venisse ab hac aut illa manu vulnus, reice deinde in prouidentiam diuinam, peccatorum tuorum pœnam, virtutis exercitationem, meriti augmentum. ac inter humana, pro solatio habe, secunda ex aduersis, vt ex aduersis secunda nasci. Occultat vtrorumque semina Deus; & plerumque bonorum malorumque causæ sub diuersa specie latent. Meliora proinde tibi promitte. Non attingis cogitatione meliora? cogita quàm multa non expectata venerint: quàm multa expectata fefellerint. Quis credidisset, lapidibus destinatam Susannam eripi potuisse; quis Petrū carceribus; quis Babylonis ignibus fratres? At fors deteriora euenient: fors non euenient: fortè etiam meliora. interim dum peiora non sentis, meliora propone. Quot orbe toto naufragiis suis superfueret quot iudici, tortori, victori quoties post inopiam diuitiæ affluerunt, post morbos valetudo, post mœrores gaudia, post dolores solatia, post amara dulcia, post vniuersum nauseantis fortunæ vomitum, læta & sceptris proxima! Spe ergo meliorum animum pasce. Abscissa spes omnis periturorum est? non erit æternorum. ad hanc ianua patet, & strata cuiunque via est. cui soli si intenderis animum, pulsari hîc poteris, vinci non poteris. & quod de monocerote, *Interimi potest, capi non potest*, dictum de viro forti puta. Obrui & insepeliri ad-

*Æternorum
cogitatione
animus ar-
mandus.
Viri fortis cõ-
ditio in ad-
uersis.*

uerfis, tanquam montibus, potest; stabit tamen animo interritus, corpore fatifcente; & licet succiderint genua, inens stabit; & in ipsa expressione, cum de oppanso corporis erumpit in aperam suam lucem, adhuc pendula de hospitio suo, audebit prouocare fortunam. Nihil dico de carne immortalitatis illius serua, quam scio fortunæ imperio subiacere. At viri fortis animus solo Deo minor, ridebit fatuam donorum fortunæ erogationem, & vnguem ostentabit minanti. sentiet, non nego: sed sciet, se parua tolerare, cum recordatus fuerit, quid biberit in cruce qui inuitat ad cælum, & futuræ immortalitatis se spe solabitur. Vulnere fors referet corpore, sanguinem sparget: prior Christus tulit, prior sparsit. animus tamen vulnere nesciet, nesciet sanguinem: imò gloriæ suæ primam partem in vulnere ponet & sanguine, memor veteris dicti:

Namque in corpore fortium virorum

Laus est amplior. amplior cicatrix.

Magis etiam memor Christi sui, cuius summa laus & gloria à vulnere & sanguine est. memor etiam illius: *Maximum remedium est interioris hominis. si in hac arca mundi variis passionum flagellis triuaretur exterior.*

CAPVT XVII.

Quis modus tenendus in detractioibus, & accepta iniuria?

*A detractio-
ribus nemo
liber.*

NEMO hac caruit. Cato sanè princeps Porciae gentis, Senator optimus, optimus impera

imperator, orator optimus, quater & quadragies
causam dixit, diuersis odiorum simultatibus appe-
titus, semper absolutus. Scipio Carthagine &
Africa sua maior, vix in calumnia stetit, & dolo
verius delusit, quam virtute. Camillum exulem ni-
vidisset Roma, periisset. Parua hæc sunt. Quis in-
ter Christianos magnorum, non retulit vulnera
ab hoc morfu? quis non venena ab hac vipera? &
Christus ipse non audit *Samaritanus, Demonium
habes, vini potator, populi seductor*? Et quis vlllo sæ-
culo non proximus aliquando stetit huic igni?
quem non ambussit hæc flamma? quæ subiti ferè
fulminis more validissimum opprimit, ceteris
metum incurrit, parèmq; passo tristitiam facit,
pati potuisse, & posse. Et imitatur detractio ful-
men, quod improuidum & imparatum antè pe-
rimit, quam periculum denunciât; quodque fir-
missima ferè imperit, vilissima & humi serpen-
tia negligit; quod non contentum vulnere, ipsa
emedullat ossa; & quidquid erat sanguinis boni,
improbo æstu suo decoquit. cùmque in bonos
omnes magnosque detractio feratur, tū in opti-
mos quosque sæuit magis, crescente cum magni-
tudine veneno. vt propè signum viri sit aut ma-
gni, aut ad magna nati, pati detrahentiū linguas.
Nam cùm detractio ferè ab æmulatione proficif-
catur, solæque magnitudo, aut parva, aut sperata,
æmulationis materia sit; fit, vt in magnos exsur-
gant hæ linguæ, ac non nisi in tales venena iacu-
lentur. magnitudinē enim alienā famamque, cū
dedecus suum æmulus existimet, exsurgit in ad-
uersarium: quem si improuida densaque lin-
guæ grandine, tanquam saxeo imbri, obruere
antè non potest quam periculum senserit; fle-

*Detractio fe-
rè in optimos
incurrit.*

xuosa calumniarum fraude circumretit, aut scorpionū more, cum vultu luserit, de postumo corporis verberat; eo acrius, quo incautiùs, ut vulnus simul & virus, quā figit, effundat, quod properat in viscera. vnde fit, ut inexpectato vulnere, maximi sæpè animi sanguis antè gelascat, & generosi cellorum pectorum spiritus torpescant, quā prouideri malo, aut vllā prudētiā occurrī possit. Narrant Historici, Arabicas paludes pennatorum anguium mittere examina, quorū tam certū virus sit, ut morsum antè mors quā dolor sequatur. Idem frequenter in detractionibus vsu venit. antè insepulti iacent his malis multi, quā timere didicerint. Narrat Solinus Indicas balenas vltra nauium antennas se extollere, haustōsque fluctus ita eructare, ut nimboſa colluuie plerumque pacatissimè nauigantium alucos insperatò deprimant. Eadem in detractoribus habes, qui ferè in fortunatissimos vectores insurgunt, & improba oris ac calamorū alluuiē, in medio felicissimi cursus, alia omnia cogitātes desorbent. Quid agas in tam subitis? antè animus armandus. nihil inopinatum accidit cogitāti omnia euenire posse. parabit ergo pectus: & prudentis gubernatoris exemplo, quo maior malacia, hoc inuigilabit magis. sic enim ille non timebit *præcipitem Africum decertantem Aquilonibus*, non *rabie* Noti: antè nimirum prospexit. Imitabitur vir sapiens: & frequenti meditatione firmabit animum, & dicet, æmulam magnorum detractionem esse: quo fiet, ut, cum nihil inexpectatum eueniat, nihil de firmæ mentis statione excutiat. præcogitati enim mali, mollis sensus est, nullus erit, si amauerit etiā malum, & tanquam

*Quomodo se
armare in
detractionē
debeat vir
fortis.*

quam bene-merendi materiam expectauerit,
 & exosculatus fuerit hanc messem cælo inue-
 hendam. hanc vindemiam Dominicis cellis in-
 ferendam. Exuatur dignitatibus; nō exuetur Deo.
 Exulet patria: non exulabit cælo. Spolietur opi-
 bus: non expoliabitur æternis. Excidat Princi-
 pum gratia: non excidet Dei. Obiicietur hosti-
 bus: inueniet protectorem Deum. Damnabitur?
 absoluetur Deo iudice. Contemptus iacebit? ex-
 surget cælo. In ignauo otio vitam trahet? bea-
 tum otium Deo dicatum. Odio laborabit? ne-
 sciunt odia cæli, amare sciunt. Conuiciis prosci-
 detur? laudes manebunt cælo. Inter plebeios nu-
 merabitur? Principes sunt quotquot cælis clau-
 duntur. Ingloriam vitam ducet? nulla talis cælo
 est. Seruire cogetur? famulatus est Christus; &
 beatus ille, qui Deo suo ancillatur. Verbera per-
 feret? ex hoc semine fæcunda cælo arbor na-
 scitur. Sanguinem profundet? nulla certior cæli
 clauis Christiano sanguine. Flammis addicetur?
 maior cælestis est; extinguet maior minorem.
 Subiicietur tormentis? nil sentit corpus in ner-
 uo, cum animus in cælo est. Infami morte mise-
 ram vitam signabit? non moritur, qui cælo uiuit.
 Qui animum ergo antè parauerit, videritque
 nullum virum bonum inuulneratum à detracto-
 ribus fuisse, optabit magis cum bonis crimina-
 tionibus sordidari, quàm cum improbis falsis
 laudibus honestari: eligetque cum Christo suo
 audire, *Demonium habes*; quàm cum Herode, *Dei*
vocēs, & non hominis.

Contemne dein hæc linguarum calamorū-
 que vulnera, & vinces. nullum illæ lædunt; nisi
 volentem. Et quid verba, quia calami possunt

*Per contem-
 ptum victo-
 ria à detra-
 ctione sperā-
 da.*

Q. s. ani

animo Deo & sibi innixo? quod grando tectis, quod fluctus rupibus, hoc calumnia potest, cum in virum inciderit. time: vulnus dabit. fuge: liuorem exspecta. deprecare: calcabit. calumniam calumnia pelle: quid sordibus sordes eluis? insidias insidiis lude: metum fateberis. In solo contemptu certavi victoria est. nullius proinde tam improba & effera in calumniando nequitia sit, ut vel minimo motu digna sit, cum omnis calumnia foetulentæ similis cloacæ sit, quæ quo plus mota, plus foetida est. Vis vincere, hostem frangere, triumphum de inimico agere? contemne. vis illum mæroribus exedi? ride. vis indignationibus lancinari? nec verbo dignare. vis supplicem? beneficiis cumula.

*Decoratur
detractioni-
bus vir for-
tis.*

Sed quis non exacerbescat, cum viderit virtutum nitorem criminationibus sordidari? falleris. decoratur. Intus omnis illi decor est, licet exterior homo linguarum sordibus maculetur. At durum est, tot pungentibus linguis, tanquam hamis, optimos quosque inuncari. erras. nemo capitur, nisi qui vltro se induit vinculis. Graue est, viros magnos, luce dignissimos, densam linguarum nebulam obductos, cum tenebris colluctari. quinimò, delationibus in lucem & diem proferuntur, qui insepulti noctibus iacebant. Miserum est, ad eam infelicem esse humanam conditionem, ut delatorum classis secundo undique vento fluctibus impauida feratur, ac in varios scopulos optimos quosque deferat. fuit hoc aliquando, sub non vno Principe. at nullus scopulus viro bono saxum est. mollescit omne saxum amanti Deum, & gratus illi locus omnis est, in quo fruitur Deo, nec solitudo vlla est, quam vestit

&

& ornat Deus. cælum denique illi pro saxo & rupe est. horrorem loci, innocentia, & mens sibi conscia recti, & Deus, qui hunc militem suum tali sacramento consignauit, mitigat. Ingeminent linguæ plagas. eloquia illi Dei super mella & fauos, inde robur & medicamenta haurit. Minus intentant? at lacte & melle promissio Dei manat. hac innocentia fruitur. Mortem accersunt? si pro innocua mente, beatus; magis si pro Deo suo, Christo suo. vulnera enim & mortem, corona & gloria tegunt. Iam, cum sciamus capillorum etiam nostrorum apud Deum regeſtum eſſe numerum, nec sine emolumento caſuros in terram, repromittente eodem, quid veremur? Aut arbitramur calumniam sine Numine fieri? adducit Deus agonis nostri præſes, artes & disciplinas ſuas in medium, in hoc ſæculi ſpatium, in ſpectaculum hominibus & Angelis; carnemque & animam probat de constantia & tolerantia, vt det huic palmam, illi honorem.

Et quid queri potes de calumnia, cum maiora te cælo maneant præmia? quid de iniuria, quam centuplâ æternâ ſceneratione compenſat Deus? aut ſi renuntias luctu, num renuntiare vis præmio? nam quæ hæc iuſtitia eſſet, quæ verecundia, præmia ſperare, laborem repellere? Non à primordio innocentia patitur? Volue hiſtorias. vide carceres, vincula, flagella, ſaxa, ſecures, ignes, cruces. vide deinde victoribus repromitti, nunc arborem vitæ, & mortis veniam ſecundæ, nunc latens manna cum calculo candido, nunc ferreæ virgæ poteſtatem, ſtellæ matutinæ claritatem, nunc albam veſtiri, nec deleri de libro vitæ, & columnam fieri in Dei templo, & Ieruſalem

*Sperata cælo
præmia cal-
umniam mi-
tigant.*

falem cælesti inscribi, & residere denique cum Domino in throno illius. Quibus putas hæc promittit? non illorum victoriæ, quorum pugna? illorum præmia, quorum sudores, sanguis, vulnera, liuores? hinc illud: *Si dedecoramini in nomine Christi, beati.* Quo nomine exultantes videmus Apostolos, qui scirent mercedem plurimam repositam esse in cælo. In nos quoque, ut in hereditarios discipulos, Apostolici seminis frutices, eadem cadent præmia, si autecesserit labor. pares enim præmiis, qui laboribus sunt. Quid hîc times? ascensum hunc arduum & imperium antè, complanauit vestigiis suis Dominus. sequere ducem miles. Tot puellorum puellarumque millia calcarunt hanc semitam: tu vir non poteris? etiam signarunt sanguine. Et quid magnum est nunc sanguine litare? prior litauit Christus. turpe militi non sequi ducem. Nec tamen ad sanguinem nunc pro uoco: mollior detractio pugna est, quæ vix supremam cutem ferit. ac ne ferit quidem, si contempseris. sin altè in animum demiseris, non calumnia, sed vulnus est. Illud etiam cogita, plus gloriæ tibi accedere & admirationis, etiam apud sæculum, si in plenum contempseris, quàm damni ex calumnia. Neque vlla re magis testatam facies innocentiam, quàm contemptu & neglectu. Ut dictum verè sit: *Spreta exolescunt: si irascere, agnita videntur.* & alibi: *Conuicio non respondere, conuicium est.* Nec conuicium vllum maius est, quàm neglectu indignum ostendere cui respondeatur.

*Arcendi à
contubernio
detractores,*

Arcè tamen à te, & à contubernio tuo, detractio-
nibus assuetos: & quos in hac palæstra exer-
cita

citatos repereris, familiaritate exclude. faciant hoc omnes, & deerunt detractores: postquam enim desierint qui audiant, qui desistant non erunt. Obstrue ergo aures detractoribus, & incipient benè loqui qui detrahebant. Nam cum malè loqui non permittantur, nec frænare linguam valeant, benè loqui discent: aut, ut quàm minimum, obstructo aditu, quiescent. Hoc verò magis etiam arcendū; quòd nulli minùs quàm audienti parcent. semel enim per calumniarum vicia, tanquam oleo macerati, quærunt in quem virus euomant, homines ad obloquendū prompti, ad seditiones in quamcunque partem parati, ad functiones præferendi, in conuiciis seminandis felices, in alendis simultatibus, odiis, æmulationibus constantes, quibus honesta inhonesta, proba improba, pro eodem sunt. Omnium verò maximè, quòd detractio plerumque non vnum, sed plures feriat, cum vnius dedecus vniuersam familiam deuenustet. & quo quis sanguine, familia, necessitudine, amicitia vicinior est, eo plus de flamma concipit. quòd si in virum Religiosæ alicuius familiæ inciderit, totam amburit. inest enim hæc vis malis moribus, ut multitudinis innocentiam vnius deuenustet crimen: cum è diuerso multorum probitas vnius detergere flagitium non valeat. ea nimirum in humanis vitiorum, non virtutum, communicatio est.

CAPVT

CAPVT XVIII.

Quid faciendum in adulationibus?

*Nunquam
credendum
adulatori.*

NIHIL credendum in os laudanti, nisi vt hostem credas hunc laudatorē. hostilia enim sunt, præsentem laudare, damnare absentem: coram dicta factaque probare; improbare, vbi absis. tanquam si quis alterâ manu sudorem detergat, alterâ vulnus imprimat; alterâ demulceat, venenet alterâ. Hæc scimus, & patimur interim adultores, & quidquid in nos adulatio sine pudore congerit, tanquam debitum pendimus; optimos nos, sapientissimos, eruditissimos, maximos affirmantibus assentimur, cum sciamus mentiri. nec modicâ laude contenti, maiorem venamur. non faceremus, si ex nobis nascentibus contenti, conscientia nos nostrâ tutaremur. nunc cum domestica desint, in honorem plerosque nostrum mentientes, auidissime excipimus: non ambiremus aliena, nisi decessent nostra. Certè nihil minùs conuenire, quàm blanditium turbam, animis ad magna properantibus, nemo nõ videt: cum illa magnitudinis quodam odio, generosiores conatus magis retrahat, quàm protrudat. Prudenter in hac re ad Piso- nem Galba: *Irrumpet adulatio, blanditie, pessimum* *verì affectus venenum sua cuique utilitas.* & ego, & tu simplicissimè inter nos hodie loquimur, ceteri lubentius cum fortuna nostra, quàm nobiscum. Nam suadere Principi quod oporteat, multi laboris, assentatio circa Principem quomodocunque sine affectu peragi

*Pessimū verì
affectus ve-
nenum adu-
latio.*

peragitur. Vera nimis vbi Principatum adeptus fueris, comes coronæ adulatio subintrabit. aderunt passim, quibus omnia Principum, honesta atque inhonesta, proba ac improba laudare mos est; aderunt, qui fallacibus blanditiis, osculis, amplexibus odia velare didicerunt. quin ad eò, qui in illam diem innoxia fuerunt bonitatis, simulare discent, mentiri, fallere, adulatoria humilitate captare, mente aliud velle, vultu aliud polliceri, cum his moribus viam sibi ad magna sterni viderint. cū enim candore verborum, factorumque simplicitate nihil sibi reliquum senserint, conuertentur ad insidias, vt, quod virtuti negatū, fraudibus consequantur. Iam, sua quemque utilitas quò non, etiam magnos, propellit? ingens vis; ac nescio, an alia maior: vt obliuionem quandam virtutis inducat, vbi viderint aut hac eundū semitā, aut aliā excludendos. perpauci enim sunt, quos sola veri ratio tenet. seuerior hæc est; ac licet solido mentem gaudio afficiat, blandimento caret. Quòd si non desint Principes, solidarum virtutū, ac seuerioris constantiæ amatores, non deerunt qui toto pectore talibus incumbent, cū præmia sinceritati parari viderint, & constantiæ mercedem suam stare. nunc cū videant, quo quisque promptius in adulationes ingenium tulerit, hoc ad maiora prouehi, induunt hos mores. neque Principibus iam, sed Principum fortunæ inferuiunt; cū hac loquuntur, huic consilia largiuntur. ita fit, vt nemo suadeat quod decet. Principis enim frontem intuentur, ac in quam ille partem, in hanc se prono corpore propellunt. iustum nimirum probumque illis, quod iustum probumque Princeps iudica-

*Principē ferè
adulatio co-
mitatur.*

uerit.

uerit. dum enim placere student, offenderéque verentur, in sententiam illius eunt omnes. non facerent, si Principem, non fortunam illius, amarent: aut, si plus virtuti, quàm commodis suis studerent: si maiora à Deo, quàm à Principe sperarent. nunc præsentium amore, æternorum obliuiscuntur.

*Cōsilia Prin-
cipi dāda ab
adulatione
aliena.*

Fateor laboris plurimum esse, suadere Principi quod oporteat, quod ratio, quod æquitas, quod sperata æternitas postulat, cūm Principum perpauci extra se nata admittant cōsilia. ea tamen moderatio adhiberi, ea in dicendo & consulendo modestia potest, vt & integra sit veneratio, nec docere videamur velle, nec sententiam nostram illius præferre, sed solius amore Principis duci. Vestiri proinde tot moderantibus sententiā nostra potest, tot etiam viā præsternentibus, tot in mitigationem sequentibus, vt & offensionē vitemus, & ex fide consulamus.

*Quomodo se
habere de-
beat vir for-
tis inter
Principis
minas.*

Quod si periculum consulenti ex fide imminet; hīc animis opus est, & infractō pectore, quod nec dignitatum frustrationes, nec exilia, nec indignatio, nec mors ipsa terreat. Hic ille locus, in quo dicere vir fortis potest: Cadere possum, à vero & recto flecti non possum. non me minæ, non tormenta terrent peritura; terrēt æterna. Obsequendum Principi, si illi possum, & Deo, at, si in illum locum reductus fuero, vt alterutri renuntiandum sit, renuntiābo Principi. Pœnæ proponuntur sæculi huius, & futuri? amplectar huius. Præmia inuitāt, mūdī, & cæli? deligam cæli. Indignatio terret Principis, & Dei? negligā Principis. Possū hīc numerari inter magnos, si assentiar Principi. melius est adhærere Deo.

Deo, ut numerer inter cælorum magnos. Destituar hîc omnibus, si non paruero Principi? consultius hîc destitui, quàm æternum. Spoliabor fortunis? non spoliet cælo. Censebor inter plebeios? factum ab Apostolis, à veteri Synagoga. Exuar dignitatibus? summa dignitas est seruire Deo. Excludar aulâ? optatius aulâ excludi, quàm cælo. Excidam Principis gratiâ? non excidam Dei. Inglorius hîc viuam? stulta mundi elegit Deus. Moriendum erit? non dixi, me mori non posse; dixi, à recto, à vero flecti non posse. Hæc vir fortis. qui tam lōgè ab omni adulatione erit, quàm est ab ignauia. & antè virum fortem mors occupabit, quàm adulatio. cui cùm nihil facilius sit morte, tū nihil difficilius adulatione est. quæ ferè in ignauum pectus, in timidam & ingloriâ mentem cadit. nescit generosa mens fallere, mentiri nescit. Vtrumque adulatoris est. nescit alienæ virtuti & gloriæ incumbere, scit suæ. nescit blandiētibus & mollibus, ad magna properare. muliebria hæc molimina sunt. ignorat feminea labia vir fortis: tantūque à fūco huius abest, quantum vir à femina. Solâ proinde vir fortis virtute viam sibi ad magna parabit, aut carebit magnis. latius enim ipsi illis catere, quàm alieno à virtute itinere ad illa conscendere, aut aliis quàm virtutis pennis ad illa euolare.

Si quem verò videris adulationibus subseruire, hunc seruilis ac feminei ingenij esse scias. qui, si fortuna mutauerit vices, dominum mutabit & amatorem, & ex amico hostis exsurget. fallor: non exsurget ex amico. nunquam fuit. sola labra, & frons amicū loquebantur; intus odia æstuabant. imò, amicū labia mentiebantur; ho-

Seruilis ingenij adulatio est.

R

stilia

*Amici labio-
rū hostes ferē
animorum
sunt.*

*Nulla vene-
na adulatione
nocētiore.*

stilia pectus claudebat, quæ cum fortuna effunderet. Fuge, quisquis imperas, inlatentes hostes, amico velamine tectos. fuge labra mendacia. venena integuntur his blandientibus. fuge hanc oris varietatem. formam mentitur. si detraxeris, meretricem suam ostendet, sub ouilla pelle lupum, sub amica mollique spongia perimentem nouaculam, sub osculo Ioabi ferrum; venenum Claudij, Drusi, Germanici, sub electibilibus cibis. ut nulla pestis certior, nulla venena adulatorē nocentiora sint. nō adurit æstu suo adulatio herbam, frutices, flores; decinerat radices, & quidquid vitam promittebat. Omnium ferē in Regibus scelerum causa. si enim demas laudatores, probatores, consultores; crimina propē omnia à sceptris & purpura excluderis. laudasse enim in Principe crimen, impulisse in illud, & in maiora est. Animos addit qui laudat., & audentiorē laudatio facit, & ad paria aut deteriora quasi manu ducit. audeo dicere: Tolle à Principe scelerum laudatores, nulla, aut perrara erunt scelera. nemo enim ferē gratuito improbus aut malus est. alitur, crescitque improbitas laudibus. seca hunc riuum, arescent improbitatis furculi, nec arbor iam vlla noxios protrudet fructus. Docet hoc Cyprianus: *Qui peccantem blandimentis adulantibus palpat, peccandi fomitem administrat, nec comprimit delicta, sed nutrit.* Ut audeat Plutarchus funestum Cæsaris exitum adulatoribus ascribere: *Adulatores Cæsaris in causa fuerunt necis ipsius; qui cum honores ei inuidiosos cōquirebant, tum etiam statuis eius nocte imposuerunt diadema, quò multitudinē impellerent ad salutandū eum pro Dictatore Regem.* & de Commodō Herodianus:

rodianus: *Mensarii quidam adulatores, qui ventre atque obscenis voluptatibus felicitatē metiebantur, Commodum iuvenem Imperatorem perdiderunt.*

Quàm verò noxius adulator omnis sit, docemur à Propheta Regio: *Acuerūt linguas suas sicut* Psal. 139.
serpentis, venenum aspidum sub labiis eorum. Ex in-

fidiiis ferè serpentes insurgunt, vt incautos perimant, intimantq; ex occulto virus, quò imprudum feriant: *venenū enim aspidū sub labiis eorum, quod effundant in nimium fidentes.* vt verum sit illud: *Nullū animantiū genus assentatoribus est perniciosius, nullū quod citius in precipitia viventē deducit:* nihil enim facilius, quàm nihil timentes in fraudem & præcipitia impellere. adulatio verò fiduciam quamdā animis ingenerat, cū credere incipimus, quæ dici gaudemus, & esse vellemus; nimis faciles in fidē, cū de laudibus nostris agitur. Hinc monet Cicero: *Cauendū, ne assentatoribus patefaciamus aures: tales enim nos esse putamus, vt iure laudemur: ex quo nascuntur innumerabilia peccata.* fuge has linguas. *Huiusmodi enim Christo Domino nostro non seruiunt, sed suo ventri, & per dulces sermones & benedictiones seducūt corda innocentium.* ne crede. Hieronymi verba sunt: *Nec credas laudatoribus tuis, imò irrisoribus aures ne libenter accō-*

Rom. 16.

des: qui cū te adulationibus fouerint, & quodāmodo impotē mētis effecerint, si subito respexeris, aut ciconiarū deprehēdes post te colla curuari, aut manu auriculas agitari a fini, aut astuantē canis protēdi linguā. & Philonis: *Nō vides adulatores, qui noctū diuque permulcēt aures suis Regibus, nec tantū applaudunt dictis eorū singulis, sed molestis ornāt laudibus, quos tamē execratur taciti, quantumvis fausta ominentur propalam?* Elegāter omninò & doctē adulātium

*Laudatores
irrisores sūt.*

R 2 mores

*Adulatorū
mores.*

mores tradit Iustinianus: *Adulantibus mos est, semper in prosperitate mulcere, & donec temporalia suppetūt, applaudere: adulator est amicus in obsequio, hostis in animo; compunctus in verbo, tardus in facto; latus ad prospera, fragilis ad aduersa; anxius ad opprobria, immoderatus ad gaudia; facilis ad humana, difficilis ad honesta; mensas diuitum frequentans pauperum domos declinans. Vera nimis: neque vsquam nocētiores hi sunt, quàm in magna fortuna, cuius ferè delicta magna. vix enim summa fastigia in paruis se tenent. ad magna plurimùm scelera protendunt manum; quasi ingloriū sit in paruis delinquere magnos. magna nimirum decet magnos, etiam in crimine. nec mirum, cū inhortatoribus ad scelera plena sint magnorum atria: monitoribus verò fidis destituantur. vt verè Seneca: *Monstrabo tibi cuius rei inopia laborent magna fastigia, quid omnia possidentibus desit, scilicet ille, qui verum dicat, & hominem inter mentientes stupentem, ipsaque consuetudine pro rectis blanda audiendi, ad ignorantiam rei perductum, vindicet à consensu falsorum, ab adulantium mentiendi facilitate, à falsa sui rerūque suarum opinione. O quis mihi hunc largiatur! quis concedat Regibus? Beati, qui vera dicentem sortiti! beatiores, qui rariore in aula Regū sunt! quo infeliciores Principes sunt, qui è multis millibus vix vnum sortiuntur, qui vera profari audeat. Delictum in Principe est. vera dicerent, si audire vera Principes vellent, si falsa denunciantibus pœna astaret, si nulla impunita assentatio abiret, si vera dicentes præmia manerent. nunc cū hos pœna, præmia illos maneant, omnes in adulationem deuoluuntur. vt meritò Iulius Capitolin. *Miser est Imperator,***

*Modus ad-
latores ab
aula exclu-
dendi.*

Imperator apud quem vera reticentur. miserrimus omnino : cum enim per se fastigia hæc magna ad rerum passim occurrentium cognitionem demittere se non possint, discere aliorum ore coguntur. quod si assentatores nacti fuerint, non tam vera, quam placitura discent. verum enim nimis est illud Paterculi : *Semper magna fortuna comes adulatio.* indiuidua comes. quis hanc felici manu, & ferro secet ? ô fortunatum ! ô prudentem ! & intueri propius, videbis verè à Cicero-
ne dictum : *Habet assentatio principia iucunda, eadem exitus amarissimos affert.* iucunda nimirum laudatio est, etiam in crimine. ita & sce-
rum laudes placent, & delectat improba lauda-
tio; quòdque in aliis damnamus, in nobis com-
mendari gaudemus. tantus amor nostri, tanta
æmulatio aliorum est.

*Fortuna ma-
gna comes
adulatio.*

Tanto malo auertendo remediis opus est. oc-
currit illud Senecæ : *Sapiens eris, ô Lucili, si clau-*
seris aures. quibus ceram parum est obdere. firmiore
spissamento opus est, quam usum in sociis Ulysses
ferunt. illa vox, que timebatur, erat blanda, nō tamen
publica. at hæc, que timenda est, non ex vno scopulo,
sed ex omni parte terrarum circumsonat. surdum te
amantissimis præsta. Laudant? ne crede. Pergât lau-
des laudibus ingerere, ac posteriores prioribus
insepelire; ne audi Sirenū voces. Molesti sunt? re-
prime. Nihil incoronatū laudibus tanquam flori-
bus, omittunt, non dictū, non factum? pro hosti-
bus habe. neque enim hæc amantium, odientium
sunt. plus enim fortiúsque damnabunt absentem,
quàm laudarunt præsentē. Quod si via desit cō-
primendi, pelle familia. Fecit Alexander Seue-
rus, Septimius etiā Seuerus, fecerunt alij. feliciter

*Remedia cō-
tra adulate-
res.*

semper, bono reipublicæ, regni & suo. Ut meri tō gratior esse debeat inimicus damnatus, quàm assentator laudatus. ab illo vera sperari possunt: & mala nostra discimus, quæ ignorata emendari non possunt, possunt cognita. à quacunque manu cognitio illa veniat, ab amica censeri debet venire, quæ in præcautionem est, & vitiorum fugam. Benè proindè Chrysostomus: *Inimicum ne laudantem quidem probo, amicum verò & reprehendentem amplector: ille et si me osculetur, insuavis est; hic et si vulneret, amabilis.* Minus probè assentatorem laudantem: cū nonnunquā ab inimico ore vera laus veniat, ab illius nunquam. Et licet inimici oscula insuavia sint, quod ab inimico ore nascantur; oscula tamen sunt, amicissima futura, si tam amico corde, quàm ore & verbo edicerentur: vulnera verò ab amica manu & ore data, nō possunt non esse gratissima: in salutē enim dātur; non eunt in interitum. in medelam inferuntur; non possunt in mortē. neque enim amicus aliud, quàm amici salutem cogitat. Est in hanc sententiam illud Davidis: *Corripiet me iustus in misericordia. & increpabit me. oleum autem peccatoris non impinguet caput meum.* In quem locum vir doctus: *Oleum peccatoris est dilectio simulata verborum, quæ adulationibus & blandimentis nostras mentes velut olei pinguedo libenter ingrediens, rigorem veritatis mollit.* Benè & verè. Oleum assentatorum est, quod deprecatur Propheta, quod extremam cutem dum mollit, superinfusa reliqua repellit. armata enim oleo respuunt alia, & duris etiam ac feriis resistunt. Faciunt hoc adulantium voces. tam spisso laudum oleo mentem obnubilant, ut magni veri solem eripiant oculis, & pro

Psal. 140.

pro luce tenebras, pro die noctem iniiciant. non sentiunt oleata membra; nec animus adulantium oleo perfusus ac tenebratus veri lumen admittit.

CAPVT XIX.

Quis modus tenendus in opibus?

PRÆSCRIBI potest: an sperari possit, nescio. nam quis modus, cum ferè modum diuitiæ nesciant, & crescat illarum sitis copiâ, cum aliarum rerum egestate & inopia? & quæ moderatio ab animo diuitiarû auido sperari potest? Nô dictum verè? *Vbi cupido diuitiarum inuasit, neque disciplina, neque artes bonæ, neque ingenium ullū satis pollet, quando animus magis aut minus mature, postremo tamen succumbit.* Et illud: *Vbi diuitiæ clarè habentur, ibi bona omnia vilia sunt, fides, probitas, pudor, pudicitia.* Dictum fortiter; nec illud minùs: *Cum diuitiis, inuentum luxuria atque auaritia cum superbia inuasere, rapere, sua parupendere, aliena cupere, pudicitiam, diuina atque humana promiscua habere.* Quid? an omnes diuitiæ improbæ? imò nullæ. materiam tamen suggerunt improbitati: & scelera non tam pepererunt, quàm audere docuerunt. Latebant in paupertate, altè animo recondita: acceperunt opes, & cum opibus audacia; & proditor facta pecunia est scelerum domini sui. eruit, & posito pudore prospectanda proposuit, quæ verecunda paupertas tegebat. Quid? quodd non rarò scelera opes doceât. ignorabat illa egestas: didicit ab opibus. Nec omnes

*Diuitiarum
incommoda.*

Mina diuitibus à Deo intentata.

Luc. 6.

1. Tim. 6.

Iacob. 5.

Luc. 18.

tamen venena hinc biberunt. fateor. Durum tamen illud Saluatoris, & eo durius, quo verius: *Va vobis diuitibus, qui habebitis consolationē vestram.* Validum illud Apostoli, & robore plenū: *Qui volunt diuites fieri, incidunt in tentationē, & in laqueum diaboli, & desideria multa inutilia & nociva, quæ mergunt homines in interitum.* Validiùs etiā alius: *Agite nunc diuites, plorate ululantes in miseriis vestris, quæ aduenient vobis. thesaurizastis vobis iram in nouissimis diebus.* Validissimè Christus ipse: *Facilius est camelum per foramen acus transire, quàm diuitem intrare in regnum Dei.* Quis crederet, nisi diceret ille qui fallere, qui mentiri nescit? & quis non crederet illo dicente, in quo nec dolus, nec mendacium? & quis credit dicenti? sequeretur, si crederet. non sequi, non credere est. sequuntur, qui credunt: non credunt, qui non sequuntur. Quis enim excludi vult regno Dei? vis hoc frui? vide, an camelus transire possis per foramen acus. non potes? nec intrare in Dei regnū diues poteris: cūm *facilius sit camelum per foramen acus transire, quàm diuitem intrare in regnum Dei.* Aut ergo transire diues cum camelo debes per foramen acus, aut desperare de regno Dei. Nihil hîc de meo dico. decretoria hæc sententia magni Dei est. errare non potest Deus. sed nec effugere hunc potest homo. Neque consultum est in re salutis ludere. agitur de æternitate; in qua semel lata, reuocari sententia non potest: æterna est. Quid ergo, si maiorum industriâ opes accesserint, si bonis modis illas paraueris, abiiciendæ cum Philosopho in mare erunt? non dico: neque enim probare possum indignabundam hanc mentem, ac tanquam nauseantis super auro

*Modus calis
parandi per
opes.
Luc. 16.*

Dan. 4.

Iob. 31.

super auro stomachi vomitum. Benè vti diuitiis
potes. ardua res est, fateor: at eo gloriosior. &
non magnum parari his cælum posse? emi posse?
Audiamus Dominū: *Facite vobis amicos de mam-
mona iniquitatis, ut, cum defeceritis, recipiant vos in
aeterna tabernacula.* & Daniele: *Peccata tua ele-
mosynis redime, & iniquitates tuas misericordiis pau-
perū: forsitan ignoscet delictis tuis.* Habemus ab eo-
dē ore remedia, à quo minas. effugere has volu-
mus? amplectamur illa. & quo maiores affluunt
opes, maior exsurgat munificentia. Didicerat
hoc vir ille magnus inter omnes Orientales. cu-
ius verba *negavi, quod volebant pauperibus, &
oculos vidua expectare feci: si comedi buccellam meā
solus, & non comedit pupillus ex ea.* Imitare, &
amicos in opibus para. Inuidentiā illæ plenæ
sunt, & maximarum offensionum grauidæ. vtri-
que liberalitas malo medetur. nemo enim libe-
rali inuidit aurum; quin aded apprecatur cumu-
latius. sed nec vlla vnquam fortunarum offen-
sio è munificentia nata est. amorem hæc ingene-
rat, odia ponit. Vis proinde securus viuere, vis
amari diues? vna liberalitas vtrumque dabit. ne-
que quisquam securior liberali est. ignorat enim
insidias liberalitas: auaritia has inuenit. nescit
odia: sordidior parsimonia hæc peperit, infelicitis
filix infelix mater. Quid? quod sola ferè virtutū,
expers æmulationum, inuidiarum, fraudum, in-
sidiarum liberalitas sit. Hanc sequere si diuitiæ
concessæ. sin minùs, nemo tamen impedire po-
test, quo minùs in summa rerum inopia libera-
lissimus sis, ut non necesse proinde sit opes de-
poscere liberalitatis materiā: cū etiā sine illa mu-
nificus esse possis, cū ab animo virtutes omnes,

non ab euentu, verus rerum æstimator sciat metiendas. vt proinde verissimè dictum à Valerio: *Quorsum attinet in prima felicitatis parte diuitiis, aut paupertatem in ultimo miseriarum statu ponere? cum & illarum frons hilaris, multis intus amaritudinibus sit referta; & huius horridior aspectus solidis & certis bonis abundet? etiã liberalitate, vt dixi. Doccebit hoc Q. Fabius Maximus, qui in magna paupertate, fundo quem vnicum possidebat vendito captiuos ab Hannibale redemit. confer hunc cum Firmo, qui sub Aureliano Ægyptum occupauerat, de quo Vopiscus: *Perhibetur tantum habuisse de chartis, vt publicè sapè diceret, exercitum se alere posse papyro & gluino.* & imperio interim tenacior excidit, non excidisset fors liberalior. Confer deinde Busam feminam, quæ non magnis opibus, sed animis magnis, decem Romanorum millia Cannensis prælii reliquias intra Canusina mœnia alimentis sustentauit, cum Prolemaeo Cyprio, de quo Valerius: *Cum omni pecunia nauibus imposita in altum processisset, vt classe perforata suo arbitrio periret, & hostis prada careret; non sustinuit mergere aurum, sed futurum suæ necis premium domum reuexit.* addit: *Hic non possedit diuitias, sed à diuitijs possessus est: titulo rex insula, animo pecunie miserabile mancipium.**

Qui amici opibus paradi.

Parandi verò opibus amici, qui prodesse, quique obesse possunt: illi, vt auxilio sint, hi, ne noceant. ex infima etiam plebe non rarò parandi, qui & audeant, & possint nomen tueri: quòsque nec modestia, nec verecundia terreat in tutelam, siqua grauior necessitas occurrerit. Et non magno horum animi parantur; qui etiam cum vitæ suæ discrimine, liberalem quam experti sunt

sunt dexteram tuebuntur, tam in prodigendo sanguine, quàm in accipiendis muneribus auidi & faciles: dum enim è præteritis futura metiuntur, eripi spem dolent. qui cùm sperata pro possessis habeant, non inferioribus animis donatorem suum, quàm possessionem suam propugnant.

Exesæ deinde maiorum profusionibus nobilitati munificam & vltroneam porrigat manū: inueniet in his laudatores, propugnatores. Fortes etiam viros, sanguine dato & hausto nobiles, quos angustior domestica res premit, donis conciliet: habebit in his honorum fortunarumque suarum defensores. Illos deinde qui Principi à consiliis aut auribus sunt, sibi parat. Neque magno hos auro parabit. vbi parauerit, vel solâ verecundiâ obsequentur, præteritorum memoriâ, futurorum spe.

Nihil dico de deteriore sexu, qui & in dona pronior, & potens in maritali thalamo: etiam apud probos & magnos. non quòd hæc improbem, si ratio, si causæ æquitas, si incorrupti adsint mores: sed quòd femineam hanc semitam insterni muneribus nolim. lubrica est. Si tamen alia tuendi se suæque via desit, non penitus damnem; prudentiæ conscientiæque singulorum relinquens quid in hoc sexu tutò audendum. Leuibz tamen quibusdam, & illi sexui non inassuetis contineri, ne noceant, non damnem. nolo ad iniusta, ad impia, ad minùs casta, facem in hoc sexu accendere: nolo tamen hunc à iusto pióque subsidio vniuersim arcere.

Plurimū interim in omni hoc genere interest scire, quid, cui, quo potissimūm tēpore largiaris.

propen

Nobilibus ad inopiā redactis subinde aliquid largiendum.

Quomodo feminis dandi.

Prudentia in largiendo opes.

propensiones verò in primis animorum cautè & seriò per domesticos ferè examinandæ. ille picturis, statuis alter delectatur: peregrinitatem amat alter, vt, nisi ab alio dona cælo euocaueris, nihil egeris: cæcalibus tertius gaudet donis: quartus solo auro gemmæ sue capitur. Plurimum etiã momenti tempus adfert. Magnum enim discrimen, quo potissimùm tempore largiaris. conuiuia parat, cuius gratiam venaris; subministra, si potes, quæ raritate sua conuiuantium admirationem exprimunt: alieni nimirum temporis fructus, aut ab alio orbe accersitos. Bis vicit, qui temporis rationem habuit. Idem de iis sentio, qui apud dominos dominasque, aut omnia aut plurima possunt. quorum animos parasse, illorum vicisse est.

His tamen modis non vtetur vir diues, nisi in re iusta. nam si ab alia mente, quàm bona & integra, munera veniunt, in dantis & accipientis interitum eunt: neque enim inuindicata patietur Deus, aut impunita iniquitatum dona.

*Diuitiarum
prærogatiua.*

Claudo hoc caput, si dixero, magnã diuitibus, supra reliquos, cælo concessam prærogatiuam, ad res humanas, animosque mortalium parados. neque enim quidquam, etiam ad barbaros & hostes conciliandos, muneribus potentius certiùsque est. vt ausum dicere, in diuitum propè manu res humanas consistere, etiam Deum, qui liberalis dexteræ remunerator maximus est. Neque vllam aliam virtutem, nullum vitium vocari in iudicium videmus: *Possidete paratum vobis regnum. Esuriui enim, & dedistis mihi manducare; sitiui, & dedistis mihi bibere; hospes eram, & collegistis me, nudus, & cooperuistis me.* Agnoscit à diuite manu bene

Matth. 25.

beneficium Deus, & æterno remuneratur regno. mirantibus mercedis magnitudinem, doniq; memoriam, respondet: *Quamdiu fecistis uni ex his fratribus meis minimis, mihi fecistis.* Addit in vindictam: *Discedite à me maledicti in ignem æternum.* subiungit causam, *Esuriui enim, & nō dedistis mihi manducare; sitiui, & nō dedistis mihi potum; hospes eram, & non collegistis me; nudus, & non cooperuistis me.* Obstupentibus super obiecta sibi immititate, dicit Dominus: *Quamdiu non fecistis uni de minoribus his, nec mihi fecistis.* Mala dignatio pauperum, arrogari in præmium & pœnam Deo, quidquid illis erogatum, quidquid negatum. sed & magna diuitum prærogatiua tam paruo cælorū regna parari, tam paruo ignes æternos vitari posse. magna etiam diuitis prudentia, prouidentia magna, qui tam vilibus mercatur maxima: ingens contrà fatuitas, tam paruo paranda, vitanda negligere.

Ibidem.

CAPVT XX.

Quid faciendum in paupertate?

ANIMVS implendus opibus. huius opes virtutes sunt: quibus instructus, Deorum more, tanquam ex alto diuites despiciat. quorum nemo tam lætus est suo, quàm tristis alieno. Et sanè nemo negabit, opulentissimum illum esse, qui Dei, quàm simillimus est. at ille argento & auro, quæ imperitorum verberant oculos, & mentem auertunt à cælo, insigunt terris, non capitur. tenebris illa damnauerat Deus; cupiditas nostra

*Animi opes
virtutes.*

nostra eruit. absconderat natura, quasi malè hominibus committerentur; nos in lucem propter quæ periremus, extulimus. nec erubescimus cælo nati, summa habere quæ fuerunt ima terrarum, & ipsis aded cælorum opibus antepone. perire nimirum cum auro malumus, quàm sine illo saluari. cum pars longè hominum maxima solis æternum opibus deprimatur, non vltima materia non moriturarum flammarum. Sepone proinde à te hæc insidiosa bona, quisquis cælum cogitas: quibus tot omni æuo millia implagata iacent. ô non æternum! sepone hæc bona sperantibus, quàm assecutis meliora. nam si essent bona, implerent, non concitarent sitim. concitare experientiâ docemur. crescit enim crescentibus opibus cupiditas, & agrum agro, prouinciâ prouinciæ, regnû regno addere delectat. & plures longè pauperes sorte suâ contentos, quàm diuites reperiēs, quorum ferè infatiata auuiditas est. iam ego hîc ex te cum Stoico quæro, vtrum mauis, ex inopia saturitatem, an ex copia famē? ex stillicidio sitim restringui, an ex fonte exasperari? vsu hoc euenire docebit te pauper & diues. Sed & lætior in illo vultus, & pacatior animus, vt benè Lyricus:

*Diuitia bona
dici non pos-
sunt.*

Plerumque grata diuitibus vices,

Mundaque paruo sub lare pauperum

Cane, sine auleis & oïstro

Sollicitam explicuere frontem.

Benè etiam ille pauperem suum beat.

Non frontem vertere mina: sed candida semper

Gaudia, & in vultu curarum ignara voluptas.

Non tibi sepositas infelix strangulat arca

Diuitias, auideque animum dispendia torquent.

Fœnoris.

Fœnoris.

Gaudia proinde in paupere puriora, & à curarum sorde secretiora. felicitas etiam, si Lyrico credimus, maior.

Non possidentem multa vocaueris

Recte beatum: rectius occupat

Nomen beati, qui Deorum

Muneribus sapienter uti,

Duramque callet pauperiem pati,

Peiusque letho flagitium timet.

Non ille pro caris amicis

Aut patria timidus perire.

De beatitudine verò hæc Stoicus: *Non est beatus, ad quem pecunia multa confluit; sed ille, cui bonum omne in animo est; erecto nimirum, excelso, & admiranda hæc calcâte: quò hominem ea sola parte estimat qua homo est, cui bona sua nulla vis excutit, quæ fortuna cum in eum quod habuit telum nocentissimū, ut magna intorsit, pungit, non vulnerat. & hoc raro: nam cetera eius tela, quibus genus humanum debellatur, grandinis instar dissultant, quæ incussa tectis, sine ullo habitatoris incommodo crepiat, & soluitur. Hæc beatitatem diuitiæ non dabunt, adiment. Ferè enim metus comes diuitiarum est, securitas paupertatis socia. Quinimò vis diuitem è Philosophi sententia facere? non pecunia adiiciendum, sed cupiditatibus detrahendum est. Hinc etiam illud: Breuissima ad diuitias per diuitiarum contemptum via est. & illud Epicuri: Si ad naturam viues, nunquam eris pauper, si ad opinionem, nunquam dives. exitium natura desiderat; opinio immensum calcare aurum liceat & marmora, accedat quidquid ars luxuris laborauit; maior à cupere ex his disces. Hæc ex Epicuri schola, quis Christianus imitetur? Polentâ ille & aquâ*

Non faciunt opes beatū.

Contemptus opū vera ad opes via.

*Nemo pauper est, qui ad naturā viu-
uit.*

aquâ contentus viuit, & non toto assê viuit. non pudet vinci à voluptatum magistro, cui voluptas magna in frusto hordeacci panis? quàm longè à voluptate hac sumus? Quodd si naturam cōsuluerimus, & non puduerit hanc ducem sequi, *Quisquis exit in lucem, iussus est lacte & pane esse contentus.* Habes initia naturæ, vterum & vbera, quibus pares sumus, nisi quodd ferè pauperior inater facilè vtero concredata effundat, locupletioréque vberè sobolem lactet. Vis exitum? *Nemo cum sarcinis enatat.* tam nudi abimus, quàm nudi venimus. nisi quodd maioribus plurimum doloribus diues erumpat, quia acrioribus ferè morbis torquetur. Quod intercurrit breue est, & tanquam nauiganti mare est. An ille felicior securiorque, quem magnæ sarcinæ nauigantem premunt? & nauigamus omnes, & iactamur fluctibus: nec aliud vita, quàm variis æstibus, ventis & tempestatibus iactatum mare. mitior vni nauigatio fuit, tardior, celerior, grauior alteri: nauigatio tamen fuit. Beatus, quem citatior cursus portui reddidit.

Opes Reipublicæ noxia.

Quid? quodd etiam noxias Reipublicæ opes inclamet non vnus. *Sapè iam audini, qui Reges, que ciuitates & nationes, per opulentiam magna imperia amiserunt, que per virtutem inopes coeperant.* Roma nos docet, Lacedæmon, Corinthus, Athenæ. Id adèd haud mirandum est. nam ubi bonus deteriorè diuitiis magis clarum, magisque acceptum videt. primò æstuat, multaque in pectore voluit, inde ad opes animum adiicit. bonis artibus non potest? seponit probitatem, cùm in vna ferè audacia repõsitam spem videat. atque hinc iam profiliunt scelera; vt audeat ille:

Nul

*Nullum crimen abest facinusque libidinis, ex quo
Paupertas Romana perit.*

addit:

Prima peregrinos obscena pecunia mores

Intulit, & turpi fregerunt sacula luxu

Diuitie molles. quid enim Venus ebria curat?

Ut non immerito ille moneat: *Multum maximū
bonum patrie, ciuibus, sibi, liberis pepereris, si studiū
pecunie aut sustuleris, aut quoad res fert, minueris.
aliter neque priuata res, neque publica, neque domi,
neque militie regi potest. Quis enim non corrup-
patur diuitiarum contubernio? magnus mihi hic
erit, & omni maximo maior. Audiamus Stoicū:
Magnus ille est, qui in diuitijs pauper est. sed securior,
qui caret diuitijs.* Christianè, & piè. Non quòd
magnum argumentum putem esse bonæ mentis,
aut insitæ virtutis, aquam & pannos, nisi quis il-
la voluntate, non necessitate perferat. sed quòd
minus impedimentorum ad virtutem, animique
tranquillitatem paupertas habeat, minorémque
campum explicandæ nequitie. Vnde fit, vt re-
preffa scelera, cum destituantur arena sua, in con-
trariam se vertant partem, & virtutum speciem
induant; cum plurimū in his exercitatio & as-
siduitas valeat. Et sanè, qui opes ademerit, ma-
ximam vitiorum sementem subtraxerit. Et non
malitia præmiis fouetur & exercetur? tolle hæc;
quis gratuito erit malus? Iam, si pecuniæ decus
abstuleris, non ingens illa, & nullo antè satian-
da auaritiæ vis bonis moribus vincetur? At mi-
serum est, pauperem esse. si diuitiæ miseriis exi-
merent, felicitate donarent, benè. at plerisque
diuitiæ non finis, sed miseriarum mutatio est.
neque enim in rebus vitium aut beatitudo, sed

*Paupertas
ultrò susce-
pta, non coa-
cta, virtutis
indiciū.*

*Minus impe-
dimentū ad
virtutē pau-
pertas habet.*

*Solus dignus
Deo opū con-
tempnor.*

in animo est. hunc compone, & benè de re spe-
ra. Diuitiæ non component: exasperabunt &
concutient. Quod enim Oceano medio fluctus,
hoc diuitiæ huic vitæ. vt non vereatur vnus è
Philosophorum schola, magnum hoc proferre:
Nemo alius dignus Deo est, quàm qui opes contempsit.
Potuit aliquid maius ab Euangelio depromi? Et
quid credis velle Deum? non omnis illius actio
nostra institutio est? contempsisse ac calcas-
se il- lum opes vita docet. Vis dignus illo haberi? imi-
tare mores. similitudo morum dignationem lo-
quitur: dissimilitudo dignationem adimit. Et quæ
tu putas digniorem Deo? non qui similatur illi,
& generosi ducis sui non degener miles vestigia
premit? Et non inter magni Dei magna consilia
diuitiarum contemptus est? Aut falli in delectu
suo potuit Deus, & circumuenire nos vult do-
lis? Non beatos pauperes denunciavit, & cælo-
rum possessores statuit? quid aliorum exquiri-
mus sententiam diuinâ muniri? Potest mentiri
Deus? non potest? quid dubitās monentem sequi,
& potiora arbitrari, quæ ipse prima statuit? bea-
titudinem & cælorum regna paupertati attribuit,
æterna diuitibus tormēta minatus. Quid hæres?
errare non poteris, si sequeris Deum. potes, si nō
sequeris. Nunc vide quid è re tua sit. de æterni-
tate agitur, de cælorum gaudiis, inferorum pœ-
nis, nunquam vtriusque morituris. in tam certo
vltroneæ paupertatis exitu, tam incerto diuitia-
rum, quid salutem tuam tam dubiis attexis? Ve-
rùm contemptui hîc pauper habetur; non ha-
betur cælo. & non consultius, cælo quàm terris
magnum esse? Caret. hîc commodis; nimirum &
molestiis. Gratiā hîc minorem consequitur;
etiam

etiam inuidiam. Amicis destituitur; sed & hostibus. Et tu amicos arbitraris qui diuitibus applaudunt: se pone opes, videbis an amici fuerint. fortunam illi amabant & venerationem, & sibi, non possessori amabant. videbis hoc, si verterit fortuna vices, vertent & illi cultum & amicitiam.

Non sunt amici qui diuitibus applaudunt.

Honoribus excluditur pauper; non & odiis. nemo pauperi inuidet; abest odiorum causa. inuident diuiti; ingens hinc inuidentiæ materia est.

Non subiacet pauper inuidia.

Deliciis pauper & mensis frustratur splendidi-ribus. non ad parua parabilia nati sumus? quære: à stomacho quid volet: respondet, Satiari; nec. ultra. Nos difficilia omnia facilius fastidio ferimus, & mille condimentis famem non sedamus, sed prouocamus, docemurque ingeniosa luxuria ventrem post saturitatem esurire. crescitque crescentibus sæculis luxuria, ingenio adiuuante luxum: &, vt non stomacho, qui paucissimis, & obuiis, & gratuito ferè parabilibus contentus est, sed palato bene sit, ab terrarum ultimis nocitura condimenta discimus; hoc infeliciores, quo vilissimo palati famulatu nos subiicimus. tam modica corpora natura dedit, nec terra nunc, nec maria pascendo sufficiunt. Quid? quod sola sæpè ambitio diuitum mensas instruat & fatiget, mariaque scrutetur & terras.

Natura paucis contenta.

At nullus in paupere vestium splendor. inanjs fatuusque cultus purpurâ fulgere, mente sordescere. integri corpus desiderat, æstusque frigusque arceri. certius hæc pauperis lacerna faciet, quam diuitis Tyria vestis, qua frequenter vix pudor tegitur, quæ nec calor, nec frigora pellit, vel quæ aureo rigore poterit suo, plus asseru lapidumque more circumdat & opprimit, quam vestiu integat.

Sed auri argentique minus numerat pauper. minus etiam curarum: & magno viatico breue iter non instruitur, sed oneratur. Gemmas pauper ignorat. quò homini piscatæ piscibus & draconibus gemmæ? quò terebratæ aures? & digiti lenocinio graues? sed neque latrones hostesque pauperum manus & colla prouocant: inuitant diuitum, è quorum sæpè capillo, pileo, humeris, collo, fronte, auribus, digitis, brachiis, vrbes, insulæ & kalendaria pendent. & solus hic frequenter ornatus, de raritate & peregrinitate gratiam & pretium promittens, hostem inuenit.

*Diuitia ferè
ad imprudē-
tiores deuol-
untur.*

Iam si optimis quibusque diuitiæ obuenirēt, esset quòd allicerent. nunc stolidissimum propè opulentissimum videmus: quasi præter fortunæ decorum sit, prudentem & diuitem esse. partitur dona. fatuis ferè & improbis opes, sapientibus & probis egestatem largitur; ne, si in vnum vtrumque conferret, alium orbem quærat. Et sanè verum nimis illud est: *Pecunia sic in quosdā homines, quemadmodum denarius in cloacam cadit;* ornatúrque possessorē suo, vt gemma sterquilinio, vt Philosophi pallium fatuo, vt Achillis arma Therſite. cūm nimirum incidit in hominem, qui vtī illā ex virtutis imperio non didicit, didicit è libidine, aut quocunque alio scelere, aut perdere, nec vterā, doctus. Misera conditio, felicior pauperis; si sorte suā contentus viuat. nec difficile hoc erit, si itineris breuitatē animo suo metietur, si fugientis vitæ annos cum æternitate componat, si diuites Dei sponſiones paupertati colligatas tacitus secum seriò perpendat, si vtrorumque exempla, felicēsque ac infelices exitus, animo voluat, & altè demittat.

Perges

Perges fors rogare, quid factururus sis paupertate oppressus. Intuere Iobum, Tobiam, Christū, & tot millia vltroneā paupertate diuites. imitare vitam, quorum expectas coronas. nam velle coronis parari, nō laboribus, fatuum. Doce dein corpus paruo placari, vt ancillari, non imperare consueſcat. animus imperet imperio natus. & quid refert quo pascas corpus? non perdit quod accipit? Intuere dein exitum eorum quæ præbuiſti. an à menſa regia nitidiora egrediuntur, quàm à ruſtica caſa? grauiùs olent, quæ à deliciis naſcuntur, quàm quæ à fruſto hordeacei panis. Quod ſi etiam palatum ſpectes, gratior obuius cibus, fortuitus potus, poſt labores venit, quàm quæ à pridiana cœna faſtidenti domino, cocorum exercitus præbet. Et quid ſtolidius, quàm turpiſſimæ corporis parti ſeruire? illi auium miracula, magis prodigia, æſtiuas niues, hibernas roſas parare? & odoramentis, etiam ab vltima Arabia aut India accerſitis, cibum farcire, luxuriæ nimirum & libidini prouocandæ, nō fami & ſiti pellendæ. An neſcis minimo famem conſtare, maximo faſtidium? paruoque illam dimitti, ne magno quidem ambitionem? nunquā hæc ſatiatur, illa leuiſſimis, aqua & pane, & ſtatario aliquo prandio & cœna. Aliquid tamen voluptatis in curioſis diuitum ferculis eſſe nemo negauerit. erras. plus in pauperum eſt, quia plus famis eſt. & vt conceſſero, quanti temporis voluptas illa eſt? non tam brevis huius ſenſus, quàm brevis vſus eſt? Et quid? corpori, an animæ natus es? mancipium hæc illi, aut illud huic eſt? & non ad maiora conditus es, quàm vt corpori mens famuletur? Contemne proinde corporis

*Quid faciet
paupertate
oppreſſus?*

ambitum, cælo famulare, ac in quacunque egestate oculos in cælum tolle. paratas ibi paupertatis opes reperiēs. non aurum, non gemmas, nō mensas, non purpuram cælo reconditam videbis. & tamen optima quæque cælo reposita sunt. Bona ergo opes non erunt, cū exulent cælo. nullo autem bono viduatum cælum est. Christum deinde cogita; nec erubescere imitari. aurum in hoc nullum, diuitiæ nullæ; extrema paupertas fuit. sequere. aut pudet sequi Deum? quem si cogitas, non verecundaberis ad paupertatis nomē. gloriaberis, & cum Christo tuo inter opes numerabis opibus carere. quin ad eō, gloriæ tuæ nō infimam partem arbitraberis assimilari Deo. assimilatur, qui contempsit opes, qui calcavit, ne inglorius hīc ab iis calcaretur, & æternum.

Iunge verò paupertati huic humanitatem, comitatem, mansuetudinem, animi submissionem, reliquasque virtutes, priorum comites, & si potes, eruditionem; & plus admirationis excitabis & venerationis, quā in magnarum opum fastu magno. Quod si consequi possis, ut à nullius munificentia dependeas, beatus, omnibus maior eris. Nemo diuitum non plurimorū operā eget, gratiā, fauoribus; pauper si sorte suā contentus sit, nulliusque indigus, nullius gratiæ auceps, in alta pace viuit. cū diuitem videamus in honorum ambitu, omnibus animæ & corporis incommodis eniti in causā votorum suorum, crudis que nocturnis que salutationibus nescio quorum non atria occupare, ad omnem occursum maioris cuiusque personæ decrecentem. Generosior longè pauper roster est. vis exemplum? Xenocrates Alexandri legatos modica cæna excepit:

postera

Beatus pauper, si sorte suā contentus viuat.

Pauper ferè diuite generosior.

Xenocrates Alexandri legatos modica cæna excepit:

postera die rogantibus, cuiam adnumerari pecuniâ ab Alexandro missam vellet, Quid vos, inquit, hesterna cœna non intellexistis, eâ me non indigere? Itæ Rex Philosophi amicitiam emere voluit, Philosophus suam Regi vendere noluit. Habes è Græcia, cape è Latio. Valerius Publicola, cum Iunio Bruto consulatum auspicatus, post tres exinde acceptissimos consulatus, patrimonio ne ad exequiarum quidem impensam sufficiente decessit, ideoque publica pecunia ductæ sunt. ita mortuo lectus funebri & rogi defuit. Non defuisset, si voluisset. amavit paupertatem. nec alia re magis quàm morte, quantum illam amauerit, testatus est. sed nec aliâ re clarior; vt illustrior paupertate quàm triumphis fuerit. Habes idem in Agrippa Menenio magno viro, pacis inter Senatum & plebem auctore: qui, nisi à populo collatis in capita sextantibus funeratus esset (ita pecunia inops decessit) sepultura honore caruisset. cuius vt superstitis nullum, ita morientis amplissimum patrimonium Romana concordia fuit. Magnæ opes. nec potuerunt maiores esse, quibus Romana Resp. peritura stetit. Ex eadem gente Attilij & Cincinnati fuerunt à spargendis seminibus, ab aratro ad consulatum & dictaturam, ab hīs ad boum iuga redierunt. Hinc illa Valerij: *Potest pauperes consolari Attilius sed multo magis docere locupletes, quàm non sit necessaria solide laudis cupidini nimis anxia diuitiarum comparatio.* & illud: *Angustè se habitare nūc putat, cuius domus tantum patet, quantum Cincinnati rura patuerunt.* intra quatuor iugera triumphatoris opes steterunt. Iam Cn. Scipionis filix dos defuit: Senatus ex ærario erogauit, tūc paternæ hereditati præter opimam gloriam nihil esset quod acceptum referret.

Val. lib. 4.
cap. 4.

Et quis seculi magnorum non deligat à Publi-
colis, Æliis, Fabriciis, Curiis, Attiliis, Cincinna-
tis, Scipionibus, Scauris genus trahere, quàm ab
ignavis diuitibus? Addo hîc illud eiusdem aucto-
ris: *Exsurgamus animis pecunieque affectu debilita-
tatos spiritus pristini temporis memoriâ recreemus.*
*Omnia nimirum habet, qui nihil concupiscit: eò qui-
dem certius, quàm qui cuncta possidet. quia dominiû
rerum collabi solet, bonæ mentis usurpatio nullû tri-
stioris fortuna recipit incursum. Itaque quorsum at-
tinet aut diuitias in prima felicitatis parte, aut pau-
pertatem in ultimo miseriarum statu ponere? cum &
illarum frons hilaris, multis intus amaritudinibus sit
referta: & huius horridior aspectus solidis & certis
bonis abundet. Quid poterat veriùs, quid fortiùs à
Christiano calamo? Addam, plus etiam admira-
tionis & honoris à paupertatis, quàm à diuitia-
rum cultu venire; omnibûsque opibus maius ef-
se opes cõtinnere, etiam illorum iudicio, quo-
rum tota mens opibus tanquam Oceano natat.
Neque quisquam miratur amatores diuitiarum,
miratur contemptores: nemo enim auri opum-
que auidos cupidòsque laudauit, aut inter imi-
tandos proposuit, proposuit paupertatis amato-
res, sectatores. Ita omnium sententiâ magnus
Franciscus est, Dominico etiam ore magnus La-
zarus, miserrimus diues est: cùm in hoc diuitiæ
æternùm crucientur; in illo paupertas æternùm
recreetur.*

Deus paupe-
rum amator.

Iam, quid ego de Deo dicā, mendicos, paupe-
res, humiles, viduas, pupillos vsque & vsq; pro-
lixè deligente, consolante, asserente, vindicante?
Inclamat: Iudicate pupillo & mendico, &
humilem & pauperem iustè tractate. liberate
paupe

pauperem, & mendicum de manu peccatoris eripite. Iustitia iudicabit mendicos populi, & saluos faciet filios pauperum. parcet mendico & pauperi, & animas pauperum saluas faciet. ex vltura & iniustitia redimet eorum animas, & honoratum nomen eorum coram ipso. Auertantur peccatores in inferos, omnes nationes quæ Dei obliuiscuntur; quoniam non in finem obliuioni habebit mendicos, tolerantia pauperum non peribit in finem. qui suscitatur mendicum de terra, & de stercore exaltat pauperem, vt sedere eum faciat cum primoribus populi. Quid de Christo Domino, à consolatione pauperum, humilium, esurientium & flentium, vitam & Euangelium exordiente dicam? Spiritus Domini super me, propter quod vnxit me ad euangelizandum pauperibus. Beati pauperes, quoniam illorum est regnum cælorum. Misit me curare obtritatos corde. Beati, qui esuriunt, quoniam saturabuntur. Beati, qui plorant, quoniam ridebunt. Date lugentibus Sionis gloriam, pro cinere vnguenti iucunditatem, & gloriæ habitum pro spiritu tædij. Et de diuitibus: Dilatauit Orcus animam suam, & aperuit os suum, & descendent inclyti, & magni, & diuites. Ecce Dominus virtutum conturbabit gloriosos, & elati comminuentur, & ruent gladio sublimes. Ne timueris, cum diues factus fuerit homo, & cum abundabit gloria eius; quoniam cum morietur, non tollet omnia, nec descendet cum illo gloria eius. Ne desideraueris diuitias, & cum relucet, ne adieceris cor. Væ, qui dormiunt in lectis eburneis, & deliciis fluunt in terris suis, qui edunt hædos de gregibus caprarum, & vitulos de gregibus bouum la-

S s etentes;

etentes; complaudentes ad sonum organorum, tanquam perleuerantia deputauerunt, & non tanquam fugientia; qui bibunt vinum liquatum, & vnguentis primariis vnguntur. In tanta passim eiusmodi vocum & sententiarum, in utroque Testamento tanquam in densissimo nemore frequentia, quò me vertam? Liquere credo, quod sit apud Dominum diuitum & pauperum discrimen. Et quid timeat pauper cum hæc audiat ore Dominico prolata? Addo: Corui non serunt, nec metunt, nec in apothecas condunt; & tamen aluntur ab ipso. Lilia & fœnum non texunt, nec nent, & tamen vestiuntur ab ipso, ut nec Salomon in omni gloria sua vno sit flosculo cultior. Quid timeat pauper? bonum Dominum habet, cælorum, & sæculi, & Regum Regem, qui cum Phariseos auro & opibus famulantes vidisset,

*Nō possumus
Deo seruire
& opibus.*

amentauit hanc sententiam: *Non potestis Deo seruire, & mammonæ.* Quid cogitatis diuites, quid pauperes? famulari Deo & opibus non possumus. alter nobis destituendus. quid deligitis diuites, & pauperes? Deum? renuntiandum opibus. non ego dico, sed Dominus. Opes? renuntiandum Deo. ipsius, non mea sententia est. Vultis opes & Deum? negat Deus posse. quis temerarius iudicabit posse? Aut mentiri potest Deus? non magis opes & Deum vnum capit pectus, quàm cælum & inferos anima vna. Durum hoc. sed verum. Nō possumus opibus seruire & Deo. quare nec vtriusque mercedem sperare. Opum Dei que merces, opes & Deus sunt. Frueris opibus? non potes Deo. Deo? non potes opibus. Inquiramus causam. docebimur à Domino: certius: nō possumus. *Nemo potest duobus dominis seruire:*

Luc. 16.

ant

*aut enim unum odiet, & alterum diligit: aut uni ad-
hærebit, & alterum contemnet. non potestis Deo ser-
uire, & mammona. Audiebant autem omnia hæc
Pharisæi, qui erant auari; & deridebant illum. Duo
domini, Deus & diuitiæ. alterum odisse debet
& contemnere, qui alteri adhæret & diligit. Dei
verba sunt. Et non seruiunt diuitiis, qui parâdis
illis maximam & nobilissimam vitæ partem im-
pendunt? & quotus quisque tantum diei noctis-
que Deo, quantum opibus largitur? quis deci-
mam, adeoque & vigesimam, vitæ partem Deo
tribuit? quis sollicitudinum ac curarum tantum
Deo, quantum corrogâdis erogât diuitiis? Con-
sulant singuli cogitationes suas; sententiam ipsi
de se ferant. nisi plus studij ac laboris, plus sudo-
ris ac temporis, parandis opibus impendant,
quàm Deo, fallor. Et quia plus laboris insumi-
mus, plus etiam seruimus cui plus sudamus & la-
boramus. à quo etiam præmia speranda: non à
neglectu aut cōtemptu. Paupertatem ergo, quis-
quis illâ premitur, siue à maioribus acceptâ, siue à
Deo immissam, siue ab hoste, aut fortuitò inustâ,
siue vltro accersitâ, colet & venerabitur, vt vir-
tutibus amicam: vt Deo cælôque remuneran-
dam, diuitéque aternitate locupletandam.*

C A P V T XXI.

*Quis in honoribus consequendis ac tutandis
modus tenendus?*

SI non pudet à profunda gentilitate discere, *Honorū con-
sauidiamus Valerium Maximū in Rutilio Cē-
forino; tēptores varj
à Gentilibus.*

Val. lib. 4.
cap. 1.

forino : Iterum Censor creatus populum gravissima oratione corripuit , quòd eam potestatem bis sibi detulisset. addit : Vterque rectè , & Censorinus , & populus. alter enim , ut moderatè honores crederent præcepit ; alter se moderato credidit. Quis Christianorum imitetur ? Audiamus eundem : Fabius Maximus , comitiis , quibus filius summo assensu Consul creabatur , quàm potuit constanter cum populo egit , ut vacationem aliquando honoris huius Fabiæ genti daret : non quòd filij virtuti diffideret . sed ne maximum imperium in una familia continuaretur , patre , auo , proavo . Subiungit : Quid hac moderatione valentius , quæ etiam patrios affectus , qui potentissimi sunt , superavit ? Quis Christianus pater in filij honore Fabium imitetur ? Illud etiam in his tenebris magnum : Superiori Africano statuas in comitio , in rostris , in curia , in Iovis templo ponere voluerunt , triumphali ornatu indutas , & continuum ei per omnes viâ annos consulatum , perpetuamque dictaturam tribuere . quorum sibi nullum , neque plebiscito dari , neque senatusconsulto decerni patiens , penè tantum in recusandis honoribus se gessit . quantum gesserat in promerendis . Quis è Christianis recuset ? addo , quis non ambiat ? Pergamus in eadem gente , & quidem in Imperatore : Dictaturam magna vi offerente populo , genu nixus , deiectâ ab humeris togâ , nudo pectore deprecatus est . Domini appellationem , ut maledictum & opprobrium , semper exhorruit . Vbi sumus ? quis nunc è plebe domini nomen exhorrescat ? quis nõ indignetur , si neges ? Taceo dignitatum nomina , nescio è qua barbaria mutuata . sed taceo . præcipitia hîc imminet : & rusticus habebor , si non integrum nominum kalendarium memoriæ impressero . non opus pluribus.

ribus. sciunt, qui norunt, & qui vocari volunt. Caue vel transuersam acum decedas. si peccatum, *turgescit vitrea bilis.* ac nimis hinc multum. Quisquis ergo honores amas, virtutem amplectere. Nemo umbram sine corpore consecutus est; & non honor umbra virtutis est: etiam inuitos & refugos comitatur. Sed ut umbra nonnumquam antecedit, inde sequitur: ita honor aliquando præit, & visendum se præbet, aliquando in auerso est: maior, quo tardior, maximè ubi inuidia secessit. quam nemo prudens exhorruit: scit illam virtutis & magnitudinis calcaneo inhærere. ita catelli, generosissimorum equorum vestigia latratu & cauda verrunt. at nullus equus latratus hosce vel aspectu suo, non dicam calce, dignatur. insurgit tamen non rarò inuidia, & si virtutis Solem non excludit, obtenebrat, & tanquam interiectu nubis obfuscat, & prospectum adimit. Fateor. verùm nec semper nubes, nec semper nebula. dispellet illa aliquando ventus, & prospectandum dabit Solem suum. Non dabit hoc sæculo: dabit alio. Et certè per paucis natus est, qui ætatis suæ gentem cogitat. multa annorum, multa populorum, orbe toto, millia superuenient. ad illa cogitationes flecte, nam licet omnibus tecum viuentibus silentium liuor indulserit; venient qui sine offensione ac gratia iudicent. Nulli sanè non virtus sua, viuo, aut mortuo retulit gratiam, si modò illam bona consecutus est fide, si se non exornauit & pinxit: sed idem fuit, siue ex denunciato ac præmeditato, siue ex imparato & subito videretur. Futurorum ergo memoriâ se prouocabit, quisquis gloriam sperat. nam viuo varia impedimenta obiciet, & inter

*Verus honor
virtutis um-
bra.*

*Iniuria &
invidia cla-
res dedere.*

& intercludent tenebras. meminerit tamen illud, non iam Stoici, sed Christiani: *Multorum innocentia & virtus lateret, nisi accepissent iniuriam. illustravit nimirum fortuna plurimos, dum vexat. non vexasset, non illustrasset, & iacerent sine iniuria. passi hanc sunt, gloriam consecuti sunt; & multorum libris calamisque viuunt, quos obliuioni æternæ suæ & sequens ætas insepeliuisset.* Non deterrebitur ergo, qui honores ambit, iniuriâ & inuidiâ. illa vel sola claros dedit, hæc illos comitatur. vt ambiri etiam inuidia debeat, tanquam gloriæ pedissequa: dignusque gloria censeretur, qui inuidiam patitur. nemo neglectis inuidet: surgentibus, aut in fastigio positis inuidia accrescit. Id aded more fit omnium gentium; nam in omni Republica, quibus honos nullus est, magnis inuident. & vel hoc solo nomine, quod vetera oderint, noua extollunt; quæ, si possint postea deprimant. ita fastidio quodam veterum ducimur, noua placent. Quin & nausæa quadam rerum suarum, cæco impetu, insurgunt in optimos. Solus contemptus clariorem dabit virum magnum. & si derogetur honor, amplectetur derogationem, vt amicam, vt optatam. maiorque illi gloria è gloriæ neglectu, & priuatæ vitæ amplexu erit, quàm è dignitatis possessione. quam bonis artibus sibi parabit, quisquis in vtraque fortuna magni nomen desiderat. Ille securus inambulat, qui suis, non alienis innitur. nam qui alienis; fulcimento subducto, corruit. vt si quis gloriâ suam alienâ metiatur veste, quam dū lubuerit, eat possessor detractū. Mëritur ille robur, magnitudinē, eruditionē, ornatū, qui alieno fortis, magnus, doctus, ornatus est. neque
stare

stare hæc possunt, aut posteritatem pati. suo magnus sit, qui magnus esse volet, & ex se nascentibus magnitudinem parat. sola virtus hoc faciet.

Dispiciat verò primò, in quo genere magnitudinem speret. In toga? totum se dabit studiis, improbæque quadam constantiâ incumbet in illa. Quòd si ingenium labori responderit, pauci anni magnum dabunt, maximè si mores eruditionem commendauerint. Incredibile dictu, quid labor etiam in mediocri ingenio possit, quo magis in magno? Nec latere diu cruditio potest, non magis quàm ignis reprimi. exsurgit hic, & alta petit; exsurgit illa, & ad sublimia amatorem suum ducet.

*Eruditionem
honos comi-
tatur.*

In aula fors, & aulæ manibus educi vult? obsequendo, & ferendo magna speret: beneficium deinde pro iniuria reponendo, blanda pro seueris, mollia pro asperis, gratiam pro contumelia. hoc qui potuit, aulæ imperauit. E militia magna expectat; vigilando, & audendo consequetur.

*Quis honos
ex aula &
militia spe-
randus?*

Ecclesiæ ornamenta cogitat? à pietate & doctrina hæc veniunt. Nam illos hîc ego fortunæ filios non tango, quos albis illa manibus ex vtero ad purpuram vocauit & tiaram; & nescio, an non ante vterum; sanè in illo. Non tango nepotes magnorum: quibus ad magnitudinem nepotes fuisse satis est. nemo nepotem se fecit; fecit natura: & dum in patruo felicior luit fortuna, nepotem adoptauit, fortunæ filium, & patruo iam filium, nò nepotem. Non tango magnorum filios, genitura magnos: quos licèt omnia destituant, ingenium, eruditio, robur, pietas, totaque virtus; magnos tamen videas, aliorum licèt, nò suâ virtute magnos. Non tango, quos emptus

*Quis honor
versus ab Ec-
clesiâ?*

honor

honor magnos dedit, suture licet patre, ingenio-
que crasso rudique, & aratro magis & ligonibus
natos, pecuniâ tamen magnos, & exinde hono-
ribus magnos. In quibus omnibus, cum nihil re-
perias animo magnum, magna tamen terris cir-
cumferunt nomina. Quid? quod prudentum etiâ
fortiantur nomen, quia magni patrui, & paren-
tis, aut aui nepotes & filij, & quia opibus magni.
Non tango illos, quos adulatio, aut improbus
magnorum amor, aut artes non bonæ, fecerunt
magnos. raro felicitas hæc æternat, & ferè in-
fortunato fine fortunata initia signat. Non tan-
go illos, quos militaris, non virtus, sed rapina fe-
cit magnos. fortunatos hosce latrones ferè desti-
tuunt opes. Nec illos tango, quos pudenda Prin-
cipum obsequia dedere magnos. fors cadet, quâ
surrexerunt viâ, & ipsi sibi ruinæ causam dabunt.
nescit tam mollibus diu pedibus felicitas stare.
nam & nimia fecunditas tenerioribus noxia ar-
boribus est, dum ramos onerat & frangit. ita nõ
vnam matrem fecunditas strauit, & quæ vitam
dederat, vitâ spoliata iacet. sic in parentem sævit
soboles, defævit etiam malis moribus parta di-
gnitas in auctorem, nec diu illæsum transit.

*Bonis artibus
honor parā-
dus.*

De illis ago, qui cum his omnibus destituan-
tur, ad gloriâ viam sibi parant, & bonis arti-
bus ad honores nituntur: misceantur licet quæ-
dam humana, si prima Deus occupet, si patriæ
salus & suorum, benè est, non damno; non im-
pello tamen ad illos, nec auctor sum honorum.
scio præcipitia dignitatibus adiacere, & confra-
gosam in fastigium dignitatis viam esse. Et sanè
perraro immodica durant, nisi ea moderatrix ra-
tio compescat. Quod multorum regnorum &
vibium

virbium euentus ostendit, quarum in ipso flore luxuriosa imperia ceciderunt: & quidquid virtute partum erat, intemperantiâ corrui.

Ostendit etiam magnorum exitus, quos in exemplum fortuna, tanquam nauseantis stomachi vomitum, posuisse videtur. Quis Perennium & Cleandrum Commodi, Rufinum & Eutropium Arcadij, Iunioris Theodosij Flauium, aliisque orbe propè toto innumeros, fortunæ & dignitatum pilas, nesciat? Olim sanè, nec Sp. Melio amplissimi fauor Senatus, nec Gracchis aui Scipionis memoria, nec Manlio Capitolij vindictio, nec Druso sanctissimi penates, nec Seiano Imperatorius sanguis auxiliatus, nec Pompeio orbis victoriis lustratus, nec Cæsari terrarum triumphus. iacent suorum gladiis. ita, cum Pompeio suspectæ Cæsaris opes, Cæsari Pompeiana dignitas grauis esset, nec hic ferret parem, nec ille superiorem, quasi duos tanta imperij fortuna non caperet; non antè immodica in utroque dignitatum restincta sitis, quàm sanguine illam leuarent. Iam quis non peractum cum Pompeio bellum crederet? at acrius multò Thessalici incendij cineres recaluere, quasi tanti viri manibus ultionem fortuna quæreret. inuenit in filiis. & pro vno, duo Pompeij nati. addebat animos fraternitas Ducum, & Magni memoria in duobus. inde acrius, quàm in Pharsalicis, pugnatum in Hispania. & anceps diu prælium, vt videretur nescio quid dubitare fortuna, & in quam se partem verteret deliberare. & occupare manu mortem Cæsar voluisse narratur, cum de victoria desperasset. Vicit tandem Cæsaris felicitas, & hæc sola. nam errore suorum solo victi Pompeij

T cesse

Magnorum infelices exitus.

cesserunt, non cesserunt virtute, non animis: post hos neminem vinci puduit. secuti sunt reliqui, quodam quasi æstu & torrente fortunæ; præmiūque victoriarū Hispania fuit, & secutus Hispaniam orbis propè terrarum. Quis non crederet pacata omnia Cæsari fore? domi inuenit, adeoque in ipso Senatu, qui felicitatē demeteret. ergo tribus & viginti vulneribus ad terrā datus, sanguine curiā impleuit, qui orbem natate sanguine docuerat. Hic finis honorū, nec poterat improba hæc sitis alio, quàm sitientis sanguine extingui. Non attingo Marium & Syllam. nota hystoria est. vt inuidisse in his fortuna principū gentium populo videatur, ipsum illum in exitium suum animando. nec prius quiescuerunt, quàm vrbs ipsa sanguine suorū nateret: nec cædium tamen, qui belli finis, quærendi fuerūt qui occiderentur. hinc illa tabula, quæ Equestris ac Senatorij ordinis duo millia delegerat, quæ mori iuberentur. Et verè, si sine ciuibz stare imperium potuisset, vixisset, cui imperaret Sylla, nemo. hinc illæ tandem voces, lassas cædibus & sanguine manus retrahentes, viuere aliquos debere, vt essent quibus imperaret. Taceo Catilinam. vtrūque ciues. & pugnatum tātis animis, vt nemo è Catilinariis, qui ludibrio esset, super fuerit. quem enim quisque locum pugnando ceperat, eum emissa anima corpore tegebat. Pulcræ mortes, si pro patria, si pro iustitia, si pro Deo. causâ tantarum calamitatum eadem, nimia honorum in magna felicitate cupiditas.

Non tango ætatis nostræ Galliæ, Hispaniæ, Germaniæ, Italiæ, Angliæ funesta exempla. & o meum Belgium, quanta in magnis fortunæ documenta

cumenta dedisti! nolo tangere hanc scabiem; nolo incestare calamus tam!ô quid dicam? nolo castam chartam tantorum sanguine purpurare. Hoc dico:

Magnis fallax fortuna bonis,

In præcipiti dubioque nimis

Excelsa locas.

Miseri, qui hîc altiùs tolli videntur, vt in exemplum & terrorê decidât altiùs. Et sanè, dum exitum quorûdam intueor, saginari mihi vt victimæ ad supplicium videntur, vt hostiæ ad pœnâ coronati. Decurramus per veterum Historias, videamus in his variam in omni genere fortunæ vicissitudinem extollentem, ludentem, ridètem, sæuientem. Incipiamus à Romanis; & primò à lætioribus, transibimus inde ad tristia. P. Rupilius, quem Sicilia diurnas capturas exigentem publicanum viderat, eundem iura dantem, Consulem, classèsque & exercitus ducentem habuit. P. Ventidius in triumphum sub Cn. Pompeij Magni patre ductus, de Parthis Consul triumphauit. itaque qui captius carcerem exhorruerat, Capitolium felicitate celebrauit. L. Lentulum, inter ornamenta & dedecora, alterna vice fortuna versauit, consulatui ipsius repetundarum damnationem, damnationi censuram subiiciendo, neque bonis illum perpetuis frui, neque malis æternis ingemiscere patièdo. Cn. Cornelium Scipionem Asinam ex Consule à Pœnis apud Liparam captiuum, & ex captiuo Consulem Roma vidit. Quid dicam de Q. Cæpione, qui post præturâ, triumphum, consulatû, pontificatû maximum, in publicis vinculis spiritû deposuit? quid de C. Mario humillimo Arpinate, toties

Ferè qui altiùs tollitur, deprimuntur altiùs.

Fortuna varia vicissitudo exemplis comprobata.

Romæ Consule; post Africam, Iugurthâ, Theu-
tonas, Cimbros, & post exilium Consule? quem
si inter felices posueris, felicissimum; si inter mi-
seros, miserrimum reperiēs. C. Attilium Regu-
lum, è Consule Romano & triumphatore, rese-
ctis palpebris, peracutis vndique stimulis in-
cumbentem video. Q. verò Catulum C. Marij in
consulatu & triumpho de Cimbris socium, in
cubiculo recenti calce illito multoque igni ca-
lefacto, iussu mori accepimus. L. quoque Cor-
nelium Merulam Consularem, incisis venis cõ-
tumeliosæ mortis denuntiationem effugisset. Et
non M. Manlius vnde Gallos depulerat, præci-
pitatus est? non Sp. Cassius, post tres consulatus,
duos triumphos, securi periit, ac interempto do-
mus superiecta, vt Penatium quoque strage pu-
niretur? non Ti. & C. Gracchorum nobilissimo-
rum corpora insepulta iacuerunt, vt supremus
humanæ conditionis honos nepotibus Africa-
ni deesset? Et non Africanus ipse post victum
Hannibalem, subactam in Carthagine Africam,
Remp. sibi restitutam, ignobilis accola vici ac
desertæ paludis, inscribi sepulchro voluit, *Ingra-
ta patria ne ossa quidem mea habes?* non Africanus
Posterior, Numantia & Carthagine euerfa, cum
seruulos raptos spiritus domi reperisset, puni-
torem in foro non reperit? non in eadem gente
Scipio Nasica legationis titulo Pergamum se-
cessit, &, quod vitæ superfuit, sine vilo ingratae
patriæ desiderio peregit? In eadem etiam Corne-
lia gente P. Lentulus cum à diis petiisset, ne ad
ingratum populum reuenteretur, in Sicilia vitâ
finit. Quinque ergo Cornelij, quinque ingratif-
simæ patriæ exempla sunt. Abala verò, cum
Sp. Mæ

Sp. Mælium regnum affectantem occidisset, custoditæ libertatis ciuium, exilio suo pœnas pendit. non Octauij Consulis caput rostrâ viderunt? non Antonij Consularis Marianæ mensæ? non Crassus pater & filius mutuo aspectu cædes suas funestarunt? De Pompeij verò capite nō pupillus & spado tulere sententiam? C. Cæsar iussit Lepidum Decio Tribuno præbere ceruicē, ipse Chereæ præstitit. Venio ad Imperatores. quis ferrum in Galba, Ottone, Vitellio, Caligula, Domitiano, Nerone; quis in Tiberio, Claudio, Germanico venenum; quis in Maximo, Balbino, Michaële Calaphate, Anthemio, Theodosio tertio, Leonio, Iustiniano, Thoma, Valente, Zenone, Heracleone, Mauricio, Phoca, Nicephoro, arma, ignes, secures ignorat? quis, vt Romanum Imperium egrediar, in Wandalis Gaudericum, Hensericum, Hildemerem, Gilimerem, in Visigothis Atulphum, Gigericum, Theodocidum, Thurisimundum, Alaricum, Gesericum, Amalaricum; quis in Ostrogothis Theodoricum, Amalasuentham, Theodelarum, Vitigem; quis in Longobardis Alboinum, Rosimundum, Rodoaldum, Gundebertum nescit, omnes morte non sua extinctos? In Scotorum Regibus quàm pauci lectum & mortem suam norunt! Nec immunis Germania fuit, non Gallia, non Hispania, non Asia, non Africa, non India. ita aliena plurimum manu Imperatores, Reges, primiq; exercituum ductores iacent. Hic fortunæ ludus est. victimæ huic Reges; & quidquid magnum orbe propè toto fuit, fabula huic stetit, aut tragœdiæ pars cruenta, vt gloriæ illius partem credas sceptrâ, diademata, purpurâ calcasse; & plus in illis,

quàm in fago & ligonibus sæuiffe. Vis plures in hoc genere, & miserandos magnorum exitus? plenæ sunt omnium gentium Historiæ, nullam orbe toto excipio. Sanè Polycrates Samiorum Tyrannus, Regum aliquando fortunatissimus, cui velle ac posse in æquo positum, in Micalensis montis vertice cruci affigitur. Et non Dionysius, post exercitus & clasces, ne quis fortunæ crederet, Corinthi Magister ludi factus ex Sicilia Tyranno, Reges monet? Syphax Romanorū & Carthaginensium in Scipione & Hasdrubale, tantum non arbiter victoriæ factus, paruâ interiectâ morâ, catenis constrictus, ad Scipionis genua supplex procumbit. Et non Hannibal Romani terror imperij, & si victoriâ uti sciuiſſet, Romanus ex Pæno Imperator, volûtariâ morte hostium se manibus vinculisque exemit? Idem mortis genus in Mithridate video. Et Lacedæmoniorum maximus Lycurgus patriâ pulsus iacet. Solon verò Atheniensium primus, profugus in Cypro vitam finiit. Theseus, sine quo nullæ Athenæ erant, paruulo in scopulo sepelitur. Miltiades verò post trecenta Persarum millia Marathone deuicta, in vinculis mori cogitur. Aristides etiam Græcorum iustissimus patriâ cedere iussus. Themistocles verò, à quo Athenæ Græciæ principatum acceperant, ad Xerxis misericordiâ, ad victi victor genua, perfugere coactus est. Phocion autem, post obitum, extra fines Atticæ regionis proiici iussus. Et non Cræsus regem suum vidit, Agis laqueum, Nicias lapides, venena Phocion, Ptolemæus & Iugurtha vincula, Baiazeres & Lucius caueam ferream, Alcibiades tela, incediam Pausanias, Manfredus securi-

rim?

rim? deniq; Hector, Hercules, Achilles, Pyrrhus, Darius, Alexander, & magnorum plerique qua morte iacent?

Dum hæc legis, ne fide mea iuuentus magnis. *Non fidentia magnis.*
 celsa ferè fulmina petunt, & tristes exitus, & du-
 bij casus, & paucorum ferè annorum felicitas
 infelici exitu funestata, quem non terreat? O;
 pone modum magnis cogitationibus; quæ prauâ
 semel viâ ingressæ, feruntur nullo discrimine in
 obuios quosque, etiam vteri eiusdem. O nimis
 sæcunda malorum ætas nostra! quò per quinquaginta annorum ciuilia bella, trahis caram mihi patriam! Dum modum non ponimus magnis, audire cogimur, Quis non Belgico

— Sanguine pinguior

Campus sepulcris impia prelia

Testatur?

Qui gurgēs aut quæ flumina lugubris

Ignara belli? quod mare

Non decolorauere cades?

Eheu! cicatricum, & sceleris pudet,

Fratrūque; quid nos dura refugimur

Ætas? quid intactum nefasti

Liquimus? unde manus iuuentus

Metu Deorum continuit? quibus

Pepercit aris? ô utinam noua

Incude dissingas retusum in

ultimos barbarorum ferrum! Pone sceleri modum, nec te delectet, ad sæculi huius magna, per cognatum ire sanguinem. non deerit Africâ & Asiâ vilior, quo sitibundam magnitudinem extinguas.

Redeo in viam. Quid quæris in augusta dignitatum magnitudine? tranquillitatem? raram

*Nec pax, nec
gaudiū, nec
felicitas è
magnitudi-
ne.*

Oceanus spondere solet. & quid ambientium animi, nisi reciprocis æstibus iactata maria? Quæris gaudia? talia in leonibus & lupis videbis capta præda. non potest in magno gaudio esse, quem perpetua exasperat maiorum honorum sitis. & nemo sitim sedauit prouocantibus sitim. Vis felicitatem? similis illis, quibus in scena sceptræ & diademata porriguntur. cum elati & cothurnati incedunt, non, ut primum exierunt, excalceantur, & ad staturam suam redeunt? Idem euenit purpuratis, ubi reducta, fors cras, fors hodie, fors hac hora, fabulæ, quam agimus, cortina; expurpurati, exsericati, nulla dignitatis cuiuscunque prærogatiua, nullo discrimine sceptri & ligonis, tremuli stabimus.

Virtutes felici magnitudini necessaria.

Quod si te tamen ad hæc sæculi magna virtus vocauerit, & illa sola, ne metue. imple munus, & quod virtus contulit virtute exequere. ac primum nihil in te agnoscas magnum, & magno munere dignum. si magna agnoscis, defines esse magnus, cum certissima magnitudo in sui contemptu consistat. hoc qui caret, parvus est. non minus quam nanus, licet in monte steterit. nihil enim ad staturam illius mons adiiciet: nihil ad magnitudinem veram, animi dico, dignitatum montes. Indignum te etiam dignitate iudica, sacra illa, an profana sit. hoc si non sentis, longissimè à virtute es. quæ cum maxima est, indignissimam se omni digniore munere arbitratur. Beneuolū deinde benignumque te omnibus exhibeas. nemo te comitate vincat. & cum omnes dignitate viceris, omnes beneuolentiâ vince. nihil tibi hac submissione decedet, accedet plurimum. Officiosum verò paratūmq; te præbe omnibus,

nec

nec verbis, sed factis etiam magis, ut opulenta verba locupletioribus factis diuites. quare nihil sponde, nec operam tuam addicito, nisi liberalius daturus sis. si negandum putas, comissimis negabis verbis, rationemque plerumque rei negatæ addes, & consilio interim iuuabis. Quod si personam, aut tuam, aut petentis dedecet, magno eandem rem à te excutias, operamque in aliis, si mereri petentem arbitratus fueris, polliceberis. multum ad nominis æstimationem famamque candor potest, ut etiam de repulsa qui petit, doleat, gaudeat de candore; magis etiam, si consilio iuueris. Munere autem & genere digniores, magna honoris significatione præuenies: pares etiā. quin & non rarò inferiores. Nec quenquam extra domesticos seruos, licet è plebe, aperto diu apud te capite permitte. mirum, quantum lenis hæc benignitas animos conciliet. Salutantes verò, etiam ex infimo populo, resaluta. nullo comitas & ciuilitas hæc constat, & famæ tamen plurimum addit & venerationi.

Ab asperioribus verò verbis vniuersim caue. exasperant hæc animos, & in damnum non rarò ac dominorum perniciem manus armant. A morosis etiam ac tristibus abstine. auertunt animos. A superbis ac fastuosis multò etiam magis. contemptum hæc pariunt, & liberioris locutionis ac detractiois magnam materiam suppetunt, & ferrum exacuunt, & consilia in interitum. Ita iacent plurimi, ignium, veneni, ferri victimæ. steterissent sine fastu. hic extulit, & depressit, & cineri hos montes æquauit. nihil certè comitate ad animos vincendos potentius. Etiam sceleribus si comitas adsit, & respersa criminibus si beni-

*A quibus in
magnitudine
cauendum.*

gnitas fuerit; plurimum potest ad ignoscendum: ad leniendum; ad sequelam etiam & imitationem. tam potens illa est, ut hac vna sceleratissimi hominum, incestuosi, crudeles, alienorum raptores, intemperantes, ac reliqua improbi, populi tamen animos vicerint, & in suam sententiam traxerint, ac imperio etiam potiri docuerint. quos si quis grauior casus occupasset, miserationem & lacrymas benignitatis memoria prouocabat, flagitia tegendo, retexendo laudes. Omnium verò maximè à verbis contemptum aliorum indicantibus abstinebit. hinc enim odia illa nascuntur, quæ solo partium interitum ponuntur. Nihil enim potentius odio è contemptu nato, ut, cum vltimi hominum reliqua faciles perferant, vnum contemptum non ferant. ut nec seruulum quidem contempsisse prudentis sit. qui namque contemptum patitur, & contemnere contemptorè incipit, & vitam etiam suam contemnere, ut odium è contemptu natum expleat, atque hinc cædes etiam Principum virorum, quorum vitæ factus est dominus qui suam contempsit. hanc odia contemnere docuerunt. odia verò nulla re magis, quàm contemptu nata sunt. In contemnendis ergo parcissimus, in laudandis effusus erit. quòd si laudes improba non admittat vita, silentio ut laudes, ita & contemptum premet. Quòd si scelerum iniecta mentio, eluet. non potest? mitigabit; & exasperantibus aliis, molliore verborum deterget spongiâ, ut nec omnino offendat exacerbatos narratores, nec damnet accusatum: alias potius iniiciat narrationes, inopinatas, nouas, quarum nouitate aliò narratorem ducat, & ab incepto abducatur.

Quòd

*Quid facien-
dum si opes
comitentur
honores.*

Quòd si opes honoribus accesserint, contine-
bit illas tanquam carceribus vir prudēs, nec ela-
bi patietur, ne aduersantium oculos splendore
suo percutiant, ne inimica feriant pectora, nec
egentibus sitim prouocent; vnde doli & fraudes,
improbæ sitis sæcundæ soboles. Nimix tamen
parsimonix nomē vitabit, magis etiam cupidita-
tis nimix: & liberali dexterâ porriget, quidquid
liberali Principum manu consecutus est, ac vl-
troneis etiam beneficiis plurimos sibi obstrin-
get. Si non permittent facultates, benigna pro
rebus verba reponet, & amicâ beabit sermocina-
tione, quem muneribus non potest. Voluisse, nec
potuisse, beneficij semper loco fuit; & gratiora
frequenter pauperum vota, diuitum donis fue-
runt. illa è diuite pectore, hæc non rarò ex ino-
pe proficiuntur. quo fit, vt animum magis dan-
tis, quàm munus ipsum intueamur & veneremur:
maximè si de ingenuis agamus, qui è pectore,
non è manu metiri donum consueuerunt. Nec
difficile est scire, à qua mente res profici-
scatur. frons, oculi, verba, promptitudo, magni
beneficiorum testes & indices sunt.

C A P V T XXII.

*Quid faciendum in arduis, & rerum de-
liberationibus?*

NI H I L aggrediatur, nisi maturâ delibera-
tione præmissâ. quod aded necessarium,
vt sepe honestas rerum causas, nisi iudicium adhi-
beas, perniciosi exitus sequantur. & benè alter:

*Matura de-
liberatio re-
bus pramit-
tenda.*

Plus

Plus auspicijs & consilijs, quàm telis & manibus geri. Intentum proinde animum in res omnes habebit. discutiet singula, & in longum consulabit. Scio quosdam, subitis aut nullis propè consiliis, euentu tamen claros fuisse. Cerealis inter exempla ponendus. aderat nimirum ipsi facultas, & fortuna, etiam vbi consilium & artes defuissent. Hinc ipsi, exercituique minor cura disciplinæ. neque semel tamen ad extrema Romanam rem compulit. Verùm vnus fors, aut alter è millibus Cerealis erit; cui cùm satis fuerit præsentibus frui, prosperè tamen secutura respondeant. At fatuum est fortunato vnus exemplo insistere; cùm tot millib. infortunatissimis terreamur. Scio etiam quædam non nisi à præsentemonstrari, vt verum sit, *gladiatorem in arena consilium capere.* cum rebus nimirum ipsis deliberandum non raro est. at, vbi res morâ paritur, nemo prudens saltu se in illam immittet. Et sanè quisquis deliberationibus assuevit, etiã in subitis, quæ deliberationem excludunt, inueniet quod proderit. assuetudo enim ingenium acuit, & promptitudinem quamdam ingenerat, animoq; præsentiam conciliat, & intrepidum inter ardua pectus. Scio deinde mortalium plerosque, res ferè prudentiamque ab euentu metiri: vnde non raro, eadem omnind, nunc prudentiæ, nunc temeritatî ascribuntur; nunc robori, nunc furori. quare eadem res, nunc sapientiæ, nunc stultitiæ nomen accipiunt. qua re stolidius reperiri nihil potest. stultissimè enim inchoatâ felicè aliquando exitum sortiri, dubitare non possumus. Ita Africanus duabus ex Hispania quinqueregibus ad Syphacem traiecit, in vnus Numidæ fide suam & patriæ

Homines ferè prudentiã ab euentu metiuntur.

patriæ salutem depositurus. itaque *exiguo momento*, Valerio teste, *maxime rei casus fluctuavit, utrum captivus, an victor Scipio Syphacis fieret*. Nec minus temerariū illud Cæsaris, cū impatiens tarditatis, majestate suâ seruili veste occultatâ, nocte cōnubia, speculatorio nauigio, se imperiū-que sæuissimæ Adriatici maris tempestatī credidit. nimia fortunæ felicitas audaces fecerat. At nemo prudens prospera hæc, aut non infortunata ex casu consilia probauerit, quæ sola felicitate excusari à temerario ausu possunt.

Felices exitus ex temerarijs conatibus.

Iacent interim tot millia temerariorum conatuum documēta. in Flaminio apud Trasimenum lacum: in Varrone apud Cannas, cū quadraginta millium cæde litatum temeritati est: in C. Manilio & Q. Cæpione contra Cimbroſ & Theutonas, octoginta millibus desideratis: in Hostilio Mancino, triginta millibus à tribus Numantinarum millibus superatis, sædâ etiam castrorum deditiōe: in Calpurnio Pisone, exercitu ab eiſdem perexiguo præsidio oppresso: in Crasso contra Parthos, septem legionibus, cum equitum quatuor millibus, totidēque velutum, cum ipſo duce ducisq; filio cæſis aut fugatis: in temerariis denique seditionibus Ti. & C. Gracchi, Saturnini, Drusi. quorum exempla docere nos meritò debeant. Ut verè quidam: *Corrigit præsentem lapsus prioris, ac de reprehensione antecedentis exempli nascitur emendatio*. Nascitur & prudentia. quam nulla re certiùs colligas, quàm temerariis aliorum lapsibus. viua in his consilia habes, roboris & sanguinis plena, quibus errorem tuum corrigas, aut, quod tutissimum, præcaueas.

Temeritatis exempla.

Quòd

Nemo prudens accusabit fortunā.

Nemo prudens consultorem dānabit.

Deliberatio etiā de parvis instituen-
da.

Quòd si quæ aduersa nullā arte euitanda excipiendā fuerint, senties verum illud : *Præcogitatæ mali levis ictus venit*; minúsque expectata, quàm improuida tela ferire. sed neque pœnitudo grauis adiacet, si quid præter cogitata, fortuitū intercurrerit : conscientia enim se solatur, fecisse nimirum, quod prudentis erat. Secus accidit? nō accusabit fortunam: feret. sed neque insurget in querimonias, si prudentibus cœptis aduersentur euentus. quem enim perpétua comitata felicitas est? aut quem non aliquando lenocinantis diu fortunæ perfidus cruentauit exitus? quem non aliquā sui parte percussit? aut cui non tantum minata est, quantum promisit? Stabit ergo in gradu suo, nec despondebit animum quacunque fortunā incurrente, conscius diligentia suæ. Sed neque accusabit consultorem suum. nam quis consulat, si consuluisse damno sit? gratias magis agat, & eriget etiam mœrentem, si quo certè dolore pressum viderit. Nam quid habes, quod accuses? Consulisti? consilium ex fide dedit. Errauit? non dixit errare se non posse. sed & maior error tuus est, qui secutus es consulentem. Nam quæ te vis coëgit sequi? liberè consilium postulasti. liberè secutus es: poteras non sequi. Iam, cum quisque ferè in re sua affectu à vero abducatur, certius alieno innititur auxilio; cum nullus hunc amor trahat in amata, sed affectu omni nudatus clariùs rem intueatur. nulla enim hunc nebula, aut affectuum nubes obtenebrauit, diemque ademit.

Nec pudebit etiam res paruas in deliberationem vocare. Nam, ut in magnis, ita & in his irrepit non rarò error, etiam grauis, in re nō magna.

&, ut

& vt nihil aliud consequatur, quàm animi tranquillitatem, vel hoc solo nomine amicos in consilium vocabit. plures non potest: vnum saltem, cuius antè fidem probauit. Fugiet verò calida consilia, & tanquàm de torculari spumantia; igneos enim ferè euentus, flammàsque calor hic dabit in domini caput arsuras. Moram ergo aliquam interponet, & multa tacitus secum cogitabit, & metuenda discutiet, & quæ euenisse grauissima possent sibi proponet, animúmque ad illa parabit. sic fiet, vt paratum aduersa reperiant, & in armatum antè pectus iacula cadant.

Illud híc etiám obseruandum, vt in omni deliberatione potiorém semper rationem habeat communis, quàm priuati boni. cuius defectu factum, vt imperium, quod Oceani littoribus non steterat, vix intra Romanæ vrbis mœnia staret: ac potentissimæ respublicæ regnâque in ipsiis nunc sedibus suis quærantur. Neque enim diu stare regnum, aut respublica potest, in qua post habitis publicis, singuli honoribus, commodisque suis student, & in qua priuata publicis potiora sunt. Atque inde Mariâna & Syllana tempestas, & parricidiale bellum in vrbe media, foro medio. nec finis odiorum fuit, donec decissent qui occiderentur. Initium belli, inexplibilis honorum Marij fames. hinc impatiens iniuriæ Sylla, geminum agnè vrbi infudit. nec multò post Marius quadruplici agmine ciuitatem ingreditur. hinc cædes; longèque sæuius, quàm in vltima barbarie aut media Carthagine sæuitur. redit Sylla, & redeunt cædes. nec cædiùm tamen qui belli finis. neque satis dominatui erat septuaginta ampliùs millia apud Collinam portâ cæsa,

nili

Priuata bona publicis postponenda.

Dānati, qui priuata publicis præposuerunt.

nisi deditorum quatuor millia inermium ciuiū, quasi per ludum, cæderentur, plurésque longè pro victorum libidine; cùm ille hostis numeraretur, quem quisque victorum sibi inimicum statuisset. Nec hic tamen finis. Ex ipso Equestris ordinis flore ac Senatus duo millia electi, qui mori iuberentur. Hæc Syllana rabies, priuata indignatione nata, in omnem ordinem sæuiit, donec tandem ipse Sylla efferatam indignabundamque animam cum sanguine deuomeret, vt sanguine nataret, qui natate sanguine suorum Romam iusserat. Successit Catilina. egestas hunc rei familiaris, & negatus consulatus in patriæ excidium compulit. Hoc barbarum. pignus coniurationis sanguis humanus, quem circumlatum patêris bibere. summum nefas, nisi amplius esset propter quod biberetur. quàm verò atrociter dimicatum fuerit, exitus docuit. nemo hostium bello superfuit. pulcra mors, si pro patria concidissent; impium fuit contra eam. Inde Cæsar & Pompeius. caussa, suspectæ vtriusque opes, & dignitas grauis. hinc arma in Italiam Cæsaris, quasi à negato absenti consularu: tandemque fatali prælio Philippici in Thessalia campi destinati. nunquam tantum virium Rom. populus, tantum dignitatis fortuna vidit. trecenta ampliùs millia hinc inde, præter auxilia Regum & Senatus. Nec finem mors Pompeij Septimij desertoris sui gladio trucidati dedit; incaluere Thessalici incendij cineres vehementiùs. in Hispania: vbi anceps diu ac triste prælium. fortunæ, non virtuti Cæsaris Pompeiani cesserunt. tantâ verò vtriusque stragè fuisse memorant, vt congectis vndique cadaueribus agger exurgeret. Nec diu læta

Cæsari

Cæsar victoria stetit; qui mox Senatorū gladiis concisus. Finis poterat esse bellorum, ac pristinae libertatis initium, nisi & Sext. Pompeius paterna repeteret, & Octavius patris mortem vicisceretur, & Antonius Cæsaris successorem indignaretur Octaviū. Hinc terra marique trepidatum, omniūque discriminum genere. ciuilibus, terrestribus, naualibus bellis Imperij corpus agitatum est. hinc Triumviratus, & redux Syllana proscriptio centum quadraginta Senatorum, funestique exitus, & orbetoto miserabiles. mors Bruti & Cassij secuta, & noua cum Sexto Pompeio bella, in quibus Bithynicus Proprætor, & Saluidienus Cæsaris legati superati. anceps deinde bellum, grauiterque Cæsaris fortuna duobus præliis concisa. vario etiam euentu mari pugnatum, Cæsaris classe superatâ, Agrippa vincente. cessit tandem inuida Pompeiis fortuna, & Sexti morte, magnum iacuit Pompeij nomen. Antonius denique ipse, ne veniret in potestatem, à gladio suo impetrauit. secuta Cleopatra, quæ admotis ad venas serpentibus, quasi somno soluta est. Hic finis armorum ciuiliū, quæ nimia sibi felicitas parauerat, priuatorūque commodorum & honorum studium. quo factum, vt in medio, Resp. propugnatoribus destituta, omnium manibus laceraretur, quæ omnium manibus petebatur. dum enim singuli sibi, non Reip. student, scdè laniandam proposuerunt. Quod non rapit amor sui? inimicus hic consilii, vt dandis, ita & accipiendis est. quandoque ergo priuata vtilitas, necessitas, commoditas tua, cum publica patriæ aut regni

certat, seponere tuam, amplectere patriæ. qua stante, stare potes. Et si qua rerum iactura intercedat, refarciri aliquando, illâ saluâ, damna possunt. sin perierit illa, quid speras naui perditâ? misera spes est, quæ tabulâ vehitur. & non omnes, qui ruinæ causam dederunt, cadente Rep. ceciderunt, & eâdem cum illa ruinâ insepulti sunt, aut non multò post eandem fortunam subierunt? & quis vnquam diu stetit, illâ labente?

*Laudati qui
priuata pu-
blicis postpo-
suere.*

Priuata qui publicis postposuere commoda, laudem retulerunt, & cum publicè prodesse, sibi etiam profuerunt. ita P. Valerius ædes suas diruit, quia excelsiore loco positæ instar arcis esse videbantur. non quanto domo inferior, tanto gloriâ superior fuit? Furius Camillus post Ardeanum exilium, ad dictaturam vocatus, se vrbi, urbem sibi restituit. Africanus Scipio nec perpetuum consulatum, nec dictaturam perpetuam, exilium tamen voluntarium suscepit, vt patriæ libertas sua staret. Numidicus Metellus populari factione patriâ pulsus, eodem vultu exilium, quo restitutionem tulit. Scipio etiam Nasica Pergamum secessit, vt sua libertas vrbi constaret. Secutus hunc P. Lentulus, donauitque patriæ iniustam licet indignationem. Iam primus Rom. libertatis assertor Brutus sanguinem suum, pro libertate Rom. populi, vilem habuit. Curtius etiam vitam patriæ libertati posthabuit. Genutius Cippus Prætor regno prætulit exilium: cum enim responsum accepisset, Regem fore, si in Urbem reuertisset, voluntarium sibi exilium indixit. Non absimile habemus in Ælio Prætor, qui interitum familiæ suæ delegit, vt Reip. felicitas staret. Duo etiam Decij pro Reip. in
colu

columitate se deuouerunt: è quorum sanguine insparata victoria emerfit. vita illorum victoriæ oberat, mors fecit vt vincerentur hostes. Inter laudanda, Codri est Atheniensium Regis, qui interitu suo fecit, ne Athenæ perirent; & Themistoclis, qui exceptum paterâ tauri sanguinem, instituto sacrificio, hausit, ne oppugnare, à qua exulabat, patriam, Persici exercitus dux factus cogeretur. De Philanis verò Carthaginensibus fratribus notissima historia est, qui viui insepeliri se passi sunt, quo latius Carthaginensium imperium diffunderetur. Magna sunt hæc affectus in patriam documenta, qui priuatam salutem, felicitatem, vitam patriæ felicitati posthabuerunt. Imitabitur vitæ fortis, vbicunque suam & patriæ integritatem in discrimen vocari viderit. hanc suæ præferet: & incolumitatem illius, si alia negata via, sanguine suo aut exilio parabit; clarior illustriorque hoc facto futurus, quàm si in alta felicitate æternùm viueret. Neque enim generosos hos ausus vlla ætas, ac nec Reip. quacunque posteritate interitus exinguet. neque enim quidquam est præter vnâ virtutem, quæ immortalitate donare possit. Imitare Christianus Gentiles. nec pudeat discere, pudeat vinci.

C A P V T XXIII.

Quæ vitæ ratio tenenda in militia?

DE hac Cicero: *Omnes urbanæ res, omnia hæc præclara nostra studia, & hæc forensis laus &*

industria, latent in tutela ac praesidio bellicae virtutis. & alibi: Rei militaris virtus praestat ceteris omnibus. hac nomen pop. Romano, hac huic urbi aeternam gloriam peperit: hac orbem terrarum parere huic imperio coegit. In hac re tanta quid ego militi, quid praescribam duci? fortibus potius factis, quàm dictis militaris ars continetur: vt facere militum, dicere oratorum sit. dictionem enim toga, fortia facta militia deposcit. Artem proinde hanc res certius docebunt, quàm verba: quare à factis militaria praeccepta magis quàm à verbis petenda sunt.

Prima militis virtus parere.

Hoc tamen de milite dici potest. parendo potius, quàm imperia sciscitando, feliciter res agi: fortissimūque in ipso discrimine esse, qui ante discrimen quietissimus est: vt arma militi & animus optandus, consilium duci.

In perpetuo militari exercitio continendus miles.

Iam, studium omne militis in armis & militaribus equis, non in scortis & conuiuuiis. talibus non labor insolitus, non locus asper, non formidolosus hostis est. Somnum saxa excipiant, campus sudorem bibat. etiam in pace, labore & incommodis bellum pati discat, in armis decambulando, campum decurrendo, fossam moliendo. Sanè, ne animi expauescant, de umbra ad solem, de tunica ad loricam, de quiete ad tumultum deducendi. non de deliciis ad bellum, de cubiculo ad aciem; sed de papilionibus, aut nuda humo, de aratro & ligonibus ducendi. Ad strictiorem proinde disciplinam segregandus miles, vt robori etiam in alta pace aedificando vacet: continendus à luxuria, à cibus latioribus, à potu iucundiore, vt quanto plus in exercitationibus laborauerit, tanto

tanto plus de victoria speret. non sperabit, qui mollibus assuetus, comam struere, cutem fingere, speculum consulere, aurem foratu effeminare didicit. Ille optimus est, quem non adduxit molle ac pingue solum, sed laxa, montiumque asperitas, aut dura tellus, & retrò sterilis, ac non nisi duris ligonibus & sudoribus facundanda. è duro nimirum fortior miles venit, ignauus è molli; cum ferè naturam loci corpora fortiantur. Scio exercitationem plurimum posse, & molliora membra laboribus obdurescere, ac callum quemdam per incommoda induere. sed multo hinc opus sudore, ut labore consequaris, quod natura largita non est: nec vno impetu obdurandum corpus; frangas, non robotes. Incuruas arbores lento igne, & frequenti inflexu in rectum deducas: vim si adhibeas, franges, non flectes. Eadem infirmando corpore reperies. quod cum nihil magis enervet, quam otium, vitandum in primis hoc crit, ut superuacuo licet labore exercitandus sit miles, ne, dum bella ingruunt, ignauo assuetus otio, dura refugiat. Plurimum in omni militarium exercitationum genere valere Romani. hinc traditum à scriptoribus in ardua & longa contra Cimbros pugna nullum sudantem, nullum Marianum militem suspirantem visum. priores exercitationes corpora indurauerant, sudorem deterferant.

Optimus ferè miles ex asperiore agro educitur.

Assuescat deinde audire Præpositos, nosse ordines, intelligere occasiones, differre impetus, disponere diem, vallare noctem, fortunam inter dubia, virtutem inter certa numerare, plus in duce, quam in se reliquòque exercitu reponere,

Obedire militum est.

*Imperare
ducis, exequi
militis est.*

*Manibus, nō
ore pugnan-
dum.*

*Crudelis post
victoriā, ti-
midus est;
fortis, clemēs
post victoriā
est.*

nere, maximūque certamen in gloria statuere. ac, cū pugnandi quadam auiditate, ac propē furore fertur in armatum hostem, imperia tamen ducis sequatur: etiam dum victoriam se manu tenere arbitratur, ad receptus signum, aut negatam pugnā, non minū paratum se, quā in hostem ostendat. Prima militis laus parere. imperare, ducis est; imperata exequi, militis. ille consulendo, prouidendo, cunctando etiam sapius, quā temeritate aut inconsultis ardoribus, victoriam suis parat: miles fortiter magis agendo, quā consulendo. cuius summa virtus, & spes victoriæ in parendo est. In pace verò, & ante signa modestiam præ se ferat: intus coquat, quod in hostem euomat: æstuet animo, non ore: & integras vires per manus & arma, non per os effundat. nam ferē in quo plurimum verborum, virium minimum est. ille, à quo magna speranda sunt, silentio robur premit. ignauus plus virium linguā, quā manibus & pectore circumfert. fortem hunc videbis in alta pace, & ante signa: in ipso verò armorum concursu trepidantem, sudantem, fugam circumspectantem; crudelē post victoriā, in pugna timidum. cū contrā vir fortis in ipsa pugna præferocem ostendet animum, clementē post pugnam. ita generosior quisque iram in armatum profundit, clementiam in supplicem; ignauus iram in supplicem & inermem, in quem solū fortis est; ab armato dexteram & arma continet. & cū pudor generosum reuocet, crudelitas timidū propellit in exarmatum. cui si ante pugnam loquaris, credes hostiles legiones vno flatu discussurum: si inter epulas & pocula, magnum non modò

modò militem, sed ducem promitter.

Scio gentes non postremas de pace & bello in conuiuiis consultare, tanquam nullo magis tempore, aut ad simplices cogitationes pateat animus, aut ad magnas incalescat. perpetua his pocula optanda, vr semper ardeant, nūquam interescant, etiam inter arma. nam si hæc sustuleris, redeunt ad quamdam lentitudinē & ignauū frigus, non nisi poculis reaccendendum. Nolem hanc generositatem animosque à vino venire, aut mutuari à mensis. apud se habeat, quo incalescat miles noster, & à quo sperari trophæa possint, cui sola spes in virtute, salus in victoria sit, quem magis arma quàm pocula & pedes tueantur, magis ferrum quàm locorum interualla aut propugnacula tegant, quémque mors non terreat, sed impellet in hostem. scit enim vir fortis moriendum omnibus esse, idque solum referre, nouissimum spiritum per ludibrium, an per virtutem effundas; in lecto, an inter arma; diu, an semel; permistum hostili sanguine, an suo tantum; per morborum cruciatus, & carnifices medicorum manus, an per inimicum latus & ferrum.

*Generositas
militi à quibus
rebus
mutuanda.*

Nolo deinde militem, sola egestate aut metu è flagitiis nato ad arma properare. nolo sola rerum suarum desperatione extimulari. nolo illum, cui in compositis rebus spes nulla, solumque in turbido consilium est. prædæ hic potius audus quàm gloriæ, & diuitiarum quàm libertatis; luxumque & otium capesset, disciplinam & labores aspernabitur. Illum volo, quē patriæ amor & libertas, quam nemo fortis nisi cū anima simul mittit, exciuerit; quē honor & gloria in

*Qualis miles
deligendus.*

arma miserit; qui ante seruitium mortem eligat; qui famulari nesciat, imperare audeat; quem labor & sudor delectet, otium fastidio sit; qui per decus inter arma mori, quàm in ignauo otio viuere malit; qui, si cadendum, medio nattet hostili sanguine & suo, nec incruentam vnquam victoriam hosti relinquat. Hoc est esse virum. nam vltro se dedere, & trucidari, pecudum, non virorum est. Neque quisquam fortiùs in armatum ruit hostem, nemo latius inuolat in mortem, in inimicum ferrum, quàm quem nulla scelerum conscientia reprimat. Metus à crimine surgit, & mens delictorum conscientia proposita morte, timore ferè percellitur, cum interno prematur iudice & teste. sed & secutura mortem terrent, & animos adimunt, etiam valentissimis. Vis non timere? remoue internum accusatorem. facies, si remoueris crimina. ille securus moritur, quem nullus futurorum metus terret: timidè moritur, quem mors altera expectat, quem nunquam morituræ inferorum pœnæ. Libera te ab hoc timore. liberabis, si posueris scelera. Nec arduum irato Deo reconciliari. pauca lacrymæ, & suspiria imo pectore prolata, quid non possunt? Quòd si innoxiam, & omni grauiore liberatam scelere vitam miles duxerit, beatus. hic enim impavidum omni ferro pectus obiiciet, cum mortem, tanquam naufragij sui portum, tanquam triumphij sui cælo repositi ianuam, amplexus fuerit. intrepida in mortem innocentia est, & gaudet etiam mori, cum præmia expectet solâ morte donanda.

Pietas, & mens criminum ignara fortes dabit.

Quid tironi faciendum.

Ascriptus verò militiæ tiro fortissimum, quem

quem æmuletur, optimorúmque consuetudinem captet. nec imitari pudeat: nemo discens erubescit. quòd si in eum locum & castra deductus fuerit, in quibus suspecta virtus, ducibus auctoritas nulla, militi verecundia nulla, obsequia nulla, imperia nulla, ac in contrarium versa omnia; declinabit, si potest, familiaritatem omnium. si non potest; vnum aut alterum contubernio suo dignum deliget, semouebítque se à turba: ab iis in primis, qui in seditionem prouincibúsque plus roboris in ore nater, quàm in dextera & armis, qui plus innato fastu pedes & brachia iactant, latera torquent, vocem & supercilia tollunt, minas intentant, fortiúsque loquuntur quàm agunt. Inuenies inter hos, qui nunquàm in acie steterunt, nunquàm hostem viderunt, nullum sanguinem dederunt, nullum hauserunt, nunquam tubarum sonum ex hostiũ castris audierunt; & splendide tamen sua, non facta extolunt, nescias maiore stoliditate, an impudentiã. fuge quisquis militiam amas, hos rerum suarum præcones; quibus si hostem ostendas, pedes circumspicient. Quòd si vniuersus eò venerit exercitus, vt nullus corporibus vigor, non ardor animis insit, lentúmque ac rarum trahatur verius, quàm ducatur agmen, fluxa arma, segnes equi, milésque solis, pulueris, tempestatũ, inedia impatiens, ad solas discordias & secessiones promptus; quacunque demum causã hæc nata, ducum indulgentiã, ignauia, imperitiã, militum improbitate, terrarum mollitie; subducet se quicumque æstimationem saluam voluerit, qui famam, qui salutem.

Obseruabit verò diligenter magnorum du-

Qua obseruanda militi.

V s

cum

*Quid in ho-
ste notandū.*

cum consilia, res gestas, militaria stratagemata, res, & consilia dubia, audaces conatus, temerarios ausus, infelices, felices, præmeditados, inopinatos successus; gentium dein inter quas versatur mores, ingenium, locorum naturam, flumen, maris, reliquorum omnium. hostium in primis conatus, molitiones, animos, dolos, prudentiam, robur, potentiam & opes, quibúsque maximè rebus capiatur, gloriâ an opibus ducatur; consilio, robore, an astu valeat; simplicis ingenij, an fallacis sit; in suspicionem, & terrorem, in inertiam, luxum, pocula, cædes, incendia, crudelitatem, an in misericordiam pronior; duro sæuóque ingenio, an miti & facili; iras odiâque deponat, an æterna habeat; negligens, an pecuniarum & munerum avidus sit, prodigat sua, an aliena concupiscat & rapiat; quo armorum genere delectetur, quo valeat, & utatur. Singularum denique virtutum vitiorumque hostilium curiosior indagator sit, certus magnam ab hac scientia, & benè gerendæ rei, ac victoriæ partem pendere. Quanta namque hostium ignoratio florentissimis retrò regnis damna dederit, quantâque eorundem cognitio commoda, omnium gentium ac ætatum Historiæ loquuntur.

C A P V T XXIV.

Quid faciendum militia Duci?

*Prima cura
Duci in delectu
militari.*

DE Ducibus verò ductoribúsque quid dicam? In militari delectu prima illorū cura. dispiciat Dux, quæ regio valentissimos, quæ genero

generosissimos procreet: tirones sint, an veterani: sub quibus Ducibus stipendia meruerint: priuatis odiis, an publica salute ducantur: inopia illos & mali mores, pœnarū metus, exilia, exhausta res domestica, an otij amor, laborum fuga, libido & luxus, & spes rapinæ exciuerit. nec tam numero, quàm robore exercitum metiatur. laboribus, inedia, vigiliis assuetos deligat, cōsque in primis, quibus animus supra vires. Qua in re magna habenda terrarum ratio. ferè enim tellus vna molles, duros altera protrudit; illa lenes, hæc feroces; laboribus illa impares, hæc pares. diffuunt illi sudoribus etiam in otio, hi nunquam: ad sanguinem palleſcunt illi suum & alienum, hi exasperantur, & crescunt ad vulnera animis; adeoque & postquam cōciderint, vincere didicerunt, & cum Magno Alexandro de genu pugnare, cum Cæsare alieno clypeo, dentibus etiā cum Romano milite, qui in mediis morsibus in Cannensi pugna expirauit: illi à pedibus salutem, hi à ferro expectant.

In omni autem ferè genere vrbici languidiores, & laborum impatientiores & egestatis sunt; agris assueti validiores, paupertatisque & inediae tolerantiores. hinc rusticæ tribus apud Romanos nobiliores ciuicis. ab aratro & ligonibus roborata veniunt. non quòd imperio hi nati: neque enim imperium viribus metimur, aut corporis robori ingenium natura pariauit; cū nō rarò imperiis nati, quibus fortitudo negata. factum in Scipione, aliisque non paucis. militiæ tamen aptiores, quibus vis maior.

De ætate nihil dico, nec multum infra vigesimū annum, nec supra sexagesimum probem. hoc

dico,

*Agris assueti
urbici meliores.*

Qua ætas militiæ idonea.

dico, cum animis maximè & viribus bellicæ res, non numero, peragantur, industriam omnem in delectu Dux ponat. Veterum nos exempla docent. Notus L. Marcius Eques Romanus, qui cæsi exercitus reliquiis bina hostium victricia castra, triginta millibus cæsis, expugnauit. Notissimus Leonidas, qui trecentis totius Asiæ impetum sustinuit; nec antè cessit, quàm proditus: ac nec sic retulit pedem, sed fortiori morte fortissimos ausus signauit. Quantus verò Calpurnius Flamma, qui trecentis infestum & infestum hostibus tumulum occupauit, adeoque moratus hostes, dum exercitus omnis euaderet, ac sic pulcerrimo exitu Thermopylarum & Leonidæ famam adæquauit! Iam Lucullus quantus! per exigua manu tribus præliis, sexaginta supra trecenta millia trucidauit, ingentisque prælio quarto Mithridatis ac Tigranis duorum potentissimorum Regum exercitus deleuit, terra marique victor. ut sint qui scribant, peditum millibus duodecim, equitum non totis millibus duobus trecenta armatorum millia fuisse. Paria propè in Pompeio reperies. in Lusitanis ac Hispanis, in Oriente & Occidente, etiam maiora. robore & animis, nò numero, metiendus miles.

2
Variarum nationum miles à Romanis delectus.

Variarum nationum, è gente varia, militibus Romani vti feliciter. Cæsar ante alios, & secuti Cæsarem Imperatores Romani. Hannibal etiam Hispano & Gallo milite robur sustinuit Romanorum, cum Carthaginenses ad prædam potius, quàm ad pugnam videretur seruasse. Iam, quanta bella à Romanis in Germania, Anglia, Belgio, Gallia, orbèque toto peracta, externo ferè milite! hinc auxilia illis & auxiliares copiae.

Et

Et consultum illis videbatur, quam oppugnabant gentem in se mutuo armare, quò paribus armis paria exponerent arma. æmulationem verò gentium diuersitas prouocabat: cum pro suæ quisque gentis gloria fortiter profuturâ æmulatione dimicaret. quam accendere etiam verbis Cæsar, Drusus, Germanicus, Agricola, aliique consueuerant.

Scio plurima hîc dici posse. ac I. Auxiliarem externumque militem, seu validum, seu ignauum, timendum. illum, ne ex amico hostem sentias; hunc, ne proditorem. II. Infidum non semel domino suo fuisse. III. Barbarè ferè scire, ut qui miseri in alieno non didicerit. IV. Nullâ verecundiâ teneri, quare fugæ aptiorè, quàm pugnam. Fateor dici hæc posse. sed & illa. Maximos, ut dixi, Imperatores mercenario hoc & auxiliario extero milite feliciter usus. Ad obiecta responderi potest. Ad Primum. numquam permittendum, ut validior hic miles sit tuo. Conandum proinde, ut numero vincas & robore. Ad Secundum. fidos sæpius expertos primos orbis terrarum Duces. Et sanè beneuolentia, præmiis, fiduciæ ostentatione, arctius sæpè colligari, quàm domesticum militem. Docet Magnus Alexander, Hannibal, Cæsar, Pompeius, plures. Iam, quàm parum fidus domino suo domesticus miles steterit, discimus à Romanis, in Galba, Vitellio, aliisque non paucis. Ad Tertium. consultum frequenter nõ parcere. imò domesticum militem exitio non semel Principibus fuisse, dū nimia miseratione patriæ & ciuibus parcunt. è qua noxia beneuolentia victoriæ non semel è manibus elapsæ, nouisq; ad noua arma animus datus, dum non metuunt
tam

tam pium ferrum. Ad Quartum. maiori plerumque pudore teneri externos, ne ignaui apud suos audiant, ne fabula fiant orbi, ne vniuersæ genti suæ non delendâ socordiæ notâ inurant. Quid? quod ferè fortiùs incumbant pugnae, vt qui omnem spem in sola victoria ponant; domesticis verò spes in pace, quàm in bello maiores. Addo & finio. magnos ferè Duces in ciuilibus bellis, exteriori potiùs quàm domestico vsos milite. Quòd huic patriæ pietas, & consanguineus sanguis, & suorum preces & lacrymæ, & vetus amicitia & contubernatio, animos adimant, audaciam frangant, ferociam molliant. Sed & nimia suorum miseratio languorè inducit, ignauiam generat, terrorem incutit, & reluctantem trahit potiùs, quàm ducit. & nulla illubentia magnum vnquam militem dedit. destituet in medio ardore Duce[m] quisquis alienâ, non suâ, voluntate arma circumfert.

3
Bene ab armis & vestibus miles instruendus.

Bene deinde ab armis instructum militem Dux habeat: etiam à vestibus. animos illa addût: nimia egestas deiicit. quin & ornatum vult Cæsar, quasi crescat ab illo animus, & altum aliquid spiret miles qui altè se cinctum videt. Hannibal ornatum aspernatur, quòd plus hosti accedere animorum ab hostili ornatu putet. Mediam deliget viam militiæ Dux, vt nec mendicitatem vestes redoleant, nec auró gemmisque fulgurèt, vt nihil præter arma hostis videat, & expectet. Quare & armis assuescat militiæ Dux, vt suo reliquos exemplo prouocet. in alio verò corporis ornatu, mediocritatem cum Augusto, Traiano, Dione, & magnis Imperatoribus sectetur. Nulla magnis à veste crescere magnitudo potest. in
mili

mīlites magis ornamenta cadunt, qui animum non rarò à veste mutantur, & quamdam cum illa generositatem induunt.

Nullum ab armis aut laboribus otium suis permittat. Notum illud Catonis: *Inertia & torpedo plus detrimenti adfert, quàm exercitatio.* & illud: *Plus ferrum rubigine in alto otio, quàm exercitio conteritur.* & illud Vopisci in Probo: *Numquàm militem otiosum esse perpessus est, dicens, annonam gratuitam militem non debere comedere.* Etiam in summa pace sudare & periclitari doceat. Decet hostis? non deerit vigilanti in omnem fortunam Duci laborum materies. & ut hostis desit, armabit in socium, & hostili inter contubernales velitatione, quid timere, quid fugere, quid prosequi, quid impetere, ferire, præterire in hoste debeat, docebit; quando referre pedem, quando inferre; quomodo concurrere, ictum vitare, arma tollere, deprimere, mutuo tutari, animare lassatos, opportunum pugnae locum præoccupare, fallere etiam & circumuenire hostem, fugam nonnunquam simulare, ut hostiles solvantur ordines, insidias incautis struere, terrorem concitare: quæ etiam arte peditatus se aduersum equitatum, paucique aduersum confertam turbam tucantur: quoque ordine referre retrò pedem per decus valeant. Ipse in his Dux spectator, inhortator, laudator, præmiator erit: laudabit strenuos: segnes plus exemplo, quàm verbis incitabit. magis tamen vitia, quàm virtutes dissimulabit; quamquam nec illa intacta transibit. absit tamen asperitas, ac in monendo superbia; pudoræque magis ac præmiis, & ante omnia exemplo suos prouocet. Venerationem deinde apud suos sibi

4

Nullum otium
permittendū
militi.

sibi paret. parabit fortibus magis factis, quàm dictis. ac cùm socius ipse laborum ac periculorum sit, stet tamen sua Duci veneratio, nec quidquam committat, quo suorum contemptum patiatur. Non cōtemnitur, qui imperium & falces habet, nisi se prior ipse contempserit, & cōtinere docuerit. Præcuntis exemplū Ducis habes apud Vopiscum in Aureliano. *Nullum unquam diem prætermisit, quamvis festum, quamvis vacantiē, quo non se pilo, & sagittis, ceterisque armorum exerceret officiis.* & in Traiano Cassius: *Pedibus ferè ingrediebatur. quoties flumina transeūda haberet, ipse avidus pedibus sicut miles traūciebat.* hoc est animos addere militi. Et de Constantino Nazarius: *Inter tuos non vis principatu magis excellere, quàm labore. Cumulatissimum quidē Principis munus est, si manu cesset, non cessasse consilio. sed tu non segnior gerere, quàm iubere, simul exercitus tuos monitu regis, opere iuuas, incendis exemplo.* Videat deinde quid etiam in Alexandro otium potuerit, & à magno imperatore nocitura discat. *Vt primum instantibus curis laxatus est animus, exceperunt eum voluptates: & quem arma Persarum non fregerant, viua vicerunt, otio nata, educata.*

§
Voluptas
qualis militi
concedenda.

Cùm verò otium concedi militi nolim, ne torpescat ignaviā, ne concidat animis & corporibus ad ardua, ne ad periculorum nomen expallescat, ne languescant mēbra solis laboribus roboranda; tū nō omnē voluptatē negari velim; sed concedi etiam aliquam magni Æneæ, & Scipionis exemplo. illam, quæ sudoribus cōstat, nec aliam, & quam præmia comitantur, quàmque è telorum iactu, luctatione, cursu, amica ut inimica velitatione, gladiatorio nisu generosior
quis

quisque percipit. Factum à Pompeio & Traiano. Adde natationem. quam nec Augustus erubuit nepotes, nec Cato filium docere. neque enim semper pontes. factum à Cæsare in Ægypto, ab Alexandro Magno sæpè.

Præmiis fortia suorum facta decoret, etiā stauis. Factum ab Alexandro, Romanis, Græcis. hinc illæ ciuicæ coronæ, murales, obsidionales, nauales, aureæ torques, armillæ, hastæ, phalæx, equi, agri, pluræque generis illius. quæ res quātos animos addat, nec hic calamus exprimat, nec dici satis ex fide possit. Hoc etiam in hostile ferrum & mortem cogit, si qua post obitam fortiter pro Republ. aut Principe mortem, coniugibus & filiis præmia maneant. Viuere ut se in coniuge & filiis miles putat, ita in illis præmiari. Magna hæc res momentum viuentibus est, ad ardua quæque maximis animis intrepidè obcunda.

Ut præmia fortibus, ita ignauis pœnā & ignominiam inuri velim. Factum à Calpurnio Pisonæ, qui turmas equitum, quoddam arma hosti tradere, quàm mori fortiter, maluissent, ad æptis equis, in funditorum alas transcripsit, ut mortem qui effeminatè timuerant, viriliter optarent. Et à Senatu Romano, cum captiuos ultro à Pyrrho donatos recepisset. decreuit enim ut ex iis qui equo meruerant, peditum numero militarent; qui pedites fuerant, in funditorum auxilia transcriberentur: recursum verò iis ad pristinum militiæ ordinem proposuit, si quis bina spolia ex hostibus retulisset. In eos verò, qui apud Cannas Remp. deseruissent, grauius etiam sæuiit: petenti M. Marcello, ut illorum operâ uti sibi ad Syracusarum expugnationem liceret, rescripsit indi-

6

*Præmia bene
meritis dan-
da.*

7.

*Ignauis pœnā
afficiendi.*

gnos videri qui in castra reciperentur; cæterum se illi permittere quod è Republ. fore iudicasset, dum ne quis ex iis munere vacaret, aut militiæ dono donaretur, aut in Italiam, donec hostis in ea esset, accederet. Sed & cùm Hannibal sex milium Romanorum captiuorum redimendorum potestatem fecisset, conditionem spreuit. memor tantam multitudinem armatorum iuuenum, si honestè mori voluisset, turpiter capi non potuisse. Validum remedium ad ignauiam reprimendam, animos dandos. ita medici grauior morbos asperis remediis curant, etiam ignibus & ferro.

8

*In supplicijs
sit modera-
tio.*

In supplicijs moderatus erit, nec tormenta tormentis adiiciet: vnóque alteróue, cóque leui & vulgato, mortis genere contentus erit, ne audiat crudelis & barbarus. Errores proinde militares ne acerbíus vniuersim corrigat. scire hoc in Rempubl. est: quàm si saluam velit, facilis in ignoscendo sit. Peccarunt hac in re Marius & Sylla, peccarunt alij. O si non hac ætate! Prudèter Cerealis, Scipio, Marcellus, Otto, Germanicus, paucorum pœnâ Reip. consuluerunt; pluresque alij. feliciter semper. In priuatis tamen delictis seuerum potius se præbeat. factum à Tiberio, qui militem, quoddam pauonem sustulisset, capite puniuit; & Pescennio, qui ob vnus gallinæ direptionem, decem commanipulares, qui raptam ab vno comederant, securi percuti, teste Spartiano, iussit. Furta proinde omnia, magnorum Ducum exemplo, à castris arcebit. vnde illud à Frontino meritò laudatur, cùm pomiferam arborem, quam castrorum metatio complexa fuerat, postera die intactam fructibus mansisse narrat. Illud verò indi

indignissimum, exercitum suppliciis cogere, cum tu per mollitiem agas. domini hoc est, non Ducis, non imperatoris. Impunita tamen scelera nō relinquet, ne indulgentia eat in exemplum. Nec in seueritate modum excedet. bonitate maximè præmiisq̃ue vincendus & extimulandus est miles. Vbi fortibus remediis agendum, clementiam tamen ostendet. Et sanè magna in militari turba prudentia necessaria. nihil enim in vulgo modicum terrent, ni paucant. vbi pertimuerint, imperia faciles suscipient. Nihil verò ferocius milite, si contemnat; nihil demissius. si timeat. permistus tamen timor amore sit; ne, si nudus metus sit, in desperationem & crudelitatem, & Ducis sui caput vertatur. factum non semel apud Romanos.

Temperabit etiam nimium ardorem suorum Ductor. Laudo animos, non probo furores. cæcus omnis furor est; in inimicum ferrum ferarum more improuidus ruit, dum non tam quod pati possit, quàm quod inferat malum considerat. Corbulo, Numantius, Scipio, Cæsar, Æmilius Paullus imprudentes suorum ardores temperabant morâ. quin adèò de Sertorio illud accepimus, cum nimium suorum æstum sistere non posset, cædi passum fuisse, vt obsequi discerent; subuenit tamen cedentibus. Simile habes in Fabio, cuius prudentiâ à cæde & fuga Minutiani milites retracti.

9
*Militum ardorem temperā-
dus.*

Si in commotam inciderit militarem multitudinem, nunquam se toto corpore opponet; nec imitabitur barbaros illos, qui corporum obiectu fluctus se sistere, ac aliò flectere posse sperabant: non fatuos naucleros, & inexpertos

10
*Commotæ
exercitui nō
se toto corpore
oppones.*

maris, qui ventis & fluctibus contrà eunt, & irata in caput suum exasperant maria, obnitendo. sed peritorum potiùs nautarum more, declinabit fluctus, & sœnientium ventorum rabiem, & cum prorsù non possit, lateribus nauigabit, perque prudentes circumductiones, cautus portum peret, quem regiâ tenere viâ non potuit. imitabiturque Menenium Agrippam, non Postumiû lapidibus obrutum, non Claudium Appium, sub quo, cum posset, noluit miles vincere; non Voletonem, sub quo fracti consulares fasces. Cedet proinde ferocientibus, & mitigabit mollibus minas. Non mitescunt mutua collisione lapides, flammæ euomunt, & mutuo illisû franguntur: puluillo si exceperis, non metues damna. Aliquid etiam temporis largiendum. solâ non rarò morâ feritas mitescit. In ipsa commotione, cum nullam furor rationem admittit, omnem excludit, simulatione opus, donec remiserint se illi venti & fluctus.

II

*Fides militi,
etiam hosti,
data seruanda.*

Fidem militi datam seruet; memor Postumij Romani Consulis, quem negantem quas promiserat prædas, factâ in castris seditione, lapidauit. Sed neque vilius quidquam, quàm datam fidem fallere. degeneris & inglorij animi est. Et consequitur hoc datæ semel fidci fraudator, vt omni omninò fide excidat, etiam cum vera denunciat. semper enim fallere voluisse sibi persuadēt, cum semel fraudem experti. atque aded semel fraudasse, semper voluisse putant. Quid? quodd & hosti fides seruanda. Nobile Sext. Pompeij factum in Augusto & Antonio. occidere poterat, & imperare: fidem dederat; seruauit: imperio excidit: excidere maluit; etiam vitâ, quàm fallere. magnû virum,

vitum, & magno patre hoc solo facto non infetio- rem! Dignissimum id etiam calamis in Regulo. barbaro mortis genere cadere maluit per tormenta mille, quàm non redire Carthaginem. Fefellit datam non semel fidem Hannibal, maximè apud Nucetinos & Acerranos. fefellerunt Carthaginenses in Xantippo Lacedæmonio: quem, cum simulassent se domum reuehere, in alto merferunt, ne victoriæ contra Romanos obtentæ, socius & Dux superesset. nec impunita diu violata fides stetit. Sic æmula de orbis imperio deleta iacet Carthago, solo nomine nota, quam nequidquam in cinete suo quæras. sic Hannibal veneni sui victima procumbit; & Brennus Senonum Dux Romana perfido sanguine suo putpurat mœnia. sic & Fabij apud Al- liam & Cremeram iacent. damnata etiam Ser. Galbæ in Lusitanos perfidia, Cn. Domitij in Be- tulcum Aruernorum Regem, Q. Seruili Cæpio- nis in Viriatum.

Secretorū fidiſſimus custos sit. pendet ab hac re vna regnorū incolumitas. & quid aliud pro- dede seruanda, quàm perdere est? quanta nunc starent regna, si stetisset lingua, & calami! prodi- trix dōmini sui lingua facta est. credidit militiæ Dux amico rem tacendam, credidit thori sociæ; & hostibus ludibrium iacuit, & spe magnâ suâ excidit, fortunis, honoribus. Prudenter Tarqui- nius filio nuntianda, non internuntio aut litte- ris, commisit signis, cum pauperum capita de- messuit. fortiter Pompeius, dum cremandum di- gitum præbet, Gentio Regi spem tormentis Se- natus consilia cognoscendi excussit. fortiter etiam Zeno Philosophus, qui cum habere se

12

*Secretorum
fidelissimus
sit custos.*

secretò indicanda Nearchò tyranno , à quo ad aperienda consilia torquebatur , dixisset, aurem illius morfu corripuit, nec antè dimisit. quàm & ipse vitâ, & ille corporis parte priuaretur. Fortius etiam Anaxarchus, qui ne proderet tacenda, dentibus abscissam linguam in Nicocreontem Cypriorum tyrannum expuit. Par illi Theodorus, quem nulla Hieronymi tyranni verbera, fidiculæ, laminæ ad prodenda commissa adducere potuerunt. Notauit Imperatoriam hanc virtutem Lampridius in Alexandro Seuero: *Tacebantur secreta bellorum.* Imitetur hoc in omnibus quæ obesse possunt, militiæ Dux Christianus, nec se vinci ab alta illa gentilitate patiatur. & cum Metello, antè tunicam iniiciat flammis consiliorum suorum consciam, quàm seruanda prodat. Nulla virtus magis virum suum loquitur, nulla magis constantiam & animi robur prodit, quàm tacendorum custodia, nullum vitium magis feminam suam testatur, quàm tacendorum vulgatio.

13
Hostilia cō-
silia indagā-
lia,

Hostilium consiliorum serius indagator sit. non pecuniæ hîc, non laboribus parcat. plus sæpè ad victoriam fuit, conscium inimicorum consiliorum fuisse, quàm præualidum duxissè exercitum. Starent regna & respublicæ, si hostilia studia & molitiones cognitæ fuissent. non sciuisse, periissè fuit. nec quidquam facilius, quàm præscita auertere mala, & malis occurrere venientibus: nihil difficilius, quàm ignoratis mederi. Ita in medico, sciuisse ægritudinem, propè superasse est. perimit, qui ignorat. etiam è leuibus morbis ignoratis mors nata. quod in medico, hoc in Repub. & exercitu. Profundat proinde in hanc rem

pecu

pecuniam, quisquis magna sperat. Nec magni moliminis erit, intima etiam Regum pernoscere. Quæcunque aurum aula admittit, proditrix consiliorum domini sui est. Et quæ non admittit? aut quæ repellat, plenâ si manu aduolet? Quæti verò referret hostilia consilia nosse, ab Epaminonda habemus, cuius illud est: *Nihil in Duce laudabilius, quàm hostium consilia nosse.*

Nunquam hostem contemne. contemptus neglectum parit. inde clades & regna iam nulla. Quid? quod à cuniculis, adeoq; & formicis, subuersas ciuitates accepimus. quid fiet ab armata manu, etiam imbelli? contempsisse, arma subministrasse, animos exacuisse est. Quid mollius stillicidio? & à tam molli elemento saxa exeduntur & rupes: & quæ ferrum & chalybem excusserant, à tam tenero illapsu ingloria iacent. Eadē contingunt homini. nec vllâ re magis florentissima ac validissima olim regna orbi fabula facta sunt, & cinis audiunt. scintilla quantas contēpta flammæ dedit! hora aliquando vix vnâ intercessit inter urbem magnam, & nullam. Deteriora à contempto hoste euenerunt. Noli robori tuo nimium fidere, aut hosti diffidere. prudentiam viribus misce, & tuta etiam time. timor prudentiæ acuit, & rationes subministrat robori, & moderatur vires, ne belluarum more in nocitura ruat. cogita tecum tacitus quidquid euenire potest, & grauissima quæque propone, vt occurras consilio, & parata habeas quæ irruentibus opponas. præuidisse, propè vicisse malum est.

Hostibus verò fugientibus laxandam viam, pontemque sternendum aureum Scipio monet. Secuti monerem Tutor & Sabinus, qui aperien-

14
Nunquā ho-
stem contem-
nat.

15
Hostibus fu-
gientibus la-
xanda via.

dam viam Vitellianis putarunt, ne desperatione metuendi redirent in prælium. factum hoc à Cæsare contra Tencitheros & Germanos, ab Antigono contra Ætolos; ab Agesilao contra Thebanos, à Themistocle contra Xerxem. cuius præceptum est, non esse fortiter instandum fugientibus, quò faciliùs aliàs fugerent. à Pyrrho etiam, cuius eadem, quæ Scipionis vox. auctor verò Græcis Enciliades fuerat, ne euerteret pontes, per quos Xerxes reditum in Persidem parabat. sciebat acres desperationi vires esse, & ab ea sola non rarò victoriam partam. Ostendit exemplo hoc suo L. Martius, qui perexiguâ desperabundâ manu duos Carthaginiensium fudit exercitus, quibus paullo antè duæ consulares Romanæ acies impares fuerant. Pro animo nimirum & ferro desperatio est. Monuit olim huius Iobum Abner: *An nescis quòd periculosa sit desperatio?* Exemplum in Manlio habemus, qui cum ad omnes portas opposito milite viam hostibus clausisset, in rabiem magis quàm in audaciam Thuscis accendit. ac nisi legati rapto cæsi Consul corpore, hostibus qua erumperent viam patefecissent, deleri Romanus poterat. Sed &, dum via fugæ Volscis clausa, magna Romanis illata clades, Consule ac Dictatore saucio. ac, ni per prostratorum corpora iter ad Volscorum castra Messio patuisset, maius acceptum damnû foret. Quid? quòd ipsam adèò ignaviâ necessitas acuat. Et ferè desperatio benè gerendæ rei causa est.

1. Reg. 2.

16

*Apparatum
bellicum ante
bella para-
bit.*

Apparatum verò bellicum magnâ ante bella industriâ paret, commeatûmque omnem. cui rei ut prospiciat, nihil, si fieri possit, hostile post se relinquat. rusticos benè habeat, & haberi curet,

curet, ne fugâ suâ & com meatus spem adimant, & necessariorum rerum inopiâ exercitus laboraret. Prima proinde Ductoris cura sit, ad ea loca suos deducere, in quibus certa com meatus spes affulgeat, quam nec intercludere hostis possit, nec perdere. cui rei oportuna loca quærenda sunt, præmiisque magnitudine ac quæstus vicini circum populi alliciendi sunt. Cauendum dein serid, ne rerum inopiâ pressus, iniquo loco, & numero inferior in pugnam trahatur. Laudati in hoc genere Marius, Scipio, Cæsar, Pompeius ante omnes. vicerat ante Pharsalicam com meatus inopiâ Cæsarem, si vincere à suis permissus fuisset. tribuerunt quod erat prudentiæ, socordiæ: pugnavit, non suo, sed suorum impulsu. victus à Cæsaris exercitu est, cui rerum propè omnium egestas animos addiderat.

Fuit hoc semper magnorum imperatorum, ut locorum, fluminum, montium, viarum, nemorum, rerumque aliarum omnium cognitionem haberent, neve hostilia à tergo propugnacula intacta hosti relinquerent, intuta receptui, incommoda com meatui, impedimento auxiliis submittendis, nuntiis destinandis. Quare, ut securitati per omnia exercitus consulerent, hosti benè gerendæ rei commoditatem adimerent, pericula auerterent, suosque extra metum ponerent, extra spem aduersarios; nihil post se hostile patiebantur, memores magna ex his damna non semel data. Monet huius rei Ortonem magnus militiæ Dux Suetonius Paullinus, damnatque hoc nomine Vitellium Tacitus, damnat Varum. De Cæsare verò illud Suetonij est: *Exercitum neque per insidiosa itinera duxit unquam,*

17
*Hostiliū lo-
corum cogni-
tio Duci ne-
cessaria.*

nisi per speculatus locorum situs.

18

Locus designatus receptui, & comineatui commodus.

Illud à Ducibus obseruatum, vt certus aliquis locus receptui cōmodus designaretur, qui ægris etiam solatio esset, ac comineatui opportunus. fecit Cæsar: *Noviodunum erat oppidum Æduorū ad ripam Ligeris, opportuno loco positum. Huc Cæsar omnes obsides Gallie, frumentum, pecuniam publicā, suorum atque exercitus impedimentorum magnam partem contulerat. simul etiam receptui, si qua necessitas cogeret, seruabatur. quare firmiter illa loca præsidio tenebantur in tutelam.*

19

Itinera per fidos speculanda.

Speculetur deinde per peritos fidōsque itinera, per quæ ducendus exercitus. recludat vias, patefaciat aditus, tuta reddat itinera. præoccupet, si qui colles; insideat, si qua nemora: nec in angustū se duci aut trahi pariat. Peccatū in hac re à Postumo Cōsule, vnde natæ Caudinæ furcæ.

20

Angustias locorum occupet.

Studiofissimè verò locorum angustias, sicut ibi essent, & possent, occupabant veteres, opportunæque ad pugnam tempora. Factum à plurimis; à Metello contra Iugurtham, ab Hannibale apud Trasimenum & Cannas, à Mario contra Cimbro & Teutonas.

21

In hostili agro copias ne diuidat.

Hoc etiam à peritissimis traditum, ne hostilē agrum ingressi, copias diuiderent: sed integro exercitus robore in hostem irent. Peccatum in hac re à Cæcinnæ, qui copias dum per interualla ducit, ab Octauianis cæsus est. L. etiam Apronius apud Frisones. de quo Tacitus: *Satis validi, si semel incubuissent; per interuallum aduentantes, nec constantiam addiderunt turbatis, & pauore fugientium anserebantur.* Vitellius etiam dum dispergit vires, se & Imperium perdidit. stare poterat, si toto exercitu venienti se Vespasiano opposuisset. diuisit

diuifit copias, & periit. Ita ferè flumina in varios deducta alucos minus habent roboris. Diuifos etiam aggreffus Martius, parua manu victores exercitus fudit. Coniuncti verò Nero & Salinator Afrubalem cum exercitu ftrauerunt. Brutus & Caffius dum copias diuidunt, infelici errore cadunt. P. & Cn. Scipio Hannonis & Afrubalis, dum iunctis exercitibus pugnant, victores, poftquam Punica fraus difiunxit, inferiores. Manilius & Cæpio, dum difiungūt exercitus, à Cimbris & Teutonibus vincuntur: qui cū de difiungunt, à Mario cæduntur. Pætus etiam dum à Corbulone decedit, funditur.

Perrard in colloquium mutuum Duces exercitus veniant, rariùs Reges. non folent congreffus illi felices exitus fpondere. Ita infortunatus Henrici Castellæ cum Ludouico XI. congreffus fuit, Caroli etiam Burgundiæ Ducis cum Frederico Imperatore Treuiris, Carolique cum Eduardo Angliæ Rege in D. Paulo. Et maior ferè Ducibus Regibufque admiratio in abfentes, contemptus in præfentes, cū plerunque abfentia miremur, laudemufque non vifa nam in præfentibus facilè aliquid occurrit non laudandum, non venerandum, non amandum, non timendum; vt verum illud vt plurimum fit, *Minuit præfentia famam.*

Neque alterius mifericordiæ fe exponat militiæ Dux. factum à Scipione apud Syphacem & Maſſiniſſam; à Manlio apud Teſtoſages; à Veſpaſiano, cū Agrippam ad Gameliennes mittit; ab Auguſto & Antonio, cū ſe Sex. Pompeio credant; à Iugurtha, cū ſe temerè Boccho committit; à quo victus Mario per Syllā traditur; à Ionatha,

22

Rarè in colloquiū cum aduerſario veniat.

23

Alterius mifericordia ſe non exponat.

Ionatha, cùm se Tryphoni & Ptolemensibus credit..

24

*Periculis se
Dux sine
gravi neces-
sitate non
obiiciat.*

Periculis se nec vltro, nec gratuito exponat, neque in capite suo omnium fortunas vitamque temerè proiciat. nolo timidum; intrepidum inter pericula volo, interritum in arduis. temerarium tamen nolo. audacem amo, dum res & Reip. salus deposcit. extra quæ non abiiciat salutem suam, à qua reliquorum salus pender. Quod si quæ maior vis coegerit, ne dubitet Decios patrem & filium imitari, non Epaminondam post Leuctra & Mantineam; nò apud Nervios, in Pharsalicis, & in Hispania Cæsarem; non Iunium Brutum in Arunte; non Codrum Atheniensium Regem, cuius interitu factum, ne Athenæ occiderent; non Magnum Alexandrum inter pericula quàm pocula hilariorem; nò Leonidam apud Thermopylas pro patria stantem, occumbentem, suosque trecentos toti Asiæ obiectos nouo more animantem: *Sic prandete commilitones tamquam apud inferos cenaturi.* paruerunt, tamquam victoria esset promissa. nò Marcellum fortiter in Gallorum Regem apud Padum procurrentem; non Cornelium Cossium in Fidenatium Ducem proruentem, vtrumque victorem; non Scipionem Æmiliū, non Ochryadem Spartanum, quo vno erepta hostibus victoria, patriæque decus sanguine redditur; non Scipionem Nasicam, qui vltro se Ducem obtulit Gracchanæ seditioni tollendæ.

25

*Disciplina
militaris tenacissima sit
obseruator.*

Disciplinæ militaris tenacissimus sit obseruator, nusquam illam impune infringi patiatur, memor P. Rupilij, qui nec genero pepercit, cuius negligentiâ Taurominitana arx perierat. C. Cottæ, qui

qui P. Aurelium sanguine sibi iunctum virgis
cædi iussit, quod eius culpa agger incensus, &
tantum-non castra capta forent. Q. Fuluij Flacci
Censoris, qui Fulvium fratrem Senatu movit,
quod legionem, cui præerat, iniussu Consulis
domum dimisisset. Postumij Tuberonis, qui filiū
sua sponte præsidio progressum, victorem secu-
ri percuti iussit. Manlij Torquari, qui filium etiā
ignaro patre Consule prouocatum à Tuscula-
norum Duce Metio, victorem, abripi à lictore,
& mactari imperauit. L. Quinctij Cincinnati,
qui L. Minutium consulatu amouit, quod castra
ipsius hostes obsedissent. Papyrij Dictatoris, qui
in Q. Fabium Equitum Magistrum, Samnitium
victorem, virgas expediri iussit, quod aduersum
imperium exercitum in aciem duxisset: neque
pœnam Senatui, non parenti, non generis nobi-
litati, sed populo Romano, & Tribuniriæ pote-
stati concessit. Seuera hæc sunt; fateor. Et tamen,
si alterutrum deligendum, rigorem magis quàm
indulgentiam probem. Nolo seueritatem ire in
crudelitatem. non amo Syllas & Marios crude-
les; non Manlios & Postumios in suos supra pa-
rentum clementiam seueros: sed neque Manc-
nos amo & Albinos, quorum indulgentiâ exer-
citus in Hispania & Africa, luxu & otio perie-
runt. Mediocritatem amo; magis tamen in seue-
ritatem, quàm in indulgentiam prouum velim
militiæ Ducem. non magna ab illa timeri dama-
na, ab hac maxima possunt, & debent. Quid?
quod mediocris seueritas certiores semper vi-
ctoriam promittat, validosque procreet milites.
parere discet, & maioribus obsequi, ac quamdā
in hostes ferociam imbibet durioribus assuetus.

patientes

patientes dein laborum, vitiórumque inexper-
tos seuerior Dux dabit. Et certè in illa homi-
num vitiórumque colluione, si mollitiem &
lenitatem admoueris, ne quidquam labores ge-
nerosioribus medicamentis opus, ferro nimirum
& ignibus.

26
*Ordinis ma-
xima cura
habenda.*

Ordinis maximam curam habebant veteres.
nec mirum. Quis enim nesciat quantos leuis etiã
ordinũ turbatio exercitus perdiderit? quã va-
lidas verò & numerosas acies imperitus milita-
ris ordo prostrauerit; Xerxes in Græcia, Cimbri
& Teutones in Italia, Syphax in Africa, Antio-
chus, Mithridates, Tigranes in Asia docuerunt.

27
*In instruenda
acie magnũ
momentum.*

Iam in instruenda acie quantum momentum
sit, primi omnes orbis terrarum bellatores, &
euentus docuerunt. nihil hĩc præscribo: sed ne-
que præscribi certi quidquam potest in tanta
rerum varietate, tam subitis, & incogitatis for-
tuitisque casibus. Prudentiæ proinde governa-
toris pleraque hic committenda. Sæpè consiliũ,
gladiatorum more, in arena capiendum. Nobile
Scipionis factum est: cùm enim cornua ex auxi-
liaribus constituisset, mediam aciem è Roma-
nis; pugnae die ordinem mutauit, in cornibus
Romanos iussit esse, mediam aciem auxiliaribus
concessit. quæ res victoriæ causam dedit. cùm
summa celeritate procurrere iussisset cornua,
tardiùsque reliquos insequi, factum vt vetera-
nus miles Romanus, Carthaginensium in cornua,
quæ ex auxiliaribus constabant, perumperet;
nec magno exinde negotio mediam veteranorũ
aciẽ loco pelleret, cùm è veteri disciplina auxi-
liares ferè cornua implerent. Exemplis hæc suis
Cerealis, Germanicus, Fabius, reliquique propè
Romano

Romanorū docuerūt. Hānibal, vt primū Romanorū impetū susciperet, ferociā frangeret, auxilia in capite statuit, pro clypeo & vallo auxiliis vsus: ita omnibus propè in Italia præliis, Gallico & Hispanico sanguine triūphos sibi parauit.

Vsitatissimum verò Romanis triplicem aciem instruere, vt mutuo succurrerent, laesisque subducentibusque se recentes integrisque succederent. Factum à plerisque imperatoribus. Cæsar etiam in Pharsalico bello quartam instruxit aciem, quæ illi victoriam dedit. neque ego plures damnem, imò probem in magno potissimum numero. è validissimis quoque certos sibi non vno prælio Cæsar delegit, tum ad subita & inexpectata pericula propulsanda, tum ad occusandum hosti extra ordinem procurrenti.

Equitatus autem, nunc clauderat exercitum tamquam cornibus, nunc vno se latere continebat, nunc per aciem dispergebatur; nunc totus iungebatur, nunc per turmas diuidebatur, vt aut vniuersus procurreret, aut turmatim; idque vel pro locorum natura, vel rei euentu, vel hostili constitutione.

Frequentatum deinde à Romanis, maximè in periculis, & frequenti hostili equitatu, vt in orbem acti se tutarentur. Factum à L. Pompeio contra Perseum, à militibus Sempronij, à Cæsaribus in Anglia, & contra Labienum in Africa. feliciter plurimum. Cauendum tamen hîc, ne ab hostium multitudine cingaris. fecit Scipio, qui cum in orbem pugnantes Hispanos perumpere non posset, exercitum circumduxit: quod facile illi ob hostilem paucitatem; & ad interuersionem non sine suorum sanguine deleuit.

Doccat

28

*Triplacē acie
instruere Ro-
manus visita-
tum.*

29

*Equitatus
varia dispo-
sitio.*

30

*In periculis
in orbem se
Romani tu-
tabantur.*

31
*Opportuna
 castris loca
 capiēda, mun-
 enda.*

Doceat suos Dux opportuna castris loca cape-
 re, munire. nocte diēque cōsilio, ac, si res poscit,
 manibus etiam obnitatur, & armis. cibo assue-
 scat fortuito, laborantibus succurrat, strenuūque
 militis simul ac Ducis officia exequatur. occur-
 rat paudentibus, & ubi plurimus labor & pericu-
 lum, Dux ipse & miles, cōsilio, manu, voce. lau-
 dem verò strenuis, inualidis solatium, trepidan-
 tibus animos, exemplum omnibus ostendat. ni-
 hil deinde apud suos remissum, nihil verò apud
 hostes tutum patiatur. caueat autem studiosē, ne
 hosti vllō aut loco aut tempore opportunus
 fiat, memor post gloriam invidiam sequi.

32
*Exercitum
 fossa & vallo
 claudat.*

Solenne apud Romanos, exercitū fossa, vallo,
 propugnaculis claudere; in hostili agro nocti-
 bus etiam singulis: tum ne nudos hostibus obii-
 cerent, tutioresque ab insidiis essent, tum ut la-
 boribus miles assuesceret, ne otio paulatim dif-
 fluere.

33
*Provident
 receptui ne-
 cessaria.*

Si qua necessitas quacunque causā nata, an-
 nonæ, pluuiarum, frigoris, morborum, hostili
 numerositate, cogat agmen retrocedere; imite-
 tur magnos Duces. paret receptui omnia; ani-
 mos inde addat suis, cōsilia tegat, præmia spō-
 deat, ordine suos militari pedem referre cogat,
 quadam vultus, frontis, oris constantiā, tanquam
 aliquid meditetur in hostem. caueat verò, ne aut
 præpropere celeritate ordines turbet, metum
 iniiciat, aut nimia lentitudine recipere suos ad
 tutiora non possit. Exempla desumet à Pompeio
 Brundisij, à Cæsare apud Dyrrhachium, à Lucta-
 tio Consule in Cimbris, ab Hannibale contra
 Neronem & Fabium, à Mithridate contra Pom-
 peium. Quid? quòd pecuniā & sarcinas Tryphon
 spargat,

spargat, vt, dum prædæ Antiochi exercitus incumbit, tutum receptui locum inueniat. Sertorius etiam per varia suos loca dispergit, vt Metello insequendi spẽ adimat. factum idem à Viriato. Iphicrates autem tantum non in Thracia obsessus, plurimis excitatis ignibus, hostem fallit, se suosque periculis eximit; incautumque hostilem exercitum à tergo inuadit, cædit, victor ex obsessio factus.

Fugam etiam non rarò militiæ Duces ostentant, vt hostem fallerent, & præidentem traherent in insidias. factum à Cæsare & Labieno in Cingentorigem, à Parthis in Crassum, ab Hamilcare & Hannone in Sicilia, à Tomiride in Cyrum, ab Hannibale in Minurium, Marcellum, Sempronium, Flaminium.

In bellorum maximè initiis sedulus in primis fit, non ignarus initia maximè bellorum expectari, famam in cætera esse; primisque euentibus metum aut fiduciam gigni. Sed neque nimium trahat, bellaque ex bellis serat, moraque fastidium ac teporem militi immittat. neque improvidâ celeritate, & suorum æstu, rerum summam in discrimen adducat. meminerit militem ferè periculi, quàm morâ patientiorem esse. ingrata nimirum illi, quæ tuti, & ex temeritate vulnera & sanguis, auiditate prædæ pensantur. Mitigabit nimium hunc calorem Ductor. satis enim citò incipiet victoriam, vbi prouiderit ne vincatur. Temperandus ergo præcox militaris æstus prudentiâ; cum ferè nimia velocitas iuxta formidinem, cunctatio propior constantiæ sit, modò lentitudine sua victoriarum opportuna non negligat, nam cum in celeritate non rarò spes

34

Fugam aliquando simulabit.

35

Tarditas, & nimius calor noxius.

omnis posita sit, vt præoccupasse, hostem vicisse sit; tum improuida acceleratio spes magnas euertit. ac licet gloriam aliquando ex culpa temeritas inuenerit, non obiiciet tamen tam incertis se suisque exercitus ductor. In qua omni re Ducis prudentia magnum momentum habet: qui hic celeritate, ibi moram iniiciet. Quod si post hæc omnia fortuna illum magis, quam animus & virtus deseruerit, fortunam in decus vertet, & mori se fortiter posse docebit: aut, non nisi suorum armis destitutus, meliori se fortunæ seruabit.

36
Nihil certi
prescribi in
mora & ce-
leritate po-
test.

Neque interim quidquam certi in celeritate, & mora præscribi potest. nunc enim celeritatem res deposcit, tarditatem aliàs. Hac Hannibalem Fabius fregit, insolentem victoriis Ducem: illà Nero Asdrubalem, cum se incredibili celeritate Salinatori coniunxisset. periit tamen hac, moræ omnis impatiens, magnus omninò belli Dux Marcellus, nihil Hannibale inferior, qui primus hunc vinci posse docuerat; insidiis tamen inferior, cum virtute par esset. Magnum interim Romanorum plerique in celeritate momentum posuerunt. testes mihi Scipio, Lucullus, Sylla, Marius, Pompeius, Cæsar in Germania, Gallia, Belgio, maximèque post Pharsalicos triumphos. de quo tamen illud Suetonij: *Hic nisi tempore extremo ad dimicandum cunctatior factus est, quo sapius vicisset, hoc minùs experiendos casus opinans, nihilque se tantum acquisiturum victoriâ, quantum adferre calamitas posset.* Et sanè, qui diu fortunam habuit fauentem, timere potest, & tardiùs ad pugnam ire, quam nouus, & minùs eam expertus. Celeritate verò ante omnia opus ad primos ciuiliū

nilium bellorum motus, antequam coäluerunt vires; quæ cum inualuerint morâ, sola propè partium internecione finiuntur. Neque quidquam facilius, quàm obruere hostem incogitantem. paratum maiori molimine vinces; longè etiâ maiori à victoriis recentè: quem morâ magis, quàm armis franges. Sed & militem non rarò interiectâ morâ, cum Æmilio Paulo, accendes ad arma. dum enim contemptum quemdam tuorum iniiceris, & è contemptu disciplinæ apud hostem neglectum, facile erit incautum, & nimîâ fiduciâ sui tumentem frangere.

Illud etiam à plerisque observatum, vt, antequam se vniuersæ pugnæ committerent, leuibus hostiles vires velitationibus tentarent. Factum à Cæsare contra Pompeium in campis Pharsalicis, in Belgio etiam. *Quotidie enim equestribus præliis, quid hostes virtute possent, & quid nostri auderent periclitabatur. vt suorum nimirum & hostium animos, vires, felicitatem experiretur: vtque ex his, antequam acie totâ concurreret, disceret quid sperare posset, quid deberet.*

37
Velitationibus hostium vires tentanda.

Maturitatem, prouidentiam, consilia amabit. temerarios ausus, vt in nauigando scopulos, vitabit, quisquis se & Rempublicam saluam volet, quisquis posteritatis memoriam cogitabit. nec tam felices quosdam fortuitos successus temeritate natos, quàm infelices numero plures, & funestis regnorum internecionibus maximos recensabit. Meminerit è portentosis aliquando parentibus ingenuos nasci. at hoc portentum priore maius est. Et quis idè monstra parentes deligat, quia è talibus nonnunquam felices partus? quin adèd cum viderit monstra ferè mōstris

38
Temeritas dammanda, fugienda.

nasci, vitabit, si potest, monstra. Idem in medio-
 rum delectu dico. non committet salutem de-
 cúsque suum fortuitis Dux prudens. Scio magnis
 Ducibus, temerariis conatibus fortunatos respó-
 disse euentus. fuit hoc felicitatis à Deo conce-
 ssa, prudentiæ non fuit. Illam quis sibi arrogabit?
 è cælo venit. & quàm paucis respondit! è mil-
 libus fors vnum, aut alterum enumerabis. Cæ-
 sarem vnum sæuos Adriatici maris fluctus sca-
 phâ proscindentem; Alexandrum vnum, qui ad-
 motis ad Oxydracorum oppidum scalis, cūclan-
 tibus ceteris evadit in murum. addit Curtius: *lám-
 que laeuam, qua clypeum ad ictus circumferebat, las-
 sauerat, clamantibus amicis, ut ad ipsos descenderet,
 stabántque excepturi. cum ille rem ausus incredibi-
 lem atque inauditam, multoque magis ad famam te-
 meritatis, quàm gloriæ insignem. namque in urbem
 hostium plenam, precipiti saltu semetipsum immisit.*
 Quid potest addi ad hanc regiam temeritatem?
 aut quid tam fatuum, quod huic conferatur?
 cessit feliciter. felicitatis cuiusdam fuit: pruden-
 tiæ non fuit. Ac nescio, an temeritas hæc minor:
*Nauigabant omnium per que ferebantur ignari,
 quantum inde abesset mare, que gentes colerët, quàm
 placidum amni os, quàm patiens longarum nauium
 esset, anceps & caca estimatio augurabatur. vnum
 erat temeritatis solatium, perpetua felicitas. Querit
 Oceanum Alexander, Oceani ignarus, viæ, loci,
 fluminum, hostium ignarus. in temeritatem glo-
 ria impulit: felicitas periculo eripuit. fortunæ
 fuit, prudentiæ esse non potuit. Ut bene Curtius,
 post enumeratas magni Regis virtutes: *Faten-
 dum est tamen, cum plurimum virtuti debuerit, plus
 debuisse fortuna, quam solus omnium mortalium in*
 potestate*

potestate habuit. quoties illum à morte reuocauit? quoties temerè in pericula ruentem perpetua felicitate protexit? Hæc qui cogitauerit, feliciorẽ quàm prudentiorẽ fuisse inueniet. At quis felicitatem hanc sibi promittet? non est temeritas felicitatis mater. prudentia plurimùm felicem facit. neque enim certior felicitas illâ, quàm ratio peperit, fouit, auxit. hanc sibi prudens figulabit. Non respondet prudentiæ felicitas? feret vir prudens, & ratione se solabitur: laudabitque prudentes conatus felicitate sua destitutos; damnabit fatuos felicitate sua laudatos. & cùm prudentia sit nobilissimum animarum ornamentum, tum felicitas non rarò ab aliena manu venit, & extra nos plurimùm est, fortuitarum sociã, frequentèrque stolidorum sociã conatuum. Temerarios proinde ausus vitabit vir prudens, infortunatis magnorum casibus edoctus; Flaminij, Varronis, Manlij, Cæpionis, Hostilij Mancini, Calpurnij Pisonis, Crassi, aliorum orbe toto notissimorum. Dispiciat proinde singula: nec in pericula se suosque vltro proiiciet. vitabit ignes & præcipitia, si potest. non potest? interritus calcabit; & cùm in illum locum deductus fuerit, vt solis pedibus salus paranda sit, antè solum, Machabæi exemplo, generoso signabit sanguine, quàm fuga. Gloriosa plerumque militi mors, fuga nunquam fuit. non proiiciet se tamen cæco impetu in venabula, ferarum more. vitabit, si potest. negauit fortuna? non inultum hauriendum hosti dabit sanguinem, audebitque cum Leonida Spartano: *Hic prandete commilitones, tanquam apud inferos cenaturi*: apud cælites, dicet Christianus. aut cum Vibio Accæio, Vale-

rio Flaeco, Pedanio, Præfectis & Centurionibus in hostile vallum signa mittet inferetve; aut cum iuuentute Romana equo delaberetur, & recolligendi se pediti locum dabit; aut denique, occupandum vbi designauerit tumulum, addet, Non dico, vt redeatis. sequetur præcedentem miles Ducem. Factum in Cæsare: *Qui timide pugnanti in Nervios scutum detraxit, eoque rectus acerrime praliari cepit. aquiferum etiam incunda fuge gratiâ iam conuersum, in contrariam partem detraxit, dextramque ad hostem tendens: Quorsum tu, inquit, abis? illic sunt, cum quibus dimicamus. & manibus quidem unum militem, adhortatione verò tam acri, omnium legionum trepidationem correxit, vincique paratas vincere docuit.* Fortiter, imitabitur militiæ Dux. Audacissimum omnino factum Hecdicij: cum Aruernorum urbem à Gothis validè undique obsessam, vt suis re & consilio adesset, intrare vellet, nec via reliqua illi, per confertos hostes audaci conatu armatus perripit. describit Sidonius, suo more, doctè & eleganter. *Non potest unquam civis pectoribus elabi, quem te quantumque nuper omnis ætas, ordo, sexus, è semirutis murorum aggeribus in aduersum perambulatis, & vix duo de viginti equitum sodalitate comitatus, aliquot millia Gothorum, nò minus die quam campo medio (quod difficile sit posterius creditura) transisti, ad nominis tui rumorem, personæque conspectum, exercitum exercitissimum stupor obruit: ita vt præ admiratione nescirent duces partis inimicæ, quàm se multi, quàmque te pauci comitarentur. subducta est tota protinus acies in supercilium collis abrupti: quæ cum prius applicata esset oppugnationi, te viso nò est explicata cōgressui. Interea tu cassis quibusque*

quibusque optimis, quos nouissimos agmini non ignauia, sed audacia fecerat, nullis tuorum certamine ex tanto desideratis, solus, planicie quam potentissima potiebare, cum tibi non daret tot pugnae socios, quot solet mensa conuiuias. Hinc iam per otium in urbem reduci, quid tibi obuiam processerit officiorum, plausuum, fletuum, gaudiorum, magis tentant vota conijcere, quam verba referare. siquidem cernere erat, refertis capacissima domus atrijs, illam ipsam felicissimam stipati redditus tui orationem, dum alij osculis puluerem tuum rapiunt, alij sanguine ac spumis pinguia frena suscipiunt, alij sellarum equestrium madesacta sudoribus fulcra resupinant, alij de concavo tibi cassidis exiuro flexilium laminarum vincula diffibulant, alij explicandis ocrearum nexibus implicantur, alij hebetatorum cade gladiatorum latera dentata pernumerant, alij casim atque punctim foraminatos circulos loricarum digitis luescentibus metiuntur. Ac licet temeritate fors sua sit ad extrema deductus, animos ab audacia & necessitate mutuabitur, & cum erubescet de temeritate, de fortitudine laudem cum Crasso sperabit. Neque ideo tamen temerarius erit, ut fortis esse possit. neque enim deerit etiam in prudentia fortitudini sua materia: maiorque, quam a temeritate; quia duplici laude digna, prudentia, & roboris. Neque magnum est temerarium esse. stolidorum hoc fere est. magnum est prudentem esse, prouidum, circumspectum, paratum. Omnia tamen ubi prudens Dux circumspexerit, si prudentibus consiliis non responderit euentus; fortiter feret, & ferendo cum Attilio, Scæuola, Zenone Eleate, Anaxarcho, Theodoro ostendet se virum esse, & aduersis fortiozem.

39

*Prudentia
prima Ducis
virtus.*

Prudentiam verò omnium virtutum maximè Duci voueo. neque alia magis bello necessaria. magno proinde in re bellica delectu vtatur. nec noua omnia damnet, nec vetera probet omnia. nec fidem adhibeat omnibus, nec derogat omnibus. maturâ seriâque in re omni deliberatione opus, vt neque celeritate tamquam flamma se suâque amburat, neque nimîâ tarditate tamquam frigore & glacie concreascit. Sed & mala vitîaq; sua prudenter tegat. Singula denique dispiciat, hostium vires, animos, pugnâdi genus, peritiam, industriam, mores, prouinciam in qua versatur; suorum etiam vires, animos, mores, ingenia, affectus, quibus animentur, excitentur, erigantur; quibus deiiciantur & ignauescant, quibus etiam ad indignationem prouocentur, ad misericordiam flectantur, in vindictam ferantur; honore, an opibus capiantur, spe aut metu agantur. Illud etiam prudentiæ magnæ, nihil pati deesse militi, non armorum, non cibi potûsque, vt anteprovidâ curâ quidquid bello necessarium prouideat militiæ ductor, cum, quidquid euenire possit, seriò antè cogitauerit, singulîsque de remedio prospexerit, vt paratus in fortunam omnem excubet, minimòque damno aduersa excipiat ac sustineat. aduersus hostiles insidias mentem paret, fraudesque fraude depellat. Videat ne ad iniquiora ducatur loca, ne ad comœatu destituta, ad valetudini aduersantia, ad palustria aut arentia, ad aquarum inundationibus opportuna.

40

*Cauta in
Duce consi-
lia probanda.*

Cauta in Duce consilia probò, & stratagemata veterum more inuenta, nouo peracta. Pulcrum illud Camilli, qui Senones Gallos imparatos

ratos circumuenit, cecidit, Romam sibi reddidit, liberam è captiua. Illud etiam Neronis, qui mirâ celeritate Salinatori se nocte iunxit; quo factum, vt non antè se cum duobus consularibus exercitibus Asdrubal pugnare nesciret, quàm ab vtrisque prosterneretur. Et illud Hannibalis, qui in Cannensi pugna prouidit, vt Solem & puluerem aduersos haberet; fugam dein simulauit, quo faciliùs incautos opprimeret; transfugas emisit, quo improuidos in ardore pugnae à tergo caderet. factum, & secuta victoria, & cædes omnium propè quos Roma tulit maxima. Eadè arte contra Sempronium apud Trebiam vsus, cum suos ignibus oleoque priùs fouisset. eadem apud Trasimenum, cum nebula & palustribus virgultis reclusus eques, pugnantium Romanorum terga inuasit. Fabium verò Maximum quis ignorare potest, qui saluberrimis cunctationibus Hannibalis ardorem tepefecit & fregit; & solâ morâ, nullo sanguine, vinci posse docuit? Iam Cæsar in Pharsalicis, consilio magis, quàm viribus vicit. & Marius cum in Cimbro ducit, Hannibalem secutus, artemque Cannarum, primò nebulo sum nactus diem, vt hosti inopinatus occurrere t; tū ventosum, vt puluis in ora & oculos ferretur; acie dein conuersâ in Orientem, vt, quod ex captiuis cognitum est, ex splendore galearum ac re-percussu, quasi ardere cælum videretur. Et non Punica arte & fraude, in ipsa sua victoria P. & Cn. Scipiones oppressi? quanquam & arte suâ victores à L. Martio exiguâ manu fusi. Et quanta clades apud Caudinas furcas accepta, cum clausus per insidias intra saltum Romanus exercitus sub iugum à Pontio missus est? Laudatum illud

Auli Posthumij contra Latinos, qui iuvenes duos specie decorâ armis fulgentes immisit in equos candidos, cùm inelamasset Castorem & Pollucem auxilio venisse. creuit hoc vno animus Romanis, & secuta victoria est. Et illud M. Curiij, qui cùm multitudine vinceretur, & circumueniri à Pyrrho posset, angustû delegit pugnæ locum. Factum idem à Pompeio in Albania: in Cappadocia verò eminentem elegit, à quo magno impetu in Mithridatem procurreret. fecerat id antè Lucullus in Tigranem & Mithridatem. factum idem à Cæsare. Ventidius in Parthos non antè eduxit militem, quàm vicinus hosti esset, quò facultatem illi adimeret eminus iaculis agendi, quo vnico pugnæ genere plurimû Parthi poterant. Africanus etiâ alta in nocte densis tenebris Asdrubalis & Syphacis castra incendio delet, victorémque secutus flammam, ingentem exercitum nullâ suorum clade fundit. Epaminondas autem copiosum, submissò equitatu, puluerem excitat, ne videri à Lacedæmoniis posset; inde, circumducto exercitu, cùm à fronte expectaretur, à tergo hostem inuasit, & victor rediit. Elegans illud, cùm muliebri veste milites induit, qui cum reliquis mulieribus in hostilem urbem admissi, portas occuparunt, adiutúmque suis dederunt. Pulcrum etiam illud eiusdem, cùm clâm noctu armis templo detractis quosdam è suis induit, pugnæque tempora indicit, quò fidem reliquis faceret Deos auxilio venisse. Cleomenes verò Lacedæmonius cùm ab Atheniensibus equitatu superaretur, præcis arboribus locum instrauit, quò procurrendi facultatem equitatu adimeret. Sertorius verò

scrobibus

ferobibus ductis hostilem equitatum à se suis-
que arcuit.

Vsitata etiam magnis Ducibus simulatio, cum
certo itinere expectantem hostem, alio aggressi
sunt. Factum à Quintio Flaminio contra Phi-
lippum Macedonem, à Glabrione contra Antio-
chum, ab Hannibale in transitu Alpium, à Peri-
cle in bello Peloponnesiaco, à Nicostrato con-
tra Epirotas. Cæsar verò dum metum simulat,
incautum hostem fiduciâ sui, Romanorum con-
temptu fecit. omnibus deinde portis peditem
equitemque in non expectantes emisit, in fu-
gam vertit. fecit idem Labienus in Induciomar-
um, & Furius Consul. Marius verò & Sulpitius
calones equis impositos, in medio ardore pu-
gnæ è vicino monte descendere in substratam
planiciem iusserunt: quâ novâ exercitus specie
hostem terruerunt, fugarunt. Ingeniosum omnino
fuit Pisistrati factum: *Que ceperat navigia Athenienses
milite complevit: qua facie decepti Megarenses, tan-
quam suis, & cum successu renavigantibus effusi obui,
inermes oppressi sunt. & illud Cononis. Victa classe
Persarum, milites suos captivis armis induit, & isdem
Barbarorum navibus ad hostem navigavit: Perse quia
& navigia, & habitum superstantium agnoscebant,
nil cauerunt. subito itaque oppressi, eodem die navali
& pedestri pralio victi sunt.* Aristippum narrant
Tegeam occupasse, cum iumenta frumentariis
saccis onerasset, militesque negotiatorum habi-
tu immisisset; Thebanos etiam Sicyoniorum
portum occupasse, clausis naui militibus, cum
tabulata mercibus onerassent; Antiochum au-
tem Suendam occupasse, frumentariis occi-
sis, quorum vestibibus cum suis frumento onustos
induisset,

*Simulatio
Duci neces-
saria.*

induisset, castello potitus est.

41

*Consulid
omnia Dux
agat.*

Consulto omnia Dux agat. eosque in primis audiat, quos longa militaris experientia docuit, quosque ætas ad maturitatem composuit: quique non sperare tantum, sed & metuere prudenter didicerunt. calida, & tanquam à torculari mustea & spumantia adhuc, ingenia & consilia fugiat: temperata sequatur & secuta. nec supra vires audeat, nec infra illas se abiiciat; memor nimis arduis præcipitia adiacere, vilibus contemptum. non credat nimium audentibus, & quos non tam animus & audacia, quam fatua quædã opinio sui in nocitura impellit. Nimis semper carò temeritas auctoribus suis stetit. Varro & Flaminius, & apud Germanos Varus mihi testis. Illud etiam Atheniensium præproperum, cum à nobilissima victoria redeuntes Duces suos dinarunt, quod militum corpora inter sæuientes Oceani fluctus, sepulturæ non mandassent; necessitatem improvidè punientes, cum honorare virtutem debuissent. Inconsultam etiam fatuamque, & ante cogitata eorum executionem Alexandri Magni, loquuntur Lysimachus leoni obiectus, Clitus hasta traiectus, Calisthenes mori iussus, Parmenio cæsus, Philotas securi subiectus. Illud etiam Hannibalis stolidum, cum nauium suarum rectorem interemit, quem postea maturiore deliberatione adhibita, rei veritate comperta, absoluit, cum eius innocentia nil præter sepulchri honorem dare posset. Non credidit tam paruo Italiam Siciliamque spatio inter se diuisas. vidit; non credidit, insidias veritus, absoluit mortuum, non profutura absolutione, serâ pœnitentiâ inconsultæ damnationis.

Cum

Cùm verò consilio omnia Ducem aggredi velim, ac ei plures etiam in arduis adhiberi; tum nulli, aut per paucis mentem suam aperiat: ac non nisi antè probatis. nocuit non rarò dixisse: silentium pro prudentia est. Scio rem periculi plenam, damno proximam, plures consiliis ad-mouere. Scio propè inter se pugnare, peragenda retgere, & multorum sententiam pertentare. neque enim satis deliberari de re potest, nisi eâ toto, vt ita dicam, corpore proponas, cùm ab vna circumstantia celata, tota consilij dandi ma-china pendeat. aperire verò mentem totam, nu-dâmque ac quasi inuestem plurimis ostentare, magnis omninò periculis adiacet. Nam quis sperare prudenter possit, non vulgandâ rem, tot tubis ac campanis, quot auribus & oculis con-creditam? Quid faciet militiæ Dux inter hæc breuia constitutus, ne allidat prudentiæ suæ ra-tem ad has arenas, aut imprudentes euulgatio-nis scopulos? rē aperiet primis exercitus sui Du-ctoribus! quoties in forti manu feminea lingua est! aperiet nobilitati? quoties in ea tacenda desi-deramus! quoties in generoso maiorum sangui-ne. plus de muliere, quàm de viro est! & quàm nimis verum est, plus plerumque clauis & clau-strorum in plebeio, quàm in patricio ore esse. cùm enim nihil dedecere nobilitatem suam pu-tant, nulli parcūt; quin adeò omnia posse effun-dere, & omnibus omnia, nobilitatis quoddam genus arbitrantur. Iam, quàm multi ætate matu-ra, immaturo ore sunt! quàm pauci in prima iu-uenta linguâ senes! quàm multi quadam socio-rum fiducia silenda produnt! quàm multi natu-ræ quadam facilitate labūtur! quàm multi, quod
ore

ore claudunt, improvido signo referant ! Tutissimum fors fuerit, si militiæ Dux plura in deliberationem adducat, ac in utrâque partem singulorum momenta excutiat. Aperiunt se rerum difficultates ingeniorum, quæ in deliberatione adhibemus, collisionibus, dum singuli æmulâ quadam iudiciorum velitatione, sua firmare, infirmare aliena conantur. è pluribus dein propositis, deligat tacitus apud animum suum exequenda militiæ Dux. Quod de rebus dixi, de exequendi etiam ratione intelligo. par utrimque spes, metus ac momentum est. Consueuerunt etiam magni militiæ Duces, vulgarium nonnumquam, militum, quos longa & ætas & experientia, & vetus militia docuit, mentem prudenter expiscari, faciles audire, nec rarò profutura è veterana mente discere. Non quòd velim Ducem aliorum consiliis alligatè audire tamen velim; iudicium penes ipsum erit. Certè cùm Iugurtha legatos, qui imperata facturū dicerent, misisset; *Metellus properè cunctos Senatorij ordinis ex hibernis accersiri iubet: eorum, & aliorum quos idoneos ducebat, consilium habet. Ita more maiorum. ex consilij decreto, per legatos Iugurtha imperat argenti pondo ducenta millia.* Hæc Metellus, vir magnus, & cum primis omninò militiæ Ducibus componendus. Nam suo solius iudicio si steterit belli Dux, quid nisi fatuos euentus expectes? neque enim vnus est singula aut nosse, aut medicam tam variis adhibere manum, aut tot simul occurrere malis, totque prouida hostium consilia euertere, insidias vitare, dolos retegere, aut anteuertere nocitura, aut semper profutura suggerere. Sed neque in vnum omnium rerum experien-

perientia cadere possunt, nec locorum omnium hostiumque cognitio, non prospera, non aduersa. & securius res è multorum consilio aggredietur belli Dux, minorque laborabit inuidia quisquis plures in consilium vocauerit: habebitque amicos, quos habiturus aduersarios erat. ita namque comparatū est, vt inrogati damnum, probemus rogati, vel hoc solo nomine, quod prudentia aliquid nostrae concessum videatur. Iam, vt nusquam magis, quam in bello dubij exitus sunt, ac nusquam magis fortuna ludit, consultissimum omnino Duci propugnatores habere. Habebit, quisquis consilia cum aliis sua contulerit, qui vel solā verecundia, ne damnare videantur quod probarunt, fortiter in Duce consilia tuebuntur. Et certè nemo prudens vnū caput suum tot liberis omnium linguis obiiciet, tot æmulantium ac invidentium iudiciis; eo magis, quod mortalium plerique omnes ab eventu prudentia metiantur. stolidè aut sapienter re instituta, iuxta habent: ab eventu felici aut infelici nomen indunt fatui aut imprudentis.

Nec satis, prudenter multa inuenisse. opere exequenda sunt. neque enim prudentia meditando, aut cogitando, sed faciendo absoluitur. Inuenias non paucos benè dicentes, cata consilia suggerentes, res momentis suis ponderantes, verum à falso, bonum à malo, vtile & decorum ab inutiles & indecoro discernentes, apteque singula partientes, & in sua quæque membra distinguentes; in rerum verò executione timidos, dubios, lentos, inconstantes, affectibus indulgentes, amicitia, adulationibus, precibus, infelicissimos denique in delectu. ita prudenter cogitata

43

Opere exequenda prudenter cogitata.

cogitata negligunt, deteriora sequuntur, à melioribus deduci se facile patiuntur. in quibus plus amor sui suorumque, plus priuatorum commodorum & fortunarum, & blandæ aliò trahentium preces, quàm ratio apud hos potest. Non sunt hi ad imperia nati, ad consilia danda meliores. Sunt alij, quibus ferè oratio inculta & aridior, incomposita partitio, nullisque vinculis decorè ligata; sed prudens rerum delectus, certa & constans executio. Et nescio, quomodo comparatum sit, vt perrarò concinna & elegans dictio, blanda & sonora elocutio, numeris suis respondens, sectionibus apta ingeniosis, cum vera prudentia consistat. noluit fors Deus utroque vnum, aut non nisi rarissimè beare; è multis nimirum millibus vnum. vni plerumque dictionem, prudentiam alteri largitus, felicitatem etiam alteri. ita dispertit dona sua, vt varia terrarum & cæli ornamenta sunt: nec cælo terrarum, nec terris cælorum ornatum concessit. nec vni agro omnia, vni omnia regno. mutuis scilicet hæc muneribus condecorare voluit. Ego verò, si quid in præsentiarum voueam, prudentiâ Duci meo voueam, inde felicitatem, dictioni tertium locum tribuo. quam nec ambiam, si desit; nec reiiciam, si adsit; imò amem, si adsit. Nobile in Duce ornamentum exornata & potens dictio est, siue in suadellam & spem, siue in terrorem & audaciam. Cicero in exercitus Ductore hæc deposcit. *Hæ sunt virtutes imperatorie. labor in negotiis. fortitudo in periculis, industria in agendo.* Ad-do felicitatem & prudentiam, summa Ductoris præsidia. Et certè maiora longè prudentibus consiliis, quàm robore, aut militum numero per

peracta, omnium nos gentium vernaculæ docent Historiæ.

Nunquam exequendarum rerum, à quibus gloria speratur, honor dependet, curam ei, qui inimico à se animo est, credat. Vtrò rem perdet, ut expectatâ gloriâ defraudet. famam etiam suâ proijciat, ut inimico deroget. Factum à Romano peditatu, ad hostium copias persequendas à Fabio Consule misso. insequi Ducis odio noluit. Illud etiam deterius, cum sub Appio Duce voluntariâ fugâ exercitus, cum vincere posset, terga hosti dedit; ne triumphum imperatori quæreret, odium expressit. Hoc etiam nouum, cum præturam adepto Cn. Flavio humillimæ quondam fortis, annulos aureos sibimetipsis, & phaleras equis detractas abiecerunt Romani, odij & doloris impotentiâ. ad quæ non protrudat conceptum semel animo odium? Nemo proinde prudens opes gloriâque suam hostili dexteræ cõmitteret. Nemo enim inuidiâ grauido, aut malevolentia pleno fortunas, vitam, decus suum familiæque concedidit. Perpaucos Neronēs & Salinatores reperias, qui priuata odia Reip. donent. pauciores Æmilios, Lepidos, & Fulvios Flaccos. paucissimos in Graccho Africanos, in Gabinio Cicerones, in Antonio Caninios, in Pompeio Cælios Rufos.

Sed neque illi rem committat, qui in deliberationibus, aut extra illas, alterius sententiæ fuit. languidè talis rem aggreditur, negliget etiam, ne damnare vota sua videatur; adeoque & gaudebit de infelici euentu, quò sententiam suam firmet. & verò vincere nolet, ne consilium alienum fortunato successu probet. maiorémque

44

Executio rerum nunquã inimico tradenda.

45

Non credenda illi executione, qui alterius sententia fuit.

Z pru

prudentiæ quam fortitudinis in alieno consilio
& imperio famam amabit.

46

*Denuntiatio-
ribus nec te-
mere creden-
dum: nec ne-
gligendi.*

Non esse temerè denuntiatoribus creden-
dum, monent sapientes. neque negligenda tamè
omniinò, quæ denuntiantur. Perijt hoc neglectu
Archias Thebarum Tyrannus, cùm in alterum
diem legere distulisset litteras coniurationis
indices. Sed & Cæsar neglectu suo occubuit,
cùm oblatam chartam funesto & vltimo die
suo neglexisset. Et ætate nostra, qui oppido cui-
dam pro Imperio præerat, cùm in medio lusu lit-
teras, quibus hostilium molitionum monebatur,
seposuisset, se & urbem perdidit, hostique quas
acceperat obseratas reliquit, negligentia suæ te-
stes. Sed & nimia credulitas non minùs noxia.
perierunt hâc plurimi. ita iacet Imperij paterni
spes magna Crispus, nimiâ Constantini patris in
fidem facilitate. Belisarius etiâ Dux bello maxi-
mus præproperâ Imperatoris credulitate inglo-
rium exitû sortitur. Quid? quoddâ David cùm Sibæ
fidē habet, amicissimi Ionathæ filium, cui non se-
mel vitâ debebat, paternâ hereditate exuat. Hosti
verò denuntianti spondentiq; ne facilè fide.
peccatum hîc à Ionatha bellatorû maximo, cùm
se Tryphoni tradit. peccatum à Simone, cùm se
filiòsq; Mathathiam & Iudam Abobi filio, &
in hoc Prolemæo, credit. crediderunt se etiâ se-
xaginta viri, Israëlitarum primi, cùm perierunt.

47

*Proditoribus
saniè usen-
dum.*

Proditores non dico ama. vtere tamen illis,
sed cum delectu, nec quidquam illis indicibus
aggredere, in quo periclitari de summa rerum
possis. In manu etiam tua sit proditor, in oculis
& ferro tuo, ne impunitus dolum ferat. Quod
si negatum, vxor aut liberi in potestate tua sint;

aut

aut sanè amicorum aliquis, in quem sàuire possis, si fallat. Præmiis verò illos dona liberali manu. ne parce. ante obsequium pauca subministra, post illud ampla. Consilia tamen illis non facile credas. fluxa enim ferè tales & labili fide sunt. ubi spes lucri maioris affulserit, datam fidem fallent. tamdiu verò illis vtere quamdiu vtilis, nec vltrà. Fuit illud mirabile in Aureliano, de Heraclaminone Thyanae proditore. *Occidi passus sum, cuius beneficio Thyanam recepi. Ego proditorum amare non potui, & libenter tuli quod eum milites occiderunt. neque enim mihi fidem seruare potuisset qui patrie non pepercit.* probare nō possum.

Hilaritatem vultus præ se ferat, comitatē, humanitatem, benignitatem. imitetur magnos in hac re viros, Africanum, Vespasianum, Titum, Germanicum, Neruam, Augustum, Traianum, Seuerum, Antoninū, Alphonsum Aragonem, Maximilianum I. Vulneribus etiam graues ægrōsque soletur, & dum sanguinem præmiat, laudes ingerat, animos addat, egentēsq; pecuniā inuēt, maximè eos quos verecundia & pudor à petendo retrahit. Fecit Adrianus Imp. Spartiano teste, Plinio Traianus, Lampridio Titus. inter quos numerandi Agefilaus, Augustus, Rudolphus Imperator.

Si doctum militiæ Ducē nactus fuero, laudabo. non caruerunt eruditione sua veteres. Alexander, Pompeius, Cæsar, Augustus, Lucullus, Sylla, & Romanorum pars magna, magna etiam Græcorū. Si caruerit, nō damnabo. nec dubitabo ab aratro vocare Cincinnatos & Marios, ab agresti tugurio Hostilios, à mercatura Tarquinius Priscos, à famulatu Seruios Tullios. Si quid tamē

48

*Hilaritatem
vultus præ se
ferat.*

49

*Eruditio Du-
ci optanda.*

dandum voto meo, frequentem in veterum maxime Historicorum lectione velim. nullo suo ab illis damno, & non magna lectione, profutura discet; gentium mores, ingenia, robora, opes, animos, institutum, militarem disciplinam; bellorum initia, progressus, finem, varios exitus, felices, infelices, dubios; regnorum incrementa, interitus, causas; quid dein cuique magnum, inopinatum, fortunatum, infortunatumque acciderit, eorumque causas. Facit brevis lectio, quod vix plurimorum annorum fastidiosa experientia, imò omnium ætatum, sæculorum omnium prudentem experientiam, breui compendio, è lectione, militiæ Dux discet. nec quidquæ ferè inopinatum euenire illi poterit. nihil enim aded nouū, quod nō prior ætas, aliquo retrò sæculorum, in aliquo exercitus Ductore viderit.

50
Castimonia
in Duce op-
zanda.

De Ducum castimonia nihil dico. Laudata hæc semper omnium ore & calamis. immortalē sanè illa laudem, omnibúsque triumphis nobiliorem tribuit Scipioni: qui exquisitissimæ formæ vltro oblatam, cum dote remisit, nec tangere voluit, nec videre, tã castis oculis, quàm corde & manu. Factum idem ab Alexandro, vel hoc solo nomine Magno, cum Darij vxorem ac filias miræ pulcritudinis benignè habuit, solatus est, vicem indoluit, habuitque vt matrem & sorores, nec alio loco. Laudatissimum verò illud Aureliani, qui pollicem vni domesticorum præscindi iussit, quod minùs castè castas hospitæ suæ vestes tetigisset. Damnati contrà Tarquinij filius, Nero, Caligula, Heliogabalus, Antiochus Syriæ Rex, Ptolemæus cognomento Physcon, alij plures.

Assu

Assuefcac dein militiæ Dux cum imperio fuo
 calculum ponere , tanquam rationem redditu-
 rus, & edicturus quid abfumpferit. ita fiet, ut non
 abfumat quod pudeat dicere. In munificentiam
 tamen femper fit pronior, quàm in tenacitatem.
 aliquid etiam, ubi ratio & commoda fuafuerint,
 prodegitte non improbem. quin imò in exerci-
 tus Ductore profufio femper tenacitate potior
 fuit. illâ fuorum fibi animos parat, hæc auertit:
 bencuolentiam illa, odia hæc conciliat: animos
 illa addit, hæc adimit: ad audendum illa præ-
 miorum fpe accendit, hæc terret, & pro audacia
 ignauiam parit. Neque enim quifquam facilè
 gratuitò fanguinem fuum fundit. vulnera mer-
 cedem expectant. præmia fanguis mercatur, quæ
 à prodiga munifici Ducis manu fortiffimus
 quifque expectat. & ferè vilefcit fanguis, fi præ-
 mia oftentes. Quin & ante pedes, & in oculis
 prodigi ac benefici Ducis vitam profundere,
 dulce & pro præmio eft. tantum liberalior ac
 prodiga quædam munificentia Ducis in milite
 potest. In præmiando proinde omnino munifi-
 cus fit, fanguinèmq; fuorum mercede diluat.
 in laudando copiofus, fortis in animando, for-
 tior tamen factis; cùm facta dictis apud omnes,
 maximè apud milites, pluris fint. quorum omniũ
 laus, non dictionis elegantia, fed factorum ma-
 gnitudine continetur. Commendatum illud
 Germanici apud Tacitum: *Propria pecunia mili-
 tem iuuat, utque cladis memoriam etiam comitate le-
 niret, circumire faucios, facta fingulorum extollere,
 vulnera intuens; aliũ fpe, aliũ gloria, cunctos alloquio
 & cura fibi & pralio firmabat.* & illud Agrippinæ:
Femina ingens animi munia Ducis per illos dies

*induit, militibusque, ut quis inops aut saucius, vestem
& fomēta dilargita est. Dignū factum, quod eat in
virum, in militem, in Ducem. dignissima omni-
nō, quæ mulierem suam exuat, induat virum. O!
quis nō imperatoria hæc in femina facta laudet?*

§ 2

*Militaria sti-
pendia exsol-
uenda.*

Addicta militi stipendia ex fide numerari cu-
rabit. quod ubi fit, puniri delicta possunt. cum
contrā durum sit, malignē stipendia numerare,
& rapinas vindicare. exsoluat, quod debet militi
Dux; & puniat: nec reluctantes inueniet nocen-
tes, nec damnantes alios. at verò non exsoluere,
& sæuire, barbarum & seditioni proximum est.
præmiare & punire Ducis, punire tantum carni-
ficis, absoluerē & punire iudicis est. Vis milita-
rem disciplinam sacrosanctam & intactam? præ-
mia benemerentibus, pœnas delinquentibus,
vtrisque consueta debitaque militaria stipendia
para. tardior in his es: seditionem expecta, Reip.
interitum.

§ 3

*Militaribus
seditionibus
occurrēdum.*

Militaribus seditionibus fortiter Dux occur-
rat. faciet, si causas illarum anteprouidā curā
auertat, si pullulare semina nō permittat; si quid-
quid est iactum, excaudicet; quidquid natum, de-
metat, aut in herba sua suffocet. magna hīc pic-
tas est sæuire, magna nullis securibus parcere. Et
sanē quidquid in hoc genere crudele, piū; quid-
quid pium, crudele est; cum ex hoc vno capite,
omnium ferē primorum orbe toto regnorum
funesta excidia nata sint, & insepulta cineribus
suis orbis imperia iaceant. Causæ variæ. milita-
ris improbitas, insolentia, bellorum lassitudo, ar-
morum tædium, veterum fastidium, nouorum
desiderium, speratæ in turbido opes, honores:
Ducum avaritia, indulgentia, ignauia, crudelitas,
superbia,

superbia, luxus, violata fides, aut maritalis torus:
 priuati alicuius nimia potentia, gratia, ambitio,
 siue sceptri amore, siue regnantis odio, siue reli-
 quorum contemptu nata: locorum asperitas,
 commeatus inopia, ætarij egestas, maligna sti-
 pendiorum solutio.

O meum Belgium, militarium seditionum fa-
 cta pila! quoties caput extuleras, & portum iam
 tenebas, cum furenti te reddidit Oceano, & sæ-
 uioribus immerfit vndis vna militaris seditio!
 crederes è tertis, à quibus sperari malacia debue-
 rat, destinato *

— *precipitem Africum*

Decertantem Aquilonibus,

Et tristes Hyadas, & rabiem Noti,

& inimicos classibus ventos omnes, in vnus
 ruere interitum. O mea naus! quæ posteritas
 credet, annis vix totis quadraginta, militari-
 bus te iactatam seditionibus, pudor! propè tri-
 ginta. quousque prouinciarum orbe toto no-
 bilissima, regnorum, atque aded orbis quæ pa-
 tet, ludibrium sedes? ô nimis confanguineo ex-
 teroque sanguine, tanquam rore & umbre fe-
 cundum! nauigare non semel in barbaro hoc
 flumine potuisti.

O quid agis? fortiter occupa

Portum. nonne vides, ut

Nudum remigio latus,

Et malus celeri faucibus Africo,

Antennæque gemant; ac sine funibus

Vix durare carinæ

Possint imperiosius

Æquor? non tibi sunt integra linea,
 non exercitus Ductores domi tuæ nati, .. quos

iterum presse voces malo. fuit cum magnorum genitrix Ducum, mutuare regnis & imperiis Scipiones, Pompeios, Cæsares posses. nunc taceo. nec quidquam mihi, præter vota, super. Verum quid queror? quæ vnquam imperia militarium seditionum in experta? qui Reges, Imperatores? quantas legimus sub Tiberio, Claudio, Vespasiano, Nerua, Commodò, Pertinace, Caracalla, Macrino, Maximino, Gordiano, Maximo, Balbino, Philippo, Decio, Valente, Gallo, Volusiano, Æmiliano, Valeriano, Gallieno, Quintillo, Aurelio, Tacito, Probo, Floriano, Numeriano, Carino, Diocletiano, Maximiano, Constantio, Licinio, Galerio, Maxentio, Constante, Dalmatio, Valente, Theodosio, Gratiano, Arcadio, Honorio, Valentiniano Iuniore, Maximo, Auito, Maioriano, aliisque pluribus? quantas deinde in Oriente sub Leone, Zenone, Basilisco, Anastasio, Iustino, Iustiniano, Tiberio, Mauricio, Phoca, Heraclio, Constantino, Heracleone, Constante, Iustiniano II. Leontio, Philippico, Artemio, Theodosio, Isauro, Copronymo, Irene, Nicephoro, Michaële, Theophilo, Basilio Porphyrogenito, Michaële Calaphate, Monomacho, Isaacio Comneno, Duca, Ioanne Botoniate, Alexio Comneno, Andronico, Angelo, Palæologo, reliquisque propè omninò omnibus? vt meritò audeat Liuius: *Æternas opes esse Romanas, nisi inter semetipsos seditionibus sauiant. id vnum venenum, eam labem ciuitatibus opulentis repertam, vt magna imperia mortalia essent.*

Quod ille de Romanis, ego de te, meum Belgium, orbis gemma, robur, sol magne: seu Oceani, fluminum, fontium, vallium, montium, nemorum,

morum,

morum, hortorum, varietatem, amœnitatem, fecunditatem; seu ingenia scientiis, artibus, armis nata cogitem. Ex te solo integros, nullo proniciæ sensu, educo exercitus, inuictum peditatum, equitatum nulli secundum. Non decurro ad sæcula Cæsaris, quibus omnium ubique populorum fortissimi Galli, omnium Gallorum fortissimi Belgæ. testis ipsamet nunc mihi Gallia, testis Germania tota, testis Hungaria, Bohemia, Italia, Hispania, testis India, quâ oritur, quâ sol occidit, omnis, Africâque mihi & Asia testis, & quidquid orbe toto barbarum audit, barbarum loquitur, Belgicósque sensit animos & ferrum. & quis orbis angulus non sensit? Urbium verò elegantia, nitore, diuite & concinnâ supellectile, roboréque & numero, quidquid ubique regnorum est, vincis. Plures sanè ambitu non magno tuo vrbes complecteris magnas, locuplete vindique populo incessas, quàm quâ latissimè patent Italia & Gallia simul, quâ Anglia, Scotia, Hispania simul, quâ Germania quaqua omnis, quâ Hungaria, Bohemia, Polónia simul, quâ Ægyptus, & Græcia tota. Quid? quòd Principi tuo annuè eas pendere opes possis, quibus nullum Europæorum regnorum maiores; ut è te solo annis singulis, octo facillè auri milliones sperare Princeps possit. pone tantum odia, & inimicum in amico & consanguineo populo ferrum. Classem etiam quingentarum bellicarum nauium, non magno molimine suppeditabis; nec destitues interim ratibus maria, non flumina. Quinquaginta, & quod excurrit annorum ciuilia bella tulisti, potentissimorum omnium Regum ac Principum, & Europæ propè vniuersæ opes, vires, ferrum;

& certare tamen etiamnum cum florentissimis,
 & æterna pace fruentibus, regnis & imperiis
 potes. ita si quis quaquaversum agrum intueatur
 tuum, nulla sensisse bella credet, nulla vidisse;
 sed neque quidquam aut hominum, aut opum
 decessisse; & quod magis fors mirandum, nihil
 amœnitatum. atque hoc post tot domestica san-
 guinum flumina, tot exercitus in Germaniam,
 Italiam, Galliam, Bohemiam, Hungariam secun-
 do sinu effusos: ut, si numerum recenseas, credas
 in Arabiæ alicuius solitudinem inisse provin-
 ciam; si incolarum, dum hæc scribo, multitudi-
 nem copiâ se opprimentium, pures integros re-
 gnorum accessisse populos, emissum neminem.
 ita mortibus tuorum fecundior exurgis, tan-
 quam si sanguis semen tibi foret diuite culmo
 fœnerandum. De provinciæ totius robore nihil
 dico; res loquitur, cum singulas propè vrbes ita
 naturâ & arte munitas videamus, ut nescias na-
 tura artem, an ars naturam vicerit, æmulâ ubi-
 que in roborationem concertatione. Vincuntur
 sanè hîc regna omnia. neque diffiteri hoc quis-
 quam sine verecûdia audeat, sine rubore & men-
 dacio possit. De fecunditate quid dicam? potuif-
 se vnam provinciam, domestico quinquaginta
 annorum bello, tot exercitus Germanicos, Ibe-
 ricos, Italicos, Gallicos, Anglicos alere nullâ de-
 pauperati agri, urbium, pagorum denudatione;
 quæ posteritas credet? tot vulturibus escam tot
 annis corpus vnum præbuisse? & quæ credet, in
 vicina remotâque regna, in mediis bellorum ar-
 doribus, deprædationibus, varium ubique com-
 meatum profudisse? quis Hispaniam, Italiam,
 Oceanique non postremas insulas, non semel
 integris

integris classibus frumentatas? quis tot exercitiis equos, currus, arma, tot classibus ligna reliquaque suppeditasse? Iam, si non dixerò biferas oues, sed quinque vno partu prolium ouem vnâ matrem stare, non pro miraculo erit? si dixerò, curiosâ subductione, vnâ Hollâdiam prouinciarum non maximam, tot lactea annis singulis implere mulctralia, quot Gallia tota vini dolia, quis non inclamet, Beatam vberum fecunditatem? tantum lactei depluere roris prouinciam è septemdecim vnâ, quâtum Gallia vniuersa vini, pro portento esse potest. De piscibus hoc audeo. nulla maria orbe toto, nulla flumina tam pisciosa. vincunt numero & delectu quidquid vbi que piscium est. Quis deinde non obstupescat, Belgium vnum, orbem propè vniuersum diuissima linea suppellectile, superbisque ad omnium retrò sæculorum inuidiam aulæis, arte materiam pretiumque superante, diuitare? Et quod regnum nobilissimarum in omni genere Belgicarum picturarum ignarum est? Orbem impleuimus, incertum doctiore penicillo, acu, calamo. vt satis iam vbi que ad laudem sit, è Belgio munus venisse, à Belgica, virili, aut erudita muliebri manu & acu.

De mercimoniis taceo. nihil enim orbis totus, ne si mentiri quidem velit, simile ostendat. Vincuntur in illis regna omnia, inuehendi, euehendi, dispartendi, marium, fluminum felici opportunitate, hominum industriâ, inueniendi facilitate, exequendi promptitudine. à quibus paucis retrò annis orbis non semel enauigatus. In aliis gentibus pro portento fuit, vnum sæculo vno repertum, qui auderet. nunc ludus apud Belgas est

est enauigatus orbis. nouos quærent, enauigaturi, si concesserit nouos Deus; & nescio, an non cælum ipsum, si enauigari cælum posset. tantum corporibus animorum, solertia tanta. Altiùs prouectus sum. dabit hoc veritati, dabit amoris meo lector, dabit iusto ciuiliū bellorum dolori, & æternam mecum, positis armis, vouebit pacem prouinciarum regnorumque aded omniū nobilissimo. Redeo ad seditiones, & ad illarum remedia.

*Seditionum
remedia.*

I.

Causa tollenda. In Duce est à se remedia petat. in locorum asperitate, in hospitalitate? mutanda belli sedes. in comineatus inopia occurrendum inopiæ; & Dux prouidus cauebit, ne in hanc necessitatem compellatur. in stipendiorum maligna solutione? prouidendum ante omnia huic malo est; neque enim quidquam magis prouidendum seditioni concitandæ. nec opus ingenti hîc molimine, rationem tantum cum ærario suo belli Dux ponat. exhaustis prædas ex hoste permittat; aut solutionis spe, magnis sponsonibus alat. imperanda etiam hostili agro, exsoluendis militaribus stipendiis, pecunia est.

II.

Ducis etiam liberalitas, licet in re tenui, plurimum auertendæ seditioni prodest; si videant, nec sibi illum, nec suis parcere, modicisque contentum viuere, & obuiis ac leui parabilibus. benignitas etiam comitalque, & vlronea militum, maximè inferiorum, compellatio.

III.

Initiis deinde occurrendum. inualefcit morâ malum; & medicam omnem artem superat ubi inualuerit; vt decurrendum plerumque ad ferrum & ignes sit, remediorum extrema quæ ferè medicamenta in ipsam insurgunt Rempublicam.

Danda

Danda verò in primis opera sub initium, ne coalescant. si coaluerint, enitendum vt copiae diuidantur. cadent animis, si feceris. factum à Dionysio feliciter.

I V.

Officiis dein demerendi, si admittant monita, si Ducis aut alterius conspectum, aut alicuius sibi grati colloquia; quæ mollibus si sint referta verbis, culpamque minuant, & in paucos delictum coniiciat, amorisque & benivolentiae plurimum ostendant, dolorisque & commiserationis multum, non leui ad meliora incitamento erunt. factum à Scipione, à Germanico, ab Ottone, ab aliis, felici successu.

V.

Spe etiam veniæ & impunitatis prouocandi. in quo conandum, vt cum delicti magnitudinem intellexerint, periculumque, in quod Remp. coniecerunt, impunitatem altius in animum demittant, fortiusque beneficium agnoscant.

V I.

Fortiter se etiam Dux ipse aliquando opponat. Factum à Pompeio, à Cæsare, à Germanico. sed magno hinc opus robore, constantia, fiducia; vt inter minas & ferrum, & barbaras voces interritus persistat. Nemo prospero hoc successu faciet, nisi magna illum auctoritas, gratia, aut ingens militaris scientiæ opinio tueatur. Addidit ad hæc reprehensionem acerbitate & sæuitiâ plenam, variâ etiam exprobratione refertam Magnus Alexander. patem mihi si concesseris, parem orationem suafero. Roboris etiam plena fuit Pompeij, Cæsaris, Scipionis, Cerealis. Cauendum hinc tamen, ne se temerè in discrimen Dux coniiciat.

V I I.

Seditionum auctores, si conueniri possunt, indemnitatis & præmiorum spe molliendi, & ad

V I I I.

ad meliora ducendi.

I X. Committendi inter se seditiosi, aut seditionū auctores; auroque & sponsonibus auro grauidis, in mutuum prouocandi ferrum, diffidentiam mutuum.

X. Magnis propositis præmiis excitandi, qui seditionum auctores ferro aut quacunque re aliā fustulerint. armandi proinde promissis socij in socios; urbēque vicique, quorum ferro seditio extincta, ingentibus donandi præmiis.

X I. Seditione compositā, nulla militaris muneris prærogatiuā seditionum auctores donandi, ne præmia cant in audaciæ exemplum: inuicēque disiungendi, & per varias turmas disperrendi seditiosi, ne leui causa, præteritorum spe allekti, iungantur animis & armis, qui corporibus iunguntur. vt verò à seiunctis periculi minus, ita à coniunctis iustior metus est. mutuò se venena affricant, adeoque & venenant mutuò. ita à vicinitate improbitas crescit, rariorque probitatis coalitio est. facundiora nimirum malorum semina sunt, bonorum facilius exarescunt: illa latè luxuriari videas, hæc recenter spargi.

§ 4

*In bello Dux
pacem amet.*

Amet in bello pacem, & per arma Dux pacem querat. Hoc volo, vt non ad internecionem partium pugnet, sed tanquam pacem amet, & per bella querat. non Æthiopum more, quos nudis propè odiis, internecina committere prælia accepimus, tanquam malè pugnatum sit, si quis prælio nuntius supersit. Noster fugienti hosti viam sternet, & aperiet, nam ab vltima desperatione præda nulla, laus exigua speranda, sanguisque mutuò dandus, isque fortissimi cuiusque & manu promptissimi. à desperatione namque in

furorem

furorem itur. furor vires & arma ministrat, ac tigrum more cæco impetu ruit in ferrum; nec quid patiatur, intuetur, sed quid faciat: tamque prompto hilarique animo sanguinem fundit, quàm hauriat. prodigus sanguinis & vitæ, aliene & suæ, furor est. furori cede. Neque carere veteres omni voluere hoste; cum hostili metu ciues in officio contineri arbitrarentur. at, vbi formido illa mentibus decessit, lasciuia & superbia, quas secundæ res amant, animos incessunt. Et nõ robores in nimis alta pace & diuturna, regnum destituitur? vbi enim vniuersim cessant arma, ad ignauiam itur, & pro robore mollietates succedit. ita fit, vt, si qua necessitas ingruat, hostibus regnum pateat, alienum dominatum accepturum si arma senserit..

Prima tam in Duce, quàm in milite Dei cura. Nulla sine Numine pugna. ante signa Deus, & in ipsis. ante pugnam delictorum pœnitudo, ne mors improuidum occupet, ne in medio scelere succidat vitam, ne anteuertat dolorem, ne præscindat tempus, & soli seræ nimium, & nõ profuturæ pœnitentiæ locum relinquat. Scio in pari corporis vulnerumque ac mortis periculo, bonos ac improbos versari; sed vt ignaui & fortes, in pari licet periculo, famâ tamen impari sunt, ita impari exitu boni & mali finiunt hanc vitæ: aut, vt verius dicam, alia atque alia æternitate vitam hanc claudunt. Quid? quòd vna pietas omni ætate & gente, nobilissimos de impiis hostibus triumphos duxerit. Nimis orbi nota Mosis pietas, nimis Iosue, nimis veræ pietatis triumphus, in Amalecitas & Amorrhæos. & Ierichuntina mœnia tubarum sonitu sepulta, quid aliud loquuntur? quid

55

Prima in
Duce cura
pietatis.

quid Iordanis aquæ, quid scissâ maria, quid penduli fluctus Israël in salutem, Ægypto in interitum? nimis etiam in Dauide noti Moabitæ, Ammonitæ, Syri, Philistæi; in Ezechia Sennacherib; in Gedeone Madian; in Machabæis Gorgias, Lyfias, Timotheus, Nicanor, Apollonius. Et quis in Christianis ignorare potest Constantinum in Maxentio; Gallicanum in Licinio; Theodosium in Eugenio, & Maximo; Heraclium in Cosroë; Belisarium in Wandalis & Persis; Narsetem in Totila; Catacalum in Saracenis; Ladislaum & Boleslaum in Russis; Henricum in Hungaris; Ioannem Comnenum in Scythis; Wenceslaum Bohemum in Radislao; Pelagium, Alfonsos, Ramirum, Ferdinandos in Mauris? Pietas his omnibus, & in Deum fiducia, non ferrum triumphos dedit. Et quid magnorum horum Ducum hostibus contulit ferrum pietate exarmatum? Animos certè vna illis pietas dedit, vna armauit, audere docuit, fidere, vincere, numero, robore, militari peritia, ferocia, prosperarum rerum felici successu, locorum opportunitate, comiteatu, bellico apparatu, longè superiores hostes; vna pietate inferiores. Discat ab illis militiæ Dux, quanta sperare possit, quanta cælo debeat. & imitetur pietatem, qui pares ab hostibus victorias amat. sequentur paria vota, mores, preces effectus pares. Idem Deus est, qui dedit; eadem pietas sit, quæ impetret: & spondere paria, & maiora etiam audeo. Quid? quòd spondeat ipse Deus, qui nec fallere, nec falli potest.

CAPVT XXV.

Quibus modis milites à Duce monendi, animandi, terrendi?

MAGNA vis in Ducis oratione. quâ vnâ non rarò victoria, inclinatis omnino rebus, stetit, erecti militum animi, à fuga retracti, vincere edocti qui victi erant. Qua in re veteres imitetur exercitus Ductores. multa apud Historicos fortia & præclara in hoc genere inueniet. fruatur inuentis. pauca hîc de variis dabo, è Curtio, Liuiio, Tacito, Sallustio, primis scriptoribus. ne pudeat summos imperatores sequi.

Magna vis in Ducis oratione.

Vulneribus suis, & profuso fortiter sanguine suos in pugnam accendit Alexander. *Non postulare se ut fortiter capefferent prælium, nisi ipse ceteris fortitudinis fuisset exemplum, se ante prima signa dimicaturum pro se. quot cicatrices, totidem corporis decora scire ipsos, vnum pene se præde communis exortem, in illis colendis ornandisque usurpare victoriæ præmia. Hac fortibus viris dicere. Vetus dictum, Bene dicere & facere, magnorum est. vtrûque in magno hoc Rege. Et verò dignissima hæc magno Duce & Rege verba sunt, exemplo suos prouocare, cicatricibus & vulneribus præire, nulli fuso sanguine cedere. Sed neque vllum diadema cicatrice in Duce nobilius.*

Exemplo suo, vulneribus, sanguineque suis animet.

Alibi exemplo suo impellit. *Ex quo hoc vulnus accepi, non equo vectus sum, non pedibus ingressus. sed, si me sequi vultis, valeo amici. satis virium est ad toleranda ista. aut, si adest vita mea finis,*

A a 178

in quo tandem opere melius extinguar? Magni animi dictio magna. Quid potentius poterat in sequelam adferri? necdum à vulnere sibi redditus, valet, si præeuntem sequitur miles. integrit gloria vulnera, sistit decus sanguinem.

Præmiis pro-
nociendus mi-
les.

Præmiis suos ad grandia prouocat. *Nihil tam altè natura constituit, quò virtus non possit eniti. Excedite in cacumen. præmium erit ei, qui primum occupauerit verticem. talenta decem: uno minus accipiet, qui proximum ei tenuit: eadèmq; ad decem homines seruabitur proportio.* Prudenter. quid non possunt in milite præmia? non sentit ferrum auro armatum, adeoque mollis mors est auro succincta. ac in plebeio plurimum milite, plus aurum quàm gloria potest. vilis enim huic vita est auro coronanda.

Fortiorū an-
tè factorum
commemora-
tione.

Commemoratione verò fortium antè factorum suos animat. *Non ignoro, milites, multa, quæ terrere vos possent, ab incolis Indiæ per hos dies de industria esse iactata. sed non est improuisa vobis mentientium vanitas. nunquam ad liquidum fama perducitur. omnia, illa tradente, maiora sunt vero. Olim hercule fugissemus ex Asia. si nos fabula debellare potuissent. Eadem vanitas, copias peditū equitūque numerat. ac flumen. quo latius fusus est, hoc placidius stagnat; quippe angustis ripis coercita, & in angustiore alueum elisa, torrentes aquas inuehūt: contra spatium aluei segnior cursus est. Sero janè hostiū legiones numerare coepistis, postquam solitudinem in Asia vincendo fecistis: cum per Hæspontum nauigaremus, de paucitate nostra cogitandum fuit. Nūc nos Scythæ sequuntur, Bactriana auxilia præsto sunt. nec tamen illi turbæ confido. vestras manus inueor, vestram virtutem, rerum, quas gesturus sum, vadem*

præ

prædæque habeo. *Quamdiu vobiscum in acie stabo, nec meos, nec hostiū exercitus numerauero. vos modò animos mihi plenos alacritatis ac fiducia adhibete. Nolite, quod pigri agricolæ faciunt, maturos fructus per inertiam amittere è manibus. maiora sunt periculis premia. itaque non tam ad gloriam vos ducò, quàm ad prædam. Alexandro dignissima oratio, fiducia in suos plena. terrorem minuit, hostilem abstergit metum, summa omnia militi suo tribuit, sibi nihil. fortia illorum facta animòsque dum recenset, ad maiora vocat, prædæque ostentat periculis maiorem, certio rem.*

Acri alibi reprehensione suos in officio continet. *Desertus, destitutus sum, hostibus deditus. sed solus quoque ire perseverabo. Obiicite me hominibus & belluis, & illis gentibus, quarum nomina horretis. inueniam, qui desertum à vobis sequantur. Scythæ, Bactriani erunt mecum. hostes paulò antè, nunc milites nostri. Mori præstat, quàm precariò imperatorem esse. Ite reduces domos, ite deserto Rege orantes. Ego hic à vobis desperatæ victoriæ, aut honestæ mortis locum inueniam; neminem tenco. Liberate oculos meos ingratissimi ciues, lati vos excipiant parentes liberique, sine vestro Rege redeuntes. obuiam ibunt desertoribus transfugisque. triumphabo mehercule de fuga vestra, & ubicunque ero, expetam pœnâs, hos, cum quibus me relinquitis, colendo, præferendoque vobis. Iam autem scietis, & quantum sine Rege valeat exercitus, & quid opis in me vno sit. Valida hæc non oratio est, nouacula est pectoribus scindendis, securis est animis secandis. Quid non hæc tanti Regis verba possint apud militem orbis domitorem? nec poterat quidquam generosis animis durius accidere contemptu.*

Reprehensione in officio continendi,

hinc militares lacrymæ secutæ, pudor, metus, obsequia.

Animat etiam suos Darius, maiorum exemplo, spe posteritatis & victoriæ, suo denique exemplo. *Ite alacres, & spiritus pleni, ut, quam gloriam accepistis à maioribus, posteris relinquatis. In dextris vestris iam libertatem, opem, spem futuri temporis geritis. effugit mortem, quisquis contempserit: timidissimum quemque consequitur. Nec recuso, quo minus imitemini me. siue fortitudinis exemplum, siue ignavia fuero.* Ferè Ducis sui vestigiis insistit miles, fortibus fortis, ignavis ignauus.

*A coniugum
& liberorum
affectu im-
pollendi.*

Scipio verò tenero suos affectu incendit. nihil coniuge, liberis, patriâ tenerius. *Vnusquisque se non corpus suum, sed coniugem ac liberos paruos armis protegere putet. nec domesticas solum agitet curas: sed identidem hoc animo reputet, nostras nunc intueri manus Senatum populumque Romanum. qualis nostra vis virtusque fuerit, talem deinde fortunam illius urbis ac Romani imperij fore.* Magnum incitamentum, cum vniuersam pop. Romani fortunam, orbis imperium, in suorum robore & manu ponat.

*A necessitate
fiducia pro-
uocanda.*

Hannibalis autem ad suos à necessitate exhortatio fiducia plenissima. *Quocunque circumtuli oculos, plena omnia video animorum ac roboris. Inferimus bellum, infestisque signis descendimus in Italiam, tanto audacius fortiusque pugnaturi, quanto maior spes, maiorque animus inferentis est vim, quam arcentis. Nihil usque nobis relictum est, nisi quod armis vindicauerimus. Illis timidis & ignavis licet esse, qui receptum habent: quos ager suus, quos sua terra per tuta & pacata itinera fugientes accipient. vobis necesse est fortibus viris esse, & omnibus inter*

inter vitam mortemque certa desperatione abruptis, aut vincere, aut, si fortuna dubitabit, in pralio potius quam in fuga mortem oppetere. Hoc si bene fixum omnibus destinatumque in animo est, iterum dicam, Viciſtis. Nullum incitamentum homini ad vincendum à Diis immortalibus acrius datum est. Verum est. nihil necessitate ac desperatione quadam rerum potentius, ut mitissima etiam ingenia exasperentur desperatione. arbitreris ceruis leones nasci. arma nimirum & vires desperatio suggerit: animos & audaciam necessitas subministrat. & mori etiam iucundum est, & inter beneficia numeratur, cum fugere non liceat. Nobiles sanè victorias triumphosque desperatio dedit.

Breuiter & fortiter in re ardua & dubia, & desperationi proxima L. Martius. Scio audax *Ab i.* *perati,* *moneri.* *videri consilium: sed in rebus asperis & tenuibus fortissima quaque consilia tutissima sunt. quia si in occasionis momento, cuius prateruolat opportunus, cum etatus paulum fueris, nequidquam mox omisſam queraris. Reliquæ prostrati exercitus erant. quid non potest oratio? impulit in arma, & victores hostiles exercitus, perexiguâ quæ fugæ & cædibus superfuerat, manu prostrauit.*

Prudenter Scipio militum virtutem, gratamque patris patriæque memoriam recenset. *A grati animi significatione incitandi.* *Vos modo milites fauete nomini Scipionum, soboli imperatorum vestrorum, velut accisis recrescenti stirpibus. Agite veteres milites, nouum exercitum, nouumque Ducem traducite Iherum: traducite in terras, cum multis fortibus factis sæpè à vobis peragratas. breui faciam, ut quemadmodum nunc noscitis in me patris patriæque similitudinem oris vultusque, & lineamenta corporis, ita ingenij, fidei, virtutisque exemplum*

ac effigiem vobis reddam, ut reuixisse, aut renatum sibi quisque Scipionem imperatorem dicat. Cùm gratissimam illorum memoriam sciret esse, beneuolentiam sibi ab ea captandam iudicabat. fecit, impetrauit, animos addidit.

*Fortiter &
suauiter im-
pellendi.*

Fortis eiusdem & suavis ad seditiosos oratio est. fortitudine terret, suauitate mollit, ne, si acerbiora imperaret, in contemptum obsequia verteret. Nunquam mihi defuturam orationem, qua exercitum meum alloquerer, credidi. non quòd verba unquam potius, quàm res exercuerim: sed quòd prope a pueritia in castris habitus, assueuerim militari- bus ingeniis. Apud vos quemadmodum loquar, nec consilium, nec oratio suppediat: quos ne quo nomine quidem appellare debeam. scio. Cines? qui a patria vestra descinuistis. An milites? qui imperium auspiciũ- que abnuistis. sacramento religionem rupistis. Hostes? corpora, ora, vestitum, habiũm ciuium agnosco: facta, dicta, consilia, animos hostium video. Inuitus ea tanquam vulnera attingo: sed nisi tacta tractatque, sanari non possunt. Horret animus referre quid crediderint homines, quid sperauerint, quid optauerint. auferat omnia irrita obliuio, si potest: si non, ut cum- que silentium tegat. Non negauerim, tristem atrocemque vobis visam orationem meam. quanto creditis facta vestra atrociora esse, quàm dicta mea? Sed ne ea quidem ipsa ultra exprobrabuntur. Utinam tã facile vos obliuiscamini eorum, quam ego obliuiscar. Itaque, quod ad vos vniuersos attinet, si erroris pœnitet, suis superque pœnarum habeo. nefaria seditio- nis auctores sanguine luent, quod admiserunt. Vobis supplicij illorum spectaculum non modò non acerbũ, sed latum etiam, si sana mens rediit, debet esse. De nullis enim, quam de vobis infestius aut iniquius con-
sul

fuluerunt. Prudentis Ducis & medici exemplum hîc habes. miscet dulcia amaris, & paucorum supplicio, dum reliquos in officio continet, perpetrati criminis obliuionem sponder.

Grauitè & seuerè Fabius ab Africano bello *Graniter, & seuerè & à difficultate terrendi.* Senatum ac Scipionem deterret. *Cetera* (neque ea eleuo) nullo tamen modo Africano bello comparanda, ubi non portus, non ciuitas socia, non Rex amicus, non consistendi vsquam locus, non procedendi: quacunque circumspexeris, hostilia omnia atque infesta. An Syphaci Numidisque credi: satis sit semel creditum. Non semper temeritas est felix: & fraus fidem in paruis sibi praestruit, ut, cum operis pretium sit, cum mercede magna fallat. Quod istud consilium est, ibi malle decernere, ubi tua dimidio minores copia sint, hostium multò maiores; quàm ubi duobus exercitiis aduersus vnum, tot praeliis, & tam diuturnâ & graui militiâ fessum pugnandum sit? Africani belli difficultates extollit in maius, Italici verò belli opportunitatē deprædicat, pericula extenuat; ut ab illo Senatum & Scipionem reuocet, ad hoc impellat.

Fabij orationē refellit Scipio; Africana bella *Cōsultius in alieno agro, quàm in domestico bella* suadet, Italica dissuadet. Vtrò metum inferre hosti, & ab se remoto periculo, alium in discrimen adducere, quale sit, veteribus externisque exemplis admonere opus non est. maius presentiusue vllum exemplum esse quàm Hannibal potest? multum interest alienos populèrè fines, an vri tuos exscindique videas. plus enim animi est inferenti periculū, qua propul-
santi. Hic modo nihil mora sit, vnâ & traiecisse me audietis, & ardere bello Africā, & molientē hinc Hannibalē, & obsideri Carthaginē. Spē dant Syphax & Massinissa Reges, quorū ego fidei ita innitar, ut benè

tutus à perfidia sim. Multa, quæ nunc ex intervallo non apparent, bellum aperiet, & id est viri, & Ducis, non deesse fortuna præbenti se, & oblata casu, flectere ad consilium. Consultius tutiusque, minoræque dispendio in alieno & hostili, quàm in suo agro bella moueri docet; certiusque alienam, quàm suam prouinciam periclitari. nec quisquam prudens hostem, si potest, admittit. minus enim in alieno, quàm in suo periculum est. nocentissima bella sunt, quæ visceribus continentur. ita nocentius vulnus est, quod cordi propius est. plus namque è vicino, quàm è remoto mala premūt. & venena, quæ propinquiora, nocentiora sunt. innoxia ferè remota videmus.

*Ignominia
impellendi.*

Paucis & validè Romanos Germanicus monet. Neque enim *Dij sinant, ut Belgarum, quanquā offerentium, decus istud & claritudo sit, subuenisse Romano nomini, compressisse Germania populos.* Ignominia terret. nihil hac apud generosos potentius. turpe nimirum & inglorium, à Belgis Romanos fide, obsequio, robore vinci.

*Libertate
proposita in-
citandi ad
magna.*

Non impari fortitudine in pari breuitate suos erigit Arminius. Si patriam parentes, antiqua mal-
lent, quàm dominos & colonias nouas, Arminium potius gloria ac libertatis, quàm Segestem flagitiose ser-
uitutis Ducem sequerentur. Nihil libertate ingenuis pretiosius, nihil seruitute inassuetis gra-
uius. illa excitat, hæc terret.

*A rei facili-
tate animā-
di.*

Quæ hostis in subsidiū sibi parauerat, obfutura docet Germanicus. Nō campos modò militi Romano ad præliū bonos, sed si ratio adsit, siluas & sal-
tus. nec enim immensa barbarorū scuta, enormes ha-
stas, inter truncos arborum, & enata humo virgulta,
perinde haberi, quàm pila & gladios, & hærentia

corpori tegmina densarēt illis, ora mucronibus quaerent. Modum præscribit, quo vinci pellique hostis possit. fecit idem Cæsar in Pharfalicis, & vicit.

Quo verò breuius, eo validius Arminius. *Minuissent auaritiæ, crudelitatis, superbiæ. an aliud sibi reliquum, quam tenere libertatem, aut mori ante seruitium?* Mortem docet seruitio præponendam, inaximè inter auaros, crudeles, superbos.

Seruitus
proposita mo-
nendi.

Generosa accusati Cordi dictio. posteritatis gloriâ se solatur, magnorum exemplo. *Verba mea P. C. arguuntur, adeo factorum innocens sum. suum cuique decus posteritas rependet, nec deerunt, si damnatio ingruit, qui non modo Cassij & Bruti, sed & mei meminerint.* addit Tacitus: *Quo magis socordiam illorum irridere lubet, qui præsentis potētia credunt extingui posse etiam sequentis æui memoriam. Nam contra punitis ingeniis, gliscit auctoritas. neque aliud externi Reges, aut, qui eadem scuitia visi sunt, nisi dedecus sibi, atque illis gloriam peperere.* Vera hæc esse loquuntur Historiæ ætatum omnium, gentiū omniū; semperque quo plus sæuit tyrannis, plus gloriæ transmisit. mors omnium est, gloria paucorum. hæc ferè scuitiam comitatur. Et non gloriosius alienis æternū calamis viuere, quàm ingloriam in paucas ætates viram protrahere? & quid refert quamdiu vixeris, si moriendum est? Benè & fortiter mortuum esse, ea demum laus magna est.

Generosa ac-
cusati defen-
sio innocen-
tia sua inni-
tentis.

Cataraetaci in Britannia verba sunt. *Illum dicē, illam aciem testabatur aut recuperanda libertatis, aut seruitutis aterna initium fore.* Benè, si Ducis sui orationi respondisset miles; aut si tam fortiter pugnasset, quā fortiter ille dixerat. Nec potētor

Libertate &
seruitute pro-
posita
tandē

stimulus esse potest, quàm recuperandæ semel perditæ libertatis spes ostentata. Prudentissimus libertatis æstimator post amissam est, vt valetudinis bonæ morbus & dolor.

*Vincendum,
aut morien-
dum, nil po-
tentius.*

Digna viro in muliere Britannica, & magno dignissima imperatore Boudicæ verba. *Si copias armatorum, si causas belli secum expenderent, vincendum illa acie, vel cadendum esse. Id mulieri destinatum, viuerent viri, & seruirent.* Non potuit fortius suos accendere, non validius extimulare. Mulier mori audet, & seruitutem morti præferat viri? vilis animi seruitus est, & indigna viro. Non absimile habes apud Cimbr̃os & Teutonas, cùm vxorum cohortationibus repelluntur in hostem.

*Robori, non
numero fidē-
dum.*

Suos ex aduerso Suetonius animat. *Spernerent sonoras Barbarorum & inanes minas. in multis legionibus paucos esse, qui pralia profligarent, gloriaque illorum accessurum quòd modicâ manu, vniuersi exercitus famam adipiscerentur.* Nimirum non in numero, sed in robore & animo, victoriâ stare. hanc autem ferè paucorum esse. quid? quòd non rarò exitio suis multitudo fuerit. certiùs pauciores imperia sequuntur.

*Militaris tu-
multus pau-
corum pœnâ
auertendus.*

Militarem tumultum Otho componit, duorum pœnâ, omnium pœnitutine. *Tumultus proximi initium. non cupidine, vel odio, nimia pietas vestra acrius quam consideratiùs excitauit. nam sapè honestas rerum causas ni iudicium adhibeas, perniciosi exitus consequuntur. Imus ad bellum. nū omnes nuntios palam audiri, omnia consilia cunctis presentibus tractari, ratio rerum aut occasionum velocitas patitur? tam nescire quedam milites, quàm scire oportet. itaque sic Ducum auctoritas, sic rigor discipline*

plina habet, ut multa per centuriones tribunofque tantum iuberi expediat. Si ubi iubeantur, querere singula liceat; pereunte obsequio, etiam imperium intercidit. Parendo potius, commilitones, quam imperia Ducum sciscitando res militares continentur. & fortissimus in ipso discrimine exercitus est, qui ante discrimen quietissimus. paucorum culpa fuit, duorum poena erit. Ceteri abolete memoriam fœdissimæ noctis, nec illas aduersus Senatum voces ullas unquam exercitus audiat. Egregia hæc documenta. paucis aperienda Ducum consilia: omnium parere esse, imperare paucorum: militis obsequi esse, imperare Ducis. Modestia ante bella, & post illa, laudata. & ferè timidissimus ac ignauissimus, ante & post pugnam ferocissimus est; in ipsa trepidat. Vir fortis in sola pugna miles est. extra quam mansuescit, nec in dedititium aut fugientem sæuit; sæuit ignauus. ille preces admittit, & ad miserorum victorūque vota mollescit & flectitur, memor conditionis humanæ; hic nullis flectitur precibus, efferaturque in supplices. fortis nimirum est, cum præter vota nihil fortuna aduersario reliquit.

Plotius Firmus fuso exercitu Othoni animos addit: *Ne fortissimum exercitum, ne optimè meritos milites desereret. maiori animo tolerari aduersa, quam relinquere. fortes & strenuos etiam contra fortunam insistere spei; timidos & ignauos ad deliberationem formidine properare.* Fortiter & Romanè. Nō est viri aduersa fugere, cōtrā ire virorum est; magis etiā, stare intrepidum inter illa; generosissimum, prouocare & gaudere. exhilarescit nimirum, si dignam robore animoque suo materiam na-

ctus

*A rerum adu-
duarum ma-
gnitudine in-
hortandi.*

Etus fuerit. non dabunt hanc secunda, aduersa dabunt.

*Deterrendi à
ciuili sanguine.*

Otho Imperator respondet, ciuilem sanguinem detestatur, mortem deligit. *Hunc animum, hanc virtutem vestram ultra periculis obicere, nimis grande vitæ meæ pretium puto. quanto plus spei ostenditis, si viuere placeret, tanto pulchrior mors erit. experti inuicem sumus, ego & fortuna. Nec tempus computaueritis. difficilius est temperare felicitati, quate non putes diu vsurū. Ciuile bellum à Vtello cœpit. Ne plusquam semel certemus, penes me exemplum erit. hinc Othonem posteritas aestimet. Plura de extremis loqui, pars ignauia est præcipuum destinationis meæ documentū habete, quòd de nemine queror: nā incusare Deos vel homines, eius est, qui viuere velit. Acutè. ita ferè, dum mors properat, accenduntur sopiti ingeniorum ignes. Videntur verba optimi Principis, qui vnus mori deligat, quàm multorum sanguinem fundi. ciuium suorum parcit, non parcit suo. Nescio tamen, an non hic aliquid degeneris animi est, & de fortuna desperantis.*

*Prudens de-
liberantis ora-
tio de impe-
rio.*

Deliberantis de imperio Vespasiani oratio est: *Imperium cupientibus nihil medium inter summa & præcipitia. Detertere inhortantes amicos, malorum magnitudine conatur.*

*Intrepida
exhortatio.*

Intrepidè Mucianus: *Satis clarus est apud mentem quisquis timetur. est, ut dicit. Quisquis timet, minor est: & ab alterius timore claritudinem, qui timetur, mutuatur.*

*Temperan-
tium*

Temperat Antonius militum ardorem. *Dimissa inter exercitum Ducésque munia. militibus cupidinem pugnandi conuenire: Duces prouidendo, consultando, cunctatione sapius, quàm temeritate prodesse.*

Vt

Ve pro virili portione armis ac manu victoriam in-
uerit; ratione & consilio, propriis Ducis artibus, pro-
futurum. Neque enim ambigua esse, quæ occurrunt, no-
ntē, & ignota situm urbis, intus hostes, & cuncta insi-
diis opportuna. nō si pateat porta, nisi explorato, nisi
die intrandum. Auidum hīc pugnae militē vides:
 moderatur Antonius. Inde quæ militum, quæ
 Ducum partes sint docet. robora militum, con-
 silia Ducum esse. horū prouidere, illorū exequi
 & obsequi esse. Frangit deinde suorum auda-
 ciam, & præfidentiam temperat. *Esse adhuc Vi-*
tellio vires, ambiguas, si deliberarent; acres, si despe-
rassent: initia bellorum ciuiliū fortuna permittēda,
victoriam consiliis & ratione perfici. Hostium vi-
res recenset, vt suorum insolentiam mitiget: ad-
dit, ciuiliū bellorū initia fortuita esse, succes-
sus consilio regi. O nimis vera! Taceo te meum
 Belgium. numeraberis inter exempla.

Amicorum ad Vitellium verba sunt. *Despe-*
ratione in audaciam accingeretur. nihil atrocius eue-
nturum, quā in quod sponte ruant. Moriendum vi-
ētis, moriendum deditis; id solum referre, nouissimum
spiritum per ludibrium & contumelias effundāt, an
per virtutem. Addunt animos ab vltima despe-
 ratione. Audendo sperari victoria potest, aut mors
 viro digna. cadendo neutrum. Et verò inter arma
 fortius militem cadere, quā deditum iugulari.
 ibi virtutis plurimum esse potest & solet, hic
 ignauitæ plurimum. præponet virtutem ignomi-
 niæ quisquis virum redolet.

Maiorū exemplo Vocula milites firmat. *Adeò*
nos, si fortuna in presens virtusque deseruit, etiam
vetera exempla deficiunt. Quoties Romana legio-
nes perire præoptauerunt, ne loco pellerentur? socij
sepe

Ab vltima
rerum despe-
ratione ani-
mus non raro
addendus.

Maiorum
exemplo ani-
mi firmandi.

sapè nostri exscindi vrbes suas, seque cum coniugibus ac liberis cremari pertulerunt. neque aliud pretium exitus, quàm fides famâque. Optanda antè mors viro forti, quàm fuga. & gravior illa. Magnum inter socias vrbes exemplum Saguntum dedit. perire maluit, quàm fidem frangere. Et quis Saguntum nosset nisi periisset? tantum fides potest. æternùm in cinere suo viuet, omnium ore, omnium calamis. non viueret, si stetitisset.

*Extenuando
dictionē, fa-
cta extollen-
do miles pro-
uocandus.*

Cerealis militari more arma ostentat; facundiam extenuat, vt fortiùs probet. suspecta enim ferè eloquentiæ opinio est: quæ vbi inualuit, militares animos indurat. Neque ego unquam facundiam exercui, at populi Romani virtutem armis affirmavi. sed quia apud vos verba plurimum valent, bonæque & mala, non sua natura, sed vocibus seditioforum æstimantur, statui pauca differere, quæ profigando bello vtilius sit vobis audisse, quàm nobis dixisse. Ceterùm libertas, & speciosa nomina prætexitur, neque quisquam alienum seruitium & dominationem sibi concupiuit, vt non eadem ista vocabula usurparet. vitia erunt, donec homines. Proinde pacem & urbem, quàm victi victorésque eodem iure obtinemus, amate, colite. Moneant vos vtriusque fortune documenta, ne contumaciam cum pernicie, quàm obsequium cum securitate malitis. Nūm is vera, quisquis enim alienam Rempubl. amauit, speciosa prætexuit nomina. nulli hæc vlla ætate Principi defuerunt: nulli tyranno. ingeniosa ambitio & cupiditas est, semper inuenit quo se tueatur. O inem Belgium! quousque ludes in religionis nomine, tuorum & orbis sanguine? Sequuntur eiusdem Cerealis verba pauca, sed fortia; vt videas

videas militem potius fuisse quàm oratorem, & factorum magis quàm verborum diuitem. *Ite, nuntiate Vespasiano relictum à vobis in acie Ducem. Venient legiones, quæ neque me inultum, neque vos impunitos patiantur.* Addit Tacitus: *Cerealis turbidis rebus intrepidus, & fugientes manu retrahens, iniecto corpore, promptus inter tela, felici temeritate, & fortissimi cuiusque accursu, recuperatum pontem lecta manu firmavit. Fortiter omnino. & non facta dictis potiora sunt?*

Non barbarè Galgacus Britannus suos inhortatur. *An eamdem Romanis in bello virtutem, quàm in pace lasciviam adesse creditis? nostris illi discessionibus ac discordiis clari, vitia hostium in gloriam exercitus sui vertunt, quem contractum ex diuersissimis gentibus, ut secunda res tenent, ita aduersæ dissoluunt, nisi si Britannorum plerisque dominationi alienæ sanguinem commodantes, diutius tamen hostes quàm seruos, fide & affectu teneri putatis. Metus & terror infirma vincula caritatis, quæ ubi remoueris, qui timere desierint, odisse incipiunt. Omnia victoriæ incitamenta pro nobis sunt. nulla Romanos coniuges accendunt: nulli parentes fugam exprobrantur sunt. clausos quodammodo ac vinctos Diæ nobis tradiderunt. ituri in aciem, & maiores vestros & posteros cogitate. Ita est. Metus & terror infirma vincula sunt. remoue, in odia vertuntur: odisse enim incipiunt, qui timere desinunt, adeoque è timore ferè odia nascuntur. fortia dein proritamenta vxores & parentes sunt: quorum memoriâ non vnus exercitus stetit. Maiores denique & posteritatis memoria vires acuunt, animos addunt.*

Romanè omninò suos Agricola in pugnam inhortatur. *Neque me militum, neque vos Ducis parauit.*

A maiorum, & posteritatis memoria incitandi.

*Hostes depri-
mere, suos
extollere plu-*

rimum sem-
per ad victo-
riam valuit.

pœnituit. Neque nobis aut locorum eadem notitia, aut commeatum eadem abundantia; sed manus, & arma, & in his omnia. Quod ad me attinet, iam pridem mihi decretum est, neque exercitus, neque Ducis terga tuta esse. Proinde & honesta mors turpi vitâ potior, & incolumitas ac decus eodē loco sita sunt. nec inglorium fuerit, in ipso terrarum ac natura sine cecidisse. si sunt ceterorū Britannorū fugacissimi, idēque tã diu superstites. quomodo silvas saltusque penetrantibus, fortissimū quodque animal robore. pauida & inertia ipso agminis sono pelluntur: sic acerrimi Britannorum iam pridē ceciderunt. reliquus est numerus ignauorum, & metuentiū. Imponite quinquaginta annis magnum diem. A persona sua, à militum, benevolentiam captat. in ferro & manu, nō in siluis & montibus, ignauorum receptaculis, robora ponenda. Verum etiam illud, honestam mortem turpi vitâ potiore esse. semper hoc generosi militis fuit. Eleganter etiam illud, non inglorium fore in terrarū ultimis cecidisse. nimirum vbi ferro omnia aperueris, omnia subieceris, in ipsis terrarum finibus cadere, cum nihil victoriæ super sit, quia nihil terrarum. Deprimat deinde hostes. Et verissimum istud, fortissimum ferè cadere, ignauissimum victoriæ superesse. in primo proinde congressu pericula ac discrimina esse, & dubiam fortunam. ad reliqua planior via est. Nobili dein epiphonemate claudit. maximus dies victoriæ est, qua bellorum anni coronantur.

A libertate,
opibus, glo-
ria, Ducis ex-
emplo forti-
ter miles pro-
vocatur.

Generosè Catilina, generosiùs si pro patria. quanquam & contra ipsam generosè: Nisi virtus atque fides vestra satis spectata mihi forent, nequidquam opportuna res recidisset. neque ego

per

per ignauiam, incerta aut vana ingenia, pro certis captarem. Sed quia multis & magnis tempestatibus vos cognoui fortes, fidôsque mihi; eo animus ausus est maximum atque pulcerrimum facinus incipere. Ceterum mihi in dies magis animus accenditur, cum confidero, quæ conditio vitæ futura sit, nisi nosmet ipsos vindicauerimus in libertatem. Nonne emori per virtutem præstat, quam vitam miseram atque inhoneſtam, ubi alienæ superbie ludibrio fueritis, per dedecus amittere? Tantummodo incepto opus est, cetera res ipsa expedit. Quin igitur expergiscimini? en illa, quam sæpè optastis, libertas: præterea diuitiæ, decus gloria in oculis sita sunt. Vel imperatore, vel milite me utimini. neque animus, neque corpus aberit à vobis. Suorum fidem dum extollit, ad magna prouocat. infelicem illorum post fugam conditionem aperit. Fortem inortem, miseræ vitæ præfert. nemo generosior illam timuit, timuit contemptum. Nec durum forti sanguinem fundere, durum ludibrio esse. Præmiorum quoque spe suos excitat, libertate, diuitiis, gloriâ. nihil adduci poterat potentius. Suo denique exemplo suos roborat. animum, corpus, omnia spondet.

Sequitur pacata Cæsar's, sententiam rogati, oratio. Omnes homines P. C. qui de rebus dubijs consultant, ab odio, amicitia, ira, atque misericordia vacuos esse decet. haud facîle animus verum prouidet, ubi illa officiant. neque quisquam omnium libidini simul & vsui paruit. ubi intenderis ingenium, valet: si libido possidet, ea dominatur, animus nihil valet. Magna mihi copia est memorandi P. C. qui Reges, aut qui populi, irâ aut misericordiâ impulsî, malè consuluerint. Qui demissi in obscuro vitam agunt, si quid iracundiâ deliquere, pauci sciunt:

*Affectus in
deliberando
seponendus.*

fama atque fortuna eorum pares sunt. qui magno imperio præditi in excelsa ætatem agunt, eorum facta cuncti mortales nouere. ita in maxima fortuna minima licentia est. quæ apud alios iracundia dicitur, ea in imperio superbia atque crudelitas appellatur. Sapienter. affectum consilia seponunt, si integra esse debeant. perdis illa, si affectibus indulges. nemo sanè cæco ductore tutò inambulat. cæcus ductor affectus omnis est. & ferè mentitur affectus, & à via abducit, tanquam si quis capiti iniectâ togâ velet oculos viarum ductores, ut hîc parieti illidat, alibi immergat foueæ.

Publicè in
deliberatio-
nibus, nō pri-
uatim studi-
um.

Fortis ex aduerso Catonis sententia, magisque utilis quàm speciosa: Nolite existimare maiores nostros armis Remp. ex parua magnam fecisse. alia fuere quæ illos magnos fecere, quæ nobis nulla sunt, domi industria, foris iustum imperium, animus in consulendo liber, neque delicto, neque libidini obnoxius. Pro his nos habemus luxuriam atque auaritiâ, publicè egestatem, priuatim opulentiâ. laudamus diuitias, sequimur inertiam. inter bonos & malos nullū discrimen est: omnia virtutis premia ambitio possidet. Neque mirum, ubi vos separatim sibi quisque consilium capitis: ubi domi voluptatibus, hîc pecunie, aut gratia seruitis. eo fit, ut impetus fiat in vacuam Rempubl. Non votis, neque supplicijs muliebribus auxilia Deorum parantur: vigilando, agendo, benè consulendo prosperè omnia cedunt. Vbi socordia te atque ignauia tradideris, nequidquam Deos implores: irati infestique sunt. Maiorum mores & imperia probat, damnat ætatis suæ. publicas opes, priuatam egestatem commendat. fuit hæc, cum floretet Respublica. periit priuatis opibus, publica egestate.

egeſtate. Discrimina à virtute, non ab opibus ſumenda, ſi firmanda Reſp. eſt. In commune deinde conſilia ferenda, nec tam priuatim, quàm publicè ſtudentum. Vigilando denique & agendo, proſperè omnia ſuccedere, ignaviâ perire. votâque Deum fortium, non ignauorum audire.

Redeo ad Catilinam iam pugnæ accinctum. *A periculis, gloria & neceſſitate provocandus miles.*
 Compertum habeo, milites, verba virtutem non addere. neque ex ignauo ſtrenuum, neque fortem ex timido exercitû, imperatoris oratione fieri. Quanta cuiusque animo audacia, naturâ, aut moribus ineſt, tanta in bello patere ſolet. Quem neque gloria, neque pericula excitant, nequidquam hortere: timor animi auribus officit. Quapropter vos moneo, uti forti atque parato animo ſitis: & cum praliû inibitis, memineritis vos diuitias, gloriam, præterea libertatem, atque patriâ in dextris veſtris portare. Si vincimus, omnia nobis tuta erunt. Commeatus abundè, municipia atque coloniæ patebunt. ſi metu ceſſerimus, eadem illa aduerſa ſient: neque locus, neque amicus quiſquam teget, quæ arma non texerint. Nemo niſi victor, pace bellû mutat. nam in fuga ſalutem ſperare, cum arma, quibus corpus tegitur, ab hoſte auerteris; ea verò dementia eſt. ſemper in praliô iſ eſt maximum periculum, qui maximè timent. audacia pro muro habetur. Cum vos conſidero, milites, & cum facta veſtra exiſtimo, magna me ſpes victoriæ tenet. animus, ætas, virtus veſtra me hortantur: præterea neceſſitudo, quæ etiam timidos fortes facit. Quòd ſi virtuti veſtra fortuna inuiderit, cauete ne inulti animam amiſſatis: neu capti potiùs ſicuti pecora trucidemini, quàm virorum more pugnantes, cruentam atque luctuoſam victoriâ hoſtibus relinquatis. Veri Ducis oratio. &

qualem optem, si pro patria, non in illam. Gloria & pericula quem non armant, nequidquam ferrum circumspiciet. & non libertas, diuitiæ, honos, patria, pro muro & scuto sunt: omnia tuta victoribus, intuta victis. nec quisquam teget, quem arma nudarunt. audacia pro muro & ense est. timor exiit armis, animus induit. addit ad ætatem, ut virtutem, necessitatem validissimum telum. monet denique, ne inulti pecorum more cadant; cadant virorum, hostili natantes sanguine, dum natant suo.

Exhortatio
ad pacem.

Bocchum Regem Metellus ad pacem hortatur, & Rom. populi amicitiam. *Omne bellum sumi facile, ceterum ægerrimè desinere. non in eiusdem potestate initium eius & finem esse. incipere cuius, etiã ignauo, licere, nõ deponi, nisi cum victores velint. Proinde sibi regnòque suo consideret: neque florentes res suas, cum Iugurtha perditis misceret. Prudentis Ducis verba sunt, & vera nimis. Mouere bella etiam inuàlidi & ignauissimi possunt; deponere non possunt. initia in manu nostra sunt, finis ferè in hostili. stultum verò est florentes res suas deperditis aliorum miscere. vnà namque plerumque ruinà insepeliuntur fatuus auxiliator, & alieni indigus.*

Potès exhortatio, qua à factorū suorum magnitudine suos Dux inhortatur.

Militaris oratio Marij est, docta & elegans, dum ferrum loquitur & sudores: Scio, *Quirites*, plerosque non *isdem* artibus imperium à vobis petere, & postquam adepti sunt, gerere. primò, industrios, supplices, modicos esse: deinde per ignauiam & superbiam atatem agere. alijs, si deliquere, vetus nobilitas, maiorum fortia facta, cognatorum & affinium opes, multa clientela, omnia hac presidio adsunt. Mihi spes omnes in metret sita: quas necesse est virtute & innocentia

centiâ tutari. nam alia infirma sunt. ita verò ad hoc
 etatis à pueritia fui, ut omnes labores & pericula cõ-
 sueta habeam. Illis difficile est in potestatibus tempe-
 rare, qui per ambitionē sese probos simulare. Mihi,
 qui omnem atatem in optimis artibus egi, benefacere
 iam ex consuetudine in naturā vertitur. Quæ illi au-
 dire & legere solent, eorum partem vidi, alia egomet
 gessi. Quæ illi litteris, ea ego didici militando. Nunc vos
 existimate, facta an dicta pluris sint. Quòd si iure me
 despiciunt, faciant idē maioribus suis. quibus, ut mihi,
 ex virtute nobilitas caput. Invident honori meo: ergo
 inuideant labori, innocentia, periculis etiam meis, que-
 niam per hac illum cepi. Ne illi falsi sunt, qui diuer-
 sissimas res pariter expectat, ignavia, voluptatem, &
 præmia virtutis. Maiorū gloria posteris quasi lumē
 est: neque bona, neque mala eorum, in occulto patitur.
 Nam me quidem ex animi mei sententiā, nulla ledere
 oratio potest. quippe vera, necesse est benè prædicet fal-
 sam vitæ morēsque mei superant. Non sunt cõposita
 verba mea. parui id facio. ipsa se virtus satis ostendit.
 Illis artificio opus est, ut turpia facta oratione tegat.
 Cum tute per molliem agas, exercitum supplicio co-
 gere, id est dominum, non imperatorem esse. Maiores
 eorum omnia, quæ licebat, illis reliquere; diuitias, ima-
 gines, memoriam sui præclaram: virtutē non reliquere:
 neque poterant. ea sola neque datur dono, neque acci-
 pitur. Egomet in agmine atque in pralio cõsultor idē,
 & socius periculi vobiscum adero: meque vósque in
 omnibus rebus iuxta geram. Plura dicerem, Quirites,
 si timidus virtutē verba adderent: nā strenuus abudē
 dictum puto. Facta dictis potiora esse, omnium, &
 suo exemplo docet. illa spōdet: hæc aliis conce-
 dit. Solam dein nobilitatem verā factis metien-
 dam, non maiorū virtutibus, quas nemo moriēs

dare potest. diuitiæ, imagines, memoria sui, dari possunt, & heredibus legari; virtus non potest. in animo cuiusque nasci hæc debet. à qua verè quisque magnus & nobilis haberi & dici debet; non ab alieno.

*Securitatem
in robore, pe-
riculum in
fuga esse.*

Suos Sylla hostibus circumfusus hortatur, vt animo, non numero se metiantur. *Sapè antea paucis strenuis aduersus multitudinem benè pugnatum: quantum sibi in eo prælio minùs pepercissent, tanto tutiores fore; nec quemquam decere, quem manus armaueris, ab inermibus pedibus auxilium petere, & in maximo metu nudum & cæcum corpus ad hostes vertere.* Securitas in robore & audacia; periculum in fuga. non est viri cæcum corpus ad hostes vertere: arma armis pulsare, & pectus dextera armatū hostili ferro obicere, viri & militis est. nec quisquam tutior, quàm qui ferrum ferro propellit: intutissimus est, qui à pedibus auxiliū deposcit. ab armis mutuatur miles, eo minùs periclitaturus, quo fortius presserit hostem. Et nō sola semper militis salus in animo, & ferro? in fuga dedecus & mors est; decus & vita in armis.

Ex his nemo non videat, quid in duce oratio possit, quid ad animandos milites, terrendos, excitandos, componendos, recreandos, mouendos, timorē pellendum, spem erigendam, temeritatē reprimendā, ignauiam deponendam, seditionem sedandam, mœrorem detergendū, verecundiam prouocandā. Nil sanè tubæ & tympana, nil prædæ magnitudo, nil honorum & opum expectatio, nil ignominie depulsio, triumphus gloria, ad Ducis orationem. quæ vna prodigiosas in desperatissimis rebus victorias secutas, Tacitus, Cæsar, Iulius, Curtius, Sallustius meminerunt.

Ille

Illa vim omnium maximè oratio habet, cùm generosa verba generosioribus ausis Dux ipse cōdecorat. magni Catonis in Lucano exemplū est.

Nulla vali-
diora incita-
menta Ducis
exemplo.

O, quibus una salus placuit mea castra secutus

Indomita ceruice mori, componite menteis

Ad magnum virtutis opus, summōsque labores.

Et præit ipse fortioribus factis:

— *Dum primus arenas*

Ingreddiar, primōsque gradus in puluere ponam,

Me calor atherens feriat, mihi plena veneno

Occurrat serpens, fatōque pericula vestrā

Prætentate meo, sitiāt, quicumque bibentem

Viderit, aut umbras nemorum quicumque petētem,

Æstuet, aut equitem peditum præcedere turmas,

Deficiat, si quo fuerit discrimine notum

Dux an miles eam, serpens, sitis, ardor, arena

Dulcia virtuti: gaudet patientia duris.

Latius est quoties magno sibi constat honestum.

Magni hæc Ducis magna verba sunt: videamur facta.

Vtque calor soluit, quem torserat aëra ventus

Incensusque dies, manant sudoribus artus,

Arent ora siti, conspecta est parua malignā

Vnda procul venā: quam vix ē puluere miles

Corripiens patulum galea confudit in orbem,

Porrexitque Duci, squallebant puluere fauces

Cunctorū: minimumque tenens Dux ipse liquoris

Inuidiosus erat, Mene, inquit, degener unum

Miles in hac turba vacuum virtute putasti?

Vsque adeo mollis, primisq̃ caloribus impar

Sum visus? Quanto pœnā tu dignior istā,

Qui populo sitiente bibas? sic concitus irā

Excussit galeam, suffecitque omnibus vnda.

Dignissimum magno Catone factum, persimile

Bb 4 huic

huic Magni Alexandri est, de quo illud Curtij: Poculo pleno, sicut oblatum est, redduo: Nec solus, inquit, bibere sustineo, nec tam exiguum diuidere omnibus possum. Et premebatur extremâ siti Rex. sed cû eadem premeretur exercitus, delegit cû omnibus pati, omnesque exêplo suo animare. addit: At ille thoracem indutus, nec aut cibo refectus aut potu, quâ veniebat exercitus, cõstitit, nec antè ad curandum corpus recessit, quàm præterierant qui Regem sequebantur. Illud etiam magnum. cû exercitus frigore propè concretus inerraret siluis, lassatâque passim miles humi corpora prosterneret; Rex unus tanti mali patiens, circuire milites, contrahere dispersos, allenare prostratos. addit: Forè Macedo gregarius miles. seque & arma sustentans, tandè in castra peruenerat. Quo viso Rex, quanquam ipse tunc maximè admo to igne refouebat artus, ex sella sua exsiluit, tarpentemque militem, & vix compotem mentis, demptis armis, in sua sede inssit considerare. Ille diu nec ubi requiesceret, nec à quo esset exceptus agnouit. tandè, recepto calore, ut regiam sedem Regemque vidit, territus surgit. Quem intuens Alexander, Ecquid intelligis, miles, inquit, quâto meliore sorte, quàm Persa sub Rege viuatis. illos in sella Regis consedis se capuale foret, tibi salutis fuit. Non absimile habes à Suetonio in Cæsare. C. Oppio comitanti se per siluestre iter, correptoque subita valetudine, & diuersorio, quod unū erat, cessit, ac ipse humi ac sub dio cubuit. Eadem propè habes in Dauide. de quo Scriptura: Irruperunt tres fortes castra Philistinorū, & hauserunt aquâ de cisterna Bethlehem, quæ erat iuxta portam, & attulerunt ad David: at ille noluit bibere, sed libauit eam Domino, dicens: Propitius sit mihi Dominus, ne faciam hoc: num sanguinem hominum istorum,

2. Reg. 25.

istorum, qui profecti sunt, & animarum periculum bibam? Sitiebat Rex, sanguine suorum emptam aquam, ne reliquis mollior videretur, bibere noluit.

Animando proinde militi non tantum oratio, sed & res, & industria Ducis valere. Ita Tullus Hostilius perculos suos animos ob Metij secessum, dum iussu suo secessisse denuntiat, reparavit. & Scipio negata à Syphace auxilia cum edixisset promissa, animos addidit. Barbarum in Sertorio, qui denuntiantem Herculei mortem occidit, ne cædis illius fama suos exanimaret. Hannibal verò, cum in Italiam transmitteret, tria militum auxiliorum millia iussu suo retrò abiisse, quæ iniussu abierant, affirmavit. Lucullus cum Macedonicum equitatum propensorem in hostem sensisset, ad arma vocavit, in officio tenuit. Scipio dum in Africam exscendens cadit, omen vertit in bonum: *Benè, ait, est, oppressi Africam.* Factum idem à Cæsare. Non absimile T. Sempronij Gracchi, cum in Picanos ducenti intremuisset terra, perculos suos animos excitavit: *Optimè, inquit, cum hostilis terra timorem suum testetur.*

C A P V T C X V I.

Quæ ratio tenenda in legationibus constituto?

ARDVA res legatio est, multorumque calamis, nec infelicitè, nec negligenter pertractata. plus tamen hæc à rebus, quàm à docta manu, prudentiæ & eruditionis trahet. non negli-

genda interim mihi, ne quid intactum, néve intactum quid transisse videar. raptim tamen in hoc mari magno littora tangenda, & eminus prospectanda ostentasse satis crit. nam vt omnia & singula cymbâ hac legam, temerarius audiam. Vt verò propiùs rem aperiàm, quæ Legato committuntur, scripto ferè traduntur: eoque nunc arcano, nunc publico; plurimâque non rarò verbo tantum. Sic Romani Legatis imperauerunt verbo, vt Achæorum corpus dissoluerent, singulâque vrbes proprii iuris facerent. concisa hoc consilio Achæorum potentia, dum singulæ vrbes pro libertate sua depugnât, & pro beneficio habent nulli subesse, parere nemini. Antiochus etiam per Aristonem Legatum ad priuatos amicos Carthaginem misit, per quos populariû animos ad se traheret: Heraclidi etiam Legato imperauit, vt Scipionis animum magnificis promissis tentaret. Cùm verò occulta hæc mandata vſitatissima magnis Regibus sint, tum tyrannis non rarò frequentata. Discimus hoc à Tarquinio, & à Seuerò Imp. in Albino. potentiam non tulit. virtuti inuidebat: sustulit; & se metu & inuidiâ liberauit. Eadem habes in Capitolino, & Herodiano. Illud nouû. cùm bella Princeps meditareretur, nec tutum illi in aperta arma erûpere, nisi æmuli Principis Ducis sublato: sustulit per Legatum. per quem timere primò docuit, inde potentiam in inuidiam vocauit, litteras etiam Ducis manum mentientes, quæ prodicionem aperirèt, tradidit: inde vincula, & mors. quò sublato, ad aperta descendit arma, certus de victoria, hoste sublato. A Romanis etiâ in hoc genere peccatum, cùm per Legatû, inter Africanas larebras

bras Hannibali insidias struunt, mortem parant. Et secreta hæc ferè imperia, proba illa an improba sint, verbis, non litteris committuntur, ne qua fortuna diuulget, quæ occulta esse decebat.

Quid? quodd mittentis interdum fidei res tota committatur. factum non semel in libertate Romana, sub Imperatoribus, maximè Orientis, ita Claudio Marcello Consule, *senatus decem viros è primoribus legit, & in Graciam misit, ut de communi sententia cum Tuo res Gracia componerent*, teste Polybio; cum populus Q. Flaminij voluntatem secutus, pacificationem cum Philippo firmam & ratam esse iussisset. & Antiocho superato, *decem Legatos decreuerunt, quorum arbitrio permissa rerum particularium administratio*, audito Rege Eumene, & Rhodiorum Legatis. Magnam verò facultatem post bella & victorias concedi Legatis solere testis Cicero: *Neque enim licet aliter; neque permissum nobis ab hoc ordine, ut bellis confectis decem Legatis permitti solet; more maiorum.* confirmat supra Polybius: *Senatus decem viros è primoribus legit, & in Graciam misit, ut de communi sententia res Gracia componerent.* & alibi: *Patres decem Legatos decreuerunt, ac cum mādatis miserunt, ut bello finem imponerent, & Prusiam pro iniuriis bello illatis pœnas Attalo pendere cogerent.* Magna omninò horum potestas, & sacrosancta decreta, & ferè sine limitatione potestas. qualis etiā fuit illa, quam Phaneæ & Damocli Achæorum Legatis concessam legimus. illa etiā, quam quinque Legatis datam narrat Polybius, quibus commissum, ut Ptolemæum iuniorem Cypro restituerent, regno nimirum Regem. & illa, quam

idem

*Legatio tota
Legatorū ali-
quando fidei,
committitur.*

Philip. 12.

idem auctor. à Carthaginensibus. Legatis suis concessam refert; qui Romanorum arbitrio Carthaginensium omnia permiserunt, cum viderent spem nullam superesse aliam. prudenter. nam & libertati redditi, & bonorum possessioni.

Legatio duplex: temporaria una, altera perpetua.

Est verò legatio omnis temporaria, aut perpetua. illa mandatis expletis finitur, hæc rebus ferè, non personis perpetuatur. ita Pontifici Regum adhærent Legati, Regibus Pontificij. Perpetuare verò in legatione, maximè celebri, Legatum non probo, ne ex Legato Princeps oriatur, cum provincialium sibi affectum varia arte parauerit. ita namque crescete potentia, & amore imperandi, crescit animus, & audere incipimus, quod breui legatione ne sperare, ac ne cogitare quidem ausi fuisset. Quod si familiarius externo Principi Legatus assuescat, periculum, ne cum cælo & consuetudine affectum transferat, patriæque ac Principis sui obliuiscatur, immemor præteritorum, præsentium amator.

Legatorum definitio.

Legatos autem ab euentu variè definiunt. Alij muneris publici ministros, pacis ac belli curatores, auctores; ministros, mutuorum consiliorum factorumque speculatores; alij aliis nominibus decorarunt. Quos varios fuisse reperio. Minores. hinc illud Menandri: *Sophia Imperatrix Legatum misit ad Cosroem Persarum, inducias promittentem, quas tantisper fecit, dum ab Imperatrice maximus Legatus mitteretur.* Missus exinde Traianus Legatus maximus, cuius operâ triennales induciæ concessæ. Sed & post maximos, quorum ampla potestas, minores submitti solitos, testis Menander: *Tiberinus Theodosium Legatum ad Regem Persarum mittit, quod Traianum maximum*

maximum Romanorum Legatum summo honore affecisset. ab antiquo enim in more apud utrosque Principes positum est, post magnos Legatos mittere alios minores, quibus non is cultus, qui magnis Legatis exhibetur, præstatur.

Augeri etiam dignitatibus solitos Legatos, quò augustior legatio esset, Malchus tradit. ita Zeno Adamantium, quem Legatum mittebat, Consulari dignitate auxit; & Menandro teste, Tiberius Zachariam regium medicum, Exconsulis dignitate decoratum, ad legationem obeundam misit. Eundem postea Ioanni & Petro Consularibus, Persicæ legationi coniunxit, quibus Menandro teste, maximorum Legatorum potestatem dedit. Similem potestatem Cosroës Mebodi, plenam nimirum facultatem pacis conficiendæ, dedit. Romæ sanè in veteri libertate non nisi Consulares missi. itum deinde ad minores labente libertate. Caduceatores etiam ante Legatos mitti solitosè Polybio habemus: *Caduceator Musæus ab Antiocho missus dixit velle Antiochum Legatos mittere de summa re acturos. postulabat commeatum dari venturis. Re impetrata reuertitur caduceator. paucis deinde diebus venère Legati à Rege Antiocho.*

Variè verò Legatos reperio solitos designari. Sorte; suffragiis. iisque nunc occultis, nunc apertis. De primo genere elegans apud Tacitum, inter Priscum & Marcellum concertatio. Eleganter; & verè Priscus: *Sorte, & urna mores non discerni. suffragia & existimationem senatus reperta, ut in cuiusque vitam famamque penetraret.* Marcellus contrà niti: *Secundum vetera exempla, que sortem legationibus posuissent, ne ambitioni aut inimicitia*

Legati dignitatibus assignandi.

Vario modo Legati designari soliti.

Hist. lib. 4.

Lib. 59.

amicitia locus esset. & auctore Tacito, vicit pars, que sortiri Legatos malebat, etiam mediis Patrum annitentibus retinere morem. & splendidissimus quisque eodem inclinabat, metu inuidia si ipsi eligerentur. Confirmat hunc morem Dio: Legatos his de rebus, alios quidem sorte, Claudium vero suffragiis electum miserunt. & Cicero: *Senatus decrevit, ut Consules Gallias sortirentur, delectus haberetur, legati cum auctoritate mitterentur, qui adirent Gallie ciuitates. atque hoc loco non queo praterire, quod, cum de Consulibus mea prima fors exisset, una voce senatus frequens retinendum me in urbe censuit. hoc idem post me Pompeio accidit: ut nos duo quasi pignora Reipubl. retineri videremur.* Mihi suffragia placent, aut Principis delectus. Quis enim militie Ducem prudens sortiatur? quis Senatorem, Consulem, Praetorem? quis athletam, cursorem, oratorem, & causae suae patronum? Sors sane probos improbosque, doctosque iuxta ac indoctos, prudentes ac fatuos, prouidos & temerarios, peritos ac imperitos, fortes ac imbecilles muneribus ac honoribus dignatur. electio ex virtute munera partitur. Scio hanc errare posse. at sors fortuito tantum bona est; electio fortuito mala. ac, ubi electionis error vnus est, sortis mille sunt.

Varia mittendi Legatos causa: Pro solatio in morte carorum.

Variae deinde mittendorum causae sunt. Dauid Ammonitarum Regem per Legatos in patris morte solatur. faciunt idem Athenienses in Cleopatra Philippi filia, mortuo Alexandro Molossorum Rege. Cosroës Isdigunnam ad Iustinianum misit, per quem de Imperatoris valetudine certior fieret, donis etiam eundem conciliaret. & cum ingentia tulisset, retulit maiora.

Ad accipiendam consilia.

Ad accipienda etiam consilia missi Legati.

Ad

Ad diuertendum etiam hostē, bellāque auertenda. ita Anatolius & Nomius Theodosij Legati, barbaros efferatosque Attali animos munerum magnitudine pacarunt.

*Ad diuertē-
dum hostem.*

Ad hostilia deinde arma mutuo prouocanda. ita Zeno Imperator Theudericum in Balamerum excitat, ut, cum Gothico ferro Gothi cecidissent, spectator ipse hostilis sanguinis federet, sat virum in vnum habiturus, qui in utrosque non haberet. Eadē ratione vsus in Abaros. Subdit Menander: *Sic enim prudenter sentiebat, siue Abari vincerent, siue vincerentur; in utramque partem, ut res cecidisset, ea que euenirent, suo cōmodo cessura.* Atque hinc gentis illius Legatis, Menandro teste, *catenas dedū auro variegatas, lectos, sericas vestes, & alia quā plurima, quibus leniret & demulceret animos superbia & insolentia plenos.* Eadem video in Tiberio Orientis Imperatore, qui auro Longobardos conatus est in mutuum prouocare ferrum, Francos etiam & Longobardos. nec falsus est spe suā, cum Longobardorū plerique munerum magnitudine allecī ad Romanos transierunt. Eadem etiam in Mauricio Imperatorij exercitus ductore, cum Biganum Persarum Ducem ingentibus pollicitationibus ad partes suas traducere conatur. Feliciter etiam Theodosius Acatziros Scythicam gentem contra Attalum ad se traduxit. & Iustinus per Zemarchum Legatum Disabulum Turcarum Ducem in Persas impulit. & Iustinianus Galdiahum Ontigororum Ducem in Zobellum; Hunnos nimirum in Hunnos impellens, quod illorum potentiam frangeret, suam firicaret. Tiberius etiam Baianum Abarorum Ducem in Sclauinos Græ-

*Ad hostilia
arma mutuo
prouocanda.*

ciam

ciam deuastantes per Ioannem Legatum suum impulit, barbaros in barbarum, vt, dum ferocissimarum gentium vires mutuo ferro exscinderet, Imperium metu liberaret.

*Ad armorū
inducias.*

Ad armorum etiam inducias Legati missi. Sic anni vnus induciæ Papirio Dictatore Samnitibus datæ. impetrauit etiam illas per Zachariam à Persarum Rege Cosroë Sophia Imperatrix. Menandri verba sunt: *Imperatrix Sophia Iustini, Legatum misit ad Cosroëm Persarum Regem ex medicis Imperatoris. is ubi ad Persas accessit, quadraginta quinque aureorum millia dedit, & inducias annuas per Orientem fecit, tantisper dum ab Imperatrice maximus Legatus mitteretur.* Missus deinde Traianus, qui eas in triennium extendit. Ardeatibus autem in quindecim annos inducias concessas, auctor Dionysius est. in quinquagesimum etiam annum prorogatas sub Iustiniano Petro Legato Menander tradit. Et sub eodem Imperatore inducias cum Persa sancitas, quæ paci præluderent, eodem auctore reperio. Quid? quodd Blemmiis & Nabadibus centum annorum inducias à Maximino concessas Priscus Rhetor narret.

*Ad denun-
tianda bella.
Flor. lib. 2.
c. 6.*

Bella verò per Legatos denuntiari solita, omnium gentium vernaculis Historiis doceimur. Est in hoc genere illustre illud Fabij ad Carthaginenses: *In hoc ego sinu bellum offero & pacem. Vtrū eligitis, utrum placet sumite. Cūque succlamatum esset, utrum vellet daret; Bellum igitur, inquit, accipite. & excussa in media curia togæ gremio, non sine horrore, quasi pleno sinu bellum ferret, effudit.*

*Ad pacē cō-
ponendam.*

Pacem etiam per Legatos componi constat. Ita Antiocho per Legatos supplici, pacem atque partem

partem regni pop. Rom. dedit, eo lubentiùs, quòd tam facilè cessisset. Et Philippo Macedoni bis victo, bis fugato, bis castris exuto, & ad tumulos Cynocephalos oppresso, pacem per Legatos petenti, Consul dedit, regnùmque concessit. Pompeius quoque, per Legatos primò, inde per se supplicem Tigranem, regnare iussit, pacem victo fugatòque largitus. Decebalus Dacorum Rex à Traiano, Quadi à Marco, Wandali ab Aureliano, Narseus Persa à Galerio per Legatos pacem deposcunt, & impetrasse Petrus Patricius narrat. Ipsos etiam non rarò Reges per se supplices legimus; Iugurtham ad Cassium, Deiotarum ad Ciceronem, Herodem ad Cæsarem, Tiridatem ad Corbulonem, aliòsque ad alios venisse. Sed & vetus dictum: *Omnia experiri priùs quàm armis sapientem decet.* Vlysses & Menelaus ab Agamemnone Troiam missi, Fabius Carthaginem, Popilius ad Antiochum, ad Achæos Africanus iunior, Flaminius in Liguriam; ad Prusiam, ad Persem, ad Philippum, ad Syphacem, ad Tigranem, ad Bocchum; in Illyricum, in Græciam, in Asiam, Cyprum, Tarentum; ad Etruscos, Fidenates, Sabinos, Faliscos, varij missi, alij ad alios. Ita per Legatos tentare ferè pacem Romanum fuit, vt sanctiùs inde ad bella, tanquam iusta, prosilirent. Romani deinde Imperatores veteris Romæ morem secuti, pacificatorios Legatos miserunt. Aurelius, Theodosius, Marcianus, Leo, Zeno, Iustinianus, Iustinus, Tiberius, Mauricius, Heraclius, ad Attilam, Genfericum, Parthos, Persas, Wandalos, Gothos, Longobardos, Turcas, Abaros, Sclauinos, Hunnorum Duces, Alanos, Medos, Saracenos, Bulgaros, aliòsque;

Cc

Asia,

Asiæ, Africæ, Europæ populos. quasi nefas esset ad arma decurrere, nisi aut vtrò antè impeterentur, aut Legatos misissent. nam, licèt gloriosum sit mori pro patria, pro Rege, dementia tamen quoddam genus est, nolle pace frui, nisi per sanguinem & cædes, pèrque viduatas habitatoribus prouincias, per incendia, & stantium ciuitatum ruinas. Et quid sæuissimus quisque per ferrum quærit, si non pacem? nam quis adèd barbarus est, vt in sanguinem eat propter ipsum? Pacem ergo si sine ferro consequi possumus, cur in cædes dexteram armamus intentatâ priùs pace? Aut honestius iucundiùsque est per vulnera & mortes optata pace frui, quàm integro corpore viribùsque? Nunquam sapiēs ferro vindicauit, quod sine illo potuit. Extremum remediorum ferrum est. nemo medicorum ad hoc decurrit, nisi reliquis mitioribus tentatis in salutem. ita non nisi in desperatis morbis, qui mali magnitudine clementiora remedia respuunt, itur ad ferrum. Imitatur medicos Princeps. vltimum ipsi remediorum, ferrum est. & potior illi semper cum Scipione & Fabio cura integritatis suorum, quàm hostilis sanguinis, vnus nimirum ciuis carior bono Principi, mille hostibus esse debet.

Pacis verò fœdera vario, pro gentium varietate, ritu celebrata. per fœciales Romani, Albani, Carthaginenses: Siculi ferè per tibicinem. sunt qui porco, ariete, tauro immolatis fœdera inire soliti: agno verò candido alij, alij pullo: alij datis mutuo lanceis: mutuo Medij & Lydij sanguine gustato: mero, sanguine mutuo permisto, Scythæ, imitatus Catilina: inter frequentes epulas

las poculáque vxoribus liberísque præsentibus
Perlæ, Germani, Thraces, Ægyptij : pane gladio
diuiso libatóque Macedones : Ætoli & Parthi
ante altaria , tanquam Diis testibus , libatis pri-
mum facris.

Ad controuersias autem inter Reges popu-
lósque natas componendas Legati missi. Decem
à Romanis ad res Asiæ Antiocho victo compo-
nendas delecti. in Africam Africanus, Cethegus,
Rufus, ad Massinissam & Carthaginenses conci-
liandos destinati.

*Ad contro-
uersias cõpo-
nendas.*

Ad gratulandum de imperio Legati mitti so-
liti. Gratulatus Hiram Rex Tyri Salomoni de
regno : Zenoni restitutum Imperium per nun-
tios gratulatum esse nepotem , auctor est Mal-
chus.

*Ad gratulã-
dum.*

Ad beneuolentiam etiam animúinque bene-
ficiis parem testandum, adeóque & ad gratulan-
dum missi Legati. Ita ex vniuersa Græcia ad lau-
dandum L. Flaccum omnium consensu delecti.
Post euersum Perseum vndique Legati missi
gratulabundi ob rem feliciter gestam. comiter
excepti omnes. Carthaginenses etiam post vi-
ctoriam de Samnitibus relatam gratulabundos
Romam Legatos miserunt : addiderunt donum,
auream coronam. Hernici denique Legati de
concordia patrum & plebis gratulationem co-
ronâ decorarunt.

*Beneuolentia
caussa.*

Ad auxilia poscenda, danda accipiendáq; con-
silia, subsidiáque æraria, ad accusandum, depre-
candum, profugóque deposcendos legati mitti
consueuerunt. Factum postremum à Cosroë Per-
farum , & à Chagano Abarorum Duce. Ad res
etiam reposcendas, captiuóque. Ita ab Abaris

*Ad auxilia
poscenda.*

Legatus missus qui rapta ablatâq; repeteret, reditâque Iustini Imperatoris iussu sunt. Ad res repetendas missi Roma Legati ad Persen Philippi Macedonis filium. Heraclium deniq; exercitus sui Ducē Zeno à Gothis reddi imperauit.

*Ad amicitia
renouandâ.*

Ad renouandam amicitiam, actionemq; gratiarum Legati missi. Ita Ptolemæus Ægyptius Numenium mittit, gratias pro beneficiis acturû. Ariarathes verò Cappadociæ Rex Legatos Romanam destinat ad societatem amicitiamque renouandam, quæ illi cum populo Romano intercedebat. laudatâque omnium ore legatio. Factum idem à Ionatha Iudæorum Principe, cum ante illum Iudas Eupoleum & Iasonem misisset, ad amicitiam & societatem cum Romanis statuendam.

*Ad hostiles
conatus per-
quirendos.*

Ad hostiles etiam conatus perquirendos. Ita C. Sulpitium & Sergium missos, ut de Antiochi & Eumenis consiliis inquirerent, num quæ bello necessaria pararent, armâque & com meatum expedirent, Polybius auctor est. Tiberium etiam Gracchum, Liuium, Lentulum, & Glauciam, ut Demetrii molitiones obseruarent.

*Ad com meatum
& libe-
rum transitum
petendum.*

Ad com meatum, & liberum exercitui transitum petendum legationes habitæ. Romanos à Ptolemæo Ægypti Rege frumentarium subsidium petiuisse, Polybius narrat. à Schon Amorrhæorum Rege transitum Israël frustra per Legatos petiit: ferro inuenit.

*Ad munera
deuendenda.*

In muneribus deuendendis Legatorum usus fuit. Plurimas apud Nicæam Bithyniæ ad Valentinianum legationes missas, quæ aureas coronas deferrebant, Petrus Patricius scribit. Simonem etiam Iudæorum Ducem aureâ Demetrio Regi coronam

coronam misisse Machabæorum libri tradunt. addunt: *Misit Numenium Romam habentem clypeum aureum. pondo minarum mille, ad statuendam cum eis societatem.*

Ad locupletandos aliquando Legatos, Legati missi. audiamus Priscum Rhetorem. *Attalus Legatos ad Romanos Orientales mittit, qui transfugas repeterent. ac illos Romani perquam humaniter exceperunt, & plurimis donis ornatos dimiserunt. Alios exinde milit tertio ac quarto. novas subinde causas fingeat, & varias occasiones Legatorum mittendorum excogitabat, & ad suos necessarios, quos liberaliter complecti volebat, eas legationes deferbat.*

Ad locupletandos Legatos Regum amicos.

Missi denique in remotas legationes, in pœnam magis quàm in præmium. Accidit viris magnis. quorum aut potentiam Respublica non ferebat, aut æmulis abesse proinde placuit, ne metus à propinquo exurgeret. ita Scipio Nasica in Asiam missus, Lentulus in Siciliam, Cato in Cyprum, Otto Siluius in Lusitaniam, Germanicus à Tiberio in Orientem: Aristides, & Cimon etiam exulare iussi.

In pœnâ Legati missi.

De numero verò Legatorum nihil certi affirmem. Video Romanos, quoties Reges appellandi, vnum ferè Legatum misisse; ad Massaniissam, ad Ptolemæum vnum. Ad repetendas res sæpè faciæles quatuor, bellumque indicendum. factum Fidenatibus. quâquam certi nihil nec moribus receptum, nec legibus cautum. Nunc multi, exinde pauci, vnus pluresque pro rerum varietate, & ad quos mittuntur dignitate, Legati designati. tres in Auentinum, tres ad Gallos, duo Sagunthum ad Hannibalem, quinque Carthaginè,

Varius Legatorum numerus.

decem Antiocho deuicto in Græciam, tres ad res sub Philippo cognoscendas, viginti ad Maximinum occiso Maximino, Senatores omnes; cæso verò Iuliano centum ad Seuerum. Paria his in omni gente reperies. Ætoli Roman Legatos mittunt quinque, Achæi tres, Antiochus tres, tres Rhodij, Ptolemæus duos, decem Saguntini gratulatum Senatui, Carthaginenses victi decem, inde triginta omnes miseranda specie. Artaxerxes Persarum ad Alexandrum Romanum quadringentos, omnes corporum proceritate & ornatu insignes; ut meritò dubitauerint spectatores, corpora ornatum vestibus, an vestes corporibus darent. ita mutuò in his forma & vestis lenocinabantur, mutuòque splendore decus addebant & admirationem. Ildigunnas Costrois ad Iustinianum Legatus quingentos secum comites traxit. Ad Magnum Alexandrū, nunc vnum, nunc triginta, nunc quadraginta missos reperio. Hungari ad Fredericum I I I. Legatos tres, quibus comites in terrorem & fastum, addiderunt equitum tria millia; sat multos ad exercitum, non tantum ad legationem.

Belli Ducibus Legati olim adiuncti.

Belli etiam Ducibus, Consulibus, Proconsulibus Legati olim adiuncti, periculorum & consiliorum socij. C. Cæsari decem Senatus attribuit, Pompeio piratico bello quinque & viginti, Q. Fulvio Consuli tres: aliis alios, pauciores, plures.

Vnus legatio. ni praesciendus, licet plures mittantur.

Et quamuis vniuersim sæpius plures reperiam Legatos missos, ne vnius prudentiæ vniuersa Reip. fortuna incumberet, periculo maximo; vnum tamen putarem legationis principem statuendum, ne, si ex æquo munere illo fungantur, mutuis

mutuis diffidiis Remp. perdant. Euenit Achæis, cum Romanæ legationis principes Diaphanem & Lycortam pari auctoritate fecissent. Euenit idem in pari imperio Romanis; cum enim Q. Cæpio, & C. Manlius priuatis dissentirent odiis, exercitum prouinciâque inter se partiti, cæsi à Cimbris, binis exuti castris sunt. ingens omninò clades, vt sanguine natare Romano Cimbri possent, octoginta militum millibus, lixarumque ac calonum quadraginta millibus cæsis. neque tamen illi tam Cimbrorum armis, quam mutuis odiis perierunt. nemo iunctos vicisset. odium disiunxit: victi sunt, & secum Rempubl. in extremum discrimen traxerunt. Non quòd Legati illi, sed Consules. verum è priuatis Consulium odiis, Legatorum odia, damnâque ex his nascitura, pensari possunt. Quòd si quæ ante Legationem dissensio, M. Æmilij Lepidi, & Fuluij Flacci Censorum exemplo, ponatur; cum indignum arbitrarètur priuatis odiis dissentire, qui publicè summa iuncti potestate forent: Liuij etiam Salinatoris & Neronis; Africani & Tib. Gracchi; Pompeij, Crassi & Bibuli; Ciceronis, Gabinij & Vatini; P. Pulcri & Lentuli; Caninij & C. Antonij; Aristidis & Themistoclis. Quamquàm de numero hoc dixero, vnum ferè sæculo nostro mitti, & in statariis ac longi temporis vnum tantum. in reliquis comires aliquando adiunguntur legationis principi, siue legationes illæ sacræ, siue profanæ fuerint, belli, pacis, auxiliorum, explorandarum rerum, consiliorumque, gratulationumque cuiuscunque generis. Quòd si plures mittantur, nefas sit sociis inconsultis aliquid aggredi, aut litteras ad eum dare

à quo missi erant, re cum sociis non communicatâ; nisi aliud regni salus exigat, & periculum regno à sociis sit.

I.

*Prima Legati
virtus, fides.*

Transeo ad Legatorum virtutes. in quibus, paucis multa cōplectar. Ac Primò fidem in Legato requiro, antè notam domino, non in legatione noscendam. neque in re tanta, à qua regna dependent & prouinciæ, prima fidei rudimenta ponenda. Quis tironi, & bellorū inexperto exercitum, quis Oceani fluctuūque ignaro nauem, quis valetudinem curationum nescio, quis in quacunque arte, artis imperito, se suāque prudēs commisit? Peritissimos sapiens deligit, quibus res suas credat. neque prima experimenta sumit à maximis; sumit à paruis, in quibus peccasse non magnum. quæ reparari delicta possunt, rudibus credi possunt: non reparanda non nisi experientissimis, & quos antè per læuigata & aspera, per mollia & dura, per trita & lubrica, per plana & pendula, & minitabunda præcipitia fortuna virtūsque sua deduxit. Quem ergo Princeps ad magna destinat, minoribus antè functionibus exerceat, vt fidere in magnis possit. cuius enim antè non semel fidem in minoribus stetisse senserit infractam, inconcussam sperare in maioribus eandem poterit. fere enim fidem in magnis seruabit, qui in paruis tenuit. Domino in his ac Reip. studuit, non sibi; res suas illius postposuit, ac vbi certamen natum, fortunas præposuit domini; nec præmiorum spe, aut priuatę vtilitatis cōmodique, à debita domino fide deflexit; stabit in magnis, eo certiùs, quo rei magnitudo plus periculorum ac dedecoris secum trahit. Vt verò fidem suorum Princeps augeat, fiduciam ostēdat.

vna enim aliam fiduciam protrudit, vt diffidētia vna procudit aliam. ac licet non extra omnem metum Princeps sit, plus tamen fiduciæ ostendet: cuius solius ostentatio fidos non semel ex infidis dedit. Inuigilandum tamen hīc Principi, & primò præscribenda omnia etiam minora: inde fide suorum exploratâ, maiora paullatim committēda. sic enim minorum successu discet, quantum in maximis credere possit & debeat.

Atque hinc etiam in prudentiæ ac industriæ suorum cognitionem veniet Princeps. Quam nunquam consequetur, quamdiu ex præscripto, tanquam è prætoria tabella, commissas sibi res, puerorum aut præconis more, recitabunt. prudentiam, concreditæ res Legatorum libertati, ostendunt. in minoribus tamen, vti & fides, hæc pertentanda. in quibus qui documenta dedit certa, sperari potest in maioribus daturus. Quid? quod tunc demum conatum omnem depromunt, dum prudentiæ suæ plurima relinqui vident. prudentiæ enim nomen ambiunt omnes: opinionem consequuntur aliqui, rem perpauca. Quales ferè esse debent, quibus liberis mandatis magna, aut summa rei committitur. quod plerumque remotioribus legationibus fieri solet, in subitis, in incogitatis, in magnis, à quibus non rarò regnorum salus penderet. Factum à Tiberio, cum Drusum ad componendas legiones mitteret; ab aliis non rarò.

Hos rarò in prima adolescētia reperias: quare ad hæc similiæque senes magis deligendi, quos longa rerum experientia, fortuitique ac destina-

II.
Prudentia
Legati.

III.
Rerum experientia
Legato necessaria.

ti casus docuerūt. certiùs enim experientia, quàm multa lectio aut ratio docet: propositumque

Cc s sibi

Eccli. 25.

Iob. 12.

sibi finem certiùs teneant, quos sine ratione frequens experientia, quàm quos sine illa ratio ducit. ut verum sit illud Sapientis: *Quàm speciosa veteranis sapientia, & gloriosis intellectus & consilium: corona senum. multa peritia, & gloria illorum timor Dei.* & alibi: *In antiquis est sapientia, & in multo tempore prudentia.* Hinc imperio senes aptiores, laboribus iuvenes. in his robur, prudentia in illis est; & cum audacia iuuenum sit, constantia senum est. acumina lubens largior adolescentiæ, iudicii maturitatem senibus. Nec tamen iuvenes omnes excludi à legationibus velim, quemadmodum nec à ducendo exercitu. Nemo ignorare Africanum potest. ætas illi quanta in Hispania? quanta in Africa? quanta Magno Alexandro? quanta Pompeio eunti in Mithridatem & Tigranem? Verum è millibus vnum fors Africanum dabis. hunc talem & bellis & legationibus præficio: quem non anni, sed iudicii altitudo senibus pariauit. quare iudicio magis, quàm ætate senem volo. quamquam sæculum vnum, vix vnū alterumve iuuenem-senem dabit. ubi dederit, & bellis & legationibus præfice.

IV.

Secretorum
arctissimorum
custos.

Prou. 20.

Commissorum sibi arctissimum custodem Legatum volo. leuissimi enim animi est celare consilia nō posse. & quid illi committi tutò potest, cui tacere graue est, quod facillimum natura esse voluit? Audi Sapientem: *Ei, qui reuelat mysteria, & ambulat fraudulentem, & dilatat labia sua, ne commiscearis.* Hæc in priuatis, ac familiari consuetudine; quid diceret in publicis legationibus, à quibus non vnus salus, sed omnium pendet? quàm fortiter deterreret, ne talibus publica salus committeretur? Audi eundem monentem:

Attende

Attende ne fortè labaris in lingua, & cadas in conspectu inimicorum insidiantium tibi, & sit casus tuus insanabilis in mortem. Credas Legato dictū, cuius linguæ lapsus in interitum ipsi & regno est. Sanè cū legationis salus ferè à silendis pendeat, & à secretorum firma custodia, prima propè virtus Legati est, premere silenda posse. quid sperari potest, adeoque quid non timeri ab eo, qui virū linguā exiit, mulierem induit? cūque à consiliorum præmeditatarūque rerum cognitione euentus plerumque rerum pendeant, quò occurrī, præcaueri, euerti consilia possint, nemo non videt, quantum in silentio momentum sit. ferè enim hostilia sciuisse consilia, vicisse est. vt plus longè roboris in hac scientia, quàm in armis statuam. Quo fit, vt prudentissimi Regum nullis in hostilis consilij exploratione sumptibus percerint. neque, si quid iudico, in re alia vtilius regia expenduntur æraria, vt etiam profundi in hac re velim. parcant in aliis Reges, hīc prodigant. ab hac enim profusione regnis regibūque sua salus & ærario stabit. Et verò exiguo non raro milite occurrī, quæ præsciuntur, malis potest, ac sæpè nullo: nam & aliò auerti mala possunt, & nouus aliquis hostis parari; & non magno molimine turbæ, hosti propinquiore, nobis remotiores excitari, & solo etiā noui motus terrore, hostilia in aliud flecti consilia. Vbi feliciter hac arte Imperatores, Aurelianus, Theodosius, Iustinianus, Iustinus, Zeno, Tiberius, Mauricius, aliique, cū Hūnis, Gothis, Turcis, Scythis, Persis, Saracenis, Abaris, Wandalis, Parthis, Sclauinis, Carpis, Quadis, Dacis. Plura qui volet, ex Prisco Rhetore, Malcho Philadelphiensi, Menādrio, Petro Patricio,

Eccli. 28.

Lib. 3. c. 3.

Patricio, Eunapio Sardonio, Dexippo Atheniensi intelliget. Ita plus semper hostilium consiliorum cognitio, quam arma potuerunt. Centum ergo clauibus concredita sibi recondet Legatus, & ante vitam quam commissa profundet, Pompeium imitatus. de quo illud Valerij: *Qui dum legationis officio fungeretur, à Gentio Rege interceptus, cum Senatus consilia prodere iuberetur, ardentem lucerna admotum digitum cremandum prauit. Ea-que patientia Regi simul & desperationem tormentis quidquam ex se cognoscendi excussit, & expetenda populi Romani amicitia magnam cupiditatem ingenerauit.* Magnum omnino virum, & Magni nomine dignissimum. Spectator stetit stillantis in foculo digiti; stetisset dexteram, iugulum, linguam, & ante animam proiecisset, quam in legatione concredita. Ingens in eliciendis rebus Alcibiadis felicitas, qui antequam legationem exponerent, concredita à Spartanorum Legatis elicit, eodemque astu auertit.

*Magna cura
ponenda in iis,
qui ab episto-
lis Legato-
rum sunt.*

Ad huius secreti fidem seruandam, cum sibi Legatus imperauerit, tum in illius, qui ab epistolis sibi est, delectu magna vigilique cura incumbat. nulla re magis periclitatur Legatus: nulla, res maximæ certiùs euersæ. Grauis hic verò error ætatis nostræ in primis quibusque Regibus ac Principibus; grauis in Legatis, qui adulescentes propè ignotos asciscunt in familiam. secretissima credunt; nec clausum illis quidquam. Hinc nihil propè apud quemquam Principum ac Legatorum secreti. Vix cogitata produntur. sanè necdum decreta, incocta & cruda, & in primam deliberationem vocata, dum ultro adhuc citroque res aguntur, denuntiantur hosti. Nemo mirabitur,

mirabitur, qui primam talium cogitauerit adolescentiam, omniumque plerumque egenam. Et hostile aurum quid non potest in egente? quid non in iuvene digna Regibus munera? cuius non iuuentutem dona flectant? cuius non aurum & opes? Hispania, Germania, Gallia, Anglia, reliquæque Europa tota prouinciæ docuerunt. Et inuoluimur etiamnum iisdem erroribus. audiui-
mus auctores. accesserunt pœnæ, & iisdem insi-
stimus vestigiis. aut putamus pœnis auaritiam
terreri? acuius præmiorum magnitudine. Quid
ergo? Legati deligantur, quales dixi. Nulli hi
credant, nisi oculis manibusque suis, à quibus
regnum aut rerum publicarum salus pendet.
non illis qui ab epistolis? nulli. At graue onus
Legatorum calamo cuncta suo exarare. imò le-
ue: neque enim summa illa, à quibus regna pen-
dent & imperia, multa esse possunt. Hæc pauca
cur alteri quàm sibi Legatus credat? & quis la-
bor in re tanta? Graue hoc alicui est? non præfi-
ciatur legationibus, non Regum Principumque
epistolis. non deerunt viri magni, qui munia il-
la, maioribus etiam permixta sudoribus, læti am-
plectentur. Et sanè misera Regum Principum-
que conditio, quibus nihil arcanum hosti est,
quorumque inimicis scrinia patent. Narrant nō
defuisse in Regibus vnum, qui supra quadragin-
ta aureorum millia, per Legatum vni ex his scri-
ptoribus obtulerit, quod consilium domini ape-
raret. Narrant alterum, quinquaginta aureorum
millia iussisse effundi, vt in delatoris cognitio-
nem venire posset. Nil opus hac tam prodiga ef-
fusione. non committantur res magnæ scripto-
rum horum fidei, & effugere delatores non po-
terunt,

*Sua, nō alie-
nā, manu
Legati scri-
bāt, à quibus
regnōrū sa-
lus pender.*

terunt, cum in vno aut altero stabit proditio. cuius defectu factum non semel, ut quidquid Legati fidei concreditum fuerat, id omne ante Legati aduentum sciret is, ad quem mittebatur, etiam abditissima, & quæ ignorari regni intererat. Infelix sæculi nostri conditio, ignaua circumspectio, stulta fiducia.

Cum verò descriptionis mentio inciderit; hoc dicam, nulli rei magis incumbendum Regi, in nullamque rem hilarius aurum profundendum, cum nihil securius regnis sit, quam hostilia nosse consilia; nihil magis noxium, quam sua prodi alijs. quo maiori cura huic vni inuigilandum. Exemplum sub Zenone habemus: *Comprehensi sunt, qui ea, quæ in vrbe facta erant, ad Theudericum scripserant, Anthemius medicus, Marcellius, & Stephanus.* Addit Malchus: *De his Senatores questionem habuerunt, quos multis illatis plagis perpetuo exilio condemnarunt.* Nihil parcendum in hoc genere. perdit qui parcit. Pietas est patriæ studere & consulere. consulit, qui non parcit. Et publico etiam exemplo terrendos reliquos puto. audaciâ pœna minuit, & aurum plerumque tormenta excludunt. inagnum continentix incitamentum certus mortis timor est. Factum anno 1417. in Legato Gallix ad Burgundiæ Ducem, cui cum qui illi ab epistolis erat, domini secreta prodidisset, carcere serui crimen dominus luit.

*Sedulus in
scribendo sit
Legatus.*

In scribendo verò sedulus erit, nec quidquam testatum omittet, quo Principi suo fidem probet. Quem si nactus fuerit minutissimarum rerum auidum, nihil harum omittet. ita tamen ut minuta hæc in singulares litteras coniiciat, in alias grauiora; ne misceantur ludicra seriis, parua magnis.

magnis. Priuata verò in Principem suum dicta negliget: publica scribet, ne fors alius diligentia præueniat. moderabitur tamen illa, non exasperabit. Sed neque alienas ad Regem litteras mittet rogatus, nisi eas legerit, ne fors displicitura domino contineant. Nec nouum hoc scriptori videri debet. neque enim celandum quidquam Legatum, cui regni sui secreta Rex commisit.

Constantiam non minore animo quam facto colat. Præstitit C. Popilius Legatus ad Antiochum missus: *Procul salutanti Regi, & dexteram porrigenti, tabellas quas manu tenebat; Senatusconsultum continentem tradit, atque omnium primum id legere iubet. Hesitantem verò Regem circumscripsit, ac prius quam circulo circumscripto egrederetur, respondere iussit. Obstupefactus Rex, ubi parumper hesitasset, Faciam (inquit) quod pop. Romanus iubet. tum demum Popilius, & qui cum ipso erant, Regis dexteram omnes prehendere, & comiter ipsum salutauere. Audacius an constantius nescio. aliquid sanè insolentiae præ se factum tulit & temeritatis, nisi à Romano factum, & illius populi nomine, qui imperare didicerat Regibus. Et sanè inter admiranda potius, quam inter imitanda factum hoc reponam. Laudo constantiam, temerarium hunc ausum laudare non possum. non damno tamen in populo orbis domitore; in alio damnum. Facile enim obliuisci sui insolenti hoc facto Rex potuit: paruit. modestiae & prudentiae fuit; & stupor facti nouitate natus regium perculerat animum. ubi verò se collegit, agnouit imperium, & fortunam suam. Constantis omnino animi exemplum à Polybio habemus, in*

Flaminio

V.
Constantia
Legati.

Flaminio Popilio Lænate, qui Legatus ad Ligures missus, cum Ligustico agro excedere iubetur, contempsit. impedimentis exinde exutus, perrexisset contemnere. vulnere denique non vno saucius, vix pelli potuit. arbitreris opus fuisse exercitu, ut vnum Legatum pellerent. Constantiam ergo in Legato desidero, qui pro concredit sibi vitam audeat ponere, & ante sanguinem fundat quam commissa prodat. animi deinde excelsi, quem non arma, non minæ, non tormenta terreat. qui nullis aduersis frangatur, nullis cedat, cuique per dura & aspera tanquam per amicas exercitationes crescat animus, & cui mens semper inter ardua maior; qui primam gloriæ suæ partem putet oppugnari, postremam inter secunda & mollia viuere. Vnica nimirum huic vita & decus, patriæ Principique suo viuere, & interritum mori. Exemplum huius animi à Prisco Rhetore in Apollonio Orientis Legato habemus. dabo ipsa verba. *Atilas irâ æstuans, quod sibi tributum & stipendium à Theodosio, & optimis quibusque rerum Imperatoris studiosis & cupidis constitutum non solueretur, Legatum minime admisit, eum à quo missus erat ludibrio habens. Quo tempore Apollonius magnanimi viri facinus ausus esse dicitur. Etenim quamuis Atilas minime ratam haberet eius legationem, neque sui conueniendi potestatem facere vellet; nihilo secius dona, quæ ad eum ab Imperatore Apollinus attulerat, sibi tradi postulabat; ni daret, mortem illaturum minabatur. Apollonius autem respondit, non decere Scythas in aliqua dubitatione versari, vitrum dona, an exuvias accipiant, cum ea res esset in eorū arbitrio posita, iudicans dona quidem à lubentibus & volentibus accepturos,*
si se

si se tanquam Legatum admitterent; sin minus, que eriperet, spolia potius quam munera censerì debere. Barbarè Attilas. quo generosiùs Apollonius, & vitæ contemptor magnus: terruitque inopinato responso, & intentatæ mortis contemptu barbarum hostem, tam facilem alioqui in sanguinem, quàm in prædam. Imitetur Legatus fortis Legati exemplum forte. Fortitudinem suauitate Valentinus Tiberij Legatus ad Turoxanthum Turcarû Duce[m] miscuit. Verba illius è Menandro sunt: *Ni grauißimum foret, & maximè nefandum nos à te occidi, ex quo nunquam interitura apud omnes homines te maneret infamia; ego ense tuo traiectus optarem extremum diem videre potius, quàm audire aut Imperatorem nostrum mendacio delectari, aut nos dolum ac fraudes struere. Itaque oramus, ut ira tue modum statuas, & acerbio[re]m animi motum humanitate mitiges, & legi, que sacrosanctos Legatos esse constituit, parcas. sumus enim pacis operarij & ministri, & sanctis rebus dispensandis presumus.* Pacauit efferam mentem Legatus robore & modestia, Imperatorem propugnauit, à se crimen auertit, sanguinem obtulit, preces adhibuit, minasque, & intentatum ferrum fregit. Fuerunt illa animi magni signa & verba Legati Romani, cùm vrina respersus, Appiano teste, Accipio, ait, omen: *plura enim datis quàm petimus, & vestem hanc sanguine lauetis. nunc gaudete, Tarentini. breuiter, nam longum lugebitis.*

Inuietum in primis inter munera Legatum volo. magnum roboris huius exemplum in Curio est: ad quem cùm Samnitium Legati ingens auri pondus, publicè missum attulissent, benignis verbis inuitatus, ut eo uti vellet, vultû risu soluit, proti-

VI.

Contra munera inui-
ctus.

Val. lib. 4.
cap. 3.

D d nusque,

nusque, Superuacua inquit; ne dicam inepte, legationis ministri narrate Samnitibus, Curium malle locupletioribus imperare, quàm ipsum fieri locupletem. atque istud ut pretiosum, ita malo hominum excogitatũ munus refertote: & memẽtote me nec acie vinci, nec pecuniã corrumpi posse. Nec inferioris in Q. Ælio Tuberone: Cui consulatũ gerenti, cùm Ætolorum gens omnis vsus vasa argentea magno pondere, & exquisita arte fabricata, per Legatos misisset, qui sup̄iori tempore ad eum gratulandi causã profecti retulerant, fĩtilia se in eius mensa vasa vidisse; monitos, ne continentia quasi paupertati succurrendum putarent. cũ suis sarcinis abire iussit. Nõ premo silentio Fabricium Luscinum, de quo illud Valerij: A Samnitibus decem aris, & quinque pondo argenti, totidẽmque seruos sibi missos, in Samniũ remisit, continentia sua beneficio sine pecunia pradiues, sine usu familiæ abundẽ comitatus: quia locupletem illum faciebat, non multa possidere, sed modicã desiderare. Ergo domus ipsius, quemadmodũ are & argento & mancipiis Samnitium vacua: ita gloriã, ex his contemptis partã, referta fuit. Hæc à Consulibus, in Legatorum populorũque muneribus. Videamus Legatos ipsos. Q. Fabius Gurgēs, Cn. Fabius Pictor, Q. Ogulnius, Legati ad Ptolemaeum Regẽ missi, munera, quæ ab illo priuatim acceperat, in ararium, & quidẽ prius, quàm ad senatum legationẽ referrent, detulerunt, de publico scilicet ministerio, nihil cuiquam præter laudem benè administrati officij, accedere debere iudicantes. Addit Valerius: Sã illud humanitatis. Senatus, & atientæ maiorum discipline indicium est. data sunt enim Legatis, quæ in ararium reposuerant, non solum Patrũ conscriptorum decreto, sed etiam populi permissu: eaque Legatis quæstores promptè

*promptè unicuique distribuerunt, Ita in iisdem Pto-
lemæi liberalitas, Legatorum abſtinentia, Senatus ac
pop. Romani æquitas, debitam probabilis facti portio-
nem obtinuit. Nihilò his inferior Seuerus Zenonis
ad Wandalū Legatus. de quo illud Menandri:
Huius vitam frugi & modestam admiratus, eius cō-
ſuetudine delectabatur. maximū verò in illo viſum,
quòd, cū ei Barbarus pecunias largiretur, & mu-
nera Legato digna daturus eſſet, reiecit, dicens nullū
donum viro Legato dignius & conuenientius, quàm
captiuos in libertatē vindicare. Hinc omnes ei capti-
uos Barbarus dedit, qui ſibi & filio obtigerant. For-
tis animi dignum præmiū. Non damno munera
omnia in Legato. & vſu ferè receptum, ne indo-
nati dimittantur. Palàm ſi dentur, minùs impro-
bem. clàm erogata non immeritam ſuſpicionem
ingenerant fidei, non dicā violatæ, ſed aliorſum
flexæ. Quæ verò ad tentandos corrūpendōſque
animos dona porriguntur, omni morte infe-
ſtiùs fugienda. Exemplo eſt Phocion Athenien-
ſis, qui Alexandri Legatos rogans, cur, cū
plurimi Athenienſes eſſent, ſibi ſoli duo, Re-
gis ſui nomine, talenta offerrent, cū ex iis
audiſſet, vnum ſe illum virum bonum & hone-
ſtum iudicaſſe: Ergo ſinite, inquit, me talem ha-
beri, & eſſe. & reiecit donum. Nec minor Epa-
minondas, quem per Legatos Theſſalorum
Princeps, & Rex Perſarum nequidquam ten-
tauit. ſterit quippe regiis donis maius infra-
ctum Epaminondæ pectus, non ferro, non
auro vincendum. Eadem à Scipione habe-
mus, qui ingentia Antiochi dona ſpreuit.
eadem in Xenocrate, Lyſandro, Pompeio.
Neglexiſſe etiam Demotheſenem Philippi*

dona, adeoque & reieciſſe, ſunt qui referant. Pulcrum illud, & omnis poſteritatis memoria digniſſimum, cùm Cyneas Pyrrhi Legatus neminem Romæ inuenit, cuius domus muneribus pateret. Pulcrum etiam illud Menandri de Bigano Perſarum Duce. Itaque quamuis barbarus eſſet, maximis Mauricij pollicitationibus minime aures præbuit, neque de recto mentis ſtatu deiectus, ab honeſto deceſſit. Juſtam enim & legitiſimam ſeruitutem erga eum qui regno præerat, longè diuitiis honorabiliorem duxit. Mauricius Tiberij Conſtantini Dux Biganum Perſarum Legatum auro aggreſſus fuerat. reperit inuiſtum.

*Munera à
Legatis palam
oblata Ro-
mani admit-
tebant.*

Conſueuiſſe verò Romanos, à Legatis munera palam oblata accipere, variarum gentium Hiſtoriæ tradiderunt. Simonis clypeum aureum amiſerunt, Carthaginenſis & Hernici Legati coronas aureas. aureas etiam coronas Eunapius Sardianus, Iuliano ad Imperium euecto oblataſ narrat: nec pretio, nec numero inferiores Valentiniano.

*Dari mune-
ra legatione
functis con-
ſuetum.*

Dare etiam munera legatione functis, tanquam hoſpitalitatis quoddam pignus, ſolitos Hiſtoriæ docent. Sic Maſſaniſæ Legatis ſagula purpurea cum fibulis aureis, equos phaleratos duos, bina equeſtria arma cum loriciſ, & tabernacula militariæque ſupelleſtilem, danda & ferenda Regi decreuit. In ſingulis verò Legatis, non minus quinque millium, comitibus autem eorum mille aris, & veſtimenta bina Legatis, ſingula comitibus. Legatis verò Ptolemæi & Cleopatrz Ægypti Regum munera dari iuſſit, in ſingulos quaternum millium aris. Sargentiniſ muneris ergo in ſingulos dari non minus decem millia aris. Sed & moris Romæ fuit amicorum

corum Regum populorúmque Legatis, publicum ex senatus consulto hospitium decernere. Nec Romæ tantum hæc munera, sed & alibi. Hinc Iustinum Imperatorem Abarorum Legatos magnis donasse muneribus Menander narrat. & de Attila Priscus: *Omnes Scythiæ Principes, qui in eius comitatu erant, donis Maximinum ornare iusserat. & unusquisque certatim illi equum contulerat. At ille cum frangi se probare, & moderationis gloriam reportare studeret, ex equis oblati paucos acceperat.* Vides munera, & Legati continentiam. Et de muneribus ab Attila datis: *Tribus deinde diebus elapsis, muneribus donati dimissi sumus.* Narrat Malchus, iussisse Leonem ut Petro Saraceni Principis Legato, Senatores munera largirentur. præiuit ipse exemplo. Factum idem à plerisque Orientis Imperatoribus veteri exemplo. Et quidem amicorum Legatos liberaliter haberi, largaque manu excipi, largioréque dimitti, testandæ benevolentiae & amicitiae, volunt omnes. non abnuo.

Verum & hostium Legatos non minore munificentia haberi velim, eoque maiore, quo cultus ab illis maior. quem tamen premi velim, ac quasi muneribus integri: hostilitatem simulari, si simulationi locus; sin minus, generosos & infractos animos ostendi, metum non ostendi. Quid? quod munerum largitas metum minuatur, si non dantis, accipientis animo. Sed & obstrictum hunc tenet, & cum admirationem prouocet & amorem, hostilitatem exuit. incipimus enim amare, cuius munera amamus. abit enim in donatorem munerum amor. ita, quæ à mari flumina, in mare redeunt. Sic liberalitatem Tiberij

Hostium Legati munificentia habendi.

Abarorum Legati experti, adnitante Ioanne Tiberij Legato, arma ab Imperatore in Sclauinos verterunt. pari Zeno munificentia in Theodorici Legatos, arma à se in Balamerum vertit. Chagani Abarorum Legatum, à quo in Romanum bellum impulsus fuerat, donis expugnauit Tiberius.

Legatus acceptorū munerum Principem suum certiores faciat.

Cum verò Principi liberalitatem in exteros Legatos suadeo, tum auctor Legato sim, ut donati acceptique muneris certiores Principem, à quo missus, faciat, ne quid celasse voluisse videatur. tenera enim in hoc genere Principū ingenia sunt, & in timorem ac suspicionem prona. adnatum diademati etiam tuta tinnere, & in summa felicitate trepidare. ipsa nimirum altitudo attonitos facit, & magnis præcipitiis coniunctus metus est: ut sola rupium montiumque cacumina, etiam è valle & tutò intuentibus, horrorem iniiciant. quo magis Principibus, cum è fastigio suo pendula præcipitia intuentur, magnorum, fors & maiorum suorum, sanguine purpurata? Nihil ergo committet Legatus, quod vel in minimam infidæ mentis suspensionem adducat, memor, non stare, sed crescere sub diademate suspensiones solere, & è tenui filo mōtes intexere; ut, quod sole occidente digitalis de torrente lapis fuerat, oriente Alpium superet inga. Ne fide meritis quisquis Legatus es, non nudæ innocentia. suspensionum causæ vitandæ sunt. imprudēs, & nimis recti conscius incurrit in illas: ita nimia non rarè innocentia fiducia, in pœnitenda dominum coniecit. Timere discat quisquis sceptris minor est. nā & illa extra metū nunquam sunt, nec in filio quidē & thori socia.

Sed

Sed neque Principum in se affectui nimium tribuat. rarus amor purpuræ est. Si est ; sibi est. tange vel leui sceptrum verbo, ex amico hostis es. offende verbo, præteritorum, etiam fusi sanguinis, memoria nulla est. ne mirere. sibi nata sceptrum sunt. extollunt ad magna ? magis time. quo quisque sceptro propior, hoc & ruinæ est. Ita incendio propior, qui ignibus est ; & præcipitio vicinior, qui montium vertici inambulatur. Ne fide, non didicerunt sceptrum parcere, non magis quam ignes incendia extinguere. Vide an filiis pepercint. Constantinus nos docet. & nullum orbe toto, sine exemplo in filio, in coniuge, regnum est. & è leui plurimum suspitione, aut falsa improborum delatione, itum in sanguinem est. Nil opus veterum exemplis. sæculum nostrum taceo. posteritas sine invidia, & in exemplum referet, & inelamabit, Ne fide purpuræ.

Nihil verò Legatus, nisi ex Principis sui mente faciet. ac in liberis mandatis, cum prudentiæ Legati multa committuntur, conabitur res ad ingenium Principis sui dirigere. in reliquis fortiter imperatis insistet. Peccauerunt in hoc genere Rodoaldus & Zacharias, Nicolai Pontificis ad Michaëlem Legati ; Milse-nus etiam & Vitalis, Felicis Papæ III. Legati. Dammati proinde à Pontificibus ingloriam vitam duxerunt. Peccauerat olim Carthaginensis Hanno, quem triumphalem morte condemnarunt, quod senatus edicto minus obtemperasse videretur. Fuit illud in Atheniensibus severitatis plenum, qui Legatos in Arcadiam missos, quod alio quam imperarum fuerat itinere iuissent, re licet felicissime

Nō nimium tribuat Legatus Principis in se affectui.

VII.

Nihil nisi à Principis sui mente Legatus aggreditur.

gesta, reuersos capitis damnarunt. grauis pœna in tenui delicto. Sed nimirum, nullum tenue in Legato mandata transgrediente delictum est. Lacones etiam Legatum, quem ad Antigonum Demetrii filium miserant, quod Regem illum appellasset, graui pœna mulctarunt. Peccauit in hac re grauius Callicrates Achæorum Legatus, qui, Polybio teste, missus ut Rempub. cum Lyside & Arato tueretur, prodidit: imperatissique sibi neglectis, suos euertit. Grauiissimè Cotys, de quo illud Petri Patricij: *Mithridates Iberorum Rex nouas res tentauit, & se ad bellum Romanis inferendum praparauit. Huic mater contradixit, & quoniam non persuadebat fugere voluit. at ille, quamuis in apparatu esset, volebat tegere quod susceperat. itaque Cotym fratrem mittit Legatum ad Claudium, qui gratulationes deferret. Sed non ex fide legationem obijt, & omnia, que frater animo voluerat, enuntiavit, & Rex Iberie Mithridatis loco constituitur. Videant Principes cui se suaque credant. nullum sanguinem diademata norunt: ignorant vterum. Nec tutum mittere, qui regnare possunt. nimis dulce regni nomen. non meminit vberum: ac plurimum, nec Dei. Deconomus etiam vnus ex Abarorum Legatis ad Iustinianum, Iustini muneribus victus, admonuit, Menandro teste, *Abaros aliud in ore habere, aliud sentire.* Constantium verò, qui cōscribendis præerat epistolis, Attilas & Bleda, cū proditiōis nomine suspectus esset, in crucem egerunt. Munera Legatum, ut Priscus tradidit Rhetor, vicebant, prodiderunt munera.*

Mutatis tamen rebus consilia etiam in Legato mutanda puto, cū res moram non patitur,

&

& expectari Principis imperium non potest. dictum enim verè, in subitis & inexpectatis, consilium in arena sumendum: aliquid enim, ut dici solet, aduersarij vultus, aliquid manus mota, aliquid ipsa inclinatio corporis, oculorum iactatio intuentem monet. Quid fieri soleat, quid deceat, quid oporteat, vniuersim mandari & scribi absentibus, etiam posteris, potest. an verò fieri debeat, quibùsque modis, ex longinquo nemo prudentior suadebit. cum rebus nimirum ipsis deliberandum est. in quibus cum certò imperari nihil possit, non pauca Legatorum prudentiæ committenda sunt. sæpè enim occasiones fugiunt, nec rehaberi elapsæ semel possunt, ut sera post fugam pœnitentia sit. Quare mutatis rebus, ubi decurri ad Principem non potest, mutanda consilia sunt. Fecit hoc Africanus, fecit Belisarius. Et ferè scriptis mandatis plus inesse consilij quàm imperij, auctoritatísque plurimum, necessitatis minimum, non pauci arbitrati sunt. Quid? quòd magni ferè Principes facultatem Legatis etiam scripto largiri consueverint, supplendi quæ mandatorum litteris continentur. Magna tamen in his cautione & prudentiâ opus in Legato: cum plurimum non populus tantum, sed & Principes res euentibus metiantur. Consiliorum postrema cura est. à fortunatis successibus prudentiam fidemque metimur. Sanè Iustinus *Ioannem legationis non ex utilitate Reip. gesta condemnauit. nec enim se inscio, aut non iubente, debuisse mittere aliquos in Suauiam; nec hanc ab Imperio suscepisse provinciam, ut, aut Suavis suaderet, ut se Romanis subderent, aut huius rei gratiâ Byzantium Legatus veniret.* itaque Ioannem Impe-

rator ab se alienatum dimisit, & eorum numero habuit qui minimè commodi rebus suis essent. Si Ioannis conatibus respondisset euentus, non damnasset Imperator. non respondit: damnauit. Vt ingenti circumspectione Legato opus sit, & tutiora eligenda. eliget, qui non decedet ab imperatis. neque vnquam dubiæ rei fortunam suam exponet quisquis sapit, & ad priora retrò sæcula oculos coniiciet. Magna extra imperata præstitisse, gratiam referet non magnam: in exiguo deliquisse, indignationem magnam. Quare nisi certissimus de euentu sit, quem putat placiturum domino, non egredietur limites præscriptos. errare non potest, si se illis contineat; potest, si transgressus fuerit. tutiora proinde prudens eliget; nec allidet gloriæ nauem ad regios scopulos, eo nocentiores, quo implacabiliores. irrespicibile enim hîc semel depressis profundum est, è quo è millibus vix vnus eluctetur. Prudenter proinde apud Polybium Antiochi Legatus, vbi responsa Romani Senatus accepit, *quoniam postulata fines mandatorum longè excedebant, quæ dicta fuerant pro indiçtis habuit, ac deinceps publico congressu abstinuit.* Sequetur hunc prudens Legatus, nec fortuitis se suæque credit. Quanquam negare non possim, miseram ferè Legatorum conditionem esse; cùm ferè omnes minus fortunatum obitæ legationis euentum in Legatum coniiciant, ab euentu, plebeio more, prudenciam, adeoque & fidem merientes. egressus limites mandati est, cùm spe maxima prouocaretur? damnatur, si minus res votis respondeat. continuit se mandatorum finibus, & oblatam spem neglexit? imprudentiæ & timoris accusatur, minus.

minùs idoneus legationibus censetur.

Nihil deinde spondeat, non Principi suo, non alieno, quod exequi non possit. aut enim seruanda fides, aut à pollicitationibus abstinendum. Nobile in hoc genere in Q. Fabio Maximo exemplum: *qui de captiuorum redemptione cum hostibus cùm peregisset, idque pactum in Senatu improbaretur, fundum suum ducentis millibus vendidit, & satisfecit.* Quantas coronas ciuicas promeritus in vnius agri venditione! Quid faceret vir nomine suo dignissimus? aut fallenda fides, aut ager vendendus. vendere, quàm fallere maluit. Poterat destituere captiuos. destitui maluit agro, & potiores agro ciues habuit, & si quo alio, hoc facto Maximi nomen promeritus.

VIII.
Nihil spon-
deat Lega-
tus, quod exe-
qui nō potest.

Sed neque prudens Legatus amplis sponsionibus Principem suū implebit. parcus sit verborum, rerū diues. nec difficultates extenuabit; augebit potiùs, & in immensum tollet. Hinc fiet, vt si ad speratum exitum rem deducat, gloriæ referat plurimum: si non respōdeat conatui euentus, faciliior veniæ locus sit. Difficultas vt laudem, ita excusationem meretur. Quid? quodd conatus in arduis laudem promereatur. Neque dubia, aut inania denuntiabit, ne, si talibus assuescat, etiam in veris fidem non inueniat.

In promissis
parcus sit Le-
gatus.

Mendacia verò calamorum & oris vniuersim vitanda. simulare potest, mentiri non debet. turpe mendacium viro. Quid? quodd prudens cautq; in Legato simulatio, non vltimā virtutum sit. nam, quod de imperantibus dictum, *nescire imperare, qui dissimulare nesciat*, non minùs in Le

IX.
Mendacia Le-
gato vitanda.

in Legato locum habet, in quem, ut in hostem, omnium oculi intenti: cuiusque singula, non tantum verba, sed & signa, leguntur. è cuius fronte, oculis, incessu, manuum iactatione, oris deductione, incessus tarditate, celeritate, profutura nocituraque aduersarii colligunt. Premet proinde Legatus altum consilia sua. nec sinistra indicabit, cogitationes dexteræ suæ. Tristia sunt? læta præ se feret. Læta? deiiciet vultum. Bella cogitat? pacem loquetur. Pacem? bella proferet. Videt damnanda? silentio premet. Obfutura illi populo, cui adest? fouebit; sine crimine tamen. Exardescere sentit in communem hostem? armabit verbis. Indignari? perget auertere à se arma, vertere in alios promeritos. Domesticas dissensiones? non mitigabit. non quoddam causam velim dari odiorum; sed prudenter à regno suo ferrum diuertet. Cum verò in omnibus magna uti dissimulatione possit, mentiri non debet. indignum mendacium omni viro forti, & cui masculum pectus. Docemur à M. Atilio Regulo: *Qui ex victore speciosissimo, insidiis Asdrubalis, & Xantippi Lacedæmonij Ducis, ad miserabilem captiui fortunam deductus, ac missus S. P. Q. R. Legatus, ut ex se, & vno, & sene, complures Pœnorum iuuenes pensarentur: in contrarium dato consilio, Carthaginem repetijt; non ignarus ad quam crudeles, quamque etiam meritò sibi infestos hostes reuerteretur. Verum his iurauerat, si captiui eorum redditi non forent, ad eos se rediturum. Fallere noluit. rediit, pœnas subiuit. Sed nec illo voluntario ad hostes suos reditu, nec ultimo siue carceris, siue crucis supplicio est deformata maiestas: inò ex his omnibus admirabilior: Quid aliud quam victus de victoribus,*
quia

quia Carthago non cesserat, de fortuna triumphauit? Populus autem Romanus multò acrior pro vltione Reguli, quàm pro victoria fuit. Metello Consule apud Panormum ~~hic~~ hostem cecidit, vt non ampliùs in ea insula concitaretur: M. Fabio Buteone Consule classem hostium in Africo mari euertit: Luctatio demum Catulo Còsule finis belli impositus apud insulas Ægates, cùm totum inter Siciliam Sardiniamque pelagus naufragio suo Carthago operuit. tanta fuit ea victoria, vt de excidendis hostium muris non quæreretur. superuacuum nimirum visum in arcem murosque sæuire, cùm iam in mari esset deleta Carthago. Tantis victoriis, tot hostium classibus, tot millium cædibus, totiùsque propè nobilitatis interitu parentatum Regulo est. promerita hoc integritas, & seruata etiam hosti fides.

Nihil etiam leuiter aggrediatur. maturè antè deliberet. discutiatur singula. si spem videat magnam, parem spei diligentiam adhibeat. sudor & spes, valida ad expugnandum ardua, momenta sunt. Prudenter Africanus: *Aut tentare non oportet, aut sic tentare, vt omnibus viribus quod instituisi coneris perficere. nam bis ad eundem lapidem offendere, simul periculosum est, & contemptui obnoxium prorsus reddit.* In quam rem fortiter & verè Sallustius: *Vigilando, agendo, benè consulendo, omnia eueniunt. ubi te socordia ignauique dederis, nequidquam Deorum auxilia implores: irati infestique sunt.* Quanquam non diffitear adnatam quibusdam felicitatem, quorum etiam temerarij conatus felicem sortiuntur exitum: quibusdam infelicitatem, quorum prudentissima consilia feli

X.

Seria in rebus deliberatio à Legato adhibenda.

felicibus clauduntur euentibus. cælo, ac naturâ hæc dari credas. Illa tamen securior felicitas est, quam quisque prudentibus factis sibi parauit, quam suâ aliorumque experienciâ collegit, quam præprouidâ futurorum cognitione præuertit, quamque soletti hostilium consiliorum indagatione perscrutatus est, cui si adnatam naturæ dono felicitatem adiunxeris, legationem beabis.

XI.
Vt nimia frigora, ita & calor nimis fugiendus Legato.

In rerum autem peragendarum executione lentitudinem nimiam fugiet, & æstum nimium. noxium enim ut gelu, ita & calor est. Nec ardentes siluas amo, nec frigore depastas: nec defatagelu flumina, nec accensa flammis. neutra ætatem ferent: temperata æternant. nam, quæ fulminum more feruntur, præcipitio proxima sunt, & in ipso plerumque prolapsu antè moriuntur quàm feriant. quot enim è fulminibus solum aërem feriunt, solum scindunt? plus ferè terroris & minarum, quàm cædium secum trahunt, terruisse contenta. & tonitrua quanto impetu prouult! orbi interitum minantur, & inter nuda plerumque murmura se tenent. dumque mollia nubium latera minitabunda quatunt, à tam molli elemento reperiuntur; ut paucissima scissâ nube suâ, collidantur terris. Eadem à præproperis & tanquam à Babylonia fornace raptis consiliis videbis. in interitum potius hæc sui, quàm aliorum nata credas. flammæ euomunt, & latè intonant: sed infra sonum & æstum, robur est, minorque ad eò sonitu vita est. è stolido ferè hæc procursu labuntur. nec minùs in amica, quàm in inimica sæuiunt pascua, fluminum more, quæ ruptis aggeribus, cæco

fa

fatuòque in obuia voluuntur cursu. Arcenda proinde à legationibus præpropera ingenia puto : ignes hæc regnorum iniiciunt tectis , & ferro propinquiora quàm paci sunt. seque non raro & Remp. vnâ ruinâ inuoluunt : paucisque nonnunquam nimiùm calentibus deuomunt verbis , quæ nulla postmodum reuocet penitentia. Arcenda etiam tarda nimis & lenta ingenia puto, quæ limacum more, mille spiris, rectum ac breue iter fatigant, & ignauo ductu signant, intuentibus in horrorem, patientibus in nauseam. Et sanè quid ab hoc frigore aliud quàm frigus speres? quis etiam peritissimus nauclerus enauiget hæc spisso gelu concreta flumina? nullis ignibus liquefcunt, nullo sole soluuntur : perpetua quædam glacies tam altè pectus obsidet , vt ne in patriæ quidem incendio incallescant. omnibus his benè gerendarum rerum labitur occasio : effluit spes omnis , cùm nimis tardo molimine cuncta circumspiciūt, nec antè sese erigunt , quàm incendia ambusti senserint. ac ne tunc quidem , non nisi lento gradu ad extinguendas flammæ properant. Stoicæ Philosophiæ nata verius quàm Reip. ingenia, & , vt sibi viuant, bona, vt aliis, mala ; in interitum potiùs multorum , quàm in salutem nata. omnia ferè etiam tutissima cùm timeant , perpetuo timore natant, arcenturque æquè à certis , quàm à dubiis metu, milleque sibi rationes propugnandi timoris fingunt. & dum sapientiam tarditate profitentur , stolidà se resque sibi concreditas lentitudine commaculant. nimia nimirum hos prudentia stultos dedit, neutri parti gratos , ingratos omnibus.

XII.

*Morosa &
fastuosa in-
genia à lega-
tionibus ar-
cenda.*

Fastuosa etiam ac morosa ingenia, & quæ fastidium sui aliorumque secum trahunt, arcenda à legationibus arbitrer. turbandis rebus magis, quàm pacandis animis hæc nata. non connectuntur dura duris: mollibus coalescunt. nihil verò durius moroso & arroganti ingenio. Et quid speres à fastu præter fastum? vna morositas aliã prouocat, acerbitas vna aliam. atque hinc indignationes, quæ in odia demum exsurgunt. inde bella nata, quæ frequenter nonnisi cum interitu partis alterius, ac vtriusque etiam, posita. Ingentis vtriusque arrogantia exemplum à Menandro habemus. *Miserat Abarorum Dux ad Laurentium Sclauinorum Ducem, ut Abaris dicto audientes essent, & eorum numero se adscribi sinerent, qui tributa illis pendebant. at Laurentius; & gentis Principes, Quis hominum, inquiunt, est, qui Solis radiis tepescit, qui nostram potestatem possit sibi subigere & domare? aliorum enim regionis dominatum acquirere solemus, non alij nostra; qui nos certò manent, donec erunt bella & enses. Ad hunc modum superbe & arroganter loquentibus Sclauinis, nõ minore superbiã & arrogantiã erga eos Abari sunt vsi. Hinc in probra & conuicia num. Sclauini cum ira moderari nequirent, Legatos, qui ad se venerant, occiderunt. Arrogantissimam Legatorum Decembali Dacorum Regis ad Domitianum denuntiationem narrat Petrus Patricius: Pacem Decebalum facturum, si unusquisque Romanorum vellet illi quotannis pendere duos obolos. Retulit arrogantia mercedem. Decebalus in conspectu Traiani arma abiecit, & in terram cadens adorauit, & ad eius pedes prostratus iacuit: Legatos etiam Romam misit, qui incipientiorum more erant manibus vinctis. Non potuit*
bar

barbarus fastus certiùs deprimi, nec validiùs, quàm ad hostiles pedes frangi. Mezamirus etiam Legatus, cum in verba arrogantiora, quàm Legatum decebat, prorupisset, ab Abaris, *spretâ*, vt Menander ait, *quæ Legatis debetur reuerentiâ, nulla habitâ iuris religionisque ratione, occiditur*. Insolens in Legato superbia necem parauit, non debuit; factum tamen. Impotenti etiam & insolenti oratione suâ Abarorum Legatos nihil à Iustino Iuniore impetrasse narrat Menander, contrâque fractam illorum arrogantiam forti Imperatoris dictione. Ludibrio etiam ab eodem factum Mebodus Perfici Legati habitum, Saracenorumque Legatorum barbaram insolentiam superbiamque generosè repressam, nec admissos quidem cum arroganti comitatu suo in conspectum. vt meritò erubesceret Mebodes, & impotens Saracenorum concideret fastus ferâ arrogantiae pœnitentiâ. Dignissima superbiæ merces. quæ quo magis in Legato displicet, hoc commendatior modestia, benignitas, mansuetudo, comitâsque in omnes est.

Gratum hæc virtutes Legatum, etiam barbaris, facient. incessus moderatus, gestus decorus, frons læta, ridentes oculi, vultus ad temperatam hilaritatem compositus. Oratio matura, & quæ virum suum loquitur; blanda & suavis, sed intra viri mores & robur, procul à muliebri mollitie & fucò. brevis dein sit, & quæ cum sententiarum plurimum, tum verborum habeat minimum: quæ nec nimis exquisita velim, nec nimio studio exulta. neglectum potius præ se ferat. Displicet sanè Principibus prolixitas. & ferè in vno pectore prudētia & multiloquentia

Qualis compositio corporis in Legato laudata?

Qualis oratio Legati esse debeat?

stabulare non solent. & suspectus nimius dictio-
 nis ornatus est, tanquam in fraudem composi-
 tus. Philosophum denique suum magis, quàm
 Oratorem loquatur. Sed neque effundatur in
 iram, non extollatur in aliorum contemptum,
 non procurret in plebeiam scurrilitatem, non
 in satyræ dentes & morsus, nec quidquam so-
 net non castum. absit morositas omnis, & tristi-
 tia, & aceto perfusa dictio, & quidquid agrestē
 rusticitatem sapit. Nulli sua benignitas obfuit,
 profuit plurimis. ita Menandro teste, Valentinus
 Tiberij Legatus molli benignaque responsione
 Toxandri Turcarum Ducis feritatem & minas
 fregit. cedunt nimirum aspera mollibus. Bland-
 da etiam Anatolij & Nomij Zenonis Legato-
 rum oratione efferam Attali barbariem delin-
 nitam, cum & gratuito captiuos redderet, & do-
 nis etiam Legatos prosequeretur, auctor est Pri-
 scus. Narsetem verò Persarum sub Constantio
 Legatum, asperitatem litterarum quas afferebat,
 morum verborumque lenitate temperasse ex
 Petro Patricio legimus. Valuit verò plurimum
 Legatorum modestia, etiam in victoribus & bar-
 baris. cui cum supplex accederet oratio, quan-
 tumuis efferatos animos molliebat. Eleganter hoc
 Petrus Patricius in Persico Legato expressit: *Di-*
xit Apharban, imperatum sibi fuisse à Narseo, ut,
etiamsi equitas à Persis staret, tamen de iure proprij
regni decederet, & omnē rem humanitati Romanorū
committeret; neque conditiones ferret, quibus pacem
fieri vellet, sed id omne Imperatoris arbitrio com-
mitteret. impetrauit à Galerio, quod voluit. Nec
 minus in Dacorū Rege. verba illius sunt: *Deceba-*
lus misit ad Traianū Legatos ex his qui pileos ferunt
 (hi

(hi enim apud Parthos sunt honoratiores) qui cum ad Traianum venissent, abiecerunt arma, & manibus post terga vinctis, mancipiorum & captiuorum instar, Traianum orabant, ut cum Decebalo in colloquium veniret. concessit Traianus, pacemque dedit quibus legibus Decebalus voluit. Illud etiam in populo Rom. clementiæ magnæ, pacem Philippo Macedonum petenti, pacem victo dedit, regnumque concessit. Addit Valerius: Philippo Macedonum Rege superato, cum ad Isthmicum spectaculum tota Græcia conuenisset, T. Quintius Flaminius tubæ signo silentio factò, per præconem hæc verba recitari iussit: S. P. Q. R. & T. Quintius Flaminius imperator, omnes Græciæ urbes liberæ atque immunes esse iubet. Quid augustius victrix Græcia sperare poterat, quàm ut legibus viueret suis, & tanta libertate frueretur? supplex impettrauit, quod arma negassent. Subdit Valerius: Quibus auditis, maximo & inopinato gaudio homines perculsi, primò, velut nō audisse se quæ audierant credentes, obtulerunt. Iteratâ deinde pronuntiatione præconis, tantâ calû clamoris alacritate cōpleuerunt, ut certò cōstet, aures quæ superuolabant, attonitas pauentēsque decidisse. De Antiocho Florus: Victo & supplici pacem atque partē regni dari placuit, eo libētius, quòd tam facile cessisset. De Pompeio Magno in Tigrane Valerius: Diu supplicē iacere passus nō est, sed benignis verbis recreatū, diadema, quod abiecerat, capiti reponere iussit: certisque rebus imperatis, in pristinum fortune habitum restituit, æquè pulcrum esse iudicās, & vincere Reges, & facere. De Carthaginensibus Polybius: Quinque Romam Legatos miserunt, per quos arbitrio Romanorum se suæque omnia permisserunt. Consul exposuit Senatus sententiam, quòd

Ec 2 rectam

Lib. 4. c. 4.

Lib. 2. c. 8.

Lib. 5. c. 1.

rectam consilij viam iniissent. concedere illis Patres libertatem, leges suas, & agrum insuper omnem, & omnium aliorum possessionem, quæ ad Remp. aut priuatos pertinerent. obsides tantum imperat. Quid poterat mitius? quid munificentius? Tarentinis etiam expugnatis, petentibus pax & libertas à L. Papirio Cursore concessa.

Bella è superbè habitis Legatis nata.

Vt verò supplex Legatorum oratio hostes emolliit, & ab armis ad pacem flexit: ita superbè haberi Legatos, aut insolenti ac arroganti oratione lædi, efferauit animos, & in ferrum impulit. Audiamus Hannibalē: *Vestri quoque, ut audio Patres non nihil etiam ob hoc, quod parum dignitatis in legatione erat, negauerum pacē; Hannibal peto pacē.* Durius nimirum habiti Romanorum Legati; vnde in ferrum itum est. Superbè etiam à Veientibus Legati excepti, hinc bella, & octo triumphi, & decennalis obsidio, & nobilissimæ urbis à Camillo euersio. Iam & Achæorum tres duces cæsi, & Corinthus euersa ob Legatos durius compellatos, & Dalmatico bello, Polybio teste. causam dedit acerbior responsio Legatis data, minæ intentatæ, equi adempti. Perses verò arroganter & contemptim dum Romanorum Legatos excipit, bellum sibi parat: quo tandem à Paulo Æmilio cæsus, captus, in triumphis cum filiis ductus, in carcere vitam finiit. Cæsar Legatorum suorum ab Ariouisto contemptum, ingenti Germanorum cæde vindicat. testis in hac re Cicero, *In qua ciuitate non modo Legatus pop. Romani circumcessus, non modo igni, ferro, manu, copiis oppugnatus, sed aliqua ex parte violatus sit, nisi publicè satisfactum sit, ei ciuitati bellum indici atque inferri solere.* Venio ad alios. Massafina non contentus suorum

suorum aliquem misisse, Gulussam filium Carthaginē Legatum mittit. excluditur vrbe; indè ex insidiis impetitur. è quo nata bella, & Carthaginensis exercitus cæsus, impietatis præmiū tulit. Parthorum autem Legati, cū nequidquam apud Crassum queruntur, quòd contra fœdus cum Lucullo & Pompeio percussū, bello peterentur; coacti ad arma conuolant, quibus fœderis violator Crassus pater & filius cadunt.

Lætos etiam Legatos sacrosancto gentiū iure calcato accepimus. sed nullus multus diu sanguis stetit. Asculani Rom. populi Legatos occidunt. arsit hac cæde Italia tota. expugnato tandem à Pompeio Strabone Magni patre Asculo, Præfecti, Centuriones, ciuitatis Principes virgis cæsi, securi percutiuntur. ita sanguine, sanguine Legatorum parentatum. Ligures Flaminium Legatum impedimentis exuunt, vulnerant. hinc Q. Opimio Consule, Agitna, in qua violatus Legatus, obsessa, capta, in seruitutem ciues dati, auctoresque iniuriarum catenis onusti Romani ablegati. Lartès autem Tolumnius Veiorum Rex, quo auctore à Fidenatibus Romanorum Legati cæsi, bello cadit; & exinde, Floro teste, *laborat annalium fides, ut Vcios fuisse credamus*. Fidenates verò cum Rege suo cæsi, vrbs capta, direpta, ciues sub corona venditi. Mithridates cū Q. Oppium; & M. Aquilium Consulares Romanorum Legatos in vincula coniicit, occidit; multis cladibus à Sylla, Lucullo, Pompeio attritus, regnòque exutus, suā & serui manu cadit. Legatos M. Curius ad Senones Gallos pro redimendis captiuis miserat. cæsi Legati, secuta bella, & ingēti prælio à Dolabella Senones propè deleti.

2. Reg. 12.

tanto sanguine Legatorum sanguis expiatus, vt
 natate terra sanguine potuerit. Iam Liburni,
 Teutâ muliere imperante, Romanorum Legatos
 securi feriunt. Hinc Cn. Fulvio Centumalo duce
 strictæ in Principem gentis illius secures, Lega-
 torû manibus litauere. Quid? quod Dauid iniu-
 riam ab Ammonitis Legatis suis illatam forti-
 ter ultus sit. audiamus Scripturâ: *Pradam ciuita-
 tis asportauit multam valde. populû quoque eius ad-
 ducens ferrauit, & circumegit super eos ferrata car-
 penta. diuisitque cultris, & traduxit in typo laterum.
 sic fecit vniuersis ciuitatibus filiorum Ammon.* No-
 uum vindictæ genus, & sæculis retrò omnibus
 inauditum, quo sceleris in Legatos cõmissi ma-
 gnitudinem testaretur Rex magnus, & Deo ple-
 nus, crudele supplicij genus arbitreris, nisi à tam
 pio pectore natum. Et sanè sæua tormentorum
 nouitas è tam benigna mente, sceleris in Lega-
 tos commissi grauitatem designat. Nec sangui-
 nem tamen fuderant Ammonitæ. barbarum me-
 dietatem raserant, præsciderant vestes. nisi fors
 in generosa mète, grauius sanguine dedecus sit.
 Sanè ignominiâ, vel ipsa mitissima pectora ex-
 asperari satis constat, cõque decurrere, non quod
 ratio ducit, sed quod cupido ultionis impellit. &
 duram patientiam euincit dolor pius. Negle-
 xisse etiam Romanos in Legatis iura gentium
 video. secuta vindicta. neque enim vlla diu sce-
 lera impunita. fuso non vno loco exercitu Ro-
 ma capitur, igne, ferro, manibus solo æquatur. ac,
 nisi exul Camillus, plus pius in patriam, quàm
 pietatem expertus, victoriâ insolentes Gallos,
 cùm ad iniqua pondera gladium etiam adderët,
 iniquiore quàm pondere voce, *ve vultis*, subito
 aggressus

aggressus cecidisset, incendiorumque vestigia Gallici sanguinis inundatione deleuisset, vestigia fors nunc urbis quærentur. Atheniensium urbem Romanæ aliquando urbis æmulam, tot Ducibus, victoriis, triumphis claram, quod Darius Legatos violasset, euerlam, & tantum non solo æquatam Herodotus auctor est. Arabes etiam post Legatorum necem, non magnâ Herodis manu cæsos fugatosque narrant. ingentem exercitum, & qui solâ ruinâ integere Herodianum posset, solo sanguine sorbere, à parua manu cæsum, nemo mirabitur, qui Legatorum sanguinē cogitauerit. Illud etiam diademate indignissimum, cum *Legati Turcici mixto cibis lethali veneno, à Persarum Rege perempti sunt.* atque hinc Discibulo Duce, Turcarum & Persarum inimiciæ, exercitus, sanguis, quo solo flumina nasci; cadaueraque, quibus integri non vno loco Oceanus posset. Sclauini verò cum Abarorum Legatos occidissent, tantum non à Baiano horum Duce delati, meritis retulerunt pœnas. Et, ut recetiora tangam: Clodouæus Francorum iniuriam Legato suo à Gothis illatam ferro vindicauit. Carolus dein Magnus è simili causa Saxonibus bella monit, maximamque nobilissimæ prouinciæ partem habitatoribus viduauit. Fuitque hoc omnium adeò gentium moribus receptum, ut sanctissimè Legatorum suorum integritatem tuerentur; non opibus, non sanguini parcerent; integrasque prouincias regnâque funditus delerēt. Nec alia iustior armorum causa visa, sed neque fortunatior. tanquâ si Deo auctore, duce, vindice ad arma decurrerēt. Atque hinc etiâ cæsis Legatis publicè statue posite. Factum Tullio Cluio,

Cæsis Legatis, statua posita à Romanis.

Philip. 9.

L. Roscio, Sp. Ancio, C. Falcinio, à Fidenatibus aliisque alibi caesis, Ciceronis verba sunt: *Cn. Octavius* (legati ad *Antiochi* nepotem) clari & magni viri, qui primus in eam familiam attulit consulatū, statuam videmus in rostris. *Laodicea* à quodā est interfectus. reddita est ei tū à maioribus statua pro vita, quae multos post annos progeniem eius honestaret, nunc ad tanta familia memoriā sola extaret. Atque hinc etia Tullio Cluio & L. Roscio, & Sp. Ancio, & C. Falcinio, qui à *Veientum* Rege caesi sunt, nō sanguis, qui profusus est in morte, sed ipsa mors ob *Rempubl.* honori fuit. A priuato *Octavius* occisus: & tamen Senatus decreto statua Legato posita posteritati in exemplum & incitamentum. Quid? quodd etiam morbo extinctum Legatum statuā donare placuerit. Grauius Cicero: Ita censeo: cum *Ser. Sulpicius Quinti* filius, difficillimo *Reip.* tempore graui periculosūque morbo affectus, auctoritatem senatus, salutēque pop. *Romani* vita suae praposuerit. contrāque vim grauiatēque morbi cōtenderit, ut ad castra *Antony*, quō Senatus illum miserat. perueniret, isque cum iam prope castra venisset, vi morbi oppressus vitā amiserit in maximo *Reip.* munere; eiusque mors consentanea vita fuerit sanctissimē honestissimēque acta, in qua saepe magno vsui *Reip.* *Ser. Sulpicius* & priuatus, & in magistratibus fuerit; cū talis vir ob *Remp.* in legatione mortē obierit. senatui placere, *Ser. Sulpicio* statuā pedestrē aenā in rostris, ex huius ordinis sententia statui; circumque eā statuā locū g!adiatoribus ludisque liberos posterōsque eius quoquo versus pedes quinque habere; quod is ob *Remp.* mortem obierit, eāque causam in basi inscribi. Locū etiā sepulcro in cāpo *Esquilino*. seu alio loco pedes triginta quoquo versus *C. Pansa* Cōsul designet,

signet, quò Ser. Sulpicius inferatur. quòd sepulcrum ipsius, liberorũ. posterorũque eius sit, uti quod optimo iure sepulcrum publicè datum est. Prudenter. Quis non lubens legationem obeat, & in ea mortem, cum pro breui vita æternam memoriam tribuat? magnum, præmio donari æterno, adeoque & vitæ vivere æternæ. Viuit, qui in statua viuit, meliore sapè quā suā vitā. nec ipse tantum, sed posteritas illius omnis in illa viuit. Atque hinc fors generosum Atheniensium Legati ad Philippum Macedonem mortem intentanti responsum, Si caput hoc præscideris mortale, dabit immortalè patria. Vnde illud etiam usu receptum; ut iniuriam Legatis factam ipsi Principes, apud quos versantur, vlciscantur. Videtur enim Principis maiestas lædi, Legatis qui apud ipsum sunt, læsis. Cum enim publica Principis fide in alieno regno versentur, publicam censendi sunt violasse fidem qui Legatos violant. Vnde fors lex illa: *Quod ad Legatos, Oratores, comitesque attinet, si quis eorum quem pulsaffe, siue iniuriam fecisse arguetur, lege Iulia de vi publica tenetur.* E quo etiā natum, ut qui contra ius gentium in Legatos peccassent, dederentur iis quorum Legati erant. ita Apolloniatis & Carthaginensibus dediti, qui Legatos illorum pulsauerant; & à Demetrio Romanis, qui Legatum occiderant. Saturninus etiam quòd Mithridatis Legatos durius accepisset, morte à Senatu damnatus.

Neque post mortē tantum in legatione obitam, sed & legatione benè functis præmia, pro personarum qualitate danda. ampla dari auctor sim: ne, si ampliora apud alios inueniant, fidem industriamque omnem suam aliò transferant;

Præmia danda bene legatione functis.

aut sanè labasciat ad ardua animus. Et quis virtutem amplectatur, præmia si tollas? quis sudorem sanguinèmq; vilem lubeat, non remunerandum? Vult Princeps à Legatis magna? magnis legationem condecoret præmiis. nunquam deerunt magni, qui maxima lubètes obeant, si coronari sudorem viderint. Opes & honores laborum præmia ad quæ non impellant? nescit vitæ parcere, adeoque & prodigus sanguinis sui est, qui munificam Principis dexteram capiti inhærere suo vidit: magis, si sentiat.

*Legati sacro-
sancti.*

Quid? quod in cogitato etiam crimine partitum Legatis. &, quod magis mirere, in interprete. Bigilas, Maximini Legati Theodosij interpretis, cum coniurationis, seu molitionis Chrysa-phij eunuchi conscius esset, qua Ediconi persuadere conatus fuerat, vt Attilam de medio tolleretur; audit ab Attila, *Se illum in crucem acturum, & prædā vulturibus prabiturū fuisse, nisi ira sua acerbitas legationis reuerentiā leniretur & inflecteretur.* hæc barbarus. quem nulla pietas, religio nulla, nullus Deus flecteret, flexit legationis reuerentiā.

Philip. 5.

Huc illud Ciceronis: *Nomen Legati eiusmodi esse debet, quod nō modò inter sociorū iura, sed etiam inter hostiū tela incolume verſetur.* Et illud Liuij de Tarquinij Legatis: *Quamquam visi sunt cōmisisse vt hostiū loco essent, ius tamen gentiū valuit.* cum tamen ad prodendam patriā iuuentutem animassent, virgis cæsa iuuentus nobilissima, & securi percussa, quodd de reducendis in urbem Regibus cogitasset. in quo exiit patrem Brutus, vt Cōsulem ageret: orbúsque viuere, quàm publicæ vindictæ deesse maluit; & cum non parceret filiis, pepercit Legatis, sceleris auctoribus. tantum
Legatorum

Legatorum nomen potuit. Idem accidit in Syphacis Legato, cum Massanise necem procurasset. sceleris cogitati reprehensus. nec aliud.

Nec Regum tantum aut Principum Legatis immunitas hæc concessa, sed & rebellium ciuitatum ac personarum. Factum olim sub Spartaco, Sertorio, Viriato, Tacfarinate, aliisque non paucis. bono enim publico cum legationes hæc instituantur, & ad pacanda regna & prouincias, gaudere iisdem immunitatibus videntur Legati debere; etiam serui, & familia vniuersa. Est hæc opinio virorum doctorum. ego nihil affirmem. subditi enim ad dominum legatio proprie non est. Sic non admissos coloniarum quarundam Legatos à Romanis tradit Liuius; & quod in ciuilibus bellis euenit non semel, ut aut non admitterentur Legati, aut malè haberentur; factum ab Antonio, à Flauianis etiam in Vitellij Legatis, à Senatu etiã in Fuluij filio. Quanquã probare hoc non possim, minùs mihi humanum; ut non immeritò queratur Cæsar Legatis sua iura non seruata. Scio periculi plenam legationem esse, in seditionibus ac secessionibus popularibus & militariibus, in ciuili ferro; quo cautiùs instituenda legatio est. immunitas tamẽ aliqua concedenda videtur, ne asperentur animi, nè ab vltima desperatione consilia mutuentur, ne alterius partis internecione finis imponatur. Scio Principum iura. sed & hoc scio; seditiones, siue illæ populares, siue militares sint, bellaq; ciuilia, non nisi inhonorata ferè pace poni. Solere Reges vltro etiã Legatos priores mittere. Factum à Senatu Rom. ad populum non semel, ab Imperatoribus etiam. ita Drusus à Tiberio missus, Petilius à Vespasiano, alij;

*Rebelliũ etiã
ciuitatũ le-
gatio sacro-
sancta.*

alij ad alias legiones rebelles. Faciunt Reges, quod parentes in filios immorigeros. vltro etiã orant, ne perditum eant. nec pudet pigetve ad indigna quædam, aut non digna patrio nomine descendere, ne se perditum eant filij, quorum salutem dignitate suã potiorem habent.

*Temperãtia
& continen-
tia Legati.*

Temperantem & continentem in primis Legatum velim. turpe à vino, turpe à muliere vinci. ab armato, nec nouum, nec indignum viro. à vino & femina, muliebris ingenij est. Benè Polybius Demetrio: *Sobrius esto. nemini fidem habere memento. hi sunt nervi prudentie. spes tuas in te ipso pone*: non in vino, non in muliere. prodent quidquid illis credideris. Malus enim custos consilij vinum; pessima secretorũ seruatrix mulier. quantum prodi vis, tantum vtrique committe. Hinc illud dictum verè: *Inepti ad legationes qui vino & veneri indulgent.* cùm enim commissorum sibi tenacissimum Legatum esse deceat, prodi trixque mulier & vinum secretorum sit, nemo non videat arcendos à legationibus, qui se regnorũque salutem tam infidis ministris committunt. Non quodd Legatum à conuiujs arceam; arceo ab ebrietate. Quin adedò, si conscius ipse sibi temperantiæ suæ est, & imperare gutturi potest, non auersetur conuiuia. fors inter liberiora aliorum pocula, discet, quod nec ingenio, nec auro posset. ferè enim aliquid inter coniuales hilaritudo elabatur, quod scire Legatum deceat. Quin & conuiuia ipse nonnunquam instituat, ne avarus audiat; audiat splendor. aliquid enim splendoris opinio affricat Legato. Solitos verò Legatos adhiberi mensis, & augustius haberi, omnium propè gentium mo-

res docent. hinc illud de Antiocho Ægypto occupatâ: *Græci Legati venerunt, de pace ad eum missi: quos cum benignè suscepisset, primo die ad epulas magnificè instructas inuitavit, postridie sui conueniendi potestatem fecit.* Illud verò Prisci Rhetoris, Attilæ in Maximino sociisque Theodosij Legatis splendorem, in se modestiam indicat. *Ceteris quidem barbaris, & nobis, cæna omni eduliorum genere referta & instructa preparata erat, & in discis argenteis exposita; Attila in quadra lignea, & nihil præter carnes, moderatum pariter in omnibus se exhibebat, conuiuiis aurea & argentea pocula, quibus bibebant, suppeditebantur: Attila poculum erat ligneum.* Et de Resca Attilæ vxore Priscus: *Nos etiam ad cœnâ inuitauit, ad eam, ut erat multis Scythie Principibus comitata, accedentes, contigit nobis eius humanitate frui, illa verò nos excepit mellitis & incundis confabulationibus, & magnifico epularum apparatu. Tum unusquisque eorum, qui aderant, surgens, Scythica comitate poculum plenum nobis porrexit, & eum qui biberat, amplexus & osculatus, illud excepit.* Subdit: *Postridie iterum nos Attilas ad cœnam inuitauit, & eodem quo prius ritu ad eum accessimus, & ad hilaritatem nos conuertimus.* De Zenarcho sociisque Iustini Legatis à Disabulo Turcarum Principe exceptis Menander: *Inde se ad conuiuium conuerterunt, & quod reliquum fuit diei, in eodem territorio, genio indulgentes transegerunt.* De ebrietate verò, & incontinentia vini socia, in exemplum Legatis sunt Darij Persarum Legati: qui cum petulantius inter pocula, quas putabant mulieres attigissent, Amyntæ Regis iussu cæsi, incontinentiæ, & immodici vini præmia retulerunt. Memor deinde quicumque Holofernis,

Balsa

Balsaris, Samsonis, Alexandri, Davidis, Salomonis, Hānibalis, Antonij, Herculis, fuerit, quid vinum & mulier in viro possint, perfacile videbit. Iam si incontinentem esse in gente sua turpe, quid erit in aliena? Et cū ē Legati moribus iudicium. ferē de gente tota faciamus, quantum inurat genti suā dedecoris incontinentiā suā Legatus, nemo non videat. Ut taceam, captum amoribus gentis alienae, degenerare plurimum ab affectu gentis suae. Et incredibile quid mulier in viro possit, quā validē mentem etiam fortissimi ac prudentissimi rapiat, & in se trahat, ac à se in gentem yniuersam suam transferat. immemor patris & matris suae est omnis amans, immemor adeo Dei. exempla nos docent, viro-
rum robustissimi Samsonis, sapientissimi Salomonis. illum in interitum, hunc in alienorum Deorum cultum, vtrumque in dubiam salutem mulier perpulit. quo facilius quemcunque Legatum in se trahet. Quid non potest amor? omnium obliuionem, etiam sui, inducit. quo magis fugienda incontinentia Legato est.

Iustitia cultor Legatus.

Iustitiae deinde cultorem Legatum desidero. Neminem dolo circumueniat. abesse à viro forti fraus debet. imbellis ac imbecillis animi dolus omnis est, & de virtute sua diffidentis. Neminem iniuste laedat. improbæ mentis soboles iniusta læsio est. Neminem calumniā dedecoret. non est virilis animi; muliebris linguae calumnia est. A conuiciis verò, ut à veneno, manum retrahat. in conuiciantem

retor

conuicia cadunt, quasi in iaculatorem suum retorqueantur tela. Peccauerunt in hac re Romani, qui apud Antiochum Hannibalem calumniati sunt. Peccarunt Philippi Regis Legati, qui adulterino T. Quintij signo litteras signantes, causam patri dederunt, ut Demetrium filium, tanquam regni insidiatorem, clam de medio tolleret. Peccauit Siba, qui Mispheboeth dominum suum, Ionathæ filium falso detulit. credidit deferenti Dauid, & media bonorum parte seruum donauit, dominum spoliavit. Fugiet proinde Legatus quidquid quocunque modo iniustitiam redolet; neque enim re aliâ magis Legatis integritas apud externos stabit.

Munificum præterea Legatum velim. nolo *Munificentia*
 prodigum: liberalem volo. quanquam, si al- *Legati.*
 terutrum necessario deligendum, prodigum
 malim, quàm sordidum. profusio vni dum
 obest Legato, prodest plurimis. sordes inui-
 sæ omnibus, fœdèque legationem commacu-
 lant. amicos deinde profusio parit, nimia par-
 simonia hostes. illa fidos, hæc etiam dome-
 sticos infidos facit. Nolo opes proicere tan-
 quam iratum, sed neque recludere tanquam
 amorem promeritas. Sanè si extorquere re-
 gnorum secreta velit, profusione non ra-
 rò opus erit. & ferè solo auro abditissima
 recludas. hoc terris erutum, cordium pro-
 funda eruit. nec vllâ re magis exprimas
 quod voles. proditor domini regni que au-
 rum est, quo vno regna eruantur, ven-
 duntur. necquidquam tam sanctum est, quod
 non

non violet aurum; etiam parentem hosti tradet. Auro ergo Legatus hostilia domino suo referabit regna. Facit hoc qui regnorum consilia domino aperit. aperiri hæc auro possunt. nec vlla re certiùs. Nec quidquam facilius, quàm vnum è Secretariorum scribis seruísque auro trahere. aude: flectes in quam voles partem. nihil auro imperuium: nec coniugalis quidem thorus.

De Legati eruditione nihil dico. Olim illud fuit,

— *Si bella vocabant,*

Miles eram: si pax: positis toga gestiet armis.

Quales Legati deligendi.

Alternare vtrumque, prout fors ferebat, Romanum erat. nunc ferè præter nuda vota nihil habemus. Hoc tamè vniuersim dici potest, bellicas res militi, togato pacis committendas, gratulationes nobili, splendoras opulentis, & qui profusionibus Principis tueri dignitatem velint & possint. denique pro rerum ad quas quisque destinatur, varietate deligendum. Eloquẽtem probò, sed qui plus rei habeat quàm verborum, plus sententiarum quàm elegantia. Et verò petarò in vna stabulare mente reperies floridam elocutionem & prudentiam, diuitem dictionem cum diuite sapientia, & iudicij cum eloquentia magnitudine. Ferè enim pauperantur ingenio, qui diuitantur verbis: aut, si ingenij illis acies magna, hebetatur iudicium. vtrumque qui assecutus fuerit, beatus.

Historiarum cognitio Legato necessaria.

Historiarum in primis cognitionem, gẽrium omnium, voueo Legato: ex hac enim id assequetur, vt plurimas ipse obuiisse videri possit legationes, dum in varia orbe toto gente, facta, dicta, fortunatos, infortunatósque euentus leget, ad quæ

quæ mores suos componet, prudentiam colliget, fugienda amplectendâque discet, labore suo nō magno. Felix, qui aliorum damno periculisque, damno suo nullo, vitam morésque componit. Nulli Historicis certiùs docēt, nulli tutiùs, nulli minore fuco. nulli audaciùs præeunt, nulli fortiùs. Hos ergo Legatus familiares sibi faciat. ab his profutura mutuetur: noxia in fugam, bona in sequelam. Addo hîc tamen, viros doctos ferè legationibus magis idoneos. dicunt ornatius, cautiùs, prudētiùs, meliùs certiùsque de tractādarum rerum æquitate iudicant; securiùs etiam de pacis, fœderum, matrimonij conditionibus: résq; momentis suis ac rationibus accuratiùs ponderant, & moderatiore plerumque ingenio, magisq; ad ferendum composito. ita tamen si Reip. aliquā aliquando partem tetigerint; magis, si magnam, & in illa spem sui, ac prudentiæ signa magna dederint. nam de nudè litteratis nihil dico.

Ad laborādum verò, ne qui mittitur Legatus, à quacunque causa odio apud eos ad quos mittitur laboret. Romani in sacrum montem Menenium Agrippam, in Auentinum L. Valerium & Horatium, plebi gratissimos miserunt: Iustinianus etiam ad Cosroem Persarum, Theodorum & Zachariam medicum modestiâ; gratiâ, scientiâ caros: ad Cassium Rhodij Archelaum, quo magistro aliquādo vsus fuerat: Iustinus Zenarchum ad Disabulum, cui pro gratiâ, quâ apud ipsum valebat, Persicum bellum persuasit: Magnentius & Britannio Rusticum ad Constantiū: Attalus Edeconem ad Tiberiū: Isdigundam Cosroës ad Iustinianum: Galerius & Diocletianus Probum ad Narseum Persarum Regem: alij ad

*Non mittēda
Legati quī
odio laborāt
apud eos ad
quos mittū-
tur.*

alios, è suis diligentes, quos gratissimos fore arbitrabantur. Nam ubi alienior mens à Legato est, nequidquam felicem exitum speres. exalperandis, non componendis, animis hæc nata sunt. Quare nullus mittendus Legatus ad Principem erit, quem aliquando offendit. non solent inimicitarum obliuisci Principes. Demosthenes sanè ire Legatus ad Alexandrum, quem oratione offenderat, noluit. Conuenit etiam Principis maiestati, vt subditum sibi, non externum mittat. minùs etiam, illius ad quem mittitur, subditum. Malè hæc res cessit Gallico Francisci Regis Legato ad Franciscum Sforzam, quem olim suū & profugū in vincula coniecit, securi subiecit. Peccauit etiam in eadē re Perseus, qui ad Illyrici Regē, subditū aliquando Gentio Regi Legatum misit. Iurēne, an iniuriā Sforza fecerit, nō disputo. probare factū nō possum: damnare nolo. Moderatior fuit Gentius, & propiùs ex mente mea.

Forma in Legato laudanda.

Valet etiam in hanc rē forma. non illa mollis & muliebris, sub qua muliebri tegitur ingeniū; sed virilis, & quæ virum suum loquitur. Nolo comptum, & à speculo suo factum, ne plus de femina quàm de viro circumferat. nolo è capsâ & acu natum. forma virum neglecta decet. sordidum tamen nolo, qui arceat, non alliciat & prouocet in familiaritatem. scio sub inculto corpore magna sæpè ingenia latere. docemur in Agésilao, breui, claudio, deformi. Sed in quo mēs magna, erecta, decora: vt maior semper ratio ingenij, quàm corporis habenda sit. quod si vtrūque concessum, beabis; gratior enim ferè est pulcro veniēs è corpore virtus. Prouocare enim hæc in admirationem & amorem solent. cū

sola

sola corporis venustas, si viduata ingenij bonitate sit, risum & contemptum excitare veriùs, quàm laudem soleat. Et sunt, qui barbâ solâ & pallio legatione funguntur, alij vestium splendore, famulorum turba. mutuuntur nimirum ab his prudentiæ opinionem, cùm domi non habeant. At falluntur miseri: vbi enim infantiam suam prodiderint, in dedecus potiùs, quàm in laudem, externa erunt. quóque maior erat ab ascititiis expectatio, eo, cùm interna non respondeant, contemptus maior est.

Vestis patriâ referat. à qua nō facile degenerabit Legatus. grauis omninò caussa sit, quæ ab illa decedere cogat. Aliquid tamen in hoc genere aliquando factum à Legatis non nego. Audiamus è Menandro Turoxanthum Turcarum Ducem ad Valentinum Tiberij Legatum: *Quandoquidem, ô Romani, huc venientes me in maximo luctu constitutum offenderitis, (recenter enim pater meus est mortuus) oportet vos facies vestras gladijs deradere, & legi. quæ apud nos in iustis mortuorum inualuit, obtemperare. Tum confestim Valentinus, & omnes qui cum eo erant, gladijs genas suas deraserunt.* Deliniuit hæc res exasperatum antè animum Turcæ, & mitigauit æfferam barbariem, qua Tiberij Legatos minitabundus exceperat. Idem dico in graui luctu, aut Regū Principumq; apud quos versantur morte, non decedere à patrio, quantū Christiana pietas permittit, vbi versantur, ritu. neque enim deceat, omnib. in mœore positis, dolorémq; veste testantibus, vestiū hilaritudinem præ se ferre Legatū. ita tamen, vt in hoc lugentium vestium genere, nō decedat à patrio more, ne in alienam trāsisse gentē videatur.

*Patriâ ferè
veste utatur.*

Lingua plurimum utitur patria.

Lingua etiam utitur patria: ad imperij enim maiestatem facit lingua sua uti. quod in solemnibus legationibus maxime locum habet. Catonem sane accepimus Græcæ lingue peritissimum ne Athenis quidem Atticè, sed Latinè loqui solitum. Æmilius etiam Paullus, Perseo superato, conuocatis Græciæ Principibus, Latinè locutus: quæ Græcè reddidit Octavius Prætor. noluit Paullus, cum posset Græcè loqui, ne maiestati Romanæ quidquam detraxisse videretur. Ciceroni verò vitio datum, quod in Græco senatu Græcè verba fecisset. Per interpretem etiam ferre legationes suas obiuisse, Galerij, Maximini, Traiani, Valentiniani, Theodosij, Tiberij, Leonis, Iustiniani, Iustini, Zenonis, aliorumque; Impp. Legatos ad Persas, Sclauinos, Gothos, Hunnos, Abaros, Alanos, Parthos, Scythas, Wádalos, Saracenos, narrant illorum temporum Historici; cum plerique tamen linguarum illarum periti essent. In priuatis tamen colloquiis, patria, in qua versantur, lingua Legatos vsos video. Quin & Principes linguarum fetè peritos legationibus delegisse lego. Credi enim non potest, quâto adiumento Legato linguarum peritia sit, ne vni interpreti, fors nõ fido, & hostili pecuniâ circumuento, Reip. suæ salutem credere cogatur. Et nõ raro omnem dictionis elegantiam interpretes deuenustat, sententiarum robor negligit, vim enervat, proprietates non exprimit, seria emollit, exasperat mollia, humanitatem verborum rusticitate dedecorat, milleque modis à verbis ac sententiis decedit. Accidisse hoc Mæbodi Persarum Legato apud Menandrum legimus, cui insolentis insurgenti cum Iustinus dixisset, *Non sentis*

te cum Romanorum Imper. & Iustino sermonem habere? Cōsternatus Mebodes pra paupore pronus interram se ad eius pedes prostravit, negavitque à se talia prolata fuisse. Quā excusatione cum vteretur, visus est Imperator adduci, ut fidem haberet, & dixit: Videtur igitur interpretes nobis alia pro aliis suggessisse. Vnus hic interpretes ad quæ non descendere cōcigit Legatum, ac ad quam excusationem offensum Imperatorem! De Bigila etiam interprete suo Maximinus Theodosij ad Attilam Legatus non immeritò dubitavit.

De domesticis, ac comitatu Legati quid dicā? *Mediocritas in Legati comitatu laudata.*
mediocritatem laudo. De Æmiliano Scipione illud Valerij Maximi est: *Scipio Æmilianus post duos inclytos cōsulatus, totidēque sue prapriæ gloria triumphos, septem servis sequentibus officio legationis functus est.* itaque cū per socios & exteras gentes iter faceret, non mancipia eius, sed victoria numerabantur: nec quantum auri & argenti, sed quantum amplitudinis pondus secum ferret, estimabatur. De Catone verò illud eiusdem: *Si quis tribus servis comitatus Hispaniam regat, & quingentorū assium sumptu transmarinam provinciam petat, nōne mirabilis existimetur?* at qui ista patientissimè Superior Cato toleravit. Quantis comitatuū credimus ad legationem processurum, qui ad regendam provinciam tribus contentus fuit? De posteriore Catone habemus illud apud eundem: *Is cū bellis civilibus interesset, filium secum trahens, duodecim servos habuit, numero plures quàm Superior; temporum diuersis moribus, pauciores.* Alij septē habuisse, nec plures, referunt. Ducebat exercitū Cato, & se intra hunc servorum numerum cōtinebat. quid credimus in legationibus facturum? Nunc

decus omne, si longo impedimentorum, equorum, curruum, famulorum ordine plateæ fatigentur; si ad vniuersum luxuriæ apparatus explicandum vix domus sufficiat, ut in Comitam pompam delecti Legati videantur. Aliquid tamen in hoc genere dandum moribus. gētis ad quam destinatur Legatus, ne nimum discedere ab iis videamur, & damnare sumptu aut inopiā. Mediocritas in hoc genere à prudentibus semper laudata: damnandæ sordes iuxta ac profusio. Splendorem tamen Europæis moribus secū Legatus trahat, ut & mittentis, & ad quem mittitur maiestatem tueatur. Nolo contemni parsimoniā, nolo profusione rideri. Sapiens in medio consistet. nam & nimia parsimonia auaritiam digito designat: quā qui tenetur, legationem dominūmq̃ue venalem habet. auri quem sitis tenet, aurum bibit, si propinaueris. etiam turbidam bibit quicunque magnā siti premitur: nec valetudinis aut dignitatis rationem habet. validior nimirum salute ac dignitate sitis est. obliuiscitur sui suorumque quisque nimia siti exurit. Nimia etiam profusio insipientiā prodit. ferè enim qui virtutibus, animorum opibus destituuntur: ad externa decurrunt, ut sapientiæ opinionem ab auro mutuentur, cum à virtute non possint. moderatum ergo splendorem probo, qui nec auaritiam, nec fastum redoleat.

*In comitum
delectu ma-
gnam curā
Legatus ha-
beat.*

In comitum deinde ac famulorum delectu magnam curam adhibeat, vel ob hoc Ciceronis ad Q. Fratrem: *Quos verò aut ex domesticis comitoribus, aut ex necessarijs apparitoribus tecum esse voluisti, horum non modo facta, sed etiam dicta omnia præstanda sunt.* tum quod ex horum probi-

rate

tate moribúsque iudicium ferè de Legato sumatur. Sed neque omnibus quos delegit sua credet. fidem priùs vniuscuiusque variè tentabit. sequeturque illud Ciceronis ad Q. Fratrem: *Si quis est, qui tibi nunquam in suspicionem auaritie venerit, nihil est, quod non ei & committi & credi rectissime putem. Sed si quis est, in quo iam offenderis, de quo aliquid senseris; huic nihil credideris, nullam partem existimationis tue commiseris.* Notat auaritiam, tanquam infidam comitem credendarum rerum. Subdit: *Si quis est ex seruis egregiè fidelis, sit in domesticis rebus ac priuatis. quæ res ad officium imperij, atque ad aliquam partem Reip. pertinebunt, de his rebus ne quid attingat.* Multa enim, quæ rectè committi seruis fidelibus possunt, tamen sermonis & vituperationis vitandæ causâ, committenda nō sunt. Emulationem hæc & inuidiam prouocare solent. & plurimum tamdiu fidos hos reperies, quamdiu liberaliore manu non prouocantur in alterius fidem. Seruorum hoc ferè est, qui obsequia præmio, non amore metiuntur. Quo in genere auctor sim, vt Legatus deligat ex gente sua, & quibus honestæ domi opes, parentes, amici: quos pudor & verecundia suorum in officio teneat.

Alienis verò, qui de familia non sunt, quanta fides adhibenda sit, audiamus Ciceronem: *In prouincia verò ipsa, si quem es nactus, qui in tuam familiaritatem penitus intrarit, qui nobis antè fuerit ignotus; huic quantum credendum sit vide. Non quin possint multi esse prouinciales viri boni. sed hoc sperare licet, indicare periculosum est. multis enim simulationum inuolucris tegitur, & quasi uelis quibusdam*

Quantâ fidem externus habere Legatus debet.

obteneditur vniuscuiusque natura: frons, oculi, vultus per se pè mentiuntur, oratio verò sapissimè. Quapropter, qui potes reperire ex eo genere hominum, qui pecunie cupiditate adducti careant his rebus omnibus, à quibus nos diuulsi esse non possumus? Quo ex genere si quem fortè tui cognosti amantiorè (fieri enim potest) quam teneas, hunc ad tuum numerum libenter ascribito. Sin autem id non perspicias, nullū erit genus in familiaritate cauendum magis: propterea quod & omnes vias pecunie norunt, & omnia pecunia caussa faciunt; & quicum victuri non sunt, eius existimationi consulere non curant. Et ferè aut Legatorum opibus insidiantur, & commodis suis student, aut callidi consiliorum Legati scrutatores sunt. nulli talium fide silenda, quantumvis probissimus tibi videatur. Quis enim alienis magis studeat, quàm suis & patriæ? è millibus vix vnus, nisi fors, aut præmij magnitudine patrium amorè exuerit, aut grauis indignatio, aut accepta domi iniuria, aut metuenda pericula aliò mentē transferant. quanquā & tūc prouidè res pertractanda dicant illi quæ resecta periculum auctoribus creare possint, nō audiant ex te. & vtere tu aut improbitate, aut ira illorū; sed non effundas, quæ ruborē tibi incutiant, aut damna accersant. Vnum proinde in hoc genere cogita, & sequere: Omnia tuta si suspecta habueris, tutus eris. nusquam hoc certius, quàm in legatione. Facilis proinde ad audiendum Legatus erit, ad fidē tardus; ad præmiandū in dubiis parcus & lentus, in certis celer & profusus: ac dū ipse fidus est omnibus, nulli ipse fidat, nisi quē validè obstrictū teneat. cui tamē nihil credet, quod patriæ, quod sibi damnū creare possit. discetq; ex Prisco Rhetore,

exemplo Chrysaphij Eunuchi Theodosij, & Bigilæ interpretis Maximini Legati. Magnis muneribus, maioribus sponsonibus cum Edecone Attilæ Legato Eunuchus egerat. sponponderat Edeco. aperuit inde Attilæ comparatam coniurationem, & auri pondus de quo conuenerat. Captus Bigilas, & spe suâ & auro frustratus Eunuchus est. neque enim Bigilam, quem in vincula coniecerat, liberum ire Attilas permisit, nisi auro omni numerato, quod Eunuchus Edeconi sponponderat. benè. neque vnquam probata Eunuchi molitio. Florus mihi testis de Viriato, qui ex venatore latro, ex latrone dux & imperator, & si fortuna cessisset, Hispaniæ Romulus. post varias de Romanis in Lusitania victorias, tandem eum Fabius Maximus Consul oppresserat. Sed à successore Seruilio Cepione violata victoria est; quippe conficiende rei cupidus, fractum Ducem, & extrema deditiois agitantem, per fraudes & insidias, & domesticos percussores aggressus, hanc hosti gloriam dedit, ut videretur aliter vinci non potuisse. Quin adedò turpissimum hoc facinus visum Romæ, percussorem in hostem mittere; còque deterius, quia domesticum, & in ea vrbe, in qua venale Regis Pyrrhi caput offerentem Curius remisit, aut sanè Fabricius.

Lib. 2. c. 17.

De Legatorum vxoribus fortiter sub Tiberio disputatum à Seneca Cæcinnæ, & Valerio Messallino. Vicit Messallinus, cumque Cæcinnæ argumentis respondisset, clausit orationem: *Malè eripi maritis consortia rerum secundarum aduersarumque, simul sexum naturâ inualidum deserui, & exponi suo luxu, cupidinibus alienis. Vix presenti custodiâ manere illa coniugia: quid fore si per plu-*

An vxor eir.
cumducenda
Legato?
Tacit. lib. 3.
Ann.

res annos in modum diffidij obliterentur? Et erant exempla maximorum Ducum, qui vxores circumduxerant. Philippi, Magni Alexandri patris, Mithridatis, quem vxor per arma & fugam, aspera iuxtà ac mollia, viro solatium secuta. Liuiam sanè Augustus, dum per Orientem ac Occidentem exercitum ducit, comitè habuit. Druso per Illyricum vxor sociata. Imitatus hoc M. Antoninus Philosophus in sua Faustina, Theodosius in Placilla, Traianus in Plotina, Cæcinnia in Salomina. Agrippina sanè Caligulæ mater fortiter se & prudenter habuit in Germanicis castris. Caluissij etiam Sabini vxor marito militari habitu sociata. De Zenobia Odenati vxore feminarum generosissima, Cæpitolinus: *Solita virum in omnibus comitari.* De qua Trebellius ex epistola Aureliani: *Prudens in consiliis; constans in dispositionibus; erga milites grauis, larga cum necessitas postularet, tristis cum seueritas posceret. possum discernere, illius esse quod Odenatus Persas vicit. vixit verò regali pompâ more Persico, adorata est more Regum Persarum, conuiuata Imperatorum more. ad conciones galeata processit. venustatis, incredibilis. tantus illi candor in dentibus, ut margaritas plerique eam putarent habere, non dentes. Vox plena ac virilis: seueritas, ubi necessitas postulabat, tyrannorum. bonorum Principum clementia, ubi pietas requirebat. larga prudenter, conseruatrice thesaurorum ultra femineum modum. fertur tria, vel etiam quatuor milia frequenter pedibus ambulasse. cuius ea castitas fuisse dicitur, ut nec virum quidem suum sciret, nisi tentatis conceptionibus. Dignissima imperio, & quæ mulierem suam exuat, virum induat. dignissima quæ duceret in triumphum non postremos militiæ Duces; indigna, quæ duceretur.*

duceretur. eoque magis admiranda, quod rarissima sit coniunctio formæ & animorum. & nõ alterum in femina magnum, speciosissimam mulierum dici, aut generosissimam & fortissimam? utrumque maximum. cum primis Imperatoribus animo, & bellicarum rerum peritia & prudentia certare potuisse mulierum speciosissimã quis crederet, nisi illius ævi scriptores, & Aurelianus ipse testaretur? talem si quis nactus fuerit, sociam admittat protectionum, legationũ, bellorum, consiliorum. De Germanis, Gallis, Scythis, Hunnis, Longobardis, Gothis, reliquisque è Septemtrione nihil dico, Historiæ loquuntur. Quod tamen maxime concedendum puto in legationibus longioribus, ut solitudinis fastidia vxor tollat, aduersa molliat, aspera mitiget, habeatque in cuius sinum turò maritus domestica deponat, incontinentiæ remedium, ægritudinis solamen. Non quòd huic sexui regnorum abdita credenda putem, neque necessum thalami sociã, sociam habere premendorum. non didicit tacenda premere mulier: ac nescio an teneatur silètij legibus. tanta pronitas natutæ est. quare indulgendum, si cõmissa edixerit. Damna secuta sunt? primo narratori, non mulieri hæc ascribe. Volebat non vulgari? non credidisset mulieri. credidisse, voluisse vulgare est. nil opus præcone in denuntiandis rebus. vna mulier omnibus præconibus, tubis, tympanisque potentior est. Committet ergo Legatus vxori, ad quorũ narrationem, serã pœnitudine, non erubescat. nec plura. Non quòd omnis vxor talis: sed quòd consultũ Legato tutiora in dubiis deligere. certa; incertis anteponere. nullũ à silètio periculũ, à narratione

Vxori Legatus domini secreta non committat.

tione est. vitabit pericula prudens, & quidquid ad illa ducit. Sociam ergo Legatus vxorem habeat thalami, mensæ, consiliorum priuatorum, aduersarum secundarumque rerum, valetudinis bonæ, malæ, opum, & honoris: legationis sociam non habeat, hoc volo: sibi silenda seruabit, & altum premet quidquid Remp. tangit. Prouidebit deinde, ne aliarum cōsuetudine, patriæ oblita mores imbibat non patrios, ne transeat in alienos, ne vitia gentis non suæ hauriat, ne, dum placent externa, domestica displiceant; ne familiaritate ytratur minùs probatorum. Periculum enim omnino est, ne ex frequenti talium consuetudine, tacita ac ignara vitia omnia perbibat gentis alienæ: non cogitantibus enim nobis irrepere hæc solent, ardua virtutum, facilis vitiorum imitatio est. neque vsquam pronior, quàm in feminis: quæ mutuâ pectoris refectione, dum nihil celant, in paria inuitant. nec delictum graue arbitrantur, si mulierem ducem mulier sequatur. Nullarum proinde vxori nisi probatissimarum familiaritatem permittet, quarum consuetudine discere imitanda, dediscere fugienda possit.

Auertet autem & arcebit à domo sua, quorū meritò fidem suspectam habere debet. Multa promittunt? ne fide. habent enim Regum aulæ impostores mentiri & fallere doctos, qui blandis verbis, & spe nudâ grauidis, magnarumque rerum ostentatione, vel iniecto etiam timore, sub amici specie ab officio deducunt, ac mandata eludunt. Elusit Alcibiades Lacedæmoniorum Legatos, qui cūm generosè in senatu causam egissent, ac tantum non persuasissent, suasisse frigide

gidè apud populum agerent. persuasit: & bella è frigore hoc nata sunt. Pyrrhus etiam Fabricium tentauit auro; immisso deinde elephante, stetit auro infractus, bestiis terror. Ac sanè suspecta consilia hostilia omnia Legato esse debent. hostilia sunt. quis prudens fidat hosti? neque tamen auctor sim, ut à congressu suo illos prohibeat, aut se in solidum subducatur. quin adedè audiat: non fidat. Laudant? fallere volunt. Spondent? infidias parari credat. Regem suum damnant? meditantur dolos, & audire volunt quid sentiat Legatus. Legati Principem laudant? vituperationes sub hac laude latent. Qua in re hoc etiam monitum Legatum velim, ne hospitale in se munus in alieno regno facile admittat. vendit libertatem, qui hospitium admisit; non minùs, quàm qui dona. Non negligat interim eos, qui auctoritate, gratiâ, potentiâ plurimùm in eo regno possunt. vtrò eos etiam nonnunquã adeat: Regum quoque ac Principum prouinciarum aliarum Legatos; sed rariùs, ne quis iustus metus suspicionis alicuius oboriatur.

Principis verò, ad quem mittitur, seriò mores, vitam, virtutes, vitia, molitiones, quibùsque in terrorem impelli, quibus accendi, quibus placari, quibus ad arma profligare, quibus delectari & capi, quibus denique offendi consueuerit, perscrutetur: gentis etiam vniuersæ ingenium, robora, opes, constantiam; quantos educere in bella soleant, quantos ordinariis extraordinariisq; subsidiis possint, ærarij magnitudinem, armorum còpiam, regni propugnacula, nobilitatis numerum, vires, opes, animos, propensiones, togatorum eruditionem, prudentiam, pectus, & quæ quisque

Principis, ad què mittitur mores discat.

quisque apud Principem auctoritate, qua apud populum; qua se, relique suas, verbaque, singulorum moribus temperet, quæque fugienda, quæque amplectenda dispiciat, remediaque nocituris adhibeat, profuturis incumbat: ac à se suisque bella amoveat, in communem hostem trāserat. Cauendum verò, ne, licet amplissimā nactus materiam, Principis apud quem versatur, dicta factaque, etiam palam scelera damnet. intacta potius transeat; ac in oculos omnium incurrentia, solus ipse non videat. nihil turò apud hostem damnatur. Sed neque dum nimio in Principem suosque studio fertur, trahi se in inuidiosam partium comparisonem patiatur. Peccatum in hac re à Bigila, cum in mensa Attilæ inter pocula eò prolapsus est, ut negaret componi Attilam cum Theodosio posse, non magis quam hominem cum Deo. ac nisi in barbaro ius gentium valuisset, temerario mensam purpurasset sanguine.

*Principis sui
dignitatem
sueat.*

Principis autem, à quo mittitur, dignitatem, auctoritatem, prudentiæ ac munificentiae opinionem, vires, arma, paratos in omnem partem animos, in bella iuxta ac pacem; in præmiando liberalitatē, in remittendis offensionibus facilitatē, in arduis constantiam, in prosperis moderationē, in fractis in aduersis animos, in secundis modestiam, in sponsonibus firmitudinē, in punitionibus lenitatē, in acceptis iniuriis obliuionem, in remunerando memoriam commendat. Si nihil habeat, quod admodum laudet, alto premit omnia silentio. vitia nunquā attingat: obiecta mitiget, aut aliò sermonem flectat. Peccarūt in hac re Demetrij ad Lyfimachum Legati, Regis sui incontinentiā narrantes. peccauit Bonus, qui

qui facilem, ac in iracundiam effusum Iustinum Imperatorem Baiano aperuit.

De Legatorum admissione dici multa possunt. Excipiendi beneuolè, liberaliter habendi, amicè compellendi; etiam eorum, quos odio prosequimur. Peccarunt in hac re Achæi, cum Romanorum Legatos excluderunt; Demetrius etiâ Rex. de quo illud Plutarchi, *Difficiles aditus, superba responsa, intolerabilis fastus*. qui cum Atheniensium Legatos duos annos tenuisset, inauditos dimisit. Nisi fors Reip. salus differendam Legatorum admissionem suadeat. Factum à Persis,

*Legati quæ-
admodum
excipiendi?*

cum Martinum pacificatorium Legatū remorati sunt, donec propugnacula erigerent regno firmando. Hormilda etiam Cosrois successor admittere distulit, donec de milite & commeatu regno prospexisset. Cosroës, Menandro teste, *dilatione usus: volebat enim & bellum gerere. & legationē excipere, adeoque terrorē sui Romanis iniicere*. Idem à Perafo Parthorum Rege in Constantio Legato, quem, post longam Edessæ cōmorationem, admisit, cautè habuit, re infectâ dimisit; & à Wandalis in Tatiano Patricio Leonis Legato; à Genserico in Martiani Imp. Legatis; à Sapore Persarum Rege in Valeriano. tenuit Legatos, arma parauit, abeuntes armatus securus. Menophilus Romanus Mysiæ Dux, Carporum Legatos nō admisit, nisi in medio armati exercitus: inde post quatuor mēses redire iussit. addidit deinde tres alios, & spectatores exercitus sui habuit, tandēque re infectâ dimisit. Factū propè idem ab Hormilda Cosrois successore in Zacharia & Theodoro Tiberij Legatis, quibus maximorū Legatorū potestatē cōcesserat, quos variis itineribus

itineribus lufit, & ex aliis locis in alia loca, huc il-
 luc errantes & palantes traducebat. arma nimirum
 interim parabat, commeatum, reliquaque bello
 necessaria. Et à Iuftiniano, qui, Menandro refe-
 rente, Iuftini confilio, Abarorum Legatos. diu
 Byzantij tenuit; quòd fciret Abaros Iſtrum non
 traiecturos, niſi Legati rediffent: interim Bonum
 fluminis cuſtodix præfecit, impedimentaque
 traiectui iniecit. Conſtantine Meſtrianum Li-
 cinij Legatum longo tempore detinuit, dum ad belli
 incerta animum aduiceret; quia qui partes Licinij
 fouebant, occultâ machinatione vientes, quò minus
 Conſtantine Imperij gubernacula capefferet, moram
 iniiciebant. Auſtor Petrus Patricius. Aurelianus
 Imp. Dexippo narrante, Iuthungorum Legatos
 non antè admiſit, quàm militum aciem conductâ
 die. tanquam ad pugnam inſtruxiſſet. Vbi illi rectè ſe
 habere viſa eſt exercitus diſpoſitio. altum ſuggeſtum,
 purpurâ indutus, aſcendit. his ita præparatis Iuthun-
 gos inſiſſit adeſſe. Vt hæc viderunt, accidit eos perter-
 reſieri, & longo tempore ſilentium tenuerunt. Iuſti-
 nus etiam Cunimundi Gepidarum Regis Lega-
 tos dilatione ac procrastinatione, Menandro te-
 ſte, traxit. Differenda proinde aliquando Lega-
 torum admiſſio, acceleranda aliquando. quod
 ferè prudentiæ relinquendum. neque certi quid-
 quam in tanta rerum varietate ſtatui poteſt. Ve
 plurimùm tamen cirò admittendi, diſmittendique
 cirò videntur.

Legatis quo-
 modo reſpō-
 deat Prin-
 cept?

In reſpondèdo verò illud Theodorici Gotho-
 rum Regis ſemper mihi placuit: *Qui, intromiſſis
 ad ſe Legatis, plurima audiuit, pauciſſima reddidit.*
 Facilis in prolixis colloquiis lapſus & error eſt.
 dedecet hæc Principē. & verò cum inimiciſſima
 confiliis

consiliis & prudentiæ celeritas sit, quam fera ferè & inutilis comitatur pœnitētia, cum præcipitata, ac quasi ruentia consilia ac responsa in integrum restitui non possint, dedecātque Principem dictorum reuocatio; consultissimū erit, nihil vnquam subitum Legatis respondere. iniecta mora consiliis locū tribuit; accelerata responsio excludit. Scio nihil satis illi festinari, quē indignatio, ira, metūsve excruciat. sic illi quoque sol est lentus, qui noctem in somnem ducit. Sed vincenda quæ cruciant, ratione sunt, & damnis periculūque celeritatē comitantibus. Peccasse celeritate nimia Turoxanthum Turcarum Ducem in Tiberij Cæsaris Legato Valentino video, cum cōmotior erumperet in iram & minas. Laurentius etiā Sclauinorum Princeps in hoc genere peccauit, & Zeno in Balamerum, & Theodoricū Traiani filium: Leo in Amorceſum: Sapor in Denathum. Prolixiūs etiam, & præter Imperatorium decus Aurelianus cum Iuthungorū Legatis egit. proluxior deū Iulianus apud Chamanos est; & Cosroës apud Petrū Iustiniani Legatum de Suauia, fuissetne Lazis olim subiecta, an secūs. in qua disputatione non semel Rex succubuit. Turpe Regē palàm vinci, turpius conuictū in alienæ rei possessione persistere. Fateri iniustitiam suā Regi durum: aliena possidere, iniustum. In has se angustias disputatione suā coniecit Cosroës. molliūs tutiūque per alios disputatio instituitur. nec dedecus in alio succumbere.

Quid? quodd Legatis suspectis extra urbem aliquando senatus datus. Factum Romæ in Legatis Nabidis tyranni in Apollinis æde: & in æde Bellonæ, Carthaginensium Legatis. quin

Gg &

& egredi iussi. ita, Polybio auctore, senatus Persei Legatos exemplò mœnibus vrbis, Italiâ intra trigessimum diem excedere iussit.

*Legatio ali-
quando dif-
ferenda.*

Legationem nonnunquam suam differt Legatus. vel cùm auro corruptus petire rem morâ, quæ celeritate egebat, sperat posse. obiectum hoc Æschini à Demosthene. Vel cùm legatio suscipitur, vt tempus veriùs teratur, aut prorogetur. fecit Themistocles ad Lacedæmonios missus, vt, dum spe & legationis expectatione Sparta teneretur, subdolas suas Athenienses molitiones exequendi tempus haberet. factum quod voluerunt, & spe suâ frustrati Lacedæmones, nimîâ hostili fiduciâ delusi sunt. Prudentiùs arma parantur, exéplo Turoxanthi Turcarû Ducis, dum Valentinum Tiberij Legatû operit: Cosrois Persarum Regis, dum Theodorum eiusdem Imperatoris Legatum expectat: Chagani Abatorû Ducis, qui, dum Legati vtrò citròque commeant, Saum flumen ponte insternit. Wandalus etiam cùm, teste Malcho, didicisset legationem ad se à Zenone venire, præoccupauit cum classe transire, & Nicopolim cepit. Seuerus autem Legatus soluens è Sicilia, Carthaginem venit, & magnopere questus est, quòd classe transmisset. Ille verò dixit. se hac vt hostem fecisse, nunc, cùm de pace ad eum Legatus missus sit. sermonem excipere.

*Non permit-
tenda Lega-
to curiosior
regni inspe-
ctio.*

4 Reg. 20.

Sed neque hostili Legato prudens Princeps curiosam regni inspectionem permittet, arcebitque omninò ab inualidis regni finibus; nec ad ea admittet, quæ prouocare in arma hostes solent, & audaciam animòsque addunt. Peccauit in hac re Ezechias Rex, cùm Babylonis Legatis ostendit domum aromatum, & aurum, & argentum, & pigmenta

gamenta varia, unguenta quoque, & domum vasorum suorum, & omnia, que habere poterat in thesauris suis. Et audit per Iſaiam: Ecce dies venient, & auferentur omnia que sunt in domo tua, & que condiderunt patres tui vsque in diem hanc, in Babylonem. Peccauit etiam Leo Imperator, cum Petrum Legatum Saraceni Principis, teste Malcho Philadelphienſi, per vrbes circumduxit, armis vacuas & deliciis plenas.

Quod si quando Legatum regie maiestatis timor occupauit, regie benignitatis est animos & audaciam addere. Senatus sanè Romanus Eumenum Regem, cum aut dicere nollet, aut non posset, excedere in alterum diem templo iussit: reddiit, animos sumpsit, dixit, placuit. à Demetrio etiam in paterna causa hærente, patris commentarium poposcit, & ut verecundie consulere, recitare permisit, plúsque filij pudori, quam patris integritati tribuit. Non ingratus hic Legatorum pudor Regibus. diuinum aliquid spirare videtur. nec enim ab alio ferè, quam à maiestate & augusta specie hic pudor. Quo magis humanitatis regie est, beneuolentià & comitate hunc detergere, & verborum aliquid miscere humaniorum, quibus verecundie cursus secetur, pulsoque rubore animus sibi reddatur.

De Legatorum probitate & pietate nihil dico. nimis virtutis huius necessitas nota, cum & hostes rapiat in admirationem. Rapuit Pyrrhum Fabricij integritas, Sănites Curij, Ætolos Tiberonis, Attilam Maximini & Prisci Legatorum Theodosij continètia. ipsa Prisci verba dabo: *Vici domina, quondam una ex Bledæ vxoribus, cibaria, & mulieres formosas (hoc enim apud Scythas honori*

Animus Legatis perturbatis addendus.

Probitas & pietas in Legato laudanda.

ducitur suppetitavit. Mulieribus pro cibis præbitis gratias egimus, & sub tectis nostris somnum capientes, ab earum consuetudine abstinuimus. Admirationi continentia fuit. Fuerat antè in Hispania Scipionis. Et sanè probitatis ea vis est, ut amorem etià barbaris conciliet. Conciliauit apud Wandalum Seuero Zenonis Legato; Petro etià apud Cosroem Iustiniani Legato; aliisque apud alios. Iam amor à Legato ferè abit in vniuersam gentem. & admirari, laudare, amare populum incipimus, cuius Legatum admiramur, laudamus, amamus. tanta vis virtutis est. Ex vno enim ferè reliquos æstimamus: maximèque Principem. neque sub improbo impiòque capite, tam proba piàque inembra enasci arbitramur. è ramis de arboris trunco, è pampinis de vinea, è frumento de area, è frutice de radice iudicium ferimus. Neque quisquā facile sibi persuadet, pium ab impio Principe in Legatum deligendū. probitatis enim opinio venerationem prouocare solet: hæc fiduciam. magna namque fiduciæ prouocatrix probitas est; quæ radios suos eo certius inter hostes quàm inter amicos diffundit, quo maiores in illis censores, seueriorésque æstimatores sortitur. & plerumque vitia obtenebrat amor: hostilitas nihil abditum permittit; eruit etiam minima, & detenebrat denubilatq; quidquid amor integrit, & in plenum solem educit. Ut ille meritò pius probusque haberi debeat, qui hostili sententià pius probusque est. neque enim in laudibus mētiri odia solent, & commendationē in hoste æmulatio ignorat, sagacissima morum in inimico indagatrix: semper ingeniosum in hoste odium fuit, semper æmulatio solers. Laudat amicus? ne crede.

crede. mentitur amor; & dandū hoc amori est. Laudat hostis? crede. nihil in laudibus de suo addit; odiū adderet, si damnaver. Huc accedit, Deū ferē pietatis conatus felicitare, proborūq; studia prosperare. Sed & pietati plurimū moderatus quidā timor permixtus est, qui regula quādā prudentiæ est: cū temeritas nimiaque audacia stoliditatis mater sit. Perfectione carent abortivi partus, quales audacia protrudit. non carent illā quos prudens timor mensibus suis maturavit, & timidē ac verecundē protrusit. Studium proinde Legati maximum sit in pietate ac probitate cōsequenda. quā vnā se aduersus omnium calumnias ac insidias tutabitur, & in peregrino ac hostili regno laudatores reperiet: plurimāque pietati probitatique ab illarum admiratoribus concedi sentiet, quæ sine illis nequidquam sperasset. Cū verō pietatē colet, tum religionis fortissimus propugnator sit, à qua nullis se minis, nullo abduci auro patiat. omnibus his potior illi religio erit. Quid verō, si Princeps aliquid impetret, quod cum Deo & religione pugnet? obaudiet Deo & religioni, etiā morte propositā, gloriosiusq; sanguinē pro illa fundet, quā cōtra illam seruabit. Et quid, si furta, adulteria, parricidia suadeat Princeps, obsequendum erit? vetat Deus, imperat Princeps. vtri obtemperandū? audiamus Petrum: *Si iustum est in conspectu Dei vos* Actor. 4. *potius audire quā Deum, iudicate.* Verūm, si minas intenter Princeps, si exilia, si ferrum? audi Dominum: *Nolite timere eos qui occidunt corpus, animam* Matth. 10. *autem non possunt occidere; sed potius timete eum, qui potest & animam, & corpus perdere in gehennam.* Liberali stipendio Legati habendi.

Legatos suos profundi velim, vt non modò pro Principum dignitate ac splendore, familiæ suæ decus tueantur, sed & quod largiri possint habeant, nec redeât nisi domesticis fortunis aucti; aut ea sanè suppetât quæ augēdis satis sint. Miserrū, de suo legationem obire. miserrimū, per legationes suis exui ac exhauriri. periculo etiam plenum, aut egestate Legatum premi, aut alieno ære grauari, aut suis denudari. Grande malum necessitas, quæ non rarò integerrimorum naufragia peperit, ac Rempub. secum traxit. Vxor, proles, & egestas quid non audeant? & ad quæ non illidant innocentie ratem? Notum est quid possit desperatio: nota paupertatis inuerecundia. durū sua Principi profundere, & à quo augmēta sperabas, decremēta nasci, ac quasi præmia in illum, cui laboraueras, conferre. Non cadunt hæc in generosum Principem, quem nemo suorū beneficiis vincet. turpe beneficiis Principem vinci. Nec cadunt in prudentem. nemo prudens fidei suorum nauē egestatis scopulis illidit, ne in tabulas soluatur, & extrema malorū in extrema illorum rapiant remedia; discātque inimicas opes venerari, qui domesticis exutus est; & ad scenerariā hostilem arā vota deponere, qui domesticā careat. Amare, præmiari, fortunas suorū augere, Principis est: Deoque simillimum est, posse dare, & velle. irremuneratos suorū labores, ac quasi naufragos transire, nec Principis, nec patris, adeoque nec domini est; tyranni est, aut sanè inglorij pectoris, & sceptro indigni est. Et mihi quidem semper ea animo sedit sententia, tātò plus Principē accipere, quanto plus dederit, tātòque diuitari magis, quanto erogauerit magis: vt de-

diisse

disse accepisse sit. dona enim Legatos in sudorē & fidem impellunt. ac licet non desint, qui extra illa fidem seruent: nemo tamen tanto conatu in indotatam, quanto in dotatā fertur fidem. Neque ideo tamē fidē prodet vir bonus; sed nō extendet tanto nisu, nec redibit in Principē tāto scœnore irremuneratus sudor. industriā, diligentiam, vigilantiam, labores præmia exacuūt. tolle hæc, quis gratuitò erit bonus? ne malus quidem quisquā gratuitò est: quo minùs bonus. E maiore verò Legati labore ac conatu, maiora cōmoda, & regno suo emolumenta sperare Princeps potest. sperata præmia illa dabunt, magis collata & accepta: pinguescit enim legationis solum pingui donatiuā pluuiā, dominumque suū scœneriā redhibitione beat. plus nimirum toris & aquæ, plus fructuum.

Multæ hîc à non vltimis moueri quæstiones solet de Legati loco. Inueterata hæc annorum multorū scabies est; quis vñgue tangat, & non aliquā referat saniē: sed & ingens & valida partium pugna est. quis prudens mediū se coniiciat? hoc tamen dicam: Memor sit Legatus veteris consuetudinis, mandatorūque domini sui. peccare non poterit, si ab hac regula non decesserit. Memor sit, Orobazium Parthorū Legatū, quòd Syllæ nobiliorem in confessu sellam concessisset, necari iussu; & Demagoram mulctatum Athenis, quòd Persarum Regi gentilitiū cultum exhibuisset; Demadem etiam, qui similes Alexandro honores exhibuisset: quāto fortius Legatū puniuissent, qui indigniori cessisset? nō probo facta: narro. Prudentius mihi Theodosij Legatus, Persarum Regi obuiā factus ex equo descendit:

De Legati loco.

nam & ad honorem obstupuit barbarus, & petita concessit. Prudentiâ in his opus magna, aliquid etiam largiendum tempori. quòd si periculum subnatum, ne quid contra regiam maiestatem admittatur, subducatur se publicis his inuidiosis congressibus Legatus. non potest? ægritudinem semper adferre potest. nemo meritò huic indignetur.

*De Legatorū
uxoribus.*

Idem dico de Legatorum vxoribus. sequuntur illæ mariti conditionem in publicis congressibus: de priuatis nihil dico. quòd si quæ illustrior genere inferioris Principis Legato nupserit, viuet congressus publicos, ne infra generis dignitatem detrudatur.

*De mutuis
Legatorū vi-
sitationibus.*

Quod ad mutuas Legatorum visitationes spectat; qui posteriores veniunt, primi ab aliis visitantur. is solet nimirum honor aduenientibus deferri.

*De Legatorū
filiis.*

De Legatorū filiis in legatione natis hoc dicam, frui iisdē nascendi priuilegiis, quibus fruuntur in patrio solo nati. & barbarū videri possent, in regio obsequio versari, & obsequij pœnam in filio ferre, pro labore nimirum & benefactis pœnam.

C A P V T XXVII.

Quibus modis vitari peccata possunt?

I.
*Otium vitā-
dum.*

OTIVM deuota. Mens seriis distenta rebus, grauibusque & variis lassata vix locū peccato concedit. Hinc illud Bernardi: *Ex otio atque ignauia cogitationes prauæ, & concupiscentiæ multiplicantur, donec nauis cordis eis succubens in peccato pericli*

periclitetur. Ventorum ac tempestatū animi causā otium. hinc fœdæ pectoris iactationes, & fluctus decumanis sœuiore, & vix è tabula salus. Eripitur menti Deus sol magnus: succedunt tenebræ, & in vicem lucis nox alta, & densæ vndique nebulæ: atque exinde errorum breuia & scopuli, & miseræ mortes nullâ arte medicandæ. In Bernardi sententia est Polybius: *Otium perniciosissimum est, & fons & origo seditionum omnium*, scelerum omnium. & quid speres è fonte amaro, si non riuos amaros? quid è noxia scaturigine, si non noxia flumina? quid è venenatio torrente, si non funestos exitus? Confirmat Sapiens: *Multam malitiam docuit otiositas*: magnam improbitatis schola, scelerum officina; è qua tanquam è Vulcani specu, fornacibus, incude, quidquid vbique scelerum, procuditur. vt verè Iustinianus: *Sicut aqua, quæ caret decursu, & iacet in foueis, putrescit, & humano vsui aliena efficitur, repleturque animalibus venenatis & noxijs: ita & corpus otij tabe confectū, concupiscentiarum & voluptatum carnalium parit ac nutrit insaniam*. Remedium ab imperatoribus mutuatur Seneca: *Magni imperatores, cū malè parère militem vident, aliquo labore compescunt, & expeditionibus detinent. Nunquā vacat lasciuire districtis: nihilque tam certum est, quam otij vitia negotio discuti*. Omnia proinde vitia negotio discutias, cū fœcundissima malorum parens, omnia producat. Imitemur proinde belli Duces, qui militarem insolentiam laboribus frangūt, in armis ambulando, campum decurrendo, fossas & propugnacula moliendo, vt per hæc aliâque incommoda, bella pati discant. Nos insolentē carnem vitiâq; laboribus domemus. nullus sceleri locus

Eccli. 32.

scelera cadunt in oculis spectatoris? furta sanè & libidinē testis tollit. Addo illud Senecæ, verbis aliis, re idem: *Sic vive, tanquā sub alicuius boni viri, ac semper presentis oculis. sic verò facis quæcunque facis, tanquam si spectet aliquis.* quis mulierē aut aliena tanget, teste presente? Addit: *Omnia nobis mala solitudo persuadet.* nam in publico quis peccabit? secretum vitia poscunt. per pauci palam mali sunt. fugiūt conspectū scelera, secreto gaudent. Subdit: *Cum iā profeceris tantum, ut sit tibi etiam tui reverētia, licebit dimittas pedagogū: interim te aliquorum auctoritate custodi.* Sanctōrū ille aliquis sit, è magnis & grauibus, corā quo peccare nō audeas: Petrus, Paullus, Ioānes, Laurētius, Stephanus, Polycarpus, Basilus, Chrysostomus, Nazianzenus, Ambrosius, Gregorius, Augustinus, Hieronymus, aut quicumq; alius, cuius oculos & maiestatem verearis, & ad cuius frontē erubescas.

Ab Epicuro etiam venit: *Initium salutis notitia peccati:* vel in remediū, vel in fugam. firmat Seneca: *Nam qui peccasse se nescit, corrigi non vult.* imò non potest, quādiu illū ignoratio hæc tenet. *Deprehendas te oportet, antequam emendes.* Et quis emendet ignorata? cognitionē emendatio deponit. Subiungit: *Quidam viuis gloriantur: tu existimas aliquid de remedio cogitare, qui mala sua virtutū loco numerat?* non magis, quàm qui morbum pro valetudine bona habet. Claudis: *Ideo quantum potes te ipsum coargue, inquire in te: accusatoris primū partibus fungere, deinde iudicis, nouissimè depreccatoris. aliquando te offende.* Beatus, qui factus est accusator sui; magis, qui iudex: qui plus sēper aliis quàm sibi ignoscit: in alios clemēs, in se senerus, qui nusquam sibi parcat, nusquam blanditur.

Magna

III.

A peccati notitia remedia contra peccatū sumenda.

Magna hic de se promitter, magna dabit, nec multò, exurget in virum sæculo nō tantum suo, sed omni dignissimum, posteritati in imitationem, ætati suæ in exemplum, omnibus in admirationem & laudem. Deprecator deinde accedat: ac quasi à se pœnam deprecetur, meliora spondeat. Faciet, si se vereatur, si animum suum, si iudicem manum. magis etiam, si ad Deum decurrat, ad illius genua supplex rei personam induat, deprecatoris & supplicis. quanquam facilius hunc flectet, si iudicio se suo antè stiterit, pœnas de se sumpserit, & seueritate potius in se quàm indulgentiâ peccauerit. Non solet sœuire bis Deus: facilis in veniam est, si non facilis in se sit homo. qui quo in se asperior fuerit & durior, ac ad ignoscendum tardior, ad puniendum pronior; hoc benigniorem experietur in se Deū, flecti ad preces facilem, magisque ad vltroncas, nec imperatas pœnas.

IV.

*Consideratio
grauitatis
peccati.*

Consideratio grauitatis peccati, & molestiarum quas animo parat. Monet hîc Seneca: *Bona conscientia prodire vult & conspici: ipsas nequitia tenebras timet.* tanta fiducia est conscientie bonæ. amat videri, audiri, & secretum suum vult prodi. quia omne illi secretum à virtute, & in illam. quare nec testem auersatur, nec timet. At mala conscientia tenebras amat, & amicum etiam pectus ac oculos fugit. nox illi pro securitate, pro ferro & vallo est. amica enim sceleribus nox est. quanquam & ipsas tenebras scelerati timeant, & dum solitudinem quærunt, solitudine terrentur. Signa hæc grauitatis peccati sunt, quod nec dies securos, nec noctes patitur. Subdit Seneca: *Eleganter ab Epicuro dictum: Ideò non prodest late-*
re pec

re peccantibus, quia latendi etiamsi felicitatem habent, fiduciam non habent. ita est. tuta scelera esse non possunt; secura non possunt. quia prima & maxima peccantium pœna est, peccasse. nec ullum scelus, licet illud fortuna exornet muneribus suis, licet tueatur ac vindicet, impunitum est; quoniam sceleris in scelere supplicium est. Sed nihilominus & hæc, & illa secunda pœna premunt ac sequuntur: timere semper, & expauescere, & securitati diffidere. Addit: Hic consensiamus, mala facinora conscientia flagellari, eò quòd perpetua illa sollicitudo urget & verberat, quòd sponsoribus securitatis suæ non potest credere. Ideò nunquam fides latendi fit etiam latentibus: quia coarguit illos conscientia, & ipsos sibi ostendit. proprium autem est nocentium trepidare. Vera nimis hæc sunt, & quod miremur, ab Epicuræa & Stoica schola. Lætitia aliquando in sceleribus est, fiducia esse non potest; cùm nemo peccans sat animo fidere suo possit. quare nunquam securus sui est, cùm perpetuus eum teneat metus omni peccato implexus, perpetuusque agitet timor sceleris indiuiduus comes. neque cuiusquæ faciliè conscientia tam altè sopita est, ut sceleris aculeos non sentiat. Emoritur non raro caro, & ignara doloris iacet, & frustra ferrum sæuit. non accidit hoc animo. sentit stimulos, & factus carnifex sui, non dies, non noctes patitur securas, ac in medio scelerum monet, omniæque etiã tuta timet; parietes adeò, & domus suæ tecta, lectum, mensam, enssem etiam suum: & quæ in tutelam aliis, ipsi in mietum sunt. ita nulli, nocens conscientia, dum fidit, nulli satis tutò se committit. in fronte etiam scelera sua legi arbitratur. ita proditor sui scelus est.

Nihil

Nihil cuiq; nouum, metum hunc pauorémq; peccato innexum, si sceleris cuiusque atrocitatē consideret, si diuinorū pręceptorū magnitudinē, si imperātis magni Dei augustā maiestātē; si violata imperia, nō Regis, aut magni Ducis, sed prępotentis Dei; si temeratā Christi mortem, & sanguinē pro salute nostra tā prodigē fustum, quā prodigē à peccatore neglectū & calcatum; si inauditā sæculis, in omni barbarie, ingratitude spretam deletāque ingentium in nos diuinorū beneficiorum memoriam; si nullo vnquam æuo moriturarum inferorū pœnarum acerbitem; si cælorum & felicitatis æternæ exilia æterna.

V.

Consideratio
fœditatis pec-
cati

Ipsa peccati fœditas meritò terrere & auocare à delicto debeat. Et hinc illud Bernardi: *Quis nostrūm exteriorem hanc vestem, quā tegitur, si repente obscantis undique sputis illitam, & fœdissimis quibusq; sordib; inquinatam consideret, nō vehementer exhorreat, non velociter exuat, non indignanter abiciat? itaque qui non vestem, sed seipsum intus sub veste talem reperit, eo ampliùs doleat, & animo confertetur oportet, quo propiùs tolerat quod exhorret.* Et quid fœdus, quā hominē Dei magni imaginem per peccatum imaginem induere dæmonis, diuini nominis iam inde à primordio hostis acerrimi? & hostilia circumferre signa? ac in inferorum acie contra Deū stare? Facit hoc omnis peccator, scelere ipso inimicus factus Dei, dæmonis amicus; & iuratus hostis Dei, iuratus amicus, seruus & miles dæmonis, & pars hæreditatis huius in ignibus æternis peccato debitis.

VI.

Magnū mo-
mentum ad
peccati fugā
in præsentiā
Dei.

Cogitatio præsētis & intuentis Dei. Seneca monet: *Ubique & omnibus præsens est.* Et alibi: *Quācūque te flexeris, ibi illum videbis occurrentē tibi. nihil ab illo*

ab illo vacat : opus suum ipse implet. Præfens ergo Deus omnibus, si in omnem flexū tibi adest. Addit: *Quem in hoc mundo locum Deus obtinet hunc in homine animus.* Hunc vrcò vniuersum hominem occupare, præsentemq; vbique corpori esse, omnium Philosophorū sententiā discimus. Occupat ergo ex sentētia Senecæ, omne vniuersum Deus: quo fit, vt præfens adsit omnibus, intueaturque coram omnia, nec quidquam illum lateat, vt nec animam corporis : ac ne cogitationes quidem nostræ. Vnde illud Epiḡcteti : *Deus est prouidens omnia, & quem latere non possis, non modò si facias aliquid, sed etiam si cogites, aut in animum inducas.* Potuit aliquid Christianius, & ad rem nostram clarius? Nec minùs Seneca: *Propè est à te Deus, tecum est; intus est, ita dico, facit intra nos spiritus sedet, malorum bonorumque nostrorum obseruator & custos. hic prout à nobis tractatus est, ita nos ipse tractat.* Benè, malè; pro meritorum magnitudine, præmia penâsque designando. hunc ergo qui credit, qui cogitat, præsentem, intuentem, præmiantem, punientem, qua fronte. aut non sequetur imperantem, aut imperata negliget? Quis in oculis Regis, regia violabit imperia? quis, præfente iudicè, sanguine luenda committet? & ad regias indignationes, ad iudicium minas retrahimus manum, non retrahimus ad magni Dei? ad illorum trepidamus oculos, & scelera ponimus, non trepidamus ad Dei? stamus interriti inter omnes cui penas, non stamus ad perituras. ad has concidimus animis, erecti stamus ad æternas. Quid dicam? iudicem veremur hominē, non veremur iudicē Deum. Quid? quòd parentum vultum in crimine

crimine pertimescat filius, non pertimescat Dei. Quis credat colorem stare posse in scelere, Deo teste & iudice? Aut credere hunc tu Deum putas, qui præsentis & intuentis imperia contemnere audeat & calcare? Non credit. retraheret à scelere manum, si crederet. pergit in incepto, & scelus scelere funestat? non credit. non faceret, si crederet. Videbis hoc in Rege, in patre, in iudice.

VII.

*Potens cōtra
peccatū re-
mediū amor
Dei.*

Dei amor. Da proinde mihi verè amantem, dabo à scelere immunē. cū enim omnis amans pro amati incolumitate vitam sanguinēque suum contemnat, lætus de interitu, qui meliore se vitā viuerē in amati pectore putat, quā in suo; nunquam grauius amatum offendet, qui pro auertenda amati iniuria vilem sanguinem suum arbitratur, proque eluenda illius contumelia vitam pro spongia deferet. At nulla grauior offensa scelere est, nulla acerbior iniuria, nulla contumelia maior. & quis credat amare te quem contemnas? quis amare, cuius amica imperia negligis? cuius mandata transgredieris? cuius hosti obsequeris? cuius inimici signa miles sequeris? cuius hostili te sacramento obstringis? Fieri hoc in omni scelere totius nulli notius, quā unicuique nostrū est, cū in omni diuini præcepti transgressione, monentem, minitantem, spondentem negligamus Deum; sequamurque dæmonem Dei hostem. non amat ergo qui peccat. neque enim peccaret, si amaret. & antè per omnium carnificum ingenia vitam poneret, quā se scelere contaminaret, si amaret: lætiūque illi foret, per ignes, ferrum & tormenta animam in amati sinum iaculare, quā offendere amatum,

neque

neque enim quidquā illi grauius amari offensā: non fortunarū profusiones, non famā, non sanguinis. Non amat ergo Deum, qui sceleribus offendit. aut, si quid amat, scelera & scelerū auctores amat, quos sequitur: dæmonēsque amat, quorum monita præponit diuinis. non præponeret, si Deum amaret. præponere, non amasse, adeoq; & odisse est. nam cum sequi amare sit, sequētes dæmonum monita amare dici possunt. quos qui amat, amare non potest Deum. nullus amor ad inimica extēditur: neque pugnantia mutuō amare possumus. At nulla pugna certior, nulla grauior, Dei & dæmonis. hunc ergo qui sequitur neglecto Deo, odisse debet Deum, cuius iuratis hostibus adhæret, & inimica cōsilia amplectitur. quæ nemo amabit nisi hostis. Nulla sanē certior amoris contestatio, quā amica sequi consilia, & amicam amici explere voluntatem. Hoc qui in Deo fecerit, à scelere & offensa mentem & animum retrahet: & vbicunque hostilia consilia senserit, memor amoris sui in Deum, antè inferorum lubens volēsq; subibit tormenta, quā amoris transiliet leges. Addo: illam esse Dei præstantiam, vt nihil in eo, sit non amore summo dignissimum. Vt meritō quidquid in nobis amoris est, in vnum profundere debeamus Deum. Erit verō hoc testatissimum nostri in illum amoris signum, si diuina illius imperia expleuerimus.

Succedat amori timor. monet Bernardus: Si amor Dei te terrere non potest, saltem terreat te timor iudicij, metus gehennæ, laquei mortis, dolores inferni, ignis urens, vermis corrodens. Præcedit amorem timor, fateor. sed ita cōparatum est, vt plus

VIII.

Magnū inter peccati remedia, timor.

H h

ferē

ferè in peccatorum fugam possit, timor, quàm amor. ita naturæ quodam vitio imus in seruos. O si prudens hic timor animos occupet, & magni Dei metus; quis eat in scelera? quis potentiam cogitabit, hanc inoffensam cælorum varietatem, tantâ arte pendulam terram & immotâ, cum circa se interim properantis cæli perpetuâ fugam spectet, tot circumfusa & infusa terris maria, pluuias, niues, grandines, elisorum fulminum iactus, montium incendia; hîc labantis soli tremores, ibi in mediis fluctibus calentes aquas, insulâsque è vasto Oceano enatantes; alibi nudari littora pelago in se recedente, & rursus operiri, cresceréque ac decrescere ad lunaris sideris imperia, & non exclamet: O numen! ô magnum! ô nullis terminis clâusum! Quæ qui crediderit, & altè in animum demiserit, quâ fronte tanti Numinis imperia negliget? Cogita, hanc vniuersi machinam verbo vno sterisse, verbo dissoluendam; & ab illius manu, quidquid vbiq; est, ita pendere, vt, si momento hanc subtrahat, momento intercant omnia. Quis ergo paullo prudentior non meritò exhorreat hanc manû, à qua tanquam à pertenui filo vita salûsque omnium pendet? Et quis non fatuum arbitretur, qui in vnius quasi aleæ iactu fortunas omnes vitamque statuat? stolidior est, qui illû offendit, cuius magnitudini, potentiae, robori resistere nulla vis potest, nulla industria aut prudentia effugere. Et quis nõ meritò timeat illû, cuius supplicia æternitati cõmensuratur, quique impunitû nihil trãsit, nisi quod vltronea pœna dilucrit, parique æquitate, vt premiat, ita sæuit? Nullus illi delectus, nisi à virtute, à qua sola discriminat hominès. Vt

sum

summo iure timere debeamus potentem illius in vindictam manum; vt amare, facilem in præmiationem. Et sanè si noxiam, vbique terrarum, multitudinem, si innocuam paucitatem, si in grauiora indies labentium numerum, si stàtium raritatē considerauerimus, non meritò perpetuo timore natabimus? non loquor de densa gentilitatis nube obfessis, non de Iudæis orbe toto in vindictam dispersis, omnium regnorum, & nullius incolis, nō de iis quos hæresis in penam seposuit; inter Christianos veræ fidei notā insignitos, quàm pauci dic vnâ stant in gradu! hic opere, cogitatione prolabitur alter. Beatum, qui fræna voluntati iniecit prauæ, qui carnem strinxit vinculis, arctauit compedibus, calcauit fastum, contempsit aurum, posuit iram. è multis millibus nescio an vnum reperias; duos reperisse pro miraculo erit. Et verò admirandum illud Scripturæ: *Præter Dauid & Ezechiam & Iosiam* Eccli. 49. *omnes Reges peccatum commiserunt.* Nec Dauid tamen immunis à peccato, licet ab idololatriæ scelere immunis steterit. ab Vria, à Bethsabea, à populi subductione immunis non fuit. Ne fide quisquis es, purpuræ, non fago, non opibus, non tritæ lacernæ. Et quid post Salomonem & Samsonem prudentiæ fidis aut robori? Post Tertullianum, Origenem, Calaritanum, Hosium, quid eruditioni fidis? adderem Cyprianum, ni sanguine errorem diluisset. Et quid post saccum & cinerem, post quadraginta & sexaginta annorum lacrymas, & portenta in Ioanne & Paulo cremi cultoribus, integritati, & anteaetæ vitæ fidis? Quid Mariæ olim lepra, Aaronis & Moysis exilia loquuntur? quid Petri lacrymæ? quid

Marcellini cilicia? *Solus timor Domini securitatis mater* anteuertere pericula, auertere damna potest, manum ille lapsabundo porriget, cadentem eriget, firmabit gressum, & inter aduersantia tutabitur. nimia verò fiducia sui deruxerit stantē, proteret cadētem, præsidio nudabit, armatis inermem obiiacet hostibus, ridendūque tandem omnibus propinabit.

IX.

Mortis consideratio. De hac Chrysostomus:

Potens cōtra peccatum re mediū mortis considera- tio.

Mortis futura expectatio haudquaquam finit, ut *quas in manibus habet voluptates, seu delicias sentiat.* Excudit hunc voluptatis sensum seria mortis recordatio, & in absynthium mella vertit. & Iustinianus: *Necessario namque timor & consideratio futura mortis, mentem concutit, & quasi eleuans omnes carnis motus & superbia, ligno crucis affigit.* Siue Christi in sequelam & amorem, siue in terrorem & fugam, siue denique tanquam in ligno, primos vitiorum motus & afflatus suffocando. Et verò quid non potest, non extremis digitis, ac quasi per capillum, sed toto mors corpore cogitare? Nulli hæc ætati parcit, nulli dignitati; hic adolescens decessit, infans alter, senex alius. ita primos in medio præscindit flore, mediorum interrumpit principia, & in semine etiā perimit, hos maturos excipit. Sed neque temporī indulget, hic enim inter cænandum soluitur, alteri continuatur mors somno; vix inchoatam voluptatem & honores funestauit alius, & secuit gaudia & speratas sæpius quàm occupatas dignitates. ille ferro, veneno alius aut ruinâ, lento alius stillicidio, celeri alius, & tanquam valido imbri aut fluctibus oppressus, aut fulmine tactus iacet. Inter tam dubia, tam varia, tã subita, qua

quæ securitas? aut quis peccandi animus inter tã incerta? Quid? quoddam quodidie moriamur, singulisque horis vitæ pars aliqua dematur: nam, & cum crescimus, decrescimus, ac momenta ipsa cum morte diuidimus. Clepsydram cogita, siue veterem aqueam, siue recentiore areariam. non per stillicidia & arenas pars superior euacuatur, impletur inferior? Eadem de vita cogita. delabitur momentis singulis aliquid, & euacuatur præsens vita, ac aliud diffluit. Miseri mortales! ipsi nos fatigamus ac propellimus, & posterior vitæ pars priorem premit, ac excutit, à sequenti excutienda. ita nihil hinc tutum, non hora horæ, non momentum momento: & tamen viuimus, ut victuri semper, cum nullâ non horâ moriamur. Beatus, cui omnis dies postremus; beatior cui omnis hora; beatissimus, cui omne momentum. abstinebit à scelere manum, quisquis omnem horam decisoriam putat, quisquis omne momentum, ultimum. O spes inanis, quantos in fraudem impellis! quantos dum promittis senectam, in medio secas cursu! Euenire proinde credas posse tibi, quod multis. Quanti iacent nocente mente, innocente licet manu! quàm multi inedita & tantum crimine, mortem repeterunt! quàm multos medio in scelere, occupauit mors, & medium secuit crimen! quàm multi in ipso sceleris conatu abrepti, temerarij ausus poenas dederunt! quàm multi in ipso inchoari sceleris momento, scelus morte clauserunt! Quid, si ex horum numero sis vnus? aut quæ certior tibi hora, aut momentum, quàm alteri? Iam quis ab illa mente crimen expectet, quæ cum crimine mortem expectat, cum morte poenam? Nemo prudens

inter Oceani fluctus in tabula ludit: nemo ab ingenti præcipitio pendulus scelera meditatur: nemo inter medios armatos hostes inermis hilarescit. Stolidior his est, qui in perpetuo mortis metu, omni horâ dubiâ, omni momento, ea audet, quæ æternum infelicem afferunt mortem. O fatui! quousque timemus in æternum puniendi?

Futurorû expectatio. Est hoc illud Sapiētis: *Si annis multis vixerit homo, & in his omnibus letus fuerit; meminisse debet cenebricosi temporis, & dicens multarum, qui cum venerint, vanitatis arguentur præterita.* O nimis serâ pœnitentia, serâ prudētiâ! Et laudē quem non omnino fatuum non moueat futurorum cogitatio præmia, & pœnæ æternitati commensuranda quid non possunt? Quis prudens beatâ æternitate propositâ, ob vnius propè impementi gaudium, & voluptatē, & vindictâ, æternum excidere illâ, vult? quis, propositâ felici gaudiorum, dignitatum, voluptatum æternitate, & volaticâ humanâ hilaritudine, hanc illi præferat peritura, fors hodie, fors hæc horâ, quis æternis sapiens aut pœnitens quis rapidissimi temporis celeritatem, quam citatissimâ pernicie, vixius quam percurrimus, nullo ævo morituræ gloriæ, opibus, voluptatibus præponat? aut quis illam deligat, has destituat, prudens? scire à quolibet grauiore delicto æternitatem pendere, felicem, infelicem, nullo ævo ponendam, ipsique adeo Deo commensurandam; & scelere se aliquem cōsaminare, quod beatitudine excludat æternam, pœnas adducat æternas, maximè iuxta dubiâ vitam & morte, à qua momentum nullum liberû, quis credat? & quis cui spondeat horam post

scelus

scelus

X.
Eccles. ii.
Plurimū in
peccatorum
fugam valet
futurorum
expectatio.

scelus alteram? quis aded momentum doloris & pœnitentiæ vnum? & in tanta incertitudine, tam subia re, periculis se scientem volentemque exponere salutis æternæ, ignis æterni, sponteque se flammis inducere non morituris, gloriâ exuere æternæ? Quæ vnquam ætas tam efferam tulit beluam, quæ in aliam plusquam vnâ morte sæuiret? ut quis carnifex; quis tyrannus non fuit contentus morte, aut mori post mortem docuit? senel occidisse cuicumque barbaræ crudelitari satis fuit. At peccator humanitatis ac clementiæ immemor, immemorque sui, omni belluâ & tyranno sæuior, non contentus semel in se sæuisse, fuit æternum, quasi non expleat sæuitiam, nisi æternum in se sæuiat. Hæc scire, & imperia magni Dei transgredi, à quibus æterna cælorum pendent exilia, ignesque æterni, in quibus corpora æternum vruntur & durant, quasi vitam subministrant flammis, & pœnarum materiam? hæc agitari, & toties à Deo denunciari, nec manum nos à sceleribus retrahere? Quis sanus, ultro se in ardentem immittat fornacem, & precipita amet & ferrum? Stolidior est, qui per scelera pœnis se inuoluit æternis, pabulum factus ignis æterni. Quæ qui tacitus serid secum cogitat, non fræna iniiciet cupiditatibus, & labâtem reprinet dextram, & meliorem coget ire viâ? At grauis me tenet tentatio, cogitque nolentem. mentiris. nemo nolens peccat. hinc illud Stoici: *Valentur omni impugnatione animus est. in vtramque pariem ipse res suas ducit, beateque ac misera vite ipse sibi causa est.* Deo in primis manum porrigente: quam negare benignitas illius, bonitâsque infinita non solet.

Dices: Miserum est in perpetuo futurorū timore viuere. Potes hanc miseriam vitare. fuge peccatum. quod qui euitauit, extra timorē est, & extra omnem se metum ponit, quisquis integritate scelerisque purus, innoctuā circumfert mentem. Sed nihil videtur miserius & stultius, quā prætumere, & malum suum antecedere. peccatū caue, & non prætinebis; nec malum malo auerte, sed malum bono, si dignam Deo & cælestitam duxeris. Verū, non calamitosus est animus futuri anxius, & ante miseras suas miser non eris futurorū anxius, si diuinis imperiis obaudiueris. anxietas à delicto venit. tolle hoc, & illam sustuleris. At, quid iuuat nunc timere, nec dolere? non plus dolet quā necessum est, cui antè dolet quā necessum est? ne sit necessum nunc dolere, virtus dabit, & vitiorum fuga. quæ si ceuitas, nunquam antè dolebis: demes enim doctorem & timoris causam. Vt meritò moneat Seneca: *Metuenda declina, & quidquid consilii prospici potest, prospice: quidquid laesurū est, multo ante quā accidas speculare & auerte;* & nec timebis, nec dolebis. timere interim peccatū debes, quod te ducit ad æternū timenda, pœnitenda. timor hic salutem dabit, & altam menti tranquillitatē.

XI.

*Pœnitentiā
peccata diluenda.*

Si quid interim peccatum, si qua Dei offensa intercurrerit, pœnitentiā perlauiabis. Sequere tantum monentem Deum, & rape hanc occasionē inopinatæ felicitatis, vt diuini nominis per peccatum hostis, flammarumque æternarum heres, arbor fias quæ non ignem, non securim metuas, pœniteat tantum delicti, pœniteat amasse, quæ non amauit Deus; secutū fuisse, quæ venit Deus. aderit ille, à cuius afflatu dolor hic venit: neque enim

enim frustra extimulat mentem, & ad se vltro inuitat. Quate nunquā post delicta succidendus aut subruendus est animus desperatione, etiam si secundæ quis aut centesimæ pœnitentiæ debitor fuerit. pigeat rursus peccare, sed rursus pœnitere non pigeat: pigeat iterum periclitari, sed non iterum liberari. Neminem pudeat iteratæ valetudinis, iteranda medicina est: & quod deliquit corpus, pari discat in delinquentiæ expurgationem, sacco & cineri incubet, peccatorum hilaritudinem mœroribus detergat, ieiuniis preces alat; memor ieiunia in sinu Abrahæ in paupere recreari, conuiuia verò in diuite apud inferos cruciari. lacrymis detergat sordes, & quidquid crimen inquinauit, fletibus diluat; inuerecundiā pudore tegat, & expansam in scelera frōtem verecundiā obducatur; ad deprecandum fortis, qui fortis fuit in delictum. Mutas imitetur & irrationabiles animas, quæ diuinitus sibi medicinas attributas in tēpore cognoscunt. Ceruus sagittā transfixus, irreuocabiles ferri moras dyctamno expellit; oculare hirundo de sua chelidonia pullos nouit: quo magis peccator institutam sibi à Domino exhomologesin suscipiet, vitæque ac cultus castigatione, offenso Domino conciliabitur, & quæ aliquando exhibuit membrâ famula immunditiæ & iniquitati ad iniquitatem, famula nunc, monēte Apostolo, exhibeat iustitiæ in sanctimoniam; vt hac ratione salutē in se æmulo quodam modo redaccendat, dum per quæ offendit, Deo satisfacit, ac per virtutes vitiis aduersas, contractas noxas expiet. Durum hoc alicui. at quanto durius perire, & cælo excludi? quid refugis medicinæ præsidium ager?

stultū est perire malle, quā curari. secari, inuri, extendi, morderi vult æger, vt malum tollat, morbum pellat. non quodd hęc amet æger. amat salutem, quam non nisi per illa parandam videt. Aliquid tamen hęc horroris est de ferro & incendio. non nego: sed horrorem operis fructus excusat. Hinc illa præmia medico, post ignes & ferrum, & de artifice curatione, laudes. Eadem cogita in animorum post peccatum morbis. medicina ægro adhibenda animo est, Deo placando, saluti reparandæ; nec grauis illa videri peccatori debet. cinere & lacrymis flammæ restinguuntur, gaudia parantur. Et quid illa ad beatitudinem æternam, ignem æternum? nō leui pretio cælum paratur, tormenta exsoluūtur? quid enim pauca lacrymæ ad æternorum bonorum consecutionem, malorumque æquē æternorum fugam? Et quis damnatus ad triremes, funes, securas, non redimat, si possit, damnationis. suæ tyrols, sacco, cinere, lacrymis? paucioribus etiam offensus conciliari potest Deus, & abiudicata cælorum regna redhiberi, & inferorum deleri pœnæ. Quis credat fatuitatem in homine, tantam reperiri? eripi flammis posse: nolle. donari regnis posse: polle. imò illas velle: hęc nolle. Quid? amare dico flammam, odisse regna. nō amat illas, qui vltro amplectitur, qui causam præbet volens sciensque? odit regna, qui contemnit, qui negligit. contēnit, quisquis oblata respuit, quisquis paruo emenda negligit. Facit hoc omnis peccator, qui leui peccati pretio flammam mercatur æternas: cælorumque se gaudiis, honoribus, opibusque excludit æternis, dum paratam sibi cælo hereditatem, cælo debitam, potentia cū

Esau,

Eſau, primogenita vendit. Ignoscendum, ſi futurorum ignarus cælo excideret, & in cæcos ignes præceps volueretur: nūc cū vtriuſque præſcius, vtrò ſe inuoluit peccātis, regnique in hiſ hereditate ſe ſpoliet, vt heres fiat flammarū, quis excuſationi locus erit? Nec opus hīc magno molimine, non cæſtibus, ferro, ſanguine: ſolā fugā vinces. victoria in illa eſt. Quod ſi tamen laberis, animos reſume. firmior non rarò poſt lapſum greſſus, certè cautior eſt. periculorum meminit, qui cecidit. damna timidum faciunt, timor prudentem. innocentia ferè nō cauet, quia non metuit, quo pronior ſæpè in lapſum eſt. Securius tamen feliciuſque non cecidiſſe eſt. non cades, ſi ſclerum initia in capite ſuo ſecaueris. Tenuia illa ſunt. at à paruorū ſectiōe ſecuritas omnis. Doctè & prudenter Nigronius noſter, in omnibus magnus, in minimorum tractatu maximus, à minimis maxima omnia pendere, vt à fontibz ſuis flumina, docet. Incumbe hiſ minimis, qui quis ſalutem amat, & magnorum omnium victor ſtabis. negligis? cades in maximis. ſolā victoria à minimis venit. ne ſperne hæc parua ad maxima viam ſternunt. nec ad hæc niſi per parua eſt aditus. Quid? quod ſolā minimorum fugā, imò ſolā cogitationum ſuaui declinatione, ſtare ſclerum omnium victor poſſis. Docet hoc Nigronius deſce, ſequere: & victoriam in minimis magnorum omnium ſpondeo.

LIBER



LIBER SECVNDVS

D E

PRINCIPE.

CAPVT I.

*Quis in principatu parando, tuendo, modus
tenendus?*

*Regna &
principatus,
unde primū
nata.*



RINCIPATVS & regna parentes, electio, arma dederunt. Nascendi fors felicior. electio, optimatum aut populi fauore constat. armis quæ parantur, nostro & alieno sanguine mercamur. Quæ à maioribus tradita, facillè tuearis. obsequendi enim consuetudo, & præteritorum memoria, difficilia facilia reddunt, & necessitatem quamdam imperandi cum natiuitas dederit, etiam parendi dedit.

Electio, quæ fauore continetur, fauore absoluitur: licet rara in humanis felicitas sit, imperiū fauore occupatum, fauore tenere; cum ferè innatā mortalibus mobilitate, non diu eundem affectum teneamus. ita nouarum nos rerum cupiditas, veterū fastidium tenet. scabies nimirum
nos

nos quædam rerum habet: volumur, & vertimur, & graues ipsi nobis sumus. Pudore tamen electio continetur, ne repellere videamur, quod vltro delegimus. inconstantia scilicet notam fugimus, & pudet videri quod sumus. Bonos proinde Principes electione expetimus, qualescunque deinde toleramus.

Armis quæ parantur imperia, armis tenenda sunt. Nemo vim passus voluntaria obsequia præstabit. amoue metum, non inuenies obsequentem. Et quis seruorum famuletur, si libertatem ostenderit? quis libertatem ferro ereptam non reparabit, si ferrum abstuleris? iisdem ergo artibus, quibus imperia parantur, tenenda sunt, fauore, virtute, armis. Verum, ut ille, ubi pro labore, desidia; pro continentia & æquitate, libido & superbia; addo, pro vigilantia & fortitudine, ignauia & socordia; pro mansuetudine & benignitate, ferocia & crudelitas inuasere; fortuna simul cum moribus immutatur. Quod si quis flagitio & scelere imperium consecutus fuerit, perit virtute ac bonis artibus tenebit. &, quod miremur, solum Vespasianum, omnium ante se Principum in melius mutatum accepimus. ita raro imperia meliorem dederunt: deteriores dedisse, Israël nos, & omnium gentium Historia docent.

Et sanè perdifficile ante imperium iudicare est, meruerit quis illud, an secus: ubi adeptus fuerit, facillimum. quæ enim latebant antè vitia, & insepulta cineri suo iacebant, cum purpura erumpunt. non quod antè non fuerint; sed materia deerat. Da vina, aurum, mulierem, imperia, videbis quæ temperantiâ, liberalitate, castimoniâ,
man

mansuetudine; quâ etiam intemperantiâ, auaritiâ, incontinentiâ, crudelitate sit. produnt plurimum, non producunt, scelera noua dignitates. Quid? quod priuata fortuna vitia ferè tegat, quæ publica retègit, & prospectanda præbet. Hinc, qui in obscuro vitam agunt, si quid iracundiâ, auaritiâ, libidine deliquere, latent, & obscuritate suâ tanquam densâ vndique nube & tenebris integuntur. Qui verò in excelso ætatem agunt, omnium oculis patent. atque hinc, quæ apud priuatos iracundia, ea in imperio superbia ac crudelitas appellatur. Quo magis prouidos esse decet, & ex fortuna sua, dicta factaque merentes.

In hereditario imperio quid faciendum?

In parando verò imperio, quod à parentibus acceperis, non magno opus molimine est, cum vterus, non virtus illud largiatur; felicitatisque, non prudentiæ, sit è Regibus nasci: & parentibus illud, non moribus suis, debeat quisquis illud sortitur. Nec aliud hîc habeo, quàm rogandum Deum, vt quàm optimos ac prudentissimos Regibus liberos largiatur. Quod si digna Christianis Principibus educatio accesserit, sperari magna possunt, sin per ignauiam & libidinem iuuentus ducta fuerit, nequidquam spera. quâ cœpit viâ, claudet. tantum educatio potest, vt, quæ ab utero & vbere erant seminis boni, suffocet. Fæcundiora enim bonis mala sunt. nec quidquam facilius, quàm boni fruticis semina zizaniis opprimere. Quo magis suorum educationi inuigilandum Regibus est. degeneres enim frutices nec parentibus parcut.

Quid faciendum in electiuo imperio?

In electiuo principatu maiori opus conatu, cum ferè imperium virtuti deferatur, prudentiæ; mili

militari peritiâ, robori, iustitiâ, clementiâ, constantiâ, liberalitati. Parandi ergo popularium animi virtutis opinione: ac cum studiosissimè vitia regenda sint, tum quidquid virtutem redolet, effundendum est. palàm etiam ostentanda virtus; sed ita, ne ostentasse videaris, ut alieno potius ore, quàm tuo prodarur. Publica in hac re munificencia magnum pondus habet: magis etiam priuata. nec ullâ ferè re potentiùs hominum animi capiuntur. Quòd si exterior quædam beneuolentia ac comitas, honorumque præuenio, & amica compellario accesserit, incredibile dictu quantum momenti addat. Prudentiâ deinde opinio plurimum potest. Hanc sibi non magno molimine parabit, qui nihil sine matura deliberatione aggredi consueuerit: qui ad res non volauerit, sed iuerit: qui sententiam rogatus à nimio sibi calore temperauerit, maturæque deliberationi maturiora verba, lenràque magis ac frigida, quàm volatica & æstuantia adiecerit. Defæcanda nimirum vina sunt, si bona velis. nam in primo illa æstu, dum adhuc spirant torcularia & fumant, quis bibat? Cauendū verò studiosissimè, ne ambiuisse principatum videare. quin, si qua iniecta mentio fuerit, longissimè propelles. Dignum principatu videri, nec ambiuisse, parasse est.

Qui verò vi & armis regna parant, difficiliorem conditionem nacti sunt: rapientibus enim imperia nihil medium inter summa, & præcipitia. multa hîc audenda. & temeritas non rarò sceptro viam strauit. Vbi ingressus fueris, aderunt studia & ministri, nouarum maximè cupiditatum, & spe fortunæ melioris. Prima

pro

*Quid facien-
dum ijs qui
armis impe-
rium para-
runt?*

proinde hîc magis in arduo sunt. quæ ubi vice-
ris, reliqua sequentur. Et ferè hominum plerique,
odio præsentium veterumque ducti, & mutationis
libidine, suis etiam periculis latentur, & animos
occupanti addunt. quasi in turbido sæcundior
piscatio sit, malaciam oderunt. Ac nescio quomodo
in omni propè regnorum occupatione pulcerrima
nomina prætexantur religionis & libertatis;
paucique in hanc diem alienum seruitium ac
dominationem sibi concupierunt, ut non eadem
nomina usurpauerint. speciosa vocabula. Reuera
dominandi libido bellorum causam dedit, cum
maximum honorem in maximo semper imperio
Reges posuerint. causæ tamen aliæ vulgantur.
Neque cuiquam vicina remotæque regna
inuadenti causa defuit, nec deesse ambitioni
causa potest. ingeniosa est. & satis ambiuisse
est, ut causam reperiat. Nec finem ambitio,
& supra ceteros eminendi desiderium nouit.
hinc ultra solis Oceanique vias imperia
quærit. Terrebant olim maria. hinc illud,

Illi robur, & æstriplex

Circa pectus erat, qui fragilem truci

Commisit pelago ratem

Primus, nec timui præcipitem Africum

Decertantem Aquilonibus,

Nec tristes Hyadas, nec rabiem Noti:

Quo non arbiter Adria

Maior tollere, seu ponere vult freta.

Quem mortis timuit gradum,

Qui siccis oculis monstra natantia,

Qui vidit mare turgidum, &

Infames scopulos Acroceraunia?

Andax

Audax omnia perpeti

. Gens humana, ruit per vetitum nefas.

nunc enauigatus orbis lusus est. & magnū illud esse incipit, nihil domi habere nisi armis, & per iniuriam partum, nisi innoxio sanguine & lacrymis lotum: ac nisi ex alio orbe præda agatur, vilis est. vicinitas vilitatem dedit, pericula pretium. Nec defunt, qui Romanorum æmuli, à parvis initiis magna sibi spondeant, orbis imperium. nec vno contenti, quo satiari Roma potuit, plures spirant. tanta animis fiducia insedit.

Audiant quid ille de suis: *Nolite astimare maiores nostros armis Remp. ex parua magnam fecisse. alia* Regnorum
magnitudo &
quibus?

fuere, quæ illos magnos fecere, quæ nobis nulla sunt. domi industria, foris iustum imperium, animus in consulendo liber, neque delicto, neque libidini obnoxius. pro his nos habemus luxuriam & auaritiam, publicè egestatem, priuatim opulentiam. Laudamus diuitias, sequimur inertiam: inter bonos & malos nullum discriminē est. omnia virtutis premia ambitio possidet. Neque mirum. ubi vos separatim sibi quisque consilium capitis, ubi domi voluptatibus, hinc pecunie aut gratiæ seruitis; eò fit, ut impetus fiat in vacuam Remp. Dum enim vacuatur illa nouorum imperiorum studio, nouas sedes nouis ciuibus parare videtur. Insanus amor magnitudinis, & infinita crescendi cupido quid non audet? Addam hinc illud Stoici: *Multi ignem inferunt urbibus, inexpugnabilia sæculis prosternunt, multi ante se agunt agmina, & tergis hostium graues insistant, perfusi gentium cede. Sed hi ut vincerent hostem, cupiditate victi sunt. nemo venientibus restitit. sed nec illi ambitioni & crudelitati restiterunt. cum agere visi sunt albos, agebantur. non illi ire volunt, sed non possunt*

li stare.

*Insanus
amor regnandi.*

stare. nō aliter quā in præceptis deiecta pōdera, quibus eundi finis est, iacuisse; quicū omnia concuterēt, concutiebantur, turbinum more: qui rapta conuoluūt, sed ipsi ante omnia voluuntur, & ob hoc maiore impetu incurrunt, quia nullum illis sui franū est. Doctē, & verē. Aguntur quicunque noua imperia cogitant, immodico cupiditatis impulsu. Et quod ille de suis, *Vt una ciuitas emineret, in humani generis perniciem nata, orbem subiugauit innoxium;* ego de

Saculi nostri ambitio ueretur superuat.

sæculo nostro dicam. Ipsi naturæ vis paratur, & ultra Oceanum solēque fatuo ausu nouę sedes quæruntur. nec satis nobis instrata nauibus maria iacere, etiam glaciem nauibus scindimus, & vim naturæ inferimus. ita præcipites ad explendum auri & honorū cupidinem rapimur. Quid non potest improba sitis, quæ plebeios etiam spe prædæ & lucri transuersos agit? Et rapimur interim in medio magnarum cogitationum, & sistit fortuna cursum, & spem frustratur. inde ad ignora vocamur tribunalia, nullo purpuræ & lacerne discrimine. nudi nascimur, eiicimur nudi, sistimur nudi: nec sceptrā hīc, nec diademata, nec fortunæ mendacia, quibus morte exuimur. & vnus Dei, domini, parentis, iudicis tribunalibus sistimur creaturæ, serui, filij, rei, nullā prærogatiuā dignitatum, generis, eruditionis, opum. Hæc qui cogitat, regnorum ponet cogitationes,

Securitas in paruo est.

nec aliena circumspiciet, contentus suis. Securus uiuit, quisquis paruo contentus uiuit; quique dignitates & regna æternitate metitur; qui magnorum imperia & exitus cogitat; qui Galbam, Ottonem, Vitellium, Maximos, Balbinum, Quintillum, Tacitum, Florianum, Siluanum Imperatores Romanos, nec ultra duodecimum men-

Magnorum exitus ferè funestus.

sem

sem Imperatores; qui C. Cæsarem, Caligulam, Domitianum, Neronem, Tiberium, Claudium, Gordianum, Leontium, Iustinum minorem, Iulianum, Valentem, Zenonem, Anastasium, Heraclionem, Mauricium, Nicephorum, Phocam, & quinquaginta minimùm Romanos Imperatores cogitat, ferri & veneni victimas: quos fortuna in Imperio statuisse videtur, vt ostenderet quid summa vitia in summo imperio possent. Taceo Asiæ & Africæ Reges, reliquosque Europæos. è quibus pars longè maxima ferro & veneno iacet. ita pauci Regum siccâ morte pereunt. Primitiam orbe toto exercituum ductores funesto ferè exitu vitam macularunt. Vt, si perexiguum imperij tempus cum innumeris periculis, difficultatibus, insidiis, sollicitudinibus, ac indigna sceptris morte componas, perfacile videas nullam vitam priuatâ beatiorē. Et tamen post tot exempla, infortunatosque magnorum exitus, regna cogitamus & imperia, tot Regum, Principumque sanguine purpurata. Natate in suorum sanguine sceptrā potuerunt & diademata. nimis nimirum vile erat plebeio natate sanguine, regio debebant. Nec finem sibi tamen statuit crescendi cupido: non Regum Principumque cadaueribus tanquam aggeribus arcemur. Quòd non insana ruit dominandi cupiditas? in consanguineum, ac eiusdem vteri consurgit sanguinem, vt optatis potiatur. Postrema in his Dei & religionis cura, prima potiundi regni est. quâ viâ, scelere an virtute, iuxta habent; iisdem artibus propugnaturi, quibus parauerunt. Vt non immeritò nullo tacendus calamo Belgarū Princeps ALBERTVS: qui Imperium fortiùs con-

tempfit,quàm ambiuerunt aut pararunt alij.Nec nouum parare. tot orbe toto millia bonis malisue artibus pararunt. potuisse Imperio vltro oblato,sine sanguine ferroque potiri,& noluisse, nouum,& eo magis,quo paucissimorum semper contemptus hic fuit.meruerat virtus Imperium; addere suffragiũ, publici magis quàm illius affectu,parati penes quos electio.illa fecit vt oporteret, hi vt omnes scirent dignissimum Imperio fuisse. Sed nec dubitare quisquam poterat, cum & nascendo Imperium promeritus esset;& quæ ferro plerique suo sanguinéque consecuti, hæc tot,longo ordine,Imperatoribus, auis proauisq; parta illi forent.neglexit; adeoque & renuntiavit.Vestigium huius animi verè magni,in Constantino & Theodosio, magnis omnino Imperatoribus, legimus. De illo Eumenius: *Diceris Imperator inuicte, ardorem te deposcentis exercitus fugere conatus, equum calcaribus incitasse. at quis Cyllarus, aut Arion posset eripere, quem sequebatur Imperium?* De hoc Pacatus: *Illud pra ceteris mirũ, quid, cum omnia faceres vt imperare deberes, nihil tamen faciebas vt imperares. argumento est dies ille communis boni auctor, quo tu, cum ad suscipiendum Imperium vocabaris, oblatum Imperium deprecatus es. audite publici parricide, qui sanguinis pretio regium nomen emisistis:repulsam patitur principatus, & vnus est ambitus candidati, ne declaretur. Credetne hoc olim ventura posteritas, & præstabit nobis tam gloriosam fidem, vt nostro demum saculo annuat factum, quod tantis infra supraque temporibus, nec inuenerit emulum,nec habuerit exemplum? Inuenit ALEBERTVM: qui non semel, sed bis Imperium, non deprecatur, sed repulit.*

Graui

Grauis interim & ardua hîc nasci quæstio potest, quos Princeps, ubi regno potitus fuerit, publicis functionibus adhibiturus sit. Tria ferè hominum genera reperio. Primum, qui regias partes, stipendia, sacramenta secuti, quamcumque cum illo fortunam, felicem, infelicem subituri. Secundum, qui constanter aduersam partem opibus sanguineque tutati, intactam Principi suo aut Reip. fidem seruarunt, solâ potentiâ frangendi, non tam voluntate, quàm armis cesserunt. Tertium genus illorum est, qui spectatores neutri parti adhæserunt.

Qui publicis muneribus à Principe ad-mouendi.

De primis hoc dicam, præmio carere nõ debere: sanguine enim & vitâ promeriti. addo affectum: quem nemo generosior Princeps irremuneratum præteribit. addo obsequia, & arma, quæ nec illaudata, nec vacua dimittenda. turpe Principi beneficio vinci. Ex hoc numero si qui obcundis in Rep. muneribus idonei, non arbitror frustrandos. Considerandum tamen seriò, ne, ubi ad summa prouexeris, cum fortuna mutet mentem: inassuetique magnitudinis, insolentiam ferè & fastum induunt. tanto insolentiores, quanto è minoribus assurgunt. Exempla nos docent, Seiani, Ablauij, Ruffini, Vineæ, Brocæ, Cabreræ, Caraccioli. Non tango sæculi nostri funera, cogitationibus illa lectorum relinquo. liberè illæ per vincula, compedes, carcerem, exilia, sanguinem, secures eunt.

Qui Principi partes secuti, muneribus donandi.

In secundo genere magnâ opus prudentiâ. Hostes fuerunt? amici erunt, si viceris. vincti beneficii, quòque infestiores fuerunt, hoc offensam officiis fortiùs compensabunt, si beneficia senserint. Vsu hoc euenire videmus in constanti

Qui Principi auersati muneribus vincendi.

hominibus ingenio, vt vtramque partem æquâ constantiâ tueantur, si fiduciæ signa senferint. fiduciam hanc concredita munia ostendent. Sæuitiâ verò fortia ingenia nunquam flectes, nec in partem tuam trahes. franges antè, & ex vltima desperatione in caput tuum trahes. Vis aduersariarum victor partium esse? donis cumula, senties fidos. Fallere hæc ingenia nesciunt, sanè non didicerunt. Constantia enim & candor indiuiduo nexu connectuntur, nec in forti pectore stabulare simulatio solet. mollis hæc animi est, & muliebris ingenij. Constantia & robur plus de leone mutuantur: simulatio & dolus vulpem suam redolet & ignauum pectus, quod virtutis suæ diffidentiâ laborat. quare insidiæ illi dolique pro virtute sunt. Reip. ergo functionibus admouendos hos censeo. fidem diligentiam probabunt, nec patientur se beneuolentiâ aut fiduciâ vinci. antè immoretur operi vir fortis, quàm vt beneficium maleficio compenset. Vtere ergo quicunque imperio potitus es, & paullatim etiam ad magna prouehe; non vno saltu, sed quasi per gradus, quo certior de fide & animo fias. benignis etiam verbis vltro compella, & non rogata maximè beneficia largire. quibus potentissimè hostilitas deponitur, amor prouocatur.

*Qui neutri
parti adha-
serunt, non
facile publi-
cis admonen-
di.*

Tertij generis hominibus, qui priuata com-
moda publicis potiora habuerunt, non auisim
vllam publicorum munerum partem commit-
tere. viuant sibi: neque enim tales, si qua neces-
sitas occurrerit, fidos experieris. non stabunt illi,
aut difficultates excipient: declinabunt. neque
ad ardua vnquam dexterâ extendent: retrahent.

neque

neque arma ab his manibus, in regni, tuūq; propugnationem expecta: excutient. Vbi namque vis insonuerit, quietem circumspicient, pacemq; cum dedecore magis eligent, quàm ex bello & arduis decus. Cùmque ignaui ferè ingenij sint tales, serpere sine molestia malunt, quàm cum labore exsurgere: iacere etiam sine sudore, quàm cum illo extolli. Quare nihil his fidi potest, nisi in altissima pace, & ea quidem, à quibus regnorum salus nullo modo dependet.

CAPVT II.

Qua in tuendo regno necessaria?

NON minoribus in tuendo, quàm in parando regno opus est, adeoque difficilius est regnū tueri, quàm occupare. viribus & audaciā regna parantur, prudentiā retinentur. Hinc illud Sapientis est: *Si delectamini sedibus & sceptris, o Reges populi, diligite sapiētiam, ut in perpetuum regnetis.* Hanc à Deo vouit Regum maximus, potentissimus, & impetrauit. accedant Regum nostrorum paria vota, & sperent paria. Comes deinde à veteribus in suos commendata, clemētia in hostes, māsuetudo & benignitas in omnes. Augustum accepimus, Cinnæ vitæ suæ insidianti, necemque paranti, pepercisse, Consulem fecisse, fidum & inter amicissimos habuisse: Cinnāque beneficium beneficio compensasse, cū moriens heredem Augustum inscripsit. Obseruatūque ab Historicis, neminem exinde in Augustum insurrexisse, cuius antè vitæ plurimi

Sap. 6.

Clemētia in Principe laxata, maxime in hostē.

Clemētia in hostes exemplū.

insidiati, cogitata scelera sanguine expiauerant. Secutus Augustum Titus, patriciis adolescentibus duobus, cum ferrum parassent, & rei tenerentur, ignouit. Audiamus Suetonium: *Duos patricij generis conuictos in affectatione imperij, nihil amplius quam ut desisterent, monuit. dicens, principatum fato dari. si quid praterca desiderarent, promittens se tributurum. nec solum illos familiari cenæ adhibuit. sed & insequenti die gladiatorum spectaculis circa se ex industria locauit.* Creuit hinc illi nomen, ut Humani generis amor & deliciæ nominaretur. Et apud eundem de Cæsare habemus: *Refectas coniurationes non ultra arguit, quam ut edicto ostenderet esse sibi notas; & acerbè loquentibus satis habuit pro concione denuntiasse, ne perseuerarent.* Catonis etiam liberis incolume patrimonium seruauit. Adrianum Cæsarem honoribus auxisse, quos priuatos hostes tulisset, narrant Historiæ: Antoninum verò Philosophum, ingentibus beneficiis onerasse veriùs quam affecisse, quorum insidias & arma senserat: Alexandrum Seuerum benignitate & comitate nefarias Quintij Camilli Senatoris molitiones auertisse, amicumque exinde ex hoste iurato parasse. De Constantino illud proditum, cum ei auctores plurimi essent, ut in Imperatoris statuæ deformatores ferro & ignibus sæuiret, respondisse, *Ego nullum vulnus sentio.* Quis nunc Principum imitetur? Pompeij verò Magni factum magnū. *Tigranem Armenia Regem, benignis verbis recreatum, diadema, quod abiecerat, capiti reponere iussit, certisque rebus imperatis, in pristinum fortune habitum restituit. aequè pulcrum esse indicans, & vincere Reges, & facere.* Africanus etiam posterior nepotē

Massa

Massanise agnitum inter captiuos, annulo, fibulâque aurea, & tunica laticlavia, Hispanoâque sagulo, & ornato equo donatum, datis qui eum consequerentur equitibus, ad Massanisam remisit. victoriæ maximum fructum ratus Regibus sanguinem suum restituere. L. etiam Cornelij factum primo Punico bello, Romano dignum. Cum Olbiam oppidum cepisset, pro quo fortissimè dimicâs Hanno Dux Carthaginensis occiderat, corpus eius è tabernaculo suo amplo funere extulit. tum demum victoriæ minimum inuidiæ habituram credens, cum plurimū humanitatis habuisset. Hæc priuati. Populus verò Romanus vniuersus, cum Carthaginensiu legati ad captiuos redimendos in urbem venissent, nullâ pecuniâ acceptâ, reddidit iuuenes numerū duūm millium septingentorum quadraginta trium explentes. Illud verò eiusdem populi illustre: Philippo Macedonū Rege superato, cum ad Isthmicum spectaculum tota Gracia conuenisset, T. Quintius Flamininus tube signo silentio factō, per præconem recitari iussit: S. P. Q. R. & T. Quintius Flamininus imperator, omnes Gracia vrbes, quæ sub ditione Philippi Regis fuerant, liberâs & immunes esse iubet. iteratâ præconis voce, tantâ calum clamoris alacritate compleuerūt, ut certò constet, aues, quæ superuolabant, attonitas pauentēsq; decidisse. Fuit hoc etiâ Theodosij Imp. magnum: Si quis modestiæ nescius, & pudoris ignarus, improbo petulantique maledictō nomina nostra crediderit laceßanda, ac temulentiâ turbulentus obtrectator temporis fuerit, eum pœna nolumus subiacere, neque durum aliquid, neque asperum sustinere: quoniam, si id ex leuitate processit, contemnendum est; si ex insensata, miseratione dignissimum; si ab iniuria, remittendū. Audiant Principes, & imitari nō pu-

deat Christianos Christianū Imperatorē. Imitatus hūc Alfonsus Neapolitanus, qui Antonium Caldoram acerrimi hostis sui filium captum benignè habuit, ac inter amicos numerauit. quā in hostem clementiā consecutus est, vt reliqui Regem agnoscerent, cuius tam benignam in hoste dexteram senserant. Egrediamur Romanos Italosque. *Antigonus Helenum Pyrrhi Regis filium captiuum, cultum & animum gerere regium iussit: ossaque ei Pyrrhi, aureā urnā inclusa, Epirum in patriam ad Alexandrum fratrem portanda dedit.* De ipso verò Pyrrho illud habemus: *Audiuerat quosdam Tarentinorum in conuiuio parum honoratum de se sermonem habuisse. Accersitos percunctabatur, an dixissent. Tum vnus ex iis, Nisi, ait, vinum nobis defecisset, ista quæ tibi relata sunt, præ iis quæ de te locuturi eramus, lusus ac iocus fuissent. tam urbana crapula excusatio, tamque simplex veritatis confessio, iram Regis auertit in risum.* Addit: *Quā clementiā & moderatione consecutus est, vt sobrii sibi Tarentini gratias agerent, & ebrii benè precarentur.* Laudatum illud etiam Antiochi Regis, cū filium Scipionis Africani à suis interceptū honoratissimè excepit, regisq; muneribus donatum, vltro & celeriter patri remisit, quāquam ab eo tunc maximè imperij finibus pelleretur. Magnos animos & regno dignos. quos nunquam certiùs deprehendas, quàm in Rege & hoste. In priuato licèt commendata semper clementia & humanitas, magis tamen in Rege, in cuius manu fortunæ, honor, vita, ac licèt eluceat circa omnes, multo tamen maximè in hostes, vt verè dictum à Seneca: *Seruare propriū est excellentis fortune: quæ nunquā magis suscipi debet, quàm cū illis cōtingit id: posse, quod Diis, quorū beneficio in lucem*

edimur tam boni quàm mali. Servare, & perdere posse Deo proximū. & perdere quidem nō magnum, cū quisquis contempnit suam, perdere alienam vitam possit, etiam regiam. factū à multis. Servare verò, cū perdere possis, & crimen aut hostilitas iure quodam suo deposcant, supra hominem suum est, ac nō nisi magnorum est, & quibus generosior animus. Vt bene Seneca: *Magni animi est proprium, placidum esse tranquillūq; atque offensiones supernè despicere.* Facit hoc Deus, quem nulla iniuria tangere potest. Altiùs enim habitat, quàm ut vilius tela in eum cadere possint. Cui qui similis esse velit, ex alto offensā despiciat: ita ut quæcūque missilia, quacūque manu missa fuerint, nequidquam mittantur; aut sanè in mittentem relabantur generoso percussu. Dignissimam omnino Deo Patre mentem, quæ ita altè fixit sedē, ut solis clemētarij morte infrā labentes non sentiat minitantes nubes, rideatq; insana harū murmura, aut iaculata in inane fulmina. Non tīgunt hæc solem, qui placido semper cursu orbem circumagit, nulli tempestatum iactationi obnoxius. Eadem à clementia sperare potest, quicumque hanc domo admiserit. Vt bene Seneca: *Clementia in quācūque domum pervenerit, eam felicem tranquillamque præstabit. sed in regia quo rarior, eo mirabilior.* cū ferè Reges nō tam quid ratio, quid virtus suadeat, quàm quid possint intueantur; regiūque arbitrentur, cū plurima possint, plurimum audere, potentiæque suæ non postremam putent partem aliena sua facere. errant. Dare regium est, & Deo simillimum, immeritis dare; magis etiam, si hostibus. imò mortē commérito vitā dare, simillimū illi

illi est, qui vitam omnibus primus dedit, nullis
 antè factis promeritam.

*Sauitia ex-
 pla ferè in-
 licia.*

Sunt hæc benignitatis & clementiæ exem-
 pla pauca. Sæuitiæ & crudelitatis orbe toto,
 plurima sunt. Carolus Siciliæ Rex Messanam
 oppugnabat. ciues deditiorem parabant. armis
 habere maluit: excidit spe suâ, & regno. inhör-
 tantes enim se ab vltima desperatione ciues, vt
 antè mortem quàm seruitutem deligerent, vi-
 ctoriam à Rege retulerunt. Poterat regnare, si
 clementiam secutus fuisset. noluit. spoliatus re-
 gno iacuit. Euenit propè idem, Ludouico Ma-
 leano Gandauum obsidente. dexteras ciues pete-
 bant. condiciones ille præscribebat ingenuis in-
 dignas. inter tam ardua quid facerent? fame fer-
 rôque premi durum; condiciones omni morte
 grauiiores admittere durius. mutuo se ergo in-
 hortâtur, mori fortium esse; seruire, & precariò
 viuere, ignauorum. inde ab vltima desperatione,
 quæ animos ac vires addit, arma capiunt, &
 non pluribus quàm quinque millibus, triginta
 armatorum millia fundunt, Comitem in fugam
 vertunt. Taceo veteres: Amanum, Roboamum,
 Neronem, & quotquot portio Neronis de sæ-
 uitia & crudelitate audiunt, deque immitate,
 morositate, morumque asperitate suorum ani-
 mos exasperant. Sanè vt nihil ferocitate ac cru-
 delitate remotius à Deo est, ita nihil benignita-
 te ac clementiâ vicinus; vt nullâ re aliâ Princi-
 pes propiores Deo sint, nullâque magis assi-
 milentur illi. Qui etiam hostes diligere impe-
 rat, & inimicas manus beneficiis impleri,
 nec nudis verbis, sed rebus. præit Deus.
 Docemur hoc indies post scelera & peccata.
 neque

*Clementia
 Deo simili-
 ma.*

neque testibus opus, non Magdalena, Publicano, Zachæo, Latrone: ipsi benignitatis, mansuetudinis ac clementiæ diuinæ signa circumferimus. animum nimirum nostrum post innumera scelerum vulnera, solius Dei benignitate, sibi vitæque restitutum. Et cuius vnquam tot in Principē suum steterūt crimina, quot Principis in Deū, etiā Principis optimi? & pepercit tamen Deus, nec ad vindictam decurrit. & vnâ sæpè lacrymâ, vno suspirio, vnâ voce, *Peccavi Domino*, delera scelera; nec memoria iam illorum vlla. Crux & Christi vulnera quò vocant Principem?

Benignitatem verò & comitatem in Principe commendando; abiectiōem nolo, ne pro veneratione contemptum referat. Volo benignum; nimiam tamen in suos familiaritatem non probō: quòd sciam ægrè illam cum veneratione consistere. paritatem enim quamdam familiaritas inducit. sed & vitia quædam aperit. Iam cum Imperia ferè opinionibus contineantur, arcenda sunt quæ minuere opinionem consueuerunt. Affectum deinde in Principe desidero patris. Præit Titus apud Suetonium: *Non modo Principis sollicitudinem, sed & parentis affectum vnicum præstitit, nunc consolando per edicta, nunc opitulando, quatenus suppeteret facultas.* Imitetur Princeps Christianus. turpe vinci. Meminerit tamen in patris affectu, vt benignitatem comitatēque non vltra patris morem extendat; vt neque subditi audaciam induant supra filialem. veneratio proinde sua illi semper stabit, cultusque in se suorum. Monet? imitetur patrem. Reprehendit? cogitet filios. Punit? induat personam patris, in filios. Donat? patrum more faciat;

*Nimia sui
abiectio Prin-
cipi vitæda.*

ciat: vt benignis verbis dona vestiât. nã si à morosa veniât manu & ore, ingrata etiã magnitudine suâ erunt. Vt placeât, benigna sint, & comis-
simis ornata verbis, & magnitudinẽ quãdam inducât, vt parua licet gratiora à comi lætãq; muna-
nera manu sint, quàm à morosa tristiq; magna.

Benignitatem Belgarum Princeps A L B E R-
T V S maiestate miscuit: neque benignitatem
tamen vnquam vltra patris affectum extendit,
nec maiestatem supra Principem extulit. hanc
illâ temperans; nec se abiiciens, nec extollens. vt
& maiestas venerationẽ, & benignitas amorem
prouocaret. Clementiam verò semper præ se
tulit, cuius euentum felicem, cùm crudelitatis
ferè infelicem, veterum Principum exemplis
didicisset. Quin & eos qui hostili aliquando in
illum fuissent animo, & armis etiam testati es-
sent, reduces amplectebatur; & filiorum loco
habebat, quos hostes passus erat.

*Brevis enar-
ratio vita
CAROLI
V.*

Quidquid in magno desiderari Principe
potest; in C A R O L O V. reperiẽs, vt meritò
Maximi illi nomen Paullus III. indiderit. Re-
gias cogita virtutes: omnes reperiẽs, parando,
tuendo imperio necessarias.

*Animus cõ-
positus &
interritus.*

Animus illi à prima ætate compositus, ac in-
ter pericula, Regũmq; minas, & orbis prope vni-
uersi arma, interritus. ita altissima quæque flu-
mina minimo sono labuntur: torrentes ferè sa-
xis admurmurât, & plus terroris ostentât quàm
habêt. Et incredibile propè, illũ inter media ar-
ma, bellicòsque fragores, tã pacato tranquillò-
que animo vultũq; fuisse, vt in alta pace, adeò-
que medium inter ludũ & iocum stare crederes.
Nunciabantur eodem tempore Europæa propè
arma

arma omnia, Turcica, Germanica, Gallica, Italica, Hispanica, Belgica; nec colorem mutabat. arbitraris personasse theatra, aut scenicos ludos. Nunciabatur ex amico Mauricius hostis, ac non vulgaria loca occupasse. Nihil Imperator reddidit, quàm nullam potentiam scelere quæsitam cuiquam vnquam fuisse diuturnam. Et sanè debellari tunc CAROLVS potuit, & imparatus opprimi: sed perpetua sociâque illi felicitas, hostilia arma & consilia vertit aliò.

Atque hinc perpetua illi comes *Constãtia*, quæ *Constantia*. in periculis maxime eluxit subeundis. Gallicum hoc iter docuit. & quis Regum æmulo se committat Regi? Iam cùm molles ferè in calamitatibus mortaliũ animi sint, duriores in CAROLO nostro fuerunt. Sæuæ hoc docuerunt Oceani in Africano littore iactationes. at ille cõtrà ire ausus, non ora mutauit, non oculos, steritque inter insanos fluctus, toti interitũ classi minitâtes, inconcussus. crederes ingētem medio mari rupem, quæ iras minâsque suas Oceanum doceret bibere. Quid? quòd obseruatum à familiaribus, maiores semper in Cæsare nostro in arduis & aduersis, quàm in leuibus & secundis animos fuisset. Plurimis hoc exemplis docere possem, sed promissæ memor breuitatis, transeo ad

Magnanimitatem, constantiæ sociatam. cùm *Magnanimitas*. enim non semel à magnis viris moneretur, ne se Hispaniâque suam perditũ iret in præpropera Imperij cogitatione, nil respondit, quàm infra virtutem terrores semper & pericula fuisse; & cū Augusto, cū periculo gloriosius esse summa, quàm tutò humilia sequi, & vt non responderet cogitationibus euentus, conatum tamen in laude

laude apud posteros fore: citò verò gloriam ob-
 solescere in rebus paruis: nec quidquam indi-
 gnus, quàm consumi eam, vbi non potest ostē-
 di. Addidit illud Alexandri, cui sobrio, nec ira-
 cundo aut temerario simillimus: *Me in perpetuū
 aut victoria egregia nobilitabit, aut pugna.* Cūm
 pergerent vr̄gere, prece, aut oue, aut nouo con-
 nubio parari Imperium certiūs quàm armis
 posse; nil retulerunt, quàm generosius esse mori
 quàm precariò imperare: ignauissimum verò
 esse, auro sceptrā parare. Monitus autem non se-
 mel; maximè in bello Saxonico, vt sibi parceret,
 tutiorāque in acie loca deligeret; Minimum
 aiebat Regibus ab hostibus periculum esse, &
 ferè tutiores in acie Reges, quàm in mensa aut
 strato fuisse. sanè plures cubilia, quàm campos
 sanguine suo purpurasse, pluresque suorum
 quàm hostile ferrum funestasse.

*Fortitudo &
 res bello ge-
 sta.*

Fortitudini indiuiduo quodam nexu iuncta
felicitas fuit. & fidem propè superant quæ ocu-
 lati narrant testes, & temporis illius scriptores,
 quibus nulla montiendi caussa, aut libertas, cūm
 redargui possent. Iulium Cæsarem vr̄bes octin-
 gentis plures cepisse, gentes trecentas subegisse,
 signa cum tricies centenis millibus diuersis rē-
 poribus contulisse, ductibúsque illius extra bel-
 la ciuilia, vndecies centum & triginta duo mil-
 lia cæsa fuisse, signisque collatis, quinquagies &
 bis dimicasse narrant; solūque M. Marcellum
 supergressum, qui nouies & tricies pari modo
 fuisset præliatus. Pompeium verò castella mille,
 vr̄bes haud pauciores nongentis, piraticas na-
 ues octingentas subegisse, bellāque propè in-
 numera gessisse. Conferamus hæc Maximi
 nostri

nostri CAROLI factis. quem è veteri nouoque orbe, suo suorumque ductu, quadraginta illustres ab hostibus victorias retulisse scribunt, vt nihil tangam leuiora prælia: bella & numero & hostium potentiâ ac viribus magna, supra septuaginta, ad optatum exitum deduxisse: castella supra centum millia, & decies octingentas vrbes, nauésque supra decies & octingentas hostiles cepisse. nunquam autem castris exutû, nunquam acie aut prælio victum. & vt breuibus singula tangam, lego *Hispanica* bella quatuor, felicia omnia. *Italica* octo. inter quæ nobilissima; Primum, Insubricum, ducibus Columna & Marchione Pescara. Secundum, Papiense, ducibus Borbonio, Lanoio, Pescara. Tertium, in quo Comes Simpolius ab Antonio Leua captus, Mediolanumque non semel armis subactum, Ducibusque suis redditum. *Neapolitana* duo. præmiû regnum vniuersum fuit. *Hetrusca* tria. in quibus Hetruria non semel Ducibus suis parere iussa. *Germanica* sex. inter quæ maximè elucent; Primum, Rusticum, in quo intra quadraginta dies pugnatum septies, centum & quadraginta millibus cæsis. Secundum, Smalcaldici fœderis, in quo centum & viginti armatorum millia. Tertium, Saxonicum, in quo Fredericus Saxo captus. & magnum omnino, mensibus non octo Germaniam domitam, Saxonicoque bello diebus quadraginta finem impositum, in quo annis quadraginta Carolus Magnus sudauerat. Quartum, Viennense, cum Solymannum nunc trecentis, nunc propè sexcentis suorum millibus armatum, soluere Viennensem obsidionem bis coëgit. *Belgica* nouem. inter quæ illustria; Pri-

K k

mum,

mum, apud Veromanduos Philiberto Allobrogum Duce : in qua pugna Egmondæ Comes viâ primus audaci ferro felicissimè aperuit. Secundum, apud Grauelinganos eiusdem Comititis ductu & felicitate peractum. præmium in Belgicis omnibus. Transisulana, Frisia, Groninga, Traiectum, Tornacum, Cameracum. in quibus vrbes quinquaginta. *Iuliacensia* septem. quibus Geldriam Belgio suo adiecit. *Novi orbis.* in quibus Ferdinando Cortesio & Francisco Pizarro ducibus, Reges octodecim, octodecim præliis domiti. è quibus Atabalida ultimus Cuscorum Regum, septuaginta aureorum milliones, intra dies septuaginta appensurum se sponderat si libertati restitueretur. *Piratica* plurima. quibus piratas omnes Germanico, Britannico, Belgico, Celtico, Hispanico, Indico, Mediterraneo mari expulit. *Epiroticum & Peloponnesiacum.* in quibus felicissimè ab Andrea Auria pugnatum. *Carthaginense*, Thunetanum dictum. in quo Goleta capta, Ænobarbus, Barbarossa dictus, cum bis centum peditum, equitum sedecim millibus in fugam coniectus, Muleassesque Thunetanis Rex datus. *Africum.* in quo Aphrodisium captum, Dragutes deturbatus, mare pacatum. *Dalmaticum*, Auria & Ferdinando Gonzaga ducibus feliciter actum. *Proninciale*, eodem Gonzaga duce fortunatè gestum. *Allobrogica* tria. in quibus ab Alfonso Daualo Vastij Marchione pugnatum bene. *Bohemicum* denique. in quo ad debitam Imperatori fidem Bohemi reuocati.

In his omnibus, illud CAROLI nostri memoriâ dignissimum æternâ: Nunquam se vltro bel-
Inna

lum intulisse ; prouocatum semper. alienaque, non suâ, voluntate ad arma descendisse. Addunt dicere solitum: Si vniuersam Galliam meam fecissem, redderem Regi suo, mihi tantum mea permetteret.

In moliendis efficiendisque rebus *celeritatem* qui considerauerit, fidem superasse credet. Hispanici hoc tumultus, Italici, Germanici, Gallici, Belgici, vno eodémque tempore exurgentes compositique docent. velocissimi sanè fideris more transuolasse singula, magnique Numinis exemplo, inuocatum, quasi momento astitisse, opémque attulisse credas. Nullam in Magno Alexandro virtutem, supra celeritatem Curtius admiratur. vidisset CAROLVM nostrum, & Magno Alexandro, sed sobrio, neque iracundo & temerario, maiorem dixisset. Addidit *vigilantiâ*, qualem nemo ante se Imperatorum maiorem. noctes totas diebus iungebat, nullis armis, sudoribus, itinerumque difficultatibus & magnitudine fatigandus. Et quod Pacatus de Theodosio, meritò de CAROLO dici possit: *Vt indefessa vertigo calum rotat, ut maria aestibus iniquita sunt, & stare sol nescit: ita tu, Imperator, continuatis negotiis, & in se quodam orbe redeuntibus semper exercitus es.*

Celeritas in rebus agendis.

Vigilantia.

In *liberalitatem* ac *municipentiam* pronior. cū etiam puer quadragenos aureos sæpius per diē in egentes, clam Præfectis suis, erogaret, quod & illorum pudori, & modestiæ suæ consulat. Scio non defuisse qui retractum in hoc genere arbitrarentur. fallūtur. aberat, fateor, prodigalitas: nec erogabat, quod puderet dicere. liberalitas tamen aderat. quæ nunquam magis quàm

Liberalitas.

in arduis & magnis eluxit : cùm non pecuniam aliquam , sed regna & prouincias dare consueuisset. Muleassem Thunetanis dedit Regem Gulielmo; Iuliz, Cliuiz, Montensem Ducatum, armis subactum reddidit. Sfortiæ Mediolanum; Alexandro & Cosmo Hetruriam; Sabaudo Astensem Comitatum; Mantuano Montemferatum; Ferrariensi Mutinam & Regium ; Gonzagæ Molphetam & Arianū ; Auriz Melphim; Vrbinatium Ducī Soram ; Burano Lingenum; Leuzæ Asculum ; Lanoio Sulmonam ; aliis alias vrbes, castra, prouincias largitus. Iam cùm beneficia ferè in Regibus eò vsque læta sint, quo videntur exsolui posse ; vbi verò multum antecunere , pro gratia odium referunt ; in CAROLO nostro in æterna memoria erant : posteriorque semper liberalitas vincebat priorem, cùm nunquam deesset quod largiretur. cùmque in Principe insolitum sit , vt se putet cuiquam suorum obstrictum, aut, si putet, amet: in nostro magnum fuit , & accepta beneficia fateri , & liberaliore semper dexterâ remunerari.

Prudentia.

De *Prudentia* quid dicā? adnata illi fuit. hinc dicta factaque illius sapientiæ plena. quam etiam admirari solitus Solymannus Turcarum Imperator , & quotquot illi à consiliis. Nihil enim quod adderent habebant, quories ille sententiam dixisset, nihil quod demerent: semperque quod discerent inueniebant , nihil quod docerent. Nihil interim calidè aggrediebatur, consultò omnia. & amabat in dicēdis sententiis candorem ac libertatem, cùm diceret, defuturos qui suaderent, si suasisse periculum esset. Sed neque res vnquā minimas negligebat, dicere solitus,

tus, Medicos nil nociturum in ægro relinquere, sed neque quidquam tutò in hoste, quantumvis inualido, despici. valentior enim hunc negligentiam fieri; nihilque tam magnum, cui periculum non possit esse à minimo. Quo factum, ut non raro ex vltima Hispania, ad vnius tumultuantis ciuitatis denuntiationem, celeribus equis aduolarit. Iam cum Germanica nuntiarentur bella, & negligenda hæc plerique putarent: solus hæc metuenda putabat Imperator, maximè quòd prætenderetur religio, potentissimum ad arma incitamentum. Ferè namque, ubi hæc multitudini præfertur, certius audaciùsque vatibus, quàm ducibus suis paret: quo magis propèrè occurrèndum malo putabat. Ridebant alij, cum dicerent latgius passim per Germaniam merum circumferri, tanquam debellaturi super mensam Imperatorem essent. Solus non ridebat Imperator, qui sciret etiam post mensas victorias Germanis stetisse, & fors nunquam certius: sed & consilia inter pocula de summa rerum agitare, & fœderare solitos, & arma parare. crederes mero animos accendi, pectoris quoddam gelu solui, audaciam indui, & quod mireris, abditam prudentiam ac propèrè emortuam, in vitam lucemque reuocari.

Taceo *humanitatem*, benignitatem, morum suauitatem, ut nihil interesse inter priuatum & Principem putares, nisi quòd à pluribus amaretur, cum ipse plures amaret. Taceo in gubernando *moderationem*, indulgentiam in victos, *clementiam* in omnes. Accusantibus hanc non paucis, talem se aiebat cum Traiano priuatis esse, quales sibi Imperatores priuatis optaret. Miratibusque

Humanitas.

Moderatio.
Clementia.

*Detractionū
contemptus.*

quodd neminem à quo læsus fuerat capite mul-
tasset, cum Theodosio respondebat : *Vellem &*
mortuos ad vitam reuocare. Stupentibus ad detra-
hentium licentiam, dicere solitum ferunt: Nul-
lam vlllo sæculo tantam fuisse potentiam, in
quam non incurrisset contumelia. adeoque ma-
gnitudinis signum esse linguas pari maledicas.
quare nec admittebat si quis asperius in se dicta
referret, cum diceret; cum qui malignos de se
sermōnes habitos admitteret, nihil agere, nisi
vt vltro tempestatem sibi accerferet. Adulatores
verò non alio quàm hostium loco habebat, di-
cere solitus, adulationem regiam quamdam sca-
biem & venenum esse, quod sceptrorum intima
depasceret; cum plures hæc vna, quàm hostis
euerisset.

*Adulationū
hostis.*

Comitas.

Comitate fuit incredibili, patebátque ad eum
aditus omnibus, etiam plebeiis, mirantibus in tā
matura grauitate tantam facilitatem. Dixisse ac-
cepimus parentis hanc esse in filios, qualem pu-
tabat Principem omnem esse debere. Sed & adi-
tum dicebat omnibus, omni tempore, ad magnū
cæli Numen patēre, quo magis ad Principes, qui
illius personam referrent in terris. Dicentibus
non carere tantam facilitatem periculis, respon-
debat, frustra se terrore succingere, qui septus
amore suorū non esset: armis arma irritari, amo-
re amorem prouocari.

Temperantia.

Mensa illi ad maiestatem regia. utebatur ta-
men hac admodò moderatè, vt cibus illi potúsque
ferè ad certas vncias staret. vitra sanè certis
vnciis definiebantur. delectabatur autem obuiis,
& paruo parabilibus, ac fortuitis magis, quàm
multā arte & studio paratis.

Mira

Mira verò fuit omnino in hoc Principe linguæ & mentis concordia: cum sæpè illud re-
 teret, magnitudinem suam Imperatorem igno-
 rare qui mentitur, seruilèque ac femineum vi-
 tium esse mendacium. Illud etiam in ipso grati-
 simum, quòd, cum omnium ferè peritus lingua-
 rum esset, omnium vteretur, quoties in varia-
 rum linguarum homines incidisset. Sed & cum
 Italica bella gereret, Italicis utebatur armis, ve-
 stibus, cultu, linguâ; cum Germanica, Germani-
 cis; cum Hispanica, Hispanicis; cum Belgica &
 Gallica, Belgicis & Gallicis, vt etiam barbam &
 capillos gentium consuetudini aptaret, vt non
 vnius gentis, sed omnium & Rex & parens esse
 videretur.

Veritas.

Omnibus
omnia fa-
ciat.

Pietas in illo longè supra regiam fuit. Horæ
 quadrantes tres singulis diebus manè, flexis hu-
 mi genibus, orationi dabat. Sacrum non nisi se-
 mel omni vitâ omisisse, idque in Africano bello,
 referunt scriptores. etiam inter arma, & in me-
 diis belli ardoribus, nunquam negligebat pre-
 ces, quas prolixas manu suâ scripserat. Et quod
 certius in Imperatore pietatis documentū, quā,
 quo securiùs vni Deo viueret, sceptrā & purpu-
 ram ponere; & tot simul regnis, tanto sanguine
 & sudoribus partis, momento se exuere; & ex
 orbis propè domitore, in gratam Deo solitudi-
 nem sese abdere? ô nimis rarum in diademate!
 quo magis laudandum. At non durum post sce-
 ptrā imperium ignorare? durum, si alienā; suaue,
 si tuā voluntate, & vni Deo. Scio sceleratis in-
 geniis non dominari instar seruitutis esse: sed
 probis piisque Deo seruire soli, instar domina-
 tionis magnè est. his enim omnis seruitus deliciis

Pietas.

plena, omnésque dies, festi; plúsque de impetio habent, quo plus de Dei seruitute prætulerint. nobilis seruitus, orbis imperio dignior, æternis imperiis præmianda. Et non prudens negotiatio est, peritura imperia ponere, vt doneris æternis? fecit CAROLVS. Non dico, Imitemini Reges. frustra voueam. hoc dico: Laudare non pudeat, quod imitari pudet. Iam cum in omni vita, tum in morte maximè pictas illius enituit, cum inclamaret illud Apostoli sæpiùs, *Cupio dissolui, & esse cum Christo.* ac inter profusas lacrymas, inter amica crucis oscula, inter frequentata suspiria, *Christe in me mane, vt ego in te maneam.* In quibus etiam verbis, & arctato Crucifixi amplexu, animam illi reddidit, à quo acceperat.

Hæ fuere virtutes CAROLI verè Maximi, quibus & vetera regnatautatis, & parauit noua. imitetur quisquis & illa salua volet, & hæc sperare audet. vtaturque illius vitâ pro regula & censura. Non opus ad magna imperiis, opus exemplis. infidelis enim recti magister metus est. nec pudeat imitari mores & virtutes, quas nullo vitiorum confinio, rarissimo in omnem ætatem exemplo, læsas vnquam fuisse reperiit.

C A P V T I I I

*Facilem aditum, ac faciles benignásque aures
Princeps prabeat.*

FACILES deinde præbeat aures omnibus. nulum repellat. æquitatis enim magnam opinio

nionem ingenerat animis promptitudo, ac facilitas. & dum audiri se vident, de prærogatiua sibi gratulantur, & imperium ferunt, & dominū patiuntur. Repulsam ferunt? non agnoscunt in Principe patrem, sed tyrannum. iam cum non agnoscant patrem, desinunt esse filij, & seruorū personam induent. deposituri hanc, fraude an virtute, iuxta habebunt: neque in officiis continebuntur, nisi seruorum more, metu; non amore. illum si sustuleris, obsequia cessabunt. Quam verò miserum sit nuda corpora possidere, nemo non videat. metus illa possidet. animus libertate suā fruitur. neque dominari huic metus potest; amor potest, quo vno stringi ac vinci se patitur animus. Grauior insurgit metus? obsequetur. sed equorum more, quos flagra & calcaria in cursum impellunt. Quid? quod difficiles aditus fastus & contemptus opinionem ingenerent: quo fit, vt, cum contemptus contemptum pariat, fastidio incipiat esse Princeps, & alium circumspicere subditus audeat. quod quam noxium imperiis sit, res & exempla loquuntur. Facilitas verò quam grata semper, doctorūque calamis laudata fuerit, docet in Augusto Suetonius: *Promiscuis salutationibus admittebat & plebem, magnā comitate aduentum desideria excipiens.* & in Vespasiano: *In principatu, maturus semper, ac de nocte vigilabat. deinde perlectis epistolis, officiorūque omnium breuiariis, amicos admittebat: ac dum salutabatur, & calceabat ipse sese, & amiciebat. postque decisa quacunque obuenissent negotia, gestationi & inde quieti vacabat.* nimirum non nisi decisis omnibus. Quid? quod in morbo qui illi fuit vltimus, non minus muneribus impe-

*Amor in
Principe si-
more potior.*

ratoriis ex consuetudine fungeretur, ut etiam legationes audiret cubans, alio repente usque ad defectionem soluta, Imperatorem aut stantem mori oportere. dumque consurgit, ac nūtur inter manus subleuantium extinctus est, annum gerens ætatis sexagesimū ac nonum. O verè Imperatorem, verè parentem! tam graui ætate & morbo, momentum etiam vltimum aliis dare, ne illud transmisisse videretur inane. Idem propè reperies apud Suetonium in Tito: *Animos hominum obstinatissimè tenuit, ne quem sine spe dimitteret. quin & monentibus domesticis, quasi plura polliceretur quàm præstare posset; Non oportere ait, quemquam à sermone Principis tristem discedere. Atque etiam recordatus quondam super canam, quòd nihil cuiquam toto die præstisset, memorabilem illam, meritoque laudatam vocem edidit: Amici, diem per didi. Auream vocem, omnium Regum cordibus gemmā scribendam! Non inferior Rudolphus Austriacæ domus illustre decus, à cuius congressu cū aulici purpurati tenuiores arcerent, dignissimam quæ in omnem posteritatem eat, vocem edidit: *Sinite homines ad me venire; neque ideo Imperator sum, ut arculam includar. Imitentur Reges, Principes, nec patiantur se ab Imperatore benignitate vinci. Hoc est audaciæ in femina plenum, facilitatis in Imperatore: Transseuntem quondam mulier rogauit, ut se audiret. cū ille respondisset, Otium mihi non est; illa deinde clamans ait, Noli ergo imperare. tum conuersus illam audiuit. Hæc Cassius in Adriano. quis nunc Regum liberas has in muliere voces ferat? De eodē Spartianus: In colloquiis etiam humillimorum civilissimus fuit, detestans eos, qui hanc voluptatem humanitatis quasi seruantes fastidium**

Prin

Principis inuideret. Et illud: Cū populo nō aliter egit, quā est actū sub ciuitate libera. Pulcrū etiam illud Lāpridij in Alexandro Scuero: Moderationis tāta fuit, ut nemo unquā ab eius latere submoueretur, ut omnibus se blandū affabilemque praberet, ut amicos non solum primi & secundi loci, sed etiam inferiores agrotantes inuiseret. O plures Alexandros largire Deus! Et alibi: Cum amicis tā familiariter vixit, ut cōmunis esset ei sapē confessus, & iret ad cōiuiua eorum; aliquos autē haberet quotidianos etiā non vocatos. salutaretur verò quasi vnus de Senatoribus patente velo, admissionalibus remotis. Quē mihi nūc dabis Alexandrū? Et de Traiano Plinius: Non tu ciuium amplexus ad pedes tuos deprimis, nec osculū manu reddis. reddebat ore. Haret lateri tuo quisquis accessit, sinēque sermoni suus cuique pudor, nō tua superbia facit. Laudatque, quod primo statim die laus suū crederet omnibus. Addit: Nulla in audiēdo difficultas; nulla in respondendo mora: audiuntur statim, dimittuntur statim. De eodem Eutropius: Amicis illum culpanibus, quod nimis circa omnes comis esset, respondit, talem se Imperatorem esse priuatis, quales esse sibi Imperatores priuatus optasset. In eandem propē sententiam Capitolinus in Antonino Pio: Senatui tantum detulit Imperator, quantū cum priuatus esset, deferri sibi ab alio Principe optauit. Est & illud Herodiani de M. Antonino Philosopho: Adeo ciuilem sese & commodū omnibus praeſtabat, ut aduentum cuius dexteram placidē daret, neminēque à suis custodibus prohiberi aditu pateretur. O multos experiamur Antoninos! Istud etiā in Gratiano Aufonij: Laudabile Imperatorē interpellantibus faciles prebere aditus: nec de occupatione caussari. De Constantino Nazarius,

Quid?

*Facilis ad
Principem
aditus refert
aliquid pa-
ternum.*

Quid? faciles aditus. quid? aures patientissimas. quid? benigna responsa. quid? vultum ipsum augusti decoris gravitate hilaritate permistâ, venerandum quiddam & amabile venidentem, quis dignè exequi posset? De Theodosio Pacatus: Creber egressu, exspectantibus populis te fateris, nec videri modo patiens, sed facilis adiri, è proximo accipis vota omnia tuorum. De Rudolpho Imper. Miltiade, Cyri fratre, variarum gentium Historici. Quo magis tantorum exemplo facilitas amplectenda Principi. Et nescio, an res alia plus referat in Principe patris, plûsque excitet in subdito venerationis & amoris. incipit enim esse pater, qui audit; esse filius, qui auditur hinc amor. patris in filium, filij in patrem. quo vno æternare solent regna, & inuicta stare. Quid? quòd accepisse se subditus beneficium credat, cùm faciles Principis aures nactus fuerit, licet non consequatur quod petit; maximè cùm mollibus verbis, humanitatem benignitatè inque testantibus, negatur, aut in aliud tempus beneficium differtur. vt sæpè negatio mollibus vestita, gratior sit tristi morosaque largitione. perdit decorem extorta concessio: & carè emisse se putat, iustumque pretium numerasse, qui inagnis precibus munus expressit.

Magnum facilitatis huius in ALBERTO exemplum habemus. in quo cùm augusta quædam supra hominem suum eluceret maiestas, tum facillimas aduentantibus aures præbebat. nulli se subtrahere solitus, nulli aditum negare: audire omnes, benignèque excipere, benigniùs etiam dimittere; & audire prolixè, nulliùsque unquam dictionem, licet parum urbanam, inter-

rum

rumpere. parçè interim, sed benignè, responde-
re, vt non pauci mecum in vno Principe admi-
rantur maiestatem propè humanâ maiorem;
ac plebeiam penè in audiendo facilitatem. ac
licèt ea non rarò proponerentur, quæ meritò
generosum exacerbare Principem possent; nul-
lum tamen ab ore vnquam illius verbum du-
rius, nullum indignantis animi exaudiebatur. ita
perpetua in hoc mari magno malacia stabat:
cùm indignum Principe putaret commoueri,
& in perpetua quadam tranquillitate mentem
continere, Diuis simillimum arbitraretur. quos
imitari dicebat Principes debere, qui Diuorum
in terris vicem gerunt.

CAPVT IV.

*Hilaritatem & letitiam vultu ostendet, ani-
mumque gratum.*

LETITIAM vultu Princeps præ se ferat.
Mœror & tristitia, & morosiora verba dif-
fidentiam pariunt. nec quisquam faciliè asperio-
ribus ac fastidiosis ingeniis, ac perpetuò quasi
nauseabundis, se suâque committit. amœnitatem
fiducia desiderat. mœror & morositas, & frons
rugosior, iacentesque genæ, & aceto lotæ om-
nem fiduciæ aditum claudunt. fiduciâ verò sub-
latâ, quid speremus? fraus & doli, simulationes,
& subdolæ molitiones succedunt. Adeunda pe-
ricula sunt, fundendusque sanguis? quis gratuitò
hoc faciat? & quæ præmia à moroso speres? hila-

*Præmia à
moroso non
sunt speran-
da.*

rein

*Hilaritas
pro premio
est.*

Prov. 15.

*Continuus
mœror igna-
ui animi, aut
crudelis est.*

rem præmia poscunt, retractum mœror accedit, oculorum, vultus orisque tristitiam, fastidium, aut fastum, aut vtrumque designare. fastidiū animos adimit, fastus odia parit. Quid? quodd plurā plerumque, frontis quadam amœnitate, in tenui præmio, quā in ingenti, à moroso ore prolata extorqueas? Hilaritūdinem quādam, si placitura præmia sunt, deposcunt. nesciunt placere mœrente manu & ore concessa. & ferè magnitudinem suā præmia, à largientis hilaritate mutantur. imò sola lætitia, promptusque ad erogandum animus, facultate destitutus, moroso quocunque munere maior & gratior est. Ut taceam, nullā propè re aliā potentiùs animos, quā seriā quadam hilaritate parari. Vincet animos suorum Princeps, qui læto vultu & ore excipere suos didicit. pro quo etiam ærario omni destituti, gaudebunt vitam ponere: lætiùs ante huius pedes casuri, quā ante morosi præmiis donandi. Quid verò lætitia, quid mœror posset, sciebat Sapiens. hinc illa: *Cor gaudens exhilarat faciem: in mœrore animi deiicitur spiritus.* Tristis verò Principis facies deiicit reliquorum. quæ si perpetua est, abit in contemptum, & neglectum. ignavi enim ferè animi est continuata tristitia, aut sanè crudelis. atque hinc odia nascuntur subditorum, & arma, non nisi cum alterius partis interitu ponenda. è tam tenui re tam magna. Caue Princeps, nec tam arreptæ occasione magnitudinem aut tenuitatem, quā secutura mala cogita. è minimis ferè maxima setoper in regnis nata. nec parua censenda sunt, quæ periculorum damnorūque magnorum ingentem secum molem trahunt.

De

De gratitudine, gratique animi significatione hoc dicam : nullum ingratitude indignius in Principe vitium esse ; qui gratissimos imitari Deos debet, si Diis simillimus esse volet. Irremuneratum ergo nullum relinquet Princeps, nullum post merita indonatum. quin adèd aliquid semper supra merita conferet, ne iusto suorum labores pretio emisse videatur; tantumque accepisse, quantum dedit. Parium hoc est, non Principum. Nam si ingratitude suorum merita compenset Princeps, ex amicis hostes expectet, & è propugnatoribus oppugnatores acerrimos. Nihil magis sœvit, quàm odium ingratitude progenitum. & circumspicient tales liberatorem manum, quæ sudorem sanguinemque meriti nouerit. hostis illa sit, an amica, iuxta habebunt. imò antè ad inimicam euolabunt, quò certior vindicta sit. Et vt nullus ab his metus, magnos tamen viros sperare non potest Princeps, qui irremuneratos suos transit. Nec magnorum hoc Principum esse consuevit: inferiorum non rarò esse fateor. qui si bellicâ maximè virtute clarum nacti fuerint, parem verentur, virtutem reformidant, purpuræ metuunt. quare aut deprimunt, aut tollunt. Non cadit facile hæc formido in longè latèque imperantes. factum tamen diffiteri non possum. at quoties euenit, toties propè cum Reipubl. interitu. Hinc Narses Longobardos Iustiniano imposuit, Wandalos Bonifacius Imperio, Mauros Hispaniæ Iulianus Comes, alij alios. E Principum deinde ingratitude, multi orbe toto tyranni exorti. audere, ingratitude nata desperatio & indignatio docuere. Fateor ingritudinem non

*Ingritudo
Principe in-
digna.*

*Ingritudo
ex amicis ho-
stes parat.*

*Mala è Prin-
cipum ingra-
titudine na-
ta.*

*Principis in-
gratitudo a-
nimos subdi-
tis adimit ad
magna au-
denda.*

*Cauendum
Principi ne
nimia libe-
ralitate me-
ruenda suo-
rum poten-
tiam alat.*

*Non facile
Princeps sub-
ditos sibi af-
finitate iun-
get.*

*Ferendus
Princeps in-
gratus.*

non esse iustam secessionis à Repub. aut Princi-
pe suo causam ; speciosa tamen & apud popu-
lum , & apud exteros esse solet. & nescio quâ
commiseratione ferè in tales rapiamur : quæ si
maior est, ad arma etiam conuolare suadet, tan-
quam pium esset læso succurrere. læsum verò
arbitramur, cuius promerita irremunerata vi-
demus. Et verò, vt ad extrema hæc ingrati-
tudo non cogat , animos adimit ad ardua pro
Principe audenda ; retunditque generosiores
multorum animos : frangit industriam , auerit
cor arum. Iuuari vult virtus. à qua si præmia su-
stuleris , quid speres ? etiam in Deo. tolle pro-
missa cælo præmia , quis monentem , inuitan-
tem sequetur ? aut quem sola virtus, ornatu suo,
præmio dico, nudata, ad magna impellet ?

Verùm cùm remunerari facta velim , ita
volo, ne aut se nimium suis exuat Princeps, aut
formidandum potentiâ sustineat. Meminerit se
Principē, nīmīæque potentiæ adiacere audaciā,
nouisque plerumque populum delectari. Intra
præmiorum ergo mediocritatem se tenebit, nec
sordes amabit , nec profusionem ; nec parem
statuet , nec indonata transibit merita.

Nescio etiam , an probanda illa quorundam
Principum consuetudo , quâ fortia suorum fa-
cta connubio remunerantur regio , cùm aut fi-
liam, aut sororem, matrimonio iungunt, remu-
nerantes propinquitate merita. Fors tutius ex-
teris Principibus, quàm subditis hæc largiantur.
nescio enim quid de propinquo , propinquus
sanguis audere non persuadeat. taceo.

Quodd si tamen pergat ingratus Princeps ef-
se, non tamen idè ab armis, tanquam à medica
manu

manu salus speranda. à modestia speret. transeâtque ingratitudinem ut alienam: nec accuset illam, nec fortunam suam, nec benefactorum immemorem Principem; sed spe plenus opportuniora expectet tempora. Laudem sanè, ut nihil aliud, in omnem posteritatem consequetur eo maiorem, quo maiore ingratitudine percussus fuerit. Cogitet deinde nec solum se, nec primum tulisse. Hinc verum illud Themistoclis: Magnos plerosque ac Græciæ primos platanos fuisse, ad quas læuiente tempestate populus confugeret; sereniorè verò cælo destitueret. Nec longè exempla querenda.

Coriolanum, quòd iniquæ aduersaretur voluntati populi, exultatione multauit, agròsque colere iussit. nec minus ille ferociter iniuriam armis vindicasset, nisi inferentem signa filium mater lacrymis exarmasset. Camillus incolumitatem suam tueri in ea vrbe non potuit, cuius ipse salutem stabiliuerat, felicitatem auxerat & quidem eo tempore quo filio spoliatus, solatiis magis alleuandus, quàm cladibus onerandus erat. Africanus Superior, ignobilis vici accola, inscribi sepulchro iussit: Ingrata patria, ne ossa quidem mea habes. Posterior Africanus raptorem spiritus domi inuenit, mortis punitorem in foro non reperit. Nasica Pergami vitæ quod superfuit, sine vllò ingratae patriæ desiderio peregit. Lentulus pro vulneribus pro patria exceptis, mercedem tulit, ne in vrbe moreretur. Ahala, custoditæ libertatis ciuium, exilio suo pœnas pendit. De Atheniensibus Valerius: *Thesea paruo in scopulo sepeliri, Multiadem*

Ingratitudinis exempla.

post trecenta millia Persarum Murathone deuictis
 in carcere mori; Cimonæ paternas induere catenas,
 Themistoclem Xerxis victorem victi hostis genua
 complecti, Solonemque cum Aristide & Phocione
 Penates suos ingrata fugere coëgisti. De Carthagi-
 nensibus: Annibalem, qui tot exercitus nostros tru-
 cidauerat, quot gregarios milites hostiū si occidisset,
 magnæ gloriæ foret, è conspectu suo submouerunt.
 De Lacedæmoniis in Lycurgum: Sapè lapidibus
 petitus, aliquando furore populieiectus; etiam priua-
 tus oculo, ad ultimum ipsa patriâ pulsus est. De
 Magno Alexandro quid dicam? Lysimachus
 leoni obiectus, Clitus hastâ traiectus, Callisthe-
 nes mori iussus, Philotas miserè cæsus, Parme-
 nio per speciem amicitiaë occisus, quid nisi infi-
 dam Regum amicitiam produnt? De Callisthe-
 ne Curtius: *Quam crudelitatem sera pœnitentia cõ-
 secuta est.* De Parmenione: *Multa sine Rege pro-
 sperè; Rex sine illo nihil magnæ rei gessit.* Tacco Be-
 lisarium, Aratum Philippi, Vincæ Frædetici, Ca-
 bretam Petri Aragonis, & sæculi nostri non
 vnum. I nunc, & Reip. fide & Regibus, fide pro-
 meritis. Si quid factum bene, vetus dictū, leuior
 plumâ est gratia: si quid minùs gratum, plūbeas
 iras gerunt, & ferè in exilio & ferro finiunt. Be-
 nefactorum memoria nulla, profusique sangui-
 nis nulla: in minimo errore non moritura est.
 O quousque fidis? si è quinquaginta bello &
 consilio magnis, quinque integram famam
 gratiâque transmiserunt in posteros fide Re-
 gibus, & Rerumpublicarum dominatui. O ali-
 quando exempla te doceant! & dic cum illa:
Quia me vestigia terrent: aut sanè ita in omnes
 actiones tuas excuba, ne offensionis causam præ-
 beas,

beas, etiam infimis: à minimis enim maxima timēda mala, cum grauiores ferē infidiæ, nocituræque fraudes, ab humili surgāt. generosior animus dolos auersatur. Super omnia, se pone humana: & virtuti ac Deo fide. Nullum ab horum manibus ferrum, /fraus nulla. Regum ac Rerum-pub. non semel infida stetit dextera. non stetit Dei: nec stare potest. Illorum fugitiua gratia est, volatica præmia, exsugenda, vbi te impleueris, nouaculâ aut securibus, aut duro exilio: Dei æterna sunt, beântque possessorem suum regno æterno. amplectere. nulla pœnitētia Dei munera comitatur: comitatur Regum. Nec pudeat aliorū successibus discere. pudeat profutura ignorare. prudens ex aliorū infortunatis euentibus metitur suos, & in aliorum damnis periculisq; euitat sua. noxia verecundia, fatua arrogantia est, alieno malo, nullo dispendio suo, nolle crudiri.

CAPVT V.

Liberalitas in Principe laudata, publicè, priuatim.

MVNIFICENTIAM, quâ publicè, quâ priuatim ostendat, & beneficiis quàm plurimos obstrictos habeat. Ingentes compedes dona sunt, quibus nec fortissimus, nec prudentissimus, ac vix optimus ac integerrimus quisque se exoluat. Vbi verò semel aureis his vinculis animos irretiueris, æternum possidebis, & vel solâ verecundiâ, munifico adhærebunt largitori. pudet nimirum ingratum esse, & munerum memoria grauis testis est. Etiam hostis si dona admiserit, victus iacebit. plus hæc,

Munera ex hoste; amicis faciunt.

Ll 2 quàm

quàm arma possunt. Hinc illud scitè dictum: *Speciosius iniuria beneficiis vincuntur, quàm mutui odij pertinaciâ.* Frequentia tamen potius, quàm magna, munera largiatur. iterata beneficia fortius stringunt, vt repetita vincula arctius innectunt. Neque vnquam eò se deducat, vt vniuersum munificentiz fontè exhauriat. Turpe Principi benefacere non posse: cum enim Dei in terris personam sustineat, liberalis erogatoris sustinebit, vt dare semper possit. non, quòd semper imbres, semperque decidant pluuiæ; satis est, si solo rore sæcudentur prata, & raro interdum stillicidio pinguescat tellus. Sanè nullâ re validius sceptrâ firmari, populorûmque animos, ad eoque & exterorum Principum conciliari, vno ore tradunt prudentes. quòd si quando negandum aliquid celsuerit, magnâ id comitate faciat. blandè enim negasse, pro beneficio est. inuitum enim negare credunt, quem sentiunt in dona paratum. Gratuita etiam beneficia largietur. duplici hæc digna amore sunt. decedit enim aliquid de doni magnitudine, quod precibus, maximè frequentibus, extortum veriùs quàm impetratum est. illa diuinum aliquid sapiunt, quæ non petentibus conceduntur. etiam tenuia magna censebuntur, si blandis comitata verbis veniant. magnam enim muneri, licet exiguo, gratiam verba addunt; vt naufraga videantur, si blando sermone destituantur.

Semper habeat Princeps quo benefacere possit.

Blanda negatio pro beneficio est.

Multa proceſſu minuunt doni magnitudinem.

Neminem à se Princeps cum mœrore dimittat.

Vniuersim verò danda Principi opera, ne quæ cum mœrore dimittat. re non potest? soletur verbis, & benignum pronumque in beneficia animum ostendat. Multos in hoc genere magnos accepimus; eluxere tamen supra reliquos,

Titus

Titus, Constantinus, Theodosius, Carolus Magnus, Galliæ etiam Reges, Robertus Capeti filius, & Ludouicus Sanctus. Illud verò populi Romani, muneris magnitudine magnum, cum Attalo Regi Asiam dono dedit, sed Attalus etiam testamenti æquitate gratus, qui eandem Asiam populo Romano legauit. *Itaque nec huius munificentia, nec illius tam memor beneficij animus, tot verbis laudari potest, quot amplissima ciuitates vel amicè data, vel piè redditæ sunt.* A quo alio populo sperari hæc poterant? Massanisa etiam, Scipionis & Romanorum ope, regno auctus, beneficij memoriam constantissimè in centesimum annum seruauit. dignissimus, cui pop. Romanus benefaceret. Nec quidquam rã validè ad benefaciendum impellit, quàm iucunda acceptorum beneficiorum repetita, ab eo qui accepit, narratio. sternunt hæc viam ad noua: mereri enim semper noua videtur, qui acceptorum gratâ memoriâ meminit.

Romanæ etiam liberalitatis exemplum habemus maximum, cum Macedonum Rege Philippo superato, omnes Græciæ vrbes, quæ sub ditione illius fuerant, liberas atque immunes esse iussit. post cuius rei per præconem denuntiationem, tantâ Græci cælum clamoris alacritate compleuerunt, ut certò constet, aues, quæ superuolabant, attonitas pauentèsque decidisse. Addo illud Hieronis Syracusanorū Regis, qui auditâ Thrasimeniâ clade, trecenta millia modium tritici, hordei millia ducenta, auri pondo ducenta & quadraginta, muneri Romanis misit, simulauitque se ex religionis voto mittere, quo verecundiæ consuleret. Et illud Darij, qui pro amiculo

quo delectabatur Sylosotis Samij, vltro sibi oblati: Rex factus, Samiorum insulâ Sylofonti dedit. Nec transeo hîc Q. Fabium Maximum, qui, cûm à Senatu non præstaretur captiuorû, quos interposita pactione ab Hannibale acceperat, pretium, fundum quem vnicum possidebat vendidit, eiûsque pretium Hannibali numerauit. Ô quis imitetur! nobile in ciues amoris, liberalitatis, & datæ fidei exemplum. Prudenter Alexander Seuerus, de quo Lampridius: *Diem nullum transiit, quin aliquid mansuetum, ciuile, pium faceret: sed ita ut ararium nõ euerteret, & cogitabat secum, & descriptum habebat, cui quid præstitisset. & si quos sciret, vel nihil petisse, vel non multum unde sumptus suos augeret, vocabat eos, & dicebat: Quid est quod nihil petis? an me tibi vis fieri debuorem? pete, ne priuatus de me conqueraris.* Quis Christianorum vltro neam hanc in Imperatore liberalitatem non admiretur? D. Theodosio verò Pacatus: *Pari benignitate cûm plures afficere honoribus velles, quàm bonorum loca admitterent, & angustior esset materia voluntate, nec mentem tuam quamuis diffusum caperet Imperium; quem nondum aliquo prouexisti gradu, digestionem solatus es. Ille cohonestatus affatu, ille mensâ beatus, ille osculo consecratus est. ita omnibus qui te Principe sibi iure considerent, aut processit dignitas, aut satisfecit humanitas, quæ tam clara in Imperatore quàm rara est. Et alibi. Nullam maiorem crediderim esse Principum felicitatem, quàm fecisse felicem. itaque Imperatori propriam maiestatem aestimanti, non tam illud suum videri debet quod abstulit, quàm quod dedit. nam cûm intra ipsum voluantur omnia, & ut ille qui cuncta ambit Oceanus, quas suggerit aquas terris, recipit è terris; ita quidquid in*

ciues manat à Principe, redundat in Principem. & rei & fama bene consulit munificus Imperator, lucratur enim gloriam, cum det pecuniam reuersuram. O si intelligant Principes omnes!

Dāda verò in primis opera Regi, ne beneficiis vincatur. turpe Regem beneficiis vinci. Vetus dictum, & verum: *Beatissimum hoc in regno est, nō vinci beneficiis.* Nemo Regum nolens vincitur. nulli enim promerita supra meritum remunerandi deesse materia potest. Pulchrum illud, & verum: *Hoc vno beata regna sunt, benefacere quod semper possint.* Deo enim sumillimum, benefacere semper posse: nec vllā prope re aliā similiores illi reddimur. Hinc laudatū etiā illud Ptolemēi: *Regum est diuare magis, quā diuascere.* Dei etiam illud est. Non accedunt opes Deo, accedunt hominibus, diuites facere illius est; locupletari hominū. Nec minū illud Artaxerxis. *Regiū est magis addere, quā adimere.* tyrannorū hoc & latronū est: Regum, qui suis patrum loco esse debent, non potest esse. diuitate, patrum est; diuitari, filiorum. & dare, illorum; accipere, horum est.

In beneficio verò accelerationem probo, vt verum illud semper arbitratus fuerim: *Omnis benignitas properat.* nam quæ importunitas exprimit, à benignitate non veniunt. nescit hæc violentari. vltro se ingerit, & felicitatis suæ non vltimam partem putat, posse benefacere. quærit proinde in quem conferat; sed ita, vt prudēti & prouidā, nō cecā manu proiciat. Sūt enim quādā nocitura impetrantibus, quæ non dare sed negare beneficium est, *Existimabimus igitur utilitatem potius, quā voluntatem petentium.* Sic frigidam agris negamus, & lugētibus ac sibi vti ferrū. detestamurq;

Dāda opera Regi, ne beneficiis vincatur.

Celeritas in beneficiis grata.

Prudētia donis socianda.

In immeren-
tes dona con-
ferre noxiū.

perniciosos malorum munerum auctores; cum im-
petus ille flagrantis animi, qui consilium fugat, cecidi-
dit. Videbit proinde Princeps in quē munera sua
conferat. Nā in immerētes, graui offensione non
caret. Hinc bene, *Indignis dare munera offendū di-
gnos*, & ex amicis hostes parat, cū se præteriri
vident, extolli indignos; animos etiam adimit
ad virtutem, cū hanc neglectam videant, co-
ronari vitia. In eos verò, qui priuatim aut pu-
blicè obfuturi, fatuum est: promiscuè omnibus,
stolidissimi ingenij est. ita reperias, qui tanquam
venena excutiant beneficia, contenti excussisse.
arbitreris indignari rebus, nec magis apud se te-
nere dona sua posse, quàm matres maturum par-
tum. & proiiciunt illi in obuium, & primas pre-
ces; dignus an indignus munere sit qui rogat, po-
strema illis cura. dedisse satis. Vitabit hæc impru-
dentiæ saxa Princeps, nec allidet ad hos fatuos
scopulos prudentiæ suæ ratem.

ALBERTI
Austriaci
Belgarum
Principis li-
beralitatis.

Vitauit ALBERTVS, & munificentiam pro-
pè omnem suam in Ecclesias vertit, & in pau-
peres, solitus in hæc supra centena millia annis
singulis, non liberaliore magis manu, quàm lætā
mente erogare. crederes parcum, cū liberalissi-
mus esset. ita tegebat prudens munera, vt & ne-
cessitatibus aliorum occurreret, & laudem ipse
fugeret. Cæsarem in hac re securus & Augustū,
quò & egentium pudori consuleret, & cælo, nō
terris præmia speraret: magnum Agrigentinum
Gilliam imitatus; quem ferunt animo quàm di-
uitiis locupletiore, semper in eroganda potius
quàm in congreganda pecunia occupatum: aded
vt domus illius quædam munificentie officina
crederetur. addit Valerius: *Colloca ex contraria*

parte

parte arcae inexorabilibus claustris obseratas: nonne præstantiorem existimas illam impensam, quàm hæc custodiam? Redeo ad Principem nostrum, qui cum munificus in plurimos esset, tum nulli vnquam, licet beneficiorum immemori, improperauit beneficium; nec quæ munificæ & regiæ manu dederat, recensuit vnquã. plebeium hoc esse dicebat, non Principum, memor veteris dicti: *Qui dedit beneficiũ, taceat; narret, qui accepit.* Addebat: Dedit & narraſſe, præmiũ accepisse est. ne mireris, dare didicerat, nõ accipere, adeo vt nec quid accipere esset, sciret. Querebantur sui ærarium exhauriri: ille impleri piis donationibus arbitrabatur. cum diceret, à nullo Deum munificentiam victum. Iam si verum illud: *Quod fecistis vni ex meis minimis, mihi fecistis,* quis credat irremuneratam Principis in Deum liberalitatem futuram? non fuit. Intuere rerum gestarum magnitudinem. vide quàm non magnam manu, non magnæ possessor prouinciæ, Gallica, Anglica, Germanica, Batauica, vno tempore sustinuerit arma: quàmque nihil propè ipsi tot regnorum arma decerpserint, cum plurima ipse hostibus. Testis mihi Gallia, Germania, Flandria, Iulia, Cluiæ, Montium Ducatus, & vicina his loca. in quibus omnibus, suam & Ducum suorum felici manu; prudentiam, consilio & imperio suo, minimum viginti supra centum oppida armis expugnata. & quod mireris, pugnatum propè in singulis: ne putes vno quasi hiberno torrente, aut Aquilonio vento demessa. In quibus vno Marchionis SPINOLÆ sapienti & fortunato ductu, oppida, præualidæque castra supra centum, ad Principis & Catholici Regis imperium deducta. quæ, si multitudinem spectes,

Matt. 25.

si rerum difficultatem, si non magnam plerumq;
 militum manum; à Dei magis, quàm ab humana
 venisse dextera videbis. Intuere viciniora nobis,
 Ardream, Caletum, Hulstum, Ostendam, Rein-
 berkam, Lingam, Wesaliam, Wachtendonc-
 kam, Grollam, Iuliacum, & magnorum videbis
 Regum potentiam singula potuisse eludere. Ta-
 ceo Bucquoia Comitem, cuius virtuti, & Belgi-
 co militi, quid Imperator debeat, quid Austria,
 Hungaria, Bohemia, Moravia, quid Christianus
 orbis, res, me tacente, loquuntur. & creuerat ille
 sub Principe nostro; à quo & missus in auxilium
 labentis in Germania Imperij & religionis. Quæ
 omnia Principis nostri generosis aulibus, pru-
 dentique consilio gesta, ignorare nemo potest.
 solus ipse nihil sibi, Deo tribuenda putabat om-
 nia. Senferat ille in suos liberalem Principis ma-
 num: reddidit quæ profuderat maiora, cum vinci
 ab homine Deus nollet. Sed & quod de Dauide
 Scriptura, *Propter David seruum meum*, victoriæ
 de hostibus relatæ, hostiles euerse aut captæ vr-
 bes, prouinciæ, regna: hoc de ALBERTO nostro
 dici potest: Propter seruum meum ALBERTVM,
 & largam illius in me meosque manum feci hæc
 omnia.

C A P V T V I.

Iustitia clementie socianda.

IUSTITIAM ita amabit, vt clementiâ non de-
 ponat: sed neq; hanc ita fouebit, vt illius obli-
 uiscatur. vtramque tuebitur: ac, si cui indulgen-
 diuin,

*Clementia in
 iustitiâ potior.*

dum, plus clementiæ concedet, cuius minora, quàm iustitiæ delicta sunt. memor Prophetæ: *Facite iudicium & iustitiam, & liberate vi oppressum de manu calumniatoris; & adueniam, & pupillum, & viduam nolite contristare, neque opprimatis iniquè. Quòd si non audieritis verba hæc, in memetipso iuravi, dicit Dominus, quia in solitudinem eris domus hæc.* Omnibus hæc iudicibus, Principibus maximè, grandis interminatio; eoque grauior, quia certior, quia Dei. Illud in solatium: *Rex qui iudicat in veritate pauperes, thronus eius in æternum firmabitur.* De Tito illud Suetonij habemus: *Nulli ciuium quidquam ademit; abstinent alieno, ut si quis unquam: ac ne concessas quidem & solitas collationes recepit.* Magnum in Imperatore iustitiæ documentum à concessis abstinere.

Jerem. 2. 2.

Prou. 29.

In publicis verò paucorum criminibus, quæ in regni perniciem tendunt, non parcet. quòd si omnium delictum fuerit, clementiæ memor erit: nam vel omnium cæde, vel paucorum expiabit. omnium non potest nisi omnibus destitui velit. paucorum, animos veriùs exacerbabit, quàm componet. & in delicti paritate par pœna esse debet. Prudenti proinde magis dissimulatione omnium delicta prætereunda sunt. nam si in omnes sæuire cogitat, videat, ne ab vltima desperatione dominos inueniat, non reos. multæ enim, si furor accesserit, populo vniuerso manus, Regi pectus vnum est.

Multorum delictum paucorum pœnam expiandum.

In clementiam verò, non tantùm in publicis, sed & in priuaris delictis pronior Rex sit, cum etiam Ciceronis sententiâ, *homines nullâ re propriùs ad Deos accedant, quàm salutem hominibus dando.*

Psal. 85.

dando. Hinc decātaturus magni Dei laudes Prophetā Regius, vt primas narrat, *Quoniam tu Deus suauis & mitis, & multa misericordia.* Imitari Deū non pudeat Reges : errare hoc ductore non possunt. errant qui ab illius semitis recedunt. Sed neque virtus alia est, quā facilius regna parātur, firmantur. vt iure Seuerus Imperator dixerit, securiorem se ac diuturniorem potestatem lenitate & clementiā fecisse. Eadem reperies in Sigisundo, in Traiano, in Tito, qui contentus monuisse patricios à coniuratione desisterent. addit Eutropius: *Conuictos aduersum se coniurationis, ita dimisit, vt in eadem familiaritate qua antea habuerit.* In Antonino, dum Auidij Cassij liberis, vxori, genero ignoscit. In Augusto, cum Cornelio consulatum dedit, Cinnæ prius hosti, exinde insidiatori, ignoscit. In Vespasiano, cum Metium Consulem facit post insidias, Vitellij filiam matrimonio iungit & dotat. In Alfonso Aragonū, cuius illud: *Malo multos clementiā seruare, quā paucos sententiā perdere.* In CAROLO V. Imperatorum Maximo, cuius illa: *Malo Christianum unum seruare, quā mille Mauros Turcasque perdere.* In Imperatore Rudolfo, à quo hæc accepimus: *Seuerum fuisse pœnitui, placibilem nunquam.* In L. Paulo, qui captiuum Persen Regem conantem ad genua procumbere, dexterā leuauit, laterique suo proximum sedere iussit. In Magno Pompeio, qui Tigranem benignis verbis recreatum, diadema quod abiecerat capiti reponere iussit, pulcrius iudicās Reges facere quā vincere. In Iulio Cæsare, qui Catonis morte auditā indoluit, liberisque illius patrimonium incolumē seruauit. In Antigono, qui Pyrrhi ossa vrna inclu

inclusit aureâ, Helenoque illius filio, deportanda ad Alexandrum fratrem in Epirum tradidit. In Gannibale, de quo Valerius: *Plus illi gloriæ Paulus, Gracchus, Marcellus sepulti quàm oppressi attulerunt. siquidem illos Punico astu decepit, Romanâ mâsuetudine honorauit.* addit: Ergo humanitatis dulcedo etiam in efferata barbarorum ingenia penetrat, toruôsque & truces hostium mollit oculos, ac victoriâ insolentissimos spiritus flectit. In Nerua, de quo Cassius: *Coniurauerat in eum Crassus Calpurnius, Crassorum nepos. hunc cum ceteris coniuratis, dum ludi ederentur, assidere iuxta se voluit. his gladios obtulit, quos scilicet inspicere atque pertentarent, satisne acuti forent. re verâ significabat, non admodum sibi cura esse, si vel tunc eo loco occideretur.* Quid? quod in curia iurauerit suo iussu neminem Senatorum occisum iri. quod sacramentum quamuis etiam insidijs petitus esset, inuiolatum seruauit. Quid? quod Rufinum Virginium, quem Romane legiones olim Imperatorem nominauerant, minime veritus sit in consulatu collegam assumere. In Alexandro Seuero Lampridius: *Cum quidam Quinius Camillus Senator antiqua familia, tyrannidem affectasset, probatûmque esset, ad palatium vocauit, eique gratias egit, quod curam Reipubl. qua recusantibus bonis imponeretur, sponte reciperet.* Deinde ad Senatum processit, & timentem, ac tantæ conscientie tæbe confectum, participem imperij appellauit, & in palatium recepit, conuiuio adhibuit, ornamentis imperialibus, & melioribus quàm ipse utebatur, affecit. In Adriano Spartianus: *In Capitolio iurauit nullum Senatorem se sciante occisum: cum etiam rebelles dixerit se seruaturum fuisse, si sciuiisset.* In Augusto Paterculus: *Citiûsque Casar vitam promisit, quàm*

illis

illis ut eum precarentur, persuasum est. & alibi: Fuitque & fortunâ & clementiâ Caesaris dignum, quod nemo ex his qui contra eum arma tulerant, ab eo, iussive eius interemptus fuerit. In populo Romano, qui Carthaginiensium legatis, nullâ pecuniâ acceptâ, bis mille & septingentos & quadraginta tres captiuos, iuventutis florem, reddidit. Et non senatus plebeias seditiones omnes vnâ clemētīæ spongiâ deleuit: tot domesticos ignes, latè interitum Reip. minitantes, lentâ clementiæ aquâ restinguens. Non fecisset. audisset, cum multis Græciæ urbibus, Hactenus Roma, & cinis omnia, & vastitas ingens, & orbis regio, & frustra ager est. Nunc clementiâ stetit, & orbi imperauit. Et quò ferrum, si benignis pacari res verbis possint? quò securēs & ignes, si osculo mederi possis? timeat quisquis solo ense imperium tueretur. multæ populo manus, Regi ceruix vna est. & non sæuitia inimicorum auget numerum, dum tollit? Prudenter proinde in omni delicto non infimi Scriptorum suadent, ut pœna in paucos, metus ad plures eat. ita ferè cadunt fulmina, paucorum exitu, plurimorum metu. Fugiant Reges crudeles dexterās, à quibus odia nascuntur, quæ non didicerunt parcere. nimis orbi noti quotquot in Imperio Romano, quotquot in Græco, & aliis, sæuitiam sanguine tandem suo purpuratunt. Nec mirum. Vetus illud verum semper, *Quem quisque odit, perisse expetit*: periculorum postrema cura, odiorum prima est. ut rogatus Thales, quid rarum in humanis vidisset, prudenter responderit: *Tyrannum senem*. addo, Et morte suâ immorientem. Hinc illud Poëtæ:

Violenta

Violenta nemo imperia continuit diu:

Moderata durant.

Est enim tyrannis omnis iniusta & brevis; & dum tutam se putat, ruine proxima est. Hinc etiā non modò dum patimur, sed & dum legimus, insurgimus in iras, & capulo propior manus est. tam certum hominum animis crudelitatis innatum odium est, ut, si non innoxia manu crudelitas cadat, læta videatur cadere: & cum optimus quisque meritò damnet percussores, de tyrannide pulsa taciti secum gratulantur.

Neque tamen nimiam clementiam, ac quamdam animi lentitudinem probo. noxia in primis hæc regnis Regibusque est. Ibit in huius rei exemplum Childericus III. à quo ex Morouei & Clodouei domo ad Hugonem Capetum lilia transierunt. magis etiā posteriores Orientis Imperatores, quorū ignauā lentitudine, Christiani orbis pars longè maxima sub barbaro Ottomanico gemit imperio. Miscuit clementiā iustitiæ, si quis alius, Traianus. nam cum rarā in omnes, etiam in hostes, clementiā esset, tum illud illius, referente Cassio, iustitiæ magnæ fuit: *Cum Sura tribunatum militum traderet, Talem, inquit, enssem accipe, quem pro me ita demum strinxeris, si iuste imperaui: quòd si perperā per me quidquam fieri cognoueris, etiā in perniciem meam utaris.* Quis Christianorum Principum imitetur? quis tam amans iustitiæ, ut in se stringi ferrum cum Traiano, nō permittat, sed imperet? imò quis in summa iniustitia, non audire iustus desiderat? quis non factū omne suum inter ea numerat, quibus inscribi meritò debeat **BONVM IVSTVM?**

In manifesta verò iniustitia illorum, qui iuri dicundo

In iniustos iudices seueritate opus.

dicundo præsumunt, seuerum se potius quam clementem ostendat. nec erit difficile, si modò liberalibus, pro dignitatum ratione, stipendijs suis donauerit. Refert hîc illud Cambyſis Valerius: *Qui mali cuiusdam iudicis ex corpore pellem detractam sella intendi, in eaque filium eius iudicaturum considerare iussit. Addit: Atroci & nouâ pœnâ iudicis, ne quis postea corrumpi iudex posset, prouidit.* In publicos verò latrones, & ex destinato, ex insidiis, homicidas, & in præmeditata diu scelera, in virginum raptos, sacrilegos, incestuosos, adulteros, patriæ proditores, sepositâ clementiâ, iusticiam aduocabit. Nil in hoc genere parcat. quisquis in hos sæuit, pius in patriam est. nec in receptores horum, ac in propugnatores, minùs quàm in reos, secures stringat. Sed neque nobilitati hîc parcat, non sexui, non ætati. præmijs etiam propositis ei, qui aut indicium fecerit, aut latronem stiterit, aut cæsi caput, licet in eodem crimine fuerit, modò sceleris in socio vindex, vtrò se iudici obtulerit.

In vxorem verò non facilè sæuiat, memor Rosimundæ in Alboino Rege. furit mulier contempta, & venena cogitat, aut alienum torum, tam facilè mariti proditrix, quàm coniugalis lecti.

In fratres etiam caueat ne acerbior sit, memor Petri Castellæ Regis, qui spretus, & durius habitus, Henricum fratrem regno & vita exiit. maior semper flamma à consanguineo sanguine exsurgit, solo ferè ferro restinguenda & sanguine.

CAPVT VII.

Privatas iniurias contemnere & ignoscere, magni Principis est.

SI quæ in Principē sunt delicta, si tutò potest, donabit; sin minùs, temperabit, memor Augusti, Titi, Antonini, Traiani, Vespasiani, qui cõiurationis conuictos monuisse contenti, à ferro abstinuerunt, & dignitatibus etiam auxerunt. hinc illud Vespasiani de insidiante sibi Metio, cùm Consulem fecisset: *Erit memor aliquando tanti beneficij.* Memor etiam Dionis, Agesilai; & è Christianis, Alfonsi, Rudolphi, Sigismundi, cuius illud: *Inimicum occido, dum parco; & amicum facio, dum extollo.* Non quòd auctor horum sim Principi. narro quid magni Imperatores & Reges fecerint. imitari, si volet, poterit Princeps. Hoc dico. nemo magnorum, quorum memini, Imperatorum ac Regum, ferro, aut hostili manu periit. perierunt plurimi, qui se ferro & ignibus vindicarūt. Nam de liberioribus populi in Principem vocibus nihil dico. improbo voces. De ferro in his vocibus altum mihi silentium. propè tamen semper stetit illa populo libertas, vt militi in Ducem. non probo. Verùm magni Duces Regesque contempserunt has voces, indignasque indignatione suâ iudicarunt. nam & qui has protulerant, non multò pòst sanguinem pro Principis incolumitate vltro fuderunt, & vitâ suâ Principis vitam tutati sunt. In omni propè milite hoc reperies. dilata stipendia quas non voces expresserunt? occurrit hostis, & oblit

*Magnorū est
liberiores po-
puli voces
contemnere.*

M m

ver

verborum ac libertatis,fortiùs sanguinem,quàm priùs verba, fuderunt. vt videas verba ori innataſſe,non cordi;amorem studiùmque in Principem, in corde, non in ore habitaſſe. Vt magnâ in liberioribus populi militùmque vocibus opus ſit circumſpectiõne,ſubita ne aliqua indignatio effuderit,& ira; an præmeditata cadant; quòve ſine ſparſa:an vt calorem expleat,an in terrorem, aut in popularium commotionem. Multi effu-diſſe ſatis habent, nec vltra verba cogitationem iaculantur:alij è deſtinata improbitate,& animo iam diu antè concepta, labuntur in illa: nouarum rerum ſtudio alij,veterùmque tædio,& maximè Principis. Quæ res maturam deliberationem depoſcit,& magnis remediis eget.nec ſolo ſemper contemptu curatur hoc malum; quo maiore opus prudentiâ. Hoc tamen yniverſum dico. non eſſe Regis, at nec viri magni, curioſiùs in maledicas de ſe linguas diſquirere: minùs, in illas ſæuire. quod ferè tyrannorum eſt. notatum in Tiberio & Nerone. ferre illas,magnorum eſt,& ſolo ſe contemptu in illas armare. nec vlla certior victoria, nulla generoſior, & quæ virum ſuum loquitur. Et quis prudens omnium ore & calamis,dicta factâque ſua probanda ſperet?ſtultitiæ hoc extremæ eſt.Prudentiæ eſt; non offendi liberiore locutione. imò gloriari debet quiſquis patitur linguas, quæ ferè in magnos venena ſua iaculantur; vt in firmiſſima quæque ſæuiunt fulmina, tranſeunt mollia, vt indigna robore ſuo. vt ſignum rei magnæ ſit, linguas tuſiſſe, & materiam factum liberioris locutionis. non eunt illæ in humi ſerpentia; magnum ferè ſit in quod incurrant.

& libertatis suæ præmiū putant, incurrisse in magnos. Sua sanè cuique, vt caput, ita & stat lingua. præscindere has debeat, & præscindere aded hominum omnium linguas omnes, vt inter elingues viuat, ne percutiatur linguis, quisquis loquendi secare libertatem volet. & vt secet linguas, feret manus. has etiam si secuerit, feret oculos. excindet, & exoculabit omnes? non effugiet iudicia. quæ ne patiatur, præscindat necesse ceruices omnium.

CAPVT VIII.

Crudelitas & sanitia fugienda Principi.

IN iustitiæ verò prosecutione crudelitatem fugiet: etiam nomen. neque aliud Reges, qui illâ vti fuerunt, quàm dedecus sibi, aliis gloriam perperere. vt verum illud sit: *Imperia crudelia, magis acerba quàm diuturna.* Neque quisquam à multis metuendus est, in quem non à multis formido recidat. contrà qui benignitate & clementiâ imperium temperauere, his etiam hostes æquiores, quàm aliis ciues fuere. vt taceam bellum secum æternum & anceps animo gerere, cū in æterno periculo agat Princeps crudelis. ferè enim cædem cæde, sanguinem sanguine expiatum accepimus. Varios in hoc genere narrant Historici. Hos per risum, ac quasi per lulum, sœuire solitos. præit hos Sylla, qui quatuor legiones, & quinque Prænestinorum millia exarmata, spèque salutis datâ, frigidâ quasi manu obtruncasti iussit, *abscissâque miserorum capita, in conspectum*

*In perpetuo
metu est Prin
ceps crudelis.*

suum deferri voluit, ut oculis illa, quæ ore nefas erat, manderet. Illos post lentam meditationem, tristibus dictis atrociora facta coniunxisse. dux horum Tiberius, cuius hæc: Oderint dum metuant. sub quo etiam interdictum, ne capite damnatos propinqui lugerent. Crudele; nam verum illud semper Pacati: Est aliquod calamitatum delinimentum dedisse lacrymas malis, & pectus laxasse suspirijs. Nulla maior est pœna, quam esse miserum, nec videri. Alios nusquam magis quam inter pocula sæuissime & mentas. Legimus in Antonio. In Mario, qui inter epulas, lætis manibus caput M. Antonij aliquamdiu tenuit, clarissimiq; oratoris sanguine contaminare mensam voluit. In Claudio, qui nuptiarum cum Agrippina die, quinque & triginta Senatores, ac trecentos equites Romanos occidi iussit. prima hæc illi nuptialis hilaritudinis fercula. Quosdam ferè in amicissimos. vidimus in Alexandro. Nec cæde contentus Caligula, parentes filiorum supplicio interesse cogebat. nec tenere in quemquam nisi crebris ictibus & minutis animaduerti passus est, noto iam precepto: Sic feri ut se mori sentias. Hinc multos bestiarum more quadrupedes caueâ coërcuit, aut medios serrâ secuit. Cuius nota illa vox, vnam ceruicem populo Romano imprecantis. De Domitiano illud Suetonij est: Inuestigato nouo questionis genere immisso per obscæna igne plurimos sustulit. De Hannibale verò illud Valerij: Captiuos oneribus & itinere fessos, infimâ pedum parte succisâ relinquebat. Et de Mithridate, qui vnâ epistolâ octoginta Romanorum millia occidit. Non attingo

Bistonij stabulum Regis, Busiridis aras,

Antiphata mentas, & Taurica regna Thoantis.

naturæ

naturæ portenta fuere, non homines. Nam cum obliuiscatur feritatis suæ leo, & delictum fiat Berenices Regina, linguâ genas eius emaculans; ac mores bestiam relinquant: non reliquit varios Imperatores crudelitas. creuit aded cū Imperio. Getulam mulierem obtestatam occurrentes feras, immunem rediisse narrant. nec defuit interim, qui anum matrem, quod filij mortem defleuisset, necari iuberet, quique filios adiecisset deprecari pro patre conatos. lacrymas in filij morte matris, precésque in patris morte, crimen fuisse quis crederet, nisi in Romano Imperatore, & quidem in Vitellio legeret? Nescit modum crudelitas, ubi laxauit habenas, etiam in patruos, fratres, sorores, nepotes, uxores, filios sæuit. Noti Tiberius, Nero, Caracalla, Commodus, Artaxerxes, Ptolemæus Physco, qui etiam *optime spei filij sui caput & pedes praefixos & manus, pro munere natalitio matri misit. Quin & in patrem & matrem sæuit. Tullia nos docet, & Nero. de quibus illud: Tullia uxor Tarquinij ut virum Regem saluaret supra cruentum patrem uetula carpeno, consternatos egit equos. De Nerone verò Suetonius: Cum matrem veneno ter tentasset, lacunaria, quæ noctu super dormientem luxatâ machinâ deciderent, parauit. Hoc consilio parum celato, solutilem nauem, cuius naufragio periret, commentus est. Sed ut nando euasisse comperit, occidi iussit. narratur ad interfecta cadauer accurrisse, contrèctasse membra alia vituperasse, alia laudasse, siti-que interim abortâ bibisse. Quanquam nesciam, an misereri huius debeam matris, cuius illæ voces, Occidat, dum imperet. imperauit, occidit. utrumque improbum; matris votum, filij crudelitas.*

*Crudelitas
ferè in Prin-
cipis sui ca-
put recidit.*

Quo magis fugienda Principi, cum ferè in Principis sui caput cadat. aliquem enim tandem inueniet, qui vitam contemnet suam. hoc qui imperare sibi potuit, factus est dominus alienæ, etiâ Regis. Quid? quod ipsi etiam detestentur Principes crudeles, qui crudeles faciunt. ita nulli hominum generi gratus crudelis est. In perpetua deinde sollicitudine vitam trahere, durum. non noctes, non dies extra metum esse, graue. armis perpetuò in tutelam cingi, & ab iis ipsis metum oriri, vnde securitas sperabatur, infelicitatis genus maximum est. Nouerat hoc Saturninus Imperator, cuius apud Vopiscum verba: *Gladij & tela nostris cernicibus impendent, imminet hasta undique, undique spicula. ipsi custodes timentur, ipsi commites formidantur. non cibis pro voluptate, non iter pro auctoritate, non bella pro iudicio, non arma pro studio.* Et sanè nimis illud Sallustij verum: *Cuncta imperia crudelia, magis acerba quam diuturna arbitror. neque quemquam à multis metuendum esse, quin ad eum ex multis formido tendat. eam vitam bellum aeternum & anceps gerere; quoniam neque aduersus, neque a tergo aut lateribus tutus sis. semper in metu aut periculis agites. nec antè finem terroribus, quam vitæ facias.* Misera adnata crudelitati conditio, quæ timorem etiam à ferro suo trahit. Expressit hoc exemplis Cicerone. *Quid enim censemus superiorem illum Dionysium? quo cruciatu timoris angi solitum, qui cultros metuens tonsorios, candenti carbone sibi adurebat capillum? quid Alexandrum Pheræum? quo animo vixisse arbitramur? qui, (ut scriptum legimus) cum uxorem Theben admodum diligeret, tamen ad eam ex epulis in cubiculum veniens, barbarum, & eum quidem, ut scriptum*

scriptum est, cōpunctum notis Torcicijs, districto gladio iubeat anteire: pramittebatque de stipatoribus suis, qui perscrutarētur arculas muliebres, & ne quod in vestimētis occultaretur telum, exquirerent. O miserum, qui fideliorē, & barbarum, & stigmaticum putaret, quā coniugem! Nec eum fefellit opinio: ab ea est enim ipse, propter pellicatus suspiciōē inter se & tuus. Nec verò ulla vis imperij tāta est, quæ premēte metu possit esse diuturna. testis est Phalaris, cuius est præter ceteros nobilitata crudelitas: qui non ex insidijs interijt, ut is quem modò dixi Alexander: non a paucis, ut hic noster: sed in quem uniuersa Agrigentinarum multitudo impetū fecit. Quid? Macedones nōne Demetrium reliquerunt, uniuersique se ad Pyrrhum contulerunt? quid Lacedæmonios iniuste imperantes, nōne repente omnes ferē socij deseruerūt, spectatoresque se otiosos præbuerunt Leuētrica calamitatis? Externa libentiùs in re tali, quā domestica, recordor. Verumtamen quamdiu imperium pop. Romani beneficijs tenebatur, non iniurijs; bella, aut pro socijs, aut de imperio gerebantur: exitus erant bellorū aut mites, aut necessarij: Regum, populorum, nationum portus erat, & refugium senatus. Nostri autem magistratus imperatoresque ex una hac re maximā laudem capere studebant, si prouincias, si socios aequitate & fide defendissent. itaque illud patrociniū orbis terra verius, quā imperium poterat nominari. Sensim hanc disciplinam minuebamur, post verò Syllæ victoriam penitus amisimus. desitum est enim videri in socios quidquam iniquum, cū extitisset in ciues tanta crudelitas. Quæ perpetuo circumfluxit metu. vnde illud Poëtæ:

—Dum excelsus steti,

Pauere nunquam destiti, atque ipsum mei

Ferrum timere lateris.

atque hinc illud eiusdem:

Cuncta expauesco, meque non credo mihi.

O miserum ! neque adeò sibi crudelis fidit, quo minus coniugi & prolibus : quorum venena & ferrum experti non pauci. ô quid dicam ? ab iis metum referre ferrum, mortem; à quibus præsidia, vitam, oscula sperare debuerat, non infortunatum & durum ? Et non ferè in omni imperio, crudelitatem in alios sparsam, in se retortam transferunt, quotquot illâ se regnûmque parare & tutari voluerunt ? vt ipsa crudelitas plerumque in domini sui sanguine & iugulo luserit. neque enim satiari plebeio sago potuit, exsaturanda fuit purpurâ, à qua nata fuerat; crudelis & barbara in parentem. hinc illud:

Vidi cruentos carceri includi duces,

Et impotentis terga plebeia manu

Scindi tyranni.

ô nimis ! & sæuiit ferè ferro prouocata plebs in dominos. nec modum tenuit commota : neque enim temperare ferrum didicit, non superfundere gelidam accenso semel animorum igni, cum fluminum more rapiatur in obuia. frustra ab hac prudentiam speres: fulminibus ferocius infertur. quæ peremisse contentâ, furorem ponunt. in plebe vltra vitam indignatio est. non cineribus parcit, aut nomini, in innoxias sæuit imagines, in inanimata testâ, in muros lapides. irritata semel plebeia quid non audent odia ? quid nò possunt ? nihil tam sanctum à quo manus retrahant, non consanguineus sanguis, non vteri eiusdem, non pater, mater. cælo adeò ipsi, si liceat, arma inferant. O quando exemplo aliorum edocti
mitiora

mitiora cogitabimus? quot magnæ iacent victi-
mæ, plebeio calcataæ pede! quis, vti dixi, Ochû,
Physconem, Phalaridem, Dionysios, Artaxerxes,
Mithridates, Claudios, Caligulas, Heliogabalos,
Nerones, Domitianos, Commodos, Phocas, ho-
minum portenta, ignorare potest? mores intue-
re, & exitum, & dum hunc meritò perhorre-
scis, illos deuita. *Contra qui benignitate & cle-
mentia imperium temperauere, his læta & candida
omnia visa, etiam hostes aquiores, quam aliis cines.*
vt bene tragicus:

—— *Quisquis est placide potens,*

Et incruentum mitis imperium regit,

Animoque parcat; longa permensus diu

Felicis aui spatia, vel cælum petit,

Vel læta felix nemoris Elysi loca.

Nunquam proinde clemens, crudelium more,

—— *Captiua dabit brachia vinculis,*

Nec pompa veniet nobile ferculum.

Sed omnium ore, calamis, votis cælo donabi-
tur. Etiam vitia illius stolâ singuli suâ aut pallio
tegent: lubentésque pro illius incolumitate
suam negligent, & inter beneficia numerabûnt,
pro benigno vitam prodegisse, lateréque suo la-
tus illius texisse. Neque putat se petire, quisquis
pro clemente Principe perit. quid? quòd in-
ter victorias & triumphos referat, vitam pro
illo posuisse? Non deerunt tales, da Principes
Diones, Timoleontes, Vespasianos, Titos, Ger-
manicos, Traianos; da Cæsares & Augustos, da-
bo Pontios, Scæuas, Menios, pluresque, qui in-
ter munera ponent vitam pro Principe sacrasse.
beati quorum statuis inscribi potest: B O N V M
P A C T V M. pro patria, pro Principe cecide-

runt, ipsis pro quibus ceciderunt maiores.

Quod si securam Princeps vitam volet, patrem se suis præbeat, ut sortiatur filios, in quorum armatis manibus & sinu dormire inermis possit. Hæc demum beata in Principe vita est, filiorum more coronâ suorum cingi, ut filiis imperare, ut à filiis obsequia accipere. Quod si quando seueriùs vindicanda delicta sunt, aliorum id ore & manu faciat. Nobile exemplum in ALBERTO habemus, à cuius ore & manu nil crudele, nil seuerum. benigna plurima sunt; adeoque & omnia. Imperauit ut pater, mortuus ut pater, desideratus ut pater: filiorum lachrymis insepultus. quàm molliter cubat Princeps, qui pro marmore suorum incubat lacrymis! non moritur qui hoc monumento tegitur, qui suorum pectoribus æternum uiuit. uiuit Principum optimus ALBERTVS noster.

CAPVT IX.

Maiestatem dum tuetur, fastum deponat.

VENERATIO in Imperio necessaria est, quæ opinione magis, quàm viribus continetur. non imperat; qui contemnitur: precaria enim magis quàm vera regna sunt, quæ contemptum patiuntur. parentes imitetur maturos & serios, quorum veneratio in filiis cum ætate crescit. Fastum verò exuat. nemo hunc parens inter filios induit. sint Regi suo subditi, filij. nil opus fastu, qui ferè odiorum parens est.

In

Modestia a-
moris cauſſa,
odij faſtus.

In quo hoc malū,quodd quæ in Principe modeſto concordia & amoris vincula ſunt, ea in faſtuoſo odiorum incitamenta ſint. Et ſanè miſerum, affectu carere ſuorum ; beatum , arcana pectorum omnium poſſidere. non poſſidet faſtuoſus : contemptum enim ſuperbia parit, cūm ferè puſilli illa animi ſit , & de virtute ſua deſperantis, vt verum omnino ſit , in magnos animos non calere affectatam iactationem; & à generoſa mente tam abeſſe faſtum , quàm ſimulationem. vtrumque indignum animo ſuo putat. Quodd ſi quæras , quem in imperio magnū ſtatuam, reſpondebo cum viro docto: *Ille incrementis ſuis maior eſt , quem ſublimitas parti honoris inclinat.* Sed & admirationem ille pro-uocat; admiratione laudem & amorem. Scio quaſdam gentes auguſtiorē quamdam ſeueritatē ac maiestatem in Principe ſuo deſiderare ; nulla tamen tam barbara eſt , quæ ſuperbo Principe gaudeat: neque tam barbara gens vlla , cui ſine faſtu imperari non poſſit. Deus ſanè orbi vniuerſo imperat , & tamen tam procul ab omni ſuperbia , quàm procul ab omni peccato eſt. Imitetur imperia huius Princeps. errare non poteſt. Viſ ſcire quæ Dei imperia ſint? ipſum audiamus: *Iugum meum ſuaue eſt , & onus meum leue.* Viſ ſequi ſuadentem? *Discite à me, quia mitiſ ſum, & humilis corde.* Viſ interminantem? *Sedes ducum ſuperborum deſtruxit Deus , & ſedere fecit mites pro eis. radices gentium ſuperbarum arefecit Deus , & reliquit memoriam humilium ſenſu.* Viſ punientem & præmiantem? *Omnis qui ſe exaltat humiliabitur, & qui ſe humiliat exaltabitur.* & , *Deus ſuperbis reſiſtit , humilibus autem dat*

In magnos
animos non
cadit faſtus.

Dei imperia
ſuauiſſa.

Matt. 11.

ibidem.

Eccli. 10.

Luc. 14.

Iacob. 4.

dat

esset dicturus, Hunc ego, inquit, notum non habui. Superba de Senatore, impotens de occiso confessio. De Herode Scriptura: *Vestitus veste regiâ concionabatur. Populus autem acclamabat, Dei voces, & non hominis. Intuere poenam. Percussit eum Angelus Domini, eò quòd non dedisset honorem Deo, & consumptus à vermibus expiravit.* Et de Antiocho, *Qui sibi videbatur etiam fluctibus maris imperare, supra humanum modum superbia repletus, & montium altitudines in statera appendere; nunc humiliatus ad terram in gestatorio portabatur, manifestam Dei virtutem in semetipso contestans: ita ut de corpore impij vermes scaturirent, ac viventis in doloribus carnes eius effluerent, odore etiam illius & fœtore exercitus grauaretur. & qui paullo antè sidera cœli contingere se arbitrabatur, cum nemo poterat propter intolerantiam fœtoris portare, & cum nec ipse iâ fœtorem suum ferre posset, orabat scelestus Dominum, à quo non esset misericordiam consecuturus.* Audiamus deinde minitantem Dominum: *Pro eo quòd eleuatae sunt filie Sion, & ambulauerunt extento collo, & nutibus oculorum ibant, & plaudebant, & composito gradu incedebant; decalubis Dominus verticem filiarum Sion, & Dominus crinem earum nudabit. & erit pro suauis odore fœtor, & pro Zona funiculus, & pro crispanti crine caluuium, & pro fascia pectorali cilicium.* Et alibi: *Pro eo quòd sublimatus est in altitudine, & eleuatum est cor eius in altitudine sua; succident eum alieni, & crudelissimi nationum, & projicient eum super montes, & recedent de umbraculo eius omnes populi terræ, & relinquent eum. Et audit Nabuchodonosor post statuam auream. Eijcient se ab hominibus, & cum bestiis ferisque erit habi*

Astor. 12.

1. Mach. 9.

Isaie 3.

Ezech. 31.

Daniel. 4.

habitatio tua, & fœnum ut bos comedes, & rore cali infundêris, donec scias quòd dominetur Excelsus super regnum hominum, & cuicumque voluerit det illud. Sugerit consilium Daniel: Rex consilium meum placeat tibi, & peccata tua eleemosynis redime, & iniquitates tuas misericordiis pauperum. forsitan ignoscet delictis tuis.

Daniel. 5.

Et Balthassar audit de patre: Quando eleuatum est cor eius, & spiritus illius obfirmatus est ad superbiam, depositus est de solio regni sui, & gloria eius ablata est. Additur: Tu quoque filius eius non humiliasti cor tuum, cum scires hac omnia; sed aduersus Dominatorem cali eleuatus es: idcirco numerauit Deus regnum tuum, & compleuit illud: appensus es in statera, & inuentus es minus habens: diuisum est regnum tuum, & datum est Medis & Persis. & eadem nocte interfectus est Balthassar Rex Chaldeus. Vis plures exitus superbiorum? plenæ sunt omnium gentium vernaculæ Historiæ. & , vt reliquos taceam, intuerè Sennacherib, Nicanotem, Holofernem, Maximianum, Iulianum. & quorum times exitum, time vestigia. fuge mores, eo etiam magis, quòd nulla diu stare sub superbo vertice pax possit. nesciunt coalescere pax & superbia, quæurbationum ac dissensionum mater est; & à qua ferè vna bella ciuilia & externa nascuntur. tolle enim alienorum desiderium, & bella sustuleris. vota verò hæc à superbia; tanquam riui à flumine, defluunt. Quid manum & studium his adinoues? non quàm diu fons, tam diu flumina & riui? resca caput, & exarescent membra. excinde superbum, & bella deerunt, & pax alta occupabit orbem. O quæ hæc manus faciet!

beata.

beata. maximè cùm verum nimis illud Pacati:
*Indiscreta feliciū pedissequa superbia. vix cuiquā
 contigit abundare fortunā, & indigere arrogantia.*
 Addit illud verè Romanum: Cuius quidem ma-
 iores nostros semper pertasum est, ut grauiorem
 semper putauerint seruitute contemptum, eiúsque
 impatientiā sint coacti, post bellatores Tullos, Nu-
 māsque sacrificos, & Romulos conditores regnum
 usque ad nomen odisse. Denique ipsum Tarquinium
 execratione postremā hoc damnauerunt maledicto,
 & hominem libidine precipitem, auaritiā cacum,
 immanem crudelitate, furore vecordem, vocauerunt
 Superbum, & putauerunt sufficere conuiuium.

Nobile in purpura moderationis modestiæ-
 que documentum, in Timoleonte Siciliæ vin-
 dice, Probo teste, habemus. Nihil vnquam neque
 insolens, neque gloriosum ex ore eius exiit: qui
 quidem cùm suas laudes prædicari audiret, nunquam
 aliud dixit, quàm se ea in re Diis maximas gratias
 agere atque habere, quòd, cùm Siciliam recreare
 constituisset, tum se potissimū ducem esse voluis-
 sent. Dignam Rege vocem, dignissimam Chri-
 stianā purpurā. Sequantur Reges, & magna ter-
 ris, cæloque sperent magna.

CAPVT X.

*In verbis ab acerbitate caueat, benignitatem
 sectetur, parciórque in iis sit quàm fusior.*

CAVEAT ab acrioribus verbis iram in-
 dignationemque prouocantibus, ne ex-
 asperatos in se prouocet, & audeant ab vltima
 despera

*Acerbitate
 Principis sub-
 ditorū animi
 alienantur.*

3. Reg. 11.

desperatione, quæ moderatâ mente ne cogitant quidem. Hinc illa Israëlitis verba: *Quæ nobis pars in Dauid? vel quæ hereditas in filio Isai?* post illa Roboami, *Pater meus cecidit vos flagellis, ego autem cadam vos scorpionibus.* acerba oratio. sequitur: *Recessitque Israël à domo Dauid usque in præsentem diem: nec securus est quisquam domum Dauid, præter tribum Iuda solam.* Quanto Roboamo moderatior magnus Imperator Titus, cuius illa apud Suetonium sunt: *Non oportet quemquam à sermone Principis tristem discedere?* quò minus populum vniuersum. Et sanè ad summum imperium verborum acerbiter ad iungere, grauissimum est. cùm enim vita morsque in Principis manu sit, sat amplam iusti metus causam potestas præbet, vt non sit effrendenda verbis. mitiganda & lenienda est. Malè etiam vim suam potestas aliorum contumeliis experitur. nescit amare contemptus. odisse didicit. odium verò ferrum acuit, etiam in seruis & mancipiis, quo magis in ingenuo & libero. Sed abiecti ac imbecillis animi argumentum, contumelia & ira sunt. vulgata in fœminis, pueris & seruis vitia. Eoque magis in Principe vitanda. excelsi animi est, nunquam in verborum acerbitates irasque exsurgere. factis se vindicabit, non verbis, vir fortis. Addo, nihil adeò prudentiæ aduersum, atque iracundiæ fræna laxare. Nesciunt simul stabulare ira & prudentia. temeritatis plurimum illa & fatuitatis habet, moderationem hæc & maturitatem deponit, & animum affectu vacuum. Neque malè dictum olim: Vel implacabiles in Principe iracundiæ sunt, & summa acerbitas & barbaries est;

*Contemptus
odium parit.*

*Ira prudentia
aduersa.*

est: vel exorabiles, & leuitas summa, & scepro indigna est. Quod si quando tamen oblitus sui Princeps, in iram & verborum acrimoniam insurrexerit, mitioribus exinde molliat; aut, quod magis probem, beneficiis leniat. sedandis enim verborum tempestatibus munera aptissima sunt, quæ nunquam deesse possunt Principi. qui si naturâ pronus in iracundiam sit, domesticos ferè sibi paret, ad modestiam, mansuetudinem, & morum maturitatem, adeoque & lentitudinem quamdam, naturâ comparatos, vt horum frigore & gelu noxius deferuescat calor. Nescit ignis sæuire, cùm in aquam inciderit. nesciunt dura ferire, cùm in puluillum delapsa fuerint. repercutitur à silice silex, inde exiliunt flammæ, & vtriusque ferè partis vulnera. quod si in aquam immiseris & plumam, sanguinem nullum dabunt, vulnera nulla, liuorem nullum. Sed & pro nocituro æstu, induct temperiem Princeps, mansuetorum vsu & consuetudine. Iracundiam verò magno conatu euitabit, memor Alexandri, qui irâ stimulante, tres maximas victorias, totidem amicorum iniustis cadibus victor perdidit, cùm Lyfimachum leoni obiecit, Clitum hastâ traiecit, Callisthenem mori iussit. Et de Sylla Valerius: *Animi concitatione nimia, ac immoderato vocis impetu conuulso pectore, spiritum cruore ac minis mistum euomuit Puteolis. Addit: Igitur in dubio est, Syllane prior, an iracundia Sylla sit extincta.* Misera mors. & fors non immeritò suo innatauit cruore, qui Romam ciuium suorum sanguine natare iusserat.

*Acerbitas
beneficiis mi-
tiganda.*

*Iracundia
Principi vi-
tanda.*

Cùm verò ab omni verborum acerbitate abstinet, benignis vtatur. Oratio mollis quid non

*Benignis
verbis vta-
tur Princeps.*

N n potest?

potest? saxa & chalybem stillicidia lenta soluūt. maior vis orationis. exasperatas mentes, & solo sanguine satiandas benignior dictio mollic. testis Abigail in Dauide. Quid? quod efferatissima quæque animantia, verborum quadam dulcedine præuenta, obliuiscantur feritatis. Sic leo cum toto suggestu iubarum, delictum fit alicuius Reginæ, genas illius, suauium verborum domicilium, emaculans. ita mores bestiam relinquere oratio docet. quo magis molles flectet hominum mentes doceri assuetas? Exemplis diuites sumus. Notus Menenius Agrippa, cuius delinificâ dictione, armata plebs è Sacro monte reuocata, Patribusque, à quibus secesserat, iuncta. Et periisset sanè, & origini suæ infulta iacuiisset Roma, ni M. Valerius blandæ dictionis vi subuenisset, & populum Patribus, vrbem nimirum sibi reddidisset. Notus M. Antonius, qui districtos vibratosque in se militum gladios, solâ orationis suauitate, vacuos vaginis reddidit. Notissimi Scipio, Germanicus, Otto, qui dulci quadam & melleâ eloquentiâ, militares seditiones & tumultus compescuerunt. taceo notissimos reliquos.

Brevitas benignioribus verbis laudata, & sequenda Principi.

Prou. 17.

In benignitate tamen & lenitudine verborum, paucioribus magis quàm multis Princeps vtatur, memor illius: *Qui moderatur sermones suos, doctus & prudens est.* Nimia profusio ferè imprudentiæ signum est. & sunt, quibus satis est, effudisse, tantâ verborum inutuo se interficientium celeritate, vt arbitreris prima verba à posterioribus inimico ferro propelli. indignari credas, quod prima non exiuerint, quasi de primatu pugnent, arbitrerisque ex alto præcipitio dela-

delabi, inuicemque se moræ impatiētes protrudere. Non potest mens in tanta profusione satis prouidere, ne quid elabatur inconcinnum, temerarium, imprudens, fatuum; non magis quàm ex alto protusum corpus, quâ parte primum, quâ postremum terram tangat, prospicere potest. Et verè dictum, citatiorem dictionem fulminis vicem præferre, quod nullo discrimine cæco impetu in obuia fertur. Muliebris hoc maximè, vbi incaluerint, ingenij est; quibus dixisse, satis videtur: prudentiâ enim auditoribus precantur, contentæ ipsæ dixisse. & vt medici vomitum prouocant noxiis expellendis: ita illæ quæ animo, tanquam stomacho, molesta erant deuomunt, veritæ, ne plus ab inlatente veneno molestiarum, quàm ex effuso generetur. ergo vt venena deuomant, quæ indignatio suggestit, vt pro medicamento habeant deuomuisse. prudentiam ne in vomitione quære, vt nec moderationem. Desuescat huic calori Princeps, & frigidam æstui infundat. nolo tam lenta ire verba, vt congelari inter labra possint, & quodam frigore densari; aut instar fastidientis & nauseabundi per ingrata interualla verba deuertere, aut singula tanquam gemmas ex alto mari tardo piscatu depromere, aut tanquam aurū è terrarum profundo eruere. mediâ tutissimâ viâ ibit: & dum verborum parum dabit, benignitatis dabit plurimum.

Homerus sanè paucorum verborum Principem vouet. quod in multis facilis lapsus, sera pœnitentia sit, quâ nec ars, nec subsequens prudentia emendet, non magis quàm temerarium auium volatum, dum ignibus se tanquam luci

immiscunt, & serò ingemiscunt ambustas penas, & nequidquam improuidam temeritatem accusant. Fuit illud in Augusto memoria dignissimum, quem referunt nunquam senatui, nunquam populo locutum, nisi præmeditato, & à calamo. de quo illud Suetonij: *Neque in senatu, neque apud populum, neque apud milites locutus est unquam, nisi meditata & composita oratione: quamuis non deficeret ad subita extemporalis facultate.* Et, quòd magis mirere, sermones quoque cum singulis, atque etiam cum Livia sua, grauiore non nisi in scriptis & è libello habebat, ne plus minusve loqueretur ex tempore. Et nescio an ALBERTO Principi quisquam in hoc genere componendus: qui quo verborum parcior, eo erat maturior. nihil illi unquam temere elapsum, nihil imprudens, & quod dictum nollet, aut cuius pœniteret. Iam cum in tanta negotiorum mole, tanta undique accurrentium turba, semper in promptu haberet quod responderet, nihil tam elabebatur corrigendum, ut singula diu meditata crederes, quæ ex tempore reddebat. elucebátque in omnibus ingens prudentia, non tam multitudine quàm pondere merienda. Hinc cum plerique Principum ab illius ore penderent, nullius ipse erat indigus. omnes illum admirari, ipse neminem. Arbitreris aliquid supra hominem in ipso fuisse. & tamen inter hæc tanta, augustæ maiestati & prudentiæ modestia coniuncta, omnium illi animos conciliabat, omnium amorem prouocabat. *O saua nimium grauesque Parca,* quæ hunc Belgio abstulistis! & pias interim cogor dicere, quæ cælo donastis nouum Belgio Patronum.

CAPVT XI.

Temperantia cibi & potus, & casti mores in Principe laudata.

AVGVSTA grauitate & maiestate condita *Mensa Principis modesta.*
 mensa Principem decet. nolo tenacem & fordidam. supra priuatam volo. quamquam magni Imperatores hanc amauerint. De Augusto Suetonius: *Cenam ternis ferculis, aut, ut abundantissime, senis praebebat; ut non nimio sumptu, ita summa comitate: non amplius ter bibere solitus super cenam, cibi minimi erat, ac vulgaris ferè. Instrumenti eius supellestilis parsimonia apparet, etiam nunc residuis lectis, atque mensis, quae pleraque vix priuata elegantiae sint, ne toro quidem cubuisse aiunt, nisi humili & modicè instrato.* De Alexandro Seuerio Lampridius: *In expeditionibus apertis papilionibus prandit ac cenauit, cum militarem cibum cunctis videntibus & gaudentibus sumeret. Ebrietatem verò omnem tam longè à Principis mensa esse velim, quàm venena. Et sanè nocentiora immodica vina veneno sunt. surgitur ab illis in inuerecundum lusum, Israëlì notum. itur in magnorum & carorum caedes. doceor ab Alexandro, Antonio, Herode. produntur secreta magno ludè; cū nihil solennius, quàm ipsum sibi hominem inter pocula excidere. nulla inter hæc claustra, referauerūt vina. Pericula verò quàm varia! testis Nabal, Doli dein & insidiæ quantæ à mensa, & in ipsa! discimus in Simone, Mathathia, Iuda, Amnon, & Babylonio Baltassare. & non mulieris manu iacet Assyrius? Quàm multi audiūt patriæ*

*Mensarum
luxus dam-
nandus.*

Regumque proditores! non audirent, si abfuissent pocula. Quoties indefensa iacuerunt mœnia, & deserti exercitus! à mensis non raro hæc mala. ut nesciam ab hostibus, an à poculis vinci perniciosius sit. Dicam; ignoscibilis ab hostibus vinci est. multæ hîc causæ esse possunt, quæ nullâ vitari prudentiâ queant. in vino causam Principi nullam video. Et quid speret ipse in suis, si præeat exemplo, cum exempla Principum documenta populorum sint?

Temperantia commendata.

In magnis sanè viris temperantia commendata. Catonem producit Historici remigum vino contentum vixisse: Æmilius Scipionem, & Alexandrum inambulantes, Massanisam nonagenario maiorem stantem, cibum capere solitos: Hannibalè plerumque nonnisi sub noctem cibum sumpsisse. De M. Curio Valerius: *Samnitium legatis agresti se in scamno assidentē fôco, atque ligneo catillo canantem spectandum præbuit.* magnum virum, & ligneo catillo, & agresti scamno, quàm triumphis maiorem. De Q. Ælio Tuberonem illud eiusdem est: *Cum Atolorum gens omnis usus vasa argentea magni ponderis, & exquisitâ arte fabricata, per legatos misisset qui retulerant se fictilia in eius mensa vasa viderisse; monens, ne continentie quasi paupertati succurrendum putarent, cum suis sarcinis abire iussit.* meritò laudatum Tuberonem, qui imperare argenteis maluit quàm uti, & continentie suæ fictilia, opibus prætulit. Et de Romanorum bello paceque primis Valerius: *Erant adèò continentia attenti, ut frequentior apud eos pultis usus quàm panis esset.* Fuerunt hi, qui iisdem terminis continentie suæ exempla, quibus armorum potentiam

tiam clauferunt, tamdiu orbi, quamdiu ori & ventri imperaturi. Hinc illi nobilissimi triumphi continentissimorum virorum; Valerij Poplicolæ, cuius exequiæ publicâ pecuniâ ductæ; Attilij Reguli, septem iugerû domini; Quintij Cincinnati, quatuor, nec plurium iugerû possessoris; Cn. Scipionis, cuius filiam nuptui cum dote de publico senatus dedit; Agrippæ Mennij, qui sepulturæ honore caruisset, nisi à populo collatis in capita sextâtibus funeratus esset; Aliorum, magnorum omnino virorum, quos sedecim vno tempore vna domuncula cepit, vnusque in agro Veiente fundus aluit. Verè magnos, & continentiam quàm rerum gestarû gloriâ maiores. de quibus illud Valerij: *Pauper quisque in diuite, quàm diues in paupere imperio versari malebat.* dignissimos imperio, qui publicas opes priuatis anteferrent, quique publicè imperio splendidi, priuatim continentes esse inaluerunt, qui denique cum longo luxu fractis, & opibus vndique circumfluentibus imperarent, continentissimam vitam agerent: vt arbitrari posses è Christi schola venisse. Dignissimus etiam Theodosius imperio, inter cuius laudes Pacatus: *An quisquam ferret molestè ad Principis sui modum coerceri? aut subtractum sibi doleret de priuata luxuria, cum videret Imperatorem, rerû potentem, terrarû hominûque dominum, parcè viuente, modico & castrensi cibo ieiunia longa solantem? ad hac aulam omnem Spartanis gymnasiis duriozem, laboris, patientiæ, frugalitatis exemplis abundantè; neminem vnum inueniri, qui auderet ad penû regiâ flagitare remotorû littorû piscem, peregrini aëris vobiscrè, alieni temporis florè? ni delicati illi ac fluètes,*

quales tulit sæpè respublica, parū se lautos putabant, nisi luxuria vertisset annū, nisi hibernæ poculis rose innataissent, nisi æstinā in gemmis glacie Falerna fre-gissent, horum gule angustus erat orbis noster. nam-que appositæ dapes non sapore sed sumptu æstimantes, illis demum cibus acquiescebant, quos extremus Oriens, aut posita extra Romanum Colchis imperiū, aut famosa naufragiis maria misissent, quos inuitæ quodammodo reluctantiq̃ nature hominum pericu-la rapuissent. tuæ, Imperator, mensæ cōmunibus par-ciores, locorum ac temporum fructibus instruuntur.

*Continentia
laudata.*

De continentia quid dicā? Si aliter, quā nupriis muliere vtatur, imitabuntur alij, & licere putabunt, quod in Principe viderint. atque ad eū adulationis quædam species ad incontinentiam non paucos compellit, tanquam de imitatione placeant. est quædam scelerum lenocinatio. Cōiuge ergo suā contentus erit, si adulteria punjēda sunt. nam quā fronte in aliis puniet delicti reus? quā iudex verecundiā Principis sui scelera in aliis vindicabit?

*Incontinentia
Principis abit
in omnes.*

Cogitet deinde Princeps, non vnā suā esse incontinentiam, neque in vno capite stare. abit ad plures: & propè quot exempla, tot crimina: cū toto frequenter regno, omnis incontinentiæ causā, vna sit incontinentia Principis. nec erubescunt sequi, quod in Principe vident. & decus etiā putant, & gloriæ suæ partē, si Principem factis referant. & exolescit eousque pudicitia, vt minùs generosus habeatur, qui nimis castus est. libido pro robore, castitas pro ignauia habetur. & pudet propè integritatis & pudicitia, quā tot modis in Principe vident erogari, & cui ex ipsius exemplo ascribi putant posse, *Bonum factum.*

Videant

Videant Principes, quam rationē reddituri sint Deo; cū illi, non alieni tantū tori, sed & auriū ac animorum maculā carere meritō in suorum exemplum debeant. Felices sub casto Principe populi, cū vnicuique domus sua templum. miserī sub impuro Principe, cui per libidines corrupto nihil honestū inest: sub quo nec tura coniux, nec filia, nec domus cuique sua est. Monet Reges Isocrates: *Maximè regium putato, si nulli voluptati seruias; si cupiditates magis in potestate habeas, quā ciues tui.* Et sanè, vt fædior næuus habetur, qui faciem occupauit, quā qui aliā corporis partē; ita grāuius fædiūque Principis, qui Reipublicæ facies quædam est, quā aliorum peccatum est.

Regium est nulli voluptati seruire.

Imitetur Drusum Germanicum Princeps, de quo illud Valerius: *Constituit vsum Veneris intra coniugis caritatē clausum tenuisse.* Imitentur matronam feminæ Principes. Antonia quoque femina laudibus virilem familiæ suæ claritatē supergressa, amorē mariti egregiā fide pensauit: quæ post eius excessum, formā & ætate florens, cubiculum socrus pro coniugio habuit: in eodēque toro alterius adolescentiæ vigor extinctus est, alterius viduitatis experiētia consenuit. Nobile cōtinentiæ exemplum. imitari nō pudeat, quod audire delectat. De Alexandro Seuerō Lampridius: *Mulieres infames, quarū infinitum numerum deprehenderat, publicari iussit.* De Theodosio Aurelius Victor: *Prohibuit lege ministeria lasciuia, psalteriisq; comessationibus adhiberi: tantū pudori tribuens & continentiæ, vt consobrinarum nuptias vetuerit, tanquam sororū.* Addidit incontinentibus pœnam Aurelianus: de quo Vopiscus, *Ancillam suam, quæ adulteriū cum seruo suo*

fecerat, capite puniuit. quis imitetur Christiano-
rum?

*Matronarū
castimonia
Principi, in-
uigilandum.*

Matronarū in primis sibi subditarū castimo-
niā intactam Princeps seruet, memor Vrbinatiū
Ducis à populo cæsi. nescit irritata plebs parce-
re, nec discrimina lectus nouit, Rex ille sit, aut è
populo. vbi coniugalis tori indignatio efferbu-
erit, non generi, non ætati, nō sanguini, nō Re-
gibus parcat. Exemplo illis Sex. Tarquinius esse
potest: nā exinde post Lucretiæ torū Tarquinij
nomen nullū est. iacent diademata, sceptrā, pur-
pura. & orbis imperio, in impuro filio, æternū
pater exuitur. nequidquā secuta arma, & magnū
Etruscum Porſenæ nomen. vicit pudicitia: cui
in alta gentilitate, priscā religione, consecrare
Vestæ focos, & Capitolina puluina placuit.
Quo magis vincet in Principibus Christianis,
qui melioribus aris, sanctioribus ignibus, diui-
nioribus puluinaribus se suosque æternū mun-
nerandi, Pudicitie litabunt. Præit exemplo Cō-
stantinus: de quo illud Nazarij, *Nulli matronarū
cui forma emendatior fuerit, boni sui piguit, cum sub
abstinentissimo Imperatore species luculenta non
incitatrix licentie esset, sed pudoris ornatrix.*

*Continentiā
regna stete-
runt.*

Claudo hoc caput nobili Valerij sententiā:
*Ea ciuitas, id regnum aeterno in gradu facile steterit,
vbi minimum virium Veneris pecunieque cupido
sibi vendicaucrit. nam quò iste generis humani cer-
tissima pestes penetrauerunt, ibi iniuria domi nasci-
tur, infamia flagrat. Adde ab eodem: Campana lu-
xuria perquam utilis ciuitati nostra fuit: inuictum
enim armis Hannibalem illecebris suis cōplexa, vin-
cendum Romano militi tribuit. Vā vigilantissimum
duce, illa exercitiū acerrimū, dapibus largis, abūdāri*

*Luxuria
magnos vi-
ros fregit,
vrbesque &
regna ener-
uit.*

vino,

vino, unguentorū fragantiā, Veneris & suā lasciuioꝛe, ad somnū & delicias euocauit. Ac tū demū cōfusa. Itac cōfusa Punica feritas est, cūm Seplasia ei & Albana castra esse cōperunt. Quid ergo his vitiis fœdus, quid etiā dānosius, quibus virtus atteritur, viciolorū languescunt, sopita gloria in infamiā conuertitur, animique pariter & corporis vires expugnātur? adeo vt nescias, ab hostibꝫne, an ab illis capi perniciosius habendū sit. Quæ etiā Volsiniensiu urbem grauibꝫ & erubescendis cladibus implicarūt. Erat opulēta, erat moribus & legibus ornata, Etruriæ caput habebatur: sed post quā luxuriā prolapsa est, in profundum iniuriarū & turpitudinis decidit, vt feruorum se insolentissimæ dominationi subiiceret. Sed & exēpla in Regibus funesta, terrere meritō debēat. Iacet Rodericus, & in vna Iuliani filia, trecentorū amplius annorū Gothicū imperiū euerit, Maurisq; septingentis propē annis tenendū tradit, tot sæculis vna libido vix expiari potuit. Iacet Lucillæ vxoris manibus Antoninus Verus, vagæ mariti libidines venenū suaserūt. Paribus in pari causā vxoriis infidiis occūbit Ptolemæus Philopator. Bryam etiā aliena sponsa, nō alieno modo habita regno exiit. Phocā Phorinus, cuius vxorem vitiauerat, purpurā exiit, & Heraclij pedibꝫ calcandū subiecit. Funestissimis his exēplis plenæ sunt omniū gentiū Historiæ. quo magis vitādā Regibus, sanguine ferē & regnorū excidiis luēda. O fuge quisquis sceptras tenes, alieno plerūq; ferro, alieni tori libidopurpuratur. Ne fide sceptris, pauci lectābuli siccā & suā morte iacēt Reges, iisdem dolis lusi, quibꝫ alienę pudicitie illuserūt. Sed neq; Deus diu scelera hæc patitur inulta. hīc sæuit, aut æternū. ô! nō hic, &

¶ter

æternum. ita duplici pœnâ vnum crimen expiatur, ferro & non morituris æternum flammis.

Præluxit coniugali castimoniâ Regibus Principibusque omnibus ALBERTVS noster. nullû ab illius ore vitâ omni minûs castum verbum,

—— *Nunquam læsa fides, aut pectore in isto*

Alter amor,

nulla in oculis aliena. cùm dicere solitus esset, tam sancti viri esse suffundi, si virginem vidisset, quàm sanctæ virginis, si à viro visa esset. quare cùm in omni fortuna color illi staret; nō stabat, si fors aut verbum audiret non castû, aut vidisset non casta, veritus ne quid vel auribus, vel oculis de castimoniæ integritate delibasset. tantus castitatis amor pectori illius infederat. Prostitutæ verò libidinis tam seuerus vindex, vt etiâ cogitata tantû, innoxio licet corpore, puniturus esset, si proditrix domini sui lingua fuisset. atque hinc nec verbum patiebatur insolentius, vt erubesceret omnis inuerecûda impudicitia ad illius aspectum; & qui soli erubescere nesciunt, erubescerēt ad castos illius oculos lenones. aucupabatur aliquis nūus, qui audiebat non castus; satis erat ad repulsam, non castû audire, reliqua licet summa adessent. etiam cùm è sola subobscura suspitione crimen illatum foret, spe muneris excidebat. tam tenero in omnem castimoniam pectore ferebatur.

Cibi verò potûsque intemperantiam ne nouerat quidem; neque admittebat generosus illius animus tam vilem belluam. cùm enim multibibentiam libidini præludere sciret, pro veneno deputabat, oderat vt hostem, vitabat vt rationis, iudicij & prudentiæ furē. Iam cùm in perpetua
qua

quadam vigilique statione , ac quasi in virgine
 salua, cenſeret Principē eſſe debere, longiſſimē
 illū ab omni immoderato potu iudicabat arcen-
 dum: eo magis, quōd grauiſſimos, & nullā pœni-
 tentiā emendandos non poſtremorum Regum
 lapſus ſciret. & turpe in primis dicebat illū qui
 Reipub. præerat, cibi potuſque multitudine, aut
 hebeſcere iudicio, aut labi memoriā , aut denſa
 ciborum nube tanquā nebulā ſtipari, quo minūſ
 longē poſita pericula videre aut arcere poſſet.

CAPVT XII.

Amor timore potior.

AMARI velit, non timeri : certus ſalutem *Potentior*
 in ciuium beneuolentia eſſe , exitium in *amor timore*
 odio, timore natum. Et verò malè terrore vene- *eſt.*
 ratio acquiritur. nā & longē valentior amor eſt
 ad obtinēdum quod velis, quā timor. hic abit,
 ſi recedas; manet amor. & , vt ille in odium , hic
 in reuerentiam vertitur. Hinc ille: *Populo Roma-*
no iam à primordio inopi, melius viſum eſt amicos
quā ſeruos querere: tutius rati, volentibus, quā
coactis imperare. Illi quacunque fortunā ſtabunt;
 hi non vltra vim & potentiam. tolle hanc, ex
 ſeruis hoſtes experieris. Diſcam hoc ab iſdem
 Romanis , qui poſtquam longē latēque impe-
 rium extenderunt , ſubacta regna milite conti-
 nebant. quibus cū alendis Imperij opes non
 ſufficerent, & ſeruorum ſe, non ſociorum, loco
 haberi prouinciales ſentirent; è militari præ-
 ſidiariorum libidine ac inſolentia in deſpera-
 tio

tionem acti, mutud se inhortantes, iugum excutiebant. sed & miles, nouarum rerum cupidus, novos Imperatores, quia nouas prædas, amabat hinc tot non rarò Cæsares, quot exercitus Roma vidit. Amore & beneuolentiâ continere regna & prouincias poterant, æquando præmiis pœnisque, quos virtus aut scelera æquauerant, Romanus, an alius esset. Sciebat hoc Hannibal, cuius illud circumfertur: *Carthaginensis mihi erit, qui hostem strenuè feriat.* Ciuem Hannibali virtus, non Carthago dabat. sciebat ille, cuius hæc verba:

Tros Rutulusue fuit, nulla discrimine habetur.
 à virtute nimirum illi, non ab vtero aut vbere, discrimen. illam nulla seruitus, aut timor, amor dabit. neque enim aut à seruitute, aut à metu, sed ab amore, virtus. Scio perdifficile esse amorem in aulâ vocare, à qua ferè æternâ lege exulare consuevit, succedentibus illi æmulatione, inuidiâ, odio. quo maior Theodosius, de quo Patricatus: *Tu amicitiam nomen antè priuatum, non solum intra aulam vocasti. sed indutam purpurâ, auro gemmisque redimitam, folio recepisti; reque non verbis asseruisti, Principis mentem tanto in suos benigniorem esse debere, quanto sit fortuna præstantior; cum fide ac facultate paribus agas, & familiaribus tuis Imperator tribuas, quod priuatus optaris.* O! multos regna Theodosios; & exulabunt odia & metus, & solum amorem scient aulæ. & alibi: *Vt te omnibus Principem, singulis exhiberes Senatorem, ut crebro ciuilique progressu, non publica tantum opera lustraueris. sed priuatas quoque ades diuinis vestigiis consecraris; remotâ custodiâ militari, tutior publici amoris excubiis.* Benè quidâ metum
 amo

amori cōponens: *Frustra se terrore succinget, qui caritate suorum septus non fuerit. armis enim, insidiis, minisque, arma, insidie, minaque irritantur.* Amari ergo volet, qui imperare tutò volet. Et verum vetus illud est: *Amor populi munimentum inexpugnabile.* Etiam in belluis quid non potest amor? Catulorum sanè amor in venabula immittit feras, nec ferrù sentiunt, quia amant. sentirent, si non amarent. obtendit aciem amor, ac dolorem si non omnem adimit, mitigat. Iuuenilia certè nonnunquã ingenia gloriæ cupido in contemptum tam ferri quàm ignium milit. Spes etiam quosdam, ac virtutis quædam umbra, in tormenta ac mortem: & docuit hanc etiam amare. Quanto his omnibus fortior amor est, tanto potentiùs per damna, pericula & mortem ibit, nec destituet amatum. cara amanti mors, si sanguine suo sanguinem retinexerit amari; Principis sui in primis, pro quo cadere gloriosum. Pro ferro ergo, & armis, & custodia, Principi amor suorum erit. nam qui in armato milite præsidium regni & securitatis suæ ponit, hunc necessum est, non minùs armatas suorum dexteras atque hostiles inhorrescere: nam ubi illi amare desierint, hostes esse incipient. Miserimum verò est, ciues hostesque iuxta incurrere. pauidas hic noctes dièsque ducet, omniaque timidus circumspiciet, ad omnè strepitum arma expauescet, aliòque atque alio loco, cōtra regium decus quiescet. interdum somno excitus, arreptis armis prouocabit stipatores, corporisque sui custodes, vt metu metum pellat. Infelix cōditio. illa optanda, qua Princeps inter subditos, tanquam inter filiorum manus, pacatas ducit

*Amor gloriæ
& spe validior est.*

Instutū præsidium in solo ferro est.

ducit noctes. Vt meritò audeat ille: *Amari, coli, diligere, maius imperio est.* Atque hinc monet alius: *Non trabibus aut saxis, sed tuorum pectoribus nomen tuum incidatur.* æternant corda. marmora etiam vetustas exedit; ferrum ignis. animorum inscriptio, immortalis est. his nomen inscribere. inscribet amor. faciet Princeps, si parentis in omnes personam induerit: nam suos in perpetuo metu tenere, tyranni, non Principis est. neque talis extra metum erit. metus enim vnus aliū prouocat; & quantum quisque terroris adfert, tantum ferè recipit. Est hinc illud vnus:

Tyranni est suos solo metu continere. Metus vnus aliū prouocat.

*Non sic excubia, nec circumstantia tela,
Quam tutatur amor.*

Paucis, sed verè. fortiùs alius:

*O regnorum magnis fallax
Fortuna bonis, in præcipiti
Dubioque nimis excelsa locas.
Nunquam placidam sceptræ quietem,
Certumue sui tenuere diem.
Alia ex alia cura fatigat,
Vexatque animos noua tempestas.
Non sic Libycis Syrtibus æquor
Furit alternos voluere fluctus,
Non Euxini turget ab imis
Commota vadis vnda, niuali
Vicina polo, ubi caruleis
Immunis aquis, lucida versat
Plaustra Bootes: ut præcipites
Regum casus fortuna rotat.
Metui cupiunt, metuique timent.
Non nox illis alma recessus
Præbet tutos, non curarum
Somnus domitor pectora soluit.*

Audi alium :

*Cesspes Tyrio mollior oſtro
Solet impanidos ducere ſomnos :
Aurea rumpunt teſta quietem ,
Vigilésque trahit purpura noctes.
O, ſi pateant peſtora ditum,
Quantos intus ſublimis agit
Fortuna metus! Brutia Coro
Pulſante fretum mitior vnda eſt.
Aurea miſcet pocula ſanguis.*

Atque hinc monet Poëta :

*Vos, quibus rector maris atque terra
Ius dedit magnum necis atque vite,
Ponite inflatos tumidíſque vultus:
Quidquid à vobis minor extimeſcit,
Maior hoc vobis dominus minatur.
Omne ſub regno grauiore regnum eſt.
Quem dies vidit veniens ſuperbum,
Hunc dies vidit fugiens iacentem.*

Hæc Regibus, ſed iis, qui domini tantum, nō patres, nam hi in filiorum ſinu ſecuri lætíque dormiunt. timere patres neſciunt. vt verum vetus illud ſit : *Amor timere neminem verus poteſt.* Patrum hic eſt & filiorū, bonorūque Principum & ſubditorum. Vt verum illud Xenophontis ſit: *Bonus Princeps nihil differt à bono Patre.* quantum differt, tantum abeſt à bono patre. Neque certior alia gubernandi ratio, quàm dum patris perſonam Princeps, filiorum induunt ſubditi. Mutuò hæc ſe prouocant. patrem Princeps ſe oſtendit? ſubditos ſentiet filios. nec validius quidquam amore ad amorem ſuorum parādum. Expertum hoc aliquando Cæſarem habemus apud Suetonium. *Ingreſſo ciuile bellum, cēturiones*

O o cuiuſq;

cuiusq; legionis singulos equites è viatico suo obtulerunt: & vniuersi milites gratuitam, & sine frumento stipendioque operam, cum tenuiorum tutelam locupletiores in se contulissent. Neque in tam diuturno spatio quisquã omnino desciiuit: pleriq; capti concessam sibi sub conditione vitæ, si militare aduersus eum vel-
lent, recusarunt. famẽ & ceteras necessitates, nõ cum obsiderentur modo, sed & si alios ipsi obsiderent, tantopere tolerabant, ut Dyrrhachium à munitione Põ-
peiũ, viso genere panis ex herba, quo sustinebantur, cum feris sibi rem esse dixerit: amouerique ocys, nec cuiquã ostendi iusserit: ne patientiã & pertinaciã hostis, animi suorum frangerentur. quãtã fortitudine dimicauerint, testimonio est, quod aduerso semel apud Dyrrachium pralio, pœnam in se ultro depoposcerũt, ut consolandos eos magis imperator quam puniẽdos habuerit. amoris maximi magna hæc signa sunt. Inuenies non abfimilem in Theodosiũ apud Pacatum. Si quando difficilior frumentaria res fuisset, inopiam patiẽter miles ferebat pro omni premio, omni-
niquẽ mercede id vnum reposcens, ut tuus diceretur. felicem tali milite Imperatorem. Non inferiorem affectum habes in Augusti morte: *Senatus* & in funere ornando, & in memoria honoranda, eo studio certatim progressus est, ut inter alia complura censuerint quidam funus triumphali portã ducendum, præcedente Victoriã, qua est in curia, canentibus naniã principum liberis utriusque sexus. alij exequiarum die ponendos annulos aureos, ferroscque sumendos. alij, ut omne tempus à primo die natali ad exitum eius, saculum Augustum appellaretur, & ita in fastos referretur. Senatorũ humeris delatus in campum. Reliquias legerunt primores equestris ordinis, tunicati & discincti, pedibusque nudis,

ac in mausoleo condiderunt. Quæ possent maiora filij, aut quæ amoris in optimum parentem signa dare testatiora? Paria propè habes Tiro mortuo. Quod ut palàm factum est, non secus ac in domestico luctu morientibus publicè cunctis, senatus prius quàm edicto euocaretur, ad curiam cucurrit, obsecransque adhuc foribus, deinde apertis, tantas mortuo gratias egit laudésque, quantas concessit ne vivo quidem unquam atque presenti. Nil mirum. amaucrant ut patrem, fleuerunt, laudarunt ut patrè. Illud etiam Lampridij in Alexandro Severo notatu dignissimum. Pedes palatium conscendit, cum retrò currus triumphalis à quatuor elephantis traheretur. leuabatur manibus omnium Alexander. vix illi per horas quatuor ambulare permissum est, omnibus undique clamantibus, Salua Roma, quia saluus est Alexander, momentum, horæ illæ fuerunt, cum amoris essent. Addit: Ad Germanicum bellum profectus, deducantibus cunctis per centum & quinquaginta millia. Quid non facit amor? addidit hic alas & animos. Et illud Spartiani in Adriano: Cum in amore omnium imperasset, atque ab aliis modò frater, modò pater, modò filius, ut cuiusque et as sinebat, & diceretur & amaretur, vocatis amicis, & ridens res humanas, mortem autem contemnens, ad amicos dixit, Quid me fletis, & nò magis de communi morte cogitatis? quibus dictis, diem ultimū clausit. Felicem diem! quid huic defuit præter Christianum pectus? quam pauci Reges Adriani! ô! sint amore & exitu omnes. Illud etiam vouendum Regibus, quod Aurelius Victor in Antonino Pio: Adeò adamantibus eum cunctis Regibus nationibusque, ut parentem seu patronum magis quàm dominum Imperatoremve putarent:

omnesque uno ore in morem celestium propitium optantes, de controuersis inter se indicem poscerent. Non hunc dicam amore, quàm imperio maiorem, fortunatiorem? Non fuit in hac re Imperatorum postremus Traianus, de quo Cassius: *Amari & observari, quàm timeri malebat, & patris magis quàm domini aut Imperatoris loco haberi.* Nobile amoris exemplum legimus apud Nazarium: *Pugnabant Illyrici contra Macedones. Et prima quidem congressio secundum illos fuit. verum Macedones, cùm bellum rescicerent, Regem suum in cunis ad aciem tulerūt. cùm illos ira, hos miseratio; illos signorum cantus, hos pueri vagitus accenderet; mutata est ratio certaminis: vicerunt qui amore pugnabant.* Audax factum. sed quis amoris facta damnet? Idem reperies in memorando post homines natos triduoano Brabantorum & Grimbergensium prælio: in quo Brabantiae Dux inter cunas vagiens, ex editiore arbore depensus, animos suis, vel solâ teneræ ætatis cōmiseratione addidit, hostibus ademit: cùm viderent destinatum Brabantis cum Duce suo vincere aut mori. pugnavit hic suus in Principem amor. vicit amor. ac nescio an non aliquid temeritatis connexum amor. verum quis accuset amorem? quis non excuset?

Modus conciliandi subditorum animos.

Illud etiam in magno Rege, & cuius imperia latè sparsa, ad suorum sibi amorem conciliandum, plurimum potest, si è singulis quibus imperat prouinciis apud se habeat, quos morum probitas, vitæ integritas, pietas, longæque rerum cognitio commendat. qui publica priuatis præponant, qui gentis suæ res ex fide ut suas, non ut alienas, tueantur. Sic enim se demum

munum communem regnorum prouinciarumque omnium suarum parentem ostendet, cum par filiorum omnes loco habeat. Habebit, si singularum prouinciarum negotia per eiusdem gentis homines pertractauerit. certius illi & consilia dare, & damna auertere, & venientibus occurrere malis, & presentibus mederi possunt: ut quibus suæ gentis bona malæque, rerum copia & inopia, secunda & aduersa, spes & metus, animorum magnitudo & deiectio, locorum situs & opportunitas, vires, potentia impotentiaque, solique bonitas imbonitasque, fecunditati aut sterilitati coniuncta, reliquaque omnia notiora sunt, quam cuius gentis alienæ, qui præter audita nihil habeat, ac plerumque à rerum locorumque imperitis, adeoque nec audita quidem: solisque non raro coniecturis, in maximarum rerum decisiones, à quibus prouinciarum salus interitusque pendet, cæcâ manu, pede, fronte, profilit. ita fortuitis omnia consiliis, è fortuita cognitione natis, res omnium maximæ peraguntur: quibus ex infortuiti respondent euentus. non secus, ac si quis in confertam hominum turbam, ex amicis hostibusque constatam, in incertum telum mittat, quod amicum transeat, hostem feriat. ita consilia ferè sua iaculantur, quicumque in alienæ gentis nunquam habitata, nunquam de propinquo notæ, profutura aut obfutura mittunt, cæco impetu & lapsu.

Quid? quòd magnam quamdam prouincialium animis fiduciam pariat, si videant, non ab vna tantum gente, sed ab omni, Principum suorum latera claudi: habeantque è gente sua in

quorum fidentiùs sinum,quàm in alienum , sua depromant. Nec quidquam potentius in amore est, quàm si Regem sentiant in domesticorum delectu patrem. Nam si ex vna gente sola, in omnium gentium concilia adlegerit, gentis illius parens : reliquorum dominus cen- sebitur; & filiorum illi, seruorum reliqui loco haberi videbuntur. inde iam seruorum etiam more amabunt, seruorum obsequentur. quam- diu nimirum præmia & metus. quæ si sustule- ris,excutient iugum : sed & alium etiam domi- num circumspicient ; si maior præmiorum spes affulserit, aut nomen patris. fuge quisquis plu- ribus imperas,domini nomen,assume patris ; & senties filios , & venena ignorabis & ferrum: & patrum more securiùs viues, filiorum coro- nâ cinctus,quibus etiam dulce erit gratuito pro patre occumbere. Securissimus vixit ALBER- TVS,qui omnium ad se accurrentium, & sub si- gnis suis militantium , Hispanorum, Italorum, Germanorum, Belgarum, etiam Gallorum, au- diit & vixit pater. nulla huic discrimina gentis. non solent apud patres filiorum esse : vnum li- cet illi fors dedisset vxor in Hispania , alterum in Italia,tertium in Germania aut Gallia, quar- tum in Belgio.omnes nimirum vnus matris fi- lij sunt,nec discrimina à loco vterus nouit.cùm ergo omnes pro filiis haberet , vixit omnibus pater : & placidissimè , tanquam in vxorium si- num,animam in tot gentium,quasi filiorum,pe- ctoribus deposuit.nec aliud sepulchrum voluit.

CAPVT XIII.

Amici regno utiles & necessarij

AMICOS Princeps paret. neque enim *Regnorū pra-*
 tam exercitus & thesauri, quàm amici re- *sidia amici.*
 gnorum praesidia sunt. quos enim neque armis
 cogere, neque auro potes, hos officio & fide
 parabis. Scio opes in hac re plurimum posse.
 sed quos solis opibus paraueris, infidos ferè re-
 peries, ubi dare desieris: ut aut semper dandum
 sit, aut cessantibus donis fides periclitetur. Et mu-
 neribus verbisque blandientibus simulatur affe-
 ctus: amicitiae autem sinceritas magis fidem po-
 stulat, quàm delinimenta sermonis, aut aurum.
 Vbi verò fidum sibi amicum parauerit Princeps,
 omnia tutò deliberare cum ipso potest: sed ita, si
 de ipso diu antè seriò multumque deliberauerit.
 Post amicitiam credendum est; ante amicitiam
 iudicandum. Ita tamen amico utatur, ne offen- *Quomodo Re-*
 sionem incurrat aliorum, neque inuidiam ami- *gi utendum*
 co paret. Sic fidorum uti consilio, quasi aut non *amicis.*
 utaris, aut in consilium non vocaueris, pruden-
 tis Principis est. palàm verò uti, odiorum & in-
 fidiarum occasione praebuisse est. exurgent enim
 æmuli, & quaquâ viâ euertere conabuntur quẽm
 oderunt, quẽmque anteferri sibi viderint. Sem-
 per ingeniosa æmulatio fuit. nunquam illi ra-
 tiones, numquam explendi quod suasisit inuidia,
 causae defuerunt: seriùs, ocyùs, aliquando inue-
 niet. fecundissimum æmulationum seculum no-
 strum fuit. non fuisset, si cautiùs, neque tã palàm

Reges Principesque amorem suum explicassent. Explicasse, evertisse fuit, cum in pauca capira omnes insurgerent. Neque deesse poterat, quod accusarent. nunquam illa defuerunt in magna fortuna, quæ semper aliquid & pœnitendum, & damnandum subministrat. plurima in humanis posse, via ad errorem est. nec quidquam pronius, quàm in lubrico & præcipitio labi, aut verbo intra priuatos parietes in Principem peccare. Quid? quòd hoc solum, plurimum apud Principem posse, sat amplam materiam æmulationi præbeat: ut audere voluisse persuadeat, quod poterat: nihil enim magis ad fidem valet, quàm voluisse quod potes. maximè apud Principes, qui ferè faciles in suspensiones sunt, cum de regno aut imperio agitur.

*Amici Regū
muneribus
& dignitatibus
ornandi.*

Vbi verò amicos sibi Princeps parauerit, muneribus amicitiam ornet & firmet. Nam licet amicitia si vera est, tam debili munerum fundamento non innitatur; nescio ramen quo modo in humanis firmamenta quædam amicitiae tenacius vincienda sint. ut licet, qui amat, non feratur in amorem muneribus, gluten ramen quoddam duarum inter se colligarum mentium munera videantur: maximè cum à Principis manu, tanquam à superiore fecunda nube derorantur. Et sanè si obsequia illa in inferiore sunt, quæ amorem Principis merentur, non videtur tam obsequiosum & fidum in se pectus, sine ingratitude, ac nimiae scueritatis nota, irremuneratum præterire posse. Beneficam proinde in se mentem remuneretur Princeps, ut plures in patria, aut maiora obsequia, parium aut maiorum speremus

remunerationum prouocet. ingens in humanis, etiam ad sanguinem fundendum, incitamentum munera sunt, à Principe in bene merentes erogata.

Imitetur in hac re magnum Regem Affluorum, qui suorum in se promerita in librum referebat, quò & recentior & certior beneficiorum memoria esset, quæ munificentiæ & regiæ manu rependere posset. Fecit in Mardochæo. nec stetit in hoc vno regia manus: sed è Mardochæano fonte defluxit in omnem Iudæam, ut ex illius riuulo flumina in omnem illam gentem nata sint. Nec satis fuit Regi primos Mardochæo regni honores exhibuisse, gentisque morti destinatæ fortunas vitamque tradidisse; in non vnius Mardochæi tantum, sed vniuersæ gentis hostes graui edicto desæuire voluit, ut & vitam illis largiretur, his adimeret. magnæ omnino gratitudinis pectus magnum, dignissimum omnino quòd orbi imperaret. Imitari quisquis Affuerum voluerit, Mardochæos inueniet. Et verò, nullius amore & beneuolentiâ vinci, omnes vincere, nihilque irremuneratum transire, proximum Deo est. Et habet aliquid in se diuinum, nolle beneficentiâ aut liberalitate vinci, obstrictosque omnes beneficentiâ tenere, nulli esse; ac vltroneâ etiam munificentiâ fortunare plurimos, beareque interrogatis beneficiis. Hinc quisquis verè Princeps est, Deum secutus, obsequium omne, non ex pari, ut inter pares, sed duplâ semper remuneratione reponet: ut nihil vlli debeat, sed Principi etiam post obsequia plurimum debeat quisquis illa præstitit. Cum hoc Principe non viuere tantum, sed pro hoc mori iucundum,

*Promerita
suorū remun-
neretur Rex.*

qui norit etiam in filiis ac propinquis pro se futurum sanguinem ampliter remunerari. Neque deesse tali quidquam vnquam poterit, qui suorum animos tam valido ac inenodabili nodo sibi deuinxerit. etiam exteri ambient hanc dexteram, & gloriæ suæ partem non minimam putabunt, tam munifico gratoque iungi. Reliqui etiam Principum, si non amabunt, cum rarus inter sceotra amor sit, quæ mutuum amorem non didicerunt, odia etiam in consanguineo sanguine didicerunt, ut vix multis sæculis duæ coalescant purpuræ; admirabuntur tamen, & laudabunt: ac si quid animo hostile, familiare hoc diademati ut credas intertextum, hostilitatē deponent: & aut imitabuntur, aut non dānabunt, quod inter diademata pro beneficio est. Magnum enim & inter prima numerandum, inter æmulas magnitudines non damnari. Et, ut ingeniosa semper æmulatio est, nunquam illi, quod in æmula potentia damnalet, vlllo sæculo defuit. neque vlla tā sterilis odiorum ætas fuit, quæ damnationis suæ semina in vicina nō spargeret regna. Non sparget tamen in Principem, cuius animo potenter infixum, amicos velle omnes, hostem neminem; benefacere omnibus obesse nemini; vincere beneficentiā, humanitate, comitate, grati animi significatione omnes, cedere in his nulli. magis etiam, si Deum imitatus, in hostes beneuolentiæ suæ imbres depluat; si nulla fulmina, non palam, non occultò, destinatò in aliquē iaculetur; nullius potentiæ insidias struat, nullius felicitati retia, nullius honori pedicas, nullius opib. hamos; nulli deniq; malum pro malo, sed pro malo bonum reddat. Beatam mētem. experietur amicos, qui omnibus fuit; non experietur hostem, qui

nulli fuit, aut, si gratuito experiatur, vincet.

In delectu tamen amicorum magnum studiū ponat Princeps: nam quales ferè sortitus fuerit, talem se dabit. sequuntur namque amicitia mores, & tanquam mutuo consensu, mutua mutatio est. & assimilari se gaudet amor: virtus illa an vitium sit, iuxta habet. Sed & non amare se putat, si moribus discrepat: vt etiam malit malus audire, modò audiat amicus, quàm bonus, & hostis. ita per improbos amicos etiam à rectis probisque ad vitia, ab his ad praua, à prauis ad præcipitia peruenitur. vt bene Paterculus: *Non ibi consistunt exempla unde cæperunt sed quamlibet inueniunt recepta tramitem, latissime euagandi sibi viam faciunt. & ubi semel à recto deerratum est, in præceptis perueniunt.* Nec quisquam sibi turpe putat, quod amico vrile arbitratur. quo magis improborum vitanda cōmercia sunt. Bene Theognis & prudenter monet: *Nunquam malum virum amicum fac fidelem: semper fuge tanquam malum portum.* Undè nunquam erit fidelis, vir malus. nulli enim quàm sibi amica improbitas est. ac ne sibi quidem, cū proditor salutis domini sui esse soleat, vrile honestis præferens, commoda saluti, pecuniæ semper, quàm rectè faciendi cupidior. Imple beneficiis improbum, memor erit quamdiu sperare noua potest, aut tu largiri. succedant aduersa, nulla acceptorum memoria est. neque vnquam calamitosus vllam deberi gratiam putant improbi, sed cum fortuna mutant fidem. Nil mirum, amicitiam solis opibus metiebatur: cuius cū materiam subtrahas, necessum corruat quod superstructum erat. Probum proinde delige amicitia tuā dignum: nemo talis destruet

destituet amicum, quæcunque fortuna intercur-
rerit : neque enim probitas fortunæ, virtutibus
inædificatur, quæ in aduersis magis quàm in
prosperis elucet, roborisque sui radios fortius
inter nebulas excutiunt. Monitorem etiam ha-
bebis probum, & vitæ tuæ magistrum, cuius
exemplis, mutis exhortationibus, validius quàm
ex intima Philosophia petitis rationibus mens
instruitur. In omni verò amicorū delectu, nesciò
an felicior quisquā Alexádro Seuero. de quo Lã-
pridius: *Amicos sanctos & venerabiles habuit; non*
malitiosos, non furaces, non factiosos, non callidos, non
ad malum consentientes, non bonorum inimicos, non
libidinosos, non crudeles, non circumuentores sui, non
irrisores, non qui illum quasi fatuum circumduce-
rent: sed sanctos, venerabiles, continent, religiosos,
amantes Principis sui, & qui de illo nec ipsi rideret,
nec risui esse vellent: qui nihil venderent, nihil men-
tirentur, nihil fingerent, nunquam deciperent æstima-
tionem Principis sui, sed amarent. Fortunatum ni-
mis Imperatorem talibus amicis cinctum. non
poterat ruinam vereri imperium tam validis co-
lumnis innixum. quod adedò verum arbitror, vt
Principem præferam improbum, amicis sufful-
tum bonis, bono, amicis circumfesso malis. Fir-
mat hanc sententiam Lampridius: *Notum illud,*
Meliorem esse Rempub. & propè tutiorem, in qua
Princeps malus est, eà in qua sunt amici Principis
malī. siquidem vnus malus potest à pluribus bonis
corrigi; multi autem mali non possunt ab vno, quam-
uis bono, vlla ratione superari. tanti refert Princi-
pem amicos delegisse probos.

CAPVT XIV.

Pana & premia regnorum firmamenta.

SV A cuique apud Principem virtus laudem & præmia inueniat:& pro virtutum magnitudine, præmiorum magnitudo crescat. nec irremuneratam, nec illaudatam, vlllo modo virtutem suorum patiatur. Neque enim quisquam facile gratuito bonus est; vt dictum verè sit: *Quis enim virtutem amplectitur ipsam, Præmia si desint?* ita paucissimi nudâ virtute pro præmio contenti sunt, vt, si hoc sustuleris, illam tollas. Et Deus ipse non præmiis suos allicit, & ditioribus factis opulentas sponiones exornat? Quis vastas inhabitare solitudines docuit, & extremam pauperiem pati? quis vltronea tormenta, cum in secures & ignes pueri puellæque inuolarent? quis diademata, & purpuram, & opes, & nobilitatem, & regium contemnere genus? tolle promissa cælo præmia, quem inuenies? quem continentie amatorem? aut quis vltro se monasteriorum vinculis inducet, & innatam animo libertatem compedibus arctabit, si reposita cælo præmia sustuleris? Eadem in humanis cogita. quis pro regno Regéque sanguinem sparget irremunerandum? quis vitam ponet, si vulnerum, si fusi sanguinis, si vitæ præmia nulla sunt? Nullam ergo Princeps, si florentem Rempub. volet, virtutem sine mercede transeat: vt nec facile maleficium aliquod graue & Reipub. nociturum, impunitum abire sinet. præmiis enim pœnisq; regna stant: quibus sublati,

Præmia qui tollit, virtutē sustulit.

Nulla virtus sine mercede transcendenda.

*Prodigalitas
fugienda.*

*Sola virtus
premianda.*

sublatis, magnam omnium perturbationem sequi necessum est. Modum tamen in his tenere Principem velim, ut nec in remunerando prodigus, nec in vindicandis sceleribus nimius sit: plus tamen semper remunerationi, quam pœnæ tribuat. In præmiatione verò solius propè semper virtutis rationem habeat, ut is illi maior, illi carior, qui virtute præstantior est; nulla hîc discrimina nationum, nulla sanguinis, solius virtutis sint. Scio tuendam Principi nobilitatem: ita tamen, si natalium splendori mores respondeant. nam ignauâ nobilitate nihil turpius, nihil illis, qui solâ maiorum gloriâ magni, cum per socordiam & luxum paternas opes exhausserunt, præmia virtuti debita sperant: cumque maiorû gloriâ segnitie & impuritate, malisque artibus obtenebrauerint, fortium victorum munia deposcunt; inani quodam fastu, quidquid virtute suâ magnum est, si maioribus destituatur, calcantes. quasi alienâ virtute magni, propriâque viduari, præmiis donari debeant; non debeant, quos virtus sua verè magnos fecit. nec vident miseri, maiores se suos damnare, à quorum virtutibus nomen sibi nobilitatis mutantur: neque enim illi nobilitatem in posteros transmisissent, nisi virtute partam. aut ergo patiantur à Principibus virtutem in quocunque demum remunerari, aut Principes damnent, qui primi maiores ipsorum præmiis donarunt. Sanè si plebi obscurisque olim hominibus aditus ad dignitates & maiora fuisset interclusus, nullam hodie nobilitatem numeraremus. Et non omne, quod nunc clarum est, aliquando in obscuro iacuit? inueterascent noui quoque, & inter vetustatis exempla aliquando

quando eruit. Quare repellendi & negligendi à Principe, qui generis claritatem, factorum obscuritate contaminant. Illud autem longè indignius, cum ad prima regni munia Principes prouehant, quos nec aliena, nec propria virtus commendat. Ita Ludouicum XI. Galliarum Regem, sutori suo facialis, tonsori Legati, medico magni Cancellarii munus detulisse narrant. Non inferiora Philippum Pulcrum tonsori suo, obscurissimisque ac sceleratissimis hominibus contulisse referunt. Petrum etiam Crudelem, quo nomine in presentissimum se regnumque discrimen coniecit.

Neque difficile erit Principi viros in omni genere magnos parare, & è vicinis etiam remotisque regnis primos quosque virtutibus elicere: si nimirum apud eum sua virtuti certa stent præmia, magna magnæ. Quidquid enim ubique in omni genere doctum, quidquid industrium & validum, præmiorum magnitudo euocabit. etiam patriam cum præmiis mutabunt. Et facile hoc Regi, si prodiga quædam in non promeritos dona rescindat, si sumptui modum ponat, si non necessarias largitiones cohibeat, si quæ à delictis ad fiscum veniunt, in virtutum præmia impendat.

*Virtutis
magnitudi-
nis causa
præmia.*

C A P V T X V.

Fidem datam seruare Principis est.

SERVAUIT Alexāder Seuerus. de quo Lāpri-
dius: *Certū est eum numquā id quod proposuerat
fesset*

*Abiecti ani-
mi menda-
cium est.*

*Constantia in
Principe lau-
data.*

*sefellisse: cum diceret, nolle ab aulicis suas vendi di-
positiones. Tardus interim lentusque in prouit-
tendo sit Princeps: fidem datam seruabit: omnis
enim Principis sponsio pro iurata esse debet, &
sacrosancta promissio omnis. Monet Isocrates
Principem: *Verbis tuis maior sit fides, quam aliorum
iuratis.* Turpe Principi, concessa negare. Abie-
ctissimi animi, mentiri & fallere, & venalem fi-
dem habere. nimis hæc scenicam leuitatem sa-
piunt; constantiæ repugnant, quam regiam vir-
tutem meritò dixerim. Certè vt nihil vilius in
magno Principe, quam plebeiam in promissis
leuitatem imitari: ita nihil gloriosius, quam Dei
constantiam præ se ferre. habet enim hæc vir-
tus aliquid diuino simile. & vt imprudentis ac
leuissimæ mentis signum est, concessis non insi-
stere; ita prudentis ac constantis est concessis in-
hærere. Non quòd Principem velim rupem aut
chalybem: constantem volo. nolo Herodianum
in puellæ salticæ mercede robur: neque enim
prudens, neque constans, neque pius Princeps
improbitalatem vnā maiore signauit. Errauit
Princeps? non firmet errorem errore nouo. fal-
sus est, & circumuentus insidiis? eripiat se illis.
prudens est, errorem corrigere; ingenui, fateri;
improbi, inhærere. non imitetur pueros, qui post
lapsum adfixi adhærent terris: imitetur milites,
qui animosiores à lapsu resurgunt. Nunquam la-
bi, inter optanda, non inter speranda reponi de-
bet. lapsus verbo, minis, sponsionibus, imperio
Princeps est? nec imprudentiam vnā, nec deli-
ctum vnū, nouo vestiāt. non labi, alterius vitæ
est: labi, & errori insistere, stolidi: errorem cor-
rigere, prudētis est. Sequatur prudētē Princeps,*

ac,

ac, ne à vero aberraret, nihil aut statuat, aut spondeat, quod non decies antè tanquam in incude peritus malleator fingat, ac refingat. Quòd si post hæc error irreperit, melioribus corrigat. nunquam enim deesse modus Principi potest errorem corrigendi. non dico, ut errorem fateatur. nimia hæc ingenuitas non cadit in diademata. sed aliis beneficiis aut modis errori medeatur. Fortunis, aut dignitate spoliauit immerentem, verbóque aut factis innocentiam læsit; non deerit, integrâ etiam famâ, medendi & reparandi damna modus. immeritus etiam sanguis indignatione aut errore fusus; reparari in filiis aut nepotibus maiore dignitate potest.

Sanctissimè semper fidem Romani seruauerunt. laudatissimus in hoc genere Sextus Pompeius, qui à Mena monitus, Augusti & Antonij, quos nauigio exceperat, cæde orbis potiri imperio posse, reiecit. fidem seruauit. & excidere imperio maluit, quàm fidem fallere: maior seruata fide quàm imperio, nec Magno Pompeio patre minor. imò magno patre maior, qui imperium neglexit, ne negligeret fidem. Quàm pauci Principum imitentur! quàm pauci è plebe! potuisse duorum cæde imperare: noluisse, non inter orbis miracula ponendum? Quanto hic Cæsare, quanto patre maior, qui per propinquum sanguinem ad imperia ibant, cum ipse per inimicum ire nollet? Damnatus omnium scriptorum calamis Antonius, qui fallacibus verbis euocatum ad se Armeniæ Regē vinxit, mori coëgit. secuta hinc arma, & immortale in filio odium, & variante fortunâ belli, non vltima damna accepta sunt, Parthis in belli societatem euocatis. ita vnus

Nihil statuendum Principi, nisi antè consultum.

Romani fidei semel data obseruantissimi.

sanguini multorum millium litatum est. Dam-
natus etiam inter nostros Ludouicus XI. qui
compositis in fraudem verbis euocatum ad se
D^m. S. Paulli Comitem Stabuli, mori iussit. Vi-
uet æternum omnium calamis ALBERTVS NO-
ster, qui properantibus ad exitum induciis, cum
magna non pauci ex hostili agro vltro sponde-
rent, fidem tenuit, oblata reiecit. Quid? quod po-
tentissimi Regis arma experiri maluerit, quàm
Principem feminam, quæ se illius fidei credide-
rat, fallere. Magnum pectus! quod nec terreri mi-
nis, nec delassari armis, nec regnorū flecti spon-
sionibus, nec fortunatis rerum successibus pos-
set. stetit interritus. & frustra venti & fluctus:
qui irritò semper conatu vnde venerant redie-
runt. frustra prospera & læta: cum in illius ore &
fronte, nulla in aduersis lamenta & tristitia, nulla
in prosperis hilaria legeres. Vt dubitare meritò
posses, firmius mole suâ starent Alpes, an in nō
magno Principis corpore cor magnum. Et fors
alibi reperias, qui aduersa omnia cum Iobo fe-
rant, & excutiant: & qui etiam virtuti suæ cam-
pum deposcant, & hostem dari gaudeant.

—*Sic grauis Alcides*

Gaudebat strato latus acclinare leoni.

Sed qui in secundis non mutet ora, non frontē,
aut cui non plus saliat in lætis quàm in tristibus
pectus, hunc ego Diuis simillimum puto. Vidi-
mus in Magno ALBERTO. Ac nescio an non
maius, tam tenacem fidei semel datæ stetisse, vt
nec intētata mors, nec proposita regna & impe-
ria colorem mutarēt. taceo animum. ô verè ma-
gnum! cuius verba crederēs oracula; promissa, di-
uina, nullum illa sefellerunt, nullum frustrata
sunt.

sunt. & quod (liceat humana cōponere diuinis)
de Deo, voluisse, fecisse; hoc de ALBERTO, di-
xisse, fecisse fuit.

Scio non defuisse, qui dicerent, non seruandā
fidem, si obstringi se Principi volūtas defuisset;
si promissi pœnitentia accederet; si mandari exe-
cutioni sponsio non posset. Barbaræ hæ mihi
semper visæ voces: nam quid spondere certi mi-
hi possum, si ad tacitam Principis mentem in
omni sponsione decurrendum? quæ fœdera, quæ-
ve pacta stabunt? aut quæ securitas in humanis?
Sequentur Principem reliqui. quis damnabit?
regula suorum Princeps est, & exemplar morū.
Quod si è voto fortunatæ res successerint, dictis
stabunt: si non responderint, aliam fuisse mentē
dicent, & promissa rescindēt. idem dico de pœ-
nitentia, quæ datam fidem sequitur. Euertes
quidquid humani iuris, quidquid fidei est, nec
vlla iam pactis firmitas, nisi paciscentium votis
responderint. ac, quoties pœnitentia accesserit,
toties rescindenda pacta erunt. Quid si negata
facultas promissa exequendi? quis prudens im-
pellet in illa? faciat quod concessum Princeps.
nil potest? non deerit, quod sponsionis loco
substituatur.

*Barbarum
promissa re-
scindere.*

Sunt alij, qui promissa Principum inter aulicas
ciuitates ponant, à quibus obligatio nulla na-
scatur. Indigna viro vox. non cadunt aulica hæc
mendacia in Principem, nec cadere debent. Su-
terioris in subditum non sunt purpurata mēda-
cia. inter pares plurimū illa natāt, & vtrò mu-
tuo citroque inambulant: indigna Christiano,
imò viro indignissima, scenæ & Comicis fabulis
dignissima; non iis, qui prudentiam, virtutem,

*Mendacium
Principe in-
dignum.*

Prou. 17.

morumque probitatem profitentur, minusque longè illis, qui Christum ore, fronte, pectore circumferunt. Audi Sapientem: *Non decet Principē labium mentiens.* Si verò in omnium ore turpe mendacium sit, turpissimum in Principis est: cuius verba diuinis eo similia esse debent, quo propius ad Deum Principes dignitate & imperio accedunt. Quid? quòd ignaui pectoris mendacium sit: generosior quisque antè vitam ponet, quàm se seruili hoc crimine contamine. non vult seruus audire, non mulier, quisquis animo vir est: tantum enim de magnitudine suà decedere arbitratur, quantum de mendacio mutatur. Non quòd velim Principem aliquando non simulare, aut secretum suum non tegere: quin imò & simulare non rarò volo, & secretum suum centum clauibus claudere. fallere tamen, promissa rescindere, mentiri nolo. nimis hæc plebeia vitia, sceptris indigna sunt. Quòd si fortem se Princeps veri propugnatorē ostenderit, sequentur quotquot aula fouet, non tam veritatis amore, quàm Principi placendi. magis etiam, si Constantini exemplo, nullum ad obsequia admittat, quem mentiri deprehenderit. Scio arduum fore, omnes aulæ natos à falsi ad veri semitam traducere; cùm meminerim illud Antiochi; toto se purpuræ tempore vnā tantum rem veram inaudisse. Plurimum tamen hanc rem iuuabit, si domo suā & munere Princeps excludat, quos huic vitio addictos senserit. Pauca enim seueritatis exempla confectam rem dabunt, maximè si facilem ad ignoscendum, vera, etiam post delicta, fatentibus Principem experti fuerint.

Magnus

Magnus omittino in tenaci fidei semel data observatione Theodosius. de quo Pacatus: *Velim dicas, unde, cum tantis promissa persolvas, quid cui promiseris scias: nec te vel Reipub. cura, vel illa ipsa tuorum beneficiorum turba confundat, ut parciore tardiorve tempore quem modo ve decipias? quis debitor verecundus ita mutuum ad diem reddit, ut tu, quod promittis appendis? Nec imponi negligentibus arbitrio. Quotidie in beneficia tua quarimus, & memoriam convenimus, & ne singulis insidietur obli-
nio, cum altero quisque conferimus; unum inuenire non possumus. cuius spem atque expectationem, non dicam fefelleris. sed (qua delicatior est querela) distu-
leris. Nihil uia primoribus labris polliceris, quin promisso fidem subdas, & verba re sancias. nemo be-
neficia qua dederis ab eo credit tempore computan-
da quo dederis: quia tam sunt certa qua spondes, ut
tum videantur accepta cum spondes. Verè regium
& imperatorium. & aliquid hîc diuinum. Qua-
le omnibus Principibus voueo, qui Deorum in
terris vices gerunt.*

CAPVT XVI.

Secretorum firmissimus custos sit Princeps.

SI se, si Rempub. saluam volet, quæ non raro
à firma rerum peragendarum custodia pen-
det: ut meritò dici possit, proditorem secretorū,
regnorum proditorem esse. iam cum frequenter
vniuersa aut Reipubl. aut exercitus salus in vna
re vertatur, quicumque hanc prodiderit, Républ.
prodidisse censeretur. Et quanta regna &

*Puniti, qui
secreta Prin-
cipum euul-
gant.*

*Nunquam
magna com-
mittenda illi
cui tacere
grauis est.
Prou. 10.*

exercitus sterissent, si sterisset lingua oblita hæc
sui est, & hæcenus regna, & Respubl. nullæ. Pri-
uatarum verò familiarum excidia vni ferè lin-
guæ debemus, quo verò maiora damna ab illa
merito timenda sunt, eo acrius puniendi, qui cõ-
credita sibi à Principe euulgant. Et ego sanè, ve-
terum Persarum more, silentium in iis, qui à cõ-
siliis Principum sunt, vitæ periculo sancendum
putarem, nec vllum probum, linguâ grauius in-
illis castigandum: nullamque adeò illi rem credi-
tutò posse, nihilque debere committi, cui occul-
ta Principum vitâ ipsa potiora non sunt. deni-
que nunquam consiliis adiuuendum, cui aut
metus, aut spes tacendorum vocem exprimit.
Et verum semper erit illud Curtij: *Res magna su-
stineri non possunt ab eo, cui tacere graue est.* Et il-
lud Sapientis monitum: *Et qui reuelat mysteria,
& ambulat fraudulentè, & dilatat labia sua, ne
commiscearis.* Nec minùs illud Hieronymi: *Si quis
voluerit tuis misceri amicitijs, & hunc videris prio-
ris amici pandentem secreta, hunc veluti perfidum
caue.* Prudenter sequamur monentem. Magis
etiam sequatur Princeps. ne fidat sua, amici se-
creta prodenti. prodet Principis, si quæ aut leuis
offensa nata, aut lucri spes maioris. Commenda-
tum in hoc genere illud Metelli: *Si tunica consi-
liorum meorum esset conscia, detractam in ignem mit-
terem.* Secutus est Petrus Aragonius: *Comburam
intimam tunicam, si consiliorum meorum gnarum
esse sciam.* imiteretur Princeps. Pulcrum illud inter
Romana incunabula: *Arcana consilia P. Conscri-
ptorū multis sæculis nemo Senator euulgauit.* dignis-
simos omnes, qui imperarent. Addit auctor:
*Cum non vnum, sed neminem audisse crederes, quod
multorum*

multorum auribus fuerat commissum. ô viros! quibus meritò orbis pareat. Claudit: *Nunquam tacuit nitatem optimum ac tutissimum administrandarum rerum vinculum labefactari volebant. imitetur Christianus Princeps. Est & illud ab eodem: Cum Asia Rex Eumenes, amantissimus nostræ urbis, bellum à Perse aduersus pop. Romanum comparari senatui nuntiasset, non antè sciri potuit, quid aut ille locutus esset, aut Patres respondissent, quam captum Persen cognitum est. fidum erat, & alium Reipub pectus curia silentiæque salubritate munitum & vallatum undique: cuius limen intrantes, abiectâ priuâ caritate publicam induebant. At nunc frustra hunc sonatum speremus: frustra Papirios. Et nescio quomodo his moribus, aut nocturnæ vxorû blanditiæ; aut imprudens filiorum ac parentum amor, aut amicitia necessitudo, aut domesticorum fiducia, occultanda extorqueant. Cùm verò Regibus ab arcânis multi sint, multis creditur, quòd vix vni tutò debeat. Illud pessimum, scribis etiam adolescentibus pleraque à dominis committi; cùm in magnis, si quid calamum credendum, vnius, nec plurium credendum sit: tum ac quis vulgandi metus, tum vt in prodentis, quæ celari debebant, cognitionem facilius deueniat Princeps, certiùsque in delinquentem exemplum statuatur, in reliquorum terrorem, prodentis prænam. Quanta sæculo nostro (pudet referre) deteriori sexui, amicis, adolescentibus scriptoribus, in primorum orbe regnorum non reparanda damna, commissa fuerint, quæ antè scirent hostes quàm primi exercituum ductores, nimis notum est. O, si reparari mala possent, nequidquam voueo.*

Vidimus tamen corruptissimis his moribus nostris, qui certare cum Metello, Pompeio, Romanis, veteribusque Persis posset, AMBROSIVM SPINOLAM Balbaces Marchionem, Regiorum exercituum supremum Ductorem, tam tenacem sibi commissorum consiliorumque fuisse, ut antè animam cum Zenone, Anaxarcho, Theodoro, quàm concredita aut consilia excuteret. nemo ab hoc audiuit silenda, nemo speravit; ut nō mireris tantā rerum gestarum gloriā magnum, ac antè propè Ducem quàm militem, victorem quàm Ducem, & cum magnis imperatoribus conferendum, qui tam magnus silentio esset. Non mireris, tot omni bellicā virtute in Belgio & Germania magnis prudenter imperasse, inuictaque in hanc diē Germanica fœdera dissoluisse, qui tam validè ori suo imperauerat, tam carum Principi suo stetisse, cui nullum pœnitendum verbum excidisset. Sed nimirum creuerat sub Magno ALBERTO, Belgarum Principe, qui nescias, pietate, animi moderatione, maiestate, constantiā, prudentiā, an tenaci tacendorum custodiā maior fuerit. ut meritò dubitare possis, quid primum in illius laude, quid postremum ponas, ita in vno virtutum omnium quidam æmulatio, ac se mutuo premèrium, ac quasi perimentium, amica concertatio fuit, ut nullo prudenter ordine uti possis, sine quadam sequentium iniuria. in orbem nimirum ponendæ, ne qua meritò queri de prælatione possit. In quo cum omnia admiranda, & in exemplum itura: tum illud, quod nunquam illi verbum imprudenter exciderit, nullum incogitatum. Vidimus, quod nulla posteritas credet, in aduersis

& prosperis semper eundem, vt nulla fortuna, quantumuis sæua aut blanda, seuerius aut blandius verbum extorserit; non frontem aliam, colorem alium. crederes inædificatum rupibus, quæ fluctus vt pilas, adeoque vt plumas excutunt. crederes supra quidquid pluitur & nungitur, supràque ventos omnes caput extulisse, solis cælestibus minorem. In hoc cum omnia maxima, tum consiliorum ac peragendarum rerum silentium tam altum, vt antè maria calcanda pedibus præberes, quàm magni illius pectoris secreta crueres. semel illi aliquid credidisse, æternum erat: tam fidâ vigilique custodiâ, vt nec orbis vniuersi arma, nec regnorum quâ orbis patet prudentia, elicere concredita posset, aut cogitata eruere. & antè facta videbas, quàm cogitata crederes. O Magnum! spretoque non semel vltro oblato Imperio, quàm duodecim Imperatorum sanguine maiorem! maiorem tamen, qui ita imperare, linguæ potuit, vt nullum illi vnquam verbum exciderit quod veniam mereretur, & de quo dici posset, *Homo fuit*. Q nimis æmula magnorum fata! æterna huic Principi stare vita debuit. Sed ignoscite, cæli, inuidistis Belgio & orbitam magnum: aut Imperium orbèque non dignum tam magno putastis. spoliastis proinde orbem, vt vos ornaretis. gratulor vobis. & date veniam, inuideo: ac, si animo huic vires respondeant, eripiam vobis, reddam orbi. quam nihil detractum velim promeritæ toties felicitati, cum orbitatem nostram sentio. Sed sileo, ne silentij leges & metas audax egrediar. audi tantum vota mea Deus, quæ alto nimium silentio tibi soli prodo. tu illa custodi & ex-

quere. Hoc tamen palam audeo, quod nō meum tantum, sed populi Belgici vniuersi, tanquam vnius animæ, pro magna ISABELLA, votum sit: *Obsecro ut fiat in hac duplex spiritus* ALBERTI. impetrauit à magistro Elisæus ab aratro & lignibus veniens: quo magis audi vota Belgarum omnium, & exple, magne Deus, filiorum pro parente sunt; non soles tam pia, irremunerata transire.

CAPVT XVII.

Detrahentium ac adulatium inimicus sit Princeps. neutros admittat, utrosg; aulâ pellat.

DETRACTIO iuxta ac adulatio vitanda, dux Principum pestes, quæ ubi obsecderunt aures, aditum virtuti claudunt: eo magis, quo magna semper Principum pars his lenociniis capta, & se & Reipubl. perdit, & fidissimis optimisque destituitur. Adulatio veritatem monitum, detractio obtenebrat: utraque illam eripit. Ista sceletum in Principe causa est, cum laudata crimina in paria, vel maiora impellunt: tanquam si equum in præcipitia calcaribus agas, hæc in optimos ferè sæuit, & primis quibusque Regem regnumque spoliât. Ingentia omnino mala, & quæ ægrè tollas, tum quod insita ferè magnitudini suspicio & timor sit, & faciles infidem aures: vnde fit, vt detractio & liuor prònis plerumque auribus excipiantur. tum quod complacentiâ plurimum sui sceptrâ laborent, & laudes suas eo pronius accipiant, quo facilius

lius credunt. ita faciles in fidem sumus eorum, quæ amamus; maxime Principes, quibus propè cum quod lubet liceat, proba dici & haberi, improba licet, sua desiderant. cumque doceri pudeat, laudari volunt. discere, & dñari, graue diademari; gratum & iucundum, laudes audire. Quid agas? damnes? gratiā excidisti. laudes? redarguit Deus. at nos seponimus Deum, vt amplectamur Principem: displicere illi pro minimo habetur, vt huic placeamus. ita facile salutem Principis & nostram proicimus, vt nesciam vtrum infelicius sit adulatoribus an detractoribus credulas aures præbere. Grande interim vtrumque malum: nihil enim miserius Principe temere in vtramque partem credeti. Hoc cogitet, laudatorem solam Principis, fortunam sequi; & suam: vbi illa mutauerit vices, mutabit & adulator, ex laudatore damnator factus, eo acrior, quo fortior prius laudator. Detractorem verò æmulā quadam prurigne, rerumque suarū desperatione, per aliorum sanguinem & præcipitia, iter sibi ad honores & opes sternere. non poterat per virtutem, per scelera viam parat. Quod si cogitarent Principes, vtrosque ab improbis sibi artibus auxilia mutuare, non tam facile admitterent, serā pœnitentiā excludendos. Et quis optimorum erit innocēs, si detraxisse satis est? Quod si præmia etiam detractores manent, quo non spoliabitur regnum viro magno? &, si præmia sustuleris, quis detrahēt? hæc prouocant, & audaciam animosque addunt. tolle, & detractio nulla erit, adulatio nulla.

Et quid sperabis de Principe, cuius omnia honesta atque inhonesta pro virtute sunt? qui nihil admit

Tolle præmia, nec detractores, nec adulatores erunt.

admittit præter laudes? cuius nemo factum si-
ne periculo damnet? cuius scelera, suorum ore,
virtutes sunt? Quod si scelus dixeris, peristi, gra-
tiâ excidisti. hæc ne excidas, virtus pro scelere
dicenda. Misera seruitus, perire, ni falsò laudes;
gratiâ excidere, ni improbanda probes. Sed &
illa infelix conditio, cum nullâ re maiora pateât
præmia, quàm per magnorum obrectationes.
Detrahis? Deo peristi, & tibi. taces, aut laudas?
inglorius iaces, & frustra præmia cogitas, quæ
maiora longè è detractiōe, quàm è laude sunt.
ingens ad scelera calcar. Iam cum neminem
etiam falsissimorū detractorum pœnæ maneat,
sed magis præmia; quis non detractoris perso-
nam induat, vt præmia referat? nimis validum
incitamentum præmia sunt, etiam apud bonos.

Prou. 29. Audiat non me, sed Sapientem Princeps: *Prin-*
ceps, qui libenter audit verba mendacij, omnes mini-
stros habet impios. Talis omnis Princeps est, cui fa-
ciles in detractiōem aures sunt: neque enim
alia in detractoribus, quàm verba mendacij re-
peries. *omnes ministros habebit impios.* Ego si dice-
rem, insurgerent in vnum caput aulæ omnes,
purpurati omnes. Scripturæ verba sunt. mentiri
Scriptura nō potest. Videant proinde Principes,
quales suos velint: pios, an impios. à detractori-
bus hæc pendent. fallor. à Principis facilitate
hæc pendent. audiat detrahentes: impios habe-
bit. quem enim non habebit, aut quem suorum
non faciet detractorem, quem non impium, si
gratas sibi detractiōes ostenderit?

*Adulatores
& detracto-
res aulæ pel-
lendi.*

Adulatorem verò vbi Princeps senserit, ho-
stem cogitet, & occultum nominis sui detra-
ctorem; scorpionem cogitet: blāditur vultu, caudâ
verbe

verberat: laudabit præsentem, damnabit absen-
tem: de propinquo mella, de longinquo venena
iaculatur, eo nocentiora, quo minus sentiuntur.
Medicina à sola sectione petēda. anathema pro-
inde Princeps omni adulatori inlide: simul etiā
detraктору. & cum magnis Augusto, Traiano,
Aureliano, Honorio, Theodosio Imperatorib-
us, falsò detrahēdi licentiam supplicii reprimē,
memor Sapientis: *Remoue à te os prauum, &* Prou. 4.
detrahentia labia sint procul à te. Quòd si vtrorum-
que potentiam & audaciam fregerit Princeps,
beatus. Et nil facilius Principi. nam vt *uentus* Prou. 25.
Aquilo dissipat pluuias, ita facies tristis linguam de-
trahentium. Displicere sibi ostendat Princeps;
ignorabit aula detractores, ignorabit adulator-
es. hoc dico: ignorabit noxias has vipersas, in
Principem primò, dein in optimum quemque
venena iaculantes. imò non excipiat hos hilari
vultu, & concidet omne illorum studium.

Quòd si tutum vera loqui, vtrumque ferè vi-
tium adnexum aulæ. & perpauci omninò Prin-
cipes intacti abeunt: aut enim altero illorū tin-
guntur, aut vtroque. fuge quisquis regnum amas.
Fateor adulatoribus nihil in principio videri
humanius; at, vbi opes suas firmauerint, nihil il-
lis insolentius, nihil crudelius est. æstuant ferè
libidine, sæuitiâ, auaritiâ. Hinc Athenienses se-
curi in assentatores sæuebant. Demosthenes
sanè publicas regnorum clades adulatoribus
ascribit. Est in hac re illud Ciceronis: *Nullam*
in amicitis pestem maiorem, quàm adulationē. Cur-
tius, sæpiùs adulationibus, quàm ferro & hosti-
bus, Reges regnâque euerfa, non dubitauit asse-
rere. Bias ferocium animalium sæuissimum esse
tyran

Nihil adula-
toribus, vbi
firmauerint,
insolentius.

tyrannum dicebat, cicurum adulatorem. Dion adulatorem, adulterantibus monetam comparat: magnus Gregorius scorpioni, qui vulnus & virus, quo figit, infundit. Eleganter Seneca: *Adulatio similis est amicitia. non imitatur tantum illam, sed vincit. apertis ac propitijs auribus recipitur, & in ima precordia descendit, eo ipso gratiosa, quo ledit. Horum sermo multum nocet, nam etsi non statim officit, semina in animo relinquit, sequiturque nos, etiam cum ab illis recesserimus, resurrectorum postea malum. Habent hoc in se blandimenta, etiam cum reijciuntur, placent, sæpè exclusa, nonnissimè recipiuntur.* Pulcrè Pythagoras, Principum adulatorem impuris comparat mulieribus, quæ à Deo salutem, vitam, opes, aliâque omnia amatoribus suis, præter bonam mentem precantur. destitui nimirum nolunt. fieret, si mens bona accederet. Alius chameleonti componit, cum omnem Principis affectum induant. Ridet ille? imitantur risum. mœret? lacrymas fundunt. morbo tentatur? morbum illi simulant. stomachatur? ira illis ad manum est. amat? plus illi, & oleum huic fornaci iniiciunt. otio delectatur? laudant. sævit? accendunt etiam magis, & ligna huic igni supponunt. iniusta bella meditatatur? inhortantur. magnorum nimirum Principum est ardua meditari, nec pacem ferro dare. caussa deest? nulla deesse Regi potest, cui libido pro ratione est. Benè Hieronymus: *Isto maximè tempore regnat vitium adulationis, quod est gravissimum, quia humilitatis & benivolentiae loco ducitur: & ita fit, ut qui adulari nescit, aut invidia, aut superbie imputetur.*

Et quis vllâ ætate Princeps caruit noxiis his blandi

blanditiis? quo magis inuigilandum huic malo. Magno exemplo Regibus præit Titus. *Si quid in sermone, vel in continua oratione blandius de se dicebatur, non dubitauit interpellare, ac reprehendere, & commutare continuo. Dominus appellatus à quodam, denuntiavit, ne se amplius contumelia caussum nominaret.* ubi sunt Christiani Principes? quàm longè ab hac modestia, prudentia, iustitia, robore! Videamus quid Augustus senserit: *Cum spectante eo ludos pronuntiatum esset à mimo, Dominum æquum & bonum; & uniuersi tanquam de ipso dictum exultantes comprobassent, statim manu vultuque incoras adulationes repressit, & insequenti die gravissimo corripuit edicto, dominumque se posthac appellari, ne à liberis quidem, aut nepotibus suis, vel seruo, vel ioco, est passus. atque eiusmodi blanditias etiam inter ipsos prohibuit.* Quàm longè sumus ab Imperatoria modestia!

Hæsi hoc loco. darem in sæculi nostri adulatorem, doctissimi, verissimi fragmentum ludi. & iam scripseram. inuolauit spongia. & iterum calamus, & iterum spongia. dumque inter venerationem iactor & metum, duas diuersissimas res iunxi, audaciã & verecundiam. vicit tandem calamus; & ausus est imperitus pictor purpurã atramento tingere, verius, se ipsum purpura vestire. date veniam quotquot in purpura docti, quotquot extra illam. & quis damnet, si purpureis versibus, omni gẽmã nobilioribus, indornem huc librum? temerarius audiam? audiam amator, & temerarij nomen etiam amabo. Quid? calceos aufa Poppeia, poculum Cleopatra, patinam Æsopi filius, ne medicus magnis libertis cœnaret, gemmis induere. prima calcauit, altera bibit, tertius

tertius gemmas comedit, & regna in his integra. quanto ego proinde indulgentiùs, veniâque maiore, nō & laude? paginam hanc doctâ venustabo & inoculabo purpurâ? aut tanquam naufragum cælum purpureis stellabo stellis? aut denique tanquam animâ, emortuum hoc chartarum corpus animabo eo feliciùs, quo nulla ante hanc diem ætas tam vrbânâ, tam doctâ claruit purpurâ? ignosce amori quisquis audaciam cogitas. Audite Reges:

Cui sensa mentis prouidus abdita

Rex credat? aut quos cauerit? omnium

Sincera, seu fallax, eodem

Obsequio tegitur voluntas.

Fugit potentum limina veritas,

Quamquam salutis nuncia: nauseam

Inuisa proritat, vel iram.

Sapè magis iuuat hostis hostem.

Ictus sagittâ rex Macedo, videt

Non esse prolem se Iouis. Irritâ

Xerxem tumentem spe trecentis

Thermopyla cohibent sarissis;

Docentque fractum clade quid aulici

Sint verba plausus. ut nocet, ut placet

Stillans adulatrix latenti

Lingua fauos madidos veneno.

Hac in theatri puluere barbarum

Infecit atro sanguine Commodum,

Probrisque fœdauit Neronem. ac

Perdidit illecebris vtrumque:

Artes nocendi mille tegit dolis

Imbuta. quis tam lynceus aspicit

Quod vitet? Intentus canentis

Mercurij numeris, sopore

*Cæna claudens lumina, sensibus
Abreptus, aures dum vacuas melos
Demulcet, exemplum peremptius
Exitij graue præbet Argus.*

O benè, doctè, masculè, urbanè. fortunatæ senescentis iam mundi litteræ.

*Vestra est illa dies, fauete Musæ,
Dum, qui vos geminas tulit per artes
Et victa pede vocis & soluta,
Romani colitur chori sacerdos.*

Ille Summus. ille Primus, Optimus, Maximus. Non meritò ego hunc supra Horatianos & Pindaricos cygnos, non morituræ gloriæ pennis euolaturum dicam? & non iure docta illius vestigia, quotquot orbe litterarum amatores, venerabundi exosulemur, quem videmus geminata felicitate, Gratiâ Latinâque carminantem, nec æmulum hætenus reperisse, nec æqualem, adeoque nec secundum?

*Pars anima victura mea, cui linquere possem
O vtinam*

annos meliores meos! ignosce, qui atentis huius calami stipulam per non tangendam purpuram soloque Deo inferiorem ducam. si quid hîc peccatum, amoris dabis, cum etiam temeritatem in amore nemo miretur & damnet.

Nec minus inuigilandum detractiōni, quæ vna ferè Principem primis quibusque in omni genere destituit, qui cum improbis his artibus vti nolint, perfacile ab aduersariis euertuntur. mētiri non didicerūt, & indignum viro mendacium credunt: mēdaciis interim obruuntur, maximè apud credulū Principē, cui vel solâ magnitudine suspecti sunt. insidias dolo malo struere

*Magnâ curâ
inuigilandū
detractori.*

Qq nesciunt:

nesciunt: insidiis cadūt. Nec quidquam facilius, quàm virtutem fallere. simplex illa est, & candore sui fallacis patet. cūque mala suspicari, aut non velit, aut non possit, inuoluitur antequā præsenscat mala. è suo verò iudicio cū metiatur reliquos, circumuenitur ignara doli. non reperiebat in pectore suo fraudes, quare nec in alieno videbat, quo magis patebat illis. Sciebat hoc magnus per omnia Imperator Titus longissimo dignissimus imperio. de quo illud Suetonij: *Inter aduersa temporum, delatores mandatoresque erant ex licentia veteri: hos assidue in foro flagellis ac fustibus casos, ac nouissime traductos per amphitheatri arenā, partim subyci in seruos, partim venire imperauit, partim in asperissima insularū auehi. Utque etiam similia quandoque ausuros perpetuò cōcereret, vetuit inter cetera, de eadē re pluribus legibus agi, quæuē de cuiusquā defunctorum statu ultra certos annos. Et de Pertinace Herodianus: Detractores vrbe exegerat, & ubi ubi inueniretur, puniri imperauerat, cauēs ne cui de vanis criminibus periculū conflaretur. ô verè Christianum pectus, longiore imperio dignum! Et in Antonino Pio Capitolinus: Delationes quibus fiscus augetur contempsit: sed neque vnquam fisco in causis compendij fuit. Fuerunt illa tempora. quis sub Christianis Principibus eadem largiatur? quàm vereor ne inter nuda solaque vota reponam! Idem tamen contra procuratores suos conquerentes libenter audinit. O quis maiora voueat in Christianissimo Principe? quis adèd in Religioso? Quamquā nihil mirum, si mores illius propiùs consideres, quē tradit Capitolinus tanta tranquillitas fuisse, ut vultū numquā mutauerit mœrore vel gaudio.*

dio. Mirata hæc olim Græcia fuit in Socrate, & pro naturæ miraculo habuit. quid diceret, si patria, aut maiora reperiret in Imperatore, & quidẽ Romano? Quid? quodd ab ipso Domitiano dignâ omnino habeamus Imperio Rom. vocem, Suetonio teste: *Fiscales calumnias magnâ calumniantium pœnâ repressit, ferebatûrque vox eius: Princeps qui delatores non castigat, irritat.* Imitentur Imperatorem Reges aut Principes, Gentilem Christiani. quantâ pace fruerentur! Quodd si eo robore non sint, vt possint, eo animo, vt velint; in omni saltem delatione meminerint, dextrâ semper aurẽ reo dare, delatori sinistrâ. potiorẽ nimirũ, digniorẽque illi partẽ. Non potest hîc peccari in moderatione, potest credulitate. Cogitet plurima intercurrere, quæ accusatorem impellant, error, suspicio, zelus, æmulatio, odium, inæror, timor, præmium, facilitas in credendo. suspendat proinde sententiam in omni delatione, tacitûsque secum singula delatoris dispiciat, delictum, personam deferentis ac delati, vtriusque vitam & mores, narrationis modũ, circũstantias locorum, temporum, personarũ. Audiat deinde reũ placidissimo vultu, & ore. obseruet in eo singula, non minũs, quàm in accusatore: memineritque Magni Alexãdri in Philippo medico: nec quidquam statuatur, nisi re compertissimâ: plũsque semper reo & clementiæ tribuat, quàm accusatori & seueritati. Nam si satis esset accusasse, Princeps reus staret, & optimus quisque, in quẽ ferẽ improbitas insurgit. tantum odia possunt, aut speratus honos & opes. Illud verò omnium sententiis dānatissimũ in Tiberio refert Tacitus: *Delatores genus hominum publico exitio repertum,*

Dextra auris reo, delatori sinistra danda.

& pænis quidem nunquam satis coërcitum per præmia eliciebantur. O apud nullum Principem Christianum per præmia eliciantur! & magna spondeo. Eadem voueo de adulatoribus: de quibus illud Cypriani: *Vitiorum assentatores blandi & indulgentes patroni, qui præstant vitiis auctoritatem.* & illud psalini, *Venenum aspidum sub labiis eorum.* Monetque Sapiens, vt caueamus ab iis, qui relinquunt uer rectum, & ambulant per vias tenebrosas. Eleganter verò de adulatione Basilii: *Blandissima operum depradatrix, iucunda animarum hostis, tinea virtutum, locusta fructuum.* Fuge Princeps.

C A P V T X V I I I.

Fida Principis custodia innocentia, quâ tectus curabit ut quàm optimis imperet.

F I D I S S I M A Principis custodia innocentia est. hæc arx inaccessa, & inexpugnabile munimentum est, munimento non egere: vt reuerentiam etiam quãdam hosti innocentia incutiat; suis verò ingentem venerationem & laudem. nec damnare quisquam audet, in quo damnandi causa nulla est; quare nec odisse. Sed neque ferrum in innocentem acuitur. vt metuere Princeps non debeat, qui metus in se causam nullam habet. Scelus timoris parens est, securitatis innocentia, quæ latus suum credere omnibus potest: scelera nō possunt. Quo rarius, hoc maius illud Cassij in Nerua: *Tanta erat illi integritatis fiducia, ut sapè iactaueris, se nihil tale fecisse,*

cisse, quo minùs deposito imperio .securus privatam vitam ageret. Admirabile etiã fuit, & fiduciã plenum morientis Titi Iupp. *Non extare ullũ suum factum pœnitendum, excepto dumtaxat uno.* Titos nobis Christiana regna concedant, qui morientes eadem fiduciæ & innocentiz exempla in posteritatem transmittant imitanda! O nimis rarum in Principe! Quamquam non defuerit sæculo nostro magnus Belgarũ Princeps ALBERTVS, qui moriens dicere posset, Nul- lum extare suum factum pœnitendum, dictum nullum. Felix tanto Principe Belgium; felicius, si stetisset æternũ.

Enitendum deinde, vt, cum innocentiã & vir- tute cingatur, quàm optimis imperet. nam pessimus quisque asperrimè rectorem patitur; opti- mus lenissimè. Probissimos proinde quosque lateri suo adiungat. scelera non vltra scelera durant. probitas perennat. nec quisquam pro- bus facilè superiorem destituit. improbus tam- diu paret, quamdiu bonis fruitur: fortunæ enim seruit, non Regi; probus Regi, non fortunæ. quare in quacunque fortuna stabit illi fides sua; non stabit improbo, aut cum fortuna mutat animum. Nec mirum; fortunæ seruiuit. sequitur dominam seruus. quæ si hostem se flexerit, ho- stem patietur, quem fortunæ suæ seruum ha- buerat. vt verum sit illud vetus: *Quis horum in ad- uersis beneficiorum seruat memoriam? aut quis ul- lam calamitosus debere putat gratiam? aut quando fortuna non mutat fidem?* In solis probis non mu- tat: mutat non in improbis semper.

Publicis etiam muneribus oprimos præficiat: ab his enim nomen Principi accedet magnum,

Probus in fa- miliam sibi asciscat Prin- ceps.

Publicis mu- neribus opti- mi præficiendi,

& securius imperabit; noctes etiam securas patietur, quia fides, quia probis regni sui gubernacula commisit. Sequitur probitatem fides. neque enim infida unquā probitas fuit, nec dominum frustrata suum est. mori illa potest, non poterit fallere. sed & animus ferè probitati maior, cum conscia integritatis suæ, terrores, minas, mortem ridet. Quid enim metuat, qui metus causam nullā habet? metuat improbus, qui scelera timoris causam pectore circumfert, qui improbitatem animo tanquā vtero gestat. Magnus etiam hīc ALBERTVS noster, qui sciens volensque nullas dignitates aut munia erogabat in improbos. fecisset, si improbitatem amasset. odebat, & quædam illi pugna cum illa. Quid? quod vel soli improbi mores adeò illum terrent, ut ad solum nomen expallesceret: omnique spe suā excideret, quisquis vel leui improbitatis afflatu tinctus esset.

*Improbi ab
aula arcedi.*

Ab aula etiam & contubernio suo omnem improbum Princeps arcebit, ne ob delicta aliorum audiat malè, & consuetudine talium assuescat improbitati, & in errorem paulatim inscius trahatur. Magna improbitatis magistra improbitas est: & scelera nouitate quadam sui noua in spectatoribus scelera prouocant, & incautos non rarò Principes antè occupant, quàm sentiant; cum ferè diademata non patiantur admonitorem, & quod deterius, inueniant semper, etiam in scelere, laudatores. Plenæ his Principum aulæ, in quibus pars non infima per scelera viam sibi ad magna sternit, cum per virtutē nno possit, quæ plurimùm aulis exulat. Atque hinc pars non vltima regiorum administratorum,
sago

sago togaue clarorum, per proborū calumniā;
 pars per laudata Principū crimina ad dignitates
 cōscendit, improbitatis facti auctores, quia lau-
 datores; pars etiā improbitatem suam probitatis
 pallio tegit; pars sub emētito publici boni zelo,
 publici boni interitum velat. & cū publicam
 fortunam bonam valdē inclamant, priuatam
 struunt. detrahunt omnibus dignissimi in quos
 securibus insurgant omnes. & cū sceleribus
 tanquam rupibus integantur, raram præ se
 modestiam ferunt: impietatem emendicā qua-
 dam vultus pietate vestiunt, libidinem frontis
 maturitate, & verecundā oculorum deiectione
 contegunt. Ne fide Princeps his palām probis,
 domi suæ improbis: fuge fucatam grauitatem
 Stoico supercilio expressam. intus Epicuri la-
 tent de grege porci. Loquantur licet mella, fel-
 le corda natant, & dum prima illis vltimāque
 Principis ac Reipub. bonum sunt, se cogitant,
 bonāque sua, nec alia. Sed & dum alios accusant,
 mœrentes credas, ac quasi rubore perfusos, nec
 priuato vllō odio, sed Principis solius bono in-
 uidiā plenissimam causā suscepisse. nihil se in
 omni hac delatione spectare, nihil ab hac spe-
 rare; quā communis boni augmentum. solā se
 conscientiā, & religione (cū nihil præter nu-
 dum conscientię & religionis nomen habeant)
 tactos & pereuntis iustitię miseratione, ad hæc
 descendisse. Blandē interim loquūtur, vt fortiter
 enecent. Sicut medici, qui parum docti, & satis
 seduli languidos multos officiosissimē occi-
 dunt: sic illi molli linguā, & verborum quodam
 saccaro, dum publicē prodesse videntur vel-
 le, priuatim officiosissimē petunt. Feren-

*Per scelera
 plerique viā
 sibi ad ma-
 gna sternūt.*

*Simulata pie-
 tas aulu no-
 xia.*

dum, nisi priuatæ hæc calumniæ irent in damnum publicum, dum bonos & Reipub. cum primis vtilis fraudibus circumueniunt. Quod si quem viderint vitæ integritate & potètiâ apud Principem magnum, ac iustitiæ quodam zelo validum, in huius se familiaritatem quaquâ viâ insinuant, vt simplicem illam animam, & tantum columbam, recti specie, falsis delationibus in proborum præcipitia impellant. Et, cum ferè probatissimus quisque scelerum odio, ad nudum sceleris nomen, scelere licèt suo viduum, perhorrescat; perfacile impellitur, vt, quod metuit, credat. cùmque pietatem & iustitiæ amorè ore & fronte præferant, nullo negotio ignarum fallunt. Disce horum mores Princeps, & hæc omnis benè institutæ Reipub. spuria vitulina à publicis muneribus seponere. Nulla enim his quies, quamdiu aliquè gratiâ, honoribus, opibus superiorem senserint. improbos enim ingeniis non dominari omnibus, instar seruitutis est: hæc verò pati, omni morte grauius est. quam ne subeant, nulli parcent, non consanguineo, ac ne eiusdem quidem secum vteri sanguini, nõ Regi; ac nec ipsi, si possint, Deo. Deuita hæc Reipub. venena Princeps, vel solo tactu nocitura, minùs aulâ recipe. quisquis enim adinfit, criminandi facultatem præbuit. Pertimesce Tiberiana tempora, quibus quo quisque districtior accusator, velut sacrosanctus erat. atque hinc primorum ferè omnium cædes, & plus suorum sanguine, quàm factorum claritudine nobilitata Roma. Pelle denique vniuersum hoc hominum genus publico exitio repertum, nunquam satis pœnis coërcendum. pelle, & imperare disce bonis.

facies,

facies, si, cum ipse bonus fueris, nullos nisi tibi similes admiseris, & quos morum probitas claros fecit. non potest diu latere virtus, sanè non solet. erumpet ignium more, & flammæ radiosque suos sparget. obstant licet intercurrentes nubes, aut integentes cineres, vincet, & totam lucem suam inspectandam aliquando dabit. Magna in Principe depono. sed quis humilia in magnis? scio arduum esse, & inter vota potius numerandum, quàm inter sperata. quis enim in tanta omnium licentia, tanta peccandi materia, probitatè & innocentiam teneat; cum ferè Principes magnitudinem fortunæ suæ peccandi licentiâ metiantur, & quidquid lubet, pro licito vindicent? quo fit ut paucissimos reperias veræ virtutis sectatores, amatores: ut non mirer illud Vopisei in Aureliano: *Quid hoc dicam, tam paucos bonos extitisse Principes, cum iam tot Cæsares fuerint? nam ab Augusto ad Diocletianum, quæ series purpuratorum sit, index publicus tenet. Sed in his optimi, ipse Augustus, Vespasianus, Titus, Nerva, Traianus, Adrianus, Pius & Marcus Antonini, Severus Afer, Alexander Mammæa, Claudius, & Aurelianus. vides quàm pauci sint Principes boni, ut bene dictum sit à quodam mimico scurra Claudij huius temporibus, In vno annulo bonos Principes posse perscribi atque depingi. Addit: Quaritur quæ res malos Principes faciat. Respondet: Nimia licentia, rerum copia, amici improbi, satellites detestandi, aulici, vel stulti, vel detestabiles: & quod negari non potest, rerum publicarum ignorantia. Audiui Diocletianum priuatum dixisse: Nihil esse difficilius quàm bene imperare. Colligunt se quatuor vel quinque, atque unum consilium ad decipiendum Imperatorem capiunt,*

Rari Principes boni.

Raritatis huius causa.

piunt, dicunt quid probandum sit. Imperator domi clausus est, vera non movit. cogitur hoc tantum scire, quod illi loquuntur. facit iudices, quos fieri non oportet, amonet à Repub. quos debeat obtinere. Quid multa? ut Diocletianus ipse dicebat, bonus, cautus, optimus venditur Imperator. Utinam tantum vendatur, & in fraudem ignarus inducatur! sed ex probò & innocente, nocens & improbus, improborum amicorum consuetudine & consiliis, ferè euadit. Ut ergo probitatem & innocentiam quam regno intulerat, tueatur; aut, quam non intulerat, pareat, probissimos quosque sibi iungat, quorum moribus & consiliis, allatam probitatem intactam seruet, aut desideratam pareat. Quod si fecerit, audeo spondere secuturos subditos, & aut anteaactæ vitæ probitatem & innocentiam tutaturos, aut mutatis in melius cum Principe moribus, optima quæque secuturos. tam validum incitamentum in imitationem Principis probitas est. nec aliis hîc monitoribus opus. vna Principis vita omni voce ac libris validior in suadelam, potentior in sequelam est. Quid? quodd sola verecundia coget ad meliora. dissimilem enim Principi videri, damnassee illius mores; similem, amasse iudicant. iam cum omnes amasse videri malint quàm odisse, imitari mores conantur. non quodd semper hos ament, sed quodd amasse videri velint, ut Principi placeant. Et verum nimis illud Paterculi: *Facere rectè ciues suos Princeps optimus faciendo docet, cumque sit imperio maximus, exemplo maior est.* & quod ille de Catone suo, hoc ego veriùs longè de ALBERTO nostro:

nostro: *Qui nunquam rectè fecit, ut facere videretur, sed quia aliter facere non poterat; omnibus humanis vitijs immunis, semper fortunam suam in potestate habuit.*

CAPVT XIX.

Religio, & pietas regnorum propugnacula.

DE religione & pietate præit Regibus Rex & Propheta: *Et nunc Reges intelligite, erudimini qui iudicatis terram. Servite Domino in timore, & exultate ei cum tremore. apprehendite disciplinam, nequando irascatur Dominus, & pereatis de via iusta. terribilis enim est Deus, qui aufert spiritum Principum. Sequitur sapientissimus Regum: Audite Reges, & intelligite. Data est à Domino potestas vobis, & virtus ab Altissimo; qui interrogabit opera vestra, & cogitationes scrutabitur: quoniam cum essetis ministri regni illius, non rectè iudicastis, nec custodiistis legem iustitiæ, neque secundum voluntatem Dei ambulastis, horrendè & citò apparebit vobis, quoniam iudicium in his, qui præsumunt, fiet. Audiamus Hispaniæ Regem Alonsum X. Quisquis bonum opus aliquod aggressurus est, exordium sumat à celesti Numine, supplèxque petat, ut eius voluntatem intelligere possit, vrèsq; sibi submisceret, quibus cæptum feliciter absoluat. Addamus à Gentilitate Cambysem Regem monentem filium: Dei esto amicus, in eundem pius, nihilque aggrediaris, nisi Dei numine implorato. Et Dionem: In omnibus, quæ vel cogitamus, vel loquimur, à Deo sumamus initium. potuit magis Christianè? Adnecte his*

Psal. 2.

Psal. 75.

Sap. 6.

his

his magnum Trifinegitum: *Vnusquisque pietate, religione, prudentia, cultu, & veneratione Dei clarescit.* magis etiam Reges, quia in exemplum & imitationem positi. Addo his Epictetum: *Cum ianuas adduxeritis, & tenebras intus feceritis, ne unquam in mentem veniat dicere, quod soli estis, sed Deus est, & genius vester intus. quid autem ijs opus lumine, ut videant quid agatis? Frustra vos propugnaculis, & denso parietum molimine, & centum seris & tabulatis integitis Reges. Deus intus est, intus etiam genius, dictorum factorumque observator, testis, accusator. Confirmat Epicteti sententiam Seneca: Propè est à te Deus, tecum est, intus est, sacer intra nos spiritus sedet, malorum bonorumque nostrorum observator & custos. hic prout à nobis tractatus est, ita nos ipse tractat.* Quid poterat in terrorem & amorem ab Apostolorum aliquo clariùs & fortiùs? Audite Reges. Spiritum habetis observatorem & custodem bonorum malorumque in præmium & pœnam, vtrumque in æternitatem.

Nô nego interim, plurimum in imperio prudentiam posse. at, si absit pietas & Deus, nec sperari magna, nec duratura possunt. Hinc illud Augustini: *Constare debet inter omnes veraciter pios, neminem sine vera pietate, id est, veri Dei vero cultu, veram posse habere virtutem.* Caret ergo virtute, quisquis vera pietate caret. à virtutibus verò destituito quid speres?

Quid possit in Regibus pietas exempli comprobatur.

Quantum verò pietas in Regibus valuerit, quidve amatoribus cultoribusque suis largita sit, omnium ætatum docemur historiis. cum Maximiano Herculeo, Maxentio, Licinio, Constantinus pugnavit. crux pro labaro & armis fuit;

fuit; eadēque duce vicit, & triūphos egit. Refert Nazarius cælestes spiritus in auxilium Constantino venisse: *Flagrabant vcrendum nescio quid umbone corusci, & celestium armorum lux terribilis ardebat. tales enim venerant, ut tui crederentur. Hac ipsorum sermocinatio, hoc inter audientes ferebant, Constantino imus auxilio. Habent profectò & diuina iactantiam, & celestia quoque tangit ambitio. Illi calo lapsi, illi diuinitus missi, gloriabantur quòd tibi militabant.* Theodosio contra Maximū & Eugenium tyrannos, Senuphius, Ioannes & Philippus auxilio fuerunt: victorem fecerunt. In castris Honorij, nullo vulnere accepto, nullo milite desiderato, Gothorum millia ducenta ceciderunt. Ambrosio victoria debita, qui prædixerat. Eodem monitore Masezel Honorij dux, quinque suorum millibus, hostium octuaginta millia in Africa fudit. Magni Theodosij nepos Theodosius Persas & Saracenos vicit. terrorem incusserat Deus, vt voluntario procurfu in Euphratem decurrerent, & supra cētum millia fluctibus inuoluerentur. Heraclius in tribus Cosrois ducibus, ter victor, non armis, sed ieiuniis, precibus, cilicio stetit. Taceo sub Michaële Cōstantinopolitano Catacalum pulsus Siciliā Saracenis nobilem; Ladislaum, & Boleslaū Poloniæ Reges, Russis; Henricum Aucupem, Hungaris; Ioannem Comnenum, Scythis superatis. Asparis exercitus, Angelo ductore, per ingentis stagni æquor, incolumis arma circumfert. non fuit magnum exercitui. exsiccauerat stagnum, qui ducebat Angelus. Quo etiam duce Ioannes Tyrannus Rauennā exuitur, funditur. Vincebatur Clodoueus, vincebat Germanus: profiliit Rex ad vota,

vota, Christianum se futurum si vinceret; explevit victor votum, Christianus factus est. E cælo etiam Childeberto in Amalaricum Visigothorū Regem, victoria venit. De Hunnis Aëtius, de Wandalis & Persis Belisarius, de Gothorū Regibus Narſes, e cælo triumpharunt; ille Epiphanius, hic Dei Matris monitu. Nota nimis Historia Simonis Montfortij in Albigenſes, Matthiæ Coruini, & Ioannis Huniadis in Turcas, Godefridi Bullonij, & Balduini in Palæſtinam. Bella hæc & victoriæ à solo cælo venerunt. Non taceo Hiſpaniæ Reges. Pelagius quantulâ manu, quot Maurorum exercitus fudit! Raimirus, Ferdinandus, Gundifaluus, Alſonſus VI. Alſonſus VIII. Alſonſus XI. parvâ ferè omnes manu, ingentem Maurorum multitudinem fuderūt: cū nunc ducenta millia, nunc centum, nunc plura caderent. Pugnabant Reges. vincebat in Regibus ſuis Deus. Taceo Alſonſum Hentiquez Luſitanæ, Iacobum Aragoniæ, Georgium Caſtriotum, Carolūque Magnū, pietate omnes quàm victoriis maiores, clariores. Non taceo FERDINANDVM II. orbis propè copiis vndique circumſeſſum, Turcicis, Tartaricis, Tranſiluanicis, Hungaricis, Bohemicis, Germanicis, Batavicis, perexiguâ omnino manu, victorem non ſemel ſteſſiſſe. Quid non poteſt Pietas? vna hæc hoſtes proſtigavit, triumphos egit, imperium dedit. Orabat Imperator. vincebat in BAVARO & BVCCVOYO Deus. Iofue hos cogita, FERDINANDVM Moyſem, hoſtes Amalecitas. O multos FERDINANDOS Deus! & nulli iam hoſtes, & hæreſis nulla, & pax æterna. Fide Imperator, nullum fruſtratus Deus eſt. vnâ Pietate vicisti.

vicisti. vnâ perges vincere, vt æternûm audias:
FERDINANDVS VICTOR, Pius.

Nec defuerunt inter Imperatores non Christianos, qui pietatem præ se ferrent Christianam. De Alexandro Seuero & Hadriano Lamprius: *Christo templum facere voluit, cumque inter Deos recipere, quod & Hadrianus cogitasse fertur, qui templa in omnibus ciuitatibus sine simulacris insserat fieri, quæ hodie, idcirco quia non habent numina, dicuntur Hadriani. quæ ille ad hoc parasse dicebatur. Sed prohibitus est ab his, qui consulentes sacra, repperant omnes Christianos futuros, si id optatò euenisset, & templa reliqua deferenda.* Nimirum consultus, dæmon responderat, exitium gentilitati imminere, si Christiana sacra permitterentur. Ita semper de mendacio veritas triumphum egit. Idem sæculo nostro contigit: cum duodennales inducias Hispaniarum Rex cum Batauis meditaretur, factâque mētio foret libertatis in religione concedendæ; respondisse togatorum in Batauiâ primus dicitur, eam viam esse Catholicæ Romanæ fidei, vt omnes in sequelâ traheret. non arbitreris hanc negatæ libertatis rationem, ab eodem spiritu. à quo Gentilium factorum antistites, mutuam? ô semper timidum mendacium, quantâ diffidentiâ tui laboras! ne vincamur à vero, veritatem excludimus. Et quis non miretur, tam altè insedisse odia, vt maiorum religioni renuntiemus, damnumque omnem retrò ætatem, fideique nostræ auctores, sanctimonia rerumque gestarum gloriâ & miraculis clarissimos, ne eadem cū optimi Regis religione Deo iungamur. verebatur nimirum ille, ne, si in religionem, in debitam etiam Regi fidem

*Religionis
Catholica
vis & splend.*

paul

paullatim pulso mendacio Bataui concederent, exulare ergo voluit fidem, à qua pericula verēbatur. Firmare putauit Rempubl. regis manibus extortam, & in illa domum suam. non cecidit hoc fulmine, iacuit obrutus cespite: & dum palam hostem veretur absentem, nudum iugulum domestico ferro præbuit, generosius magni veri aquilis, quàm carnificis manu casurus. Quàm ludis in humanis fortuna, & in ipsa altitudine præcipitia paras, & inuenis! non semper? ô time quisquis mendacio inniteris. veniet dies, fallar. Redeo ad imperatoriam magni Alexandri Seueri pietatem. *Cum Christiani quemdam locum, qui publicus fuerat, occupassent, contra popinarij dicerent, sibi illum deberi; rescripsit, melius esse ut quomodocunque Deus illic colatur, quàm popinariis dedatur.* Viueret Alexander, non rogatus responderet, Bataucas Ecclesias illi fidei, cui inædificatæ à maioribus sunt, restituendas? illisque qui cum Apostolicis Ecclesiis matricibus, & originalibus fidei conspirant? non illis qui doctrinas hominum & dæmoniorum prurientibus auribus natas; de ingenio sapientiæ sæculi profeminauerunt; temerarij interpretes diuinæ dispositionis, quique doctrinarum suarum venena de suo disseminarunt: neque enim ostendere possunt, à quo illa acceperint; non Apostolicum aliquem virum, à quo illis tradita, ut meritò vel de sola ætate damnari debeant, tanto magis adulteri, quanto longius ab Apostolis, aut Apostolicis viris disiuncti. Et fingamus coram Imperatore, aut alio iudice, Romanæ fidei cultores, Bataucarum Ecclesiarum possessores cōuenire: Qui estis? & vnde venistis? quis

quis vos in Ecclesiarum nostrarum possessionem iminist? quid agitis in nostro non nostri? vetus est possessio nostra. habemus origines firmas ab ipsis auctoribus, qui illas ædificarunt. nos heredes fidei illorum sumus: ut illi libris & verbis tradiderunt, ita tenemus. vos ex diuersitate fidei & doctrinæ extranei meritò iudicandi estis, cum quisque de suo arbitrio, aduersus Apostolici seminis viros, quæ voluit, protulit, bis adulter, verbo & calamo. nos nihil de proprio intulimus: à maioribus accepta, nulla adiectione, aut transmutatione tenuimus. quid ergo inuolatis in possessiones alienas? Vestras conscientias appello. qui quas incolitis Ecclesias, extruxerunt? de vestris, an de nostris erant? de vestris; nemo tam inuerecundè impudens qui dixerit. de nostris ergo erant. nam de vestris sunt stantium Ecclesiarum ruinæ, potius quàm iacentium ruinarum exstructiones. Quòd si de ipsa vestra nostraque doctrina agamus, non dicat quicumque ille iudex fuerit, illam doctrinam veritati deputandam, quæ tenet quod primi Ecclesiarum in Batavia institutores, hi ab Apostolis, Apostoli à Christo? reliquam verò omnem de mendacio præiudicandam, quæ sapiat contra veritatem, contraque primos institutores, ac propagatores suos Apostolici seminis frutices? Finio. & reduco calamum in viam, à qua illum Batavicæ Ecclesiæ, maiorum nostrorum pietatis monumenta, abduxerant.

Quòd si impiorum Regum infelices exitus spectemus, perfacile videbimus quid amplectendum Principi sit. Iulianus, Valens, Zeno,

*Impiorum
Regum exitus
infelices.*

R r Basi

Basiliscus, Anastasius, Heracleon, Copronymus, Philippicus, Michaël, Maximus, Phocas, Leontius, Murzyphilus, Andronicus, Comnenus, quo maiora nomina, hoc maiora impietatis exempla sunt, funesto Regibus exitu in terram. Ut enim læta piorum in amorem & imitationem, sic tristitia impiorum in horrorem & fugam sunt.

*Imperia di-
nina auxi-
liis firmantur.*

Quod si ergo Rex saluum imperium volet, persuadeat certò sibi, diuinis imperia auxiliis firmari, potentiùsque diuinâ beneuolentiâ quàm armis regna roborari & statui. Factum hoc ab omni æuo: docemurque vernaculis omnium gentium historiis, domesticis etiam, ut non sit opus externa deprecari.

*Nihil tantum
ad pietatem
valet, ac
Principis
exemplum.*

Ad pietatem verò religionemque toto regno amplificandam ac stabiliendam, nihil æquè ac Principis mores iuuabunt. nihil enim ad persuadendum potentius rectoris exemplo. plus enim valet muta in Rege exemplorum locutio, quàm doctæ plurimorum orationes: nihil enim in quamcunque partem validius est Regum exemplis, quorum mores vim propè legum in populo obtinent. Quo maiore circumspectione ac cautione opus est, ne, dum libidini commodisque suis student, se suosque perditum cant. Quod ne fiat, pietatem primi colant, ament, foueant. erit hæc illis in aduersis robur & solamen, in secundis temperamentum, ne aut deiciantur in illis animo, aut rerum in his prosperitate extollantur. Factum ab ALBERTO Magno Belgarum Principe. quâ vnâ indomitus stetit; nec flexit ceruicem aduersis, nec extulit secundis.

Et sanè magna in vno aliquando regno pietas

Re

Regum, vt è tam paucis orbe toto Regibus inter Diuos relati non pauci. Magnum hoc in purpura:quâ etiam Religionis amore non pauci se exuerunt, Monachum induerunt. factum à Lothario Imperatore, à Sigismundo Burgundia, à Bamba Hispania, à Veremundo Castellæ, à Ramiro Aragonia, Sigeberto, Alfrido, Egberto Northumbria; Ethelredo Mercia, Henrico IV. Dania, Carolomanno Alemannia, Trebelio Hungaria, Casimiro Polonia Regibus: Anastasio II. Theodosio III. Michaële IV. Isaacio Comneno, Manuele Palæologo Orientis Imperatoribus. Non quòd Reges velim Monachos. imitari tamen optem pietatem, si displiceat vestis. Imitatus est ALBERTVS, vt iure optimo dici possit ALBERTVS PIVS. & nescio an Monachorum primi, aut arctius iungantur Deo, aut per orationem sæpius per diem & diutius: nescio maiore vitæ integritate, morumque innocentia viuant. Quid? quòd fortiter domestici qui cum illo adoleuerunt, asserant, nullum se in illius vita grauius delictum vidisse, nullum acerbius dictum, nullam vocem elatiorem, nullum commoti animi signum. in perpetua malacia vixisse arbitreris, quem perpetua rempestas cingebat. hoc est magnum esse; placidâ semper & inconcussa mente inter minitantes cælo fluctus viuere, omnibus iactationibus maiorem. hoc est altè Deo suo iungi, & in Principe Religiosum esse, & maiorem Religioso Religiosum. ô quis imitetur!

CAPVT XX.

Maiorum suorum vitam morésque sibi proponat.

VEL in fugam, si improbi; vel in imitationem, si probi. Hinc illud Galbæ ad Pisonem: *Vtilissimus bonarum malarumque rerum delectus, cogitare quid aut nolueris sub alio Principe, aut volueris.* Quod si clementi, liberali, benigno successerit, aut nimia etiam indulgentia ac prodigalitate peccanti, non statim ad extrema mores vertat, ad seueritatem nimirum ac disciplinam rigidiorum. Periiit his moribus Galba, magnus ceteroqui Princeps, & è primis, vnus si non primus. periit Pertinax, Imperio si quis alius dignissimus, dum lapsos emendare conatur mores, ac quasi vnâ falce prauitatem secare. Prudentior Vespasianus indulgentissimo Imperatori succedens, perditos vbique mores, collapsamque militarem disciplinam, lenitate restituit, cum peritorum medicorum more, à clementioribus curationem auspicatur. indulget quædam, exinde reprimat. laxat deinde manum, retrahit iterum, paulatimque ad profectura ducit, ferrum in extremo seruans, breuique Imperium restituit sibi. Fregisset, si à duxioribus incepisset: incepit à benignioribus, & ferre imperata docuit, dum inter indulgentiam, & acriora remedia medius inambulat. Prudenter. imitare Princeps: & quod clementia potes, noli ferro

ferro mederi ; quod benignitate & amore, noli
 scuitiâ & pœnâ, ipse ante omnia exemplo Prin-
 ceptis præeat ; & quod factum volet , faciat. se-
 quentur præeuntem subditi , & vel solâ vere-
 cundiâ virtutem imitabuntur. Hinc illud in
 Vespasiano Taciti: *Obsequium inde in Principem,*
& emulandi amor validior , quàm pœna ex legibus
& metus. Et illud : *Legati Tribunique ex moribus*
Imperatorum severitatem emulantur , vel tempe-
stivis conviviis gaudent. Sequuntur hos milites,
 populus etiam, & infima ad eam plebs gaudet mo-
 res referre Ducis. regula nimirum populo Prin-
 cipis mores sunt. Idem de nobilitate , & de to-
 gatis dictum arbitrare. nec alia pronior ad vitia
 & virtutem via, quàm Principis vita. plus enim
 muta hæc locutio, omnium doctorum calamis
 & ore potest. quo maius Principi meritum in
 probitatem præeunti, maius tormentum in im-
 probitatem ducenti. ingens illi à virtute gloria,
 nec minor à crimine pœna, cum omnium , vir-
 tutem ipsius æmulantium, coronâ donetur; om-
 nium etiam, scelera imitantium , sententiâ per-
 cutiatur. Infelix improbi, beata probi Principis
 conditio. nec opus ferro & ignibus Principi.
 potentior probitas in suadelam & imitationem
 ferro & ignibus est. nam & solus pudor subdi-
 tos à scelere reuocabit , & in virtutem propel-
 let. potentior nimirum amor pœnâ , morésque
 minis sunt.

*Principis vi-
 ta ad virtu-
 tem & vitia
 via est.*

Proposuit sibi prudenter feliciterque imitan-
 dum ALBERTVS PHILIPPVM II. omnium sæ-
 culi sui Principum maximus , & qui conferri
 meritò cum primis omnium retrò sæculorum
 Regibus possit & debeat , ut iure monumento

PHILIPPVS
 II. Regis Hi-
 spaniarum
 constantia.

R r 3 illius

illius posteritas Magni nomen inscribat. In quo nihil non pacatum, nihil vnquam turbidum, nihil indignabundum. Occurrebant aduersa? amplectebatur vt amica, & à quibus prudentiâ disceret, robur indueret. Secunda? vt infida & peritura, & damna minitantiâ. Denuntiabantur clades? crederes expectatas. Victoriâ? nullâ illum extulerunt. Regum inimicitia? diademati dicebat deberi. Amicitia? vt non duraturas admitterebat. Magnorum minâ? excutiebat vt paleas. Arma? repercutiebat vt fortuitas pilas. Coniurationes? magnis has imperiis adiacere sciebat. Nobilitatis motus? putabat sine istis illam esse non posse. Populi furores? mari componebat: frustra ab hoc pacata sperari; & post malaciam metuendas tempestates; sed & iterum sperandam tranquillitatē. succedanea hæc mutuo sibi esse, & ferè plus tranquillari post sæuos, quàm post moderatos fluctus maria. Filiorum & coniugum mortes? sciebat se genuisse, & dixisse morituros. Ex amicis inimicos experiebatur? dicebat hanc esse conditionem rerum humanarum: falli qui aliud expectaret: & naturæ aded leges velle euertere, qui aliud speraret. Militares exurgebant seditiones? magnis semper imperiis quasi quadam fatalitate has adhæsisse narrabat, & ferè collactaneas magnorum imperiorum esse. nec vllum propè Romanorum Imperatorum sine his fuisse: & fatuū esse aliud sperare à tanta militum colluie, è diuersarū gentium despumatione collecta. Accisa aliqua provincia, aut defrustratū aliquid ab aliquo regnorum suorum denuntiabatur? solere hoc euenire magnis aiebat regnis, quod rupibus, è quibus nullo

nullo suo sensu, vñibus suis varij varia detruncant, perexiguo rupium damno, bono suo magno. ni quod verendum, ne, si audacius insurgerent, iplis sectæ rupis fragmentis obruerentur. Inopinata insurgebant? nihil illi inopinatum vnquam, nil improuidum. Inciderat in parum vrbani? non fuisse melius aut natum, aut educatum dicebat. Magnæ causæ magnarum offensionum præbebantur? magni esse animi putabat non commoueri. quare stabat interritus, vt in aliena causâ. Ingratū se illi quisquam post beneficia præbebat? dicere solitus, ignorare humanarum rerum conditionem qui aliud sibi promitteret, ac inter beneficia ponendum, si post beneficia gratos experiretur: si ingratos, inter humana numerandum. Conuicia & criminationes liberarum esse dicebar Rerum publ. & signū humanæ libertatis. quibus non magis mouebatur, quàm si quis asinus virum bonum & magnū calce percussisset: & ferè conuicia, paruarum & ignauarum mentium, & humi serpentium esse. quæ cū virtute suâ destituantur, per magnorum criminationes, ascensum sibi ad magna conantur struere. Addebat magnorum esse, ridere illa, & indigna arbitrari ad quæ magnitudinem suam flecterent. imò, compatiendum potius illis, tanquam morbo & phrenesi laborantibus, cū animorum quemdam furorem appellare conuicia consuesceret. denique magni boni signum esse conuicia pati, quæ nunquam impeterent vilia & plebeia, sed alta & supra vulgus surgentia; propriūque magnorū Regū esse, & partem aliquam magnitudinis, liberiores linguas pati. nec vllā re aliā facilius illa, quàm

*Eiusdem cū
potentibus
agendi ratio.*

contemptu vinci. Victorem proinde statuebat illorum contemptorem; victum, qui se ob illa torqueret. Paucos ad domesticam familiaritatem è prima potentia aut nobilitate euexit, ne familiaritas iuncta potentiæ aut nobilitati, metuenda suggereret. Perpaucos è prima potenti nobilitate ad primas bellicas functiones extulit, ne potentem nobilitatem cū armasset, timere disceret. Paucis, suā & amicorum potentiā magnis, extera imperia in multos annos protulit, ne imperandi suauitate allekti, difficilius imperium ponerent, quàm sumpsissent. Nulli familiarium suorum imperium in se dedit, ne regni socium videretur admisisse. Nullius se consiliis & prudentiæ totum subiecit, ne alienā mutualitiā gubernare prudentiā videretur, & insolentiæ & audaciæ viam sterneret, & contemptum in se suorum prouocaret. Nulli familiarium non plura sæpè negauit, quàm concessit, ne imperare tandem assuescerent. Nunquam personam regiam etiam in ludicris deposuit: ne, dum pares sibi fecisse videretur in ludicris, pares etiam fecisse crederetur in seriis. Nunquā tanta suis est elargitus, vt plura longè non posset: cū semper posse dare regium, totum verò ærarium & dona exhaurire, fatuum esse putaret. In quo cū omnia magna & laudata, tum laudatissima & maxima mors est, in omnem meritò posteritatem, exemplum, & imitationem itura. Magnum olim exemplum patientiæ & constantiæ Iobus dedit. quem frustra totis viribus diabolus ceciderat: cū nec damnis, nec carorum vnā ruinā amissionibus, nec corporis conflictationibus succideret; & immun-

dam

In morte patientia.

dam vlcerum redundantiam, magnâ æquitate distringeret, solo sterquilinio suo diues; omniũ tentationum iaculis, loricâ clypeoque patientiæ retusis. post quæ tamen & corporis à Deo integritatem recuperavit, & quæ amisit, duplicata possedit. Confer hunc cum Regum omnium maximo. si regna, potentiam, opes, nobilitatem spectes, frustra Iobus erit, si miseras corporis cum varia inualetudine conflictationes; si vlcerum magnitudinem, multitudinem, acerbicatem, fœtorem; si lecto, tanquam duræ cruci, anno integro affixionem, vt in nullam propè commoueri partem posset; si acres continuosque annorum sex podagræ dolores; si febrem hæcticam, cum duplici per annos duos tertiana, intima, adeoque & ossium medullas depascentem; si grauissimam duorum & viginti dierum dysenteriam, quæ nec moram daret, nec deterfionem admitteret, si perpetua stomachi fastidia, si nullo potu sitim medicandam, si capitis & oculorum insanos dolores, si ingentem puris ex vlceribus redundantiam, quæ binas indies scutellas, diuite pedore, impleret; si inter hæc malignissimi odoris grauitatem, quæ omnem illi somnum ademerat. Hæc inquam si cum Iobi malis conferas, nescio an vllâ sui parte inferiora reperiās, atque aded an non magnitudine suâ vincant. Iam si vtriusque in summis doloribus verba consideres, victum Iobum fatebere. audiamus hunc inclamantem: *Quare* Cap. 3.
exceptus sum genibus? cur lætatus vberibus? quare
misero data est lux? Antequam comedo suspiro: &
tanquam inundantes aquæ, sic rugitus meus. Cap. 6.
Vsinam appenderentur peccata mea, quibus irâ merni:

Cap. 7.

Cap. 10.

Cap. 13.

& calamitas, quam patior, in statera! quasi arena maris hæc grauior apparet: unde & verba mea dolore sunt plena. Elegit suspendium anima mea, & mortem ossa mea. Tadet animam meam vite meæ. Vinam consumptus essem ne oculus me videret! Quis est qui iudicetur mecum? veniat: quare tacens consumor? Audiamus magnum Regem, Europâ, Oriente, Occidente toto latissimè imperantem, inter Diomedis & Busiridis maiora longè tormenta: Deus meus, Deus meus, fac qua patior, & grata tibi sint, & in delictorum meorum deterfionē. Hæc ille, nec aliud. O verè magnum! cum interrim inter dolorum extrema, & qualia à nulla carnificis manu maiora, vultus illi tranquillus, nullâ mœroris aut doloris rugositate frons contractior, non cruciatuum turbine glomeratior: nec color illi alius, quam regius, & qualis de sceptro lætantium: nec os aliud, quàm pietatem, modestiam; nec verba aliud, quàm Christianum, altè in Christo suo habitantem, loquerentur. Stupuit antiquitas olim,

— Cum corde gelato

Scenola & apposito dextram damnaverat igni,

Plus felix peccante manu, cum fortè satelles

Palleret constante reo, tormentâque rapti

Is fugeret qui tortor erat.

Quanto stuperet magis cum videret mortem ipsam pallentem ad regiam constantiam, trepidantem ad patientiam: nec doloribus, nec tormentis septuagenario maiorem cadentem; sed omnibus maiorem, nullisque vincendum, nullis flectendum? O verè Regem, qui imperare nō aliis tantū & sibi, sed tormētis & morti posset! ô quæ

quæ vidit ætas parem? aut quis propè Martyrū animus componi cum hac regia mente possit? Vicisti Rex Magne; dicam Maxime, quidquid ubique magnum, quidquid maximum. nec vlla tam ingrata te tacebit ætas: nulla gens silebit, nō siluit Gallica: ut omnino maximum esse scias, quod à Gallicano calamo laudandum venit in Ibero. magni veri vis magna. cadit quidquid de diuersitate gentis est, cū lux illius magna æmulas dispulit nubes, & veram totāque lucē prospectandam dedit. etiam in alieno laudamus virtutem, cū hostilem animum auersetur. tanta vis virtutis. tanta veri est.

Imitatus PHILIPPVM hunc nostrum ALBERTVS noster, adeoque expressit, ut nullus Appelles aut Protogenes certiùs hominem expresserit, nullus parentem filius, nulla matrem filia. neque quidquam virtutum illius intactum reliquit: delibavit omnes, adeoque reddidit quod imbiberat, ut nihil admodum interesset inter has & illas. nescias quas quibus præferas; &, ni ætas obstarer, quis ab altero mutuatus. Fortunata tanto Rege Hispania, orbisque in Hispania; tantoque Principe Belgium, orbisque in Belgio. ut ignores cuius fortuna melior; nisi quod Hispania in æterna pace, in æterno bello Belgium steterit. quo maioribus animis opus fuit, quò propinqua plus mentem quàm remota feriant. Sciebat hoc Rex Magnus, quare non alium quàm ALBERTVM Belgio dedit. quo nomine Magno PHILIPPO omnia æternū Belgæ debemus, à cuius magna mente magno donati Principe sumus. ô foret æternū! sed quis aduersabitur vocanti Numini? quis præmianti?

Non

Non inuideo optimi Parentis felicitati: orbita-
rem nostram doleo. verùm ille viam strauit Bel-
gis suis, & reposuit cælo præmia, Magnæ ISA-
BELLÆ precibus donanda.

CAPVT XXI.

*Memor sit in imperio, humana condi-
tionis.*

PRVDENTIAM hæc vna res magnam dabit,
cùm cogitabit euenire posse sibi, quæ Regi-
bus euenere. temperabit dexteram, mitigabit
ferrum, cùm cogitabit Regulum, Marium, Pom-
peium, Cæsarem, in barbaro Africano dolio,
Minturnensium paludibus, pupilli manu, Sena-
torum ferro. cùm Neronem, Caligulam, Domi-
tianum, Ottonem, Vitellium, Galbam, Pisonem,
sui aut alieni ferri victimas. cùm ignes Cræsi,
crucem Polycratis, laqueum Agidis, Valenti-
niani, Gordiani Senioris, Maximini, Alexij Iu-
nioris; lapides Niciæ; Phocionis, Tiberij, Clau-
dij, Germanici, Drusi, Hannibalis, Conradi ve-
nena; Miltiadis, Ptolemæi, Iugurthæ, Maximi,
Æmiliani, Auiti vincula; in Alcibiade & Nice-
phoro iacula; truncatas in Leontio, Iustiniano
Iuniore, Thoma, nares, manus, pedes; Valentis
ignes; Heracleonis exilium; Mauricij, & Phocæ
securæ; Lucij, & Baiazetis caueam ferream. Quæ
cùm cogitabit, dubiosque & incertos regnorum
exitus, & sanguine ferè purpurandos; non mi-
tiora cogitabit? cùm quinquaginta minimùm

Ro

Romanos Imperatores suo, alieno ferro, veneno sublato; plerosque etiam Wandalorum, Visigothorum, Ostrogothorum, Longobardorum, morte non suâ extinctos; non paria expauescet in purpura & sceptro, & māluetudinem pro sœuitia induet? pro morositate comitatem, benignitatem pro asperitate, pro auaritia liberalitatem, castimoniam pro libidine, pro luxu moderationem, temperantiam pro incontinentia, virtutem denique omnem pro vicio amplectetur? non facilis in ignoscendum, in pœnam lentus erit?

Quòd si quid animo commotiore statuerit, beneficiis malefacta resarciat, & pro iniuria munera reponet. In delatoribus admittendis tardus, tardior in credendo; potiorem semper benigniorémque aurē reo tribuet, deteriorem accusatori: in clementiam semper pronior, quàm in iustitiam, Christi sui exemplo, Dei sui: & dum hominem se cogitabit, delicta in aliis, vt ab hominibus nata intuebitur; cūmque ignosci lapsibus suis desiderat, non sœuiet in aliis supra delictum, & hominem. neque enim quidquam durius, quàm in alio punire, quod impunitum in te velles; aut damnare in aliis, quod in te nolles. pessimum verò genus, punire in aliis, quod in te præmiandum speres & laudandum.

Modus in Principe illatas à se iniurias reparandi.

A vana etiam ostentatione, quacunque viâ potitus regno, caueat. Cessit illa res malè Cæsari. inuidiam enim hac vnâ suorum prouocauit; inde odia, & ferrum, & Imperatoris sui sanguine curia funestata. Modestia vna est, quæ in amorem & venerationem etiam hostes impel

pellit: maiorque semper ab amore, quàm à metu veneratio. Quid? quòd vanæ illæ ostentationes, & fastus, amicissimis etiam displiceant, & amorem in odia vertant, venerationem in contemptum, coniugum etiam ac liberorum. Auerfabitur verò ostentationem omnem, & calcabit etiam, si magnorum ferè infelices exitus cogitauerit, & animo tacitus suo circumtulerit.

CAPVT XXII.

Iuuentutis institutioni incumbat Princeps.

MAGNOS in illa Lacedæmonios accepimus & Romanos, de illis plena omnium Græcorum volumina, de his illud Liuij est: *Parua sunt hæc: sed parua ista non contemnendo, maiores nostri maximam hanc rem fecerunt.* Benè iuuentutis institutioni magnitudinē imperij tribuit. Et certè cùm ab hac reliquum vitæ pendeat, in omnem ætatē prouidet, quicunque huic consulit. Optimos proinde iuuentuti instituendæ magistros deligat Princeps, quorum & virtutem imitentur, & monitis erudiantur. Eruditio sine virtute obesse plus quàm prodesse solet, arrogantia mater. virtus sine eruditione magno ad magna adiumento destituitur. vtrumque si iunxeris, beabis. Facile hoc Principi, si virtute ipse præcat, probatissimos iuuentuti societ, optimos præficiat, labore ac sudoribus fatiget, nec oblectamēta permittat, nisi lassantibus permista; venationes, cursum, saltus, corporisq; exercitationes varias permitti velim, arma etiā, & equos.

equos. Libidinem omnem, & quidquid ad illam ducit, remoueat. ab obsequio etiam suo, publicisque muneribus excludat, quotquot illâ notatos senserit. Idem dico de ebrietati, intempestiuis conuiujs, profusionibus, aleæ lûsibus, ignauix, blasphemjs, similibusque vitijs deditis. Quodd si hæc fortiter Principi displicere iuuentus senserit, si periculum fortunarum ac dignitatum imminere, palàm boni erunt, licet fors domi improbi. quin & assuescent etiam domi boni esse, tum, vt Principis indignationem fugiant, tum vt placeant, & probitatis suæ præmia referant. Solus enim metus in ea ætate plurimum potest: nec minùs gloriæ amor, & proposita dona virtuti, quæ licet splendore suo, improvidam illa ætatem non impellat in amorem sui; annexum tamen virtuti, Principis imperio, decus, annexumque vitijs dedecus, magno incitamento in illius imitationem, horum fugam erit.

Multum verò in hanc rem proderit, si ipse *Iuuentutis exercitationibus aliquando intersis Princeps.* variarum iuuentutis suæ exercitationum spectator, laudator, præmiator Princeps fuerit. ingès ad summa audèda calcar, Principis præsentia est. Aut sanè è prima nobilitate laudatissimos quosque ac integerrimos præficiat, qui frænent efferuescentes, languentes excitent, succumbentes erigant, & vincere etiam post lapsum doceant. Senes verò iunioribus miscere utilissimû. Incredibile, quantum iuuentuti frænum laudata senectus sit; vt sola cani capitis verecundia, musteum primæ ætatis ardorem, tanquam suffusâ aquâ temperet, & lasciuientem reprimat. Præmia verò semper à virtute sperent; deli

delictorum ac scelerum impunitatem difficillimam experiantur: vt illam vltro ambient, hæc fugiant. Vtrisque ad meliora ducuntur. præmia, & poenæ optimæ instituendæ iuuentuti magistrisunt. calcaria hæc cursui erunt, excitamenta virtutis. ac licet feliciter nasci, magnum sit: maius tamen beneficium à bona institutione est.

*Optimi qui-
que iuuen-
tuti præfi-
ciendi.*

Iam cum magistrorum ferè mores in adolescentum migrent ingenia, & è vicino mutentur, quod in omnem ætatem transmittunt; inuigilandum Principi serio, vt quàm probissimi iuuentuti præficiantur. Quod si fecerit, ad magna multi exsurgent, & ad omnia regni munia cum laude obeunda. Iacent sanè ingenia, si desint qui excolant. ita fecundissimi sterilescunt aut siluescunt agri, & in ignobiles transeunt myricas, in ieiuantes cespites, glebæque macie suâ exsanguæ, si culturâ suâ frustrentur. adde illam, etiam inter tesqua & confragosa vindemia fluet. Vt verum sit illud Senecæ: *Potest ex casa vir magnus exire: potest ex deformi humilique corpusculo, formosus animus & magnus: quosdam itaque mihi videtur in hoc natura tales generare, vt approbet virtutem omni loco nasci.* Et quis dubitet in animis culturam posse, quod in terra? quanti nunc ridet horti inter rupes, & inhospita saxa? quantæ vrbes derafis montibus superbiore ludunt vertice? hîc mella sudant, ibi faccarum; & quidquid vlla ætas villo regno vidit in deliciis, in ferarum antris, & scrupco solo, & solis saxis sæcundo, nascitur. salient alibi nati fontes, natant pisces, omniûmque gentium florent frondes & flores, derafis ope humanâ
rupi

rupibus, iniectâque peregrinâ terrâ, quæ peregrinos alat fructus. ita loco non suo alunt rupes alibi nata, felici transmigratione. Quo maiora in homine, naturâ in omnem partem molli & flexili, par cultura poterit. sic tamen, ut, quod in terris euenit, validioribus ligonibus & rastris in fœcunditatem erigenda sit vna, mollioribus altera; quædam leui manu ducenda, ac vltroneâ quadam fœcunditate, durioribus altera, ac non nisi per ignes & ferrum magna promittat. quid? quodd non rarò malignè omnibus respondeat. Eadem reperies in ingeniis. ut benè Seneca: *Quædam facilia, & expedita: quædam manu (quod aiunt) facienda sunt, & infundamentis suis occupanda.* Suam dein de vtrisque sententiam subiicit: *Ego illis feliciorem dixerim, qui nihil negotij secum habuit. hunc quidem de se meliùs meruisse, qui malignitatem nature sue vicit, & ad sapientiam se non perduxit sed extraxit.* Benè. meliùs hic de se meritus; felicior ille est, quem ingenij bonitas & magnitudo, nullâ prope alienâ, sed manu eduxit suâ.

Nec tamen maxima semper ingenia deligam, tanquam regno optanda. mirabor hæc ut naturæ quædam miracula, &, cum in spem venero rerum magnarum, adiiciam metum deteriorum. quantum enim ferè à sublimibus illis ingeniis spei, periculum tantum est. quid? quodd metus superet. Mediocria ingenia magis tuta regnis: duci se patiuntur, consilia admittunt, ac, ut ita dicam, scissorem admittunt. priora ferè excutiunt, nec fræna ferunt, nec calcaria, imperij non patientia. Mediocria quò voles, duces; neque regna cogitant, nec domini purpuram, sorte contenta

*Mediocria
ingenia re-
gnis tutissi-
ma.*

S f suâ.

suâ. Iam cùm prima confidentiâ quadam sui laborent, cui adlociata temeritas; posteriora alienis potius consiliis quàm suis regantur, nec nisi diu & serio cogitata aggrediantur; sit, vt maturius sua peragant, nec periculi secum tantum trahant; cùm prima quasi ab aleæ vnus iactu regna suspendant. Quare mediocria magis ingenia regnis voueo.

Maxima ingenia scientijs aptissima.

Magna illa naturæ miracula si concesserit Deus, amplectar, nec ambiam: studiisque ac scientiis magis idonea iudicem, quàm aut duccendis exercitibus, aut prouinciis pro imperio obtinendis; ex quibus periculi plurimum adesse solet. quanquam & hæc summa, prudentis moderatoris studio, ad modestiam deduci possint. Nullâ verò re aliâ magna hæc ingenia, quàm ratione & amore temperaueris; frequenti etiam narratione & lectione eorum, quæ ad virtutem ducunt; maximè exemplorum, in quibus, variante res humanas fortunâ, subiti & funesti nimium casus, præcipitia præruptis adiacere, alta fulminibus obnoxia, nec vlla in re plus aut luisse fortunam aut sæuisse, quàm in summis, aut summa petentibus. Quæ proposita, & puero etiam tum decantata, inculcata iuueni, magnas moderandæ menti cogitationes iniiciunt, & tanquam offuso flumine flammæ restinguunt, ardorem temperant, mitigant furores, audaciam frangunt, temeritatem reprimunt,

CAPVT XXIII.

Concertatio cum inferioribus vitāda Principi.

NON descendat Rex cum subditis in certamen scientiarum, artium, aliarumque rerum. monet Xenophon: *Non conuenire arbitror viro Principi cum priuatis decertare. quòd si vicerit, tantum abest ut sit admirationi, ut magis sibi conflēt inuidiam: ceterum si victus fuerit, omnium maximè ridetur.* Turpe Principi, à subdito vinci; vincere, non magnum. ignominiam inde referet, laudem à victoria perexiguam. cauebit proinde Princeps, ne periculo huic se exponat, ne risui materiam præbeat, ne rubori. Quid? quòd succubuisse, iram ferè in Principe prouocet. Vnde contumeliæ, & minæ; & pro moderatione furor & obliuio sui. crescit deinde indignatio, & ferrum meditari docet & sanguinem; & cum pudeat victum dici, properat in vindictam, & iniuriam pro victoria reponit. Periculi res plenissima, & tam subdito, quàm Principi pœnitenda. Vitabit sanè hos scopulos quisquis sub Principe viuīt: nec victoriam hanc, opum ac dignitatum spoliatione, quin & sanguine, plurimum luendam, amabit. fugiet quisquis sapit, & dum vincere potest, victoriam Principi concedet: prudenter tamen, ne obtrusam vltro Princeps videat, ac quasi accusari ignauiam suam sentiat. Conatum proinde inferior adhibebit, tanquam vincere voluisse censerī possit, quò clarior sua Principi victoria constet. è qua re vna magna sperare

Intutum inferiori vincere Principem.

Victoria à subdito semper in omni cōseruatione Principi concedenda.

Infra Principis virtutes, suas inferior ponet.

subditus potest, & à concessa victoria præmia magna. Quin aded si mœrorē vultu præ se ferat, ac quendam fronte ruborē, maiora sperare præmia potest. gaudēt præmiare Principes, quos inferiores senserint, & prodigi in minores sunt: à maioribus manum retrahunt. Nemo in eum, quē odit, benignior est. odit ferē victorē. ita clementia & liberalitas in miseros est; invidentia & odiū in victores properat. Prudens proinde subditus vires, prudētiam, eruditionem, eloquentiā, gratiam & quidquid magnum est, teget, si cum Principis donis conferri debeant: etiā, dum imperio cogitur, non ostendet quid possit; sed infra Principis virtutes, suas ponet. Quod si oblitus sui, victor in quocunque certamine, virium, prudentiæ, eruditionis, aliarūque rerum steterit; subducet se Principis familiaritati, & aulicæ necessitudini: ætatem, valetudinem, aut si quid speciosius, adferet, & à turba secedet & aula. Non solet purpura indignationem ponere, non iram, non vindictam in victorem. sed neque vinci se patitur. stolidus sit licet, imbellis, indoctus; prudens, fortis, doctus haberi vult. docere denique vult, non discere. quo maiore opus circumspeditione, moderatione, verborum delinimētis, submissiōnibus, quando aliquid proferendum Principis menti contrarium. laudanda nimirum Principis sententia, rationibus firmāda; sanior interim nostra, magno temperamento, ac quodam verborū flore, proponenda, & ex aliorum potius aut veterum mente, quàm nostra: omnia deniq; Principis prudentiæ subiicienda, quasi si Principis sui sententiam exquirat inferior, si doceri amet, discere gaudeat.

In rebus verò paruis, & à quibus nec damna, nec pericula metuenda, Principis sententia nostræ, licet saniori, præponenda: neque enim sapientis est, suam licet probatiorem, in omnibus Principis sententiæ anteferre. Multa illi largiatur inferior, quæ largiri sine noxa potest: & ubi nullum crimen est, sæpè in Principis sui sententiam in rebus minoribus ibit, ut in magnis plus fidei ac existimationis apud Principem reperiat, quia plus affectus & amoris; cum ferè fidem pro affectu Principes metiantur.

CAPVT XXIV.

Mechanicarum artium magnam curam habeat.

HABUIT Alexander Seuerus, teste Lampri-
dio, qui *mechanica opera plurima Romæ instituit: negotiatoribusque, ut Romam volentes concurrerent, maximam immunitatem dedit.* Imitetur Princeps, felicibusque mechanicarum artium progressibus studeat, peritos in eo genere foueat, præmiis etiam inuitet. nec euocare è vicinis remotisque regnis, immunitatibus quibusdā concessis, pigeat. Fortunæ ferè in his regnorum consistunt; neque alia res certiùs Principis ætarium locupletat, neque maiorem negotiationū merciumque orbe toto inuehendarum euehendarumque materiam præbet, neque quidquam, ab extremis etiam terrarum, pecunias, merciumque genus omne, potentiùs euocat: ita ut, quod genitum est vsquam, id omne in vno

Regium avaritiam augent artes mechanica.

S f 3 regno

regno natum videatur. Crescit deinde prouincia crescentibus artibus, non ærario tantum & opibus, sed hominum multitudine: è quibus & robur additur regno, & regia vectigalia insigni passim incremento crescunt. è populi enim ferè multitudine, publici ærarij magnitudo pendet. Prouocabit ergo quarumcunque artium peritos, animabit indultis, muneribus etiam alliciet, certisq; prærogatiuis dotabit, vt venire velint & audeant, & cum meliorem patriam in fortunatiore ac opulentiore inuenerint, patriæ obliuiscantur. Nec graue hoc erit, cum patriæ obliuionem opes inducant, & illa patria habeatur, in qua cum opibus commoda & honores creuerunt, quibus & amicos parabit & parentes, & parentibus & amicis obsequentiores.

*A mechanici-
cis artibus
Belgiū lau-
datum.*

Quid? quòd decus ab his artibus magnum accedat regnis, & latiùs orbe nostro gloriā, quàm ab eruditione, aut bellica virtute, spargant. admirationem sanè artium elegantia & varietas parit: illam laus sequitur, & valitura in omnem posteritatem, & nouos orbes, cōmendatio. Hinc ingens illud in aulæis, supra quidquid vnquam Milesij, Seres, Tyrij, Phryges, Babylon dedit, nomen magnum; nec minus è linea textura, floribus, nemoribus, vallibus, montibus, fluminibus, fontibus, rupibus, animalibus omnis generis, mensis, bellisq; ad inuidiam rerum ipsarum ludentibus. Primus hoc docuit, ætati suæ in miraculum, posteritati in æmulam sequelam Belgæ. Quid? quòd in cælatura auri, argenti, æris, primus Briga, malleo stiloque, substratâ pice, cælare docuerit, cum antè fusili omnes ductu laminas in formas cogerent. In æris sculptura, tenuiori, molliori,

molliori, venustiori, vt in calamorum, in odium
 penicilli, ductu, quidquid nouè vsquam, quid-
 quid antiquè, vicere Belgæ. Artem etiam in solo
 nostro typographicam (nihil disputo de loco)
 primus inuenit Belga. De prodigioso tormen-
 tario puluere disputatio vana; sunt qui Belgam
 auctorem faciant. Finio, & nomen ab artium ele-
 gantia & inuentoribus magnum Belgio cteuif-
 se negare nemo potest. Accessere exinde illi
 mercionia, vt arbitreris orbis potiozem par-
 tem in illud migrasse. ita quidquid vterque In-
 dus, Arabs, Tagus, Nilus, Tiberis, Danubius,
 Rhenus, Thamesis, Moscus, Iber, Sequana diuite
 produxit sinu, quidquid Oceano toto, insulisque
 omnibus natum, firmasse in Belgio videas. Et
 euocarunt ferè mechanicarum artium miracu-
 la hos omnes, vt Sabæ olim Reginam Salomo-
 nis prudentia. cum qua exclament lubentes: Su-
 perant famam fidemque non magnæ terræ in-
 uenta maxima. Accidet ideim regnis omnibus, si
 artium amatores, veneratores, Principes nacti
 fuerint. A Principis ergo munificentia res om-
 nis pendet. addat vigilantiam & industriam pru-
 dentia comites, nec extra regnum patiatur fieri,
 quod in eo potest, nec efferri industria mate-
 riam, nec inferri à mutuatitia à se materia pa-
 rata. Lustrabo exemplo. Serico & lanâ Hispa-
 nia diues est, & à remotis regnis laneas sibi seti-
 calsque mutuatur vestes, regnorum aliorum emo-
 lumento magno, damno suo non minimo. per-
 mittit domi suæ nata efferri, vt maiore exinde
 pretio reuehat. Poterat Hispaniam suam serici
 & panni textoribus diuitare: è quibus regia cre-
 scerent vectigalia, nec tanta populorum solitudo

*Hispania se-
 rico & lana
 nobilis.*

regnum teneret. poterat deinde domi suæ parata ad alia regna submittere, & vario regnum suum lucro beare. nunc fœcunditatem felicitatēque suam vltro abiicit, crudamque byssum, nobilēque lanam aliorum diuitandam textilis emitit: commodisque se, opibusque, quas benigna fundit tellus, nudat, vt alios, etiam hostes, locupleteret. Sed desunt, quibus textile illud opus credatur. Non desint artifices sua præmia, & quedam etiam non noxiæ regno immunitates, & non deerunt vltro operam suam spondentes. Quod de Hispania, de reliquis regnis dico. idem omnium iudicium esto. nisi tanta rerum quarundam copia sit, vt omnem operarum manum vincant. quod vbi sit, pars aliò mandari poterit, sed ita, vt sua Regi & regno emolumenta constent, ne, dum alij beantur, frustrentur ipsi. Miserum sanè, & fatuitatis quoddam genus, te nudare, vt alium vestias. Sed nimirum magna ferè regna, vel ipsa magnitudine suâ, ad nescio quæ improuida labuntur; quasi sub ingenti mole fatiscant genua. Ita cum orbem propè vniuersum auro, argento, gemmis lassent Hispani, regnum ipsi suum ære fatigant ignobili: & pro auro argentoque, æs illis ab hoste cusum est. cumque diuitiarum suarum reconditoria ære onerent, cacabeis gloriari opibus possunt. fors nec multò post plumbeis, exinde etiam ligneis, aut boum tergoribus.

Remedia huic malo suggesta non semel, sed irritò semper conatu; vt nesciam, quorū hîc ludat magnorum manus. inter tot magna ingenia, tot selecta regia concilia, æri pellendo, vel non repertum, vel non admissum consilium est.

quis

quis credat? nisi quis dicat, quod aliàs dixisse me memini, prudentiam & potentiam iuxtim stabulare non posse; ut credas refractarios & indomitos equos, quos vnum equile non capiat. Aut fors dicendum, semper abundantiam contumeliosam fuisse in semetipsam: eueniréque nunc hoc apud Hispanos in auro. ut mirum videri possit, cur non vinctos in ergastulis habeant auro, & diuitiis improbos onerent, tanto locupletiores, quanto nocentiores. Nam quid ego aliud dicam? Aurum video tota propè Hispania exulare, æs imperare. Urbanior fortè hic iocus in re seria. Quando cara mihi tellus discussis opulentiae tenebris, lucem intuebere? quando ægro corpori remedia admovebis, tibi, Belgio, orbi in salutē? ô nimis diu luderis? excute somnū, & teipsam tibi redde. Habes Regem, qualem nec voto assequare maiorem, amantem tui, publiciq; amantē boni: quem nec nimia iuuenta, nec graues premūt anni. Frustra illam accusas. infra hanc Carolus Imperium tenuit. tu tantū manum & tibi, & Regi tuo Magno auxiliarem admove. consilia sugere. fortiter suggestis incumbe. nec à quo hæc veniant intueri, sed ipsa; & orbis imperia in Rege tuo tenere potes. Nimis diu his inhæreo. finio. tantū tacita audi vota mea Deus, audi bonorum omnium.

CAPVT XXV.

*Lectiōni Princeps incumbat, maximè Histori-
corum.*

*Historiarum
lectiō Princí-
pibus perusi-
lis.*



DOCTORVM etiam virorum lectiō-
nibus assuescat, Historiarum maximè om-
nium gentium; eorū in primis, qui de vir-
tutibus viriisque disserunt; cū enim ferè om-
nes non tam cum Principe, quàm cum purpu-
ra illius loquantur, consultissimum mutos ma-
gistros audire, qui legentium vitia in aliis ac-
cusant, errorésque rectoris sui in aliis damnant.
Nam quis alius moneat Principem? non patiū-
tur sceptrā monitorē, quo fit, vt lubentiū cum
fortuna ipsorum, quàm cū ipsis loquamur. è li-
bris ergo discenda Principes hauriant. Prudēter
filium Basilii monet Imperator: *Per Historias
veteres ire ne recusa: ibi enim reperies sine labore,
quod alij cum labore collegerunt. atque illinc hau-
ries & bonorum virtutes, & improborum vitia, vi-
ta humanae varias mutationes, & rerum in ea con-
uersiones, mundi huius instabilitatem, & imperiorū
precipites casus, & vt vno verbo complectar, malo-
rum facinorum pœnas, & bonorum pramia. quorum
illa fugias, ne in iustitiæ diuinæ manus incidas; hæc
complectaris, vt premijs, quæ illa comitantur, po-
tiaris.* Lectiōnum etiam Ptolemæo Ægyptio-
rum Regi auctor fuit Demetrius Phalereus,
vt conscriptos de regno imperiōque libros compa-
raret, atque lectitaret. nam, quæ amici non audent
Reges admonere, ea in libris scripta esse. verba sunt
Plutar

Plutarchi. Et ego auctor sim Principi. Multa hîc discet, quæ à suorum nemine. adeoque omnia discet: & tanquam in speculo vitam morésque suos intuebitur. vitia virtutésque in aliis, nullo suo damno, cômmodo maximo discet. Cûque magnorum Regum vitam, morésque variósque vtriusque fortunæ felices infelicésque euentus legerit, fugienda sibi sequendâque videbit. temerariorum deinde conatuum infortunatos exitus, fortunatos prudentium, euersâque regna, & sedibus quasi suis euulsa, leget. funestas etiam Regum mortes, & causas discet. E quibus omnibus, quid fugiendum, quid sequendum sibi sit statuet; quidue Regem deceat, quid dedecet; quæ è quibus damna metuenda, quæ comoda speranda; quantum fortunæ & sceptris credere debeat, quantum ætati & robori; quantum suis, alienis, amicis, inimicis, detractoribus, adulatoribus. denique cûm legerit quanta è vitiis mala, quanta è virtutibus bona fluxerint, illa fugiet, has amplectetur. cûmque senserit, quàm libero sæpè scriptorum calamo mortuorum Principum dicta factâque in omnem posteritatem transmittantur, cauebit à damnandis: paria enim in paribus dictis factisque expectare debet. Fallitur, si, cûm aliorum vulgantur, sua regenda arbitretur.

— *Quis enim secretum diuitis ullum*

Esse putes? serui ut taceant, iumenta loquentur,

Et canis, & postes, & marmora.

Multò minùs Regum Principûmque dicta factâque celari possunt. deuolant in omnem posteritatem, omniûmque linguis & calamis, omnium oculis & auribus subiiciuntur. Quæ
omnia

omnia magnam prudentiæ materiam Principi suppeditabunt: amplectenda, fugienda, sequenda, imitanda, cauenda, docebunt. ita rerum causarumque paritate ac similitudine, euentuum paritatem sperabit, timebit. Et sanè, inter felicia numerari potest, aliorum bonis malisque, labore nullo, emolumèto maximo, sequenda vitandaque posse discere. docebunt Scriptores. A maximis verò Regibus Ducibusque frequentatam lectionem, & à quibusdam scriptionem, veteres traderunt. Pyrrhus, Alexander, Cæsar, Pompeius, Scipio, Sylla, Lucullus, Græcique propè omnes, & Carolus Magnus nos docent. Imitetur Princeps. Quid? quodd Cato Græcas etiam litteras senex didicerit. filius verò illius, ne in curia quidem, dum senatus cogitur, à lectione sibi temperauit. *Quâ industriâ ostendit, alijs tempora deesse, alios temporibus superesse.* Epaminondam litteris addictissimum accepimus, & Philippum Macedonem, cuius illud ad Aristotelem: *Filium mihi natum scite, quod equidem Diis habeo gratiam, non proinde quia natus est, quam pro eo, quod eum nasci contigerit temporibus vitæ tuæ. spero enim fore, ut doctus eruditusque abs te, dignus existat & nobis, & rerum istarum successione.* Sub quo magistro quinquennium integrum, exactâ pueritiâ, stetisse auctor est Iustinus. De Hadriano Cassius: *Fuit suapte naturâ disciplinis deditus, & studiorum amator, in utraque lingua impensè eruditus.* De Septimio Seuero Herodianus: *Præter bellicam gloriam, etiam ciuilibus studiis clarus fuit, & litteris doctus, Philosophiæ scientiam ad plenum adeptus.* De Tacito illud Vopiscus propè fidem superat: *Nunquam noctem intermisit, quâ non ali-*
quid

quid vel scriberet, vel legeret. Nec minùs illud Suetonij de Augusto: *Mutinesi bello, in tanta mole rerum, & legisse, & scripsisse, & declamasse quotidie traditur.* quis nunc Regum imitetur? De studio illud eiusdem est: *Eloquentiam studiâque liberalis ab etate prima, & cupidè & laboriosissimè exercuit. multâque varij generis prosâ oratione composuit; vitam etiam suam tredecim libris, Cantabrico tenus bello. Poëticam etiam non neglexit.* De Cæsare Suetonius: *Eloquentiâ, militarique re, aut equavit præstantissimorum gloriam, aut excessit.* Certe Cicero ait, eum elegantem splendidamque rationem dicendi tenere. Et quis sententiis aut acutior, aut crebrior? quis verbis aut ornatior, aut elegantior? Scripsit plurima, de quibus illud Suetonij: *Quorum librorum primos in transitu Alpium, sequentes sub tempus Mundensis prælij fecit; nouissimum, dum ab Urbe in Hispaniam ulteriorem 1 v. & xx. die peruenit.* O ubi ætatis nostræ duces, Reges, Imperatores! De Tiberio Suetonius: *Artes liberales utriusque generis studiosissimè coluit. Scripsit variâ etiam Lyrico & Græco versu, fuitque Græci sermonis promptus & facilis.* Illud etiam Lampridij in Alexandro Severo, magni in scientias amoris signum magnum est. *Cum inter suos conuiuaretur, aut Vlpianum, aut doctos homines adhibebat, ut haberet fabulas litteratas, quibus se recreari dicebat & pasci. habebat verò cum priuatim conuicaretur, librum in mensa, & legebat.* quid plura speres, aut etiam voueas in Religioso? De M. Antonino Philosopho Herodianus: *Adeò litterarum & antiquitatis studiosus, ut nemini sit in eo genere Græcorum Romanorumque secundus. argumento sunt permulta, quæ ab illo*

illo dicta atque conscripta ad nos usque peruenerunt. Claudio Vegetij verbis : *Neminem decet, vel meliora scire, vel plura, quàm Principem, cuius doctrina omnibus potest prodesse subiectis*

CAPVT XXVI.

Viros doctos præmijs alliciat.

VIR O S vndique doctos præmiorum magnitudine inuitet. nunquam deerunt, si munificum nacti Principem fuerint. Docet Vespasianus. de quo illud Suetonij : *Ingenia, & artes maximè fouit. Primus è fisco Latinis Græcisq; Rhetoribus annua centena constituit. præstantes Poëtas, nec non artifices cõmit.* Pompeius etiam Theophanem Mitylenæum ciuitate donauit. quem etiam narrat, cùm Rhodum ex itinere vidisset, professores audisset, singulos auri talento donasse. dignum, qui Magnus diceretur. Romani Pythagoram, Græcia vniuersa Leontium aureâ statuâ donauit. stat Euripili monumentum Macedoniâ manu. Africanus Ennij effigiem in monumentis Corneliæ gentis collocari iussit. Nec mirum: hi namque sunt, qui regna scriptorum suorum monumentis illustrent, qui nunquam mori Principem patiuntur. Nullos excipio. Omnibus, si opulenta præmia ostentaueris, prouinciam ornabis. Ab vltimis etiam terrarum præmiorum magnitudo euocabit. Iuuat nimirum sub munifico Principe calamum stringerere. Et sanè. siue prouincię suę ornamenta, siue non moriturum apud posteros nomen Princeps intueatur, nullis parcat sumptibus: quòq; audior

audior gloriæ, hoc doctorum erit.

Ex hoc numero exsurgent Poëtæ, Oratores, Historici, quorum calamis nec mori prouincia, nec Princeps poterit. Quos si sustuleris, quæ regna, Reges, Principes, viri magni viuunt? insculti cineribus iacerent, sine discrimine sceptri & ligonis. ne semel mortui semper morerentur, calamus dedit. Bene Lyricus:

Vixere fortes ante Agamemnona

Multi: sed omnes illacrymabiles

Vrgentur ignotique longâ

Nocte: carent quia vate sacro.

Doctorum calamis Principes aternat.

Et sanè magna parentibus debemus. quòd sumus, illorum est. plura doctis. quòd nunquam morimur, horum est. Illi vitam dederunt, sed perituram, nec vltra mortem vitam. hi etiam post mortem viuere docuerunt, omnium lectorum oculis, auribus, animis. quo plus scriptoribus, quàm parentibus debemus, cum ab illis non-morituram, ab his morituram vitam acceperimus. Exsurgent etiam Mathematici, Philosophi, Medici, Iurisconsulti, Theologi, regnorum lumina. sine quibus, noctibus potiùs, quàm diebus prouinciæ inuoluerentur. hi regnorum soles, vt quorum radiis, æterno quodam lumine, collustrantur regna. Omnium horum calamis, tanquam animâ, viuere Princeps potest. Quos si sustuleris, non vltra plebiciam vitam, vilisque animas, vitam protendet. Viueret æternum vult? viuet in doctis. Quous ergo auro hos prouocabit, vt vitâ viuat æternâ, ignoret mortem. Sciebat hoc Magnus Alexander: nullis proinde pepercit donis in Anaxarcho, Xenocrate, aliis. Sciebat Augustus Virgilio amicissimus,

mus, Andronicus etiam, & Gordianus Imperatores. Quid? quodd Dionysius Tyrannus Platonem amauerit, ambiuerit. Pulcra Cæsaris Sigismundi vox est: *Ego eos amo, quos natura alijs antestare voluit.* Atque hinc doctissimum quemque regni muniis admouebat. Factum ab Alexandro Seucro, de quo Lampridius: Præficiebat rebus litteratos, & maximè eos qui historiam norant; requirens, quid in talibus causis, quales in disceptatione versabantur, veteres Imperatores, vel exterarum gentium fecissent. Factum etiam à Gratiano in Ausonio: *Cum de Consulibus in annos creandis mecum solus volutarem, ut meministi, atque ut facere debui, & te velle scivi, consilium meum ad Deum retuli: eius auctoritati obsecutus, te Consulem designavi, declaravi, & priorem nuncupavi.* trabeam palmatā tibi misi, in qua D. Constantinus pater noster intextus est. solui quod debui, & adhuc debeo quod solui. Dedit hoc Imperator Ausonij eruditioni; dederunt aliis alij Imperatores. Vsitatum hoc apud Sinas: apud quos ē sola eruditionis magnitudine dignitates prouinciarumque gubernacula administrari videmus. Peccarunt in hac re Licinius, & Michaël Balbus, qui vel calcarunt litteras, vel vetuerunt, & Imperatorum portenta audiunt. nec diu illis regna, nec felicia.

CAPVT XXVII.

Quos in concilium adlegere. Princeps debeat?

CONSILIIS admoueat, quos incorrupti mores, & eruditio, rerumque experientia

rientia probauerit. in quorum delectu ingenia vitabit, tanquam de torcularibus & ignibus aestuantia: lenta etiam nimium, & frigore quodam suo congelata. illi Rempubl. ignibus perident, hi frigore. Neque enim aut perpetuæ foruaces, aut perpetuum gelu, moderandis rebus conuenit. Quod si cōsequi nō potest Princeps, nec temperata ingenia vllis frangenda donis suppetunt, misceat calida frigidis, lenta citatis, amœna fastidiosis, benigna morosis, mitia scueris: vt mutuo temperamento ad mediocritatem reducantur. Liberali deinde stipendio singulos donet. punire potest, qui digna laboribus præmia largitur. durum verò est punire, quem necessitate ad illicita impellis. Vis incorrupta iudicia: egestatem amoue. ad quæ non cogit paupertas. Vis integra: adsint integritati sua præmia, vt nec aliunde mendicare, nec sperare debeat, qui iuri dicēdo præest. Fortiter præmiare & punire, boni Principis est; miseri, punire, nec præmiare; ignaui, præmiare, nec punire. Regia ergo stipendia suis præbeat, quibus vniuersam familiā, pro concrediti sibi muneris dignitate tueantur; & viros inueniet. Ea verò velim stipendia, quæ satis sint familiæ ampliter alendæ: nam & amplitudo venerationem auget, & animos addit. Et verò graue est, Regi aut Reipub. de suo impendere. Libera proinde optem patrimonialia; nec ea attingi familiæ sustentandæ. seponat hæc in liberos, quisquis à consiliis Principi est. quin eò etiam crescant stipendia, vt seponi aliquid possit in posteritatē ac nepotes: & optimè sperare iubeo Principē de suorum integritate. Nam leges ferre, & necessariis destituere, est ingenium

Feruida & lenta ingenia à Reipub. munerib. reuocanda.

Miscenda in Reipub. calida ingenia frigidis.

Liberali stipendio donandi, qui Reip. munerib. admomentur.

ad dolos & fraudes acuerè, & venalem clam iustitiam facere, cum publicè non possit.

*Nulla dona
iudici per-
mittenda; nec
venditio, aut
muneris em-
ptio.*

Imitetur in hac re Alexandrum Seuerum Princeps, quem narrant ampla stipendia omnibus quos in concilium adlegisset, numerasse, vetuisseque ne qua dona acciperent, neque cōcessa à Principe munia venderent; cum diceret eos, qui munia vendunt, ad operarum suarū venditionem necessariū cogi, ne fraudi emptio esset. Emit aliquis munus aureorum millibus sedecim, quod annuè supra quingētos aureos non pendit. Quid faciet hīc emptor? ne emptionis pretium pereat, operas locat, & vendit, atque ita ex pretij magnitudine, sua causarum stat iustitia, pro pecuniæ magnitudine metienda, exiguā numerabit? iustitiam referet exiguam, numerabit amplam? iustitiam referet amplam: ut mensura æqui bonique, non ius, non ratio, sed pecunia sit. Nam quò aliò se vertat? alenda vxor, liberi, familia: & pro muneris dignitate, pro Regis aut Principis magnitudine, è sociorum etiam more alenda. domestica interim res tenuis, parentum sæpè opes modicæ, vxoriæ modicæ, muneris annuus proventus modicus, modica omnia. tenuitatem hanc, ac quandam muneris maciem, non incrassabit probitas, non virtus. Ab improbitate ergo, & dolis malis, maiora speranda, adipanda nimirū ex his macies. Fortiter in tales Valens, Valentinianus, Iustinianus, sæuiunt: securi priores, virgis posterior, alij muneris abdicatione. Quis mihi nunc pares cōcedat? vouere possumus; sperare non aulim. Nam venditionem munerum permittere, non permittere operarum, durum. vtrumque permittere, improbum.

probum: neutrum, probum. ita tamen, ut Alexandri exemplo, quotquot in munere sunt, diuite pro muneris conditione stipendio Princeps remuneretur.

Verum, ut largiamur ampla hæc Imperatoria stipendia; quis occultas venditiones, quis largitiones tollet? quis erogationum solitarios cæcosque testes parietes producat? aut quis sui proditor dominus stabit? qui si fortiter negauerit, erogatore fortiter denuntiante, cui fides? vno teste vis damnari? quis innocens erit, si accusasse satis? & quam facile æmulus, qui magnorum nulli defuit, accusatorem inueniet? at si plures, sed factorum singulorum singuli, num fides adhibenda? Suspicionum sanè materiam magnam, variorum denuntiatio suppeditat. accedit, nunquam defuturam Principi rationem in largitionum cognitionem veniendi, si gratas eiusmodi delationes Principi suo fore populus intellexerit. Neque diu celari hæc possunt. nam licet legum institutio, fallendi modum docuerit, & è nouarum sanctionum edictis, doli fraudisque creuerint nouæ; nescio tamen, quomodo solis tenebris credita largitiones solè ament. videri volunt, & intueri diem: noctium suarum hostes. Iam in seruatorum multitudine magnorum atria obseruantium, quis celet omnia? quis auidissimas donorum vxores? & quod secretum speras mulieri conceditum? nullis sanè propè tenetur secreti legibus mulier: prærogatiua huius sexus est nunquam, nusquam silere. vulgari amat, & ut videri, sic audiri; & secretissimum suum inimicæ aperiet, si desit amica, si socia, si contubernalis, quæ nunquam mulieri defuit. Quid? quod voluptatis

Modus iudicium donaria deprehendi.

Mulier secreti legibus teneri non videtur.

*Quisquis se-
cretum suū
mulieri com-
misit, vulga-
ri voluit.*

sua, adeoque & libertatis magnam partem putet, si, quod concreditum illi, ingenuā quadam libertate in amicā profundat sinum : ut plus etiam gaudiorum è doni denuntiatione, quàm ex ipso dono capiat. Et certè quisquis rē mulieri commisit, vulgari voluit. nec certior alia euulgandi ratio, quā vel vnius plerumque mulieris fidei rem cōmittere, maximè si secretum pactus fueris : quo enim & tu sanctiūs imperaueris, & sanctiūs illa spopōderit, hoc auidiūs in narrationem properabit; imò & prouolabit. Neque satis illi iuisse est ; volare vult. alas addidit narrandi cōcredita desiderium. addidit & timor : vereri enim credas disrumpēdā, si diutiūs hoc è recenti torculari mustum pectoribus stringat. Ne mittere : seruitutis enim quoddam genus esse putat, non posse loqui; libertatis, posse. eximit se ergo seruitute, & in libertatem vindicat, cū primæ occurrentis sinum implet. minùs ingenuum, expectare secundam; in primam candor effundit. Et quis vir accuset hīc mulierē? si silere ipse non potuit, cur secretum à muliere sperat? in criminis paritate, non maior pœna manet primum auctorem? Vult secretum suum vir? linguæ imperet. laxauit? ne damnet mulierem, cuius omnis sapientia in ore est. se dānet, cū longè sanctioribus silentij legibus teneatur. Frustra proinde secretum suum celari maritus postulat, quod vxori commisit. ipsa proditrix viri, & sui erit, dum sibi maritoque apud sociam de dono gratulatur. quin imò proditrix non fuit, laudatrix fuit. prodere noluit, laudare voluit; & quæ gratularetur, amicam quæsiuit, & cū Euāgelica muliere inuenit. Decesse proinde modus

non

non potest Principi, in largitionum cognitionem veniendi. ipsa se largitio proderet, impatiens celari. Fuit hoc nouum Antonini Pij, fuit magni Principis, à iudicibus, locorumque Præsidibus ac Gubernationibus, ante muneris susceptione opum omniū suarum indicem deposcere, quo, ubi muneribus defuncti esset, scire posset, quantum illis facultatum accessisset. Imitari ætate nostrâ Antoninum videtur voluisse Regum omnium maximus.

In delectu verò eorum, quos consiliis dandis admonet Princeps, sequatur monentem Iethro: *Prouide de omni plebe viros potentes, & timentes Deum, in quibus sit veritas, & qui oderunt auaritiam, & constitue ex iis qui iudicent populum.* Vult potentes, ne intueatur personam diuitis, quique valeant virtute irrumpere iniquitates, quos nec magnitudo, nec nobilitas terreat, nec egestas spe præmiorum ad illicita trahat; nam & *manera excacant oculos sapientum, & mutant verba iustorum.* In quos illa interminatio Dei: *Va qui iustificatis impium pro muneribus, & iustitiam iusti aufertis ab eo. propter hoc, sicut deuorat stipulam lingua ignis, & calor flamma exurit: sic radix eorum quasi fauilla erit, & germen eorum ut puluis ascendet.* Quare si in aliis delictis non raro Regi indulgendum, in iniusti iudicis nunquam erit. Est in hac re Alexandri Seueri magni omninò Imperatoris vox Imperio digna, cum diceret, non satis dignè in malū iudicem vindicari, si magistratu priuaretur, sed grauioribus longè suppliciis mulctandū. De quo illud Lampridius: *Si unquam furem iudicē vidisset. paratum habebat digium, ut illi oculum erueret.* Est & illa

Qui à Principe deligunt in cōcilium.
Exodj 18.

Deut. 16.
Isaiz 5.

Qua pœna improbus iudex puniendus.

Magno Constantino dignissima sententia : Si quis cuiuscunque loci, dignitatis, in quemcunque iudicium, Comitum, aulicorum, vel palatinorum meorum, aliquid veraciter & manifestè se probare posse confidat, quod non integrè aut iustè gessisse videatur ; intrepidus ac securus accedat, interpellet me, ipse audiam omnia, ipse cognoscam. & si fuerit comprobatum, ipse me vindicabo de eo, quod me usque ad hoc tempus simulat à integritate deceperit. illum autem, qui hunc prodiderit & comprobauerit, & dignitatibus, & rebus augebo. Ita mihi summa diuinitas semper sit propitia, & me incolumem praestet. Digna omninò lex, quam Christianorum Imperatorum primus ferret, & iureiurando confirmaret. Sanè, si Reges iniquorum iudicium delatoribus, munia ipsa, si iudicando idonei essent, conferrent, aut amplà mercede donarent ; non magno molimine iudiciorum integritati consulerent.

Virtutes illorum qui à Principe in concilium de legendi.

Deliget ergo Rex, quos grauior aetas, magnòque collecta usu experientia, integritasque, & ignara munerum manus, casti mores, animus sibi constans & periculis maior còmendat: quos in audiendo faciles, in comprehendendo celeres, in decernendo lenes, in inuestiganda veritate diligentes, studiisque ac laboribus additos deprehenderit : quibúsque fides omnibus vitæ commodis antiquior, omnibus opibus carior, quorumque eruditione sancti mores orient. Quos vltro ac reluctantes etiam, ad Reipub. euocabit. amouebit verò, quotquot corrupti mores, impurior vita, fraus & dolus occuparunt: quos rei familiaris angustia oppressit, nec permittet in senatorio portu naufragos hos còquiescere, quos alieno magis patrocinio quàm vitæ inno

innocentiæ inniti senserit, quos dolo malo ac muneribus viam sibi sternere intellexerit; quosque aut nimia lentitudo, aut nimius æstus, aut grauior morositas, aut fastidiosi mores, & nauseabundo similes, aut innata quædã animo leuitas & incôstantia tener. Sed neque in vnum facile ea conferet, quorum singula totum hominem occupare possunt. Plures honorandi, quod Principis beneficiũ latiùs pateat, & certius linguli commissa sibi expleant, quo paucioribus obruuntur. In delectu verò illud Alexandri Seueri apud Lampridium, memoriã & imitatione dignum: *Senatorem nunquam sine omnium Senatorum qui aderant consilio fecit: ita ut per sententias omnium crearetur, testimonium dicerent summi viri; ac, si fefellissent vel testes, vel ij qui sententias dicebant, postea in vltimum reijcerentur locum, ciniũ condemnatione adhibitã, quasi falsi rei approbati, sine vltius indulgentiæ proposito.* At nuac quoties non vno in regno, nescio quæ ancillula, aut seruulus, Senatorem Reipub. & Regibus dedit? alium Principis, aut viri magni amores, aliquem obsequia fratris; non sint sororis, non filiarum, non vxoris. dona etiam non paucos. ita quod eruditio & prudentia non potuit, non virtus; fauor, mulier, aurum dedere.

In deliberando sequatur illud Lampridij in Alexandro Seuero: *Si de Iure tractaretur, solos doctos in consilium adhibebat: si verò de re militari, milites veteres & senes, & benemeritos, ac locorum peritos.* Prudenter. imitetur Princeps noster. Peccat in Rempub. grauiter, qui indoctos iuridicundo præficit, adeoque & euertit illam. Et ridenda sanè res, cum in rebus aliis artium

peritissimos deligamus, sartores, sutores, fabros; in iure dicendo, è quo non raro fortunæ vniuersæ, honorque, vitæque pendet, ineruditos deligi. In decernendo statuendoque illud à Cassio notatum in Nerua: *Nihil unquam de suo arbitrio statuit sed principes viros in consilium semper adhibebat.* Et à Spartiano in Hadriano: *Nihil non consulto senatu faciebat. execratusque est Principes qui minus Senatoribus detulissent. erat verò tum mos, ut, cum Princeps causas cognosceret, & Senatores & equites Romanos in consilium vocaret, sententiamque ex omnium deliberatione proferret.*

Prou. 10.

Iob. 12.

Consilio verò in primis in bello vtendum putat Imperator. putat & Sapiens noster: *Consilijs tractanda sunt bella.* Veteranos autem adhiberi vult Imperator. Docuerat antè Iob, senibus prudentiam inesse: *In antiquis est sapientia, & in multo tempore prudentia.* Et vetum illud Claudiani: *Tenero tractari pectore nescit prudentia.* Et lege olim fuit traditum, ne infra quinquagesimum annum quis, vel magistratum gereret, vel legationem obiret. Et receptum hoc Græciæ parte. Benè. ac, si quæ alia, militaris scientia experientiam depolcit. Nec satis tamen senem esse. benemeritos vult Imperator. quos nimirum facta docuerunt, rerumque experientia longa, quæ pro prudètia esse cõsuevit. Et sanè, si quid à Deo vouendum, consiliarij quàm optimi Principi vouèdi, cum ab his regni vniuersi incolumitas pendeat, vt qui Regibus oculorum vicem præbeant, iudicij subeant. Tolle oculos, quis videat? tolle iudiciũ, quid homini reliquũ? Et certè, qui in consiliariorum delectu errant Principes, in perpetuo eos errore necessum est versari.

Et,

Et, vt qui fontem in origine sui secat, flumina emacerat, & quidquid à fonte fœcunditatis affluit agris, quos macie suâ paullatim emori senties, ac quasi fatiscere viribus subtractis: ita qui à prudenti consiliariorum delectu aberrant, Rempublicam emacerant, sterilitatem inducunt, speratam in semine suo messem suffocant, atque adedò à radice succidunt, cum omnis Reip. adeps ac melior succus, à prudenti consiliariorum rore & imbre defluat.

Ad iudiciorum verò integritatem plurimum valet, si Princeps ipse non rarò consiliis dandis ferendisque intersit. Carolum Magnum die vno per hebdomadam interfuisse accepimus: Carolum Audacem diebus tribus. Lusitaniz autem Reges certo per hebdomadam die. De M. Antonino Philosopho Capitolinus: *Semper cum potuit interfuit senatui, etiam si nihil esset referendum, cum Roma fuit: si verò aliquid referre voluit, etiam de Campania ipse venit.*

Princeps cōsiliis nō rarò intersit.

Nihil verò temerè aggrediatur, nihil præproperè & calidè, tanquā à torculari, memor veteris dicti: *Cōsilia calida & audacia prima specie lata, cunctu tristia sūt.* & illius: *Duo aduersissima re-cta menti, celeritas, & ira.* & alterius: *Consulere oportet lentè, consulta exequi festinamer.* Scio, animo cupienti nihil satis festinari. sed & hoc scio, pernitentiā festinationi adiacere. Nullam proinde rem ante seriā maturāque deliberationem aggrediatur, ad quam integro pectore ibit, non obfesso. & stolidum est petere cōsilia, postquam certò apud te aliquid statueris. Videri tales consuluisse volunt, sequi nolunt; probarique volunt sua, aliena nolunt. ad nudam deinde

prudentiæ & moderationis ostentationem, consilia hi cogunt; ne denique præfidentes videantur, & damnari meritis possint in infelici rerum successu, in consilium alios vocant, quod & modesti audiant, & temerarij ac insolentes non audiant. Secuturi nimirum tales consilia sunt, si antè apud se animumque suum decretis responderint: recessuri, si non responderint. Ut facile videas nudum hosce modestiæ nomen venari. Grauis omnino error, cum aut omnibus diffidunt, aut prudentiæ suæ armisque nimis fidunt. Benè Tacitus: *Plura in summa fortuna auspicijs & consilijs, quam telis & manibus geri.* Sed & excusationem apud omnes meretur, licet votis res non responderint, quisquis prudentum consilia secutus: non meretur, quisquis suis tantum innixus res aggreditur.

*Periculi res
plena, vnius
consilij inni-
ti.*

Plures etiam in consilium adhibeat. certius enim multis, quam singulis creditur: singuli enim decipere, ac decipi possunt; neminem omnes fefellerunt. Et quantum quisque ingenio possit, quove robore sit, quo candore, facilius Princeps aliorum comparatione discet, certiusque propositæ rei veritatem cognoscet. Inconsultissimum verò est, vnius tantum consiliis inniti, vni vniuersa regnorum committere: neque enim omnibus vnus par esse potest. & inuidiam ferè tales odiæque incurrunt omnium, & funesto ferè sine vitam claudunt. O nimis sæcundum hoc ludibundæ in magnis fortunæ sæculum! Gallia nos docet, Germania, Hispania, Anglia. quantos hæc regna viderunt, tulerunt! quàm infelici exitu inuidiosa felicitas notata! O, dicat quisquis sapit, *Quia me vestigia terreni:* & subducatur

uem,

nem, & portum respiciat, & tuta ante naufragium littora, ne noua fabula, prioribus deterior, exsurgat orbi. Ac si non moueant recentia, inturcatur vetera. A quo cadit Amanus, Clitus, Scianus, Plautianus, Aluarus Luna; Montdragonius; si non ab Asluero, Alexandro, Tiberio, Seuero, Ioanne Aragonio, Francisco Mediceo? & plenæ omnium sæculorum sunt Historiæ. Time quisquis supra fortunam tuam maiorumque extolleris: iisdem ferè manibus cades, quibus sublatus es; quin & celerius quàm surrexisti: facilius enim per præcipitia lapsus. lento gradu in verticem ferimur; lapsus in momento est. Sed & consultum Regi plures esse, qui rerum cognitionem habeant, ne vno cadente, cecidisse videantur omnes; & ignari rerum discere incipiant, qui docere debent, magno Regisque damno.

Ita verò ad consilium, vt dixi, accedat, ne, vbi antè secum firmavit sententiam, frustra rem in consilium vocet, nec abuti pudore se permittat. Ab odio etiam, ira, auaritia, amicitia, superbia, libidine vacuum esse decet. haud enim facillè animus verum prouidet, vbi illa officiunt. neque quisquam simul libidini & rationi paruit. Seponat ergo affectus suos Princeps, priuatúmque studium, publicisque medeatur: sententiæ verò cautiore lubentius adhærescat, nec difficulter sese applicet etiam tuta metuentibus: cautæque potius consilia cum ratione, quàm prospera illi ex casu placeant. Fugiat verò consilia, quorum temeritas absolui nequit nisi beneficio felicitatis: nam licet hac viâ possit prosperari, non cōiciat se tamen in fortuitam hanc prosperitatem, quæ ferè

ferè præcipitio alligata est, aut de illius vicinitate damna minatur.

Quòd si moram res patitur, tacitus secum Princeps rem discutiat priusquam deliberet, ne imparatus accedat. &, vt obijcere difficultates ipse possit, & firmare rationibus; nullam tamen in partem, cum Traiano, Hadriano, Antonino, propensum animum ostendat, ne in illam suos trahat. quorum non pauci, dum placere Principi volunt, sepositâ suâ, in illius sententiâ eunt, nec tam quid deceat, aut dedeceat, quàm quid sentiat Princeps intuentur. Sed neque promiorem se in illos, qui secum sentiunt, ostendat. nullâ re consilia meliùs quàm libertate firman- tur; nullâ infringuntur magis, quàm si libertatem sustuleris. neque enim hac sublata, veritati, sed complacentiæ locus erit & adulationi: nec rebus, sed Principis fortunæ seruiant. Affectu potius magno prosequatur illos, quos senserit veritatis magis, quàm placendi studio duci.

*Nunquã ab
euentu res
metienda.*

Caueat etiam ne ab euentu res res metiatur, ni timidissimos in consilio dando velit suos, qui à dubio euentu perpetuis timoribus natabunt. Et ferè plebeiorum ingenia consilia ab euentu metiuntur: hinc non rarò apud eos eadem facta, nunc sapientiæ ac roboris, nunc furoris ac temeritatis nomen accipiunt. Neque redarguet, si votis euentus non respondeant, cum millia in fortuitis occurrant, quæ prudentissima consilia euertant ac frustrentur. Fatebor interim magnum omnindò, adeoque primum mereri locum, qui apud se consilio abundat, non indigus alieno; secundum, qui alieno, vt suo vti didicit; tertium, qui nec aliena consilia admittere,

mittete, nec expedire sua nouit. Ego tamen primum illum statuo, qui prudentiæ suæ non nimis præfidens, prudentum sequi consilia nouit. ut tardo malim ingenio Principem, audiat inodò, quàm acuto & perspicaci, si non audiat. Audiamus Sapientem: *Dissipantur cogitationes, ubi non est consilium; ubi verò sunt plures consiliarij, confirmantur: & salus, ubi sunt multa consilia.* Est in hac re illud Antonini Imperatoris: *Aequius est, ut tot amicorum ac fidelium consiliariorum sententia subscribam, quàm ut illi se meæ voluntati accommodent.* Quid verò ad stabilienda regna consilia valeant, fortiter & verè Sallustius docet: *Omnia regna, ciuitates, nationes usque eò prosperum imperium habuerunt, dum apud eos vera consilia valuerunt. ubicumque autem gratia, timor, voluptas ea corrumpere, post paullo imminuta opes, deinde ademptum imperium, postremo seruitus imposita est.* Videant Reges, ne in consilium adhibeant, quos gratia, timor, voluptas, pessimum veri venenum, occupauit.

Prou. 15.

Prou. 11.

In statuendis verò condendisque legibus, Ferdinandum cognomento Catholicum prudenti prouidòque astu vsum narrant, solitum nimirum per fidum aliquem suorum, rem lege firmandam in vulgus spargere, nò ut ferendam, sed ut utilem, & Reipubl. necessariam, quò certior de populi voluntate fieret: quam ubi placitùram intellexerat, lege firmabat. vnde consequebatur, ut volentibus, quæ cogitauerat, imperaret.

CAPVT XXVIII.

Ecclesiis probatissimos præficiat.

ECCLÆ præfici curet, quos vitæ probitas, morum integritas, prudentia, rerum experientia, eruditio, pietas commendat: non qui deductum nomen à trabeis, & fastos recolūt purpuratos, & exesam senio nobilitatem, nec aliqd. Quod si cū opibus, imaginibus, præclarâque memoria sui, virtutem relinquere maiores possent, esset cur meritò magnorum liberis prima quæque in Repub. munia, etiam relictantibus, traderentur. Nunc cū sola virtus sit quæ neq; dari, neque accipi potest, & illa sola sit, quæ Ecclesiæ purpurâ vestiri mereatur, perfacile quiuis videat, qui Ecclesiis præfici debeat. Amor, maiorum in Rempub. ac Reges merita, vetus nobilitas, amicorū turba, fauor, gratia, magnorum affinitas, opes, morum elegātia, formæ venustas, linguarum peritia, mollis elocutio, vestium nitor, & si quid aliud externarum rerum est, Principum ferè oculos obnubilant. quare suspecta hæc meritò esse debent, ut, si solitaria sint, & virtutibus suis destituta, negligat. Sanè si fortibus factis ignobilis nobilem antecar, si militari peritiâ, quis hunc non ignauo nobili, solâ natalium prærogatiuâ fulto, præferat, si saluam Remp. & exercitum volet? Eadem in omni hominum genere reperies, etiam inter plebeias artes. Quis sutorem, sartorem, fabrum imperitum perito; quis in liberalioribus pictorem, architectum,

Solius virtutis ratio in Ecclesia Prælati habenda.

chitectum, typographum indoctum docto; quis Poëtam, Oratorem Historicum, Philosophum, Medicum, Iuriconsultum, Theologum, increditum erudito, ob maiorum scientiam, aut merita, anteponat? Quo maior delectus in Ecclesię Præsulibus adhibendus. nec sanguini quidquam dandum, aut gratiæ: virtuti, & illi soli est. Nūc in non vno regno, quasi per manus, de fratre in fratrem, inde in nepotem, aut agnatum, non dico de patre in filium, itur. Eleganter Bernardus ad Henricum Senonensem Archiepiscopum: *Scholares pueri, & impuberes adolescentuli ob sanguinis dignitatem promouentur ad Ecclesiasticas dignitates, & de sub ferula transferuntur ad principandum presbyteris: latiores interim quod virgas euaserint, quam quod meruerint principatum: nec tam illis blanditur adeptum, quam ademptum magisterium. Et hoc quidem in initio, processu verò temporis paulatim insolescentes, docti sunt in breui vendicare altaria, subditorum marsupia vacuare, magistris nimirum in hac disciplina utentes idoneis, ambitione & auaritiâ. Elegantiùs etiam in illa verba, Ecce nos reliquimus omnia: Huic paruulo adhuc, aut forsitan necdum nato, Ecclesiastica iam beneficia prouida parentum sollicitudo parabat. Hunc nos, inquiens, illi, vel illi tradamus Episcopo, apud quem habemus gratiam, aut cui fortè seruimus, ut diteatur de bonis Domini, nec in tot liberos nostra diuidatur hereditas. illum Prepositus aut Decanus, ut sibi succederet, plusquam materno educavit affectu, in delicijs enutritus & delictis, ille dignus Archidiaconatu, utpote filius Principis, magis autem si sit Episcopi consobrinus, in quo nimirum tota est episcopata progenies, alius undiq; circuit sedulus explorator, blanditur,*

blanditur, obsequitur, simulat, dissimulat, miserâque sibi suffragia mendicare non erubescit, manibus & pedibus repens, si quo modo tandem aliquando sese ingerere queat in patrimonium Crucifixi, & bona Domini, quæ sola ex omnibus hodie inveniuntur exposita. nimirum peregrè profectus est. sed in plenilunio fortè, ut sua districtè repetat rediurus. Quis càm intentione gradus Ecclesiasticos querit, ut suam patriæ ac proximorum operetur salutem? Honorati incedere volunt, placere student hominibus, delectari & superbire, & huic sæculo per omnia conformari. Audi querelas Domini: Regnaverunt, & non ex me; principes extiterunt, & ego non vocavi eos. Vbi timor Dei? ubi mortis memoria? ubi gehenna metus, & terribilis expectatio illa iudicii? Quid? quod matrimonia contrahuntur spe futuri in sobole Episcopi aut Abbatis, & ante matrem filius præprou idâ destinatione Episcopus est, fulgétque votiua purpurâ, cuius adhuc patrem mater ignorat. Maritanda nimirum Episcopi fratri, ut Episcopi mater fiat; aut Abbatis, ut Abbatem noua nupta lactet, beétque fæcundétque patrem, Episcopi aut Abbatis mater. Fortunata mater, quia Episcopi soror; non futura Episcopi mater, nisi fratrem, aut sanè patrum aut auunculum nacta Episcopum foret. fortunatus filius Episcopi cōsanguineâ natus; non futurus Canonicus, Abbas, Decanus, Præpositus, Episcopus, nisi tali matre natus esset. Neque enim aut paritura illa talem, aut nasciturus hic talis esset, nisi patrum numeraret Episcopum. scilicet ut cælestes stellæ steriles influxu suo fæcundant terras: sic patrum Episcopus neptis suæ partum. hoc solo nomine Episcopatu dignus, quod Episcopi nepos; non
futurus

*Præua mul-
 torū regnorū
 cōsuetudo in
 Ecclesia Prae-
 sulibus sta-
 tuenda.*

futurus dignus, nisi Episcopi nepos esset, aut neptis mater.

Nec satis erat virum viris, feminam nasci feminis; mulieribus vir, viris mulier nascitur; & viris mulier Abbas imperat, mulieribus Abbatissa vir. quo enim alio nomine vtrumque designem? sed & matrimonio iuncta Monachis Abbas imperat. Olim sine puerperiis æterna successio erat, nunc, ne quid illi desit, matrimonio femina Abbas iungitur, ut Monachi non fiant, sed nascantur. Imperare etiam virgo viris discit, & leges dare, quas non didicit, non vidit. Alibi Abbatissa vir audit. ô non audiat maritus, non pater, & illæ matres! Fecunda culpæ sæcula. quid reliquum?

Irrepsit nescio quæ, & occupavit non vltima regina consuetudo, ut parétum merita transeant in filios. Inter aulæ & regni procures, inter togæ Principes, militiæ Duces aliquis numeratur, cuius virtute, fortitudine, consilio Respub. stetit. numerosa huic soboles, & obstrictum se parentum obsequiis Rex arbitratur, nec irremuneratum filium vult abire. è regio ætario graue est: ex Ecclesiæ remuneratio fit. Hunc proinde Canonicum, illum Abbatem, tertium Decanum, quartum Præpositum, quintum Episcopum, meritorum parentis præmium statuit. Munificus nimirum Rex est. nec virtus hîc pro-uocat, sed sola parentis merita. tanquam si quis ineruditus, docto alieno calamo, eruditus audiatur: imperitus pictor magni pictoris penicillo peritus habeatur. At spes est, non indignos muneribus fore. Quis aurigam, nauclerum, pistorem

Ecclesia dignitates transferre in filios periculi plenum est.

deligat, quis culinæ suæ coquum spe futuræ aliquando peritiæ? peritos deligimus, nec nudâ futurorum spe, nec parentum industriâ, in delectum ruimus. Eadem videas in omni omnino hominum genere. nemo in delectu, maiorum, sed peritiæ rationem habet; etiam in ouium pastoribus, aratoribus, vinitoribus, hortulanis, stabulariis, piscatoribus. Soli non rarò Canonici, Abbates, Decani, Præpositi, Episcopi periti nascuntur. tanquam non fiant, sed Ecclesiasticis nati dignitatibus sint; & imperare in re omnium maxima, omnium difficillima sciant, qui nullius imperium passi sunt; eaque doceant, quæ nunquam didicerunt, ac ne viderunt quidem. quasi materna vbera Decanare aut Episcopare docuerint, & à lacte didicerint, quæ viri docerent. Docta ô nimis vbera, in quibus Episcopalis erudita est infantia! felix vterus, in quò tota Episcopata, Decanata, Præpositata, Abbatifata, Canonicata est progenies!

Videant Reges & Principes, quomodo Deo, Ecclesiæ, suis suorumque animabus satisfaciant. infortunata conditio, ob fratrem vel nepotem, ignibus fors adiudicari æternis: tot animas perire, & in illis non rarò Regem: non dico Episcopum patrum, aut togatum aliquem, aut purpuratum patrem. Non addam plura, & nescio quis mihi in aurem: Caue,

Periculosa plenum opus alea

Traetus, & incedis per ignes

Suppositos cineri doloso.

Cui nihil habeo quod reddam, nisi ab eodem calamo:

Iustum, & tenacem propositi virum

Non

Non ciuium ardor praua inuentum,

Non vultus instantis tyranni

Mente quatu solidâ.

Non fileo hîc tamen Isidorum: Cognoscant Prin-
cipes sæculi, debere se rationem reddere propter Ec-
clesiam, quam a Christo tuendam suscipiunt. nam
sive augeatur pax & disciplina Ecclesiæ per Prin-
cipes fideles, sive soluatur, ille ab eis rationem exiget,
qui eorum potestati suam Ecclesiam credidit.

Quòd si petas, quid sentiam, Theologi, an Iu-
risconsulti Ecclesiis præficiendi. Quid dicam?
tenera hæc res est, & multorum inuidiæ expo-
sita, & odio grauida. Hoc dicam, ex vtraque
scientia natos viros magnos, orbis miracula. ne-
que damnare possum, si Ecclesiasticis conuenti-
bus ordinis vtriusque præstantissimi intersint,
Iuris quadam ac Theologiæ mistura. & nescio
quomodo è docta varietate maior venustas ex-
surgat. Et sanè Iurisconsulti integritatem nudæ
Theologi cruditioni anteponendam putem.
Theologum verò, quem vitæ probitas, rerum
cognitio, prudentia, multorum annorum expe-
rientia comparata, in aduersis fortitudo, pru-
dènsque zelus ac pietas ornat, regèdis imprimis
Ecclesiis idoneum arbitror; maximè si hæresis
inualuerit, si cōuellendæ opiniones falsæ, si sta-
bilienda fides; eoque magis, si non omni Iuris
legumque cognitione destituatur. Vniuersim in-
terim dici potest, è quocunque genere statuân-
tur, viros ætate maturos, pietate, probitate, mo-
rū integritate claros, & à primis annis Ecclesia-
sticis functionibus assuetos, Ecclesiis præficien-
dos, ne discere cogantur, cum docere debeant.
Eoque maior in hoc delectu ratio habèda, quòd

*Theologi, an
Iurisconsulti
præficiendi
Ecclesiæ di-
gnitatibus.*

corrigi error non possit, cum hæc ferè dignitas non nisi cum vita ponatur. Felicem in delectu suo vidimus ALBERTVM : qui cum seuerissimus in illo esset, prudens, maturus, serius, tum fortunatissimus audiebat. singula scrutabatur, anteaquam vitam, præsentis mores: è quibus spè timorémque futurorum colligebat. nihil assuetus hîc generi, nihil nobilitati, sed soli virtuti dare, è qua supra vota plerumque eueniebant. Felicitati hæc quidam, pietati alij, plerique prudentiæ tribuebant, sapientiores iunctim omnibus: cum in omni delectu illius, tria hæc elucerent. nec, quod magnum, frustratum aut pœnitendum illius vnquam in magnis muneribus vidimus delectum.

Nullus verò certior delectus, magni Dei, cuius nunquam frustratoriæ designationes; & semper magnum aliquid à magna illa manu. ita Moysen, Aaronem, Iosue, aliósque in illo populo reperias. At, ne fatigem notissimis chartam & lectorem, non egrediar magna Ecclesiæ lumina. quis in Magno Gregorio columnam igneam, in Fabiano & Innocentio Tertio columbam, in Gregorio IV. latebras, in Chrysostomo emissam cælitus vocem, in Nicolao Nicolaum, in Fulgentio insulam, in Cæsario sepulchrum ignoret? & frustra fugam, prodente qui delegerat Deo? Non inferiora fors illis ætas nostra vidit, Deus dedit; cum Romanæ apes, prælagâ mellificatione, Pontificiæ coronæ, quasi propheticâ circumductione, tanquam naturali oraculo, in testationem quandam diuinatricis cuiusdam disciplinæ, Pontificem quem cælo maximum acceperant, terris maximum designarunt.

VRBANY
VIII. Pontifex
Maximus.

runt. qui vt vitæ integritate, ita ingenio, eruditione, dictis, obitisque in Italia & Gallia muneribus, clarissimus, eaque in omnibus factorum felicitate, vt fortunatiora sperare vix hominis, perficere nullius, nisi præsentî in omnibus magni Numinis auxilio foueretur. qui cum augustâ suâ Urbem præsentîâ, tum orbem vniuersum, non minore spe quàm implet nomine; vtrumque excelsi animi magnitudine, vt Regibus natum; modestiâ, vt priuatum; prudentiâ, vt æternum imperasse; affectu, vt patrem; comitate, vt infra; maiestate, vt supra tiaram arbitreris. Verissimæ, Urbis, Italiæ, orbis deliciæ. quem imitari plurimi concupiscant, nemo possit. Doctorum vbique virorum amator, propugnator. ne mireris. non potest ab omnium eruditionum diuite bibliotheca, à qua nihil in omni scientiarum genere petas quod docere non possit, aliud sperari. vt meritò, quidquid nunc orbe doctum toto, magna sub tam magno Mæcenate sperare possit & debeat. Neque quemquam terreat prima post cælos maiestas, supra quam ascendi nõ potest: nemo enim potentiam illius experietur nisi aut periculorum excussione, aut damnorum reparatione, aut dignitatum accessione & clementiâ: vt nihil potuerit doctis probisque omnibus, voto concipi maius, aut spei felicior respondere euentus. neque enim inuenies, quem aut maior in vtraque facundia dictionis elegantia vestiât, aut qui pronior profusiorque in omne litteratorum genus sit. à quo vno tantum abest vt turpe sit vinci, vt vincere nefas foret, gloriosum vinci ab eo, quem Deus & virtus supra omnes extulerunt. Gaudeat Italia, in hoc

vno consecuta, ne aliorum calamis vinceretur, vel externam prudentiam deposceret, quique iam antè didicit, quod docere nunc tutò posset. gaudeat orbis parentem consecutus; qui iam inde à prima ætate in appetendis honoribus vercundissimus, in gerendis moderatissimus fuit, ut qui illos omnes admitteret potiùs quàm ambiret; animoque æquissimo, quod alieno arbitrio assumpserat, deponeret. Nemo sanè hoc vno gloriam minùs, aut eruditionem & probitatem magis concupiuit, ut nullus vereri illius magnitudinem debeat, quam humanitatis manibus figulatam scimus. In iis timeri amplitudo debet, qui ex suo arbitrio illam ut pararunt, ita retenturi pari arte & conatu videntur, modumque in armis habent. hi ferè sunt, qui ad summum decus audent, quod nemo auderet bonus, perficiunt quæ nullus nisi audissimus & audacissimus posset; in conatu temerarij, in exequendo non rarò felices, ut quibus temeritas in gloriam cedere soleat. ita quæ pessimo, ac propè nullo exemplo audent, fortiter exequuntur: quanquàm perrarò temerariis conatibus fortunati, aut non pœnitendi respondeant euentus. si tamen responderint, ad vltimum temeritati felicitas non sufficit. At in communi hoc omnium parente sperare summa omnia meritò possumus. Et invidere in sanè tibi Roma *VRBANVM*, ut Chrysostomus Petrum & Paullum, magis quia Octauum, qui numerus Ambrosio spei & virtutum perfectionem designat: nisi scirem non Romanis tantum *VRBANVM*, sed omnibus parentem esse; noménque hoc Magnum non vni vrbi, sed omnibus destinato delegisse. Et
nescio

nescio quid non magni, V R B A N I nomen spon-
deat. 1

Primus, martyrio nobilis, meliore Romam
Pontificiamque Sedem purpuravit purpurâ, quâ
quâ ab illa purpuratus fuerat.

Secundus, scriptis clarissimus. magis etiam
quod de eo merito dici possit:

Nec Romula quondam

Ulo se tantum tellus iactavit alumno.

Hec pietas, hec prisca fides, inuictâque bello

Dextera!

quâ propellente factum, ut septingenta Chri-
stianorum peditum millia, equitum millia cen-
tum, Godefrido Bullonio duce, Palaestinam pe-
terent, non felici magis euentu, quam memo-
rando conatu.

Tertius, nescias pietate an animo maior. qui
captâ à Saracenis Ierosolymâ cum superesse
nollet, ad meliora à Deo rapi precibus meruit.
dignior qui diu orbi præesset, quam orbis qui
diu hoc potiretur.

Quartus, generoso & prudenti ausu, contra
Manfredum Saracenorum copiis subnixum, crucē
erexit, hostem pepulit, pacem Italiæ dedit.

Quintus, rarâ omnino virtute, & animi robo-
re Vicecomitem Barnabonem incubantem Ita-
liæ, & extrema Ecclesiæ minantem in ingloriam
coniecit fugam.

Sextus, schisma tulit. Italiæ, Germaniæ, Hun-
gariæ manibus vicit, priuati publicique Iuris
peritissimus, & Sede dignus, & Sedes illo.

Septimus, vir omnino magnus pietate, mori-
bus, eruditione: de quo illud credas vaticinantis
Poëtæ:

*Ostendent terris hunc tantum fata, neque ultra
Esse sinent.*

—— *Manibus date lilia plenis,*

Purpureos spargam flores.

De VII I. taceo, si dixerò illum esse, qui ab omnibus meritò eligi debuerit, & ex omnibus V R B A N U M. O mortuæ meæ litteræ! viuētis: cū in hoc vno diuinitus dato, non virtutes tantū, sed litteræ viuant omnes, quæ in singulis aliis vllō sæculo vixerunt. sperate. tempus hoc cælo concessum, in quo sub doctissimo Pontifice, docti indoctis imperare possent.

C A P V T X X I X.

*Non conferat in vnum prima, aut plura regni
munia.*

Æ M V L A T I O N E M hæc prouocant. profiliunt exinde odia, quæ solo plurimū ferro & sanguine ponuntur. Augustus publica munia solebat diuidere, ac noua etiam excogitare, vt, cū pluribus benefaceret, plures obstrictos teneret. In vnum verò omnia prima regni contulisse, dominum propè delegisse est. noli mi Princeps, ne, dum plures orientem hunc solem venerantur, occidas: & , cū ab huius manu regia ferè beneficia fluant, hanc dexteram pro regia habeant: cumque benefacere plurimis possint, deuinctos sibi arctius plurimos habeant, quā vt regia illos dissoluat manus, aut salus; quo

*Periculi res
plena vni
prima regni
munia com-
mittere.*

quorūque fidā operā vtantur, si dignum aliquid scepro audere lubeat. nimis fidos admi-
nistros & propugnatores beneficia faciunt, ac
pro armis & ferro munera sunt. ne crede. Nemo
adē Regibus amicus est, qui scepra negligat.
negligit, qui habere cū possit, non accipit: ha-
bere potest, quisquis potentiā & gratiā supra
Regem creuit: creuit, cui prima quæque regno-
rum concredita, & per quem ferē dona & be-
neficia à regia nube depluunt. Et non huic pa-
rere dulce, cui obstrictos se sentiunt, quotquot
regiis opibus & honoribus aucti? non est hoc,
amare. est se regnūque perdere, cū nihil huic
desit præter nomen, & audaciam ad regnum.
audebit verò, quisquis potest. nimis amica ho-
mini purpura, nimis in votis scepra sunt. Se
ergo regnūque in discrimen Rex coniicit,
quisquis in vnum prima omnia coniicit. Mero-
uæos qui nouit & Capetum, scit quid velim.
Sed neque amat hunc ipsum, quem tot honori-
bus opibūque Princeps obruit, vt cuius vitam,
omnium æmulationibus, odiis, ferro obiiciat.
adē vt inter beneficia non putem reponi posse
nimium hunc Principis in vnum affectum, cū
ferē ingentibus præcipitiis ingens hic fauor
claudatur. Et sanē perpauci talium siccā morte
vitam finierunt. Quid? quod non rarē solæ opes
& honores, sæuendi causam Regibus dede-
runt? Quo fit, vt nimij hi Regum amores me-
tuendi magis sint quàm amandi, cū rarissimē
æternent, plurimūque in odia vertantur, se-
curibūque ac fune finiantur. Plenæ omnes hi-
storix sunt: nec vllum propē sæculum sæcun-
dius nostro. non tango notissima Germaniā,

Hispaniâ, Galliâ totâ. Hoc dico: prudens alieno exemplo, infida fortunæ munera, & inter risus ferrum ac præcipitia timet, exilia, vincula, sanguinem, populi furorem. Et sanè perrarò diuturnant citò nata. nec ferunt ætatem, quorum accelerata magnitudo est: ferunt, quorum lenta & tarda est.

Non quòd nihil permittendum Principi iam munerum largitione putem; sed ne vniuersa sua in vnum, aut perpaucos effundat. non faciet, si affectus suos rationibus temperauerit, si præteritorum meminerit. Scio discrimina in Regibus, vt in aliis, nasci à virtute & amore. illa nemo meritò damnabit: nam cùm suus amor virtuti debeat, maiori maior debetur. Et ordinè etiam dignitatũque discrimina Regi tenenda sunt. quæ si confundas, nihil est ipsa æqualitate inæqualius. pro virtutum ergo magnitudine dignitates erunt.

*Non est tutũ
Regi ab vno
suorum pen-
dere.*

Neque tamen has ita in aliquem effundat, vt totus ab vno pendeat. nemo Regum pædagogũ admittit, nisi Regem velit. Rex est qui imperat: non quem diadema vestit. admisit Rex imperantem? Regem admisit.

Quid? quòd, vbi regnum in vnus ius atque ditionem concessit, cæteri omnes, strenui, boni, nobiles atque ignobiles, vulgus audiunt; vni obnoxij. à cuius nutu & voluntate cùm pendere cogantur, aut toti in illum eunt Rege destituto, aut nascentibus odiis cum potentia, armis se in libertatem vindicant, potentiam euertunt, & simul regnum.

*Odiorũ caus.
sæ. plura in
vniũ cõferre.*

Neque vlla maior odiorum materia est, quàm cùm in vnum omnia conferri viderint. hinc in vnus

vnus caput doli & fraudes. Non succedunt? ad aperta decurrunt arma. Vt taceam regnorum pericula: cùm enim vni omnia committuntur, propior iam regno est. Et quid facilius, quàm amicos parare, & regiâ fortunâ vti augendæ potentiæ? Quid si ærario etiam imperet, quid vetat regiâ pecuniâ eos sibi obstringere, quos vetus nobilitas, noua egestas, audere docuit? ac promptissimum quemque manu & linguâ sibi iungere? primis etiam quibusque regni muneribus fidissimos sibi præficere? varios deinde regni proceres affinitate sibi connectere? quod vbi sit, quid ad regnum præter nomen deest: quid ad nomen præter audaciam? vt voluisse, occupasse sit. & quis non volet, cùm possit?

In plures ergo, qui saluum regnum volet, potentiam diuidat, & pares statuatur plures. neque enim facile in paritate dominatus exsurgit. Scio modicis rebus æqualitatem faciliè haberi: at vbi potentia creuit, difficilè paritas tenetur. Prudentis tamen Regis erit, vnus potentiam alterius potentiâ deprimere, vt mutuus metus mutuam potentiam teneat. quare nec munia, à quibus regni robor pendet, vni tribuet, aut pluribus quos sanguinis necessitudo iunxit; maxime si inter illos aliquis sit potentiâ, ætate, auctoritate reliquis maior. facilis enim ad hunc accessio reliquorum erit.

Huc accedit, nihil propè magis noxium regnis esse, quàm si in paucos omnia Regum beneficia conferantur: nam & tales segres ad obsequia redduntur, cùm nihil superest, quod aut Rex date, aut illi sperare possint: & reliquis ad fortia
animus

*In plures
prima regni
munia con-
ferenda.*

animus concidit, cum viderint ad paucos omnia deuolui, nec virtuti, sed affectui locum esse. Et dictum verè est: *Crescere Principis potentiam, si plures potentiâ pares habeat, minoribusque periculis regna exponi.* Quis enim audeat in paritate supra reliquos se efferre, aut de regno cogitare inter æmulam potentiam? aut quis prudens parium vota speret? nemo præferri sibi parem patitur, vix superiorem. Quare in magna opum & dignitatum potentia, extra metum & periculum Princeps erit. parium namque sociorum timor manum, ferrum, animos continebit. nec quidquam ad reprimendum potentius; quàm metus à vicino.

Paritas æmulationem parit. hac regno utilis.

Quid? quòd paritas æmulationem prouocet: æmulatio verò in officio singulos teneat. nimis enim solers & oculata æmulatio est. nihil patitur tectum, nihil inaccusatum in æmulo. nulum etiam secretum æmulationi. gaudet proflire, & felicitatis suæ magnam partem putat, si prodere damnanda & punienda in æmulo possit. Vnde fit, vt ex æmulantium studiis, notissima omnia sint Principi, mores, vita, molitiones, dicta, facta, ac cogitata propè. Nimis ingeniosa æmulatio est, abditissima scrutatur & eruit.

Plures proinde assumi, rebûsque præfici à Regibus velim, pro regnorum nimirum latitudine, negotiorum mole. Itatres Darium delegisse legimus, ad quos Persarum Satrapæ, Persici negotia regni deferrent. plurimo sibi Alexander Magnus à Diis immortalibus fidos dari optabat. septuaginta Iethro monitu delegit Moses, qui in excipiendis populi contro-

uer

uerſis ſubſidio ſibi eſſent.

Et certè conſultiffimum ſemper habitum, plures rebus adhiberi, ne, vno percunte, auxilio omni Rex regnūque deſtitueretur. Quid? quòd in pluribus à mutua, vt antè tangebam, æmulatione ſollicitudo exſurgat maior, dum placendi creſcit ſtudio, fidēque per labores probandi. Nec metus à multis, ab vno eſſe poteſt. in officio mutuo ſe plures continent. In ynum ſi omnia conferas, audacia illi pro diademate & ſceptro erit.

*Plures rebus
admonēdi, ne
vno moriente
Rex auxilium
deſtituatur.*

*Ab vno me-
tus, nō à plu-
ribus.*

Grauiſſimus verò Regum error eſt, vni plu- rima regnorum munia concedere. neque enim tam validus aut ferreus quiſquam eſt, vt omni- bus vnus ſufficiat, vnus tam varia feliciter ſolus expleat. Non ſumus Angeli, vt nulla nos nego- tiorum moles fatiget, nullis frangamur. Homi- nes ſumus. atteritur hæc caro, & liqueſcit. ne- que quas attulimus ad res arduas vires, ſpirituū beatorum more, referimus: delumbatas ferè, & deartuatas, & primæuo robore ſuo deſtitutas, referimus.

*Vnus plu-
ribus obeundus
non ſufficit.*

CAPVT XX X.

Gubernationibus quomodo proſpiciendum.

PROVINCIA RVM verò magnarum guber- natores, nec perpetuos velim, nec annorum multorum. Libertatis ſecuritas, Mamercio di- ctatore, ſi magna imperia diuturna non eſſent. Fuit in eadem ſententia Cæſar, cū Præturam vltra annum, Conſulatum vltra biennium non puta-

puta-

putauit protendendum. suo enim exemplo didicerat, quid magistratus prorogatio ad occupandum regnū posset. Quo verò longiùs diffitæ prouinciæ, & exercitus in manu est, hoc amplius periculi est. posse & imperare nolle, vix huius sæculi est. Et quam faciliè vir fortis militum animos sibi parer; ignorare nemo potest, dum æquat cum milite labores, obuio & fortuito vititur cibo, veste habitūque vix à gregario discrepat, segnes exemplo sapiùs quàm pœnâ coërcet, magis que illorum vitia quàm laudes dissimulat, prædisque suos onerat. ipse per omnia miles, si prædam excipias, nullo negotio militem fortiùs sibi obstringit, quàm vt rescindi nexus hic possit. Maxime, cum in remotis prouinciis, plus illarum Præsidibus permittendum sit. Summa tamen primæque exercitus munia regiâ voluntate conferri consultum fuerit. aliquos etiam fidos designari exploratores, qui dicta, facta, consilia studiosè rimentur, & periculorum Regem moneant.

*Prima exor-
citus munia
regiâ aucto-
ritate confo-
renda.*

*Prouinciârū
propugnacu-
lis à Rege nō
alio præficiē-
di:*

*Gubernatio-
nes magnas
diu vni non
esse commit-
tendas. CA-
ROLV S V.
monet.*

In quo illud etiam obseruatu dignissimum puto, vt prouinciæ illarum propugnacula, priuatarūque urbium ac arcium, à solo regio imperio pendeant, cuius solius voluntate præficiantur, qui imperaturi locis illis sunt. Magnæ hæ habenæ prouinciæ Gubernatoribus sunt. & obstricti regio beneficio priuatorum locorum Præsides, non faciliè pro Gubernatore in Regem armabuntur.

CAROLI V. magni Imperatoris ad PHILIPPVM filium prudens consilium est, ne gubernationes magnas diu sub vno capite pateretur. neque enim satis tutò magna imperia à Regibus diu

diu vnus fidei committi, quòd animos continuatio suggerat, & audere multa supra priuatam fortunam, ipsa imperandi consuetudo doceat. gustata enim ab inassuetis regnorum commoda, regna suadent. Et graue sanè videtur, ab imperiis, quæ ipsâ morâ quasi in naturam transierunt, ad nulla descendere, à summis fastigiis ad ima vallium. Nam licèt tutior in his ambulatio, placent ferè tamen magis speciosa in sublimibus pericula. securitatem in plano negligimus, intuta præcipitia amamus. Sed & prospectus è montibus diuinum, humanum è vallibus referre videtur. amplectimur proinde magis pendulam, & ipsâ magnitudine sui dubiam magnitudinem, & quasi è sublimi inferiorum calcationem; nec montium interim præcipitia, vt nec vallium securitatem intuemur. tanquam si venenarius calix peregrinitate suâ delectet. de raritate enim desideria crescunt; certiora, quia vsu iam plebeia, contemnimus. Suadebat idem Imperator, ne faciliè primis regni sui illa munia committeret, ne, quo nascendi prærogatiuâ propiores regno sunt, hoc audentiores essent. tutius talibus augustas credi legationes, honorum & sumptuum plenas, in quibus & periculi nihil est, & de opibus etiam, dum regiam suamque tuentur dignitatem, aliquid decederet. ne nimia potentia supra priuatam fortunam eos extolleret. Mediæ verò fortunæ hominibus, quos nec domestica, nec amicorum potentia iuuaret, tutiùs gubernationes magnas committi.

Sed neque connexarum regno prouinciarum perpetuos velim Gubernatores. neque enim

*Prouincia
viam regni
connexarum*

*perpetui ne
sint Guber-
natores.*

enim consultum est, prouincialium animos tam potentes in Præsides affectus induere, ut præter regium nomen nihil his deesse videatur, nec nisi per horum manus regia ad eos beneficia veniant. cum non immerito Regibus suspecta nimia suorum potentia esse possit. quo certior tutiorque regno frequens mutatio erit.

*Videat Prin-
ceps quibus
regni propu-
gnacula cõ-
mittat.*

Videbit etiam Rex serio, cui regni sui propugnacula, hostibus vicinisque Regibus limitanea, committat, cum ab his regnorum fortunæ pendeant. Hos etiam nolim perpetuos. ne, si qua fortè inter hos & Regem offensio nata fuerit, vicinorum Regum animo subeant cogitationes, & propugnacula in terrorem vertantur. Atque his interim à regia manu substituentus aliquis, qui absentium vicem gerat. quem expediet regiâ munificentia in officio & fide contineri: & à regia, non à Gubernatoris liberalitate & affectu totum pendere. ut habeat hic, quem vereatur: domesticumque molitionum suarum testem æmulumque, iisdem mœnibus inclusum videat; non sanguine, non affinitate sibi iunctum, non beneficiis obstrictum.

*Propugnacu-
lis de cõmea-
tu prouiden-
dum.*

Propugnaculis verò eiusmodi limitaneis de omni comœatu bellico domesticoque prospiciat, nihil adeò ut deesse illis patiatur, etiam in summa pace, quod ad hostilem anni vnus obsidionem perferendam necessarium sit. Benè firmasse, benè prospexisse, benè sibi & regno consuluisse est. Nec annus labatur, quin virum fide dignum, rerumque talium intelligentem, lustrandarum rerum omnium causâ submittat, illumque non inferiore aliquo sociatum.

Maximam

Maximam verò maritimorum locorum curam habeat, à quibus ferè regnorum incolumitas pendet, quæque obuia magis, & opportuna hosti inferendisque damnis sunt, & difficilem terra marique oppugnationem sortiuntur; cum neque maria claudi possint, & facilis hosti aditus, & expedita quiduis suppeditandi ratio sit, & impediendi ardua.

Maritimorum locorum maxima cura Regi habenda.

In quibus providendum, ne loca hæc maiore præfidiario milite impleat, quam propugnatio deposcit. impedimento enim sibi, & grauis multitudo est, locorum angustis arctata. nec ultra comineatum miles admittendus. Peccatum in hoc genere his bellis ciuilibus non semel est, & solo milite, nullo sanguine fuso, nullo dato, inuictæ in illam diem vrbes in hostium potestatem venerunt. Excludenda dein ab his locis imbellis multitudo, quæ animos adimere militi solet, & non minimam comineatus partem, fructu nullo absumere.

Nimia præfidiaria sapi propugnaculis noxia.

Dabit etiam operam, vt, cum in omni acie & loco benè miles armatus prodeat, tum in regnorum propugnaculis maximè. benè enim armati, benèque compositi pauci, pluribus inermibus, incompositis, & imparatis, & inassuetis ad arma, potiores sunt. Exercitatissimos proinde, armisque assuetos regnorum munitionibus præficiet, non Duces modò, sed & milites.

In propugnaculis regnorum bene armari militem oportet.

CAPV T XXXI.

Bella non suscipiat, nisi necessitas cogat.

*Bella sine
causa susce-
pisse, semper
pocuit.*

PERPAUCIS, sine caussa suscepisse, inulta fue-
re. ac licet in nonnullis, quædam sub initiū
felicitas subtriserit, funesto ferè exitu inauspica-
ta hæc bella signarunt. Nicanor mihi testis, Bac-
chides, Timotheus, Gorgias, Apollonius, Lyfias,
Antiochus. Holofernes, Alaricus, Viriges, Attila,
Totila, Pyrrhus, Afrubal, Hannibal, Xerxes,
Cofroës, Cræsus, Crassus, Andriſcus Macedo,
Perſeus, Iugurtha, Cimbri, Teutones, Miſchida-
tes, Tigranes, Syphax, Spartacus, Viriarius, Serto-
rius, Carilina, Antonius. Quæſierunt hi hoſtes.
inuenerunt. & morte tandem infelici ſua & in-
gloriâ omnes propè temeritatem notarunt. Poſ-
ſem hîc plures ex omni gente, poſſem ætatis ſu-
perioris & noſtræ exempla referre. abſtineo, ne
perpetuo ſanguine funeſtem hanc chartam. Ne-
que ignotâ cuiquam Gallia eſſe poteſt, Germa-
nia, Bohemia, Hungaria, Italia. hoc certum, è cen-
tium bellorum motoribus, vix vni alterive con-
ceſſum, vt ſine ferro aut veneno irent ad plures.
Non ſoler Deus proſperare hoc conatus. & ferè
refugam videmus rerum naturam in iniquo fer-
ro. Perpaucis verò improbitas ſua impunita ſte-
rit, raroque in poſteros tranſiit felicitas. Vni fors
aut alteri è millibus læta fuere: reliqui, dum no-
ua regna quæſiuerunt, alienis & ſuis exciderūt.
Quid, quod à minima sæpè manu, prouocata, &
in arma ire coacta, maximi exercitus ceciderint?

Abraha

Abrahamus in trecentis decem & octo vernaculis quatuor Reges fundit: in trecentis Gedeonis, centum & viginti Madianitarum millia cadunt. Machabæi quantula manus, quam validos gentium variarum exercitus fundunt! Betulia à minimis Palæstinæ urbibus, quantos Assyriorum exercitus, Holoferne femineâ manu obtruncato, cædit! quantos Persarum, non vno anno Græci! quantos Mithridatis terrâ-mari-que Lucullus! quantos Carthaginiensium L. Martius in Hispania! quantos Wandalorum Belisarius, Gothorum Narses, Saracenorum Cataclys, Russorum Ladislaus! Numantia non manibus, non turribus cincta, quatuor neq̃ amplius millibus pugnatorum, populum orbis terrarum viribus fultum, quindecim annis, sub variis Consulibus, magnisque exercitibus sustinuit: nec opprimi nisi à Carthaginis euesore potuit. Intuere Theodosium paruâ & imbelli manu in Eugenium & Maximum euntem, Heraclium in Cosroem; Pelagium, Ramirum, Ferdinandum in Mauros. Paruâ hi omnes manu validissimos strauerunt exercitus. animos causæ bonitatis & necessitas addiderat. Quâ fretus Princeps, non numerabit hostes, sed animos suorum; & audebit pro suorum regni-que incolumitate vitam ponere, gloriosius inter medios armatos hostes animam positurus, quam ignauam & precariam vitam habiturus.

Quâm inuitus ad bella iuerit ALBERTVS, nimis orbi notum: quàm verò fortiter armis armâ represserit, æquè testatur orbi est. Et quis non crederet totis suis prouinciis excindendum, cum hinc arma starent Gallica, illinc Anglica,

ALBERTVS
Austriam fortiter armis armâ repressit.

inde tot propè Reges, quot Germaniæ Principes, inenodabili in religionis interitum fœdere iuncti; & omnium penè gentium opibus, armis, milite, animis suffultus Batauus? Tot uno tempore, terrâ marique hostibus cinctus, stabat interritus. nec aliud interim oculis auribusque insonabat, quàm hostile. Neque tamen tutatus se solùm, sed arma inferre vltro est ausus, tutius arbitratus minitantiem hostem aggredi, quàm expectare; cùm ferè maiores inuadentiũ, quàm tutantium se animi sint. Video admirabundum Punico secundo bello exclamantem Florum: *O horribilem in tot aduersis fiduciam! ô singularem animum populi Romani! tam arctis afflictisque rebus, cùm de Italia sua dubitaret, ausus est tamen in diuersa respicere: cùmque hostes in iugulo per Campaniam Apuliãque volitarent, medianque iam de Italia Africam facerent; eodem tempore, & hunc sustinebat, & in Siciliam, Sardiniam, Hispaniam diuersa per terrarũ orbem arma mitebat. O populum dignũ orbis imperio! dignũ omniũ favore, & administratione hominũ ac Deorũ!* Et ego minore iure exclamem? O nullis auditam sæculis fiduciã! ô animum in Principe, humano maiorem! Cùm de prouincia sua non immeritò non semel dubius, deque salute sua suorũque sollicitus staret; exercitum non magnum variis temporibus annisque partitus, ausus fuit per suos absens in Italia pugnare, per Georgium Bastam in Transilvania, per Bucquoium Comitem in Austria, Morauia, Hungaria, Bohemia, per Marchionem SPINOLAM in Palatinatu, Iuliæ & Cluiæ Ducatu, per alios in Westphalia, præsidia insuper valida Neapolitano regno transmittere, & pro-

tuinciam suam præsens, per quam omnium propè gentium hostes volitabant armati, prudenter, fortiter feliciterque tueri, consilio, manu Macte animis Princeps Magne, non Romano tantum, sed orbis imperio dignissime, nulla te tacebit ætas. cum mediam de Belgio tuo Galliam, Angliam, Germaniam hostes tui facerent: & hos sustinuisti, & omnium ubique audaciam repressisti, & imperio tuo, Catholicique Regis, & Austriacæ Domui provincias, & erepta per summum scelus regna, adiecisti. Hæc qui faciat, non illum meritò primis orbe toto Regibus & Imperatoribus conferam? Non fuit maior Belgio dies, quàm quo te Principem patrèmq; accepit. Non fuit tristior, quàm cum tecum insepultum in marmori iacuit.

O quis ALBERTOS orbi Principes omnes largiatur, qui nunquam in bella eant nisi prouocati; nunquam arma norint nisi irritata, nullum ferrum nisi inimicâ incude procusum! felicia regna, quibus aut ALBERTI imperent, aut illis similes! Nobile huius rei exemplum in Theodosio apud Aurelium habemus: *Bella non mouit, sed inuenit.* & in Hadriano apud Cassium: *Nullum ipse bellum mouit; quòd si motum erat, composuit.* Dignus Christiano nomine, & qui ALBERTVS dici posset. O multi! imò omnes tales! non gement tot Christianorum myriades sub barbato Turcico imperio. nunc, dum mutuis cadimus telis, mutuis provinciæ ardent flammis, & in Christiano iugulo Christianum sæuit ferrum, nudum latus barbaris obijcimus: qui solis Christianorum odiis tutò dominantur, & orbi propè imperant exarmato. Non facerent si ALBERTI

omnes moribus essent, de quo, quod de Flavio Claudio Trebellius, dici potest: *In quo sic magnorum Principum bona fuerunt, et non ab alijs exemplum caperet, sed etiam si illi non fuissent, hic ceteris esset exemplum.* Cùm in alijs virtutibus omnibus, tum in bellica moderatione, exemplum posteritati statui æternum ALBERTVS. potest. de quo illud, quod de Maroboduo Paterculus, dici possit: *Gerbas se ita, ut neque se bello lacefferet, & si lacefferetur, superesse sibi vim ac facultatem resistendi declararet.* Nam licet nunquam nisi alienis armis ad arma compelleretur, semper tamen illa parata habebat.

CAPVT XXXII.

Quid faciet Rex, moturus exteris bella?

*Ante bellum
quid facien-
dum Principi.*

MOTVRVS exteris bella, vicinorum ante Regum animos paret, ne aut ad hostem, palam, aut secretò defleant, ne pecuniâ, ne consilio iuuent. Nihil verò in hac re consultius, quàm si eos, à quibus ferè regna pendent, obstrictos aut amicos habeat: aut sanè è primis illorū aliquos. munera quid non possunt? Limitanea etiam oppida milite, commeatu, propugnaculis firmata securitatem pollicentur, maximè cùm longiùs abducentis à regno exercitus. Quod si Princeps ipse exercitus sui ductor fuerit, videat ne regno suo illum præficiat, qui imperare possit & audeat, qui potentiâ, qui gratiâ, qui bello claus, & cui animus ad magna, & ætas imperio par, ingensque potentium amicorum turba, qui opibus

bus & dignitatibus primi, aut è primis. Si filium habeat, tutius illi gubernacula credet. Fratri nisi probatissimo vix credet. ignara ferè fratrum sceptrum sunt. Senatui potius supremo, quam vni, regnum committet. à multis damna timeri non possunt, quæ ab vno possunt. nec facile plures in absentem Regem insurgent. vnus, cui omnia regni robora in manu sunt, quid non audeat? Et ferè in multis aliqui sunt, quibus fides Regi suo stabit. nec tam facile in vnam sententiam, aut caput vnum coalescent plures. sed & æmulatio exurgit in multis. in vno expeditiora sunt omnia. audeat tantum. audacia illi pro muro & ferro erit. Et nil facilius, quàm vbi armaueris dextram, inermes reliquos opprimere, & fœdera cum vicinis Principibus, largis sponsonibus inire: munificentia etiam ostentatione, seueriorisque disciplinæ relaxatione, comitate, benignitate, perhumanâ vltionem compellatione, adeundi facilitate, maximam mortalium partem non magno molimine ad se trahet. Eò magis, quòd hominum plerique nouis ferè imperiis capiantur. veterum nimirum fastidio, noua concupiscimus: & in spem etiam fortunatum ac dignitatum erigimur. melior semper piscatio in turbido est. Et sperare noua, noua imperia docent.

Consultum verò Principi fuerit bella in externos moturo, vt ita domestica statuat, vt, si à vicinis remotisve regnis bella insurgant, habeat domi quibus sua tueatur. In quam rem magno illi subsidio erit, si quàm plurimos è suis habeat, qui ad omnem euocationem, sacramento Principi teneantur, solis quibus militant menses stipendiandos,

*Domestica
ante bellum
quomodo sta-
tuenda.*

diandos, aut sanè quibus quædam Principum dignitatum aut immunitatum largitiones pro stipendiis sint. Designandus etiam his militiæ Dux foret, sed firmatis regis litteris, quarum resignatio supremo Senatui committatur, non nisi irruentibus bellis exequenda: ut sola hostilia bella Ducem hunc rerum ignarum aperiant. antè indicari nolim, ne meditantis factionibus tempus suppetat. sat proinde erit moneri, cum imperium parare, nec metus ab hoste, nec temporis breuitas permittet. Ad quod etiam iue-rit, si regij hi milites, non ultra hostiles conatus arma circumferre permittantur, aut stipendia faciant.

*In agris ho-
stili excur-
siones faciē-
da.*

Illud etiam probauero, ut, præter hunc belli Ducem, alius à Rege statuatur, qui mediocri ali-qua manu à Rege designanda, in vicina hostilis regni loca iniuriis damnisque accipiendis com- modissima, excursions faciat, & quanta potest maxima damna inferat, ut ab inuadendis alienis, ad sua tutanda hostem auocet. Non magno mi- lite hæc fieri possunt. Quod si pluribus etiam lo- cis hostiles hæc procursions fiant, licet in solâ prædam, incredibile est, quàm hæc ad ponen- da arma momentum adferant. populi clamores, querimoniam, preces, lacrymæ, cædes, prædæ ab- actæ, intuta itinera, commercia repressa, agrorum vastationes, villarum incendia, nobilitati illata damna, metus ab hoste, audaciam reprimet, & consilia mutare & arma coget.

*Hosti alius
hostis paran-
dus.*

Addam, ut huic hosti suo alium paret. spes prædæ, ostentatū regnum, rei opportunitas, fa- cilitas, vetera odia & iura reuocata, noua in- uenta, quæ nunquam deesse Regibus solent,
plurimum

plurimum valent, si per idoneos, & in persuadendo fortes & cautos proponantur. Maxime si, qui plurimum apud Principem illum possunt, cuius arma prouocamus, auro vincantur. Et quis regia spernet dona diuite manu porrecta? Nec deerit auro subactis ratio, Regem suum sub honesti specie, in arma & ferrum impellendi; eo magis quo Regum sudum mores perspectos habeant, sciantque quibus prouocari possint, quibus soleant.

Denique auro vinci hostilis Regis, arma inferentis, putpurati possunt, & quotquot auctoritate, aut priuatis obsequiis, siue in toga, siue extra illam, plurimum apud illum valent, quibus mille rationes aurum suggeret, ut à cogitatis, aut illatis iam armis pedem referant.

*Ano prima
tes hostilis
Regis expu-
gnandi.*

CAPVT XXXII.

In hostilem agrum militem ducat.

FA C T V M à primis belli Ducibus, Romanis Græcis; ab Hannibale, Scipione, aliis. Et ferè maior bellum inferentis, quàm defendentis, animus est. Hinc illud Hannibalis: *Inferimus bellum, infestisque signis descendimus in Italiam, tanto audacius fortiusque pugnaturi, quanto maior spes maiorque animus inferentis est vim, quàm arcentis.* Et res docuit, Trasimenus lacus & infelices Cannæ, & tantum-non Roma subacta, si tam prosequi victoriam, quàm vincere Hannibal sciisset. Hinc etiam illud Sulpicii Consulis ad populum: *Sed utrum in Macedoniam legiones transportetis, an hostem in Italiam accipiatis;*

In agrum hostilem, militem educere consilium.

hoc quantum intersit, si unquam antè aliàs, Punico certè proximo bello experti estis. Rationem Hiero Syracusanus reddit: Vt hostes in terra sua bellum sentiant, minisq. laxamenti detur iis ad auxilia Hannibali submitenda. Factum, & in Africam missus Scipio, cum terrorem Cathagini intulisset, cedere Italiâ coëgit Hannibalem, de patria tuenda, non de aliena occupâda sollicitû. Quid? quod animus in alieno ferè agro militi maior, spe fugæ nouorûmq. auxiliorum adempta. Est in hanc rem illud Taciti de Vitellianis: Propinqua Cremonensium mœnia, quo plus spei ad effugiendum, eo minorem ad resistendum animum dabant. Ita euenit nō semel, fugæ opportunitas fugam suavit: & causam receptui amicus ager dedit. Sed & vxores, liberi, parentes ex propinquo inuitant, & ad se vocant. Rariùs sanè in agro alieno, quàm in suo periisse regna videbis. damna non semel in alieno acceperunt, in suo perierunt. Vt non immeritò apud Antiochû Hannibal neget, opprimi Romanos, nisi in Italia, posse. Exemplo hoc suo docuerat, arceri Alpibus, & armis poterat, nimix fiducix suæ, aut hostilis contemptus pœnas Romani dederunt.

Qua hinc cō-
moda sequā-
tur.

In alieno ergo agro bella paranda, ducendû-
que miles in hostile solum, vt bellorum incō-
moda à te in hostem transferas, inimicâ onere-
tur miles prædâ, horreis pascatur hostilibus, ex-
hauriat opibus inimicam prouinciam; vt hæc,
cûm dâna sentit, bella non amet, deposcat pæ-
cem, aut ab vltima rerû desperatione, plebè in
Principes Magistratûsque suos concitet, dū bel-
lorum auctores in fortunatum suarum iactura
detestatur. Nā si intra viscera hostem accipias,
diplici

duplici malo conflictaberis: miles enim hostilis ac amicus, tuis erit ex æquo grauis, nam vt hostilitatem animo non circumferat tuus, factis nihilo benignior erit, nescit miles, parcere, præda illi ex hostili, an ex amico agro sit, pro eodem habet, satis illi prædam esse. Quid? quod hostis illi sit, à quocunque prædam sperare potest, Et quod mihi amicus animus in hostili facto? nisi quod mitius ab hoste, quam ab amico, fortunis exuiferamus, & magis feriant ab amica quam ab inimica manu & ferro vulnera, aliusque illa in animū demittamus. Atque hinc popularium animos deiectione experieris, & seditio-ribus propiores. Quæ etiam in summa disciplina ægrè vitabis: semper enim ferè irrepit aliqua militaris insolentia ex tanta hominum vndique affluentium collusione. Quod si in hostilem agrum militem duxeris, simul quidquid à militia malorum, in hostem transferes, abduces à tuis, quos faciles ad quæcunque militaria subsidia reperies, quamdiu militiæ ab illis mala auertis. gaudet enim minoribus malis, quisquis se per illa à maioribus eximi videt: nec mala illa arbitratur, sed bona, & vt amica amplectitur, per quæ grandia mala dispelluntur.

Non sum tamen auctor, vt militari libidini occupanda regna, prouincias, vrbes permittat, neque enim quidquam moderatum in milite, scire & perdere didicit, nec aliud. Prudentis proinde Principis est providere, ne dum laxat fræna militi, comiteatu destituatur exercitus, alliciendi potius agricolæ, & militari disciplinâ forti coercendi milites. Et quid imprudentius, quam occupanda regna depeculatione perdere?

*Inhibenda ta-
men milita-
ris petulantiæ.*

perdere? militem contine. melius est diuiti provincie præesse, quàm exhaustæ, & nulli, ne militi quidem, profuturæ. Quid? quoddè rapina, ferro, ignibus, in populo, quem subiicere conaris, nunquam moritura nascantur odia. Atque hinc Romani non rarò victas vrbes ciuitate donabant. æternas sibi volebant. facit amor è beneficiis natus. Ita vel ob solam pulcritudinem intactas seruabant, ne tot docta sæculorum opera momento perderent. ita Massiliam Cæsar, Alexandriam Augustus non passi sunt excindi. tantum potuit in magnis his Principibus veneranda ciuitatum harum vetustas, elegantia, conditores. Scio non rarò, quas præsidio firmare non poterant, vrbes diruisse, aut munitionibus, vt hostilem potentiam frangerent, nudasse. factum à Mario, Cōrbulone, Didio, aliisque. illas etiam, quæ frequenti perfidiâ aut rebellionē nobiles essent, excisas: delinquentibus in pœnam, reliquis in metum. sed & in prædam quasdâ datas, hosti in terrorem, militi in laborum ac sanguinis præmiationem. factum à Cæsare, ab Acilio Consule, à plurimis. Perrarò tamen ad hæc veniendum, nisi regni tui bono, perditas vrbes velis & excisas. In his, non nego, ferro & ignibus sæuitum: memorem tamen etiam in his velim Principem humanarum rerum, & plus semper clementiæ spargere, quàm iustitiæ: laudatus à veteribus Corbulo, quodd per hostiles agròs, villas, vrbes illæsas duxisset exercitum, ne spem veniæ auferret, & ex desperatione in ferrum ageret.

CAPVT XXXIV.

*Adnitendum Principi, ut hostilia & suorum
consilia ac molitiones intelligat.*

AB hostilium consiliorum cognitione quo plura pendent, eo studiosius incumbendum Principi, ut illa nouerit. nec parcendum hinc laboribus, non opibus; ut, si vlla in re profusio necessaria; hinc sit; cum nobilissimæ ferè victoriæ ab hostilium consiliorum cognitione venerint, damnaque ab hac vna propulata fuerint maxima, & in interitum, ni scirentur, regnorum itura: Vt auisim affirmare, maiores plerumque triumphos ab hostilium molitionum cognitione, quam ab armis & ferro venisse: maioræque damna ex hostilium consiliorum ignoratione, quam è valido milite accepta. Magnus in his Alexander; nec scire tamen omni adhibero studio potuit, quid post suorum cædem Darius meditaretur, quid ageret, ac ne quidem per quæ loca exercitum duceret, vñtato apud Persas more, Regum consilia tegendi. Miratus Alexander. laudauit. imitari voluit. Cæsar etiam, Germanorum Belgarumque, non tam virtute, quam hostilium consiliorum accuratâ perscrutatione, victor stetit, cum conatum illorum præueniret, & meditata arma antè frangeret, quam parari tuo possent, & antè singulos inaudita celeritate euerteret, quam coalescerent aut in vnū corpus coirent. nimis etiam validi, ut Cæsarem pellerent, si iungere copias potuissent. Fuit in

Magni semper Duces primam victoriæ partem in hostilium consiliorum cognitione posuerunt.

hoc

hoc non inferior Iugurtha, siue cum sua te-
 ret, siue cum hostilia consilia scrutaretur. Nec
 minor Hannibal: cuius victoriæ plus de ante-
 prouido astu, quàm de virtute habuerunt. Ser-
 torius sanè non aliâ ferè arte Romanam lusi-
 tulit, fregit potèntiam, victorque Hispano mi-
 lite Romanus Dux, contra Romanos stetit. Nec
 minus laudatus Scipio, cum Syphacis consilia
 noctu prauertit, flammæque & ferro meditata
 præscidit. Animos verò L. Martio, hostium post
 victoriam securitas dedit; audaciam ab hostili
 neglectu mutuatus, duos victores exercitus mi-
 norè manu, quàm multorum postea Regum
 mensæ conuiuias caperent, prostrauit. Magnus
 etiam consiliorum Pyrrhi indagator Curius,
 magnus Hannibalis Fabius; & vterque iacen-
 tem restituit rem Romanam, cum hostilem
 astum astu pellerent. Non inhærebo his diu-
 tiis. plenæ sunt gentium vndique omnium ver-
 naculæ Historiæ.

*Habeat Prin-
 ceptis à quibus
 suorum studia
 cognoscat.*

*ut de nobis
 in secretis
 auctoritas*

De suorum studiis ac machinationibus hoc
 dicam. Habeat apud se viros integerrimæ men-
 tis & manus, quos nulla libido, nullus è pro-
 pinquo sanguis, nullum è remoto odium, nullum
 aurum, nullus speratus honor, nullus metus à verò
 bonoque auertat: qui prudenter & cautè in ci-
 uium mores, dicta, facta, boni solius publici stu-
 dio, perquirant: quique non nisi explorata &
 certa ad Principem deferant. Factum à PHILIPPO
 II. Hispaniarum Rege. Magna tamè hinc opus in
 omnem partem circumspectione. Nam & defe-
 rentes extra cuiuscunque affectus, amici ac ini-
 mici, suspicionem esse debent. & cum facilis ad
 audiendum, ad credendum tardus sit Princeps,
 tardior

tardior etiam ad statuendum. ac nō nisi re compertissimā quidquam statuer. cogitabit eos qui denuntiant, homines esse, falli posse. Et quoties oculis labimur, saepius etiam auribus, animo saepissime. Neque tamen negligenda hæc sunt. reo interim pars inelior seruanda. Consequetur Princeps his modis, vt nihil illum alieni, nihil regni sui fugiat. illud auro impetrabit, hoc fidorum denuntiatione. Vnde fiet, vt neque improvidus obruatur, neque imparatus hostem sentiat, neque ignarus periclitetur; neque scelera impunita, neque facta impræmiata maneant, neque in munerum erogationibus, neque in personarum delectu fallatur.

CAPVT XXXV.

Peritissimos deligat militia Ducētores.

CV M ab his vniuersa res pendeat. vt in vita Scipionis audeat magnus Historicus: *Tanti esse exercitum, quanti imperatorem, verè proditum est. sic, redactō in disciplinam milite, commissa acies: quòdque nemo visurum se unquam sperauerat, factum est, vt fugientes Numantinos quisque videret.* Et de Coriolano ex Romano Volscorum Duce: *Vt facillè appareret, Ducibus validiorem, quàm exercitu rem Romanam esse.* Et alibi: *Vt facillè conuenerit inter Romanos Latinosque, utriusque partis L. Manlius dux fuisset, eius futuram haud dubiè victoriam.* Et sanè iisdem militibus, quibus rem Romanam contra Iugurtham Albinus perdiderat, Metellus restituit, & fugere victorem

A Ducibus peritis omnis militia pendet.

Non perpetuo vni exercitum Princeps committet.

victricem docuit, vincere victos. Factum idem à Scipione in Hispania, à Pompeio, à Graccho, Pelopida, Epaminonda, ab aliis. Nec vni tamen perpetuo exercitum committet, ne agnoscere exercitus incipiat dominum, non Ducem, & precario Rex regnum teneat: cum ille verè teneat, in cuius manibus robor regnorum sunt, cui si accesserit animus, cum Romanorum plurimis accedet regnum. nec quidquam facilius, quàm regno potiri, cum exercitum teneas. Nimis magna & Reipub. funesta apud Romanos documenta sunt; in Magno Pompeio, Cæsare, Sylla, Mario, Belisario, & Narsete sub Iustiniano, Stilicone, & Rufino sub Honorio & Arcadio. Cum verò non raro præficiendus aliquis exercitui sit, prima tamen militiæ munia Rex erogabit: vt obstrictos sibi habeat, non Duci; & sperare miles à Rege militares dignitates, & factorum in bello fortium præmia discat, non ab exercitus ductore.

Non facile plures pari potestate vni exercitui præficiendi.

Vnum etiam, non plures exercitui pari potestate præficiendos; docet Liuius: *Tribuni militum consulari potestate quatuor creati sunt. quorum vnus vrbi præfuit, tres delectu habito profecti sunt. Veios, documentoque fuere, quàm plurimum imperium bello inutile esset; tendendo ad sua quisque consilia, cum aliud aliq. videretur, aperuerunt ad occasionē locum hosti.* Vt verè dictum: Saluberrimum in administratione magnarum rerum est, summum imperium apud vnum esse. Apud vnum voluit esse ALBERTVS. etiam dum bella non vno loco arderent, vnus SPINOLÆ Marchionis ductu geri voluit, quæ vnus Regis ærario gerebantur, quamdiu locorum vicinitas vnicum imperium permit

permitteret. Videbat prudentissimus Princeps, non facile sub diuersis Ducibus, mutuis quibus mutuo egebant subsidiis, succurri posse. nec vnquam in vnum ærarium conspiraturos diuersorum exercituum Duces. nec diuidi tamen ærarium consultum esse: cum pro variis fortuitis rerum euentibus, nunc maiore hinc opus pecuniæ, minore alibi. & vertietiam has vices solere, & posse. sed neque facile coalituros duos supremos militiæ Duces, si qua necessitas exercituum coniunctionem deposceret. nimis æmula de imperio potentia est. & perpaucos Neronēs & Salinatos, plures Paullos & Varrones, prudens sciebat. quare tutius vnus, quam plurium imperio Rempubl. & exercitum committi posse putabat.

CAPVT XXXVI.

Militarem disciplinam fortiter tueatur.

DISCIPLINÆ verò militaris fundamentum stipendia esse Cassiodorus arbitrat. cuius hæc verba: *Disciplinam seruare non potest* Stipendia vti
militaris ba-
sis.
icimus exercitus, dum quod deest, semper præsentit armatus. Hinc seditiones illæ militares, & funestæ à Repub. secessiones, in regnorum interitum natæ. O quoties his Belgium, militarium seditionum pila & lusus! Grauis omnino error. aut non scribendus miles, aut non proroganda stipendia. non scribere, & inermem prouinciam hostibus obicere, fatuum; scribere, & prouinciam militi, quem scripseris, in prædam tanquam hosti exponere, vt vnde sperari salus, inde

*Militaria sti-
pendia regni
uestigalia ne
superent.*

timeri hostilia debeant, non minus fatuum est. Dabit proinde operam Princeps, ne stipendia, consuetaprovinciæ uestigalia, & regnorum vires superent; ne aut provinciæ nouorum uestigalium impatiens alium dominum circumspiciat, aut exhausta langueat viribus destituta, omni nimirum meliore sanguine educto, quo regnorum valetudo bona roburque continetur.

*In hostili a-
gro miles aleretur.*

In quo genere video primos quosque belli Duces serio elaborasse, ut in hostili agro ex hostili præda miles aleretur. est in hac re illud Catonis: *Miles si strenuus est, ex hostico alatur, si ignavus, indignus nomine Romano est.* Quid? quod etiam raro stipendia, aut integra, aut non postrema pars, ex hostili agro paretur, cum oppidatim ac pagatim, pro facultatum ratione, certa pecunia militi numeranda exigitur. Quod non magno molimine fieri potest, si in hostili agro cuique domus sua sacra sit, nec militatibus direptionibus prædisque exposita. Et sanè, si militem, semel institutâ secessione, ex amico agro tantum colligere videamus, quantum menstruis militaribus stipendiis persolvendis satis est, quis negabit eadem industriâ in hostili agro uti posset?

Illud etiam Hierosolymorum Regibus solemne fuisse video, ut aulæ ministeria partitis mensibus, primis copiarum Ducibus committerentur, ad eaque munia ij maximè vocarentur, qui cum imperio exercitibus aliquando præfuisent; idque, tum ad imperij maiestatem, tum ut obsequi discerent, qui imperare didicerant, & exemplo reliquis ad parendum essent: tum quod ab his exactior aulæ gubernatio sperari posset, qui exercitui cum imperio præfuisent, ut
qui

qui militari assueti disciplinæ, fortiùs certiusque necessariâ aulis disciplinâ indicerët & tuerëtur.

*Disciplina
militariu fe-
rè victoriaru
caussa.*

Iam, si primos quotque omnium vbique gen-
tium Duces intueamur, si res prosperè bello ge-
stas, maximam victoriarum partem è militari
disciplina relata[m] videbimus. Exemplis hoc suis
veteres comprobant. Metellus in Iugurtha
præt: qui post L. Calpurnium Bestiam, & Sp.
Albinum Consules, post Proprætorem Aulum
Albini fratrem, periculorum & laborum impa-
tientem exercitû, linguâque quàm manu prom-
ptiorem, ex sociis prædatorem, solâ militaris
disciplinæ obseruantia, prohibendo magis à de-
lictis, quàm vindicando, Iugurtham Auli vi-
ctorem ad preces coëgit, victumque exercitum,
& sub iugum missum, vincere docuit. De quo il-
lud Sallustij: *Transuersis itineribus quotidie castra
mouere, iuxta ac si hostes adessent, vallo atque fossâ
munire, vigiliis crebras ponere, & eas ipse cum lega-
tis circumire: in agmine in primis modo, modo in
postremis, sæpè in medio adesse, ne quisquam ordine
egrederetur, ut cum signis frequentes incederent, mi-
les cibum & arma portaret. pariter ac si hostes ad-
essent, munito agmine incedere, latè explorare, non
priùs bellum attingere, quàm maiorum disciplinâ
milites laborare coëgisset.* Sequitur Scipio, qui post
Hostilij Mancini apud Numantiam turpe fœ-
dus, redactò in disciplinam milite, fecit ut, quod
nemo, Floro teste, visurum se unquam sperauerat,
fugientes Numantinos quisque videret. Qui non
ampliùs quatuor Celtiberorum millibus, qua-
draginta millium Romanorum exercitum,
annis quatuordecim sustinuerant, pudendis-
que fœderibus affecerant. Addit: *Tantum esse*

exercitum, quanti imperatorem, verè prodium est. Tertio loco Lucillum & Pompeium statuo, qui solâ militari disciplinâ superiores, cætera inferiores, nobilissimos de Mithridate & Tigra-
ne triumphos egerunt. Quarto Epaminondâ, qui quatuor non ampliùs peditū millibus, equi-
tibus quadringētis, quatuor & viginti peditum Lacedæmoniorum millia, equitum mille quin-
gentos prostravit. nec alia victoriæ causa, quàm
rara in Epaminonda disciplinæ militaris periti-
tia. Quinto Alexandrum, qui quadraginta Ma-
cedonum millibus orbem cùm subiugasset, al-
terum quæsiuit, non tã robore, quàm veteri Ma-
cedonicâ disciplinâ seuerâ & acri. Sexto Græcos
sub Cyro Minore, qui non totis quatuordecim
millibus, centum barbarorum millia cecidere.
nec alteri, quàm veteris disciplinæ militaris
gloriæ victoria tributa. Et certè quamdiu in
quocunque populo disciplina hæc stetit, stetit
& victoriæ; cum nullâ re validiùs, quàm militari
disciplinâ exercitus armentur, nullâ certiùs ro-
borentur. Et semper triumpho populo Romano
magis è militari hac disciplina, quàm è robore
aut numero venêre. Atque hinc solemne illud,
ut nullum diem militi otiosum permitterent,
nullumque adeò Duces si ab opere vacitum. te-
stis mihi in Valerio. Liuius, in Pompèio Plutar-
chus, in Metello Sallustiùs; de Scipione, Mario,
Catone, Cæsare, Antonino alij, quos in aggeri-
bus construendis, ac in fodiendo primos fuisse
tradunt.

Non omitto hîc illud Lampridij in Alexan-
dro Seuerò: *In ista Parthicam expeditionem, quam
tantâ disciplinâ, tantâ reuerentiâ sibi egit, ut non
milites,*

milites, sed Senatores transire dicerentur, quacunque iter legiones faciebant, tribuni accincti, centuriones verecundi, milites amabiles erant. Addit poenam: Si quis de via in alicuius possessionem deflexisset, pro qualitate loci, aut fustibus subyiciebatur in conspectu eius, aut virgis, aut condemnabatur. Exemplo confirmat. Cum quamdam ancillam affectam iniuriis a milite audiisset, exautoratum eum militiam, servum ei dedit, quod artifex carpentarius esset, ut eam pasceret. Quis non speraret sub hoc Principe victoriam? quis non amaret militem hoc ductore? Sed neque transeo hic Aureliani apud Vopiscum mandata militaria: Si vis tribunus esse, imò vis vivere, manus militum contine. Nemo pullum alienum rapiat, ovem nemo contingat, vnam nullus auferat, segetem nemo deterat, oleum, sal, lignum nemo exigat, annonam suam contentus sit. de praeda hostis, non de lacrymis provincialium habeat. arma tersa sint. stipendium in balteo, non in popina habeat. equum suum deficiet in hospitibus caste se habeat. si litem feceris, vapulet. Hinc natum illud, ut militem qui adulterium cum hospitibus uxore commiserat, ita puniuerit, ut duarum arborum capita inflecteret, quas ad pedes militis deligaret, easdemque subito dimitteret, ut scissus ille virimque penderet. Nec minus nouitate suam grauis poena Opilij Macrini Imperatoris. refert Capitolinus: Cum quidam milites ancilla hospitibus pudorem deprauasse suspecti essent, et res constisset; duos boues mira magnitudinis viuos subito aperiri iussit, atque his singulos milites inseri, capitibus, ut secum colloqui possent, exertis. Illud etiam Cassij de Adriano Imp. ad militarem disciplinam referendum. Aliam ex alia provinciam

percurrēs regiones & vrbes perlustrabat, & in primis arces omnes ubique contemplatus, considerabat: quarum alias loco magis opportuno transtulit, alias penitus subuerit. Omniaque illa simpliciter nō dico, quo pacto generalia & communia in exercitiis se haberent, sed arma, machinas, fossas, vallum & mania, alia priuatim vniuscuiusque, & eorum qui in ordine militabant; statua etiam & hyberna intueri & exquirere ipse volebat. exercebatque milites ad omnem speciem pugna, & ut exemplo suo meliores & duriores redderentur, duro & aspero viētū utebatur. nam siue pedibus iret, siue equitaret, nunquam vehiculum aut quadrigas ascendit. caloris & frigoris iuxta patiens: quippe qui etiam Alpes & Gallicus niues, & Aegypti calores capite intacto pertulerit. adeo verò peritos, & laborum patientes habebat exercitus, ut equites qui vocantur Bagani, Danubium armati transauerint. Quis sub his ductoribus, sub hac militari disciplina, ipsorum Imperatorum exemplis confirmata, victorias non speret? ut nūquam mihi nouum, tot victoriis claros plerosque primos Romanorū fuisse, cum & disciplinæ militaris seuerissimi obseruatores, & pertinacissimi se per laborum, & inimicissimi luxus & otij fuerint. Sic agrestes Curij, sic veteres Coruncani, sic nomina reuerenda Fabricij, cū induciæ bella suspenderant, inter aratra viuēbant: & ne virtus quiete languesceret, depositis in gremio Iouis Capitolini laureis, triumphales viri rusticabantur. Inde est quòd accepimus, datos ferentibus fascēs, & missas cum currulibus suis per rura palmaras; quòd agricolas consulares, pastoresque trabeatos, & Dictatores inter armenta vestitos, imitari si non pigeat, non deerunt triumphi. Adde illud

pacati

Pacati de Theodosio. Ne tum quidem, cum in altiore prouectus gradum, iuberet animum, & diuidere cum negotijs otium, & partem gloriam, velut reposito frui posses honore, operam remisisti; quin omnium castrensiū munerum numeros primus aut cum primis obire, stare pro signis, excubias sorte agere, vallum ferre locum bello antecapere, speculatum egredi, castra metari, in praelium primus ire, praelio postremus excedere; dux esse consilio, miles exemplo. O quis sequatur! exurget nouus terris Theodosius, quisquis Theodosium secutus fuerit, quisquis Traianum de quo illud: Cum tecum inediā, tecum ferrent sitim, cum in illa meditatione campestri, miliaribus turmis Imperatorium puluerem sudoremque misceres, nihil a ceteris, nisi robore & praestantiā differens; cum libero Marte, nunc comminus tela vibrares, nunc vibrata susciperes; alacer virtute militum, & letus, quoties aut cassidi tui, aut clypeo, grauior ictus incideret. Sequere Princeps, & summa omnia voueo.

Et certē militari semel disciplinā remissā, nihil speres, praeter latrocinia, & scorta, & valentio-
 rem in amicos quā in hostes animum.
 exinde ignauia, & totis socordia castris, oratio
 fortis, validae linguae, ignauae manus, in agrestem
 turbam ferrum, ferocia & crudelitas in exarma-
 tos, timor in armatos, quorum nec vultum, nec
 vocem sustineant. aspera, & dura, qualia bello-
 rum omnia, inimica socordiae, amica mollia.
 hinc longae noctes, deliciae in epulis, luxus in veste,
 graues vigilae, sudor, qualis ignauis, inter epu-
 las & scorta; in agris vastandis, villis expugnā-
 dis, pecoribus abigendis fortes, cetera inualidi, fu-
 gaeque quā bello aptiores. accedit in Duces suos

*Mala è dis-
 ciplina mi-
 litaris negli-
 gētia nata.*

insolentia, cum omnis imperij impatientes, seditionibus propiores quam bellis sint. Ab hoc hominum genere quid spes? infelices nimirum regnorum exitus, prouinciarum excidia, & ante in Duces & Reges ipsos, quam in hostes arma. Vt ego longè decem armatorum millia, veteri Romanâ aliquâdo disciplinâ instructa, centum armatorum millibus militari disciplinâ exsolutis, præferam. Neque enim satis est numerum & vires adferre: labascunt hæ ac diffluunt, si disciplinam solueris: imbelles contrâ artus solâ militari disciplinâ exercitâ, indurescunt. Hæc verò è Ducis prudentia ac vigilantia nascitur. Atque hinc verum illud semper, validiorè ceruorum exercitum duce leone, quam leoninū ceruo duce esse. tantum Ducis prudentiam, quæ in militari maximè disciplina elucet, valere primi orbe toto bellatores iudicarunt.

Seuere di-
sciplinâ con-
tinendi mi-
lites.

Disciplinæ proinde militaris seuerum custodem Regem esse velim. terrori hic, etiam parua manu, erit hostibus, suis admirationi, & in deliciis; cum regnorum felicitas, agrorum, urbium, villarum, ab vna feria in omnem partem militari disciplina pèdeat. Et sanè damni minus, centum millium exercitus, sub vigili Duce & disciplinæ tenaci, quam trium millium, sub indulgente, & disciplinæ laxioris dabit. imò, quo maior exercitus, Metelli alicuius, Æmilij, aut Scipionis manibus eductus, hoc plus ad prouinciales emolumentum accedet. & gaudebunt etiam inassueti militia, militem talem admittere, quem non ut hostem, sed ut socium, propugnatorem, in paruo contentum amplectentur, lucrum pro damno referentes. Vbi enim disciplinæ sua stabit integritas,

gitas, & stipendiorum militarium, sine quibus illam nequidquam speremus; emolumenta à milite speranda, damna metuenda non sunt. Incumbat ergo omni studio & conatu militari disciplinæ quisquis militiæ præest, quisquis regno; & spondere triumphos audeo, & aliena regna.

Non taceo hîc nobile factum ALBERTI Principis, omnium meritò calamis, omnium ore laudandum. oppugnabat Ostendam memorandâ omnium propè retrò sæculorû oppugnatione; in qua vna supra centena utrimq; millia desiderata narrantur. & vetuerat, ne quis certos limites transiret, qui fascem aggeribus vallôque componendo non detulisset. Fors gregario Belgico-militi loci illius custodia obuenerat: meditabaturque transitum ALBERTVS ipse sine fasce. negabat miles cuiquam se inonusto transitum permissurum. Blandè inde militem compellat Princeps, transitumque concedi sibi deposcit. perstat in negando miles, fortior etiam in rogâdo Princeps. stetitque exinde inter Principem & militem contentio, inter blandas illius preces, & fortes militis negationes. cùm tandem ALBERTVS oneratus fasce transitum impetrat: simulque amplè collaudatum militem, insigni stipendiorum auctario donat, quod pro militaris disciplinæ legibus, & Ducum suorum imperio fortiter stetisset, nec pepercisset Principi. Factum magno Principe dignû, & disciplinæ militaris sanctum documentum, magno Alexandro & Cæsare dignum, quod imitentur exercituum Ductores. Et sanè quid non meritò sperent regna militari disciplinâ instructa? ut non iniuriâ

de hac dicturus, præmittat: *Venio nunc ad præcipuum decus & stabilimentum Romani imperij, salu-
tari perseverantiâ ad hoc tempus sincerum & inco-
lume seruatum militaris discipline tenacissimū vin-
culum: in cuius sinu & tutela serenius tranquillisque
beata pacis status acquiescit.* Tranquillus nimirum
Rerumpubl. ac regnorum status, in vna militari
disciplina, tanquam inconcussa rupe inædifi-
catur. Non serij modò, sed & seueri, ac propè
crudeles in hoc genere Carthaginenses. à quib-
us *Duces, bella prauo consilio gerentes, etiamsi pro-
spèra fortuna subsequuta fuisset, cruci suffigebantur;*
quod benè gesserat, Deorum immortalium adiutorio,
quod malè commiserant, ipsorum culpa imputantes.
Nihilo Carthaginensibus seueritate inferiores
Romani. exemplo P. Rupilius in genero suo, C.
Cotta in P. Aurelio sanguine sibi iuncto, Papi-
rius Dictator in Q. Fabio Rulliano equitū ma-
gistro, L. Calpurnius Piso in C. Titio equitum
præfecto; Q. Fabius Maximus, Superior & infe-
rior Africanus, & L. Paullus in transfugis mili-
tibus, L. Quinctius Cincinnatus in L. Minutio
Consule, Q. Fuluius Flaccus in Fulvio fratre; &
quod magis stupefcas, A. Postumius Dictator &
Manlius Torquatus Cōsul in filiis; populus etiā
Romanus in eis qui apud Cannas Rempubl.
deseruerant.

CAPVT XXXVII.

Pacis iuxta, ac belli tempore exercitum alat.

*Semper mili-
tem paratū
habeat Prin-
ceps.*

NEc bellorum tantū tempore, sed nec in
alta suorum pace deponet arma, siue in tutelā
sibi suisque, siue in terrorem hostibus. quæ res
ad

ad augendam maiestatem, hostibusque metum incutiendum plurimum semper valuit. Nec numerosis tantum peditum equitumque copiis regnum firmet, sed & validis classibus maria constrata habeat. quæ in re priuatis etiam prouinciarum opibus bellicæ instrui naues possunt. Ita Catalauni exigua gens, priuatorum fortunis, validis diu classibus maris imperium tenuerunt. idemque ætate nostrâ, non in vna gēte vidimus, felici sēper successu. Vt dici merito possit. Quisquis Regum pacem volet, arma parat. factum à Salomone, & à Regibus omnibus magnis. In pace certè bella meditari, prudentis Principis est. assuescere etiam bello in alta pace, sapientis est. Augustus certos annuos census in militaria stipendia decreuerat, nulli alteri rei impendendos, ne nouis exactionibus populo grauis esset. De Salomone illud proditum, quadraginta millia equorum currulium, duodecim equestrium perpetuò habuisse, tribuum Præfectis stipendia subministrantibus. Sanè è regalibus duobus, qui in singula capita annuè pendebantur, ali exercitus poterat. Quid? quodd non militem tantum, sed & regiam domum singulę per orbem tribus, mensibus tribus alerēt. Non quodd imitari Principē velim, sed vt videat, in non magna gente, exiguis limitibus coarctata, auri tantum superfuisse, quantum magnis alendis exercitibus, rebusque aliis omnibus regiē suppeditandis satis esset. Nec quidquam, etiam in altissima pace, intermittat exercitiorum militarium; nec ignauescere suos patiatur, aut otio diffluere. arma expédiant, & amico, tanquam hostili, inter se precursu arma tentent, induantque inimicū animū, quem

*Militaris
exercitatio
etiam in pa-
ce instruenda.*

quem extra certaminis locum ponât, assuescant duris; nuda humo & cælo, frigoraque iuxta ac calorem pati discant. Est in hac re illud Hieronymi: *Corpus assuetum tunicis, lorica onus non fert; caput opertum lineo, galeam recusat; mollem orio manum durus exasperat capulus.* Et illud Tertulliani: *Etiam in pace labore & incommodis bellum pati ediscunt; in armis deambulando, campum decurrendo, fossam molliendo, testudinem desiccando. nemo enim miles de cubiculo, ad aciem procedit, sed de papilionibus, expeditus & substructus, ubi omnis duritia, & imbonitas, & insuauitas consistit: ut quanto plus laborauerint, tanto plus de victoria sperent.* Venationes in hoc genere probem, natationes, saltus, cursus, equorum & armorum omnis generis agitationes, mutuas velitationes, & quidquid robori ædificando valet. Laudatum etiam in P. Rutilio Col. Romano fuit, quod doctioribus gladiatoribus accersitis, vitædi atque inferendi ictus subtiliorem rationem legionibus ingenerauerit; virtutem arti, & rursus artem virtuti immiscuerit; ut illa impetu illius fortior, hac illius scientia cautior fieret. Non probem tamen, ut iustis inter se concurrant exercitiis ne veterum pertæsi, novarumque rerum auidi, aliam Rempubl. cogitent; sed per turmas, locisque diffitis ac variis, ne qua spes coalescendi sit. Nec idem semper præsit, sed vario experiantur, ne vnus affectum nimis altè imbibant.

*Disiunctis
inter se levis
pacis tempo-
re miles ha-
bendus.*

*Militarium
exercitationum
comoda ex-
emplis compro-
bata.*

Quântum verò militaris hæc exercitatio momēti rebus adferat, vel ex eo colligi potest, quod Romanos nullâ re magis, quàm armorum perpetuâ exercitatione, castrorumque disciplinâ, orbem subieciisse terrarum, auctor sit Vegetius.

De

De qua re fortiter & verè Valerius Maximus: *Disciplina militaris acriter retenta, principatum Italie populo Romano peperit, & multarum urbium magnorum regnorum, validissimarum gentium regimen largita est, fauces Pontici sinus patefecit, Alpium Taurique montis conuulsa claustra tradidit, ortamque è paruula Romam casa, totius terrarum orbis fecit columen. Docuit exemplo suo Scipio, qui scortis, luxu, deliciis totis castris exulare iussis, Romanos è victis victores reddidit: Numantiàmque, quæ quatuor & decem annis terrori Imperio fuerat, solo æquauit. steterat illa inuicta, quamdiu luxus, & disciplinæ militaris neglectus: vt primùm hæc restituta, cecidit tot fortissimorum Ducum victrix Numantia. Itaque neglectæ disciplinæ militaris indicium, Mancini miserabilis deditio, seruata merces, speciosissimus Scipionis triumphus extitit. Ita Valerius. De Metello verò Sallustius: Vbi in Africam venit, exercitus ei traditur iners, imbellis, neque periculi, neque laboris patiens, linguâ quam manu promptior. predator ex sociis, & ipse præda hostium, sine imperio & modestia habitus. ita imperatori nouo plus ex malis moribus sollicitudinis, quam ex copia militum auxilij, aut bonæ spei accedebat. Editto primo adiumenta ignauie sustulisse dicitur. prætereâ transuersis itineribus quotidie castra mouere, iuxta ac si hostes adessent, vallo atque fossâ munire, vigiliis crebras ponere, eas ipse cum legatis circumire. Item in agmine in primis modo, modo in postremis, sæpe in medio adesse, ne quisquam ordine egrederetur. vt cum signis frèquentes incederent, miles cibum & arma portaret. Itâ prohibendo à delictis magis quam vindicando, exercitum breui confirmauit. Vna militaris*

litaris disciplina collapsum luxu exercitum pristino robori restituit, hostem vinci posse docuit, Africamque Romano imperio subegit. Idem habemus in Lacedæmoniis, qui cum à prima ætate iuuentutem suam durioribus, ac disciplinæ militari assuefecissent, vniuersam Græciam deliciis assuetam subegerunt: cum verò imperio potiri disciplinā neglexissent, & Athenienses, ignauiā depositā veteres Lacedæmonios imitati essent, victi victores imperio suo subdiderūt.

CAPVT XXXVIII.

*Maris imperium parat, qui latè & tutò
imperare volet.*

Maris imperium parandū tutò imperare volēti.

A VCTOR Themistocles Regibus, quorum imperia latè protenduntur, vt maris sibi imperium parent, quo vno, locis cæloque disiuncta iungi posse arbitratur: nec plures prouincias, sed vnā censeri posse, quæ maritimi imperij nexu in vnum corpus coaluisset. sic fieri, vt quasi iunctis manibus se tueantur, inuicem sibi factæ auxiliare, & solo nexu inuictæ; cum denexas facillimum sit euertere. Longa enim è diuisis auxilia, longæque moræ, quiduis audendi non modò animos, sed & exequēdi opportunitatem hosti præbent. iunge, quæ maria disiunxerunt, remittent armatas cogitationes hostes, nec vltra iā cogitationes arma. vna verò dissitas iungendi terras ratio, mare est. cuius imperium necesse sibi paret, quisquis imperia, aut disiunctarum mutuo prouinciarum suarum securitatem amat.

amat. Neque enim terrarum, siue Oceani imperio, diu stare possunt, si hostem nacta fuerint. Et quæ diu regna sine hoste steterunt? satis est regna esse, ad hostem reperiendum. neque villo unquam sæculo causæ Regibus defuerunt, mutuo regna ambiendi. Sentient proinde exarmata maria hostiles excursionses, deprædationes, dominatum; sentient & terræ, robore suo, armato dico mari, destitutæ. Sed & terrorem longè latèque suum sparget quisquis dominatur mari; liberumque illi erit, quamcunque hostilem continuam mari partem imperare, potentiam frangere, & ante minas arma ostentare, ac in quam volet partem flectere. Magnæ preces, ferrum sunt: validiorque ad quidvis impetrandum, omni ratione & eloquentiâ, armata classis est. Et sanè solius mari imperantis metus, intra solas cogitationes æmulorum Regum manus continet, erupturas in ferrum, si armatarum nauium timorem sustuleris.

Charachux, cuius vnus consiliis Orientis sibi imperium parauit Salahadinus, à Christianis captus, rogatusque quibus modis Palæstina capi posset & tutari; respondisse dicitur, solâ classe, maritimoque imperio Ægyptum capi posse, & exinde Palæstinam. nec viam aliam esse. sed neque aliam, quâ aut Saracenis adimi, aut ad Christianos transferri imperium posset.

Prudenter magnus Imperator CAROLVS V. PHILIPPO filio auctor fuit, si pacata regna vellet; si æmulos potentia suæ Reges ac Respubl. extra ferrum, arma, noxiâsque molitiones, Proregelesque in officio continere; si nouarum rerum studia frangere; si denique extra hostilē omnem merum

CAROLVS
V. maris im-
perium filio
suasit ut co-
pararet.

metum tranquillam vitam ducere ; maris sibi imperium pararet , portusque omnes littorâque valido milite compleret, armatâsque classes, in omnem bene gerendâ, bene tuendâ rei occasionem, in variis variarum prouinciarum fidei stationibus teneret. nullisque in hac re sumptibus parceret: noxiam enim in hoc genere parsimoniam omnem esse, quæ in prouinciarum interitum iret. quin ad eò , maiorem semper profusionem maioris lucri causam fore : crescere in immensum pacato mari vectigalia , decrescere infesto, turbato, & armis infesto; cresceréque priuatorum fortunas, ac in iis regnorum Regumque. neque enim quidquam esse, quod plus opû ac potentiæ adferret regnis, quàm si libera, extra piratarum hostilémque metum, nauigare, in omnem lucri spem intentis mercatoribus , liceat maria.

Et sanè cùm plurima fuerint, quæ Belgicum aluere bellum ; nouarum rerum cupiditas, loci opportunitas, maris, fluminum ; vicinorum Regum & principû auxilia; hostilis in nostris contemptus; consiliorum optimorum, benèque gerendarum rerum neglectus; diffidentia, tarditas, æmulantium studia, & odia domestica, multorum egestas solo bello medicanda : quæ etiam inuictam in hanc diem non magnam prouinciâ tenuerunt, frustra vtriusque Indiæ profusis opibus, totiûsque Hispanici imperij viribus : tum vnum maris fluminumque imperium , audere & stare docuit, & vltro etiam inferre bella, omnemque latissimi regni partem, Oriente ac Occidente toto, inimicis infestare classibus. O quis credat, exiguum populum, solâ inimicâ maris infesta

Maris imperium quos animos ad bella suggerat rebellibus.

infestatione, orbi propè imperasse? ac tanquam nouam Numantiâ, omnem potentissimi Regis, annis amplius quinquaginta, conatum lussisse? usûque portentoso orbem non semel enavigasse, audaciæque ingentis suæ vestigia omnibus, quæ sol oritur, quæ occidit, orbis terrarum regnis impressisse, nulli supplicem, omnibus minitantem? sed & nouas orbem non tetras, mariaque, nullis antè, clasibus trita retexisse; dum, quod magnus Macedo vouerat, orbes inuenire nouos? tanti fuit imperasse mari. Nulli illum æstus, nulla terruere frigora, nullâ fregere, etiam per ipsa concreta glacie maria, (quæ posteritas credet) nauigare libuit, & naturæ vim inferre, clausaque sæcilis retrò, omnibus claustra referre: Magnos animos, & si adsit Deus, si pietas, si causæ bonitas, imperio dignos! Hoc est Belgam esse, nullis difficultatibus cedere, vincere omnes: nihilque supra virtutem suam putare, infra illam omnia cælum petent, si peti nauibus possit. tanta animis fiducia sedet. ô Babylonias cogitationes!

Et hæc omnia non magnis opibus aut milite facta. Quid? quoddam priuatorum ferè facultatibus: ne Respubl. damna sentiret, sentiret cominodâ; & si quæ damna, in multos dispersita, minora forent, ferendoque faciliores; quo plures quasi per capillum tangerentur, nullius iugulum perceretur.

O quàm non magnâ re occurrî his malis potuit! quàm nullo propè regij ærarij sensu! Sed quis vota hæc Belgarum omnium Rex magnus audiat, quis sequatur? non sint nuda vota; rebus suis vidua! Triginta regis nauibus per

*Quâ viâ id
sibi vindica-
re Rex Hi-
spanus possit.*

Flandriæ littora dispersis, imperium teneri posse
maris plerique putant. Quod qui tenuit, impe-
rauit continenti. maximè si, è peritorum senten-
tia, nunquam in comitatae naues, aut solitariae
Oceano se commiserint, ac non infra sex, aut
decem; quo facilius sociis se mutuo armis tucan-
tur. Fieri hoc potuisse, non factum, quæ posteri-
tas credet? tantillâ re imperium stare potuisse
quis credat? paucorum aut imperitiâ; aut cupi-
ditate, aut æmulatione, optima consilia euer-
sa quis credat?

*Occurritur
difficultati-
bus quas è cõ-
trâ quis op-
ponat.*

Sed graues sumptus ex hac nauium paratura
exsurgent. Nulla bella sine sumptu steterê, quem
qui, ferre non potest, non vult, arma ponat. Et
non Bataui, tot opibus, quot prouinciis & regnis
inferiores, armatas emiserê classes? ferre illi sum-
ptus potuerunt, potentissimi Regis ærarium non
poterit?

Verùm exsoluamus, ex mente viri magni,
hoc onere regium ærarium. & singulæ regiæ ci-
uitates aut oppida maiora per tot regia regna
& prouincias sparsa, ære suo arment, stipendiis-
que suis alant nauein vnam. centum minimum
nauium classis exurget. Graue hoc leniamus, &
singula regna, prouinciæque maiores, tres ære
suo naues arment, & stabit optata suo classis
mari. Decurramus per singula: quantula res, si
Neapolitanum regnum bellicas hic naues tres,
milite, commeatu, reliquis instruat? faciat idem
Mediolanum, Sicilia, Lusitania, Castella Vetus
& Noua, Aragonia, Catalaunia, Sardinia Ba-
learibus, Brabantia, Flandria, Hannonia, Artesia,
Luxemburgum, Geldria Namurco & Limbur-
go coniuncta. & quinque & quadraginta stabunt
naues,

naues, ære regio nullo. Quibus si regias adiun-
xeris quinque & viginti, imò & sine his, uni-
uersi maris imperium spondeo. Adde priuato-
rum opibus, maiores, minores, in Flandrico
Brabanticoque littore, quæ nullâ die nocteque
hostilia littora patiantur secura, intusamque
vltro citroque commutationem reddant, fru-
strentur piscationem, mercimonia depauperent,
vt intra viscera belli incommoda sentiant, ne-
que picta videant damna aut vulnera, sed cor-
pore circumferant, nec diu bella trahent, & sup-
plices videbis. Maxime si flumina, quæ regis
propugnaculis tenentur, nullas aduersariarum
partium naues admiserint, commercia nulla.
Nam cum omnis hostilis potentia negotiatio-
nibus, piscatu, mechanicarumque artium exer-
citatione contineatur; qui hæc secuerit, tan-
quam exsecris undique validi corporis neruis,
potentiam enervabit; nulloque sanguine, aut
alio ferro, hostium ipsorum confessione, ster-
netur.

Sed darum provinciis, armare has naues. Imò
perfacile: hostilem concede prædam singulis,
& vltro current in arma. adeoque & priuato-
rum facultatibus armari classis poterit, si uni-
uersam concesseris prædam. non sentit miles au-
ro contexta vulnera: sistit præda sanguinem,
vulneribus medetur, dolorem lenit.

At periculum, ne armata hæc provinci-
um classis in Regem ipsum arma vertat. Quan-
diu sic ludimur, & priuatorum cupiditatibus,
æmulationibus, neglectu cadimus. Olim à Cice-
rone inania hæc tertriculamenta explosa, addi-
mus, in se nautica, exemplū in Verrinis: *Shampton*

omnem in classem, frumento, stipendio, ceterisque rebus, suo nauarcho, quæque ciuitas semper dare solebat, is neque, ut accusaretur à nautis, committere eudebat, & ciuibus suis rationem referre debebat: in illo omni negotio, non modo labore, sed etiam periculo suo versabatur. Erat hoc, ut dico, factitatum semper: nec solum in Sicilia, sed in omnibus prouinciis: etiam in sociorum, & Latinorum stipendio ac sumptu, tum cum illorum auxiliis uti solebamus. Verres, post imperium constitutum, primus imperauit, ut ea pecunia omnis à ciuitatibus sibi adnumeraretur, ut is eam pecuniam traheret. Vides hic veterem in nauticis stipendiis Romanorum morem: probat hunc Cicero, damnat Verrinum, quid vereamus imitari Romanos orbis domitores? Prædæ verò partes duas prouinciis, aut iis quorum opibus arman- tur naues, concedi velim; tertiam militi & nautis, quo maior ad arma animus sit, nescit parcere, non sibi, non hosti, quem prædæ spes magna inebriauit. Præerunt verò huic classi, quos præesse Rex voluerit, à cuius manu delectus omnis: neq; vllum prouinciis imperium aliud, quàm menstrua militi ac nautis stipendia de suo adnumerandi, honor omnis à regia manu, pœna ab eadem.

*Commoda
hinc secutu-
ra.*

Verum, si mari fluminibûsque hostem ex- cluseris, non parum regio ærario decedet, & quamdiu fatuus hic timor, vanâ magnorum mentes inuoluet nube! pereant regio ærario, ut bene, vir magnus, aureorum centum millia, ho- stili decies centena millia decedent: Magnum victoriæ genus est, vno se exuere, ut exuas ho- stem decem; vnum secundum digitum præbere,

vt totam hostilem dexteram seces; vnum propugnaculum; euertere, vt hostilia euertas omnia.

Quæ omnia, eiusdē viri magni iudicio, plus poterunt; si omni terrā marique commercio hostem excluseris. Dura regio populo conditio. durior, aiebat, erit hosti, qui solis commerciis diues, bella mouet & alit. tolle illa, & solitudinem videbis: & vbi nunc se premit populus, & grauis propē sibi copia est, Arabiæ deserta suspicabere: cū terrarum illis minimum sit, industriæ plurimum. Tolle industriæ materiam, & tanquam vno Macedonico ferro, inuictum in hanc diem nodum secabis. tolles, si secueris commercia; secabis, si maritima, & fluminum, & terrarum commercia sustuleris. cū enim paupertas, & necessariorum rerum inopia prouincias occupauerit; aut sedibus, incolas expellet, & alias cogitare coget, aut in mutua verteret arma, & plebeiam secessionem. vt verum aliquando sit illud vaticinantis Poëtæ:

Principium irata Belgarum à plebe tumultus,

Finis ab irata plebe tumultus erit.

C A P V T XXXIX.

Veteranos milites foneat: benēque habeat militiā claros, ac eorum coniuges, filios, fratres; agrōsque & saucios.

LONGA deinde militiā fractos ne destituat Princeps. præsidio tales regnorum muni-

Veteranos Princeps honesto habeat

*stipendio, eo-
rū inque uxo-
res & filios.*

tionibus erunt, in quibus non illiberali haberi stipendio velim, quo se, vxores liberōsque honestè habeant. dabit hæc res animos tironibus, & ad magna audenda, animōs magnos, cūm viderint reposita in senectutem virtuti, laboribus, vulncribus, sanguini præmia. Muneribus etiam non rarò supra consuetæ stipendia donet. incredibile quantam hæc munificentia laudem paritura sit Principi, quanta gratulantium vota. indignabuntur non habere plures se animas, quas Principi suo deuoueant. In quam rem, natam è delictis, aut fortuitis casibus pecuniam Princeps seponat, nulli alteri rei impendendam. Accendet hæc vna res omnium animos. & pueri arma pro Principe amabunt, & gaudebunt adolēscētes sanguinem fundere mercede coronandum, nec vulnera iuuentus perhorrescet præmianda: oculum, manum, pedes largietur; sat oculorum, manuum, pedum diues in Principis sui incolumitate, quæ sciat pro carne & ossibus, aureas sibi manus pedesque Principis munificentia substitutendas. Et certè turpe Principi, veteranum videre egentem, aut, quod deterius, mendicato sustentantem vitam: quam fors non semel Principi suo in hostili sanguine dedit. Ut mirum sit Principi colorem in milite suo egente stare, cūm leuissimo negotio inderi malo huic possit, bono suo maximo, damno nullo.

*Non offendas
militiā cla-
ros.*

Caueat verò ne viros militiā claros, & quos felicitas & audacia comitatur, ad extrema consilia deducat. errat, qui hos contemptu, aut munerum abdicatione, vinci aut flecti posse putat. exasperatur generositas contempta, & in ferrum

im

impellitur, non nisi alterius partis sanguine & internecione medicandum. Docet nos Coriolanus, cum à Romanis; Alcibiades, cum ab Atheniensibus; Narses, cum à Iustino; Prosper & Fabricius Columna, Borbonius & Auria, cum à Carolo VIII. Triulcius, cum à Ferdinando II. ad hostes transeunt: ingenti eorum sub quorum antè signis militauerant, damno.

Sed neque consiliorum intimorum conscios, *Nec consiliorum intimorum conscios.* in aliena cogat regna; ne videat, quod ætas nostra vidit, quod erubuit.

Quòd si quem etiam è primis bellatoribus, *Non se credat gratiis à se offenso Princeps.* aut prima nobilitate, sciens volensque, nullà datà causà, grauius offenderit, non facillè illi larus suum credat: nisi fors eo ingenio sit, ut componi beneficiis, beneuolentià, comitate, fiducia ostentatione queat. Sed neque post offensionem ea illi loca aut munia credat, in quibus periculum regno creari possit: cum ferè iniuriarum maneat, beneficiorum memoria pereat; maiusque propè semper vniuscuiusque studium sit, quibus modis iniuriam iniurià, quàm quibus beneficium beneficio expleat, cum gratiarum actionem inter onera, iniuriarum repositionem inter lucra numeremus.

Militum verò ægrorum sauciorumque, magnis semper Imperatoribus familiare fuit, maximam curam habere. Hinc illud Eumenij in Constantino: *Boni Principis est libenter suos videre felices; sed melioris, inuisere etiam laborantes.* Factum à Tito, narrante Aurelio Victore: *Unus quanta vix unquam fuit, quibus tamen malis pecunià proprià subuenit, cunctis remedium generibus, nunc ægrotantes per seipsum reficiens, nunc consolans*

suorum moribus afflictos. Et à Traiano, Cassio auctore: Cum vulnerum ligamenta suis deessent, propria vesti non pepercit, quam in lacinias confissam sauciaris partiens est. Quis militum non ambiat vulnera Imperatoris sui purpurâ medicanda? Pulcrum illud etiam Hadriani apud Spartianum: Agros bis ac ter de die, & nonnullos equites Romanos, ac libertinos visitavit, solatiis refouit, consiliis subleuavit. Et illud Alexandri Seueri apud Lampridium: Agrotantes ipse visitauit per tentoria milites, etiam ultimos, & carpentis vexit, & omnibus necessariis adiunxit. Et si fortè grauius laborassent, per ciuitates & agros patribus-familias hominibus, & sanctioribus matronis eos distribuebat, reddens impendia quæ fecissent, siue conualuissent illi, siue perissent. Vide in partiendo prudentiam, in impendiis iustitiam; & imitari non pudeat.

ISABELLÆ
Belgarum
Principis in
saucios mili-
tes animus
& liberali-
tas.

Nec minùs laudandum illud Magnæ ISABELLÆ Hispaniarum Infantæ, Belgarum Principis, cum saucium victorem militem suum submissis deferri iubet carpentis, benignisque verbis, benignioribus etiam factis iolatur, cum vulnerum, ac iniis fortitum cuiusque factorum, spectatrix, laudatrix staret. non poterant ab ore digni de laudes venire maiores. O diem militi gratum! voueant omnes vulnera, vt Principis tantæ laudibus, congressu, alloquio fruantur. Et quis sentiat vulnera tot coronis nobilitanda, ut palmis tegenda? Non sunt hæc vulnera, sunt gemmæ vertici stellando, adamantes & pyropi frontibus inornandis, armillæ brachiis arctandis, torques pectoribus diuitandis. Durum fors, hostile sensisse ferre, pro Principe talisse, dulce.

Et

Et quis hos lætos dicat, quos lætos videt, & in oculis Principis sui, tanquam agonis sui Præsidis, gaudio plenos? Nec his contenta, victorem exercitum suum, hostili adhuc sanguine inadidum, præteritorum memoriâ, præsentium honore, futurorum spe, ad maiora accendit. Illud fors etiam benevolentie maioris, cum hostilem militem vulneribus grauem, in urbem suam principem deuehi imperat; addit medicos & munera. Dignum Christiano Principe pectus, dignissimamque orbis imperio dexteram, leoque digniorem, quod, cum post Rudolphum & Matthiam potiri Imperio posset, noluerit. Quæ sæcula parem tulerunt? vnum exemplum, Phœnicem vnum, ætas nostra vidit. plura ne quærite. At vos amate Belgæ Magnam hanc Mentem, quæ Imperij purpuram vltro oblatam postposuit vestræ; & pro illius incolumitate viles animas vestras habete. proicite lubentes quidquid in vobis melioris sanguinis est, pro illius salute, quæ pro vestra proiecit Imperia. Crederes generoso pede calcasse, vt, supra imperia & orbis regna, caput in Principe suo Belgium extolleret. Ingens amor. ibit hic in omnem posteritatem, & inter inuidas magnorum mentes, in æterna iuuenta stabit. Fortunatus cum ab aliis, tum ab ISABELLA nostra CORDYBA, magni GONSALVI sanguis. quem comite & socio, factorum magnitudine verè magno TILLIO, in Germania Mœnus & Neccarns, fugatis castrisque, modicâ manu, ingentibus Halberstadij & Dorlachij exercitibus, æternum nobilitauit: Belgicusque Flerüanus ager victorem vidit, contra inuictum in illam diem peditatum, præualido,

in patentibus campis, equitatu subnixis; cedere coactis hostibus. Felicior tamen, quod omnium orbe toto Principum nobilissimæ, maximæ, prudentissimæ ISABELLÆ ore laudatus; omniumque ætatis nostræ Principum virorum, Germanicis, Austriacis, Bohemicis victoriis fortunatissimi, clarissimi, MAXIMILIANI Bauarici muneribus, victoriæ testibus decoratus. Felicissimus, quod pietas triumphos à Deo meruerit. Ut dicere illud Bauaricum posset: *Pugnasti, Deus & pietas vicit.* Dubium, eruditione, modestiâ, comitate, prudentiâ, an armis maior. Macte animis. hæc via ad magna est. audeo; ad summa est.

CAPVT XL.

Veterem Nobilitatem commendatam habeat.

*Nobilitati
veteri succur-
rendum.*

INDIGENTI Nobilitati succurrat, cadentem erigat, collapsam veterem restituat. Factum à multis, maximè ab Alexandro Seuero. Nemo prudens veterem deprimet, ne ab ignominia & paupertate, in ferrum cogat, vltimum desperantibus remedium, aut ad vicina regna. Neque deesse vnquam Principi ratio potest. non defuit Augusto, non Neroni primis annis, quibus ex laude imperauit. Et quid facilius Principi, quàm pecuniâ iuuare egentes, aut locupletibus matrimonijs, aut quæstuosis muneribus? Et verò nescio quid gloriosius euenire Principi possit, quàm

quàm magnæ Nobilitati imperare; vt crescere gloria Principi ex illustri & veteri Nobilitate videatur, perire Nobilitate pereunte. plurimum enim lucis decedere regno videtur Nobilitate obscuratâ, tanquam si quis cælo stellas detrahat: quid enim nisi tenebras & noctem orbi inducat, luminaribus subductis? Sciebat hoc Tiberius. primum proinde illi studium Nobilitatis; sed Nobilitatis in armis exercitatæ. Sciebat Philippus Magni pater: quare veterem omnem nobilem iuuentutem armis instrui curabat. fuit hæc robor Macedonum: quâ vnâ orbis sub Alexandro imperium stetit; corruit verò gentis gloria, cum sub Perseo neglecta Nobilitas, ignauia & otio permissa.

- Non quòd solius nobilitatis rationem haberi, velim. virtutis magis habenda. Exemplo id suo Vespasianus docuit, qui nobilem adolescentem, quòd muscum redoleret, concessâ præfecturâ exiit, indignum munere arbitratus, qui plus vnguenta quàm allium, Suetonio teste, oboluisset. Quòd si ad nobilitatem virtus accesserit, dignissima imperiis ac præmiis erit.

Eriam Regum filios assuefieri armis velim. fecerunt Imperatores, maximèque Romani; tum vt laboribus pares facerent, tum vt miles amare disceret, tû ne aulicis deliciis languescerent, denique quòd securiores de legionibus forent, filiis ductoribus. factum à Tiberio, à Vespasiano, ab aliis. feliciter semper. nam qui exercitum committit aliis, precario sæpè regnū tenet, & dominum paritur. Quòd si qua necessitas ad consilia hæc cogat, non patiatur ire hæc

Maiores virtutis quàm nobilitatis ratio habenda.

Assuefiant armis Regum filij.

hæc imperia in annos, ne felicitas & potentia in audaciam vertantur, & imperare pergat velle, qui imperij gloriam diutius gustavit, & amicos parauit, & regni robora in manu sua tenet. Quid enim non suadeat opportunitas? Factum sub Galliæ Regibus à Capeto. factum alibi, & Romæ non semel.

CAPVT XLI.

Duella penitus extirpanda. nec parcendum in hoc genere.

DVELLA omnia seuerissimis legibus, setiore etiam poenâ, tollat. nullique hîc parcat. summa pietas est, non parcere; summa crudelitas, parcere: sæuit in patriam, qui parcit; consulit patriæ, qui punit: cum ferè per duella nobilissimus regnorum sanguis fundatur: iacent mutuis vulneribus, ad quorum arma hostiles trepidarent exercitus, primisque propugnatoribus nudatæ iacent vrbes. Terrori longè latèque esse poterant, si barbaro consanguineo ferro non caderent. ceciderunt: & in his Respubl. sæpè tota. vt nullus tam inimicus hostis regno, nullus tam amicus hosti, quàm nos ipsi simus, dum & regnum exuimus propugnatoribus, & hosti viam sternimus. Et nescio, an aliquid æquè noxium excogitari regnis possit. Cum enim ferè regnorum robur nobilitate contineatur, in hanc verò maximè duella sæuiant; nemo non videat, robori per duella insidias strui, &

Regna primis propugnatoribus exiuntur per duella.

regnorum per hæc iugulum peti. Vt taceam barbarum morem, nec ego minus feritatis in hoc barbaro lusu, quàm in Brasiliensium mensis reperio. Iacent victimæ, civili ferro, vt migrasse in Christianos credas cruenta Diomedis præsepia, Buhridis aras, & Christiana Taurica regna facta, nouos Tydeos in nouis Menalippis. hoc enim vnum deerat, vt *vino scelerantes sanguine fauces* Christiana pietas videret. Fuit hoc olim orbi portentum, cùm staret *con sanguineum campo scelus*, vnius ingens Bellum vteri, Etæoclis & Polynicis fratrum. Nata nunc ætas, quæ vicit illam: neque enim in vno fratre ferum stetit, vt dici possit, *Vinci sua crimina gaudent Manes*. Et hæc Christiani. Causam si quæras plurimum nullam reperies, quasi supra belluarum feritatem, in sanguinem propter sanguinem eatur. Honor prætextitur, nimirum honor est, totâ animâ in infernum delabi. & quod de illo,

— *Non arma manu, non frena remisit,*

Sicut erat, rectos deferit in tartara currus.

ita nostri, toto calente ferro, in nunquam morituros ignes animas deferunt, vt dicere cum eodem possint,

— *Non tumulo, non igne miser lacrymisque meorum*

Productus, toto pariter tibi funere veni.

O nimis toto! & ante funus toto! animâ pariter, & corpore flammis tumulandi æternis. Non potuit aliud Erebo nasci regnis deterius, dæmone confultore. Sed neque ignauior reperiri mors potuit, aut magis fatua, quasi aut vitæ cederet; aut hostilis metus in amicum impelleret ferrum. Creuitque eò stolidâ hæc insolentia, vt

anno

*Duellorum
mala Deus
à Principe
exiget.*

anno vno, regno vno, maior domestico hoc ferro nobilitas, quam decem iustis cum hoste congressibus caderet. Barbaram hanc consuetudinem quis crederet, inter Christianos, Christi sanguine lotos, æternitati natos, reperire? aut quis Deus Principi hanc culpam donabit? quam vereor, ne à manu illius suorum exigat sanguinem! Sistere hunc Princeps debuit, potuit. non stitit? fusi sanguinis reus stabit. Quis eripiet tanti sanguinis reum? aut quod flumen purgabit hoc crimen? Dicet, non potuisse? quo illi ferrum & pœnæ? Dicet, noluisse? non opus alio iudice. Dicet, parcere voluisse? parceret regno: & in vnius pœnam, multorum sanguinem sisteret. Dicet, aliorum precibus & lacrymis indulgisse? negligere priuatas, in publicis lacrymis debuit. Dicet, ignorasse? non cadit ignorantia in Regem, cum etiam remota regna duella hæc traxerint in admirationem. Dicet, non omnibus indulgisse? sed vel omnibus debuit, vel nulli, cum delicti paritas pœnæ paritatem deponat. & non vel vni indulgisse, ad audendum paria, reliquis viam strauisse est? Nulli ergo in hoc crimine ignoscet, & pœnarum etiam magnitudine terrebit omnes, defunctorum verò cadauera aut insepulta volucris relinquet, aut canum sepulturam donabit: à sacratissimis verò locis omnino excludet. bona etiam omnia partis vtriusque regio addicet fisco. neque vllis precibus victori, si fortè fugâ elapsus, reditum permittet, æternum elapso exilium esto. Cohibui hætenus calamum, emitto. video enim ante me fræna illi laxasse. D. de Bandaron libello suo De duellis, qui paucis vno regno

annis,

annis,

annis, post vetita regio edicto duella, septies mille cædes duello factas, regiâ lenitate, tanquâ aquâ ablutas, aut spongiâ deletas recenset. Cogita quot cædes nullæ condonationes, sed sola tēporis longinquitas deleuerit, quantæque ante seuerissimam duellorum inhibitionem, ante minas & pœnas, cædes perpetratæ. Addit, ad impetrandas duellorum condonationes tres auri milliones in iudices profusos: auro nimirum, tanquam balneo nobilitatis lotus sanguis est, auro emptus. O quis colorem teneat? quis Deus vindicem in impium aurum manu? O Reges! ô Iudices! ô regnum! reprimo calamum. Fortis in hoc genere ALBERTVS: præuenire duella valido imperio & minis solitus; facta punire, neque nobilitati hinc, parcere, non Principibus: & dissentientes archibus pro carcere includere; prouocatores etiam, aut non obsequentes, dignitatibus exuere. quo factum, vt in tantâ militari licentia, tanto exterarum gentium, mutuò naturâ dissentientium, concursu, rarissima duella exaudirentur. Prodigio simile credas, in tam varia omnium propè gentium nobilitate, odio ferè ab utero & matrum vberibus flagrante, tam rara duella exorta: aut in semine suo, prudenti ALBERTI imperio & forti, repressa & suffocata.

CAPVT

CAPVT XLII.

Magna cura habenda arary.

*Nervus Rei-
publ. pecu-
nia.*

*Civilis belli
maxima vis
in pecunia
sita.*

ARARIÆ maximam curam habeat. munimentum hoc regnorum est, & quo validius sæpè certiusque, quàm armis expugnes hostem. Hinc Cicero fatetur, Reipub. ac belli nervum pecuniam esse: & Asdrubal Hannibalem pecuniâ viam sibi ait stravisse in Italiam; cuius defectu, non militum, queritur Hannibal coactum se deserere Italiam. De civili verò bello, Mutiani magni Ducis ad Vespasianum verba sunt, *Omnis civilis belli nervum pecuniam esse, censetque vetus Historicus, publicas privatâsque opes, & immensam pecuniam inter civiles discordias ferro validiorem.* Plures nimirum illâ, quàm ferro trahes, cum potentior illa in suadela omni ferro sit, potentiôrque in sequela. magnâ enim illa vim habet animos conciliandi: à qua re vna civilium bellorum felices iuxta ac infelices exitus ferrè pendent. parasse nimirum sibi animos, vicisse est. Iam quid speres à milite, ætatio exhausto? nam siue in amico, siue in hostili agro exercitum teneas, quid agas? In amico prædæ indulgere non potes: nam quid peccavit amicus tibi populus, militari prædæ permissus? & in quem sævis, nisi in te ipsum, qui in obsequentem tibi populum sævis? & quid hoc est, nisi iniquitatis genus maximum, sæuire in tuum, in innocentem, in obsequentem? aut permittet tam barbarum hoc scelus impunitum Deus? Iam,

Iam, quæ fatuitas, vltro agrum suum opesque perdere? Si in hostili verlaris agro, & liberas permittis militi prædas, quid reliquum armatus miles faciet com meatui suppeditando? aut è quo speres, si hostilem agrum perdis, spemque omnem & opes omnes secas? Quod si ex omni agro prædas securibus subieceris, & statim ad ferrum decurras & funem, quid faciet miles pecuniâ destitutus, prædâ negatâ? perget prædari? paratam crucem inueniet. desinet prædari? mors illi: nec aliud super. Nam aut pereundum fame, ignauo militibus mortis genere, aut ferro suo præstuiendum fami. indigna hæc mors Christiano. Et tamen quò se verter miles? aut quæ hæc, non dicam Christianitas, sed quæ æquitas stipendia negare, prædâtes punire? stipendia spondere, fidem fallere; militem educere, in amico aut hostili agro metari, vitæ necessaria subtrahere, omnemque omnino viam vitæ claudere? claudit stipendiorum frustrator, cum quod vnum vitæ supererat, prædas subtrahit. ita vt militem, siue prædas egerit, siue ab iis abstinuerit, certa mors maneat, hîc fame, ibi fure. Dura conditio, ac in hæc diem inaudita, cogere militem aut in funalem, aut in inedialem mortem, aut in ferrum suum. nam si vltimâ fame & pauperie pressus, stationem deserit, crux illi paratur & funis. ita, in quâ se partem inflexerit miles, incurrit ingloriam mortem. Atque hinc militares seditiones, ô nimium Belgio funestæ! Et quem hîc damnes? militem? Quid, si subtracta stipendia? quid, si negata præda? quid, si nec ex hostili, nec ex amico agro necessaria præbeantur? quid, si nihil militi præter manû & ferrum? damnandus miles erit,

*Barbarum
sequi in mi-
litum præda-
torem, nega-
tis stipendiis.*

*A malè ad-
ministrato æ-
rario seditio-
nes nata.*

an malignè numeratæ pecuniæ auctores? Nemi-
nem damno. erit, cum decerner hæc falli nescius
Deus. O quoties militaribus, ex his causis, natis
seditionibus crepta è manibus victoria! quoties
Belgium sibi, Deo Regique propè redditum,
corrui, quoties vnâ seditione plus retrocessit,
quàm validissimis decem annorum exercitibus
creuerat! Et à malè administrato ærario sedi-
tiones omnes. ô nimis notæ Belgio, orbique in
vno Belgio! ô meum! Quàm exiguâ pecuniolâ
auerti militares hæ seditiones potuerunt! nemi-
nem accuso. Fortuna hæc fuit nobilissimæ pro-
uinciæ. O mea religio! quoties adnauigasti litto-
ribus, vt tenere iam manibus illa posses! repulit te
sæuior vêtus, & repulit in fluctus. Prospice, quis-
quis habenas tenes. Et tu, magne cæli tetrarûq;
domitor, auerte malû. Quinquaginta iam annis
sanguinem dedimus, hausimus, & cecidit propè
nobilior Europæ pars in vno Belgio. O! sat pœ-
natum datum. retrahere extentam in vindictâ ma-
num. aut, si necdum pœnarum satis est, tuâ magni
Dauidis exemplo, cadamus dexterâ. mitior Pa-
tris erit hostili manu. tuâ tantum cadamus. non
cadamus consanguineo diutiùs ferro, ô nimis
crudeli! Non cademus, si stipendia militi adnu-
merata fuerint: neque enim à stipendiato men-
struè milite metus. Audiamus in Alexandro Se-
uero Lampridium: *Milites non timuit, quod in vi-
tam suam dici nihil posset, quod vnquam Tribuni
vel Duces de stipendijs militum quidquam accepis-
sent; dicens, Miles non timet, nisi vestitus, armatus,
calceatus, & satur, & habens aliquid in Zonula. at
mendicitas militaris ad omnem desperationem vocat
armatum.* Planè ita est. & non omnis ferè mili-
tariis

taris secessionis metus à negato aut dilato stipendio? adnumera. & delinquenti ne parce. sed sœuire, & stipendia negare! O iterum meum Belgium! ô Regum Maxime! Dum hæc scribo, publicis rumoribus circumfertur, nescio an veris; supra septuaginta militum millia hîc censa, qui sacramentò tenentur tuo. Quid dico? stipendia in tot capita mēstruè numerari? ô! quis hos Deus capitatum designet? non desunt, qui quinquaginta millia voucant, è quibus decem præsidio sint vrbibus, & prouinciarum limitaneis munitionibus; quadraginta verò millia in hostem armata educantur. Nec periculum in quinquaginta milibus alicuius putant secessionis. Regià enim pecuniâ tuâ, quam mēstruè transnitrīs, ali perfacilè exercitum illum posse arbitrantur, & mēstruè viritim stipendia numerari. Addunt partem magnam pecuniæ tuæ magnæ exulare à milite, & inarmatas diuitare manus, locupletarèque ignauas, quæ ferrum nullum norunt, nomina veriùs quàm auxilia, qui nunquam in acie steterunt, nunquam tubarum sonum, nisi in spectaculis audierunt, nunquam armatum hostem, nisi pictum viderunt. quorum profusionibus neque Indiæ vtriusque opes sufficiant. ad solum regium ærarium expilandum ingeniosi. Tacco. quid diffundis in hos nobilissimam ærarij partem? non maximam Rex Magne? vide, quàm mens ferè his ingeniosè nequam. peior etiam res familiaris. & quid aliud speres ab his auri & ærarij exenteratoribus, nec aliud? Retrahe te calame, ne, quidquid toto Belgio otiosorum, in te vnum. O si hæc coràm intuearis Rex Magne! Sed fors augustam regiam Majestatem Tuam

tot stipendiorū augmenta decent: & magni Regis est pecuniā in plurimos prodigā manu fundere. Vtilia speciosis præfer, necessaria splendidis; & vinces. Quā vereor, ne præualeant inuenteratæ hæ consuetudines consiliis votisque bonorum! finio. nunquam enim sana magnāq; consilia inuidiā caruere. & quò hanc gratitudo & vltro accerso Religiosus? audet Paterculus: *Ineluctabilis fatorum vis, cuius fortunam mutare constituit, consilia corrumpit.* Nunquā hoc cadat in tam pium Regem, in Catholicū nomen, in veræ fidei inconcussam in hanc diem rupem, in quā quotquot hætenus orbe toto minitabūdi incurrerūt fluctus, fracti dissiluerunt, & audaciæ suæ præmium interitum retulerunt. referant æternum.

Fixeram hīc gradum. sed vt nauclerum, firmatis anchoris, ventorum illudit rabies, & *quas nolebat cogit inire vias*; ita me abripuit calamus, & nequidquam reluctātem coëgit sequi. pareo necessitati, ignosce. Quò tot, vt vir bello magnus narrare solitus, nouè inuenta munia, ne desit stipendio nomen? tot quasi exactæ militiæ iuvenes stipendio solo graues, qui nullum decus sudore & sanguine pararunt? tot donaria quocunque nomine signata? tot exautorati Tribuni, Centuriones, reliquorumque muniōrum, integris etiānum viribus & annis, quibus recentes succedāt, nimirum vt duplicatis stipendiis modus expilando ærario reperiatur? Plures sanè ex omni hoc hominum genere reperire se dicebat, quā Lucillum habuisse lego in magnum Mithridatem; quā Martium in vtrumque Pœnum duorum Scipionum victorem. Et quis post hæc miteretur non sufficere regium ærarium militi, qui purpu

praeparatorum hunc exercitum centies viderit? O vbi vetus Roma? vbi magni olim Centores? Premo conantem plura calamum, tacite lectoris conscientiae reliqua relinquens. Certè vni spe, & cā solā, malè administrandæ pecuniæ, animos, & tot iā annos arma, ostentat hostis. Quod etiam palam faterur, cuius si vires intuearis, si provinciae angustias, pro portento erit, quinquaginta iam annis cum Regum potentissimo, terrarūque, quasi ex aquo de imperio certasse. Magis miraberis, si propius, quo illius res loco fiat, cogitaneris. Dabo non mea, sed quæ partim vulgatis in Hollandia libris, partim communis omnium ore circumferuntur. Indigere Batauiâ bello sustentando, annis singulis, argenti (vt dicunt) millionibus quindecim, cum vix explete narretur annuus proventus illorum, quacunque arte qualitus, argenti millions summum vndecim: e quibus si depuleris argenti millionem vnum facile & medium, perfoluendo fœderis mutuatitiæ pecuniæ; & millionem etiam argenti vnum, quem annis singulis in propugnaculorum veterum instaurationem, nouorumque erectionem, impendunt, non supererunt argenti millions nouem. Crescant proinde necessum annis singulis immensum debita: quæ nono antè inducias anno, sex & viginti argenti millions superasse narrantur. quæ tantum abest, vt per inducias decreuerint, vt creuerint etiam plurimum. nam præter parem militum numerum quem aluerunt, redempta de Anglo oppida; Gallica, Bohemica, Hungarica bella & Germanica, milite & auro fota; propugnacula omnia, regiis omnino sumptibus, toto induciarum tempore,

aucta, firmata, nouè erecta, ingentem pecuniæ vim absumpserunt. Adde, caruisse illos toto induciarum tempore, vt ipsi fatentur, auro Gallico, Anglico, Germanico. Fors arbitretur aliquis, magna ex Indicis classibus subsidia ad Ordines deuenire. Fallitur. fuit cùm pecuniam, quam à priuatis in societatis partem acceperant, numerarent: nunc ex collatitia illa omni pecunia nihil super. Quod ipsi clarè editis libris testati, ne ignorantiam prætexere negligentia nostræ possemus. Quin imò non desunt qui dicant, argenti supra duodecim milliones à societate illa mercatoria deberi. quod illorum non pauci ingenuè fassi. Hic cogita quantâ opus pecuniâ ad annuas vsuras explendas: quanta, vt aliquid numerent priuatis collatoribus, ne omni apud omnes fide excidant. atque hoc sub nouo formore factum narrant non semel. De Occidentali societate nihil dico. hætenus ferè nomen est. Iam ex annuo prouentu, genus vectigalium, è fluminum, quæ in nostra potestate sunt, portoriis natum, quæ vulgò Licentias vocamus, si sustuleris, non infima pars ærarij corruet, argenti nimirum milliones minimum duo. Sed neque prudentiores vident, è qua re augere annuum prouentum possint, cùm nihil omnino inausum reliquerint, nihil intactum & inauctû. ac nuper ad eò è nouo singulorum capitum vectigali non admodum supra argenti millionem vnum collegisse referuntur. Quæ res si vera, non parum apud externos minuet opinionem numerosæ prouinciæ. Quid? quodd aucta in immensum vectigalia. iam millesima, inde quingentesima bonorum pars omnium exacta. accessit exinde

ducen

ducentesima. Nec hic finis. accessura centesima. Neque hic ratio habetur eorum quæ annuè pendunt bona: sed rerum in se pretia pensantur, domus quam inhabitant, suppellectilis. agrorumque, tanquam venditioni subiectorum. Vnde fit, ut non raro, qui annuos è bonis florenos recipit mille quingentos, numerare florenos cogatur quingentos. Addunt, in non vna provincia, supra mediam partem prouentuum annuè numerari. Quis hinc non miretur promptissimos ciuium animos? ô si in bona causa!

Redeo ad te Princeps. primam maximamque ærarij curam habe. Sacrosanctum hoc adeò tibi sit, ut nulla ex hoc munera, aut perrarò admodum, ad quemquam eant. E fisco hæc petenda, aut sanè è nouè aduenientibus. quæ nunquam deesse magno Regi aut Principi possunt. quæ licet magna, non puto in ærarium condenda, sed muneribus, aliisque seruanda. Commune ergo Principis ærarium, quod portoriis, vectigalibus, consuetisque regni prouentibus constat, in bella bellicolique apparatus, domesticamque familiam, roborandoque regno necessaria, seruetur: ut subitis & inopinatis necessitatibus occurrentibus, habeat, quo se regnumque tueatur Princeps: ne decurrere ad mutuatitiam sub graui fœnore pecuniam cogatur. non exponat fortunas suas his ærarij comedonibus, his omnis melioris vitæ blattis ac tineis. Agrarios mures legimus, qui non contenti herbas depascere, radicibus insidiantur & semini, ut spem omnem secēt futuræ messis. Ærarios in Republ. mures reperire non esset difficile, arceat hos Princeps, omnis

*Nulla munera
ex militari
æratio mune-
randa.*

*A fœnerario
arc abstinendum.*

melioris in Republica sanguinis, quia melioris auri prædatores. Faciet, si æratio benè fuerit, ne ab aliorū nutu pendere cogatur. Dedecet Principem supplicem fieri suis, & dum beneficia deposcit, beneficiis exedi non est prudentis fœneratitio ære regnorum robora enervare. & nescio an non minore dāmno hostiles, quàm pecuniariæ incursionēs ferantur.

Premebatur olim M. Antoninus Philosophus, è magnis Imperatoribus vnus, æratiꝝ angustiiis; fœneratitiâ pecuniâ non tam occurrī posse malis, quàm augeri hæc videbat. nouis vectigalibus exasperare populum nolebat: remediū ē domo sua sumpsit. Cum in bello Marcomannico omne ærarium exhausisset suum, neque in animum induceret, ut extra ordinem provincialibus aliquid imperaret, in foro Diui Traiani auctionem ornamentorum imperialium fecit, vendiditque aurea pocula, & crystallina, & myrrhina vasa, & vestem uxoriæ, sericam & auratam, gemmasque etiam quas multas in repositorio sanctiore Adriani reppererat. Et per duos quidem menses hæc venditio celebrata est tantūque auri redactum; ut reliquias belli Marcomannici exsententia prosequeretur. postea dedit potestatem emptoribus, ut, si quis vellet emptā reddere, atque aurum recipere, sciret licere. Dignissimum Imperio Romano, eadem Cassio narrante, habemus in Nerua: Pecunie inops factus, vestes primū & vasa aurea, pretiosam præterea supellectilem; sine illa propria, sine publica & regia foret, auctioni subiecit; ut militum necessitati occurreret. Non absimile vidimus ætate nostrâ, cum nunquam satis laudati Magni Belgarum Principes ALBERTVS, de quo meritò dubites,
bello

bello Dux, an pace Princeps maior, & ISABELLA, in qua præter corpus nihil muliebri reperiatur, ornatum omnem suum, in pignus fœneratitiæ pecuniæ, quò militari subuenirèt inopiæ, lubentes obtulerunt. Certauit hîc Principum in suos amor, populi in Principes veneratio. quàm enim illi volentes vtròque domesticas opes omnes Antuerpiam transmiserant, tam faciles mercatores & pecuniam numerarunt, & gemmas pigiùra non admiserunt, cùm nullum certius sibi pignus Principum suorum voluntate esse dicerent.

Nec deesse ærario pecunia in magnis Regibus potest, si frugalitas adsit, si prudens largitio; si in solas res regno necessarias pecunia erogetur, si non profundatur in oculorum oblectamenta, in superuacuum splendorem, in prodigiosa munera; si non negligantur vectigalia, non annui prouentus; si non fuerit indulgentior in administratos, & ærario præfectos. Docet nos Impp. Romani, docent alij. Semper Claudio, Caligulæ, Vitellio, Neroni defuit. nūquam Augusto, quod daret defuit. cuius, in orbis imperio, diligentiam quis non miretur? Habuisse illū librum, in quem Imperij opes omnes manu suâ referret, regnorum, prouinciarum, urbium magnarum, vectigalia omnia, terrâ marique speranda, prouentumque Imperij annuum omnem; sumptum denique necessariò profundendum in familiam, exercitus, classes, ne quid supra Imperij vires aggrederetur, nec supra censum erogaret, tradunt Historici. Semper etiam Tiberio, quod dare posset, fuit. Idem imperium, regna, prouinciæ, vectigalia eadem, nec onera Tiberio inferiora,

*Regi frugali
desse pecunia
nō potest.*

nec numerosior prioribus exercitus fuerat. & cum nihil successores in prioribus reperissent, Tiberius moriens septem supra sexaginta aurum milliones reliquisse narratur. Elegans omnino parsimonie locus apud Plinium in Traiano est: *Nam mihi quidem cogitanti, eundem te collationes remisisse, donarium reddidisse, congiarium obtulisse, delationes abegisse, vectigalia temperasse; interrogandus videris, satisne computaueris imperij reditus? an tantas vires habeat frugalitas Principis, ut tot impendys, tot erogationibus sola sufficiat? nam quid est causse, cur alius quidem, cum omnia raperet, & rapta retinerent, ut, si nihil rapuissent, defuerint omnia; tibi, cum tam multa largiaris, & nihil auferas, omnia supersint? Numquam Principibus defuerunt, qui fronte graui, & tristi supercilio utilitatibus fisci contumaciter adessent, & erant Principes ipsi sua sponte auidi & rapaces, & qui magistris non egerent, plura tamen semper a nobis contra nos didicerunt. Sed ad tuas aures, cum ceteris omnibus sum vel maxime auarus adulatoribus obstructus est aditus. Silenti ergo, & quiescunt, & postquam non est cui suadeatur, qui suadent non sunt. Prudenti parsimonie Traiani, hæc omnia verè magna tribuit.*

Nec opus in hac re magno molimine, aut ingenio. Vna, non indigna Regibus parsimonia omnibus sufficit. Nec difficile est Regi scire, quot è militari arario milites alere possit, quot naues triremes; quantisq; in domesticas res opus sit. At nos dona profundimus, & tanquam diuitiarum hostes diuitias effundimus, & in immentes proicimus, militariūque stipendiū magnitudine arariū perdimus. Verum merita, præmia deposcunt: fateor. promeritus miles est auge

auge dignitate, cui maius stipendium adnexum: non auge stipendio, quem in eodem cum reliquis militari gradu destituis. discatque Romano more miles in digniore gradu auctius stipendiū sperare: sed non crescant stipendia amicorum precibus, gratiā, alienā commendatione: ne ille, qui sanguinem sæpè fudit, vnico stipendio contentus cogatur viuere; ille, qui nunquam dedit, nullum hausit sanguinem, ignauitæ suæ præmiā ferat. Deprimit hæc res frangitque fortium virorum animos, cum è sola nobilitate, aut nudis commendationibus crescere stipendia sentiunt. nec sanguinem gaudentes fundunt, quem non vident remunerandum: sed virtute desertā, amicos parant, quorum studiis maiora sperare audeant. Ingentem hæc res ignauiam animis ingenerat, cum ignauissimum ferè conscendere ad maiora videant, fortissimum iacere. Destituitur nimirum amicis, quorum manibus efferatur, solā virtute diues, stipendiis pauper. Dura omnino res, & in regnorum perniciem nata, cum solā amicorum gratiā ad militaria promouentur munia, qui nullum antè ferrum in hostem strinxerunt. Quis animus veteranis esse potest, sub his è schola & matris sinu ductoribus? Quousque tam fatuis inhæremus? & quis non rideat leonibus lepores imperare, tauris damas? Veteranos proinde, ferro & sanguini assuetos, præesse volo. imperare, horum; obsequi, tironum est, si saluam Rempubl. volumus, si regna. O si hic non his peccatum meum Belgium! loquar? quot tirones vidimus ductores! & quoties sub his nobilissima sudauit prouincia! Sed nobilitas his magna. à quoties incurrimus

in

*Nunquam
augenda mi-
liti stipendia.*

*Ad militaria
munia pro-
mouendi qui
foribus fa-
ctis promer-
iti, nec aliq.*

in hos scopulos ! ergo quia nobiles, peritissimi
ductores, fortissimi milites? & quia nobiles,
prudentissimi Senatores, eloquentissimi orato-
res? fors & peritissimi pictores, textores? aut in-
genita nobilitati prudentia, robur, constan-
tia, vigilantia, fides, eruditio, eloquentia, re-
rum experientia? ab vtero nimirum & vbe-
re? Quamdiu tam fatuis ludimur viri? nec no-
bilitas sola Duces dedit, sed hinc matris lacrymæ,
ibi preces. non vxor, soror, filia: taceo. Accedit
non inferior error alter. ô medicam, Deus, ma-
num! nã ab hac vna opẽ spero. Inualuit dein cõ-
suetudo augendi stipendia militi; etiam non mi-
liti. Et creuit aded, liceat verum fateri, prodiga
hæc munificentia, vt plus propè mensibus sin-
gulis è regio ærario in stipendiorum hæc incre-
menta, in liberales donationes, in alimenta, &
extra militiam menstrua aut annua ignauia fo-
menta, inque ministrorum superuacuum exerci-
tum, quàm in pugnantem militem profundatur.
ita fit, vt, quod quinquaginta militum millibus
ærarium sufficeret, non sufficiat millibus vigin-
tiquinque: cum maior pecuniæ pars ad iam me-
morata deuoluatur. Remedium in manu est.
Eget Rex, bello seu inferendo, seu propulsando,
quinquaginta militum millibus. videat, quan-
tum hinc pecuniæ opus ad cõsuetam militum stipen-
dia, numerarique hanc viritum militi curet mē-
sibus singulis. augere vult stipendia è quacunque
caussa, augere numerum vult otiosorum ferè mi-
nistrorum; menstruos annuosue prouentus, fa-
uori, nobilitati, magnorum precibus vult conce-
dere: nihil è destinatis militi stipendiis decerpit:
sed nouo ærario donationes has expleat. pri-
ma

ma militis cura sit. Si quid fors pecuniæ è designato antè militum numero supererit, in voluntariam regiam munificentiam, è quacunque causa natam impendatur. nec antè in hanc, quàm expleta statà militaria stipendia. Hoc si impetrauero, vicimus. nec bella iam vlla; nec metuendi Reges. vnus Hispaniæ Rex omnibus satis est. ærario tantum inuigilandum regio; nec quidquam ex hoc nisi à prudenti manu repeto; vicimus. negligimus, & consuetam insistimus viam? nequidquam triumphos expectamus: sed nunquam moritura è bellis bella, & præteritis damna maiora. non sint in regni interitum.

Verum graues bellorum sumptus sunt: neque multorum annorum bellis vnus opes regni pares videntur. Fateor ærario opus esse magno. Verum non videtur mihi res moliminis magni, rationem reperire, quàm sine magno regnorum incommodo, militi ne quid desit provideatur. Si nimirum, è sententia viri magni, à quo hæc veniunt; ante bella regnum in vrbes aut regiones Rex partiatur, singulisque cohortibus aut legionibus alendis certas prouincias assignet, mœstruamque illis militi stipendia numeranda impeteret, tanquam legionibus suis, quibus etiam prouinciarum nomina imponat. Exemplo mihi Rex Catholicus. Bella nunc illi in Belgio. atque vtrinam in vno Belgio, & cum vniuersa non sint Europa. In hoc bello ad hostilem insolentiam aliorum potentiâ fultam reprimendam, & ad loca præsidii firmanda, cogitemus opus esse septuaginta peditum millibus, equitum millibus quatuordecim. Magnus numerus, fateor, quæ opes sufficiant? vix annui milliones auri sex expleant militarem

Modus magnos exercitus alendi sine graui regij & rarij incommodo.

militarem hanc famem. quòd si tamèn partiariis onera, opinione omnium leuiora erunt. Et quid hæc onera ad Hispaniæ potentiam orbi notissimam? è qua vna quanta educi manus possit, è viri magni accuratissima subductione discimus. qua anno 1615: scribebat armari educique posse.

E Veteri Castella & Legionensi agro peditum sex & viginti millia, equitum millia duodecim.

E Castella Noua peditum triginta millia, equitum millia duodecim.

Ex Aragonensi regno & Catalaunia peditum triginta sex millia, equitum millia quatuordecim.

E Valentia & Murcia peditum sedecim millia, equitum millia octo.

E Granatensi regno peditum quatuordecim millia, equitum millia sex.

E Bætica seu Andalusia, & agro Giennensi, Cordubensi, Estremadura, peditum quinquaginta & vnum millia, equitum millia viginti.

E Portugallia seu Lusitania peditum viginti millia, equitum millia decem.

E Gallicia peditum octo millia, equitum millia duo.

E Biscaia latissimè sumpta, quæ complectitur quidquid inter Galliam & Galliciam terrarum iacet, peditum duodecim millia, equitum millia duo & nongentos.

E Nauarra peditum octo millia, equitum millia tria.

Quæ omniâ peditum statuunt ducenta viginti & vnum millia; equites nongentos supra octuaginta nouem millia. Ingens numerus, sed qui à magno viro, & Hispanicarum rerum peritissimo

tissimo profectus, fidem mereatur. Quod si singula regna & prouinciæ quartam eorum, quos armare possunt, partem in annos duos aut summum tres, ære suo, Regi suo mittât in belli subsidium, exurgēt peditum quinquaginta quinque millia, ducenti & quinquaginta; equitum viginti duo millia, quadringenti & septuaginta quinque. Auctior equitum numerus est: auge peditum, minue equitum; & pro quinquaginta quinque peditum millibus, substitue quinque & septuaginta millia; pro equitum millibus viginti & duobus, concede millia nō amplius decem.

Iam si regias intuearis opes, ingentes omnino sunt: cum supra sex & viginti auri milliones annuē regio inferantur ærario. & possent plures, si res, Augusti more, ad certos calculos redigamus. Nisi quis arbitretur, tam sedulam seriāque exactiōnem non cadere in magnos Reges. errat. noui pœnituit, nec puduit Romanum Imperatorem, nec quidquam magnitudini illius ex accuratissima, ac quasi priuati hominis cura, decessit; accessit plurimum.

Quod si Archiepiscoporum & Episcoporum regni illius opes recenseas, magnas omnino reperies. annis enim singulis Archiepiscopatus quinquaginta quatuor supra septingenta millia aureorum pendunt: Episcopatus verò, minimum septuaginta octo supra octingentā aureorum millia. Nec tango hīc Archiepiscopatus & Episcopatus Indiæ vtriusque, quorum opes in tanta gemmarum, auri, aromatum luxuria, quis cerō enumeret? Sed neque Sardinia, Sicilia, Neapolitani regni, Mediolanensis prouinciæ, aliarumque partium Regi parentium.

Adde

*Opes regia,
& omniū totā
Hispania
Pralatorū ac
Magnatū.*

Adde his militarium Ordinum annuos prouentus. Inuenies in S. Iacobi Ordine, qui nonaginta nouem administrationes seu Encomiendas continet, supra octingentos & octuaginta nouem, trecenta & octo aureorum millia.

In Ordine Calatraua, qui quinquaginta & vnā Encomiendas continet, centum & trigintaquinque aureorum millia.

In Ordine Alcantara, qui triginta octo Encomiendas complectitur, ducenta quadraginta octo millia, supra centum & quatuordecim aureorum millia.

In Ordine S. Ieoannis, qui in Hispania centum & triginta quatuor Encomiendas continet, ducenta quinquaginta, supra centum & triginta quatuor aureorum millia.

In Ordine de Montesa, qui tredecim Encomiendas complectitur, tria & viginti aureorum millia.

Quorum omnium summa nongentorum & quinquaginta millium, trecentorum & octuaginta septem aureorum est. Omnium vero omnino commemoratorum Ecclesiasticorum summa excrefcit in miliones auri duos, & quingenta & octuaginta duo millia, & aureos trecentos & octuaginta septem.

Taceo Abbates, Prælatos opibus claros, variarumque Ecclesiarum Canonicos, aliosque Ecclesiasticis prouentibus insignes: qui si in vnum conferantur, non cedant Archiepiscopis, Episcopis, militaribus Ordinibus sacris: adeoque superabunt non parum.

Veniamus ad sæcularium Principum opes. Reperio Hispaniæ viros Principes quos *Grandes* vocant, è prouentibus suis, annis singulis percipere;

pere; Duces nongenta & nonaginta aureorum millia, supra millionem auri vnum: Marchiones trecenta & quadraginta octo aureorum millia: Comites ducenta & sexaginta sex aureorū millia. Quæ si iungas, reperies supra milliones annuos duos, sexcenta & quatuor aureorum millia. Adde his annuos census Magnorum Hispaniæ in Italia, nongenta & septuaginta aureorum millia; & reperies, supra auri milliones tres, quingenta & septuaginta quatuor aureorū millia. Quibus addi possunt annui prouentus, Ducum, Marchionum, Comitum Hispaniæ, extra numerum Magnorum, milliones auri tres, & centum & quinquaginta & vnum aureorum millia. Quæ omnia excrescunt in septingenta & viginti quinque aureorum millia, supra sex auri milhones. Quibus si addas Archiepiscoporum, Episcoporum, Ordinūque militarium opes; exurgent milliones auri nouem, & trecenta & septem aureorū millia, & octingenti & septem aurci. His verò si iunxeris reliquorum Ecclesiasticorum prouentus illustriores, aliorūque infra Comitum dignitatem constitutorum opes, fidem superabunt regni vnus opes.

Ex his opibus si singuli vltroneâ voluntate Regi suo anni vnus prouentum offerant, quàm nobili augmento regium opulentabunt ærariū? Et quis petenti Regi, fidei & regni bono, subsidiarium anni vnus prouentum negabit? maxime si aliquid honoris regiâ munificentia singulis accedat. honor nimirum pro pecunia erit; maxime apud Hispanos.

Iam si, Augusti exemplo, quicumque Hispaniâ totâ, per cuiuscunque generis opes aliquid pos-

Bbb sunt,

sunt, in annos duos trefue, pro facultatibus nimirum ratione, militem vnum alterumue, aut plures sumptibus suis alant; quanti exurgent exercitus, Deo, Regi, regno! & quantula res est paucorum annorum stipendium, militis vnus, aut plurium, aut medij etiam, si plures non permittant annui prouentus?

Perget aliquis, & graua hæc esse dicet. at ego nihil hîc video admodum graue, aut metuedum: sed & si quid iudico, deduco rem ad facilem executionem, & magnam non magnò negotio militarem manum. In vniuersa Hispania, quæ ambitu suo tot regna & prouincias complectitur, opesque quas recensui tantas, quantas nullum orbe toto regnum, siue in regiam ætærium, siue in Ecclesiæ procures, siue in sæculo magnos confert, oppidorum minimum pagorumque millia triginta reperies. Sanè ex Alfonso Sapiente, de solo agro Bætico, refert Mariana historiarum lib. 111. cap. vii. *Tanto prouentui, ut centum millia quæ villas, quæ trapeta, in iis oliuetis, quibus Assaraffio nomen est, Mauris rerum potiunibus numerarent. Ingens numerus sed Alfonsi tamè Regis Sapientis historie auctoritate probabilis.* Hæc anno 1248. cum prouinciâ illam Hispaniarum fecundissimam Ferdinandus III. Sanctus, Mauris eripuit. Et verò Plinius lib. 11. cap. 1. oppida in Bætica numerat clxxv. ut nemo miretur si vniuersæ Hispaniæ triginta nunc locorum millia attribuam, è quibus educi miles possit. Educ proinde è singulis stipendia in pedites duos, equitem vnum; habebis peditum ex his regnis, millia sexaginta, equitum millia triginta. quod si plures hîc equites, deme de equitatu,

auge

auge peditatum: aut sanè medium tantùm equitem è singulis locis educito? Non quòd è minimis locis tantum stipendiorum velim colligi, quantum è magnis, sed habità populi & potentia in singulis locis ratione. ita ex vrbe vna viginti, quinquaginta, centum etiam, aut plurium sperari stipendia poterunt: è tenui pago, stipendium vnum, aut medium etiam militis vnus. Quæ omnia quo commodiùs, minòrèquè locorum sensu fiant, posset regià concessione permitti modicum aliquod vectigalis alienius publici, in singulis locis augmentum. è quo stipendia hæc, nullo propè populorum, vrbium, pagorumque sensu colligi possent.

Dicet alius, nulla à Lusitania, Aragonia, Catalaunia subsidiaria stipendia prudenter sperari. neque enim in illis Regem pro imperio omnia posse, cùm veterem etiamnum aliquam libertatem spirent, & ad imperata non rarò obniantur. nolo imperia: gratuita volo dona, & in annos paucos. Regiæ preces quid non possunt, maximè si præsentia nonnunquam suà populos illos, quibus vidisse Regem pro beneficio est, recreet? nec è Castilla tantùm, sed è media Lusitania, Aragonia, Catalaunia, in obsequium suum euocat, honoribus augeat, singularique regià beneuolentià complectatur; & faciles ad rogata reperiet. Quid? quòd inter beneficia numerent, benefacere posse Regi, cuius munificam benignamque manum experti sunt: regiumque adedè esse putent, benefacere Regi posse; maximè Hispani, in quorum ferè pectoribus, singuli spirant natantque Reges. nec gens ulla faciliior ad rogata, si supplicem quamdam

*Respondetur
obiectioni de
Lusitania,
Aragonia,
Catalaunia,
circa militarem
indictionem.*

venerationem admoueris, vt cui honor pro anima sit. Honorem proinde hunc à regia manu & ore si senserint, ac quasi supplicem Regem, in omnem proſilient rogati munificentiam. nec opes tantum, ſed & vitam lubentes vtròque profundent pro Rege, à quo honorari, ac quaſi coli ſe viderint. cultus enim illis pro opibus & vita eſt. Nec vlla natio facilius, aut ponit iras, aut vindictæ ſtudium, aut hoſtile ferrum, ſi venerandum ſenſerit hoſtem, ſi ſubmiſſum, ſi ſupplicem. tantum poteſt innata gloriæ cupiditas. Omnia retuliſſe ſe putat, cum honorem retulit. quem qui dare didicit, maiorem ab illa referet. laudemque etiam ac fidam dexteram. præueniſſe verò apud illam honore, pro quacunque offenſa eſt, & poſiti odij, & aſſumptæ amicitiae ſigno, ita patuo apud illam res magnæ parantur. Cedere qui potuit, vicit. venerari qui prior didicit, etiam ſupplices patietur; dexteram qui conceſſerit, referet. Laudas? honoras? cum ſcœnore laudes reponet. Hiſpanus ſemper, reponetque cum ſcœnore honorem. Fortius ergo laudari qui volet, laudet ac veneretur prior. nulluſque adedò finis laudis ac honori erit, ſi vel modicâ laude ac honore prior viam ſtraueris. tam modicis tam magna veniunt.

Addam illud, ab ore rogati, & militis Hiſpani, ſi è prouinciis ſuis ſinguli, ad Eccleſiaſticas dignitates, è gente ſua, non aliena, promoueri ſenſerint; ſi dein non è priuato prouinciarum affectu, ſed pro cuiuſque robore, meritis & fortibus auſis, ad digniora militaria munia euocari viderint; ad Cathedras etiam, & Regum ſuorū conſilia, & togata decora, è quacunque gēte,
ſolâ

solâ virtutis ac eruditionis prærogativâ, promoueri experti fuerint; facultatibus se subſque exuent omnibus, adeoque & vitâ, vt tam benefici in omnes Regis, & ſolius virtutis æſtimatoris deſideriis faciant ſatis. Experire quiſquis imperas. mentior, ſi non maiora calamo hoc meo profuderint, & multorum etiam annorum militaria ſtipendia, non latè minùs quàm munificè erogauerint. O, ſi placeant hæc vota tuorum tibi, Rex Magne! Fide, mi Rex, tuis, ſi imperare turò voles: & qui multis imperas, fide multis. Prima pacatè gubernâdi regula, fiducia eſt: ſumma, amor eſt. Diffidentia in contemptum, inde abit in odia & arma; & palàm improbi eſſe audent, qui priuatim non audebant, cum putent ſe filiorum legibus non teneri, qui pro talibus non habentur: & ſpecioſum ad arma prætexunt nomen, libertatē. Nam cùm prima regnorum omnium vni genti committi vident, excludi reliquos; illam filiorum, ſe ſeruorum propè loco haberi, ſeruorum ingenia mutuuntur. quare taciti primùm obmurmurant; exinde apertè, ac tandem palàm, hoſtem induunt, quem priuatim tenebant; cùm ſerui haberi nolint, qui filij eſſe debebant. Quid? quòd vna diffidentia aliàm trahat. ſuis Rex diffidit? experietur diffidentes ſuos. non credit ſe illis? paria expectet. negligit? negligent. contemnit? contemptu ſe vindicabunt, minas minis reſpercutient, & antè decurrent ad arma, quàm ſenſerint, iuſtam armorum cauſſam Regis ſui neglectum arbitrantur. & ſunt hæc arma ſerè æterna: quæ non niſi alterius partis interneſione, aut turpi pace ponuntur. Fuge hoſ ſcopulos, quiſquis purpurata hæc maria nauigas.

Fiducia, & beneuolentia, & in tuos amor, & ignorata discrimina gentis, pacatum imperium dabūt. cūm Rex omnibus pater, omnes Regi suo filij steterint, neque vllus nisi ex virtute delectus; nil est quodd arma Rex metuat, aut suorum ferrum.

*Quis miles
educi e Belgio
possit.*

Ingrediamur Belgiū, & ex ea parte quæ Regi paret, e sententia virorum bello & pace magnorum, militem colligamus. quā non magno molimine, partitis per prouincias, vt antè dixi, oneribus, pro singularum potentia, viginti & plura etiam millia educas! Vide quid educant e prouinciis suis aduersarij, quantumque annuè auri militi terrā marique alendo, colligant. nā præter vndecim minimū argenti milliones, quos in terrestrem equitarum peditatūque e suis referunt, ingentibus omnino, non priuatorum tantū, sed prouinciarum suarum sumptibus, classes sustentant, e maritimis nimirū vectigalibus. quibus, fateor, longè nos vincunt: cūm neque prouinciarū multitudine, neque potentiā quidquam illis debeamus. imò vincamus numero, potentiā, vrbiū magnitudine, frequentia, solique non vnā parte fecunditate, cūm ipsi oppida non numerent supra quatuor & octuaginta, pagos non supra mille sexcentos: nos oppida minimū triginta supra centū, pagos supra quinque millia.

Quodd si militaris stipēdij per prouincias partitio, ardua alicui, cūm perfacilis sit, videatur, reduco, vt antè dixi, in facilem Hispano more praxim. Inuenies in ea Belgij parte, quæ Regi etiamnum paret, oppida minimū centum & triginta; loca verò mœnibus suis viduata, e quibus plurima certare cum vrribus possint, ac quā
poten

potentiâ, quâ cultu & elegantîâ, ac populi frequentîâ etiam vincere; millia, vt quàm parcissimè dicam, quinque. educ è singulis stipendium pro peditibus quatuor, equite verò mēdio; editores peditum millia viginti, quingentos & viginti; equitum verò millia duo, quingentos & sexaginta quinque. Habitâ tamen semper potētiæ ratione. hinc enim, pro prudenti partitione, è ciuitatibus seu oppidis, è pagis etiam potentioribus, educes plures; è tenuioribus pauciores. vnde fiet vt ex vno loco educas decem, aut plures, ex altero vnum tantum. Quæ subductio perfacilis erit prouinciis singulis, quibus locorum omnium suorum opes notissimæ sunt. Quæ omnia vt vir quidam Belgarum non postremus affirmabat, è modico vectigalium in singulis locis augmento, nullâ populi molestiâ, per exiguo sensu colligas. Neque aded hæc noua, vt non noble vestigium apud Romanos, & quidem sub Augusto Imperatorum maximo, referente Paterculo, reperias. *Contra Marcomannos habitus delictus, renocati undique omnes veterani. viri feminaeque ex censu coacta dare militem.* Quantum Regi exurgat exercitus, si Augustum sequamur! Non dico hoc imperandum, pro imperio regis preces erunt. Et per commodos & amicos rerum talium suggestores, ac auctoritate in singulis oppidis locisque pollentes, non magno negotio peragi fors hæc res, posset. Multum in hac re Episcopi, Pastores, Concionatores, primique Senatorum, & qui è nobilitate populo grati, poterunt. Spes deinde ponendi belli, hostem superandi, damna auertendi, commodorum triam & quæstus, plurimum iunabit, nec quid-

quam ad spontanea in populo subsidia præbenda potentius.

Modus militem parandi qui suis stipendiis militet.

Addam aliud viri inter togatos non vltima Nobilitatem concede iis omnibus, qui stipendiis suis annis quinque militauerint. Nobiles verò, qui eundem annorum numerum de suo expleuerint, dignitatibus auge, Baronum nimirum titulo; Barones, Comitum; Comites, Marchionum; Marchiones, Principum, aut Ducum nec decrunt, quos gloriæ hæc prurigo ad vltronea impellet arma. Sed ita, vt quos his modis honoraueris, in proximum ab honore decennium, annis singulis parati esse debeant, mensibus quatuor, vbi regio euocati edicto fuerint, suis militare stipendiis, aut alium de Principis assensu substituere. Diutius si militandum, è regio ærario, reliquorum more, menstruo stipendio donentur. Quod quo lubentius faciant, aliquibus dona immunitatibus, quæ plus honoris quàm emolumenti adferant. vt in delictis solo gladio puniendos; nunquam bonis simul & vitâ spoliandos; domos, quas inhabitant, siue vrbicas, siue suburbanas, ab omni militari præsidio eximendas. His, similibusue si donaueris, non decrit Regi suo miles.

Perpetua militis excitanda.

Perpetuam deinde (vt è nobilitate non postremus suggererat) militiam Rex instituat, vt sub perpetuis ductoribus stipendia miles faciat, qui in omnem euocationem paratus sit. nec stipendia tamen vlla, nisi quibus in armis est mensibus accipiat, annis verò singulis, sub suis singulis ductoribus lustrum faciant. His etiam honoris aliquid largiendum, quo lubentiores & paratiores habeas. Insigniri possent titulo Custodie regis.

regiæ, ita vt tertio quoque mense distributi per
 turmas, regiæ custodiæ incumberent. quo etiam
 tempore custodum corporis stipendiis gaude-
 rent. Nec perpetui alij designandi: sed mutuo hi
 succedanei, perpetuorum corporis custodum
 vices obirent. Habes aliquid non omnino ab-
 simile in Salomone, de quo illud Scripturæ: *Et* 3. Reg. 3.
*habebat Salomon quadraginta millia pæsepia equo-
 rum currulum, & duodecim millia equestrum. ni-
 triebantque eos supradicti Regis Pæfecti. Quorum*
 exemplo singulæ prouinciæ nostræ ordinarios
 milites suos leui stipendio alere possent. Augu-
 stus sanè ordinarios milites statuit. seruatum à
 successoribus, vt paratos ad subita bella habe-
 rent, & in celeri malo pro celeri remedio fo-
 rent. factum idem à Philippo Macedone, qui
 mediocri stipendio, diuersis locis militem ale-
 bat. Vires enim suas nisi coniuncti, non vident:
 cum agmen fecerint, terribiles fiunt. Disiunctim
 etiam exercendi, curandumque in pritis, ne
 otio diffuant. frustra enim ab ignauis magna
 speres.

Verùm fors hîc quisquam dicat (vt nunquam
 deesse ingenia solent, ad euertendum quàm ad
 struendum facilia) non carere hanc rem pe-
 riculo. In exemplum esto. si è Belgis exercitum
 conscripseris, qui Belgica mereat stipendia, vin-
 dicare hoc milite se Belgas in veterem liberta-
 tem posse. Quàm ingeniosa in alieno æmula-
 tio est! nullo illi sæculo rationes defuere: non
 deerunt nostro. quanquam rationis huius ad-
 mirari satis fatuitatem non possim. Sed nimi-
 rum magna imperia fortuitis sæpè magis, quàm
 prudentibus ausis creuere: & , vt virorum non

*Respondatur
 obiectioni, à
 diffidentia
 nata.*

ultimus dicebat, mole magis suâ, quàm sapientiâ steterê. vt arbitreris noluisse Deum vni regno prudentiam, & potentiam largiri. Verùm ad rationem. Quod timeri periculum, vt prudenter vir bello clarus, è Belgico milite potest? exercitus illius Ducem Rex dabit, legionum Duces Rex dabit, peditum, equitum. Regiæ ergo munificentix obstricti stabunt: nec ad militares honores vlllos, nisi regiâ manu, via patebit. colent ergo illum, à quo beneficia sperabunt. Imperium nullum prouinciis in militem hunc erit: legionibus tantum suis, singulæ in menses singulos, pecuniam capitatim per aliquem è suis designandum numerabunt. nec extra pecuniariâ hanc enumerationem ius vllum prouinciis erit.

Sed noua hæc. Imò vetera sunt, & Romanorum hunc morem in maritimis classibus Cicero in Verrinis tradit. & Bataui secuti, singulis prouinciis suis certas legiones designant stipendiarias, quibus menstruatim stipendium è vectigalibus aliisque adnumerant. Nec error hîc ludit vllus. per certos designatôsque è prouinciis homines, pecunia hæc militi mestrue numeratur. quòd si qua prouinciarum à quacunque causa oneri huic succumbat, potentior alia in oneris partem venit. Quid veremur imitari prudenter excogitata? an pudor imitari prudentiam in hoste? aut cadere malumus imprudentiâ nostrâ, quàm hostili prudentiâ stare? Quanquam, si hostem nolumus, imitari non pudeat Romanos. nulla vnquam gens hos magistros spreuit.

Sed magna hæc foret è Belgis manus. Vellê, aiebat ille, maiorem, quo certius hæc bella ponamus, & optatâ fruamur pace. ô nimis diu speratâ!

ratâ! Et tamen miles magnus. Video quid velis. diffidentia aliqua obuoluitur cordi. obsideri hæc vis: fateri non vis. ergo nolles tot arma prouincialia. malles externa? O, quamdiu fatuis his, in regnorum & religionis interitum, innatabimus timoribus? Quot iam annis solo propè Belgico ferro & manu steterunt hæc religioni & Deo bella! Quantum Hispanum militem videmus? millia fors tria aut quatuor. & quæ hæc manus, si armis stare fides debeat? quantum videmus Italum? nihilo Hispano milite superiorem. quantum Germanorum? vix superiores etiam numero. Iam quid miles hic omnis externus præter honores plurimum & opes venatur? vni Deo quis hos credat militare? Belgico militi pro fide, pro patria, pro coniugibus, pro liberis, pro fortunis, & suorum incolumitate concertatio est. Et sanè ni fides nos teneret in Deum, in Regem, in Principes, quæ vis teneret? ludus sint arma externa omnia. sola, vti vir omnino magnus dicebat, nos fides tenuit, sola tenebit. Infrendant hostes. nulla alia arma, quam amoris in Deum, in Regem, in Principes, Belgas flectent. Stetit hoc Belgis semper, stabitque, indomita antè ceruicem mori, quam quarundam gentium exemplo, seruitutem tanquam è iucunditatis poculo bibere. Adde orbis vniuersi arma, excutient. Fors opprimes: vti diu teneas, erras. nec Cæsaris arma, nec Augusti potuerunt. Sed nec totum Belgium subegere, decerpserunt è pulcro validoque corpore hinc inde partes: sed partes defrustrarunt tantum. Fallitur qui aliud sperat. quantum hic subegeris, tantum alibi erumpet, non si Regum omnium in

vnu

vnum conspiciunt arma. Vincuntur regna alia, & domita iacuerunt armis. solum Belgium nulla totum domuerunt: nulla domabunt, si vniuersum simul steterit. Nihil detractum eo reliquis regnis. Concedo Italiæ prudentiam, Hispaniæ robur, Galliæ suos ignes, Germaniæ constantiam; nemo Belgis audaciam, industriam, vires adimet. Expertus hoc olim Cæsar est, & Galli sæpè, & quotquot arma mouerūt, quotquot intulerunt. Et nescio an non soli Belgæ, soli semper amoris cesserint, soli Principum suorum beneuolentiæ, comitati, humanitati. armis vniuersim nunquam. Orbis antè thesauros euertes; & omnium vbique regnorum, orbisque aded ipsius arma & potentiam franges, quàm aut vniuersum Belgium subigas, aut diu terroribus teneas. Incipe amare, fidere, benefacere: vinctes. Nec vllam gentem magis fidam experire, & quæ sanguinem suum gaudeat pro Principe fundere, & inter beneficia numeret fudisse. Non dico arma ponenda, non capiēda. nec mea hîc, sed aliena narro. inter arma tamen, si capiēda, beneuolentiam non omnem exue; vt in medio ferro eluceat aliquid benignitatis, in victoriis moderatio, in captiuis modestia, in victis māsuetudo; & vinctes. Nulli facilius ferunt imperium, si amari se senserint; nulli facilius excuriunt, si negligi se viderint; nulli facilius pacantur, si Principes patres experti fuerint; nulli pertinacius exasperantur, si seruorum more habeantur. Peccarunt; sæui vt pater, experieris filios, si te senserint patrem. Patrum ergo more puni, vt flagra patris referant manum, non iudicis, non domini. O crede quisquis imperas Belgis. Quos
si ha

si habueris tuos, nihil est quoddè sententia viri omnino magni, metuas orbis arma. Certè, si liceat vera loqui, nulla orbe toto prouincia ferendis bellis aptior, nulla ferendis. nulla tot fortissimorum militum exercitus educit, nulla tam validas instruit classes. nulla post hostile ferrum, & depopulatos agros, vrbesque vno incendio deletas, faciliùs exsurgit, vt arbitreris, Phœnicis more, cineribus suis innasci. & cultiora ferè semper surgunt, quàm militaris licentia, aut sœuitia absumat, vt credas naturæ quodam beneficio, perire, vt augustiùs resurgant.

CAPVT XLIII.

Nouè inuenta & proposita, serio examini subijciat.

FREQVENS Regibus est, audire ante illam diem inausa, inaudita. nec mirum hoc cuiquã videri debet. placendi studio, commodo suo & Reipubl. magna ingenia ad magna exacuuntur, maximè si munificum Principem nacta fuerint. Quid non speratus honor, & diuitiæ possunt? tot artium variarum inuenta, tot terræ, mari, montibus, vallibus, nemoribus, pascuis nouè excogitata, tot vœtigalibus opibûsque augendis, firmando regno, extendendo, propugnando, reperiata iam sunt; & noua tamen semper succrescunt, protruduntur noua. Quid in tam diuite varietate faciet Princeps? nec fidem statim adhibebit, memor fraudum; nec reiiciet, pœnitudinis memor. Fido proinde prudentum examini pro

*Inuentoribus
rerû nonnullâ
fauet Princeps.*

proposita exponet; etiam illa, quæ primâ fronte damna videntur minari, aut regni vires superare, nil obesse audisse potest; repulisse, potest. Et ut levis animi est, fidem omnibus adhibere; ita morosi ingenij est, omnia repellere. Damnatuſ ab omnibus Protugalliæ Rex, quòd Chriſtophorum Columbum magna ſpondentem repulerit: laudatuſ Hiſpaniæ Rex, qui audiuit, examini ſubiecit, feliciffimo ſucceſſu. Imitetur Princeps. ac primò videat quid promittant nouarum rerum inuētores: ardua ſint, an factu facilia: periculum creati regno poſſit, an ſecùs: ſumptuſ magni faciendi, an paruo res peragenda: numeranda aliqua pecunia inuētori in anteceſſum, aut quæ erogationi illiuſ ſubſit, an contentuſ præmio, re peractâ, ſit. Si periculi nulluſ metuſ, ſi perexigui ſumptuſ, ſi nil ad auctorem accēſſurum, ni re ex voto peractâ, quid vereri Princeps poſſit? Nec terrere interim illum rei difficultaſ debet. Nullo tamen modo in res dubiaſ profundat regni opes, aut roborâ; intentata tamen non relinquat profutura. Videat quàm fortunatè Salomon in Ophir claſſem miſerit auro deuehendo; quàm feliciter in Orientem Luſitaniæ Reges, in Occidentem Hiſpaniæ, non magniſ ſumptibuſ, gloriâ & emolumento maximo nauigauerint. quanto deinde Angliæ bono, lanificiuſ omne è Belgio migrauerit, quantòque huiuſ malo. Idem de variis artibuſ dicere poſſem, quæ ſecundiùſ in alieno, quàm in quo natæ ſunt, agro ſucceuerunt. tantuſ profuit, non repuliſſe inuētores. Sed & arteſ non paucas à viciniſ remotiſque regniſ mutuati Belgæ proſperrimo euentu. quanquam

*Belgarum in
artibuſ colē-
diſ & inue-
niendiſ in-
duſtria.*

ab

ab his reliqua regna plures. Ita facundum semper, ac inuentione diues Belgium fuit. qui primus substructâ pice cælare docuit, Belga fuit. oleo primus Belga pinxit. typographica ars à Belga nata est. intexere primus lino agros, nemora, arces, vrbes, montes, rupes, valles, maria, acies, conuiuia, & quidquid vbique est, Belga docuit. acui quiduis, propè supra fidem, pingendi ars à mulieribus Belgis in alia regna, vicina remotâque migravit. portento simile credas, si quinquennes virgines in docto hoc opere ludentes, inter amicas ætatis illius confabulationes, videas, vt, dum adesse per ætatem prudentia non possit, huic vni inesse credas. Transierunt denique hæc, plurâque alia ad alios: quædam etiam, licet perpauca, ad has prouincias ab aliis defluerunt. Prudens proinde Princeps, quidquid profuturum regno suo, audius audiet, seriò discutiet, neque temerè admitter, nec negliget: aliquid etiam leui pecuniarum & ærarij danno; audere non verebitur. Non magna rei parue iactura est, quam spes maxima comitatur. & sapiens escam proiicit, licet non rarò optatâ piscatione frustretur: scit vincere non posse, qui perdere nesciat, magnæque prudentiæ esse, pecuniam in loco negligere. hoc est terræ semina mandare, & perdere, vt centuplo perdita recipias fœnore.

CAPVT

CAPVT XLIV.

Quis modus Principi tenendus in querelâ populi de Magistratibus & Nobilitate?

*Non permit-
tes populum
obruis à No-
bilitate.*

*Non sunt ne-
gligenda po-
puli queri-
monia.*

*Cauendū ne
Senatum de-
decere affi-
ciat.*

POPVLI de Magistratibus querelas, nec vniuersim reiiciat, nec admittat, fidemque nec totam adhibeat, nec abroget: sed neque opprimi populum, nec contemni Senatum permittat. & cūm populi querimonias non negliget, tum Senatus auctoritatem tuebitur. Serio proinde maturęque populares delationes examinabit, amicę audiet, beneuolę excipiet: responsa tamen trahet, & moram rebus iniiciet, quę sola sæpę mederi malis solet. Quod si quid dignum emendatione repererit, priuatā id potius monitione faciet, vt antę emendatam populus rem videat, quā emendationem imperatam sciat; quod & sua Senatui stet veneratio & auctoritas, & malis remedium adhibeatur: rēque ferē eo modo pertractet, vt Senatus ipsius iudicio emendatio adhibita videatur, ac nec tam imperata, quā vltro suscepta credatur.

Caveat verō ab eo omni, quod dedecus aliquod Senatui inurat in posteritatem iturum. Quod si res excusationem nullam patiatur, nec regi Senatus error possit, remedia adhibeat: sed ita, vt, dū errores Senatus corrigit, populi disquirat, qui sagaci, & industrio Principi nunquam deesse poterunt; & vtrisque simul medelam ad-moueat, ne gloriari impune populus de Senatus emen

emendatione possit, cum suos etiã errores corrigi à Principe senserit. Quod si quis è purpuratis populum grauius offenderit, prudenti omninò remedio opus erit, ne, si indulgētior Princeps fuerit, & delictū neglexerit, iram in se populi prouocet. cum enim se contemni credet, periculum è cōtemptu & desperatione creare Principi poterit. nescit affectibus moderari populus, ad extrema decurrit, odij aut amoris. hinc in manibus iuxta ac in ore ferrum. sanguinem fundere aut haurire, illi solenne est modestiæ ignaro. Vitabit hos scopulos Princeps prudens, nec illidet regni sui nauem ad hæc popularia breuia, non nisi sanguine mollienda. Dimittet proinde à se purpuratum illum, & remotioribus distinebit legationibus, quò & indignationem leniat, & metuendos regni motus auertat, & saluti purpurati consulat; & extra insanū popularem metū, fræni rationisque impatientem, fatuasque minas, ante sanguine ebrias, quàm illum biberint, opera illius fidâ fortique, regni sui bono, discrimine nullo, feliciter vtatur. sola plurimam mora leniet hoc malum. Quo enim calidior in vindictam populus, si contrà steteris; hoc remissior, si aliquid induleris. dies furorem mitigat, & quæ frangi cōiuncta non possunt, pereunt si dissolueris. dissoluit tēpus. neque enim summi æstus diu stare consueuerunt. & quidquid in præcipitio constitit, moram non patitur: aut enim pondere suo corruit, aut celeritate summa tenet. Cedat ergo primis feruoribus, tanquam primæ fornacis flammæ, Princeps. emorietur hæc, vbi materiam subtraxerit, & pro ignibus frigora experietur. Diu in eodem statu

furor nullus stetit, magis quàm iaculatus ignis, quem ambiens mollissimus aër temperat primo, exinde extinguit.

*Quid agidū
Principi, po-
pulo contra
Nobilitatem
commoto.*

Nec minor difficultas, cūm populus, Nobilitatis insolentiā, potentiā, auaritiā, libidine, ferro oppressus ad arma conuolat, aut ad serias & metuendas minas. Quid ager? roto se corpore opponet? quæ vis resistat popularibus torrentibus, tanquam è summis montium cæco impetu, nullo occurrentium delectu, irruentibus? Nobilitatem destituet, & robore se suo exuet? Anceps disceptatio. facilius tamen Nobilitas pacari solet, quæ ferè indignationes ratione temperat, soloque regio conspectu indignationes irasque ponit. In populo plus longè furoris quàm rationis, nec purpuram intuetur, nec sceptrum, nec Regum in se promerita, nec maiestatem reueretur. Nescit discrimina furor, non magis quàm venti nauium, quàm nubibus iaculata fulmina, prima quæque euertunt, clara illa, viliâque, iuxta habet. satis illis euertisse. Cedit ergo primis populi furoribus Rex prudens: & aliquid etiam largitur. Factum à Senatu Romano, cūm in Sacrum montem plebs armata secessisset, cūm Virginio & Canuleio ducibus, in Auentino & Ianiculo, arma ostentaret; cūm nunc libertatem, nunc pudicitiam, natalium demum dignitatem, honorum decora & insignia vindicauit. Faciet idem Rex, nec Postumij exitum, nec Appij Claudij fortunam, non Coriolani, non Camilli expectabit. Verum cui se Rex parti tradet, si arma utrimque steterint, nobilia, plebeia? illa ratione & præsentiâ suâ molliet: hæc simulatione, promissis, morâ, quarundam etiam rerum concessio

*Cedidū pri-
mis populi fu-
roribus.*

cessione, ac quadam fiducia ostentatione. In
vniuersum verò sapientis Principis, & regni cō-
modis ac tranquillitati studentis, cura erit, vt
Ecclesiæ Proceres deuinctos sibi habeat: neque
cūim vllā re potentiū, quā religionē hominēs
rapiuntur. addet Nobilitatem & plebem. illos
Ecclesiasticis immunitatibus, hanc honorum
prærogatiuā, plebem commodorum, moderatā
vectigalium institutione, humanitate etiā ac
comitate, quæ tamen non eat in neglectū. Quod
si parare sibi omnes non possit, maxime dissen-
tientibus inter se animis, Clerum sibi pareat, &
plebem. sequetur Nobilitas. neque enim illi
sat magna sine Clero auctoritas, aut sine plebe
vires. Enitendum proinde semper, vt obstri-
ctum sibi habeat Rex Clerum, & plebem. se-
quetur Nobilitas. quam si sine priorum offen-
sione iungere sibi potest, beatus: sin minus, non
vereatur, neque enim nudæ Nobilitati, sat vi-
rium in armatam plebem. quæ ferè suo pte in-
genio acrius fertur in Nobilitatem: cuius suæ
contemptum, siue fastum, siue supra reliquos
decora, cū non ferat, in odia exsurgit, inde in
arma, magis etiā, in Principis sui tuitionem,
cum benignum facilemque experta fuerit, &
fiduciā in suos plenum, aut Nobilitatis poten-
tia oppressum, aut terroribus minisque illius
cedentem.

*Ecclesia pro-
ceres sibi de-
uinctos ha-
beat.*

*Prima in
Principe cu-
ra Cleri &
plebis.*

CAPVT XLV.

Quid faciendum Principi, populo commoto & turbato?

DE commota multitudine quid dicam? diuites exemplis sumus. Olim in Sacrum montem plebs Romana secessit. variaz hinc sententiaz Patrum, vicit Menenius Agrippa, apta in concordiâ fabulâ, artuum & ventris. Iterata secessio sub Appio Claudio Decemuiro, Virginio auctore, qui pudicz filiaz interemptor, quàm corruptæ pater esse maluit. Exarsit alter tumultu, in Ianiculo, duce Canuleio plebis Tribuno, & impetratû vt plebeij Patriciis iungeretur. Quartus denique, quo honorum & magistratuum consortium plebs impetrauit. *In quibus omnibus populus, nunc libertatem, nunc pudicitiam, tum natalium dignitatem, honorum decora & insignia, Floro teste, vindicauit.* Itâ concedendum aliquid Senatus putauit, ne vniuersam Remp. euerteret. Aliquid etiam non rarò Princeps populo concedet. nam quis prudens, effractis aggeribus, torrenti corpus obijciat? flumen, adeoque mare, populus est. nec maior huic sæpè, quàm illi ratio. cæco proinde fertur impetu, & obuia quæque, nullo sanguinis, probitatis, sanctimoniz, maiestatis discrimine, subuertit. & quid sperare à fluctibus potes, littoribus semel euerfis? sæuire didicerunt, parère nesciunt. in bonos iuxta malosque feruntur. Effratorior etiam populus est, & fulminis instar validissima quæque demetit, nullo generis, crudi

ruditionis, amicitia, virtutis delectu; vt meritò fatuum infelicemque dixero, qui primis illius incurfibus latus opponit. vt inclamé cū Lyrico:

— *Ab miser*

Quanta laboras in charybdì!

Vix illigatum te triformi

Pegasus expedit Chimera.

Etiàm Principi hæc audeo. audeo & illud, in diſpari licèt cauſa:

Non vides quanto moueas pericla,

Pyrrhe, Getula catulos leana?

Dura poſt paulò fugies inaudax

Prelia victor.

Nam quid aliud irata plebs, quàm efferati catuli leonæ? vt nemo prudens, dum feruet indignatio, ſceptra illi obiiciat. Vbi enim ſemel excuſſa reuerentia eſt, non Principi, nō patri parceret, non Diuorum aris ac templis. quare componendi primùm hi fluctus, & leni mollienda colla manu. neque enim ſemper pectinem iuba leonina patitur. Diſſimulandū ergo Principi: aliquid etiam largiendū. ſedato tumultu, vbi deſebuit indignatio, & frigus calori ſuccedit, & fa-
tuos ipſi ſitos ignes damnare incipiunt, monendi, quorum præcipua noxa fuit. ſupplicia tamen vitabit, niſi fors in paucis, & captim, & in illis, quos populi ipſius voces damnant. quanquā prudentis Principis erit, æternā non rarò obliuione cuncta ſepelire, in auctores etiam nihil curioſius diſquirere, aut tanquam ignotos tranſire, vt ignorationi impunitatem tribuant. Audiamus in Cæſare Suetonium: *Si que cogitarentur grauius aduerſum ſe aut dicerentur, inhibere maluit quàm vindicare, prudenter.* Et in Agricola Tacitus:

*In populo tacito
bato diſſimula-
tione opus.*

Nec pœnâ semper, sed sæpius pœnitentiâ contentus erat. Bene alius: In cunctis populi nemo prudens statim immitet manum securi, mora danda. vltiò pœnitudo accedet. Peccauit in hac re Cæcinna, qui, Tacito teste, proximam quamque culpam, antequam pœnueret, clemibat.

Impetum ergo furentis populi morâ & arte magis, quàm robore, Princeps franget. clementia hic, mansuetudo, benignitas, comitas, dissimulatio primatum teneant;

Nō ira, quæ procudit enses,

Et miseras inimicat urbes.

nō ira, quæ prouincias viduat & regna, & acuit odia, exasperat animos, & ad extrema consilia cogit, & vicina circumspectare regna aut libertatem docet. Populorum tamen in his ingenia norit. sunt qui secures admittunt; sunt qui vincula & exilia, nec vltià. sunt qui verborum seueritate & minis ducuntur, nec supra minas patiuntur imperium; sunt qui beneuolentiâ duci volunt, & eâ ferè solâ: qui viros magnos extrema etiam promeritos, securi subiici crudele arbitrantur. In omnibus tamen curandum, vt plus timeant, quàm patiuntur. natura metus infinita est, dolor terminum habet. dolemus enim quantum patimur, timemus quantum pati possumus. quanquam nec diuturnus metus esse debeat: vertitur enim in furem, si prolixior sit.

In quacunque demum pœnitione nunquam vniuersam vim in vindicandis sceleribus exhauriat. sed ita benignitate seueritatem temperet, vt maiores singulis ac vniuersis terrores, quàm in præsentipœnæ proponantur. Magna tamen ratio habenda, propinqua an remota regna sint, quibus

*Ad populorū
suorum inge-
nia accōmo-
dabit se Prin-
ceps.*

*Seueritas be-
nignitate tem-
peranda.*

quibus imperat Princeps. ac in remotis longè mitiùs imperata exequenda, nec ferè quidquam imperádum quod vniuersum populo displiceat, siue vectigalia imponenda, siue gerenda bella, siue alia momenti maioris pertractanda. Volentibus namque maximè in latè diffuso imperio, imperare tutissimum est: ne, si quid imperare reluctantibus velis, quo remotiores à capite sunt, hoc securius faciliùsque imperium excutiant.

CAPVT XLVI.

*Quid faciendum Principum familiaribus,
quos Priuatos vocant.*

NON sum tam rigidus, qui affectum omnem Nadinere Principi velim; aut imprudens, qui sperem posse. Sunt quædam in vnoquoque propè nostrum animorum propensiones, quas non nisi cum natura exuas. moderari tamen has in Principe maximè velim, ne, dum laxat habenas, in nocitura regno ruat. familiaris ac fidentiùs etiam cum vno agere, nemo sapiens damnabit: domesticos etià habere, quorum còsuetudine, & obsequiorum promptitudine delecteris, nec nouum, nec mirum. quis enim obsequiosos negligat, aut non amet? non beneficiis cum possit, cumulet? aut quis probet eodem omnes loco haberi, prudentes, fatuos, virtutum vitiòrumque sectatores? Et non Regum est, maiore in eos affectu duci, quos aut eruditio,

Principè priuato affectui indulgere fas est.

aut innata pietas prociatque, aut vetus nobilitas virtutibus exornata, aut bellica virtus magnos deducit nimirum virtuti ut laus & premia, ita & amor est Sanè vel leuandi mœroris & molestiarum, vel ferendi solatii, vel benè cōsulendi causâ, amicos vouemus: quo magis Regibus, qui latus his incommodis patent. Et, ut exemplis res illustretur, non Daniel apud Darium magnus audiamus Scripturam: *Daniel superabat omnes Principes & Sarapas.* additur ratio: quia spiritus Domini amplior erat in eo. Nô Ioseph Ægyptiorum primus audiamus Regē: *Ego sum Pharas; absque tuo imperio nō mouebit quisquā manum aut pedem in omni terra.* De Naaman Syrorum exercitus ductore: *Erat vir magnus apud dominum suum, & honoratus: per illum enim dedit Dominus salutem Syria; erat autem vir fortis.* Et alibi: *Zabud filius Nathan sacerdos, amicus Regis.* Magnum, amicum dici magni Salomonis. & non Chusai amicus Dauidis? Quid? quòd Christo Petrus, Iacobus, Ioannes arctiori reliquis familiaritate coniuncti fuerint. Et quis tam duro ingenio, tam barbarè Stoico, qui omnes aut pari velit beneuolentiâ haberi, aut odio pariz aut quis nesciat potentiores in vno amoris aut odij causas, quàm in alio esse? Ut verum illud Paterculi semper fuerit, eminentes viros semper magnis adiutoribus ad gubernandum fortunam suam usos esse. Ut duo Scipiones duobus Læliis, Augustus Agrippâ, alij aliis. Etenim magna negotia magnis adiutoribus egent.

Cautè tamē
in eo proci-
dendum.
Eliker 16.

Cautè tamen in hac re à Principibus procedendum, monitu Artaxerxis Regis: *Multi bonitate Principū, & honore qui in eos collatus est, abusi sunt*

sunt in superbiam: & non solum subiectos Regibus
nutiuntur suppressere, sed datam sibi gloriam non fe-
rentes in ipsos, qui dederunt, moluntur insidias. Nec
contenti sunt gratias non agere beneficijs, & huma-
nitatis in se iura violare, sed Dei quoque cuncta cer-
nentis arbitrantur se posse fugere sententiam. Et in
tantum vesania proruperunt, ut eos, qui vreau sibi
officia diligenter obseruant, & iia cuncta agunt, ut
omnium laude digni sint mendaciorum cuniculis co-
nentur subuere, dum aures Principum simplices,
& ex sua natura alios astimantes, calidâ fraude de-
cipiunt. quæ res & veteribus probatur historijs, &
ex his quæ geruntur quotidie, quo modo malis quo-
rundam suggestionibus Regum studia deprauentur.
Nimis magna documenta in omnem posterita-
tem ætas nostra dedit, quid horum potētia pos-
set, quid noxius fauor, quid priuata studia. nec
potuerunt veriore Priuatorum horum mores,
quàm Regio Artaxerxis calamo describi. Quo
magis inuigilandum Regibus, ne cæco impetu
in delectum ferantur, ne nudo affectui nocitu-
ras habenas laxent, & in vnum, amorem ac mu-
nificentiam profundant totam. Nec mihi hîc al-
legent Christum in Ioanne, Petro, Iacobo, cum
quos Christus amicos deligit, diuite virtutum
quodam ornatu amore suo dignos faciat. & quo
crescit hic amor magis, eo crescunt & virtutes.
pari nimirum gradu amor, & virtus. In Regum
necessitudine alia omninò ratio: ferè enim quos
probos delegerunt, familiaritate deteriores fa-
ciunt; & quo crescit familiaritas hæc magis, eo
quiduis audendi libido crescit. alligata enim fe-
rè improbitas nimix Regum necessitudini est.
quæ animos cum suggerat, ad quæuis audenda

impellit: quasi nihil dignum familiaritate suâ faciant, nisi quantum possint improbis factis doceant. Nam in virtute posse, nō magnum; in scelere posse, magnum illis videtur. è virtute enim posse, rationi tribuunt; in scelere, soli potentiae ex Regum necessitudine natae.

Plures deligendi.

Deliget ergo Rex plures, quos virtus regiâ dignissimos amicitia suadet, & cōmunis populi opinio dignos eâ praerogatiuâ arbitratur, quo magis à se, & à delectis invidiam propellat. Prudentis est, populi opinionibus, dum sine Regum incommodo fieri potest, aliquid largiri. crescit enim ex his amor & observantia in Reges, & parendi in arduis promptitudo. sed neque facile vnus omnes fallat; vt plerumque communi hominum opinioni respondeant mores.

Non deligatur ex infima plebe.

Delectum verò hunc nollem ex infima plebe fieri. Peccatum in hac re à Ludouico & Philippo Galliae Regibus: & hac ætate nostrâ à non vno. Ferè enim fastus nouitati adiunctus, & insolens ex insolito imperandi studium.

Nec è prima nobilitate.

Sed neque primos è nobilitate, quorum ampla gloria, augusta familia, multae clientelae, latè diffusus sanguis est, multorumque obstrictio, magnae opes, animusque ad audenda magnus, & belli gloria magna; ne pœnitenda Regibus audeant, & cum possint, regna cogitent.

Nec quibus obstricti sūt.

Nec facile ad priuatas hasce necessitudines legant, quibus se multis obstrictos nominibus sentiunt; ne non gratiae & fauori, sed meritis concessum videatur; ne delectum hunc, nō pro munere, sed pro præmio habeant; & semel admissos excludere, sine ingratitude aliqua nota, nequeant. Gratuitus hic Regum fauor esse debet, quem

quæ excutere, tanquã vestem, cum volêt, possint.

Deligant autem, quos grandior ætas, rerumq; Senes deligã-
di. experientia docuit; quibus regni negotia, robo-

ra, opes, & hostilis potentia cognita, qui consilio & auctoritate valent; quibûsque in arduis animus & industria, in secundis moderatio; ad persuadendum elocutio, & incorruptum ante omnia pectus. Nam, ut bene Ambrosius: *Et*

avaritia septem nequitie procreatur, proditio, fraus, fallacia, perurium, inquietudo, violentia, contra misericordiam obduratio. Quid? quòd auri cupiditas materia sit perfidie? quã qui tenentur, venalia regni munia habent, exinde Regem regnũque habituri. Damnandus Vitellius, qui, Suetonio teste, *magnam Imperij partem, non nisi consilio, & arbitrio vilissimi cuiusque histrionum & aurigarum administravit, & maxime Asiatici liberti.* Et sortitus exitum est talibus amicis dignum.

Cauendum dein Regibus, ne in intimam familiaritatem ascitis regni tradant gubernacula, nève ab eorum consiliis operave dependere se ostendant. superiorem patitur, quisquis ab alterius imperio consiliove dependet. Et non obsequi, servorum; impetare dominorum est? dominum verò patitur, quisquis ad alterius nutum facta componit sua.

Nō sunt tradenda talibus regni gubernacula.

Cauendũ etiam, ne per illorum manus Reip. munia ad alios eant, ne obstrictos hos teneant. Et sanè observatio omnis à Regibus ad hos munerum distributores vertitur. quæ res innumeris periculis ostia pandit: neq; enim res vlla vincendis animis, donis potentior est. audeant tantũ munifici hi donatores, non deerunt qui sequantur. Regiã ergo manu & voluntate regni munia

Reipubl. munia non sunt per illorum manus distribuenda.

munia eroganda, quo obstrictas sibi suorum mentes Rex teneat, nec alterius hi quam Regis sui munificentiam agnoscant, ne alterius imperia sequantur.

*Non omnia
concedenda
Priuatis.*

Sed neque omnia concedenda petentibus. quin adeò neganda sæpè plurima, vel hoc solo nomine, ne omnia posse, regiamque mentem captiuam tenere videantur, & quò sua Regi potestas constet. Meminerint verò in primis Reges, fortiter seuerèque negandum, quidquid publicis commodis aduersatur. tutius enim est vnum offendere, quàm omnes. quòd si, quod petitur cum ratione pugnet, memores sint verborum Christi: *Nescitis quid petatis.* quod dictum à Christo in sibi familiares.

Matth. 20.

*Fortiter occurrendum
iniqua petentibus.*

Illud etiam, PHILIPPI II. Catholici exemplo, obseruari velim, vt nemo Priuatorum illorum ad iniqua poscenda descendere audeat. Perfacile hoc fiet, si iniqua petentibus fortiter occurratur, nec impunitam grauibz verbis audaciam hanc Reges transeant. desinent petere, si iniusta petentibus pœna adiaceat.

*Amicis horum
nihil concedendum, si
reliquis destituantur.*

Sed neque quidquam concedendum Priuatorum horum amoris aut sanguini, si reliquis destituantur. præferendi enim, quos virtus prætulit. nam si illorum amicitia, aut sanguini aliquid dandum, prima quæque regnorum munia, imperitissimis plurimùm largienda erunt. Quòd si pares virtute sint qui ambiunt; nollem cuiquam nocere Priuati amorem: plus tamen communi bono consulendum arbitror. Neque enim consultum regno, Priuatorum crescere potentiam, non opes, non clientum turbam, non amicorum vires. ne, si prima quæque regni munia in illorum

agna

agnatos amicósque veniant, pericula à potentia regno creentur. Illud etiam tyrannidis cuiusdam speciem habet, cum omnes aditus ita per Priuatorum horum amicos obfessi tenentur, ut nulla, nisi per hos, conueniendi Reges facultas concessa sit.

Nemo etiam Regum permittat, Priuatos hofce alios sibi adfciscere, ac quasi subdelegare, per quorum auaras manus beneficia ad reliquos defluant. Ferè enim hos regionum munernum nundinatores reperias, bis cupidos, sibi, & domino, à quo delecti: ita non vnâ venditione contenti viuunt, duplicanda pretia sunt, ut duorum cupiditates expleant. Illud verò perniciosissimum regno, quòd apud hos è largitione dignitas pendeat; ut dignior ille sit, cuius angustiora munera sunt. à virtute apud hos nulla dignatio est, à munerum profusione est, ut ille dignissimus sit, à cuius manu ampliora veniunt.

Neque idè auctor sim Regibus, ut, si quos delegerint virtute magnos, & quibus sua probitas, morum integritas, & certa stat fides, opibus & honoribus non augeant. neque enim irremuneratam velim virtutem, si sine Regum regnìq; pernìcie præmiari potest. Sed & tales contra inuidentiam molitiones fortiter tueantur. Et non semper Regū amicitia æmulationibus & odio subiacuerūt, cum ipsam virtutem indiuiduo nexu inuidia comitetur? Factum ab omni sæculo. ita Daniel inuidentium odiis, leonibus obijcitur, & æmulas in Babylonis fornacibus flammæ calcare coguntur fratres.

Illud hìc cauendum, ne, dum supra reliquos attolluntur, purpuræ cogitationes ab opibus & hono

*Cauenda Re-
ges à Priua-
torum priua-
tis.*

*Qui inter hos
opibus & ho-
noribus au-
gendi.*

honoribus mutuentur. Factum in Imperio Romano non semel: nimis enim orbi noti Ruffinus Arcadij, Stilico Honorij, Seianus Tiberij. Quare intra mediocritatis terminos suos contineat Rex, ne audeant pœnitenda.

Non permit-
tat se infcio
Rex munera
suis dari.

Sed neque permittat aliorum eos opibus etc; scere. quare hulla velim munera, ignaris Regibus; ad eos poruenire. In quo genere si quid peccatum, non careat transgressor pœnâ plena enim hic omnia fraudibus, & vtraque ferè manu, ab aduersarium etiam partium auctoribus dona capiuntur: operamque non rarè dum mentiuntur, simulationibus officiosisque mendaciis fortunantur. Est in hoc genere illud Suetonij in Claudio: Libertorum præcipuè suspexit Posidem, nec minus Felicem, & Harpocram, ac super hos Polybium: ante omnes Narcissum, & Pallantem. quos decreto quoque Senatus, non premijs modo ingentibus, sed & questorijs prætorijsque ornamentis ornari libenter passus est, tantum præterea acquirere, & rapere, ut, querente eo quondam de fisci exiguitate, non absurde sit dictum, Abundaturum, si a duobus libertis in consortium reciperetur. Compendio cuiusque horum, vel etiam studio ac libidine, honores, exercitus, impunitates, supplicia largitus est, & quidem insciens plerumque & ignarus. O non eueniant hæc ætate nostrâ: auerte propudia hæc à Christianis Principibus Deus. Illud etiam de Heliogabalo amicissimis Lampridius: Herodes, Gordius, Murissimus, qui omnia eius vendebant, vel vanitate, vel fumis. & de Zotico: Omnia Heliogabali dicta & facta vendebat fumis, quàm maximè diuitias enormes sperans, cum alijs minaretur, alijs polliceretur, omnes falleret; egrediensque ab illo, singulos adiret, dicens,

De

*De te hoc locutus sum, de te hoc audiui. de te hoc futurum est. ut sunt homines eiusmodi, qui si admissi fuerint ad nimiam familiaritatem Principum, famam non solum malorum, sed & bonorum Principum vendunt. O nulla videant regna, nulla sentiant Zoticos! nulli Reges hos ferant fumivendulos! nulli sint Heliogabali, qui præter regium nomen & peccandi licentiam nihil possideant regium! nulli Arcadij sentiant Ruffinos. nulli Honorij Stilicones, nulli Severi Plautianos; nulli Domitiani Parthemios, Stephanos, Maximos; nulli Claudij libertos; nulli Caracallæ Macrinos, Martios, Agrippas, Martiales; nulli Commodi Perennes, Cleandros, Iulianos, Regillos, similisque plures! imitentur magis Alexandrum Seuerum magnum Imperatorem. in cuius vita Lampridius: *Vetronium Turinum, quem cum familiarem habuisset, quique omnia fingendo sic vendiderat, ut Alexandri infamaret imperium ac quasi ad nuntium suum omnia Imperator faceret. sic deprehendit, ut quemdam immitteret, qui a se quiddam publice peteret, ab illo autem occultè quasi presidium postularet, ut pro eo Alexandro secreto suggereret. quod cum factum esset, & Turinus suffragium promississet, dixissetque se quadam Imperatori dixisse, cum nihil dixisset, sed in eo pendere ut adhuc impetraret, euentum vendens: cumque iterum iussisset Alexander interpellari, & Turinus quasi aliud agens nutibus annuisset, neque tamen interim quidquam dixisset, impetratum autem esset quod petebatur, Turinusque ab eo qui meruerat fumi venditor, ingentia premia percepisset: accusari illum Alexander iussit, probatisque per testes omnibus, in foro transitorio ad stipitem illum ligari praecepit, & fumo appposito,*
quem*

quem ex stipulis atque humidis lignis fieri iusserat, necauit pracone dicente : Furno punitur, qui fumum vendidit. Ac ne in una tantum causa videretur fuisse crudelior, quae fuit diligentissime antequam illum damnaret; & inuenit Turinum saepe & in causis ab utraque parte accepisse, cum euentus venderet, & ab omnibus qui aut praeposituras aut provincias acceperant. O multos, imò omnes, Christianos Principes videamus Alexandros, aut magno huic in dignitatum venditores simillimos! qui cum pauperes diuites ingressi regias fuerint; diuites, pauperes relinquunt. Quin & Aureliano Imperatori similes voueo. de quo Vopiscus: *Amicos honestè ditauit & modicè, ut paupertatis miseras effugerent, & diuitiarum inuidiam patrimonij moderatione vitarent.*

*Abstineant
Reges à ni-
mia suorum
familiarita-
te.*

Optem verò, si quis votis meis locus, nec familiares nimium Reges in hos à se delectos, cum ferè familiaritatem contemptus sequatur; nec seueros nimium, ne odia enascantur, & ex his ferrum. Nolo indulgentes, ac quasi inter pares vitam ducere. non patiuntur diademata socium. Sed neque tanquam ex pari colludentem velim Regem, cum nulla res magis contemptui subiacet, quàm è lusu paritas. Meminerit proinde etiam in illo regiam auctoritatem tueri: meminerit se Regem esse. Sed neque secura satis inferioribus de Rege victoria est. vltro succumbet quisquis sapit. Vinci tutum, intutum vicisse est: ut praemia sperare regia debeat, quisquis victorem Regem passus est; non debeat, qui vicit. Erubescunt sceptrà vinci. è rubore indignatio, odia, ferrum profiliunt. Caue quisquis tutam sub Regibus vitam voles. ne victorem agnoscere cogantur,

gantur, ne superiorē. cōfessio hæc secures acuit,
distendit funes, venenatēperat, exilia meditatur.
Fuge victorias, victoris sanguine funestandas,
quicumque felicem sub regibus exitum speras.

Illud etiam optandum, vt res momenti gra-
nioris per se tractent, neque iudiciis illas Priua-
torum relinquunt; tum ne in perpetua rerum sua-
rum ignoratione Reges versentur, tum ne il-
li è magnitudine audaciam sumant, & non
contenti suâ sorte, maiora paullatim viribus &
fortunâ suâ audeant. Quod ne eueniat, dâda om-
nino opera Regibus, vt in maiorib. & magis ar-
duis ad se recurrât. Audiât Moysē: *Quod si difficile*
vobis visū aliquid fuerit, referte ad me, & ego audia.

*Momenti res
maioris per
se Rex tra-
het.*

Deut. i.

Non sim etiam auctor Regibus, vt iuri dicun-
do Priuatos hosce præficient. perit enim aliorū
in dicendo libertas; cum neque opponere se il-
lorum voluntati audeant, & semper assentiri ve-
ter æquitas, hinc in perpetua lucta versantur: ve-
ra enim dicere reformidant, falsa non debent.
quod si illorum potentiæ cesserint, iam nō quid
æquitas postulet, sed quid illi potissimum velint
considerant, & iustitiam omnem voluntate illo-
rum, non voluntatem iustitiâ metiuntur.

*Non præsums
iuri dicundo
Regū Priua-
ti.*

Magnus omnino in omni hac re ALBERTVS
noster: & qui exemplo in omnem posteritatem
Regibus esse posset. Neminem eò prouexit, vt
vereri illius potentiam, aut popularem gratiam
deberet, aut posset. Nemini vlla gubernacula tra-
didit metuenda, & cum sanguine aut armis re-
petenda. Nullius se consiliis gubernandum tra-
didit, Dux ipse sibi & consiliarius. Nunquam
per suorum manus munia aut dignitates largi-
ri solitus: & poscentibus quædam, negabat non

D d d

raro:

raro: vt obsequi discerent, non imperare, & ab ore & voluntate ipsius dubij semper penderent. nimiam suorum familiaritatem auersatus: solitus etiam inter ludicra maiestatem tueri: quod si quis vel in liberius verbum vnum erupisset, vultu terreat, & ad modestiam ducebat. In rebus momenti maioris audiebat alios, ipse decidebat. Rerum verò omnium omnino suarum tantam cognitionem habuit, vt perexiguæ familiæ dominum arbitrareris, qui tot populis imperaret, tot exercitibus, tam latè sparsis, tam dubiis rebus, tam arduis. Habent quod imitentur Reges. nec discere pudeat. gloria est, ab ALBERTO didicisse; decus, securum fuisse, felicitas, potuisse. vt assequantur, ne sperent. sat magnam gloriam retulit, qui imitari potuit:

INCEPERAM hos libros à Regum omnium Maximo PHILIPPO IV. finio in Principum omnium Maximo ALBERTO. Maximo nomini illius inscripseram in tutelam: Maximo nomini huius sigho in imitationem. Meditabar virum Politico-Christianum: inueni Principem. Nil opus nunc libris. vita & mors ALBERTI nobilissimi Politici-Christiani, liber est: è quo quidquid vbique Principum, quidquid vbique viro- rum est, verum Politico-Christianum legant. ad cuius vitam si composuerint suam, numeros expleuerint omnes veri Politici-Christiani. Frustra proinde nunc libri, & nequidquam calami. vnus ALBERTVS, omni libro & calamo maior est. Ergo remoueo calamum multa parantem, & finio in voto. & multos ALBERTVS orbi voueo; imò ALBERTVM orbi vnum. non eget

oget pluribus. vnus illi imperando satis est, maxime si valetudo, quæ ferè inimica magnis, animo responderet. Nihil indulgeo amori. adulari nec scio, nec didici: & causam non habeo in mortuo Principe, cuius virtutes omnes si vel per crinem tetigero, lassetur antè calamus, quàm finem videat. Hoc dicam: quidquid propè laudatum in viris magnis à Plutarcho, Xenophonte, Suetonio, Tacito, Seneca, Liuiio, Curtio, Cicero, in ALBERTO fuisse; quidquid damnatum in singulis, ALBERTO defuisse. Et sanè cum nemo magnorum fuerit, qui non aliquid habuerit ignoscendum; nihil reperiri in ALBERTO quod veniam mereatur, pro miraculo est. Vita illius omnis, regula est, ad quam omnes vitam dirigant suam, cælibes, matrimonio iuncti, Religiosi, purpurati, priuati, Principes. ne pudeat imitari, licèt assequi meritò desperent. laus magna erit, è magno campo aliquid decerpisse. Si Pietatem intuearis, nescio quid addi è monastica disciplina possit. Si vitæ integritatem, nec Paullos, nec Antonios desiderabis. Si Prudentiam, vincor magnitudine, quam certius silentio quàm calamo exprimam. Sanè tam imperare orbi poterat, quàm Belgio. & nescio an parem omnia retrò sæcula tulerint. Hoc magnum, neminè fuisse, qui in illo imprudens factum aut verbum notaret. Si animi robur & Constantiam, rideas Samsones, Hercules, Epictetos, Senecas, Thraseas, Catones, Fabios. Si Patientiam, naturæ quoddam portentum fuit. Video vas illud electionis, Gentium Apostolum: & cupit *dissolui & esse cum Christo*, seu vitæ tædio, seu supernorum amore, seu vtriusque desiderio. Video magnum

Philip. i.

Eliam petentem animæ suæ, vt moriatur, & in-
clamantem post minas; Iezabelis *Tolle animam
meam*. Video magnum Iobum maledicentē dici:
*Pereat dies in qua natus sum, & nox in qua dictum
est, Conceptus est homo. dies ille vertatur in tenebras,
& nō illustretur lumine*. Video ALBERTVM, sum-
mis toto corpusculo sæuientibus doloribus, va-
letudine adeò extritâ, vt sola cutis viduata carni-
bus ossa tegetet. & verbum nullum audio, non
dico querulum, sed quo testetur dolorem. Cū
mirarentur familiares, respondere solitū ferunt.
Quò mihi lamenta, nil lenitura dolorem? quò
lacrymæ, non abstersuræ cruciatum? quò suspiria
altè ducta, non erutura malum? quò manuū col-
lisiones, non medicaturæ morbo? quò planctus
& querulæ voces nil mitigaturæ pœnas? imò
quò mihi, si dixero me dolere? mitigabit dolo-
rem indicatus dolor? frustra proinde illa admo-
uebo, quæ leuamen malo nullum adferent. Hæc
ille, & parciùs etiam quàm dixi, ac non nisi ro-
gatus. nec à verbis tantū abstinuit, sed etiam à
signis: vt nemo in fronte illius aut oculis dolo-
rem legeret. Videbant omnes retorta propè in se
membra, ac ferè globum vnum corpus omne.
nec signo interim dolorem indicabat. ac ne in
ipsa quidem morte: in qua nec contraxisse vul-
tum, nec frontem rugasse, nec ora vertisse quis-
quam deprehendit. O quæ ætas parem? nullum
excipio. & fidem hæc apud posteritatem inue-
nient? ita in ipsa morte disponebat de morte,
quæque in ipsa, quæ post ipsam, tam securè, tam
pacatè, vt de aliena crederes agere: præsentior
ipse sibi & fidentior, quàm quotquot circumsta-
bant. cūque omnes natarēt lacrymis, solus ipse
siccis

ficcis oculis mortem suam vidit, & securus non expectavit, sed venienti occurrit. Omnes ad vota decurrere vitæ longioris. solus ipse, vel si voto vno protendere illam posset, nollet, ne aduersari diuinæ voluntati videretur voluisse. Venerat decretorium illud magni Dei momentum, & egressus corpore est, vt viuus solebat è cubili: itaque exiit animam, vt corpus pallio: ita emisit, vt in hortum ambulaturam, & non multò post redituram. Quid est de morte triumphum agere, si hoc non est? exprimere mors inter plusquã Taurica & Phalarica hæc tormenta, animam potuit, doloris vocem non potuit. extrudere mæroris aliquod signum voluit; non potuit. Satis illi fuisset ad triumphi materiam, si confessus ALBERTVS fuisset, dolores se sentire. nec hoc potuit. Victa ergo recessit, & ni ad extrema duxisset, vnde reuocare non poterat gradum, non expressisset victricem animam, cum erubesceret se in vno Principe victam, quæ vicisset omnes. ergo fugit. & fugâ suâ campum Principi, & triumphi materiam cōcessit fateri vel inuita coacta, se in vno ALBERTO, cum omnia tela irritò conatu, validiorēque quàm emissa erant repercussu, deprompsisset; nullum non dicam vulneris, sed nec liuoris signum impressisse, nec vultum mutasse. Vtinam tantum diuturnior recreator orbis & Belgarum suorum, quàm maturior beatarum comes mentium! Finio, si tantum hinc subiecero, quæ post mortem Principum omnium Optimi, Maximi, funeri inscripsi.

A L B E R T O.

Archiduci, Duci, Comiti, Marchioni, Domi-

D d d 3 no,

no, Optimo, Maximo Principi, patriæ Parenti, mœstum parentat Belgium; non fugituo marmori, non æri, sed æternaturæ animæ, magnos includens cineres æternùm victuros. Ita solet pios parentum cineres pia progenies condere: vt exinde geminâ quisque felix viuât animâ, Principis & suâ.

ALBERTO AVSTRIACO.

ELISABETA Austriaca XII. optimo coniugi mœstissima coniux; duodecim Imperatorum Austriacorum sanguini, duodecim ipsa Imperatorum Regumque genus, moriturum monumētum hoc, non morituris cineribus posuit, animū animo inclusit, cælo vtrumque recondendum. Bene Lector precare. &, cū ALBERTO non possimus, æternùm ELISABETA fruamur.

ALBERTO AVSTRIACO VII.

Singulis virtutibus Austriacam gentem illustrarunt ALBERTI singuli. I. Triumphator. II. Sapiens. III. Patriæ Parens. IV. Patiens. V. Honorificus. VI. Mitis audiit. VII. ALBERTVS noster vnus omnium vt virtutes complexus, ita nomina meruit omnium. Abi magnorum æmula inuidia, nihil gratiæ & amoris, virtuti hâc datum: & huic soli.

PVLCRVM EST CLARESCE- RE V T R O Q V E.

Seu arma raperent, seu pax vocaret, seu secunda

da extollerent, seu aduersa premerent; seu vires starent, seu morbi opprimerent, seu Regum fauor, seu minæ insurgerent, in vtrumque paratus Magnus ALBERTVS noster. vt nescias, aduersis an secundis clarior, pace an bello melior. Hoc certum: nobiliore parte sui creptum terris, cælo donatum, ita piè vouemus, piè credimus. Stare lacrymæ. Magnæ ELISABETÆ menti Magnus insepultus iacet ALBERTVS. ex hac imperare Belgio perget.

ALBERTO IVSTO.

Par in omnes. quò æquitas duceret, cæcâ mente & manu, affectuum ignarus, sequebatur; nullâ personarum, honorum, opum prærogatiuâ.

ALBERTO PACIFICO.

Nunquam in bella iturus, nisi cogeretur. quæ tamen ipsa paci præstrueret. Vt meritò inscribi monumento possit, PRINCEPS PACIS.

ALBERTO PRVDENTI.

Nullum illius factum temerarium. omne prudens, maturum, serium, & diu cogitatum.

ALBERTO VICTORI.

Post enauigatum orbem, Lusitanîâ & Oceano piratæ pulsi; Caletum, Ardrea, Hulstum, Ostenda capta; Siluâ-Ducis hostes pulsi.

ALBERTO PIO.

Supra Reges & Principes pius. Religiosis componendus. O multos ALBERTOS Belgium fentiat! habebit Pios.

ALBERTO MAGNANIMO.

Nec potentissimorum Regum minis, nec armis cessit. Prouocare vnus fortunam poterat, & vincere.

ALBERTO FORTI.

Non aduersis fractus; non elatior prosperis. semper idem, ore, oculis, fronte, seu bella surgerent, seu pax federet.

ALBERTO TEMPERANTI.

Sine luxu mensa. Per omnem vitam alieni thori nescius. Quo rarior in Principe virtus, hoc meruit, vt dici posset ALBERTVS CASTVS.

ALBERTO NOBILI.

Austriacorum duodecim Imperatorum sanguis. Non fuisse, modestia; potuisse omnium suffragiis Imperatorem esse, omnium votis debuisse, virtutis fuit.

ALBERTO LIBERALI.

Centena in annos singulos millia in templa & pauperes erogata munificentiam testantur. Hac vnâ omnium pectoribus æternum viuet.

ALBERTO SAPIENTI.

Consilia omnibus ipse dare, Principibus, Regibus, Imperatoribus: à nullo accipere.

ALBER

ALBERTO CLEMENTI.

Omnes admittere solitus, repellere neminem.
In indulgentiam, quàm in seueritatem pronior.
Nullum factum illius crudele: benigna plurima.

VIATOR

Siste gradum. tibi hîc præluditur. quid non
moritura moriturus cogitas? Serenissimus præit
ALBERTVS, sequemur magni huius corporis
vibræ minores. Viuere potes. mori debes. quid
incertis animum fatigas? tutiora prudens deli-
ge. Quæ sceptrâ perennarunt? hoc ipsum quod
legis, vitæ pars magna est æternum vis viuere?
vixit, cui omnis hora vltima, omnis prima. Fuit
hæc Austriaco ALBERTO nostro. quo factum,
vt vitæ huius momentum postremum, felicitis
illi æternitatis esset primum. Æmulare Princi-
pis virtutem, quisquis æmularis exitum. æmulus
gloriæ, æmulus laborum.

VIATOR

Mœrorem pone. mentitur hæc pulla mortem.
ALBERTVS viuit. moriturus, ni mortuus esset.
nunc ipsâ morte viuit: imperâtque æternum illi,
cuius æternâ lege semel imperium subiit. Felix
morte suâ; seipsum funerans rediuius Belgicus
Phœnix noster, nō nisi post cineres victurus.
Siste lacrymas. pro morituro cadere solent. non
moritur, qui cælo conditur ALBERTVS noster.
Imitare mores. iisdem pennis ferri in cælum po-
tes, & æternum ibi Principe tuo frui, æternum
Patre. hoc felicior, quo plus iam tibi in cælo au-
xilij, à veteri Principe, nouo Patrono.

F I N I S.

D d d 5

INDEX



INDEX RERVM

NOTABILIVM HOC

libro comprehensarum.

A

Abiectio nimia sui, Principi vitanda est, pag. [509](#)

Acceptionem personarum vitet index. [143](#)

Acerbitas natura beneficiis vincenda. [561](#). acerbitate Principis subditorum animi alienantur. [569](#)

Acies quomodo instruenda sit. [334](#)

Aditus ad Principem facilis refert aliquid patrum. [524](#)

Admissio legatorum aliquando differenda est, aliquando acceleranda. [466](#)

Adolescentis intima educationi nota esse debent. [77](#). in adolescente maxime lau-

datur verecundia. [81](#). adolescentes ad quale dicendi genus sint efformandi. [208](#)

Adolescentia institutio & efformatio qualis adhibenda. [87](#), [88](#)

in Aduersaria referendum, quidquid in quocumque genere elegans in scriptoribus reperitur. [222](#)

in Aduersis eternorum cogitatione animus armandus, & speranda meliora. [245](#). quomodo in iis se gerat vir fortis. [ibid.](#)

Adulatoribus numquam credendum. [254](#). hi Principi scelerum causa sunt.

[254](#). eorum mores. [260](#), [602](#), [606](#). motus eos ab aula excludendi. [260](#). remedia

contra

ID NEX: RÆRVM.

- contra eos. [261.](#) que
mala suis dolis causen-
tur. [ibid.](#)
- Adulatoribus, ubi se
firmauerint, nihil in-
solentius. [605.](#) similes
sunt scorpis & adule-
rantibus monetam. [606.](#)
ac meretricibus & cha-
maleonti. [ibid.](#)
- Adulatio & amicitia non co-
alescunt. [29.](#) adulatio ve-
ri affectus pessimum ve-
nenum [est. 254.](#) Principes
& magnos ferè comitatur.
[255.](#) & [261.](#) & unde. [255.](#)
consilia Principi danda
ab adulatione aliena. [256.](#)
[ipsa](#) serulis ingenij est.
[257.](#) nullum ea venenum
nocentius. [258.](#) & [602.](#)
quantopere noceat ei cui
assentatur. [260.](#) adula-
tio Principi vitanda. [603.](#)
[604.](#) & [605.](#)
- Adulteria multi sanguine
luerunt. [571](#)
- Emulationē seponat index.
[144.](#) emulatio à munio-
rum paritate venit. [684](#)
- Erarij magnam curam ha-
beat Princeps. [726.](#) è
militari erario nulla mu-
nera numeranda. [743](#)
- in omnem Aetatem manet,
quod haustum est in pue-
ritia, etsi tunc non se ex-
erat. [91.](#) [24.](#) atas qua
militie idonea. [315](#)
- Eternitatis consideratio
acre telum ad peccatū fu-
giendum. [486.](#) [487.](#) ater-
nitatem quamdam parui
scriptio. [220.](#) aternis in-
sudandum. [7](#)
- Affectum omnem exuat in-
dex. [144.](#) affectui Prin-
cipis in se, nimium non
tribuat legatus. [423.](#) af-
fectus in deliberando sem-
per deponendus. [385](#)
- P. Africani Superioris in pa-
trem pietas. [131.](#) insi-
gnis fuit honorum con-
temptor. [284.](#) quam
ingratam expertus sit pa-
triam. [292.](#) vide Scipio.
- Agris nati, valentiores sunt
urbicis. [315.](#) agro in alie-
no consultius bellum ge-
riur, quàm in domestico.
[697.](#) qui duces olim id fe-
cerint. [698.](#) que hinc se-
quantur commoda. [ibid.](#)
inhibenda tamen in eo
militaris petulantia. [699.](#)
- ALBERTVS Belgarum
Princeps, pro exēplo, obla-
tum

INDEX RERV.M.

tum Imperium Rom. bis
contempsit. 499. 500.
792. eius benignitas ma-
iestati mista. 510. 792. eius
aule elogium. 179. eius
facilitas in audiendo &
respondendo. 524. eius-
dem liberalitas in pau-
peres & in templa. 536.
792. quomodo eam illi
rependerit Deus. 537.
eius temperantia in ci-
bo & potu. 572. 792.
eius clementia & beni-
gnitas in suos. 554. ca-
stimoniam. 572. pru-
dentia in sermone. 564.
791. omnibus ad se con-
fugientibus pater fuit.
582. & fidei data te-
nacissimus. 594. eius in
omni fortuna constantia.
600. 791. in morbis
patientia. 788. eius in-
stitia. 791. mira vita
innocentia. 61. nulli
dignitates dedit quem
sciret improbum. 614.
eius pietas & vite san-
ctitas. 626. 787. 792.
Philippum Regem 11.
ad vinum moribus ex-
pressit. 635. eius in E-
piscopis & Prælati Es-

clesiasticis denominan-
dis felicitas. 676. for-
titer arma armis repres-
sit, & inter medios ho-
stes semper interritus mā-
sit. 691. 693. uni Mar-
chioni Spinola summum
imperium exercitus quā-
prudenter commiserit.
704. duella strictissime
inhibuit. 735. gemmas
& cimelia oppignora-
re non dubitavit, ut
militi satisfaceret. 745.
neminem eò prouexit,
ut vereri illius poten-
tiam aut popularem gra-
tiam deberet aut posset.
785. vita eius &
mors speculum vite po-
litice Christiana. 786.
in eo nil culpandum. ibid.
virtutes eius paucis enu-
merantur. ibid. & 600.
& 791. vicit mortem.
789. eius epitaphium.
ibid.
Alexandri Magni teme-
ritas felix. 340. eius ca-
stimoniam. 356. milites
suos à variis rebus in-
citavit. 369. 370. 372.
eius sitientis generositas,
& in milites propensior
animus.

INDEX R E R V M.

- animus. 392. eius in amicos ingratiitudo. 192. §30.
 fastus. §61. iracundia. §§6.
 disciplina militari orbem subegit. 708
Alexandri Seueri Imp. facilitas. §23. eius liberalitas. §34. clementia. §41. quam suis fuerit carus. §79. quales amicos delegerit. §88. eius in scientias amor. 653. in iniquos iudices seueritas. 661. discipline militaris fuit tenax. 708. quam in agros milites beneuolus fuerit. 728. quomodo Vetrone Turini privati sui fraudes deprehenderit. 783
Alfonsi Aragonum Regis clementia. §40. etiam erga hostes. §06
 verè qui Amat, aeternum amat. 36
Ambitio, bellorum semper dat causam. 496. non nouit illa finem. ibidem ambitio seculi nostri. 497. hæc veterum superat. ibid. Ambitiosi quæ sit oratio. 76.
 inter Amicum verum & simulatum discrimen. 29.
 amici aliquando periculum faciendum, fictus ne an sincerus sit. 30. amicus verus amici bonis gaudet, malis deicitur. 41. postponit sua amici bonis. ibidem. amicum aduersa probant. 43. id ostenditur exemplis. ibidem. amico committenda, quæ prodita ruborem non incutiant, è non infimorum sententia. 50. amico vero omnia committi posse censes viri magni §2. qui secreta prodit, verus amicus non est. §3
 Amici quales deligendi. 33. amicorum constantium raritas. ibid. amici quos dona conciliant, parum fidi sunt. 31. non sunt amici veri qui cum fortuna mutantur. 37. amicorum quedam paria rara numerantur. 36. amici labiorum, hostes ferè animorum sunt. 258. amici quales opibus parandi. 266. amici non sunt, qui diuitiis applau

INDEX R E R V M.

applaudunt. 275. amici regnorum praesidia sunt.

32. 583. auro potiores sunt. *ibid.* amicos quomodo Princeps delecturus sit. *ibid.* quomodo iis uti debeat. *ibid.* sunt ab eo muneribus & dignitatibus augendi. 584. amicorum mores mutuo amici sequuntur. 587. probi, non mali, in amicitiam adlegendi. *ibid.* amicis Priuatorum Regis nihil concedendum, si reliquis destituantur. 580. vide Priuatus.

Amicitia rara in humanis.

27. *amicitia simulata noxia est.* *ibid.* amicitia vera quae sit. 40. hac ignorat metum. 32. quae bona progignat. 36. nunquam deponitur. 54. nulli honeste rei parcat in amici sui causa, id ostenditur exemplis. 46. amicitia Regum infida, Dei fida est & certa. 530. 531. amicitiae Regum multis noxae. 6. amicitia & amor rarum in aula nomen. 574

Amorem mentitum canere

difficile est. 28. amor Dei potens contra peccatum remedium. 480. amor regnandi insanus est. 427. amor in Principe timore potior est. 521. 573. & eo diuturnior est. *ibid.* regna continet. 574. gloria & spe validior est. 575

Anapi in parētes pietas. 130

Angustias locorum occupet Dux militaris. 330

Animalia quaedam qui vultu referunt, eorum naturam non raro imitantur moribus. 83

Antigoni Regis benignitas. 540

Antiochus Rex quid legatis suis uno verbo iniunxerit. 394

Antiochi Epiphanis fastus & punitio. 557

M. Antoninus Philosophus Imp. quam à fenore abhorreret, et si rei nummaria angustia pressus. 744

Antonini Pij Imp. facilitas. 523. & clementia. 540. quam fuerit carus omnibus. 579. omnes delatores oderat. 610

M. Antonij trium viri perfidia. 593

Apollonij

INDEX R E R V M.

Apollonij legati ad Atti-
lam generositas. [416](#)
Apparatus bellicus semper
ante bella Duci paran-
dus. [328](#)
Ardor militum nonnunquā
temperandus est. [323](#)
Armis quæ parantur impe-
ria, armis tenenda sunt.
[423. iis](#) qui sic pararunt,
quid faciendum. [424.](#) ab
armis & vestibus bene
militem instruere Dux
debet. [318](#)
Arrogantium legatorum ex-
empla. [432](#)
Artibus bonis honos paran-
dus. [187.](#) artium mecha-
nicarum curam magnam
habeat Princeps. [645](#),
nam augent hæ regium a-
rarium, & addunt regno
decus. *ibid.*
Assentatio & impostura au-
licorum. [164](#)
Assuerus Rex Mardochei
promerita amplè est re-
muneratus. [585](#)
Atheniensium in suos ingra-
torum *exempla.* [529](#)
M. Attilij Reguli mors mi-
sera. [192.](#) eius pauper-
tas. [279.](#) in fide seruanda
hosti constantia. [428.](#)

quàm carò Carthaginen-
sibus illius mors steterit.
[429](#)
Auaritiam Principum qui
fouent, sapè sunt à plebe
interfecti. [174](#)
Aula & Principum fauori
nemo se credat, quia fal-
tax & fragilis. [126.](#) aula
mala & vitia. [163.](#) [164.](#)
aula sancta & bona ra-
ra est. [178.](#) ex aula quis
honor sperandus. [287](#)
Aulica vita quàm obnoxia
periculis. [191.](#) [192](#)
Aulicarum mulierum mores
& ingenium. [165](#)
Aulico adolescenti quæ ser-
uanda sint, præcepta ei
varia præscribuntur. [166.](#)
& seqq.
Aulicis omnibus simulatio
est necessaria. [168.](#) Prin-
cipis sui ingenium ac mo-
res cognoscant. [169.](#) acce-
ptam à se iniuriam igno-
rent. *ibid.* dona Principis,
licet tenuia, pro magnis
habeant, de eo præclare sen-
tiant ac loquantur. [170.](#)
quomodo Principi consi-
lia dent. *ibid.* quomoda-
dum hic improba propo-
nit. [171.](#) in nimia felici-
tate

INDEX R E R V M.

tate aulâ se tempestivè
subducant. [172.](#) sint te-
naces custodes commis-
sorum sibi à Principe.
ibid. Principis non scru-
tentur. ibid. cautè eius
benevolentia utantur.

[173.](#) moderati sint in
aliorum commendationi-
bus. ibid. parci item in
verbis apud Principem,
eius seutiem modereren-
tur, eius avaritiam non
foucant, nec eum in ux-
orem & filios exasperent.

[174.](#) [175.](#) aulicorum in-
geniis se attemperent. [175.](#)
omnes benevolentia vin-
cant, etiam aula infir-
mos. [177.](#) improborum
consuetudinem fugiant.
[178.](#) probitati studeant,
etiam sub improbo Prin-
cipe. [180.](#) plerumque imi-
tantur Principis sui mo-
res. [179](#)

Augusti Imp. modestia in ve-
stitis. [237.](#) eius facilitas.
[521.](#) [540.](#) [541.](#) cle-
mentia. [503.](#) quam suis
fuerit acceptus. [578.](#)
inimicus fuit adulan-
tium. [607.](#) quam esset lit-
terarum amans. [653](#)

Aureliani Imp. exercitia mi-
litaria. [320.](#) eius in mili-
tem dissolutum severitas.
[356.](#) disciplinam milita-
rem egregie coluit. [709](#)

Auris dextra reo, sinistra
delatori semper danda.
[611](#)

Auri quanta sit vis. [149.](#) ni-
hil illi inexpugnabile. ibid.
in auro eruendo homi-
num nequitia. [270.](#) eius
cupiditatis mala. [779.](#) vi-
de Diuitie.

B

B Arba quàm varia at-
tonso & cultura ho-
die in viris sit. [227](#)

Bataui ideo libertatem reli-
gionis Catholicis concede-
re noluerunt, quia vereban-
tur, ne, sua desertâ, ad
hanc omnes conuolarent.
[623.](#) Bataurorum res è rei
pecuniarie indigentia quo-
iam loco sint. [741.](#) eorum
erarij ratio subducitur.
ibidem.

Belgium militare seditio-
num diu exstitit pila. [359.](#)
eius elogium ab incolâ-
rum multitudine, verbum
elegantia, robore, numero,
munitione

INDEX RERVM.

- munitione , opibus. 360.
361. à provincia totius
 robore, fecunditate, pisco-
 sitate , linea supellectile
 & aulais. 304. à picturis,
 mercimoniis, hominum in-
 dustria. 363. 364. lauda-
 tum id ab artibus me-
 chanicis. 647. ex eo quis
 educi possit miles. 603
 Belgis tutò Rex fidere po-
 test , nec aliquam illorum
 rebellionem timere, aut si-
 nistram suspicionem de
 illis concipere : quia Regi
 suo, modo fidat , fidi sunt
 & exunt. 761. 762. eo-
 rum robur , & in Deum
 & Regem fides. 764. 765.
 eorum in artibus colendis
 industria. 363. 364
 Bella è superbè habitis lega-
 tis nata. 436. item iis le-
 sis & violatis. 437. bel-
 la sine causa suscepisse,
 semper nocuit. 690. bella
 iniusta nò fortunat Deus.
 ibid. ante bellum cum ex-
 teris quid faciendū Prin-
 cipi. 694. domestica an-
 te id sunt constituenda.
 595. tempore belli in ho-
 stilem agrum excursiones
 faciendæ. 596. hosti ho-
 stis parandus. ibid. auro
 primates hostilis Regis
 expugnandi. ibid.
 Bellum civile Caesaris & Põ-
 peij è priuato ortum com-
 modo. 304. belli civilis vis
 maximè in pecunia sita.
736
 Beneficia in Principem col-
 lata non sunt diuulganda.
136
 Benemeriti consiliis admo-
 uendi. 664
 Beneuolentiâ Principis cau-
 tē vtendum. 173
 Benignitas in moribus in-
 duenda. 15. benignitas in
 Principe laudata. 105.
 in eam iudex semper sit
 pronior. 148
 Bigila legati perfidia. 457.
 eius ineptia apud Atti-
 lam. 462
 Bilingues fugiendi sunt. 22
 Bona priuata publicis post-
 ponenda. 305. damnantur
 qui priuata publicis
 praposuere, & aliquot eo-
 rum referuntur exempla.
 ibid. & seq. laudantur
 qui postposuere. 306
 Boni Principes rari. 617
 Boni viri solum in amicos
 deligendi. 33. 34. hi soli
 Ecce æternum

INDEX RERVM.

aternum amant. [36](#)
 Breuitas sermonis benigniori-
 bus verbis, laudata & se-
 quenda Principi. [562](#)
 Buse Canunisa in Romanos
 liberalitas. [266](#)

C

C Aduceatores ante lega-
 tos solebant mitti. [397](#)
 Calibatus prestat coniugio.
[55](#)
 Q. Capio Consul Rom. in car-
 cere vitam finiit. [291](#)
 Calamis doctorum aternant
 Principes. [655](#)
 Calcaria hodie sunt in orna-
 tum, & contra debitum
 vsum. [232](#)
 Calceorum hodiernorum va-
 rietas. [231](#)
 Caligarum hodie que discrimi-
 mina. [230](#)
 Caligula Imp. crudelitas. [548](#)
 eius fastus punitus. [556](#)
 Calor nimius in bello noxiu.
[337](#)
 Calūnia nulla homini accidit,
 nisi Deo permittente. [251](#)
 hac in aulis regnat. [615](#)
 Candorem in aliis etiā amant
 fallentes. [24](#)
 à Capillo hominis sape de ho-

mine coniectura capitur.
[84](#)
 Caroli V. vita brevis enarra-
 tio. eius animus interritus
 & compositus. [510](#), constā-
 tia & magnanimitas. [511](#).
 fortitudo, felicitas, bella &
 victoria. [512](#). celeritas in
 rebus agendis, vigilantia,
 liberalitas. [515](#). prudentia.
[516](#). humanitas, modera-
 tio, clementia, detractionū
 contemptus, adulatium fu-
 ga. [517](#). [518](#). [540](#): comitas,
 temperantia, veritas, con-
 descendentiā ad mores suo-
 rum, pietas. [518](#). nolebat gu-
 bernationes magnas diu
 vni committi. [686](#). quantū
 in maris imperio momenti-
 sum putaret. [719](#)
 Caroli Sicilia Regis sanities
 carō illi stetit. [508](#)
 Carthaginiensium in Hanni-
 balem ingratitude. [714](#).
 in duces suos seueritas,
[530](#)
 Castigandi filij dum peccant,
[70](#)
 Castimonia in Duce militari
 optanda. [358](#)
 Castimonia matronarum in-
 zigilet Princeps. [569](#)
 Castimonia Alberti Princi-
 pis

INDEX RERVM.

pis Belgarum. [572.](#) [792.](#)
 Casus pro amico in omni
[causa](#) locum habere potest,
 si velis index. [327](#)
 L. Catilinae exitus. [290.](#) quo-
 modo suos sit ad fortia co-
 hortatus. [384.](#) [387](#)
 Catilinarium bellum è privato
 commodo ortum. [304](#)
 M. Catonis oratio & exemplū
 milites suos ad dura feren-
 da animantis. [391](#)
 Q. Catulus quod mortis genus
 habuerit. [292](#)
 Cause variae legatorum mit-
 tendorum. [398.](#) & seqq.
 Cautio magna adhibenda in
 Principe monendo. [134](#)
 Celeritas in beneficiis grata.
[135](#)
 Cerealis mira felicitas sine
 consultatione. [134](#)
 Certi nihil praescribi potest de
 mora & celeritate in bel-
 lis. [338](#)
 Christus Dominus paupertate
 sectatus est, & com-
 mendauit aliis. [274.](#) ama-
 tor est pauperum. [280](#)
 Cimbri duces Romanos non-
 nisi diffidentes vicerunt.
[407](#)
 Cimon in patrem pius exti-

tus. [130](#)
 Claudia Vestalis erga patrem
 pietas. [132](#)
 Claudius Imp. quantum liber-
 tis suis indulserit. [782](#)
 Clemens Princeps omnibus est
 carus. [554](#)
 Clementia in Principe lauda-
 ta, maxime in hostem eius
 exempla plurima. [503.](#)
 est propria Regum vir-
 tus. [506.](#) & Deo simili-
 ma. [508.](#) potior est iusti-
 tia. [338.](#) nimia tamen in
 Principe noxia. [543](#)
 Clerum & plebem sibi ob-
 stringat Princeps, dum
 populus aduersus Nobili-
 tatem concitatus est. [772](#)
 Coacta aeterna non sunt.
[210](#)
 Collarium modernorum va-
 rietas. [239](#)
 Colloquia mulierum liberio-
 ra quantopere noceant.
[66](#)
 Colloquia prolixa cum lega-
 tis cur dissuadeantur. [464.](#)
 in colloquium raro ve-
 niant duces cum aduersa-
 riis. [331](#)
 à Colore sepe sumitur de ho-
 mine coniectura. [83](#)
 Ecc [2](#)

INDEX RERVM.

Comitatus legati sit medio-
cris, non sordidus, nec
nimis, cur. 453

Commissa sibi Princeps fide-
liter taceat. 116

Commodorum priuatorum stu-
dium causa bellorum ci-
uilium fuit Roma. 303.
& seq.

Commodus Imp. Cleandrum
clientem quam male ha-
buerit. 191

Compositio corporis qualis le-
gato necessaria. 433

Conatu magno opus ad bona.

10. conatus omni in scri-
ptore laudandus. 223

in Concilium à Principe de-
ligendorum virtutes qua.
662

pro Conditionum varietate
institutio pueri esse debet.
92

Coniectura non vana è vul-
tu est. 83

Coniunctio prudentia & po-
tentia perrara est. 155

Coniux. vide Vxor,

Conscientie vis. 381. con-

scientia bona fortem red-
dit militem. 312

Consilia Principis non sunt
scrutanda. 172. consilia
cauta in Duce probanda.

344. consilia hostilia Dux
indaget. 326. consiliis in
bello plures adhibendi.

349. 350. consilia ca-
lida & frigida in legato
noxia. 430. consiliis u-
nius inniti, res periculi
plena. 666. consilia libe-
ra esse debent. 668. 785.

consilia Principi danda
ab adulatione aliena. 170.

256. consilia aliorum se-
qui, prudentis est. 669.

consilia hostilia omnia su-
specta habenda legato.

461. consilia hostilia nosse
Reges satagat, & nullis in
hac re sumptibus parcât.

411. 413. 701. 702

Consiliarios optimos & peri-
tissimos Princeps deligat.

664. 670

Constamia in Principe lau-
data. 592. constantia Al-
berti Principis Belgarum
in fide data. 594

Constantini Imp. clementia
erga statua sua violato-
res. 504

Consuetudo proborum impro-
borumque plurimum po-
test. 2. consuetudo mulie-
ris noxia. 12. improbo-
rum aulicorum fugienda.

178. vide

INDEX

178. vide Colloquium, Cō-
subernium.
- Consuetudo prava multorum
regnorum in Ecclesia Præ-
sulibus designandis. 672
- Consultò omnia agenda in
bello. 348
- Consultorē suum nemo dam-
nabit. 302. cōsultores sunt
alij, alij executores. 351
nihil quantumlibet paruum,
Contemnendum. 71
- Contemptor opū solus dignus
Deo est. 274
- Contēptus odium parit. § 60.
per contemptum victoria
speranda de detractiōe,
249
- Continentia matrimonialis
laudatur. § 68. ea regna ste-
terunt. § 70
- Continentium Romanorū va-
ria exempla. § 68. § 69
- Contubernium improborum
vitandum. 10. quomodo id
declinandum. 11. in con-
tuberniū Principis admis-
sus quomodo se gerat. 127
- Coniugia indigna sunt quibus
vir magnus moveatur. 361
- Coniugia legati & instruant,
& vocati ad illa accedāt.
444. hi coniugijs soliti ad-
hiberi ab ijs, ad quos mis-

R E R V M.

- suntur. 448
- Coriolani erga matrem pie-
tas. 131
- Crepida hodie sunt in orna-
tum. 232
- Crinium varius in viris ho-
die ornatus. 226
- Crudeles semper sanguine
suam crudelitatem lue-
runt. § 42. § 52. in per-
petuo sunt metu. § 47. § 48
- Crudelitatis auctores plerū-
que eandem experiuntur.
174. § 550. numquam ea
dedit securitatē. 200. eius
varia exempla. § 48. § 49.
& seqq.
- omni Cultu suo mulier specta-
re debet, ut oculis viri pla-
ceat, non alienis. 60
- Cultura animi quanta sit ef-
ficacie. 640
- Cutis manū subinde dat si-
gna valetudinis, mortis ac
vitæ. 82
- Cyrus minor disciplina mili-
taris fuit studiosus. 708

D

- D** Arij Regis liberalitas.
§ 33
- Davidis Regis sitientis gene-
rositas. 392

Ecc 2

INDEX RERVM.

- Defensio quedā accusati, innocentia sua innitētia. **376**
- D electus militum quomodo instituendus Duci. **314**
- Deliberatio matura rebus prēmittenda. **299.** etiam de rebus paruis est instituenda. **302.** in deliberationibus, soli publico commodo, non proprio studendum. **386**
- Delictum multisorum, paucorum est pœna expiandum. **539**
- Denuntiatoribus Dux belli temerē non credat, eos tamen non negligat. **354**
- non Desperandum post peccatum. **438**
- Desperatio militi animos addit. **381**
- Detractio in congressibus vitanda, & quomodo retundenda. **20.** ipsa ferē semper in optimos incurrit. **247.** fulmini similis est. *ibid.* in eā quomodo se armare debeat vir fortis. **247.** per cōtempnū victoriā de eo sperāda. **249.** vir fortis ea decoratur. **250**
- à Detractoribus nemo liber est. **246.** hi ab humano cōmercio arcēdi. **252.** iis magna curā inuigilet Prin-
- ceps. **609.** & eos aulā pellat. **602. 603**
- Deus est amator pauperum. **280.** ei & opibus seruire nō possumus. **282.** Deus videt omnia. **620.** eius præsētia magnū ad peccati fugā momentum habet. **479.** uti & eiusdem amor. **480**
- ad idem Dicendi & scribendi genus omnes velle cogerē, imprudentia est. **206.** dicere non militum est, sed facere. **210**
- Dictio ferē ingenii sequitur. **206.** dictionum varietas. **207.** in eā plurimū natura tribuendum. *ibid.* est rebus accommodanda. **208**
- nō Dissidat Rex Belgis in militia & bello Belgico. **761**
- Dignitates reip. & regni non sunt per Regum familiares aliis dande. **772**
- Dionysius Syracus. post regnū ludimagister factus est. **294**
- Disciplina militaris stricte seruanda, & hac ferē victoriarum est causa. **332.**
- 707.** & seqq. quæ mala eius neglectu nata. **711**
- Discipuli aliquot in preceptores suos grati & ingrati recensentur. **100**

Disimul

INDEX RERVM.

*Diffimulatione opus Principi,
dum populus turbatus est.*
773. vide *Simulatio.*

*Diuitiarum quæ sint incom-
moda.* 263. quæ mala cau-
sentur. *ibid.* modus calum-
per eas parandi. 265. sunt
inuidentiâ & offensione
plena. *ibid.* qui amici per
eas parandi. 266. in ea-
rum largitione opus est
prudentiâ. 267. earum
quæ sit prerogatiua. 268.
*diuitiæ animi sunt virtu-
tes.* 269. diuitiæ bona dici
non possunt. 270. 278.
non faciunt vltim beatum.
271. earum contemptus
vera via ad opes. *ibid.*
noxie sunt reipubl. 272.
ferè ad imprudentiores de-
noluntur. 276. eis &
Deo seruire non possumus.
282. si honorem comiten-
tur, quomodo se quis ge-
rat. 299. vide *Opes.*

*Diuitum insolentia & fidu-
cia quanta.* 176. iis quas
minas Deus intentet. 264.
agrè calum ingrediuntur.
ibidem. eorum adulares
non sint veri amici. 275.
eorum luxuriæ in mēsis. 277

Docti viri plerumque è plebe

sunt. 7. eos Princeps præ-
miorum magnitudine vn-
dique ad se inuitet. 654.
655. 656

*Doctrina tranquillitatem ad-
fert.* 220. & sola propè po-
steritatem nouit. 221.

*Domesticus miles cur externo
postponendus.* 318

*Domitiani Imp. fastus vindi-
catus.* 556. fuit hostis ca-
lumniantium. 611

*Domus cura uxori credenda
est.* 64

*Dona minuta & frequentata
in aulis plurimum possunt.*
166. dona iniusta nec dā-
da, nec accipienda. 268.
in donis semper opus est
prudentiâ. 535. in imme-
ritos ea conferre noxium.
536. ea iudici non permit-
tenda. 558. hac deprehen-
dendi modus commodus.
659

*Duella inhibeat Princeps, eo-
rum damna, & immanitas.*

732. eorum mala à Princi-
pe Deus exigit. 734. quàm
frequētia ea fuerint in Gal-
lia. 734. seuerissimè ea inhi-
buit Albertus Dux. *ibid.*

*Ducis militaris prima cura
sit in delectu militari.* 314.

Ecc 4

INDEX RERVM.

bene ab armis & vestibus
 instructum militem ha-
 beat, ipse armis assuescat,
 non sit in veste nimis or-
 natus, nec nimis vilis: nul-
 lum militi otium conce-
 dat. 318. 319. quomo-
 do exercere militem de-
 beat, & suam in eo ope-
 re non perdere venera-
 tionem. 319. 320. volu-
 ptatem qualē militi conce-
 det. ibid. pramia beneme-
 ritis det, ignavos pœna affi-
 ciat. 321. in suppliciis mo-
 deratus sit. 322. militum
 ardorem temperet. 323.
 commoto exercitui non se
 toto corpore opponat, fi-
 dem militi, etiam hosti,
 datam seruet. ibid. secre-
 torum fidissimus sit cu-
 stos. 325. hostilia consilia
 indaget. 326. numquā ho-
 stem contēnat, hostibus fu-
 gientibus viā aperiat. 327.
 apparatus bellicum ante
 bellā paret, hostilia loca
 nosse satagat. 328. 329. lo-
 cum designet receptui &
 comœatui commodū, iti-
 nera per fidos speculetur,
 angustias locorum occupet,
 in hostili agro copias ne

dimidat. 330. raro in
 colloquium cum aduer-
 sario veniat, alterius mi-
 sericordia se non expo-
 nat, periculis sine gra-
 ui necessitate se non ob-
 iiciat. 331. disciplina mi-
 litaris tenacissimus sit cu-
 stos. 332. ordinis maximā
 curam habeat, quomodo
 aciem & equitatum dispo-
 nat. 334. 335. opportuna
 castris loca capiat, exerci-
 tum fossā & vallo claudat,
 provideat receptui neces-
 saria. 336. fugam aliquādo
 simulet. 337. tarditatē &
 calorem in bello quomodo
 temperaturus sit. ibid. ve-
 litationibus vires hostium
 tentet. 339. temeritatem
 in bello vitet. ibid. potius
 cum gloria occūbat, quā
 turpiter fugiat. 341. pri-
 ma eius virtus pruden-
 tia. 344. cautā in eo consi-
 lia probantur. 344. simu-
 latio ei interdum necessa-
 ria. 347. consultō omnia
 agat. 348. plures consiliis
 adhibeat. 349. prudentia
 illi necessaria. 352. exe-
 cutionem rerum num-
 quam inimico suo credat.

INDEX R E R V M.

353. nec illi qui de alia sententia fuit. *ibid.* denuntiatoribus nec temerè credat, nec eos negligat. **354.** proditoribus cautè utatur. *ibid.* hilaritatem vul-
tus præ se ferat. **355.** eruditio qualis illi optanda. *ibid.* castimonia illi necessaria & liberalitas. **356.** **357.** militi stipendia soluat, & militari-
bus seditionib. occurrat. **358.** in bello pacem amet. **366.** prima eius cura sit pietas. **367.** magna vis in eius oratione ad milites. **369.** **391.** exemplo suo, vulneribus, sanguinéque milites animet. *ibid.* præmiis eos prouocet, & fortiorum antè factorum cō-
memoratione. **370.** reprehensione in officio contineat, à liberorum & coniugum affectu impellat. **371.** à necessitate fiducia prouocet, & à desperatione. **372.** **373.** à grati animi significatione. *ibi.* fortiter & suauiter suos impellat. **374.** grauiter & seuerè, & à difficultate terre. **375.** ignominia,

libertate proposita facilitate rei exciet, seruutem proponat. **376.** **377.** à rerū magnitudine hortetur. **379.** deterreat à civili sanguine, militum ardorem temperet. **380.** ab ultima rerum desperatione animum addat, & maiorum exemplo firmet. **381.** dictionem suā extenuet, facta extollat. **382.** à posteritatis memoria inciet. **383.** hostes deprimat, suos extollat, à libertate, opibus, laude suo exemplo prouocet. *ibid.* & **384.** à periculis gloria, necessitate. **387.** à magnitudine factorum suorum. **388.** eius exemplum omnibus verbis validius. **391**

Duces militares ab una aut altera pugna laudem referunt & nomē. **218.** Ducum in milites beneuolorum, & nihil sibi indulgentium *exempla.* **391.** Ducum prudens de subito responsio quàm sæpè ad victoriam contulerit. **393.** Ducēs magni semper primam victoriæ partem in hostilium consiliorum co-

Ecc 5 gni

INDEX RERVM.

gnitione posuerunt. 701.
aperitis Ducibus milita
pendet. 703
Dyscolis etiam Superioribus
obtemperandum. 118. 119

E

E Brietatem caueat lega
tus. 444. eius dam
na. 566

Ebrii legati quomodo puni
ti. 445. 446

Ecclesia heretica nō nisi nu
per exorta sunt, Catholica
ab Apostolis deriuata.
624. 625.

quis ab Ecclesia verus ho
nor proueniat. 287. Ec
clesiis quales praficiendi.
670. 671. 673. Ecclesia
dignitates transire in fi
lios respectu parētum pe
riculi plenum est. 673. Ec
clesia proceres deuinctos
sibi habeat Princeps, in
populi furore. 771

Educatoris assidua cura
prauitatem natura corri
git. 71

Educatio plus ad virtutem
poteſt, quā natura. 75.
ipsa natura prouitatem
vincit. 85

Effundere temere omnia ma
gna est imprudentia. 202

Egestas ad que virum nobi
lem non impellat aliquā
do. 470

Electio in Regem que fauo
re facta, raro durabilis est.
492

Electus in Regem, populariū
animos sibi obstringat be
neficiis. 495

Eloquentia imprudens dam
nanda. 204. eloquentie
et prudentia rara mistu
ra est. ibid. eloquentia que
commendetur. 206

Emendationis spes nunquā
ponenda ei, qui hominem
emendandum suscepit. 72

Epaminōda modestia in ve
ste. 237. quā re Lacede
monios vicerit. 708

Episcopatum in Hispania
census. 711

magna cura in iis deligendis
ponenda qui ab Epistolis
legatorum sunt. 412

Equitatus quomodo in acie
disponendus. 335

Eruditionem honor comita
tur. 287. ea in Duce mi
litari optanda. 355

ab Euētu ferē homines pru
dentiam metiuntur. 300.
ab eo tamen res non sunt
metiende. 668

Exci

INDEX RERVM.

Excipiendi legati benivolè,
& amicè compellandi.

463. exempla eorum qui
hac in re peccarunt. ibid.
& seqq.

Executionem rerum in bel-
lo. numquam priuato ini-
mico Dux credat. 353

Exemplis aliorum animus à
vitiis auocandus. 5. exem-
pla visa docētium quan-
tā sint potentia. 89. 90.
exempla mala maiorum
quantopere noceant. 103.
104. exēplum Ducis om-
nib. verbis potētius. 391.

Exempla eorum qui reip.
causā odia posuerunt. 37.
fidelium amicorum. 43.

& seqq. eorū qui post in-
timam Principum fami-
liaritatē, eādē exci-
derunt. 189. eorū qui sua

& priuata commoda pu-
blicis postposuerunt. 306.

fortium militum. 341. le-
gatorum qui eos à quibus
missi fuerunt, prodiderūt.

424. eorum qui doctos vi-
ros honorarunt. 655. eorū
qui hostiū molitiones sem-
per sunt perscrutati. 701

Exercitatio militaris etiā
in pace instituenda. 308.

715. eius commoda, &
exempla. ibid.

Exercitui commoto Dux se
toto corpore non opponat.

324. prima exercitus mu-
nia regiā auctoritate dā-
da. 686. exercitus non

perpetuò uni committē-
dus. 704. non facile plu-
res pari potestate uni

exercitui praficiēdi. ibid.

exercitus magnos alere
quomodo Rex Hispania

possit sine graui ararij in-
commodo. 749

Exhortatio quedam potens
Ducis, à factorum suorū

magnitudine milites in-
hortantis. 388

Exitus funesti magnorū du-
cū. 6. & multorū magnorū

virorū. 289. 391. & seq.
498. ac superbiorū. 556.

exitus nonnulli felices è
temerariis conatibus re-

consentur. 301

Exosus nō debet esse legatus
apud eum ad quem mitti-

tur. 449

Experientia rerum legato
necessaria. 409

Exteriora corporis non sunt
indubitata bona malave-

mentis signa, indicant ta-
men

INDEX R E R V M.

men nature & corporis
pronitatem. 84

cum Externis & indigenis
quomodo agendum. 176.
externis quomodo utetur
legatus. 455

F

F Abius Maximus in-
signis honorum fuit
contemptor. 284. dissua-
det bellum in Africa geri.

375. eius liberalitas. § 34

Facilitas in Principe lauda-
ta. 108

Facta dictis potentiora sunt.

89.90. factis alienis non
est gloriandum. 162

Familiaribus suis nuntium
priuatus nō sit Princeps.

784. familiares Principis

non prae se ferant se mul-
tum gratiā apud eum va-
lere. 182. regio abstineant

ornatu. ibid. regio appa-
ratu in mensa abstineāt,

omnem laudem in Regem
transferant, regis com-
modis studeant. 183. nul-

lam ei timendi materiam
dent, caueant à clientum
turba, ostentationem vi-

tent & insolentiam. 184.

submissionem sectentur,

primas partes aliis defe-

rant, & faciles aditus om-
nibus praebeāt. 185. 186.

caueant nequid aduersi
in commissā sibi guberna-

tione eueniat, liberalita-
tem ament. 187. amicos

parent, nunquam metum
deponant. 188. familiares

Principi quales deligen-
di. 776. 777. & seqq. vi-

de Priuatus.

Familiaritas proborum se-
lectanda. 10. mulierum de-

clinanda. 12. improborum
Principum fugienda. 125.

vide Contubernium, Con-
suetudo.

Fastus deponendus Principi.

§ 54. fastus omnis, odij
caussa. § 55. non cadit in

magnos animos. ibid. va-
ria à fastu nata bella.

§ 57. § 58

Felicitas nulla inest magni-
tudini. 296. in felicitate

nimia aulā se subducit
aulicus tempestiue. 172

Feminarum est, in veste or-
natu querere. 236. iis

quomodo & que danda.
267. à femina extraneae

amore caueat legatus, cur.
446. vide Mulier, Vxor.

Fidendum non est simulato-
ribus.

INDEX R E R V M.

ribus. 128

Fides prima virtus legati.

408. fidem militi etiam
hosti datam Dux seruet.

324

Filiarum maximè habenda
est cura. 70

Filio erranti non parcendū.

70. filij aliquot in paren-
tes ingrati referuntur.

100. filij legatorum in le-
gatione nati iisdem privi-
legiis gaudent, quibus in
patrio solo nati. 472. filij
Regum assuescant armis.

731

Fingere adultiorum est, non
puerorum. 86

C. Flamini erga patrem af-
fectus. 131

Flamini Popili legati Ro-
mani constantia. 416

à Fœnore abstineat Prin-
ceps. 743

Forma in legato laudata.

450

Fortune munera incerta &
fugientia qui cogitat, ad
eamdem non aspirabit. 6.

ipsa quos altius extollit,
magis deprimuntur. 291.
eius varia vicissitudo, ri-
dentis & senientis exem-
plis comprobata. ibid. eius

ludus sunt Reges. 293.

eam nemo prudens accu-
sabit. 302. fortuna neu-
tri se credet vir fortis.

242

Fortunati post temerarios
ausus sunt pauci. 340

Fraudulenti quæ sit oratio.

77

Frons index animorum est.

83

Frugali Principi deesse nun-
quam pecunia potest. 745

Fuga aliquando simulanda.

337. ea militi nunquam
est gloriosa. 341. fuga pec-
cati, peccatum expugna-
tur. 421

Fugientibus hostibus cur via
patefacienda. 328

Furor populi quàm grauis.

270. 770. 771. 772.

G

Galgacus Britannus
quomodo suos sit con-
tra Romanos exhortatus.

383

Gaudium nullum oritur è
mundana magnitudine.

295

Gemmæ mulierum inescant
viros. 238

Generosi

INDEX RERVM.

Generositas militi à quibus
rebus mutuanda. 311

Generosior quisque minus
cautus est. 28. generosus
antè mortē deliget, quàm
in impium insurgat Prin-
cipem, quia patris loco est
ei. 122. generosi potius be-
neficiis quàm fauitiâ du-
cendi. 401. sunt sinceri,
nec simulatores. *ibid.*

Gentilium mulierum quarū-
dam honestas. 61

Germanici simulatio apud
Tiberium Imp. 193. eius
in milites liberalitas. 358

Gloriatio vestis delicto non
caret. 237

Gonsalvi de Corduba elogiū.
729

Gracchorum fratrum infelix
exitus. 357

Grandes Hispania, quos ha-
beant pronentus. 741

Grandes Principum. vide
Priuatus.

Grati in educatores & ma-
gistros suos aliquot enu-
merantur. 100

Gravitas peccati quanta sit.
476

Gubernatores prouinciarum
magnarum & regno con-
nexarum, nec perpetui

sint, nec annorum multo-
rum. 686. 687. maxime
si prouincia longè dissita
sint, & exercitus in manu
sit. 686

Gubernationes magnæ diu
vni non sunt committen-
de. 686. sed media fortu-
na hominibus. 687. gu-
bernacula regni non tra-
denda Regum Priuatis.
779.

H.

H Adriani Imp. facili-
tas. 521. eius cle-
mentia. 541. quàm suis
fuerit carus. 579. fuit
litteris addictus. 652.
in disciplina milites te-
nuit. 709. eius in agros
milites amor. 728

Hannibalis ad milites ora-
tio. 372. eius clementia in
mortuos duces Romanos.
540. 541. eius fastus.
557

Hecdicij Aruerni animosa
audacia. 342

Heliogabalus Imp. quantum
adulatori Zotico credide-
rit. 783

Hereditarium regnum in fe-
licitate reponendum. 324.

Hero

INDEX R E R V M.

Herodis Agrippa fastus & punitio. 557

Hieronis Syracusanorū Regis liberalitas erga Romanos. 533

Hilaritatem vultus pra se ferat Dux militaris. 355. *hac Principi necessaria.*

525. *ipsa nonnunquam pro premio est.* 526

Hispania serico & lanâ nobilis, eadem ad externos auehi sinit, & deinde magno sumptu repetit. 647.

648. *auro ceteros locupletat ipsa arcâ utitur pecuniâ.* 648. *ex ea quot militum millia educi queant.*

750. *eius opes.* 551. & seq. *quot oppida complectatur.* 754. *Hispania Rex quomodo è prouentibus suorum alere exercitum copiosum queat.* ibid.

Hispani honorati honorem rependunt. 602

Historia commendatio. 212. *qualis ea esse debeat.* ibidem. *historica dictio qualis esse debeat.* 213.

quàm difficile historiam verè scribere & pro dignitate. ibid. 215. *partium duces quâ inconuenienter*

eam scribant. 214. *mulgi*

temporis nostri historici coarguuntur. ibid. *horum mendacium & adulatio.*

ibid. *qui & ubi scribere eam debeat.* 216. & seq.

historiarum cognitio cur in legato requiratur. 448.

earum lectio Principibus necessaria. 117. 650. *quænam hinc ad eos emanet*

utilitas. 95. 650. 651

Honestâ solum ab amico petenda. 48

Honor Superiori tribendus. 132. *honorum contemptiores varij è Gen-*

tilibus. 283. *honor verus virtutis est umbra.*

285. *quis honor ex militia & aula sperandus.*

287. *quis ab Ecclesia verus.* ibid. *bonis artib. est*

parandus. 288. *ad honores euecto quæ virtutes*

necessariæ. 296. *à quibus cauere debeat.* 297. *quid*

faciendum, si honorem opes comitentur. 299

Hospitium alienum alieno in regno legatus non ad-

mittat. 461

Hostis nunquam contemnendus. 237. *hostes deprimere,*

suo

INDEX RERVM.

suos extollere, plurimum
semper ad victoriam va-
luit. 383. hostis quem lau-
dat, cura controuersiam
probus est. 468. hosti par-
cere & vitā donare, ma-
gnū & diuinum propē
est. 506. 507

Hostili in agro copia nō sunt
diuidenda. 330. hostiles le-
gati munificē habendi.

422

Humanitas & clemētia pro-
pria virtus Regum. 506

I

Ignauī milites pœna affi-
ciendi. 321

Immeritis dona cur nō dan-
da. 535. 536

Imperet ita Superior, ut im-
perari sibi vellet. 111. im-
perare Ducis, exequi mi-
litis est. 310

Imperatores multi obscuros
habuerunt parentes. 158.
plurimorum infelix mors.
292. 293. nonnulli quam-
uis Echnici, bene erga
Christianam religionem
affecti fuere. 623

Imperium breue multorum.
6. imperium scelere con-

secutus, perrarō virtute
tenebit. 493. imperia di-
uinis auxiliis firman-
tur.

626. imperium maris pa-
ret qui tutō & latē vult
imperare. 718. quomodo
id sibi parare Rex Hi-
spanus possit. 722. occur-
ritur difficultatibus quas
quis hic obijciat. ibid. com-
moda hinc secutura. 724.
imperia Dei suauia sunt.
555

Impietas in Principe feren-
da. 124

Improborum consuetudo à
puero amouenda. 91. im-
probi ab aula arcendi.

614

Improbitas una alteram do-
cet. 615

Inconstantis & constantis
quæ sit oratio. 79

Incontinentiam Principum
imitantur omnes. 668

Inferiori non tutum, vincere
Principem. 643. ponat
virtutes suas infra Prin-
cipis. 644

Ingenij nulla prauitas tanta,
quæ vinci exercitio non
possit. 75. ingeniis magnis
maximè inuigilandum. 24.
ingenia non sunt vnius

Aucto

INDEX R E R V M.

- Auctoris terminis arcenda.* 209. *ingenia arrogā-
tia & morosa à legatio-
nibus arcenda.* 432. *me-
diocria regnis sunt tuisif-
sima.* 641. *eorum & sum-
morum discriminē.* 642.
*maxima sciētys sunt ap-
ta.* *ibid.* *feruida & lenta à
reip. muneribus auocan-
da.* 430. 431. *feruida fri-
gidis in rep. miscenda.* *ibi.*
- Ingeniosissimi quique vestiū
sunt contemptores.* 236
- Ingenui laude & premijs
ducuntur.* 106
- Ingratitudo filiorum aut di-
scipulorum terrere à bo-
na institutione parentes,
aut instructores non de-
bet.* 100. *ingratitudo
Principe indigna est, ex
amicis hostes parit.* 27.
*mala ex hac nata; ani-
mos subditis adimit ad
magna audenda.* 27.
§ 28. eius varia exempla.
29
- Ingratorum in institutores
& parentes exempla re-
censentur.* 100. *ingra-
tus Princeps ferendus.*
28
- Inimicis benefaciendū, mo-
nitore Christo.* 15
- Iniūty semper inuigilandum.*
23
- Iniurias contemnere nobilif-
simū victoriæ genus est.*
203. *iniuriā legatis fā-
ctam ipsi Principes apud
quos versantur, ulcisci
aliquando solent.* 441.
*iniuria & inuidia mul-
tis honorē dederunt.* 285.
286
- Innocentiā tectus Princeps
nihil metuet.* 612
- Inspectio curiosior regni non
est hostili legato permit-
tenda.* 466
- Institutio quā potens &
efficax sit.* 632
- Instructor aduertat propen-
sionem eorū qui sibi sunt
concrediti.* 80. 86. *eius
mores plurimum in hac
re possunt.* 89. *in eius de-
lectu magna cura adhi-
benda, & quare.* 90
- Integumentum capitis ho-
die quā sit variū.*
229
- Interpretes in legationibus
quā sapē fraudulenter
agant.* 452. *interpretes
& comites legatorum eo-
rum intuitu, sacrosancti
sunt.*
F f f

INDEX RERVM.

- sunt : exemplis id probatur. 431.442
- Inuentoribus rerum nouarum faueat Princeps. 765.767
- quibus Inuidetur, quorundam opinione felices sunt. 19
- Inuidia plerumque magnos facit. 286
- Ira vitanda in congressibus. 14. eius damna & mala. ibidem. ea quomodo in puero tollenda. 87. prudentie aduersatur. 560
- Iracunda uxor non deligenda. 56. iracundi quæ sit oratio. 79
- Isabella Belgarum Principis in saucios milites tum proprios, tum hostiles animus & beneuolentia. 728
- Itinera sum Duci per fidos speculanda. 330
- Iudici vitanda acceptio personarum. 143. debet esse ab omni affectu liber. 144. odia & amulationem ponat. ibidem. uarij modi quibus à iusto & aquo abduci queat. 145. meminerit sui & humane cōditionis. 147.
- in benignitatem sit pronior. 148. munera fugiat. 149. iudicis auro corrupti anceps nutatio. 151. ei mors antè oppetenda quàm iniustitia committenda. 152. iudici nulla dona permittenda, nec venditio aut muneris emptio. 658. quæ pœnâ iudex improbus puniendus. 662.663
- Iulius Agricola quomodo suos cōtra Brutiānos hortetur. 383
- Iulij Caesaris cum Pompeio concertatio unde orta, & eius finis. 304. eius uictoria & cades. 290. animositas. 342. temeritas felix. 239. in C. Oppium benignitas. 321. in hostes clementia. 503. 540. quàm suis fuerit carus. 577.588. quàm fuerit studiorum amans. 653
- Iuris peritissimi in Senatores deligendi. 663. iuridicundo non prasint Regum Priuati. 785
- Iurisconsultorum diuersa in sentiendo plerumque sunt opiniones. 146. Iuriscon

INDEX R E R V M.

risconsultine an Theologi Ecclesiis præficiendi. 675

à Iustitia quibus modis iudices defleant. 145. iusi-
tiam colat legatus, & ne-
minem ladat aut circum-
ueniat. 446

Iuuenum conditiones & mo-
res. 175. iuuenes si pru-
dentes. possunt legationi-
bus adhiberi & ducendo
exercitui. 410

Iuuentutis institutioni serio
incumbat Princeps. 638.
quantum in illa momenti
situm. 639. eius exercita-
tionibus aliquando Prin-
ceps interfit. ibid. optimi
quique eius institutioni
præficiendi. 640

L

L Acrymarum post pec-
catum vis. 490.
à propria, non ab aliena,
magnitudine Laudandus
quisque est. 157

Laudatores adulatorij irri-
fores sunt. 259

in Laude propria parcius
laudata. 21

Legatio tota aliquando le-

gatorium fidei committi-
tur: id exemplis proba-
tur. 325. ipsa duplex:
temporaria una, altera
perpetua. 396. legatio
aliquando differenda, &
hoc duplici de causa.
466

Legato que committuntur,
scripto ferè traduntur,
& sæpe non nisi uno ver-
bo. 393. 394. legato-
rum definitio. 396. le-
gati alij minores, alij
maiores: & quando hi
& illi mitti soliti. ibidem.
sunt augendi dignitati-
bus. 397. vario modo
olim designari soliti, for-
te vel suffragis: que
vtriusque designationis
ratio. 397. varias ob
causas mittebantur. 398.
pro solatio in morte ca-
rorum, ad accipiendæ
consilia, ad diuertendum
hostem, ad hostilia arma
mutuò prouocanda: exem-
plis res ostenditur. 398.
399. ad armorum indu-
cias, bella denuntianda,
pacem componendam: hoc
exemplis ostenditur. 400.
401. ad cōtrouersias com-

INDEX R E R V M.

ponendas, gratulandum
 & benevolentia causa:
 per exempla demonstra-
 tur. 403. ad auxilia po-
 scenda, amicitiam reno-
 uandam, hostiles conatus
 perquirendos, comitatum
 & liberum transitum pe-
 tendum, munera deuenien-
 da. 403. 404. ad locuple-
 tandos legatos Regū ami-
 cos. ibidem. legati ali-
 quando in pœnam missi.
405. legatorum numerus
 varius olim fuit. ibid. olim
 belli ducibus adiuncti. 406.
 unus legationi præficien-
 dus, licet plures mittatur,
 & cur. ibid. legati prima
 virtus fides, cur. 408. eius
 prudentia. 409. secreto-
 rum sit custos arctissimus.
410. in secretario deligen-
 do curam magnam adhi-
 beat. 412. sua, non aliena
 manu scribat, a quibus re-
 gnorum salus pendet. 413.
 sedulus in scribendo sit,
 & qua scripturus. 414.
 alienas litteras domino suo
 non mittat. 415. con-
 stans sit oportet. ibidem.
 contra munera sit inui-
 ctus. 417. Acceptorum mu-

nerum Principem suum
 certiore faciat. 422.
 nō tribuat nimium Prin-
 cipis in se affectui, nihil
 tamen nisi ex mente eius
 aggrediatur. 423. impe-
 rata non transgrediatur.
 ibid. variorum legato-
 rum in hac re peccan-
 tium pœna. ibid. & 424.
 rebus mutatis subinde
 consilia mutet, sed raro,
 quia non tutum. 424.
425. nihil spondeat quod
 exequi non potest. 427.
 in promissis sit parvus.
 ibid. mendacium quam
 maximè caueat. ibid. ad-
 hibeat seriam in rebus
 deliberationem. 429. ci-
 ut nimium frigus, ita ca-
 lor nimius in consilijs fu-
 giendus, & cur. 430. non
 sit fastuosus & morosus,
 & cur. 432. qualis com-
 positio corporis & oratio
 in legato laudata. 433.
 modestiam verborum &
 corporis semper in eo plu-
 rimum valuisse, exemplis
 ostenditur. 434. legati su-
 perbe habiti causa fue-
 runt bellorum. 436. lega-
 torum lesorū iniuria sem-
 per

INDEX RERVM.

per bello vindicata fuit.

437. legatis caesis statuæ

à Romanis posite. 439. be-

ne legatione functis præ-

mia danda. 441. sacro-

sancti sunt. 442. legati ci-

uitatum & militum re-

bellium, quomodo habēdi.

442. temperantia & con-

tinentia in legato requi-

runtur. 444. legatus con-

uiuia aliena non auerse-

tur, sed etiam aliquando

instruat. & cur. ibid. con-

uiujs & mēsis soliti sunt

adhiberi à Regibus ad

quos mittuntur. ibid. in-

stitiæ cultores sint & mu-

nifici. 446. 447. legati

quales deligendi. 448. hi-

storias priscas cognoscāt

oportet, & qua inde se-

quatur utilitas. ibid. lega-

ti non mittendi qui odio

laborāt apud eos ad quos

mittuntur sed gratiā va-

lentes. 449. subditus non

externus, mittendus, nec

subditus illius ad quem

mittitur. 450. forma vi-

rilis in legato laudata.

ibid. patriā veste utatur.

451. linguā plurimū pa-

tria loquatur. 452. comi-

tatus eius sit mediocritas.

453. in hoc tamen accō-

modet se moribus gentis

ad quam mittitur. ibid.

in comitiū delectū magnū

curam habeat. 454. qua-

tam fidem exterius habe-

re debeat. 455. nulli ex-

terno fidat. 456. uxor an-

ci circumducenda. 457. id

cōsulitur in legationibus

longioribus. 458. videat

ne uxor, aliarum consue-

tudine, in alienos mores

degeneret. 460. arceat à

domo quorum fidem su-

spectam habet. ibid. Prin-

cipis ad quē mittitur mo-

res discat & regni. 461.

proprii Principis digni-

tatem tueatur. 462. quo-

modo excipiendi legati

sint. 463. us quomodo re-

spondere debeat Princeps.

464. legationem aliquando

differant. 466. legatis ho-

stii curiosior regni alieni

inspectio non permitten-

da. ibid. legatis perturba-

tis animus addendus. 467.

probitas & pietas in ijs

semper laudata. ibid. li-

berali stipendio habendi

sunt. 469. turpe & misc-

INDEX R E R V M.

rum est, eos in legatione ad egestatem redigi. 470. quem locum inter alios tueri debeant. 471. puniti qui infra dignitatem se gesserunt, aut Principes ad quos missi, honorarunt. *ibidem*, & 472. uxores legatorum, maritorum conditiones sequuntur. 472. quomodo se illi gerent in aliis legatis visitandis. *ibidem.* filij in legatione nati eodem privilegio gaudent, quo in patrio solo nati. *ibid.*

Lentitas qualis in verbis sectanda Principi. 562.
563.

L. Lentulus quàm dubiâ fortunâ iactatus. 291

Liberalitas quàm securam vitam praestet. 265. ea in Duce militari commendata. 357. liberalitate nimia Princeps metuendam suorum potentiam ne alat. 528

Liberalis etiam dici meretur pauperrimus quisque. 265. liberalium Principum & rerum publicarum exempla. 452. 453. 537

Libertatis titulo plerique aliena regna innadunt.

496

à Libidine sibi caueat legatus.

444

Lingua maledica mala. 20.

ea compesci nequeunt.

546

Lingua patriâ plurimum legatus utatur. 452. linguarum periti legationibus adhibendi, & cur. *ibid.*

Litterae tranquillitatem dant.

220. & sola propè posteritatem norunt. 221. 222.

vide Eruditio.

Loca hostilia Dux militaris pernoctare satagat. 329. loca castris opportuna capienda & munienda.

336. locus à Duce designandus commeatui commodus. 330. locus asperior optimos dat milites,

& cur. 309. locum

Principi suo debitum legatus

alieno in regno tucatur.

471.

Ludens cum Principibus,

pariatur eos vincere. 643.

784

Ludovico Maleano Flan-

dria Comiti sua senities

caro

INDEX R E R V M.

carò stetit. [§ 08](#)
Ludouici XI. Gallie Regis in
fide promissa inconstan-
tia. [§ 94](#)
Lusus & liberior conuersa-
tio puerorum indicat ad
que bona malæve propen-
deant. [90](#)
Luxuria magnos viros fre-
git, vrbesque & regna
enertit. [§ 70](#)
Luxus mensarum quàm no-
xius. [§ 65](#)
Lycurgus quàm malè à suis
exceptus. [§ 30](#)

M

M Agiſtratuū ſummorū
 perpetuitas quàm
 ſit noxia. [§ 85. § 86](#)
Magna non ſunt committē-
da ei cui tacere graue eſt.
[§ 98](#)
Magnorum virorū infelices
exitus. [189. vide](#) Exitus.
Magnis non ſidendum. [225.](#)
 nullam ea dant pacem,
 gaudium aut felicitatem.
[296. & ſeqq.](#)
Maiorum exemplo miles fir-
mandus. [382. 383](#)
Maledici contemnendi ſunt
Principi. [645](#)

Mali, rarò ſunt fideles ami-
ci. [§ 87](#)
Mámona & Deo ſimul ſer-
uire non poſſumus. [282.](#)
[283](#)
Manly erga patrem affe-
ctus. [131](#)
Mansuetudo laudata, ſecus
quàm ſuadeat aula vin-
dicta appetens. [15. 16](#)
Manu ſua, non alienà ſcri-
bat legatus ea, à quibus re-
gnorum ſalus pendet. [413](#)
Manibus, non ore pugnan-
dum. [310](#)
Marchio Spinola ſecretorū
obſeruator egregius. [600.](#)
eius victorie. [ibid.](#) ei me-
 ritò ac prudenter Alber-
 tus Princeps ſummum
 exercitus ſui imperium
 credidit. [704](#)
Mariana & Syllana parricidia & bellum è primato
orta commodo. [303. 304](#)
Maris imperium parandum
tutò imperare volenti, &
cur. [718.](#) idem ſuaſit filio
 ſuo Carolus V. [719.](#) quos
 id animos addat rebelli-
 bus. [720.](#) quã viã id ſibi
 Rex Hiſpanus parare
 poſſit. [722.](#)
Maritimorum locorum cura

INDEX R E R V M.

- maxima Regi habenda est. [682](#)
- Maritus quomodo imperiū sibi in uxorem perpetuū sit paraturus. [67.](#) uxorem non habeat ut ancillam, nec ut dominam. [68.](#)
- C. Marij felicitas. [291.](#) eius oratio ad milites, facta sua extollentis. [388.](#) [389](#)
- Martyrum amor erga Deū quam sincerus esset. [42](#)
- Matrimonium inferius calibatu. [55](#)
- Matronarum castimonie Principes inuigilent. [569](#)
- Membrorum exteriorum diuersitas ex interna humana cōditionis varietate nascitur. [84](#)
- Mendacium dedecet Principes. [109.](#) [595.](#) id aulis familiare est. [110.](#) eius vilitas. [111](#)
- Mendacium omne fugiendum. [125.](#) viā ante ponenda, quam mendacio maculanda. *ibid.* quam turpe viro, & maxime legato. [427.](#) & omnibus bonis. [526.](#) est abiecti animi. [592](#)
- Mentiri volunt omnes, ne-
mo mendax dici. [111.](#)
- [125](#)
- Menenij Agrippa paupertas. [272](#)
- Mense Principis modesta sint. [565.](#) earum luxus damnabilis. *ibid.*
- Mercium Belgicarum praestantia. [363](#)
- Metelli Pij erga patrem pietas. [131](#)
- Metellus Numidicus disciplinam militarem restituit. [707.](#) [716](#)
- Metum in amicitia comitantur simulatio & suspicio. [32.](#) metu non est Princeps continendus. [136.](#) unus alium prouocat. [576](#)
- in Milie facta dictione potiora sunt. [210.](#) eius prima virtus parere. [308.](#) [302.](#) in perpetuo militari exercitio continendus. [308.](#) optimus ferè miles ex asperiore agro educitur. [309.](#) manu, non ore pugnet. [310.](#) crudelis post victoriam, timidus est; clemens post eam fortis est. *ibid.* generositas ei unde mutuanda. [311.](#) qualis miles deligendus. *ibidem.*
- hinc*

hunc bona conscientia fortem reddit. 312. tironi quid faciendum. ibid. milii qua observanda sint. 313. quid in hoste notandum. ibid. domesticus externo; an hic illi praferendus: rationes pro utroque afferuntur, & in contrarium allata dissolvuntur. 317. miles bene à vestibus & armis instruendus: nullum ei otium permittendum. 318. 319. milites quomodo à Duce monendi, animandi, & terrendi. 369. & seqq. eorum ardor à Duce temperandus. 380. de milite bono propugnaculis providendum. 688. milites seu-riore disciplinâ sunt continendi. 712. miles quidam Belga quàm iussorum Ducis fuerit acer custos. 713. miles in hostili agro, si potest, alendus. 706. militem etia in pace paratum habeat Princeps. 715. dis-iunctis in locis pacis tem-pore habendus. 716. militi aut persolvenda stipendia, aut prada permittenda. 737. militem quâ viâ sibi Rex Hispania & Lusita-

nia, Aragonia, Catalaunia colligere possit. 755. miles quis educi & Belgio possit. 758. quomodo miles parandus qui propriis militet stipendiis. 760.

Militaria exercitia Dux fou-
neat & spectet. 319
ad militaria munia promo-
uendi, qui fortibus factis
promerui, nec alij. 747

ex Militia quis honor speran-
dus. 287. et quæ atas ido-
nea. 315. militia omnis à
peritis pcedet Ducibus. 703.
eius basis stipendia. 705.
militiâ claros non offen-
dat Princeps. 726. mili-
tiam perpetuam quâ viâ
excitare hic possit. 760

à Minimis sepe nata damna
maxima. 14. à minimis
incipienda vitæ meliora-
tio. 421

Misericordia aliena se nō ex-
ponat Dux militaris. 331

Modestia in inferiore laudata
& submissio, in Superiore
monendo & suadendo. 137.
modestia virtuti coniun-
cta in aulis plurimum po-
test. 167. eâ quantum lega-
ti vicerint. 434. ipsa amo-
ris causa, fastus odij. 555

^ F f f 5 Mode

INDEX R E R V M.

- Modesti qua sit oratio.* 78
Moror continuus, ignavi ani-
mi aut crudelis est. 526
Molitiones hostiles nosse, quāti
ad victoriam referat. 701
702
à Mollioribus semper incipien-
da remedia. 628
Mores Principum imitantur
aulici. 179. *mores maio-*
rum bonos Princeps imite-
tur, malos fugiat. 628
Morosi vitandi sunt. 15. *mo-*
rosi & facilis qua sit oratio.
78. *à morosis nulla sunt*
præmia expectanda. 525
Mors à Principe illata feren-
da. 119. *est contemnenda in*
caussa bona. *ibid.* *hæc Prin-*
cipi non inferenda, tametsi
hosti. 120. & *seq.* *pro Prin-*
cipe obita gloriosissima.
122. *mors antè iudici oppe-*
tenda, quàm in iustitiam
peccandum. 15 2. 15 3. *mors*
misera Hannibalis, Mi-
thridatis, Solonis, Thesei,
Multiadis, Aristidis, Pho-
cionis, & aliorum Græciæ
imperatorum. 294. *mortis*
consideratio, potens contra
peccatum remedium. 484.
eius certitudo, & tempo-
ris, quo ventura sit, incer-
titudo. *ibid.* & *seqq.*
Mulier commissi tenax raris-
sima. 64. *hinc secreti legi-*
bis teneri nō videtur. 552.
eius ira quàm noxia. 56.
eius nativa descriptio. 57.
mulierum consortium de-
clinandū, & qua mala ipsū
adferat. 12. *mulierum mo-*
dernarum licentia. 62. *mu-*
lierum aulicarum mores &
ingenium. 165. *mulieres*
multos deceperunt. 445
Mundi & opum contempto-
res comparati cum eiusdem
amatoribus. 7. *mundus in-*
star scene est. 241
Muneribus non est paranda
amicitia. 24. *viam illa sæpè*
sternunt virtuti ad magna.
25. *ea iudici fugienda.* 149.
eorum vis & mala. *ibid.*
munera accipere, & in mu-
nerum partem non flecti,
incredibile. 150. *ea spernē-*
tium legatorum exempla
recensentur. *tum Romanorum,*
tum aliorū. 417. 418.
ea dari legatione functis
consuetum. 420. *ex hoste*
amicum faciunt. 531. *mu-*
nera nulla ex arario mili-
tari Rex persoluat. 243.
vide Dona.

Munis

INDEX RERVM.

Munis publicis quinam à Principe admonendi. [501.](#)
nonnisi optimi quique. [613.](#)
prima regni vni committere res periculo plena. [630.681.](#) *que hinc damna sequantur.* [682.683.](#) *ea in plures conferenda sunt, & quare.* [683](#)
Munificentia cur in legato laudetur, non verò sordes aut prodigalitas. [447](#)
Mutatis rebus consilia legatus mutet. [424](#)

N

N *Abuchodonosoris, & filij, fastuosorum puni- tio.* [567](#)
Nasorum diuersitas. [84](#)
Nationum variarum miles à Romanis delectus. [316](#)
Natura plurimum ad virtutem valet. [74.](#) *eam vincit educatio & institutio.* [85.](#) *eius propensio sequenda in puerili institutione.* [93.](#) *ei plurimum tribuendū in ditione.* [207.](#) *natura paucis, & facile parabilibus contenta est.* [275. 278](#)
Negatio blanda sapè pro beneficio est. [532](#)
Neronis Imp. crudelitas. [549](#)

Nerue Imper. clementia. [541](#)

Neutrales qui Principi fuerunt, non faciliè rebus publicis admonendi, & cur. [502](#)

Nobilitatis minor ratio habenda, quàm virtutis. [73L](#)
nobilitas omnis à minimis iniuriis ortum habet. [155.](#)

non à parentum, sed à propria cuiusque virtute metienda. [156. & seq.](#) *nobilitas maiorum factis turpibus nō est facienda.* [160](#)

Nobiles plerumque nobilitatem suam vanè iactant.

[176.](#) *nobilibus ad inopiam redactis, subinde aliquid à Principe largiendum* [267.](#)
nobiles à Principe dedecore non sunt afficiendi, populo commoto. [768](#)

Nolens nemo peccat. [482](#)

Notitia peccati optimum contra ipsum remedium. [487](#)

Novarum artium inuentores bene habeat Princeps, & proposita examinet.

[765.767](#)

O

O *Culta mandata legatis dari solent.*

[394](#)

INDEX R E R V M.

Ocreæ hodie sunt in ornatum.

232

Oculorum discrimina varia.

83

Odia deponenda. 17. ea inter consanguineos plerumque acerbissima. *ibid.* odiorum materia sunt honores & opes, etiam amico accedentes. *ibid.* etiã in viles artifices cadunt. *ibid.* ea unde nascantur. *ibid.* odia exuat iudex in iudicando. 144. odiorum causa est, plura in unum si Princeps conferat. 682

Odoramenta vestium mollis animi signa sunt. 239. eis quos offendit Princeps, non facile se credat. 728

Opes Regis Hispania, & omnium tota Hispania Prælatorum ac Magnatum. 751. vide Diuitia.

Opilius Macrinus Imp. discipline militaris studiosus fuit. 709

prudenter cogitata Opere sũt exequenda. 321

Orationis viri candidi, & fraudulentis discrimina. 77. tristioris & leti; iracundi & sedati; morosi & facili; lenis & ferus. 77. 78.

ambitiosi & modesti; ferocis & mitis; inconstantis & constantis. 78. 79. vani & compositi. 80. oratio qualis esse legati debeat.

433. oratio iuniorum & seniorum qui differat. 92. oratio mollis frangit iram.

434

Orationes varie ad milites.

369. & seqq. oratio Ducis quanti sit roboris. 390. quid non blanda oratio euicerit. 434

Ordinis maxima cura habenda in exercitu. 334

Ordinum militarium in Hispania prouentus. 752

Ornare se uxor viro debet soli, & non aliis. 59. 60

Ornatus mulierum hodiernus, uiris laqueus est. 13. ornatus non est cum Principe certandum. 136. ornatus diuitum, furum manus procat. 276

Ortus magnorum virorum & Regum sæpè ignobilis fuit. 158

Oscula pedum, manuum, & oris quibus dentur. 106

Otium in muliere semper improbandum. 65. que in muliere mala pariat. *ibid.* id militis

INDEX RERVM.

militi non permittendum,
eius mala. [319.](#) [472.](#) [473.](#)
id quam noxium Ducibus.
[319.](#) id homini Christiano
fugendum. [472](#)

P

Pædagogus aduertat pro-
pensionem eorum qui
sibi concrediti sunt. [80.](#)
[86.](#) eius mores in puerorum
institutione plurimum pos-
sunt. [89.](#) Vide Instructor.
Pædagogi aliquot magno-
rum virorum recensentur.
[90](#)

Palæstina quæ viâ à Christianis
recuperari posset. [719](#)

Parentes semper colendi sunt.
[119.](#) eos non venerantes
que infortunia mancant.
[140.](#) quantum crimen in
eos insurgere. *ibid.* in eos
pij, semper fuere laudati.
ibid. parentum virtus, do-
ctrina, nobilitas non tran-
sit in filios. [156](#)

Parère prima militis est vir-
tus. [308](#)

Paritas in coniuge querenda.
[56.](#) *paritas* emulationem
parit, atque idco hac re-
gno utilis. [684](#)

Parsimonia qualis, & quomo-
do Regi necessaria. [746.](#)
[747](#)

Patri, tametsi crudeli & im-
pio, vis non inferenda.
[122](#)

Pauci sæpè maximos exerci-
tus ceciderunt. [690.](#) [691](#)

Pauper nemo est qui ad natu-
ram vinit. [271](#)

Pauper non subiacet inuidiæ.
[275.](#) est beatus, si sorte sua
vinit contentus. [278.](#) est fe-
rè diuite generosior. *ibid.*
pauperum amator Deus
est. [280.](#) pauperum quan-
ta apud eum dignatio.
[262](#)

Paupertas ultrò suscepta, non
coacta, virtutis indicium
est. [273.](#) minus hac impe-
dimentorum ad virtutem
habet. *ibid.* eius commoda
& laudes. [274.](#) [275.](#) hac
oppressus quid faciet ad
salutem. [277.](#) plus honoris
adfert hac quam opes. [280](#)

Pax antè præsentanda quam
bellum suscipiendum. [402.](#)
eius sancientiæ apud pri-
scos varij ritus. *ibid.* in
pace etiam miles alendus
sufficiens ad hostem repel-
lendum. [714.](#) [715](#)

Peccati

INDEX R E R V M

Peccati pœna vestis est. 232.
 peccatorum euitandorum
 ratio optima est fuga otij. 472. 473. & si aliquis no-
 bis proponatur in testem
 actionum nostrarum. 479.
 peccati notitia optimū con-
 tra ipsum remedium. 475.
 eius grauitas, & quas ani-
 mo cruces afferat. 476. eius
fœditas. 478. Dei presentia
 magnum ad peccati fugam
 momentū. 779. amor item
 Dei. 480. item timor futu-
 rorum, & Dei & occulto-
 rum eius iudiciorum. 481.
482. 483. item mortis cō-
 sideratio. 484. item futuro-
 rum expectatio. 486. pec-
 catum ipsum timoris omnis
 causa. 488. penitentiā di-
 lucendum est. ibid.
 Peccatori adulans, causa pec-
 cati est. 258
 Pecunia reip. neruus. 736. in
 ea sita vis maxima belli
 civilis. ibid. vide Aurum,
Diuitie.
 Periculis se sine graui necessi-
 tate non exponant Duces
 militares. 332. periculum
 semper in fuga est. 320
 Peritura contemnenda. 7
 Perturbatis legatis animus

addendus à Regibus quos
 alloquuntur. 468
 Philippi II. Hispaniarum Re-
 gis eloquium: eius in omni
 re aduersa constantia. 630.
 eiusdē cum potentibus agē-
 di ratio. 632. in morte pa-
 tientia. 632. 633. 634. va-
 riis ante mortem cum mor-
 bis est conflictatus. 633.
 cum Iobo confertur. ibid.
 Philosophie moralis utilitas.
96.
 Phocion quā generosē munc-
 ra Alexandri contempse-
 rit. 419
 Pietas & pura cōscientia for-
 tem dant militem. 312. pie-
 tati potissimum studeat
 Dux. 367. quant. as illa suis
 cultoribus victorias dede-
 rit. ibid. pietas simulata
 aulis noxia. 615. pietas
 quā Regibus necessaria.
619. hac quid in iis possit,
 exemplis cōprobatur. 620.
621. ad pietatem subditorū
 nihil tātum valet ac Prin-
 cipis exemplum. 626
 Pigmenta vix adhibent mu-
 lieres, nisi ut placeant alie-
 nis. 62
 Plebis furor in tyrannos im-
 placabilis. 552. Vide
 \ Populus.

INDEX RERVM.

- Populus.*
Plebei plurimi ad imperium orbis euecti. 7
Plures rebus magnis à Principe adhibendi. 683. ne vno moriente auxiliis destituantur. 685. à pluribus non est metus, sed ab vno. *ibid.*
Inter pocula quidam ad magna incalescunt, sed non probatur hic mos. 310. 311
Pœne & premia magnum ad virtutem incitamentum sunt. 172. pœne legatorum iussa & præscripta excedentium. 423. & seqq.
Pœnientiâ peccata diluenda. 488. 489. eius fructus, *ibid.*
Pœsis laudata; non est omnium, sed eorum qui ad eam nati. 211. dandum ali- quid in ea natura propen- sioni. *ibid.*
Pœta plerique in vno gene- re carminis solim excel- lunt, & nonnisi pauca scripserunt. 217
Politici fugiendi sunt. 199
Polycrates Samius in cruce mortuus. 294
Cn. Pompeij Magni lapsus & exitus. 232. eius in secreto seruando constantia. 412. eius clementia erga Tigranem Regem. 504. 540
Sext. Pompeius fidei data ser- uans fuit. 593
C. Popilij legati ad Antio- chum constantia. 415
Populi inconstans fauor exē- plis comprobatus. 137. pro- pendet in *urbes.* 138. cre- dulus est, & in mendacia pronus. *ibidem.* nihil in eo medium aut moderatum. 139. eius fauoribus num- quam fidendum 140. popu- lo placendi quis modus. *ibi- dem.* & seqq. cum à Nobili- tate obrui non sinat Prin- cept, neue eius querimonias negligat. 768. populi pri- mis furoribus cedendum. 770. populo à nobili aliquo lasso, quid facturus sit Prin- cept. *ibid.* quid, eodem pro- pterea ad arma aut minas conuolante. *ibid.* & 771. quid, tum populo, tum no- bilibus virisque ad arma tendentibus. *ibid.*
Posteritatis memoria milites incitandi. 383
Potentcs,

INDEX R E R V M.

Potentes, si nequam sint, gra-
uius puniuntur quam pu-
silli. 104

Præcepta aulico adolescenti
seruanda. 166

Pralati Ecclesie quales deli-
gendi. 670

Pralati optimi à Deo desi-
gnantur. 676

Præmeditata oratio in Princi-
pe commendatur. § 63. § 64

Premia magnum calcar ad
virtutem sunt. 179. ea qui
tollit, virtutem sustulit. § 82.
ea, si tollas, nec detractores,
nec adulescentes erunt. 603

Premia celestia si quis cogi-
tet, calumniam a quo ani-
mo feret. 251

Premia benemeritis militibus
danda. 321. & bene lega-
tione functis. 441

Præsentia Dei magnum ad
peccati fugam momentum.
479

Præsidium intutum in solo fer-
ro est. 575

Præsidia nimia sæpe propu-
gnaculis noxia sunt. 682

Preces multe minuunt doni
magnitudinem. 533

à Principe iuvene semouen-
dum quidquid animi ener-
uat, etiam, & ignave ar-

tes, lusus infamis; discen-
linguas vicinorum; exer-
ceat corpus durioribus; ar-
mis assuescat; litterarum stu-
dia colat; historius enoluat,
& quæ hinc ei eueniant cõ-
moda. 94. 95. & seq.
Philosophia moralis, &
virtutis in ea studium am-
plectatur; adulescentes &
detractores odarit & pu-
niant. 96. 97. mulierum fa-
miliarem cõsuetudinem fu-
giat; probatissimis societur,
viris doctis & militaribus
præsertim. 97. quæ artes
ab eo alienæ. 98

Principis prima gloria est in
suorum animis. 106. det
omnibus accessum facilem.
108. ei gloria est sæpè vin-
ci fisco. ibid. eum dedecet
mendacium. 109. 595. ma-
gnam in eo malum, nolite
moneri. 113. quomodo si-
ne auctoritatis imminutio-
ne errori priori mederi
possit. 114. paupertatis &
valetudinis suorum curam
habeat, fidem datam ser-
uet. 115. 591. 592. com-
missorum sibi fidissimus sit
custos. 116. recreationes
non nisi honestas selectur.
ibid.

INDEX R E R V M.

ibid. historiarum lectioni incumbat. 117. Princeps etiam impius ferendus. 118. mors ab eo illata ferenda. 119. quid si imperet Deo inimica. ibid. quomodocumque sciat, ferendum. 120. ei manus non inferenda. ibid. & seq. tolerandus, licet in rempublicam sciat. 122. exitus infelix eorum qui in Principes insurrexerunt. 123. eius impietas ferenda. 124. familiaritas improbi Principis fugienda. 125. Princeps comparatur igni & mari procelloso, quibus si quis se credat, periculum adit. 125. 126. durus & immitis fugiendus. 127. in eius contubernium admisus quid faciat. ibid. cultus in eum numquam subditi deponendus, esto illi familiaris sit. 128. quomodo subditus se gerat in eo monendo. 133. 134. 135. cautè cum eo versetur. ibidem. beneficia in Principem collata non divulganda. 136. vincendus ornatus non est. ibid.

metu non est continendus. ibid. cum Principe inconstante, obliuioſo. & tyranno scriptis agendum. ibid. Principis sui ingenium & mores cognoscat aulicus, ab eo accepta iniuria dissimulet, eius dona licet tenuia, pro magnis habeat, praeclare de eo sentiat & loquatur. 169. 170. ei quomodo consilia danda. 170. eo improba proponente quomodo agendum. 171. eius consilia non scrutanda. 136. 172. eius beneuolentia cautè utendū. 173. eius seuitia & auaritia non fouenda. 174. non est in uxorem & filios exasperandus 175. eius clientium & familiarium amicitia captanda. 177. eius mores plerumque imitantur aulici. 179. Princeps amat probitatem in suis, et si ipse improbus sit, hinc probissimos quosque publicis muniis praeficit. 180. Principis familiares quomodo se gerant in aula & inter aulicos. 182. & seqq. eius est suorum rebus studere. 470. 471. faciles om-

INDEX R E R V M.

nibus aures prabere. § 21. caueat ne se nimium apud suos deiciat, sed patrē se se suis ubiq; exhibeat. § 29. nimia liberalitate metuen-
dam suorum potentiā ne alat. § 21. non faciliē sub-
ditos sibi affinitate iungat. ibid. Princeps ingratus fe-
rendus. ibid. sit liberalis, & quomodo liberalitatem colet. § 31. § 32. à se petita si neget, blandē neget. § 32. neminem à se cum mœore dimittat. ibid. eius est; be-
neficiis non vinci. § 35. in dando celer sit, attamen prudens. ibid. sit pronus in clementiam, etiam in pri-
uatis delictis. § 38. § 39. nō sit tamen nimis clemens. § 42. in iniustos iudices, & publica crimina seuerus sit. § 43. § 44. in uxore & fratres cur seuire non de-
beat. ibid. priuatas iniu-
riis cōtemnat & ignoscat. § 45. Princeps crudelis per-
petuo in metu est. § 47. clemens ab omnibus ama-
tur. § 53. eius acerbitate subditorum animi exacer-
bantur. § 59. § 60. acerb-
tatem hanc beneficiis vin-

cat. § 61. vitet iracundiā. ibid. verbis benignis utatur. ibid. sit breuiloquus. § 62. eius mensa modesta sit. § 65. eius incontinentia abut ad omnes. § 68. ma-
matronarum castimonia inuigilet. § 69. amore se-
ptus suorum, quā sit tu-
tus. § 75. praesit ut pater, amabitur ut pater. § 77. Principis variis impe-
rantis prouinciis, est ē sin-
gulis aliquos habere, qui
gentis, & patriæ negotia
curēt. § 80. quomodo ami-
cis uti debeat. § 83. eos di-
gnitatibus & muneribus
ornet. § 84. promerita suo-
rū remuneretur. § 85. mu-
nificus quā sit suis ca-
rus. § 86. in delectu ami-
corum magnam curā po-
nat. § 87. Princeps ma-
lus amicis bonis cinctus,
preferendus bono amicos
habenti malos. § 88. pro-
digalitatem fugiat in dan-
do. § 90. virtutem pra-
miietur solam. ibid. sit con-
stans. § 91. § 92. ei nihil
est statuendum, nisi antē
consultatum. § 93. men-
daces oderit. § 96. sit se-
cretorum

INDEX RERVM.

cretorum tenax. 597.
 adulatores & detractores
 aulæ pellat. 604. in dela-
 tionibus aurem dextram
 det reo, sinistram delatori.
611. innocentia rectus nihil
 metuet. 612. probos in fa-
 miliam sibi adsciscat. 613.
 mores maiorum & vitam
 sibi proponat. 628. memor
 sit humane conditionis, &
 euenire sibi posse coguet,
 que aliis Principibus aut
 viris magnis olim conti-
 gerunt. 636. quomodo
 illatas à se iniurias sit
 reparaturus. 637. à va-
 na ostentatione caueat.
 ibidem. inuentutis insti-
 tutioni incumbat. 638.
 quomodo id facturus. ibi-
 dem. eius exercitationi-
 bus aliquando intersit.
639. artes mechanicas cu-
 ret. 645. doctos viros præ-
 miis ad se aliciat. 654. per
 calamos doctorum ater-
 num viuet. ibid. quales in
 concilium adlegere debeat.
656. 657. non raro consi-
 liis intersit. 665. nihil te-
 mere & precipitanter ag-
 grediatur. ibid. veniat in
 consilium animo non ob-

seffo. ibid. plures in consi-
 lium adhibeat. 666. af-
 fectus exuat in consilio.
667. rem secum excutiat
 antequam deliberet. 668.
 primas regni dignitates
 vni non committat. 680.
 delectu utatur in muniis
 conferendis. 683. ab vno
 suorum non pendeat. ibid.
 Maritimorum locorū ma-
 ximam curā habeat. 689.
 quales consiliarios elige-
 re debeat. 661. moturus
 exteris bellum quomodo
 se gerat, quibus regnum
 fidat. 694. militem suum
 in agrum hostilem mit-
 tat ad prædas. 697. pe-
 tulantiam tamen mili-
 tis inhibeat. 699. ho-
 stiles molitiones nosse ela-
 bore. 701. habeat à
 quibus suorum studia co-
 gnoscat. 702. exerci-
 tum perpetuo vni non
 committat. 704. impe-
 rium maris sibi com-
 paret, si tunc imperare
 velit, & cur. 718.
 veteranos honesto habeat
 stipendio, eorumque vxo-
 res & filios. 725. 726.
 nō offendat claros militia,

INDEX R E R V M

nec consiliorum intimorū
 conscios, nec se credat gra-
 tuiō à se offensis. 726.
727. duella inhibeat. 732.
 eorum mala Deus ab eo
exiget. 734. arary magnā
 curam habeat. 736. nulla
 munera ex eo persoluat.
743. abstineat are fœne-
 rario. ibid. ei dum frugalis
 est, deesse pecunia non po-
 test. 745. pari omnes sub-
 ditos ex quacumque gente,
 affectu prosequatur. 746.
 inuementores rerum & artiū
 nouarū, bene habeat. 765.
 populum à nobilitate ob-
 rui non sinat. 768. quo-
 modo se gerat, dum aliquis
 è Nobilitate populum of-
 fendit. 769. quid populo
 contra Nobilitatem com-
 moto. 770. tūc Ecclesiasti-
 cos sibi deuinctos habeat.
771. item plebem, ibid. po-
 pulo turbato & commoto
 aliquid concedat. 772. in
 delictis tunc dissimulet.
773. ad suorum se ingenia
 accommodet. 774. priuato
 in aliquos affectui indul-
 gere potest. 775. cautè ta-
 men in eo procedat. 776.
 quomodo cum iis se gerat.

778. & seqq. abstineat à
 nimia suorum familiari-
 tate, & momenti res ma-
 ioris p̄ se tractet. 784
 Principum partes fideliter
 semper secuti, muneribus
 donandi sunt. 501. qui eis
 aduersari, beneficis vin-
 cendi ibid. Principum, ad
 quos mittitur, & regni
 mores & bona, noscere al-
 laboret legatus. 461. de
 Principibus, tum suo, tum
 eo apud quem agit, hic vix
 loquatur. 462. Principum
 bona educationi quid ne-
 cessarium. 94. eorum vitia
 quantum subditis noceāt.
104. 105. pro varietate
 subditorum diuersimodè se
 gerant. 105. 106. eorum
 monitores hodie pauci sūt.
113. 114. ipsi suspiciosi
 sunt. 422. nec parcant de-
 linquentibus. 423. Princi-
 pum faciliū & benigno-
 rum erga suos exempla.
520. 521. & seq. & libera-
 lium. 532. 533. & clemē-
 tium. 540. Principum &
 magnatū inquietudo, dum
 timeri volunt. 576. Prin-
 cipum mala dilandat adu-
 lator. 604. doceri detre-
 ctant.

INDEX R E R V M.

Elant. 644. eorum facta &
dila celari nequeunt, sed
omnium calamis & lin-
guis in omnem posterita-
tem transmittuntur. 651.
652. vide Rex.

Privatorum commodorum &
honorum studium causa
fuit bellorum civilium. 304.
305

Privatos quosdam in amici-
tiam interiorum adscisce-
re Regi licet. 775. 776.
quales hi debeat esse. *ibid.*
eorum aliquando in Prin-
cipes insolentia. 777. plures
tales diligere Rex potest:
nō tamen ex infima plebe
aut prima nobilitate, nec
quibus obstrictus est. 778.
senes sint hi: talibus nōn
tradenda regni guberna-
cula, nec reip. munia per
illorum manus distribuenda,
nec omnia illis conce-
denda. 779. iis iniqua pe-
tentibus fortiter occurrē-
dum, amicis horum nihil
concedendum, si rebus
aliis destituantur; Privato-
rum Privatos caueat
Rex. 780. 781. qui inter
hos opibus & honoribus
augendi. *ibid.* non permis-

sat se inficio Rex munera
illis dari. *ibid.* iuri dicun-
do non praesint. 785. iis
Reges non sint nimium
familiares. 784

Probitatem sectetur aulicus,
etiam sub improbo Princi-
pe. 180. probitas & pietas
quantopere in legato lau-
data sit. 467. nam ē probus
legato de Rege cum mit-
tente fertur iudiciū. 468.
probitas Principis excita-
bit subditos ad imitatio-
nem. 618. 619. 626. 629

Probissimos quosque etiam
improbi Principes publi-
cis muniis praeficiunt. 181.
probus solus amicitia di-
gnus. 578. 588.

cum Proditoribus in bello
caste agendum. 354

Profusio verborum quā no-
xia & turpis. 562. 563

Promerita suorum remune-
retur Princeps. 585

in Promissis parcus sit lega-
tus. 427. promissa rescin-
dere barbarum est. 595.
scelerata tamen & impia
rescindenda sunt. 116

Promouendi à Principe non
sunt, quos nec aliena vir-
tus, nec propria commen-

INDEX RERVM.

- dat. 590. 591. *quinam in hoc peccarint.* *ibid.*
- Propensiones puerorum serio sunt obseruande ab instructore.* 80. 86. 87. *propensioni naturali, si modò bona sit, aliquid dandum in educatione pueri.* 98
- Propugnaculis prouinciarum gubernatores Rex, nò alius praeferat.* 686. *quibus ea credenda.* 688. *non sint hi perpetui, habeant etiam à Rege substitutum vicarium.* *ibid.* *propugnaculis limitaneis de bellico com-
meatu & domestico in an-
nim.* *providendum.* 688. *iis nimia praesidia saepe no-
xia.* 689. *iis bene armatus miles imponendus.* *ibid.*
- Prouinciales prouincialium suorum negotia in aula cu-
rent, & quanti ad amorem id referat.* 581
- Prudens quomodo se habeat in secundis.* 243. *iis non insolescat.* *ibid.* *beneuolus sit in omnes, neminem of-
fendat, & offensam laesus dissimulet.* 244. *prudentes non accusant fortunam.* 302. & *si quid secus ac-*
- cidat, quàm iis sit consul-
tum, non accusabunt con-
sultorem.* *ibid.*
- Prudentia necessaria in lar-
giendo opes.* 267. *ferè ho-
mines ab euentu metiuntur.* 300. *ipsa est prima
Ducis virtus.* 344. *ea in
legato requiritur.* 409. *ipsa in donando semper
necessaria.* 408. *sine pie-
tate nihil aut parum pro-
dest.* 620. *prudencia &
eloquentia raro in vno si-
mul reperiuntur.* 448
- Pudicitia morti praeponenda.* 119.
- Pueri quomodo glorià vel
ignominià excitandi.* 86. *pueri quomodo educandi,
erudiendi, efformandi à
teneris.* 88. 89. *sequuntur
vitia & mores suorum
pedagogorum.* 90
- Punitio & infelix exitus eo-
rum, qui in Principem
suum infidi fuere & cru-
deles.* 121. 122. 123
- Pyrrhi Epirota clementia in
maledicos.* 506
- Q
- Q** *Verelas populi non ne-
gligat Princeps.* 768
Rari

INDEX R E R V M.

R

R *Ari* boni Principes.
617. raritatis huius
 causa. *ibid.*
Rebellium etiam ciuitatū le-
 gati sacrosancti sunt. 442
Receptui in bello necessaria
 procuranda. 336
Recreationes honestas tan-
 tum Princeps sectetur. 116
Regna dant parentes, electio,
arma. 492. & quod inter
 ea discrimen quoad stabi-
 litatem. *ibid.* regnorum
 magnitudo è quibus nata.
427. regno tuendo quanā
 sint necessaria. 503. 504
Religio & pietas regnorum
 propugnacula. 619. reli-
 gionem fortissimè legatus
 tuebitur. 469. religionem
 semper & libertatem pra-
 tiendunt noua regna oc-
 cupantes. 496
Religionis Catholica vis &
 splendor. 623
Reges multi etiam sancti fue-
 runt. 8. multi etiam litte-
 rati fuere, & lectioni li-
 brorum dediti. 652. multi
 monasticam vitam sunt

professi. 627. in certamen
 scientiæ, artis, viriū cum
 subdilo non descendant.

643. Regum pericula &
 anxietas. 499. his non est
 fidendum. 530. Regum est
 beneficiis non vinci. 535.
Regum impiorum exitus
 infelices. 625. 626. Reges
 abstineant à nimia suorum
 familiaritate. 784. res
 maioris momenti per se
 tractent. *ibid.* vide Prin-
 cept. Regum VVandalo-
 rum, Visigothorum, Ostro-
 gothorum, Longobardorum
 aliquot, infelix exitus.

293

Robori, non numero, fiden-
 dum. 328

Romanorum militum exer-
 citatio. 309. *Romani* etiam
 peregrino milite vsi. 316.
 triplicem aciem instruere
 solebat. 335. in periculis in
 orbem se tutabantur. *ibid.*
 exercitum vallo & fossā
 claudabant. 336. per lega-
 tum Hannibali necē stru-
 xerunt. 794. 795. eorum le-
 gatorum munera spernen-
 tium exempla. 419. 420.
444. adittebant munera à

G g g 4

INDEX R E R V M.

legatis palam oblata. 420
 legatos laesos semper bello
 vindicarunt. 437. ipsi eos
 tamen aliquando laeserunt.
438. statuas posuerunt le-
 gatis caesis. 439. etiam
 morbo extinctis. 440. eo-
 rum erga victos clemen-
 tia. 505. 541. 542. in suos
 ingratiitudo. 529. liberali-
 tas. 533. fuere fidei semel
 datae obseruatissimi. 593.
 aliquando hostilibus vr-
 bibus pepercerunt, ali-
 quando diruerunt, aut mu-
 nitionibus spoliarunt, aut
 in pradam militi dede-
 runt. 700. disciplinam
 militarem quantopere co-
 luerint. 714
 Rudolphi Imp. facilitas. 522.
 P. Rupilius quomodo ad al-
 tiorem fortunam ascende-
 rit. 291
 Rutilius Censorinus honorum
 fuit contemptor. 283

S

Saeculum praesens hono-
 rum quam sit anidum.
284. eius ambitio vete-
 rum superat. 498
 Sani principes fugiendi. 128

Sauire in militem pradato-
 rem, negatis stipendiis, du-
 rum. 737
 Sautia exempla, ferè infeli-
 cia. 508
 Saluius Orho quomodo mili-
 tarem tumultum compo-
 nat. 378. & à sanguine ci-
 uili deterreat. 380
 Sanguini nihil dandum in
 delectu Pralatorum Ec-
 clesiasticorum. 671. 672
 per Scelera plerique via sibi
 ad magna sternunt. 615
 Scientiarum esse debet delectus.
217. difficile ex omni sci-
 tia laudem referre. ibid.
 scientia vni serio incum-
 bendum iis qui magna spe-
 rare volunt. ibid.
 Scipionis paupertas. 279.
 quomodo suos milites im-
 pulerit. 372. 373. quam
 discipline militaris fuerit
 studiosus. 707. 717
 Cn. Cornelius Scipio Asina
 ex captiuo Consul factus
 est. 291
 ad Scriptionem pauci ido-
 nei. 204. ipsa quamdam
 aternitatem dat. 220.
 scriptioni materia deli-
 genda, ad quam natura
 ducimur. 222

Scriptio

INDEX R E R V M.

Scripto agendum cum Principe inconstante, obliuiofo & tyranno. 136

Scriptores in vno ferè volumine gloriam referunt, & seipfos superant. 217. iis laus ferè in vno genere scripti stetit. *ibid.* scriptores ad scribendum quomodo animentur. 223. hi Principes æternum viuere faciunt. 655. 656

Secretum omne uxori non committendum. 63. secretorum à Principe commissorum audicus sit tenax custos. 172. secreta sua seruet sibi dux militaris. 325. secretorum regiorum proditores grauiter puniendi. 598. ea non sunt scrutanda. 136. secreta taciturni exempla. 598. 599. vnde fiat, ut secreta Principum euulgentur. *ibi.* secreti legibus mulier non videtur teneri. 652. quisquis secretum suum mulieri commisit, vulgari voluit. 660

Secunda res magis nos probant quàm aduersa. 240. iis non est fidendum. *ibid.* timide per illas eundum.

241. in secundis cogitanda aduersa. 243. quomodo in iis se geret vir prudens. *ibidem.*

Securitas nulla à crudelitate est. 100. securitas in robore est. 390. securitas nulla peccatoribus. 476. 477. in parua & modica est. 498

Seditionibus militarib. quomodo fortiter occurrendum. 358. hæ omni auro fuerunt. 360. earum remedia varia. 364. seditiones nata à malè administrato erario. 738

Seiani Gallici catastrophe. 190. 191

Semina virtutum innata nobis, numquàm penitus emoriuntur. 74

Senatus dedecore non est afficiendus populo commoto. 768

Seneca de educatione opinio. 87

Senectus veneranda. 108. ipsa prudens est præ iuuentute. 409. 410

Senes sint moribus bono exemplo iunioribus, & cur. 98. senum natura & mores. 175. hi imperio aptiores,

G g g 5 la

INDEX RERVM.

laborib. iuuenes. [410. tales](#)
in priuatos Regum asci-
scendi. [779](#)
Sententias iniquas quomodo
pronuntient iudices. [146.](#)
sentētia Principis nostra,
licet saniori , quomodo
preponenda. [645](#)
Septimius Seuerus *Imp.* *quā*
esset studiorum amans.
652. eius simulatio. [200](#)
Seruile pectus minis, seueri-
tate, pœnis ducitur. [106](#)
Seruilij Capionis in Viriatū
feritas Romanis displic-
cuit. [457](#)
Seruorum quorūdam in do-
minos amor. [45](#)
Seueritas in omni punitione
delicti benignitate tem-
peranda. [774](#)
Seuerus Albinum quomodo
per legatum subuerterit.
[324.](#) *ipse ad Vandalos*
legatus quā genere
munera cōtempserit. [419](#)
Sexus muliebris descriptio.
[57. 18.](#)
Simplex oratio , sincera est.
[206](#)
Simulatio ingeniosior veri-
tate. [22.](#) *simulatio, dolus,*
fallacia , familiaria sunt
aula. [164. 165.](#) *ipsa auli-*

co imprimis necessaria.
[168.](#) *est nonnumquam*
adhibenda. [193.](#) *exem-*
pla eorum qui commodo
suo simularunt. ibidem.
simulatio prudentie so-
cianda. [194. sed perpetua](#)
simulatio damnāda. [196.](#)
simulantium mores &
fraudes. [197.](#) *simulata*
pietas , improba & cru-
delis est. [198.](#) *simu-*
latoribus non est fiden-
dum. ibidem. interdum
simulare oportet. [201.](#)
maximè Superiori in e-
mendandis vitijs suorum.
[202.](#) *& inferiori in vi-*
tijs Superiorum. ibidem.
simulatio Duci militari
subinde est necessaria.
[347.](#) *vti & legatis.* [427.](#)
simulatio pietatis in aula
viget. [615](#)
apud Sinas nonnisi doctis
magistratus committun-
tur. [556](#)
Socij & spectatores inuiant
ad malum. [11.](#) *socij ta-*
les pueri dandi , qui na-
ture eius vitia contrarijs
virtutibus corrigant. [86](#)
Spes vitiorum vitrix est.
[23](#)

Sordes

INDEX R E R V M.

Sordes vestium damnanda,
nisi in castigationem ul-
tro assumantur. 236

Statue posite à Romanis ce-
lis legatis. 352

Stipendia militi exactè sol-
uenda. 358. hac rei mili-
taris basis. 705. hac re-
gni vectigalia ne supe-
rent. 706. stipendia re-
gia inertibus non sunt
persolvenda. 738. 739.
militi augenda minime
sunt. 747

Stipendio liberali legati ha-
bendi. 469. uti & ij qui
reipub. muneribus admo-
uentur. 657

Stratagemata veterum plu-
rima recensentur. 345

Studia pariunt tranquilli-
tatem & magnos animos.
220. 221. sola propè po-
steritatem norunt. ibi-
dem.

Stultiia peccantium. 420.
421

Subditi parere Superioribus
debent. 117. subdito-
rum animos conciliandi
Regi modus. 580

Subito respondere legatis nū-
quam consuliū fuit. 464.
465. & cur. ibid.

Summa, etsi periculosa, mul-
tis placent, & ima di-
splicent. 687

Superborum exitus funestus.
556

Superiori quæ vitæ ratio in-
stituenda, eius vita, re-
gula subditorum esse de-
bet; amari velit: Supe-
riorum bona malæque te-
gi non possunt. 101. 102.
cur Superioribus virtuti
incumbendum; eorum vi-
tia transeunt in inferio-
res. 102. 103. comita-
tem & benignitatem in-
duant. 105. veri Supe-
rioris est, cum plurimum
possit, minimum velle.
108. sit accessu facilis.
ibidem. clementior au-
diri malit, *quàm seue-*
rior. 112. patris per-
sonam induat. 113. Su-
perioribus obediant infe-
riores. 117. eorum, etiam
impiorum, morbi feren-
di. 118. etiam dyscolis
obediendum. 119. Supe-
rioribus honor tribuendus.
132

Supplicia totius delinquen-
tis exercitus moderata
sint. 222

Sn5pe

INDEX RERVM.

*Susceptorum consuetudinem
ab uxore & domo lega-
tus arceat.* [460.461](#)

*L.Sylla & Marij concerta-
tio.* [290.](#) *L.Sylla crudeli-
tas.* [547](#)

T

T *Acitus Imp. uxorem
nō est passus uti gem-
mis.* [237.](#) *studijs fuit ad
stuporem deditus.* [652](#)

*Tardus est aliquādo in bel-
lo noxia.* [337](#)

Temeritas in bello damnāda.
[340.](#) *fugienda.* [341.](#) *quām
sit noxia.* [347.](#) *temerita-
tis infelicitis exempla.* *ibid.*

*Temerarij conatus nonnum-
quam felices.* [301](#)

*Temperantia priscorū Ro-
manorum.* [566](#)

*Testis nobis aliquis propo-
nendus actionum nostrā-
rum.* [474](#)

*Themistocles quomodo lega-
tione suā Lacedaemonios
eluserit.* [466](#)

Theodosij Imp. clementia.
[505.](#) *facilitas.* [524.](#) *libe-
ralitas.* [534.](#) *moderatio in
cibo.* [567.](#) *familiaritas er-
ga suos.* [574.](#) *quām suis
esset carus.* [578.](#) *fidei se-
mel data fuit tenacissi-*

mus. [597.](#) *quām sedulus
in castris fuerit.* [711](#)

*Theologi an Iuriscōsulti Ec-
clesijs praeferendi.* [675](#)

*Tiberij Caesaris in amicos
crudelitas.* [191.](#) *eius vafri-
ties & immanitas.* [199.](#)
[200.](#) [548](#)

*Timoleontis Atheniēsis mo-
destia & moderatio.* [569](#)

*Timor Dei & futurorum, &
iudiciorum occultorū acer
stimulus ad fugienda pec-
cata.* [481.482.](#) *timor &
supplicij eorum qui cru-
deliter imperāt.* [549.550.](#)
*timor & amor quomodo
differant.* [573.](#) & seqq.

*Tironi quid in militia fa-
ciendum.* [312](#)

*Tui Imperatoris clementia
in hostes.* [504.540.](#) *eius
facilitas.* [522.](#) *quām suis
fuerit carus.* [579.](#) *adula-
tores quām detestaretur.*
[607.](#) *item detractores.*
[610.](#) *eius vitæ integritas.*
[613.](#) *eius in agros & sau-
cios milites beneuolentia.*
[727](#)

Traiani Imp. facilitas. [523.](#)
eius clementia. [543.](#) *sedu-
lus disciplina militaris
fuit observator.* [711.](#) *eius*

INDEX R E R V M.

in milites agros benivolentia. § 28. ei fugali nūquam aliquid in arario defuit. 746

Tranquillitas omnis à studijs paranda. 220. nulla venit è magnitudine. 295

Tristes in amicos non deligendi. 35

Triumvirale bellum tempore Octavij unde ortū. 305

Tumultus militaris paucorum pœnâ auertendus. 378

Turpitudine peccati quanta sit. 478

Tyrannis omnis iniusta est ac brevis. 542

Tyrannorum perpetuus timor. 550. & seqq. & 575. eorum est solo metu suos continere. 576

V

Valentini ad Turcas legati constantia. 417

Valerij Publicolæ paupertas. 279

Vbera mulier temerè non denudet. 60

Velitationibus leuibus hostiū vires subinde tentandæ. 339

Venditio munerum nulli permittenda, & qua inde damna sequantur. 658

Venerationem à vestibus veniuntur qui à virtute non possunt. 238. venerationē apud suos milites Dux retineat. 320

P. Ventidius è captiuis Consul factus est. 291

Verba mollia iratos animos placant. § 61. § 62. verbis apud Principem parcat aulicus. 174. verborum paucorum sit Princeps. § 62. § 63.

Verecundia potissima adolescentie est virtus. 81

Veritas fingere nescit. 22

Vespasianus Imp. quā arte militarem disciplinam restituerit. 621. eius facilitas. § 21. clementia. § 40

Vestis indicium animi est.

225. vestium hodiernarū varietas. 230. vestis est peccati pœna. 232. eius fatua gloriatio est. 233.

hacque gloriatio delicto non caret. 234. à veste variarum gentiū ferè vitia sumuntur. 235. vestis mollis non dabit fortes viros. ibid. maxima ingenia ferè vestem negligunt. 236.

vestium ornatus ingenij feminei est. ibid. earū sor-

des

INDEX RERVM.

des damnanda, nisi in pœnam ultro assumpta à virtute. ibid. à veste venerationem venantur, qui à virtute non possunt. 138. vestes diuitum quam incommode, & prater usum primæ inuentionis. 275. 276. veste patriâ viatur legatus. 451

Veterani milites subinde in consilium adhibendi. 350. & illi propè soli. ibid. hi à Principe honesto stipendio habendi, eorûmque uxores & filij. 725. 726

Victoriæ pietatæ plures obtenta, quam armis. 620. 621. victoriâ à subdito semper, in omni concertatione, Principi concedenda. 643

Videri, occasio peccandi. 11. 12

Vincendum aut moriendum si dicatur, nil potentius. 378

Vini damna. 561

Viri magni presentia animus à vitij renocandus. 4. viri magni multi facti sunt post infamē adolescentiam. 73

Vir ille beatus est cui obigit

uxor morata & sedula. 66. vir fortis aduersa & secunda fortune se non credet. 242. quomodo in aduersis se geret. 245. quomodo in detractione. 248. vir fortis quomodo se habere debeat inter Principis minas, si ei bene fidēque consulat. 256

Virtus pacem internam conciliat. 2. & 3. ipsa sola nobilitat. 160. virtutes magnorum proponende in imitationem. 4. virtutes quæ necessaria viro ad magna & honores euecto. 296. ea sunt opes animi. 269. magni ad eas calcare premia sunt. 179. illas tollit qui hæc tollit. 589. nullas virtutes sine mercede transire sinat Princeps. ibidem. virtutes solas pramietur. 591. virtutis & magnitudinis causa premia. 591. virtutem sequitur honor ut umbra. 284. virtutis solius ratio in Ecclesiarum Prelatis habenda. 670. virtutis maior ratio habenda, quam nobilitatis.

INDEX RERVM.

tais. 731

Visitare quomodo & quando se inuicem debeant legati. 472

Vita ratio optima & celestis incunda. 1. 2. vita longissima à scriptione venit; non ab opibus purpura, sceptris, bello. 219. 655. vita Principis ad virtutem & vitia via est. 629

Vitia pacem mentis tollunt. 2. 3. sunt eradicanda, si non omnia simul, saltem aliqua. 3. fecunda sunt, & sponte proueniunt. *ibid.* quotidie aliquod ex illis superandum. 4. vitia aliorum proponenda in fugā. 5. in vitiorum emendatione Superior nonnumquam dissimulet. 20. & praesertim inferior in vitijs Superiorum. 202. vitia malignitatis aliquid proximo & familiari affricant. 34. vitijs aliorum irascendum, ut nostris. 112. vitia ante regnum testā, in regno se produnt. 493

ex Vnguibus non raro de homine indicatur. 84

Vni rei serio incumbendum à qua laus speranda. 219. vni omnia Regum beneficia conferri cur sit noxium. 683. vnus omnibus obeundis impar est. 685. vni summum imperium in administratione rerum magnarum committendum. 704. vni non omnia fidat Princeps. 666

à Voce iudicium de animo sumitur. 83

Voces liberiores populi contemnere magnorum est. 545. quomodo in his se gerat Princeps. *ibid.*

Vocula Romanus Dux quomodo suos inhortatus sit. 382

Voluptas qualis militi concedenda. 320. voluptati nulli seruire regium est. 569

Vrbani VIII. Pont. Max. carmen de adulatione aulica. 608. eiusdem ad Pontificatum euectio. 676. 677

*Vrbano*rum octo Pontificum elogium. 679. 680

Vsus & consuetudinis quāta vis. 381

Vultus est animi index. 81. 85. vul

INDEX RERVM.

85. vultus tristitiam & morositatē caueat Princeps, hilaritatem induat. 525. & seqq.
Vxor iracunda non deligenda. 56. *vxor qualis deligenda.* 58. non nimis blāda, nec rustica, nec tenera nimis, nec eloquens nimis, non culta nimis. 59. non nimis musica, non nimis docta, non multarum linguarū perita. 62. 63. ipsa non habenda ut ancilla, nec ut domina. 68. optimarum cōtubernio assuescat. 69. *vxor an legato circumducenda.* 457
exempla afferuntur feminarum viros in castris secutarum. ibid. vxor legatum virum sequatur in

longiore legatione. 459. ei Principis secreta non cōmittēda à viro. 459. *vxo- res legatorum iisdem sint conditionibus quibus mariti.* 472

Vxorie preces quomodo emoueant indicem in sententia peruertenda. 45.

146

X

X Erxis Persarum Regis fastus. 556

Z

Z Enobia Palmirenorum Regina *elogium.* 458
Zoticus Heliogabali Imper. parasitus & adulator. 782. 783



F I N I S.



